

**INATSIARTUT  
OMBUDSMANDIATA  
UKIUMOORTUMIK  
NALUNAARUTAA  
2005**

F:\Nalunaarut 2005\3Samlet.2005.fm 07-08-06 12:5 k01 xx

SCHULTZ GRAFIK a/s

ISSN 1396-6782

## IMAI

<b>Siulequt</b> .....	<b>6</b>
<b>1. Atorfeqarfimmi pissutsit nalinginnaasut</b> .....	<b>7</b>
1.1 Sulisut.....	7
1.2 Angalanerit, tikeraarnerillu, nunanillu allanik suleqateqar- neq .....	7
1.3 Ombudsmandip pisinnaatitaanera .....	8
1.4 Allanik suleqateqarneq .....	10
1.5 Missingersuutit, naatsorsuutit kukkunersuinerlu .....	11
<b>2. Kisitsisit atorlugit takussutissiat</b> .....	<b>11</b>
Suliat agguataarneqarneri. Titartagangorlugit takussutissiat	
<b>3. Apeqqutit ingerlatsinermi inatsiseqartitsinermut     tungasut pillugit ataatsimoortumik oqaaseqaatit</b> .....	<b>27</b>
<b>4. Suliat suliniutillu nammineerluni misissugassanngortitat     kommuninullu tikeraarnerit</b> .....	<b>35</b>
<b>5. Suliat nalinginnaasumik soqutiginaatillit, inatsiseqartitsif-     finnut agguataakkat</b>	
<b>11.01 -11.09 Namminersornerullutik Oqartussat</b>	
<i>07. Utertitassanngortillugit ikiorsiissutit</i>	
1. Piffissaq Isumaginninnermi Naammagittaalliuuteqartarfiup suliamik suliarinninnermut atugaa. Naammagittaalliuutitut su- liap Naammagittaalliuuteqartarfimmi tammaaneqarnera.....	61
<i>08. Annertussusilerikkani ikiorsiissutit</i>	
1. Piffissaq Naammagittaalliuuteqartarfiup sulianik suliarin- ninnermut atugaa pillugu naammagittaalliuut.....	72
<i>29. Ineqarnermut akiliutinik naatsorsuineq</i>	
1. Ineqarnermut akiliutit qaffaatissaattut ilimasaarutaasut pil- lugit naammagittaalliuut .....	85
<i>39. Allat</i>	
1. Oqartussaasup qulliunerusup naammagittaalliorfigineqar- tup misissuisussaataitanera .....	101

<i>47. Akitsuutit</i>	
1. Akitsuutit pillugit aalajangersakkap atortinneqannginnis- saanik immikkut akuersissuteqarnissamut inatsisitigut tun- ngavissaqannginneq .....	114
<i>69. Aningaasalersuineranut tapersiissutit</i>	
1. “Umiatsiaaqqat inuussutissarsiornermut tapersiisarfimmit taarsigassarsiatigut aningaasalersorneqartut tunniunneqar- nerini piumasaqaatit assigiiaartunik oqaasertalersugaasut” akuerineqarnerat sioqqullugu pisortaqaarfiup sulianik sulia- rinninnera .....	118
<i>96. Pigisat pillugit inatsiseqartitsineq</i>	
1. DR1-ip aamma DR2-p aallakaatittagaannik najukkami aalla- kaatitsinissap itigartitsissutigineqarnera aamma KNR-ip Dan- marks Radiomut TV2 Danmarkimullu isumaqatigiissutaani allagaatinik paasitinneqarnissamik qinnuteqaatip KNR-imit itigartitsissutigineqarnera pillugit naammagittaalliuutit .....	136
<i>97. Atuisartut Pisisartullu</i>	
1. Piffissaq Atuisartunut Pisisartunullu Maalaaruteqartar- fittut Ataatsimiititaliap suliamik suliarinninnermut atugaa pillugu naammagittaalliuut .....	159
<i>99. Allat</i>	
1. Aalisariummik pisinermit inuussutissarsiutinut tapersiis- sutinik aningaasalersuineranut atatillugu suliamik suliarin- ninneq pillugu naammagittaalliuut.....	177
<b>11.10 - Kommunit</b>	
<i>21. Pisussaaffiit, pineqaatissiissutit soraarsitsinerlu</i>	
1. Isumaqatigiissutaasumik soraarsitsineranut atatillugu kommu- nip suliamik suliarinninnera pillugu naammagittaalliuut.....	193
<i>45. Erniat</i>	
1. Akileraarutit ernialerneqarnerat pillugu naammagittaal- liuut .....	207
<i>49. Akiliisitsiniarnermik suliaqarneq</i>	
1. Kommunip akileraarutinut akiitsunik akiliisitsiniarnera pillugu naammagittaalliuut .....	232

**11.73 - Nammineerluni misissuiffiginninnerit**

<i>24. Sulisunut inissiat</i>	
1. Sulisunut inissianik innersuussisarneq .....	248
<i>25. Allat</i>	
1. Pisortaqarfiup A/S Inissiaatileqatigiiffik INI-mik nakku- tilliinera .....	253
<i>35. Illuliornermut tapersiissutit</i>	
1. Akiliutissat akiligassangortut taarsigassarsiallu amiakkuisa isumakkeerneqarnissaannik qinnuteqaatinik aqutsineq pillu- gu Namminersornerullutik Oqartussat nalunaarutaata nr. 10-p, 18. april 2002-meersup inatsimmi tunngavigisaa .....	268
<i>75. Ilinniarfimmi ilinniartussanik tiguisisarneq</i>	
1. Efterskolimiinnermut tapiissutininik qinnuteqaammik sulia- rinninneq .....	280
<i>80. Innuttaasunut paasissutissiisarneq</i>	
1. Pisortanit ikiorsiissutininik utertitassangortillugit ikiorsiis- suteqarnermut atatillugu kommunit periaasiannik ataatsimut misissuiffiginninneq.....	295
<i>88. Kommunimut tikeraarneq</i>	
1. Sulianik siusinaartumik soraarnerussutisianut tunngasunik misissuinnermi ataatsimoortumik oqaaseqaatit .....	304
2. Sulianik siusinaartumik soraarnerussutisianut tunngasunik misissuineq, suliaq ataaseq .....	341
3. Sulianik akiliisitsiniarnermut tunngasunik misissuineq .....	344
4. Sulianik akiliisitsiniarnermut tunngasunik misissuineq .....	357
<b>6. Sulianut ukiuni siusinnerusuni nalunaarutini eqqartor- neqartunut malitseqartitsineq. Naammagittaalliutit pillugit suliat.....</b>	<b>371</b>
<b>7. Sulianut ukiuni siusinnerusuni nalunaarutini eqqar- torneqartunut malitseqartitsineq. Suliat nammineer- luni misissugassangortitat.....</b>	<b>401</b>
<b>8. Oqaatsinik ujarliutit.....</b>	<b>438</b>

## Inatsisartunut.

Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 10, imm. 2-kkut aalajangersarneqarpoq Ombudsmandi sulinini pillugu Inatsisartunut ukiumoortumik nalunaaruteqartassasoq. Nalunaarut taanna naqinneqassaaq tamanullu saqqummiunneqarluni, Ombudsmandillu sulinera pillugu Aalajangersakkat Nalinginnaasut, Inatsisartunit 14. juni 1995-imi aalajangersarneqarsimasut, malillugit Inatsisartut aappasaanik ileqquusumik ataatsimiinneranni tunniunneqartussaalluni. Nalunaarut taanna qaammatsiutit ukiuanni qaangiuttumi Ombudsmandip suliarisimasaanik imaqtartussaavoq.

Suliat Inatsisartut Ombudsmandiat pillugu Inatsisartut inatsisaanni § 10, imm. 3 naapertorlugu ukiumoortumik nalunaarummi saqqummiunneqartut oqartussaasut pissutsit isornartorsiorneqartut pillugit nassuiaataannik ilaqartinneqartussaapput. Tamanna tunngavigalugu ukiut Ombudsmandeqarfiup nalunaarusiorfigisaasa aqqarnat pillugu nalunaarut makkuninnga imaqtarpoq:

1. Atorfeqarfimmi pissutsit nalinginnaasut:
  - 1.1. Sulisut
  - 1.2. Angalanerit tikeraarnerillu, nunanillu allanik suleqateqarneq
  - 1.3. Ombudsmandip pisinnaatitaanera
  - 1.4. Allanik suleqateqarneq
  - 1.5. Missingersuutit, naatsorsuutit kukkunersiuinerlu
2. Kisitsisit atorlugit takussutissiat
3. Apeqqutit ingerlatsinermi inatsiseqartitsinermut tunngasut pillugit ataatsimoortumik oqaaseqaatit
4. Suliat suliniutillu nammineerluni misissugassanngortitat kommuninullu tikeraarnerit
5. Suliat nalinginnaasumik soqutiginaatillit, inatsiseqartitsiffiusunut agguaatakkat
6. Sulianut ukiuni siusinnerusuni nalunaarutini eqqartorneqartunut malitseqartitsineq - Naammagittaalliutit pillugit suliat
7. Sulianut ukiuni siusinnerusuni nalunaarutini eqqartorneqartunut malitseqartitsineq - Suliat nammineerluni misissugassanngortitat
8. Oqaatsinik ujarliutit

**Nuuk, august 2006**

**Vera Leth**

## **1. Atorfeqarfimmi pissutsit nalinginnaasut.**

### **1.1. Sulisut**

Oqalutsi/nutserisoq Peter Mathiassen Atorfeqarfimmi atorfimminit 2005-imi januarip qaammataata naanerani tunuarpoq. Agathe Larsen atorfimmi inuttaqanngitsumi tassani 1. februar 2005-imi atorfinitsippara.

Fuldmægtig Heidi Becker-Rasmussen Atorfeqarfimmi atorfimminit 2005-imi januarip qaammataata naanerani tunuarpoq. Kristoffer Cyganiak fuldmægtigitut atorfimmi inuttaqanngitsumi tassani 1. maj 2005-imi atorfinitsippara.

Oqalutsi/nutserisut pisortaat Amalie Skøtt Atorfeqarfimmi atorfimminit 2005-imi februarip qaammataata naanerani tunuarpoq. Atorfeqarfimmi oqalutsi/nutserisoq Jørgen Hansen oqalutsi/nutserisut pisortaatut atorfimmi tassani 1. marts 2005-imi atorfinitsippara. Aammattaaq Arnaq Nielsen oqalutsit/nutserisutut atorfimmi inuttaqanngitsumi 1. maj 2005-imi atorfinitsippara.

Allaffimmi fuldmægtig Pia Marie Kleist atorfimminit 2005-imi februarip qaammataata naanerani tunuarpoq. Laila Larsen atorfimmi inuttaqanngitsumi tassani 1. juni 2005-imi atorfinitsippara.

Fuldmægtig Elisabeth Bøggild Nielsen atorfimminit 24. maj 2005-imi tunuarpoq. Atorfik inuttaqanngitsoq taanna ukiup naanerani suli inuttalinngilara.

Fuldmægtig Anne Marie Wegerslev Hansen Atorfeqarfimmi atorfimminit 2005-imi septemberip qaammataata naanerani tunuarpoq. Atorfik inuttaqanngitsoq taanna ukiup naanerani suli inuttalinngilara.

2005-ip naanerani sulisut uku Atorfeqarfimmi sulisorineqarput:

Inatsilerinermi pisortaq Michael Mikkelsen

Oqalutsi/nutserisut pisortaat Jørgen Hansen

Immikkut siunnersorti Malene Kleist

Oqalutsi/nutserisoq Agathe Larsen

Oqalutsi/nutserisoq Arnaq Nielsen

Fuldmægtig Kristoffer Cyganiak

Allaffimmi fuldmægtig Laila Larsen

### **1.2. Angalanerit tikeraarnerillu, nunanillu allanik suleqateqarneq.**

2005-imi tikeraarnerit uku naammassivakka:

Martsip qaammataani: Qaqortup Kommunianut aamma Nanortallip Kommunianut tikeraarnerit.

Folketingip Ombudsmandiata ukiunik 50-inngortorsiorluni nalliuttorsiorneranut atatillugu Københavnimi nalliuttorsiorneri martsip qaammataani peqataavunga.

Junip qaammataani: Nuup Kommuniiani akiliisitsiniartarfimmut tikeraarneq, tassanilu suliat akiliisitsiniarnermut tunngasut 100-t misissugasatut tiguakka.

Septemberip qaammataani: Upernaviup Kommuniannut tikeraarneq.

Novemberip qaammataani: Ilulissat Kommuniannut tikeraarneq.

Nunat Avannarliit Killiit Ombudsmandiisa Savalimmiuni Thorshavnimi decemberip qaammataani ataatsimiinneranni peqataavunga.

### **1.3. Ombudsmandip pisinnaatitaanera.**

#### **Suliat suliarineqarneri peqataasinnaatitaangiffimmut Ombudsmandip nalunaarutigisimasai. (J.nr. 11.01.56.30/084-05)**

Suliami ataatsimi suliamik suliarinninnermi peqataasinnaatitaananga nalunaarutigaa, tassami naammagittaalliuut taanna suliniaqatigiiffimmit uima siulersuisuni ilaasortaaffigisaanit tunniunneqarsimammat.

Naammagittaalliuut Inatsisartut Inatsisit Atortinneqarnerannut Ataatsimiititaliaannut ingerlateqqillugu nassiuppara, Ataatsimiititaliaallu Ombudsmandimut taartaasartuq (Folketingip Ombudsmandia, professor dr. jur. Hans Gammeltoft-Hansen) qinnuigaa naammagittaalliuut suliareqqullugu.

Ombudsmandimut taartaasartup suliamik sulilarinninnini naammassivaa, suliallu taassuma immikkoortoq 3-mi ilanngunneqarnissaa toqqarpara.

#### **Peqqussutissatut siunnersuut pillugu oqaaseqaatini Ombudsmandip tusarniaavigineqarnera pillugu paasissutissaq kukkusoq. (J.nr. 02.00.-09)**

Inissianik attartorneq pillugu Inatsisartut peqqussutissaat nutaaq pillugu missingiut pillugu tusarniaatitut allakkat Ineqarnermut Attaveqatigiinnermullu Pisortaqarfimmit 10. september 2004-mi tiguakka.

Pisortaqarfik allakkani 14. september 2004-meersuni nalunaarfigaara tusarniaaneq akisinnaangikkiga:

"Inissianik attartorneq pillugu Inatsisartut peqqussutissaattut pisortaqarfiup siunnersuutaa 10. september 2004-mi tiguara.

Tamatumunnga atatillugu oqaatigaara Naalackersuisut inatsisissatut piareersaataasumik suliaqarnerannut atugassamik tusarniaanermut akissuteqarnissara atorfiga naapertorlugu susassaqarfigisama avataanniittoq, tusarniaanermut taamatut akissuteqarneq uanga Inatsisartunut, takuuk Ombudsmandi pillugu inatsimmi § 3, Tunngaviusumillu Inatsimmi § 55, attuumassuteqannginninnut naleqqussinnaangimmat.

Malugeqqarali suliat ilaanni Ombudsmandi pillugu inatsimmi § 11 malillugu malittarisassani inissianik attartorneq pillugu Inatsisartut peqqussutaannut attuumassuteqartuni atuuttuni amigaatit pillugit Naalackersuisunut nalunaaruteqartarsimagama, taamatullu suliat ilaanni Inatsisartut peqqussutaannik qanoq paasinninissamut atatillugu inassuteqaateqartarsimallunga.



Inatsisissatut siunnersuut nassiuqqartoq uanga tunginnit oqaaseqarnissamut tunngavissaqartitsinersoq sulianut taakkununga atatillugu toqqarlugu isummerfigiumaarpara."

Taamaakkaluartoq Naalakkersuisut inissianik attartorneq pillugu peqqussutissatut nutaatut siunnersuut Inatsisartut 2005-imi upernaakkut ataatsimiinneranni saqqummiuppaat, siunnersuullu pillugu oqaaseqaatinit erserpoq siunnersuut Ombudsmandimut tusarniaatigineqarsimasoq.

Inatsisartut Inatsisit Atortinneqarnerannut Ataatsimiititaliaannut tamatumunnga atatillugu 15. april 2005-imi imatut allappunga, assilineri Naalakkersuisunut nassiullugu:

"Inissianik attartorneq pillugu Naalakkersuisut Inatsisartut peqqussutissaattut siunnersuutaat agguanneqartoq tiguara.

Inatsisissatut siunnersuutip nalinginnaasumik oqaaseqaatitaani imm. 9 "Oqartusaasunik soqutigisaqaqatigiiffinnillu il. il. tusarniaaneq" pillugu makkua maluginiarpakka:

"Peqqussutissatut siunnersuutissap allaqqaarnera 2004-mi ukiakkut... Inatsisartut Ombudsmandianni tusarniaassutigineqarpoq...

Ineqarnermut Attaveqarnermullu Pisortaqaarfik tusarniaanermi atatillugu akisutiniq tigusaqarpoq ukunannga... Inatsisartut Ombudsmandiat...

Tusarniaanermi akissutit pissarsiarineqartut, inatsisit teknikkimut tunngasortaanik kukkunernut kiisalu oqaatsinut tunngasortaanik kukkunernut amigaatinullu oqaaseqaatitaqartut oqaaseqaateqarfigineqaratik peqqussutissatut missingiutip allaqqaarneranut iluarsisutigineqarput.

Tusarniaanermi akissutit pissarsiarineqartut allat, siunnersuutip allaqqaarnerani najoqqutassat imaannut tunngasuteqartut annertunersaat matuma kinguliani saqqummiuteqqinneqarput oqaaseqaateqarfigineqarlutillu..."

Oqaatigaara eqqortuusooq Ineqarnermut Attaveqarnermullu Pisortaqaarfiup inatsisissatut siunnersuummik tusarniaassutinik nassimmanga.

Allakkatigullu 14. september 2004-meersutigut pisortaqaarfik akivara, allaganngorlugu ilanngussannik, Naalakkersuisut inatsisissatut piareersaataasumik suliaqarnermi atugassaannik tusarniaanermut akissuteqaruma tamanna Inatsisartunut atuumassuteqannginninnut naleqqutinngitsuusoq.

Taamaattumik eqqunngitsutut isigaara maannakkut inatsisissatut siunnersuutip oqaaseqaatini pisortaqaarfiup tusarniaaneranut atatillugu uanga inatsisissatut siunnersuummut isummersimasunga allanneqarsimammat.

Taamaallillunga inatsisissatut siunnersuut saqqummiunneqartoq Naalakkersuisunut isummerfiginngilara, tamannalu Inatsisartunut matumuuna erseqqissaatigaara."

Siunnersuutip Inatsisartuni 18. april 2005-imi siullermeerlugu oqaluuserineqarnerani Ineqarnermut Attaveqatigiinnermullu Naalakkersuisup tamatumunnga atatillugu oqaatigaa:

"[Kisiannili tassa peqqussutissatut siunnersuutip tusarniaanitsinnut oqaaseqaatissinni erseqqissaatigisasi aallaavigalugit naleqqussaasariaqartarpagut.] Kisianni ilumoorpoq nassuerutigissavara Ombudsmandi aamma tusarniaaffittut ilanngussimagaluaratsigu, kisianni tassani erseqqissumik taakku oqariartuutigisimavaat taamatut taakku namminerminni tusarniaaffissatut inissinnerminni akissuteqarsinnaannginnamik, taamaallaat aatsaat toqqaannartumik suliap ingerlaqqinnerani an-

nertunerusumik uniuisoqarpat innuttaasuni ataasiakkaani ingerlatsinermullu uparuartuisussaallutik inissisimallutik."

#### **1.4. Allanik suleqateqarneq.**

Ukiumi nalunaarusiorfiusumi 2005-imi ilanngussassaqaanngilaq.

#### **1.5. Missingersuutit, naatsorsuutit kukkundersiuinerlu.**

Atorfeqarfimmut 2005-imi aningaasaliissutit 7.346.000 kr.-iupput.

Atorfeqarfiup 2005-mi atorsimasai naatsorsuutit kukkundersiukkat malilugit 6.282.000 kr.-iupput, imaluunniit aningaasaliissutinit 1.064.000 kr.-nik ikinnerullutik.

Aningaasaliissuteqarnermi naatsorsuutigineqartunit atuinikinnerunermut pissutaavoq Atorfeqarfiup initaasa ilaanni julip qaammataani ikuallattoqarnerata kingunerisaanik ingerlatat annikinnerusimanerat tamatumalu nassatarisaanik ingerlatassatut naatsorsuutigineqartunik kinguartitsineq, matumani kommuninut tikeraarnerit kiisalu Atorfeqarfiup ukiunik qulingortorsiornerata nalliuttorsiutigineqarnera ilanngullugit eqqarsaatigalugit.

Atorfeqarfik naatsorsuutininik Inatsisartut Allattoqarfiannit piginnaatinneqarneq naapertorlugu suli ingerlatsivoq, naatsorsuuserinermilu ingerlatsinermut pisinnaatitaanerup Ombudsmandip sulinera pillugu inatsisip naatsorsuutigineqartutut 2006-imi allanngortinneqarneranut atatillugu qulaajarneqarnissaa naatsorsuutigineqarluni.

2006-imi aningaasaliissutit 7.347.000 kr.-t immikkoortinneqarsimapput.

## 2. Kisitsisit atorlugit takussutissiat.

Ukiumi nalunaarusiunneqartumi 2005-imi (1. januar – 31. december 2005) naammagittaalliuutit tiguneqarsimasut tunuliaqutaralugit sulianik ataasiakkaanik aalajangersimasunik suliarineqartunik 108-nik aallarniisoqarpoq. Taakkua saniatigut sulianik nammineerluni misissugassanngortitanik 24-nik aallarniisoqarpoq.

Qaammatini oktoberimit decemberimut naammagittaalliuutit amerlanerpaat tiguneqarsimapput, piffissamilu tassani naammagittaalliuutit tiguneqartut tulleriinneri malillugit 15-it, 14-it 15-illu tiguneqarsimallutik. Naammagittaalliuutit ukiup qaammataasa sinnerini tiguneqarsimasut amerlassut-simikkut qaammammut 2-nit 11-nut nikerarsimapput. Qaammatini oktoberimit decemberimut naammagittaalliuutit amerlangaatsiartut tiguneqarsimanerannut pissutaasut ilagisinnaavaat Atorfeqarfup aviisimi nuna tamakkerlugu saqqummertartumi ukiup qaammataani kingullerni arlaleriarluni eqqartorneqarnera.

2005-imi 138-riarluni ilitsersuisoqarsimavoq. Oktoberimit novemberimut amerlanerpaanik ilitsersuisoqarsimavoq, tulleriinneri malillugit 22-t aamma 25-t ilitsersorneqarsimallutik. Julip qaammataani ataaseq ilitsersorneqarsimavoq. Qaammatit sinnerini ilitsersuinerit 5-t 19-illu akornanni ingerlanneqartarsimapput. 2005-imi ilitsersuinerit 2004-mut sanilliullutik 87-inik amerleriarsimapput, 2004-mi 51-iinnaat ilitsersorneqarsimallutik. Tassungalu sanilliussissutitut 2003-mi 135-riarlunga ilitsersuisimavunga. 2005-imi taama amerlatigisunik ilitsersuisimanermut, aviisikkut eqqaaneqarnerup qulaani taaneqartup saniatigut, 2005-imi kommuninut sisamanut tikeraarsimanikka pissutaasut ilagisinnaavaat, taamatummi tikeraarnerit ilitsersuinerpaalunnik nassataqarajuttarmata. 2005-imi martsip, septemberip aamma novemberip qaammataanni kommuninut tikeraarpunga. Tabel 1-imit ersepoq qaammatini taakkunani aamma ukiup qaammataani kingullerni ilitsersuinerit ukiup qaammataasa sinnerini ilitsersuinerit sanilliullutik amerlanerulaartarsimasut, qaammatinilu taakkunani ilitsersuinerit 1-imit 9-nut allanngorarsimallutik.

Ilitsersuinerit ingerlattakkakka immikkoortunut marlunnut avinneqarsinnaagajupput, tassalu saaffiginnissutit uannut naammagittaalliuutivittut tunniunneqarsimasuugunik suliarineqarnissaat itigartitsissutigineqarsimasussaagaluit – ilitsersuinerit taakkunani innuttaasut oqartussanut allanut saaffiginninnissaannik innersuunneqarajuttarsimapput – kiisalu saaffiginnissutit sulianik innuttaasut saaffiginnissutaat tunngavigalugit naammagittaalliuuterpiaasunik suliarinninnermik aallartitsivigisinnaasimassakka (asiliartaq 1 takuuk).

Suliat 2005-imi inaarlugit suliarineqarsimasut matuma ataani immikkoortunut pingaarnernut marlunnut avinneqarsimapput:

- Suliata aalajangersimasumik suliarineqarsimanngitsut.

Suliata inissisimaffimmut tassunga ilanngunneqassapput, suliata ataani taaneqartunik pissuteqarlunga suliarisinnaasimanngikkukkit. Oqartussaa-soq, suliap uannit suliarineqalereernerata kingorna, suliamik suliarinneq-qileraangat, tamatumalu kingornagut tamakkiisumik ilaannakortumilluun-niit naammagittaalliortumut tapersiilluni suliata, misissuininnik inaarsiler-sinnanga, naammagittaalliuutinut aalajangersimasumik suliarineqarsiman-ngitsunut ilaasutut, naammagittaalliortumit tunuartinneqarsimasutut naat-sorsuunneqartarput.

- Suliata aalajangersimasumik suliarisat.

Suliata inissisimaffimmut tassunga ilanngunneqassapput naammagittaal-liuut pillugu suliamik suliarinninnissaq imaluunniit suliap aalajangiivigine-qarsimamera isummerfigineqarsimagaangat. Suliata nammineerluni misis-suiffigisat ilanngunneqanngillat. Taakku immikkoortumi 4-mi eqqartorne-qarput.

Kisitsisit, suliata itigartitsissutigineqarsimasut inaarneqarsimasullu amer-lassusaannik ersersitsisut, matuma ataani nalunaarneqarput. Taamatuttaaq immikkoortiteriffinni ataasiakkaani aamma kisitsisinut 2003-meersunut 2004-meersunullu innersuussisoqarpoq. Sulianut 2003-mi 2004-milu tigu-neqartunut tunngasumik kisitsiseqarsinnaavoq kisitsisinut 2003-mi 2004-milu ukiumoortumik nalunaarutini taaneqartunut naapertuutinnigitsunik. Tamanna pissuteqarsinnaavoq suliata 2003-meersut 2004-meersulluunniit ilaasa 2004-mi (2005-imi) nanginneqarsimanerannik imaluunniit suliata 2003-meersut (2004-meersut) ilaammi naammagittaalliortumit, akissute-qarsimanngitsumilli, paasissutissanik amerlanerusunik tigusaqarnissap utaqqineqarneranik. Taamatut pisoqartillugu suliata naammagittaalliortumit tunuartinneqartutut itigartitsissutigisarpara. Itigartitsissuteqarnermut ullu-liussaq tamatumani ulluusarpoq paasissutissanik amerlanerusunik nas-sin-neqarnissaq qinnutigalugu naammagittaalliortumut allakkanni ulluliussara.

Suliata aalajangersimasumik suliarineqarsimanngitsut.

Ukiumi nalunaarusiuunneqartumi 2005-imi naammagittaalliuutit katil-lugit 99-it itigartitsissutigineqarput. Paasissutissatut nalunaarsukkani ma-tuma ataaniittuni itigartitsinermut pissutaasut ukiunullu 2005-imut, 2004-mut aamma 2003-mut tunngasumik amerlassutsit taaneqarput. Itigartitsi-nernut pissutaasut ataasiakkaat ukiunut 2005-imut, 2004-mut aamma 2003-mut sanileriissinneqarnerat assiliartaq 2-mi takutinneqarpoq.

	2005	2004	2003
Naammagittaalliuut kingusinaartumik tunniunneqarsimavoq	10	5	10
Naammagittaalliuut eqqartuussutinut eqqar-tuussisulluunniit atorfirminnik ingerlatsine-			

rannut tunngavoq	1	3	1
Naammagittaalliuut naalagaaffiup oqartussaasuinut tunngavoq	4	4	3
Naammagittaalliuut namminersortunut/inuinnarnut tunngavoq	3	4	6
Naammagittaalliuut oqartussaasunut qulliu-nerusunut suliassiissutigineqarsinnaavoq	20	22	16
Naammagittaalliuut Namminersorerullutik Oqartussat ingerlatseqatigiiffiutaannut tunngavoq	1	1	1
Naammagittaalliuut tunuartinneqarpoq	7	7	10
Apeqquilliissutit	6	0	1
Naammagittaalliortup piumasaqaataa akuersarneqarpoq	5	3	0
Suliap suliarineqarnerani peqataasin-naatitaannginneq	1	0	0
*Allat	41	43	45
<b>Katillugit</b>	<b>99</b>	<b>92</b>	<b>93</b>

\*Taaguut "allat" naammagittaalliuutigineqartunut, immikkoortiteriffinut allanut imaannaq ilanngunneqarsinnaanngitsunut tunngavoq. Taanna naammagittaalliuutinut, tamatumani aalajangiinerup uppersaatissanik naliliinermik eqqartuussisuni misilinneqartinnissaat piukkunnarnerpaasorisannik piumasaqarfiusussaasunut, Inatsisartut inatsisaat Inatsisartullu peqqussutaat pillugit naammagittaalliuutinut taamatullu naammagittaalliuutinut, oqartussaasup suliame allagaatinut mappiutaannik misissue-reernerma kingornagut sukumiinerusumik misissuiffiginissaat naammatumik pissutissarsiffigisimanngisannut kiisalu piffissat sulianik suliarinninernut atorineqartut sivikinnerusut pillugit naammagittaalliuutinut pingaarnarpaatut atuuppoq.

Assiliartaq 2-mit erserpoq naammagittaalliuutit, "allat" pissutigalugit itigartitsissutigineqartut, ukiunut nalunaarusiuunneqartunut pingasunut tamanut tunngasumik amerlangaatsiartorsuusut. Naammagittaalliuutit oqartussaasumut qulliuinerusumut suliassanngortinneqarsinnaanera pissutigalugu itigartitsissutigineqarsimasut 2005-imi naammagittaalliuutit suliarineqar-nissaat itigartitsissutigineqartut tamarmiusut 20 %-eraat. Tulliupput ukiuni pingasuni tamani pisoqalisoorsimaneq aamma naammagittaalliummik utertitsisimaneq itigartitsinermut pissutaagajunnerpaasutut.

#### Suliat aalajangersimasumik suliarineqarsimasut.

Immikkoortumi tassani kisitsisit naammagittaalliuutinik tiguneqartuinarnik tunngaveqarput. Taamaallutik suliat ukiup ingerlanerani nammineerluni misissuiffigininnermik aallartitsivigisimasakka ukiullu ingerlanerani inaarlugit suliarisimasakka ilanngunneqanngillat. Tamatuma pis-

suseqataa ukiunut 2004-mut aamma 2003-mut atuuppoq. Tamatumunnga uanga imaattumik kissaatigisaqarnera pissutaavoq, tassalu kisitsisit atorlugit takussutissiat innuttaasut suut pillugit naammagittaalliuuteqartarneranut takussutissatut atorneqassasut, tassalu tulleriinneri malillugit oqartussaasut sorliit, inatsiseqartitsiviit soorliit kiisalu pisut/pissutsit sorliit naammagittaalliuutigineqartarsimannerannut. Taamaattorli oqaatigisinnaavara suliat 19-it nammineerluni misissuiffiginninnermik 2005-imi aallartitsivigisimagikka, taakkunannga ataaseq tassaalluni K Kommunimi siusinaartumik soraarnerussutissiat pillugit sulianut tamanut tunngasuusoq, tamatumunnga tunngasut ataani immikkoortumi 4-mi aamma immikkoortumi 5-imi takukkit. Sanilliussissutissatut oqaatigisinnaavara suliat tulleriinneri malillugit 19-it aamma 30-t nammineerluni misissuiffiginninnermik aallartitsivigisimasakka ukiuni 2004-mi aamma 2003-mi inaarlugit suliarisimagikka.

Ukiumi nalunaarusiuunneqartumi 2005-imi naammagittaalliuutit 16-it aalajangersimasumik suliarineqareerlutik inaarlugit suliarineqarsimapput.

Kisitsisit matuma ataani allassimasut suliat oqartussaasumut, inatsisinik atuutsitsiffiusumut naammagittaalliuutigisamullu agguataagaanerannik takutitsipput. Naatsorsuinerit naammagittaalliuutinik, aalajangersimasumik suliarineqareerlutik ukiuni 2005-imi, 2004-mi aamma 2003-mi inaarneqarsimasunik, aallaaveqartinnissaat toqqarsimavara. Kisitsisit taakku naammagittaalliuutit inaarlugit suliarineqartut procentiisut assiliartani 3-mit 5-imut takutinneqarput.

Naammagittaalliuutit aalajangersimasumik suliarineqareerlutik inaarneqarsimasut oqartussaasumik sorlermik naammagittaalliuutigisaqarneq malillugu agguataagaasut imatut amerlassuseqarlutik agguataagaapput. Sanilliussissutitut 2004-mi 2003-milu amerlassutsit taakku pissuseqataat takutinneqarput. (Assiliartaq 3 aamma takuuk):

	2005	2004	2003
Namm. Oqartussani oqartussaasoq	1	4	2
- Pisortaqarfii	4	7	8
- Namm. Oq. suliffeqarfii	1	1	3
Isumaginninnermi Naammagittaalliuuteqartarfik	2		
- Akileraartarnermut Siunnersuisoqatigiit	0	1	0
- Allat	2	0	0
Kommuni	6	20	18
A/S Inissiaatileqatigiiffik INI	0	2	7
<b>Katillugit</b>	<b>16</b>	<b>35</b>	<b>38</b>

Kisitsisit procentkuutaarlugit naatsorsorneqarnerisa takutippaat, ukiuni siulliunerusuni kisitsisit assigalugit, aalajangersimasumik suliarinne-reernerup kingorna kommunit pillugit naammagittaalliuutit amerlanerpaat inaarlugit suliarineqarsimasut. Taamaattorli kommunit pillugit naammagittaalliuutit inaarlugit suliarineqartut 2004-mit 2005-imut 20 procentpointinik appariarsimapput, taamatullu Kalaallit Nunaanni Namminersornerullutik Oqartussat pillugit naammagittaalliuutit inaarlugit suliarineqartut 20 procentpointit missarluinnaannik 2004-mi katillutik 37 %-iusimariarlutik 2005-imi 56 %-inut qaffariarsimapput. Kommunit pillugit naammagittaalliuutit ikileriartut Kalaallit Nunaanni Namminersornerullutik Oqartussat pillugit naammagittaalliuutit amerleriarsimanerat imaaliannaq nas-suarneqarsinnaanngilaq. A/S Inissiaatileqatigiiffik INI pillugu naammagittaalliuutinik 2005-imi inaarsaasimanngilanga.

Naammagittaalliuutit aalajangersimasumik suliarineqareerlutik inaarlugit suliarineqarsimasut inatsisinik atuutsitsiffiusup sorliup naammagittaalliuutigineqarnera malillugu agguataagaasut ima amerlatigisunut agguataarsimapput (assiliartaq 4 takuuk). Taamatuttaaq kisitsisit taakku pissuseqataat 2004-mut 2003-mullu tunngasut ilanngullugit nalunaarneqarput.

	2005	2004	2003
<b>Isumaginninneq pillugu inatsiseqartitsineq</b>	<b>3</b>	<b>7</b>	<b>6</b>
Taakkunannga:			
- Isumaginninn. inissiat	0	0	1
- Ineqarnermut tapiissutit	0	1	1
- Isumaginninnermi soraarne-russutisiat	0	2	2
- Inummut tapit	0	1	0
- Pisortanit allatigut ikior-siissutit	0	0	0
- Meeqqanut akilersuutit il.il.	0	2	2
- Utertitassanngorlugit ikior-siissutit	1	0	0
- Annertussusileriikkanik ikiorsiissutit	1	0	0
- Allat	1	1	0
<b>Atorfinitsitsinermit inatsiseqartitsineq/ Suliffeqarnermit inatsiseqartitsineq</b>	<b>4</b>	<b>9</b>	<b>15</b>
Taakkunannga:			
- Atorfinitsitsineq atorfinitsitsinermilu atugassarititaasut/pisinnaatitaaffiit	2	3	6
- Atorfinitsitsineq, pisussaaffiit,			

pineqaatissiissutit soraarsitsi- nerlu	1	3	8
- Soraarnerussutisianut			
tungasut	1	1	0
- Sulisunut inissiat	0	0	1
- Allat	0	2	0
<b>Attartorneq pillugu inatsi- seqartitsineq</b>	<b>3</b>	<b>4</b>	<b>8</b>
Taakkunangga:			
- Attartugassamik inner- suussineq	0	0	1
- Attartornermik atorun- naarsitsineq	0	0	1
- Ineqarnermut akiitsut	0	1	1
- Attartukkamik allamut attartortitsigallarneq	0	0	1
- Ineqarnermut akiliutinik naatsorsuineq	1	0	0
- Kiassarnermut naatsorsuutit	0	0	1
- Qularnaveeqqutitut siumut akiliutit	0	0	1
- Utaqqisut allattorsimaffiat	0	0	1
- Allat	2	3	1
<b>Akilaraarutit, akitsuutillu</b>	<b>1</b>	<b>3</b>	<b>0</b>
Taakkunangga:			
- Naatsorsuineq	0	1	0
- Erniat	1	0	0
- § 50 tungavigalugu tunniussinerit	0	1	0
- Immikkut akuersissute- qarnerit	0	1	0
<b>Akiliitsiniarnermik sulia- qarneq</b>	<b>1</b>	<b>3</b>	<b>4</b>
<b>Peqqinnissaq</b>	<b>0</b>	<b>1</b>	<b>0</b>
Taakkunangga:			
- Aqutsineq pillugu naamma- gittaalliuutit	0	1	0
- Allat	0	0	0
<b>Aalisarneq, piniarneq nunalerinerlu</b>	<b>1</b>	<b>4</b>	<b>3</b>
Taakkunangga:			
- Aalisarneq	0	2	1
- Piniarneq	0	0	0
- Inuussutissarsiornermut			



tapersiissutit	0	1	0
- Pisassiissutininik akuersis- sutinillu tunniussinerit	0	1	0
- Allat	1	0	2
<b>Inuussutissarsiornermut</b>			
<b>tungasut allat</b>	<b>0</b>	<b>2</b>	<b>0</b>
<b>Atuartitsineq</b>	<b>0</b>	<b>0</b>	<b>1</b>
Taakkunannga:			
- Suliffimmi sungiusarneq	0	0	1
<b>Ilageeqarneq</b>	<b>0</b>	<b>0</b>	<b>1</b>
<b>Atuisartut/Pisisartut</b>	<b>1</b>	<b>1</b>	<b>0</b>
<b>Allat</b>	<b>2</b>	<b>1</b>	<b>0</b>
<b>Katillugit</b>	<b>16</b>	<b>35</b>	<b>38</b>

Suliat suliffeqarnermut tunngassuteqartut tassaapput inatsiseqartitsif-  
fiusup taassuma iluani 2004-mi aamma 2003-mi naammagittaalliuutinik  
amerlanerpaanik inaagaqarfignisimasakka. Tulliupput isumaginninneq pil-  
lugu inatsiseqartitsineq aamma attartorneq pillugu inatsiseqartitsineq.  
Suliassaqarfiit taakku kisitsisit atorlugit takussutissiani malunnarnerpaane-  
rat pissusissamisoorluinnarpoq, tassami suliassaqarfiit taakku tassaammata  
Kalaallit Nunaanni innuttaasut amerlanerpaartaannik attuisut, tamatumun-  
ngalu peqatigitillugu suliassaqarfiit pineqartut tassaallutik ataasiakkaanut  
sakkortuumik attuisartuusut.

Aammattaq assiliartap 4-p takutippaa 2005-imi, 2004-mi 2003-milu su-  
liffeqarnermut tunngasut pillugit naammagittaalliuutit inaarlugit suliarisat  
procentinngorlutik 2003-mit 2005-imut ikileriarsimasut. Taamaattorli ta-  
manna oqartussaasut apeqqutinik suliffeqarneq pillugu inatsiseqartitsiner-  
mut tunngasunik pitsaaneruseqarlugit suliarinnittalersimanerannik pissuteqar-  
toq oqaatigissallugu suli piarpallaarpoq. Apeqqutit isumaginninneq pil-  
lugu inatsiseqartitsinermit tunngasut pillugit naammagittaalliuutit inaarlu-  
git suliarineqarsimasut procentinngorlugit 2005-imi amerlassusiisa 2004-  
mi kisitsinngortilugit amerlassutsit taamaaqatigaat.

Naammagittaalliuutit aalajangersimasumik suliarinninnerup kingornati-  
gut inaarlugit suliarineqarsimasut inatsiseqartitsiffiit sorliit naammagittaal-  
liutigineqarnerannut agguataarsimasut amerlassutsimikkut imatut aggua-  
taarsimapput (assiliartaq 5 takuuk). Taamatuttaaq amerlassutsit taakku pis-  
suseqataat 2004-mut 2003-mullu tunngasut takutinneqarput.

	<b>2004</b>	<b>2003</b>	<b>2002</b>
Aalajangiinerit	4	20	26
Tungavilersuineq	0	0	1
Pisinnaatitaaneq	1	0	0

Piffissaq sulianik suliarinninnermut atorneqartoq	5	6	7
Ingerlatsinermi ileqqoris-saarneq	0	2	0
Paasitinneqarsinnaataitaaneq	1	2	1
Ingerlatsinermik suliaqarnivik	1	1	1
Inatsisini tunngavissaqarnermik apeqput	0	1	0
Paasissutissanik ingerlatitseqqinneq	0	1	0
Assigiissuseqartitsinermik tunngaveqarneq	1	0	0
Allat	3	2	2
<b>Katillugit</b>	<b>16</b>	<b>35</b>	<b>38</b>

Naammagittaalliuutit aalajangersimasumik suliarereerlugit inaarlugit 2005-imi suliarisama amerlanerpaartaat piffissaq sulianik suliarinninnermut atorneqartoq pillugu naammagittaalliuutaapput. Naammagittaalliuutit 2005-imi inaarlugit suliarisama katillugit 57 %-ii tassapput piffissaq oqartussaasut sulianik suliarinninnermut atugaat pillugit naammagittaalliuutit. 2004 eqqarsaatigalugu tamanna 15 procentpointinik qaffariarneruvoq. Naammagittaalliuutit 2005-imi aalajangersimasumik inaarlugit suliarisama 25 %-ii aalajangiinerit pillugit naammagittaalliuutaapput. 2004-mi kisitsit tassunga tunngasoq 57 %-iuvoq.

Naammagittaalliuutit aalajangersimasumik suliarineqarnermik kingornatigut 2005-imi inaarlugit suliarineqarsimasut, misissuinerma qanoq inernilerneqarnerinut agguataakkat (assiliartaq 6 takuuk). Sanilliussassatut amerlassutsit 2004-mut 2003-mullu tunngasut taakku pissuseqataat nalunaarneqarput:

	2005	2004	2003
Isornartorsiuneq	4	11	14
Inassuteqaateqarneq kisimiitillugu	0	2	2
Isornartorsiuneq inassuteqaateqarnerlu	9	17	14
Oqaaseqaateqarfigineqanngitsut	3	5	8
<b>Katillugit</b>	<b>16</b>	<b>35</b>	<b>38</b>


Suliat inaarneqarsimasut assiliartaq 6-imi takutinneqartut inernerini allanngoriartorneq paasisinnaajumallugu naammagittaalliuutit ukiuni 2005-imi, 2004-mi aamma 2003-mi aalajangersimasumik suliarineqareerlutik inaarneqarsimasut inernerini procentinngorlugit takutippakka.


Assiliartap 6-ip takutippaa suliat isornartorsiullunga inassuteqaateqarlungalu oqaaseqaateqarfigisimasakka 2003-mit 2005-imut 19 procentpointinik qaffariarsimasut. Suliat isornartorsiullunga oqaaseqaateqarfigisimasakka 2005-imi 12 procentpointingajannik appariallutik suliat tamarmiusut 25 %-erilersimavaat. Suliat inaarsininni uparuaassutissaqarfigisimanngisakka 2003-mi 21 %-iullutik 2005-imi 18 %-inut ikileriarsimapput.


Naammagittaalliuutit pillugit suliat 2005-imi aallartinneqarsimasut (naammagittaalliuutit tiguneqartut suliallu nammineerluni misissuiffigininnermik aallartitsivigineqartut) 2005-imi suliani killiffiusunut agguataagaasut amerlassusiat taamatullu suliat tamakkerlutik amerlassusii taakku pissuseqataat matuma ataani takutinneqarput (assiliartaq 7 takuuk):


	2005	Suliat tamakkerlutik
Aalajangersimasumik suliarineqareerlutik inaakkat	11	469
Itigartitsissutigisat	80	848
Inaarneqanngitsut	41	112
<b>Katillugit</b>	<b>132</b>	<b>1429</b>


Assiliartap 7-ip takutippaa sulianit 2005-imi tiguneqarsimasunit aamma sulianit tamarmiusunit inaarlugit suliarineqarsimasut, itigartinneqarsimasut imaluunniit suliat killiffii inaarneqanngitsutut inissisimasut procentinngorlugit amerlassusii. Assiliartap 7-ip takutippaa suliat itigartinneqarsimasut tulleriinnerini malillugit sulianut 2005-imi tiguneqarsimasunut aamma sulianut tamarmiusunut sanilliullutik procentinngorlugit taamaaqatigiittut. Tamatumunnga peqatigitillugu assiliartap 7-ip takutippaa suliat 2005-imi aallartinneqarsimasut 8 %-iisa missaannaat ukiup naanerani inaarlugit suliarineqarsimasut, sulialli tamarmiusut eqqarsaatigalugit kisisit taakku pissuseqataat 33 %-it missarluinnaanniilluni.



















### **3. Apequtit ingerlatsinermi inatsiseqartitsinermit tunngasut pillugit ataatsimoortumik oqaaseqaatit.**

3-1 Piffissaq soraarnerussutisiaqalerfiup atuutilerfia pillugu apequt. Isumaginninnermi soraarnerussutisiat pillugit Inatsisartut peqqussutaanni § 7-ip qanoq paasineqarnissaanik nassuiaaneq. (J.nr. 11.73.-03.02/050-04)

Pisortanit pensionisiat pillugit Inatsisartut peqqussutaanni nr. 9-mi, 15. april 2003-meersuni § 7-ip qanoq paasisariaqarneranik nammineerluni missuiffigininneq 2004-mi aallartippara.

Ilaqutariinnermut Pisorta qarfiup allagai 26. januar 2005-imi tiguakka. Ilaqutariinnermut Pisorta qarfik ilaatigut imatut allappoq:

“Ilaqutariinnermut Pisorta qarfik isumaqarpoq siusinaartumik soraarnerussutisiat akuersissutigineqassasut piffissaq soraarnerussutisiaqalernissamut piunasaqaataasut naammassineqarsimaffiat aallarnerfigalugu. Ilaqutariinnermut Pisorta qarfiup paasinninnera unaavoq siusinaartumik soraarnerussutisiaqalernissamut piunasaqaatit aatsaat naammasseqqaarsimassasut kommuniq qinnuteqartumut piginnaanngorsaaqqinnermik misiliinera iluatsinngitsoorpat.

Taamaattumik Ilaqutariinnermi Pisorta qarfiup malittarisassanik paasinninneranut naapertuulluinnarpoq siusinaartumik soraarnerussutisiat tunniunneqassammata piginnaanngorsaaqqinnermik misiliinerup iluatsinngitsoornerata kingornatigut qaamatip tulluuttup aallaqqaataani.”

Taamaattorli Ilaqutariinnermut Pisorta qarfiup tamatumunnga peqatigitillugu nalunaarutigaa malittarisassat taakku allanngortinneqarnerannut atatillugu § 7-ip oqaasertalerneqarnera allanngortinneqarniarloq.

Tamatuma kingornatigut Ilaqutariinnermut Pisorta qarfimmu 8. februar 2005-imi imatut allappunga:

“... ”

Pisorta qarfiup oqaatigisaa tusaatissatut tiguara. Taamaattorli paasinninnera suli unaavoq, pisortanit pensionisiat pillugit aalajangersagaq Inatsisartut peqqussutaanni § 7-imiittoq naleqqutinngitsumik oqaasertalersugaasoq, taamaattumillu pisortanit pensionisiat pillugit Inatsisartut peqqussutaanni § 7-ip allannguutissaatut siunner-suut pillugu annertunerusumik ilisimatinneqarnissara qilanaarutigaaara.”

3-2 Namminersornerullutik Oqartussat pillugit inatsimmit allaasumik tunngaveqarluni naalagaaffimmit isumagisassanngortitsineq tunngavigalugu Namminersornerullutik Oqartussat aalajangiinerinik oqartusaasumut qulliunerusumut naammagittaalliuutiginnittarneq. (J.nr. 11.03.-66.08/077-04)

Kalaallit Nunaanni inuussutissarsiutigalugu timmisartuussinissamut akuersissutit pillugit suliani arlalinni suliani allagaatinik paasitinneqarnis-

samik Ineqarnermut Attaveqatigiinnermullu Pisorta qarfiup itigartitsinera pillugu naammagittaalliut 2004-mi tiguara.

Taamanikkut Angallannermut Ministere qarfiusoq (Trafikministerium) oqaaseqaateqaqqullugu 9. september 2004-mi imatut allallunga qinnuigaara:

"...

Pisorta qarfiup 13. juli 2004-mi (aallaavittut) aalajangiineranit, takussutissiissutitut 2-tut ilanngussamit, erserpoq inuussutissarsiutitut Kalaallit Nunaanni timmisartuussinnermut naalagaaffiup akuersissuteqarsinnaanerata ilaa Namminersornerullutik Oqartussat tigusi magaat.

Tamatumanili pisinnaatitaaffimmik allamat isumagisassanngortitsinerup suussusia inatsisitigullu tunngavigisaa suliami paasisutissanit ersinngillat.

Tamatumunnga peqatigitillugu trafikministerip silaannakkut angallanneq pillugu inatsimmi § 75 naapertorlugu aalajangersimasumik inuussutissarsiutigalugu silaannakkut angalanermut akuersissuteqartarnera aamma pineqarpoq.

Tamanna tunngavigalugu aallaavigisariaqarpara suliani allagaatinik ...-ip paasitinneqarnissamik qinnuteqaateqarfigisaani Namminersornerullutik Oqartussani aalajangiinerit inatsisitigit aalajangigaanngitsumik allaffissornikkut qulliunerusutut oqartussaasumut naammagittaalliuteqarsinnaaneranut malittarisassat malillugit trafikministerimut naammagittaalliutigineqarsinnaasut pineqarsinnaanerata, taamaasappallu Namminersornerullutik Oqartussat namminersorerulerneq pillugu inatsit tunngavigalugu aalajangiinngitsut, naalagaaffilli sinnerlugu.

Tamatumunnga peqatigitillugu pisortat ingerlatsinerat pillugu inatsimmi § 16, imm. 1, aamma imm. 4-mut, aamma pisortat ingerlatsineranni paasitinneqarsinnaatitaaneq pillugu inatsimmi § 15, imm. 1 aamma imm. 2-mut, innersuussisariaqarpunga, pisortat ingerlatsinerat pillugu inatsit Kunngip peqqussutaatigit nr. 1188-ikkut, 27. december 1994-imeersukkut suliasanut Kalaallit Nunaannut tunngasunut naalagaaffiup pisortaataannit suliarineqartunut imaluunniit suliarineqarsimasunut atuuttussanngortinneqarmat. Taamatuttaaq annertussuseqartumik pisortat ingerlatsineranni paasitinneqarsinnaatitaaneq pillugu inatsit Kunngip peqqussutaatigit nr. 1187-ikkut, 27. december 1994-imeersukkut suliasanut Kalaallit Nunaannut tunngasunut atuuttussanngortinneqarpoq.

Tamanna tunngavigalugu trafikministeriaqarfik inussiarnersumik qinnuigaara ...-ip naammagittaalliutaa ministere qarfiup suliariniarneraa nalunaarfigeqqullunga."

Transport og Energiministere qarfiup allakkani 24. juni 2005-imeersuni imatut nalunaarfigaanga:

"Kalaallit Nunaata iluani timmisartuussineq pillugu sulianik aalajangiisarneq eqqarsaatigalugu pisinnaatitaaneq Angallannermut Ministere qarfiup (Trafikministeriet) Namminersornerullutik Oqartussanut allakkatigit 28. juli 2000-imeersutigit isumagisassanngortippaa, matumani ingerlaartarfiit pillugit akuersissutit, angallassinissamik pilersarusiat akillu ilanngullugit eqqarsaatigalugit.

Isumagisassanngortitsinerup silaannakkut angallanneq pillugu inatsit tunngavigalugu pisisanera uppersarsinnaavarput.

Taamaalilluni suliami matumani Namminersornerullutik Oqartussat aalajangiinerat Transport- og Energiministere qarfimmuut naammagittaalliutigineqarsinnaavoq ..." (Atorfe qarfimmi nutsigaavoq)

Naammagittaalliuutip suliarineqarnissaa Inatsisartut Ombudsmandiat pillugu Inatsimmi § 6, imm. 3 tunngavigalugu tamatuma kingornatigut itigartitsissutigaa.

3-3 *Napparsimmavimmi sulisoqarnermik aqutsineq pillugu naammagittaalliuut. (J.nr. 11.01.25.30 (088-05))*

Peqqissaasup napparsimmavimmi atorfeqarfigisamini aqutsisoqarfiup atorfinitsinneqarnerminut atatillugu apeqqutinik arlalinnik suliarinninnerani periaaseq naammagittaalliuutigaa.

Suliap suliarineqarnissaa Inatsisartut Ombudsmandiat pillugu Inatsisartut inatsisaanni § 6, imm. 3 tunngavigalugu itigartitsissutigaa, naammagittaalliuullu Peqqissutsimut Pisortaqarfimmut naammagittaalliorfissamut eqqortuusumut ingerlateqqullugu nassiullugu.

Peqqissaasumut allakkani 11. oktober 2005-imeersuni tamatumunnga atatillugu makku oqaatigaakka:

"...

Peqqinnissaqarfiup aqunneqarnera aaqqissuussaaneralu pillugit Inatsisartut pequssutaanni nr. 3-mi, 23. maj 2000-imeersumi § 1-imit erserpoq:

"Naalackersuisut peqqinnissaqarfimmi sulineq aqussavaat, pilersaarusiussavaat nakkutigalugulu."

Aalajangersagaq taanna inatsisissatut siunnersuutip oqaluuserineqarneranut atatillugu Inatsisartunut saqqummiunneqartoq pillugu Naalackersuisut oqaaseqaataanit aamma erserpoq:

"Aalajangersakkakut aalajangersarneqarpoq peqqinnissaqarfik qitiusumit aqunneqartoq, peqqinnissaqarfiup ingerlannera pilersaarusiorneqarneralu kiisalu peqqinnissaq pillugu inatsisit eqquutsinneqarnissaat Naalackersuisunit akisussaaffigineqarluni. Qitiusumit aqutsisoqarnissaanut tunngaviuvoq aningaasatigut sukannersumik aqutsisoqarnissaanik naalackersuinikkut kissaateqarneq.

Nunatsinni peqqinnissaqarfiup qitiusumik ilusilersugaanera isumaqarpoq malittarisassat Inatsisartunit akuersissutigineqarsimasut saniatigut najukkani peqqinnissaqarfimmut toqqaannartumik sulineri malittarisassanik aalajangersagaliorqarsinnaasoq, taakku qitiusumik aqutsinermut toqqaannartumik attuumassuteqarmata, tassa Peqqinnissamut Pisortaqarfimmut."

Tassannga manna paasisinnaavara, tassalu ... aqutsineq eqqarsaatigalugu tassasoq oqartussaasoq Peqqissutsimut Pisortaqarfiup ataaniittoq.

Ombudsmand pillugu inatsimmi § 6, imm. 3 imaattunik oqaasertaqarpoq:

"Aalajangiinerit oqartussaasumit qulliunerusumit allanngortinneqarsinnaasut pillugit naammagittaalliuut Ombudsmandimut suliasanngortinneqarsinnaanngilaq oqartussaasoq qulliunerusoq taanna suliami aalajangeereersimatinnagu. Aalajangiisimappat killiliussa imm. 2-mi taaneqartoq taava oqartussaasup taassuma aalajangiineranit naatsorsorneqassaaq."

Malittarisassaq issuarneqartoq kingulleq matumunnga takussutissaavoq, tassalu ingerlatsiviup innuttaasullu akornanni isumaqatigiinnngissutaasut ingerlatsiviup iluani aaqinniarneqartariaqartut, avataanit nakkutilliisup Inatsisartut Ombudsmandiat-tut ittuq suliamut akuliutinnginnerani.

Aalajangiineq pillugu naammagittaalliunngikkaluartutit uanga paasinninnera unaavoq pissutsit allaaserineqartut uanga misissunngikkallartariaqarikka, Peqqis-sutsimut Pisortaqarfik aqutsinermi qulliunerusutut oqartussaasoq naammagittaal-liutugisatit pillugit isummernissaminut periarfissaqareersimatinnagu.”

3-4 Nalunaarummi oqaasertaliussat kalaallisuisa qallunaatuuisalu assi-giinnngissuteqarnerat. (J.nr. 02.00.09)

Suliamik aalajangersimasumik suliarinninnnut atatillugu malugaara Namminersornerullutik Oqartussat kommunillu inissiaataannik attartortit-takkanik attartortitsisarneq pillugu Namminersornerullutik Oqartussat na-lunaarutaata nr. 23-p, 22. december 2003-meersup kalaallisuuani § 23, imm. 2 amigaataasoq.

Aalajangersakkap taassuma qallunaatuua imaattunik oqaasertaqarpoq:

"§ 23. ...

Stk. 2. Ved permanent ledighed, jf. stk. 1, forstås en periode på mindst 2 måneder."

"Imm. 2. Inissiap ataavartumik inigineqannginneranik oqarnermi, tak. imm. 1, piffissaq sivikinnerpaamik qaammatinik marlunnik sivissuseqartoq pineqarpoq." (Atorfeqarfimmi nutsigaavoq)

Kukkuneq Inatsisartut Inatsisit Atortinneqarnerannut Ataatsimiitita-liaannut aamma Naalakkersuisunut nalunaarutigaara, tak. Inatsisartut Om-budsmandiat pillugu Inatsisartut inatsisaanni § 11.

Ineqarnermut Attaveqatigiinnermullu Pisortaqarfup allakkani 14. sep-tember 2005-imeersuni nalunaarfigaanga kukkuneq taanna nalunaarummik nutaamik massakkut suliarinninnermi naqqinneqarniartoq.

Naalakkersuisunut 12. oktober 2005-imi allappunga annertunerusumik iliuseqaqqinniannngitsunga.

3-5 Inatsisunik unioqqutitsilluni aalisarnermik nalunaarusiaq pillugu naammagittaalliut. (J.nr. 11.01.56.30/084-05)

Namminersorneq pillugu Pisortaqarfik nalunaarusiami tusagassiutit pissarsiarisimasaanni aalisarnermik inuussutissarsiuteqartut inatsisunik unioqqutitsillutik aalisarnerarlugit uppersaasigaanngitsumik pasilliute-qarsimanera aalisarnermik inuussutissarsiornerup iluani suliniaqatigiiffiup naammagittaalliutigaa.

Ombudsmandimut taartaartoq sulianiaqatigiiffimmut allakkamini imaattunik oqaaseqaateqarpoq:

"Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 6, imm. 3-kkut aalajangersarneqarpoq aalajangiinerit oqartussaa-sumit qulliunerusumit allangortinneqarsinnaasut pillugit naammagittaalliuut Ombudsmandimut suliaassangortinneqarsinnaangitsoq, oqartussaasoq qulliunerusooq taanna suliami aalajangeereersimatinnagu.

Uanga paasinninnera malillugu tassani aamma ilaavoq pissutsit pillugit naammagittaalliummik Ombudsmandip suliarinnilinniginnerani oqartussaasoq pineqartoq taanna pissutsit naammagittaalliuutigineqartut pillugit nammineq isummerfiginnissaminut periarfissaqartinneqassasoq.

Taamaattumik ... qinnuigaara kattuffiup Namminersorneq pillugu Pisortaqarfimmut suliaq pillugu allaffigineqatiginnittarsimanerani allagaasut nassiateqqullugit, matumani nassuiaat pillugu ...-p naammagittaalliuutaanut pisortaqarfiup akissutigisimasinnaasai ilanngullugit eqqarsaatigalugit.

Allagaatit sapaatit akunneri arfinillit qaangiutsinnagit tigusimanissaat qinnuti-gaara; taamaangippat suliami iliuuseqaqqissanngilanga.

Allagaatit tigoreerukkit ... suliaq pillugu ikiorsinnaallugu isumaqarnerlunga isummerfiginiarpara.

Kattuffiup nassuiaat pillugu akerliliissutai ...-p pisortaqarfimmut atortussaatin-niareersimangippagit kattuffik pisortaqarfimmut naammagittaallioqqullugu siullertut innersuussutigisariaqarpara, Inatsisartullu Ombudsmandiannut naammagittaalliornissamut tunngavissaqarnerisooq kattuffiup isumminnginnerani pisortaqarfiup akissuteqarnissaa utaqqimaqqusariaqarlugu.

Oqaatigaara ilisimagakku Namminersomerullutik Oqartussat pisortaanerat ... Namminersomerullutik Oqartussat nittartagaanni oqaaseqaateqarsimasooq nassuiaat naammassillugu suli suliarineqarsimangitsoq, taamaallillunilu nassuiaat taanna pi-sortaqarfimmut inuussutissarsiornermilu illua'tungiusunut susassaartunut suli tusar-niaatigineqarsimangitsoq, taamatuttaarlu Naalakkersuisunut suli aamma saqqum-miunneqarsimangitsoq. Taamaattumik nassuiaatip suliamik suliarinninnerup naammassineqanniginnerani tusagassiutinit pissarsiarineqarsimanagera aqutsisoqar-fiup ajuusaarutigaa." (Atorfeqarfimmi nutsigaavoq)

Ukiup nalunaarusiuunneqartup naanerani Ombudsmandimut taartaasartoq naammagittaalliortumit tusagaqarsimangilaq.

### 3-6 *Sulianik sulisunut tunngasunik misissuineq. (J.nr. 11.73.88.72/111-05)*

Kommunimi sulianik sulisunut tunngasunik misissuininnut atatillugu ataatsimoortumik oqaaseqaatinik kiisalu suliat ataasiakkaat pillugit oqaaseqaatinik saqqummiussinissannut pissutissaqarsimavunga. Oqaaseqaatima ilaa ataatsimut oqaaseqaatinut tunngasoq kisiat issuaaviginiarlugu aalajangerpunga.

"...

#### **Ataatsimut.**

Atorfinitsitsineri allakkiaat.

Sulianik sulisunut qaammammusalinnik misissuininnut atatillugu malugaara suliaq ataaseq eqqaassanngikkaanni suliani atorfinitsitsineri allakkianik peqanngitsoq.

Eqikkaalluni 24. november 2005-imi ataatsimiinnermi tamanna akissarsialerif-fiup immikkoortortaqarfittut pisortaanut ...-mut saqqummiunneqarmat immikkoortoqarfimmi pisortaq oqarpoq atorfinitsitsinermi allakkiat kommunip nutaamik atorfinitsitsinermi suliarisarai. Paasissutissiissutigineqartoq taanna tusaatissatut tiguara.

Kommunili qinnuigineqarpoq suliani sulisunut qaammammusalinnut tunngasuni misissukkatsinni atorfinitsitsinermi allakkianik peqannginneranut tunuliaqutaasoo pillugu paasissutisseeqqullugu.

Taamatuttaaq sulisut ullut 14-ikkaarlugit akissarsiaqartut eqqarsaatigalugit immikkoortortaqarfimmi pisortaq ... aperaara taakku atorfinitsinneqarneranni allakkiat suliarineqarsimanersut imaluunniit taakku pillugit tunngaviumik paasissutissat katersorneqarsimanersut, immikkoortortaqarfimmilu pisortap taamaaliortoqarsimannginnerarpaa.

Immikkoortortaqarfimmi pisortamut oqaatigaara isumaqartunga ullut 14-ikkaarlugit akissarsiaqartut isumaqatigiissutit suut tunngavigalugit atorfinitsinneqarsimanerisa nalornissutigineqalersinnaanerat pinngitsoortinniarlugu taakku atorfinitsinneqarnerini allakkiat suliarisariaqannginneransut imaluunniit taakku pillugit tunngaviumik paasissutissat katersorneqartariaqannginneransut kommunip isumaliutersuutigisariaqaraa.

Tamana atorfeqartitaasut illersorneqarnissaasa isiginiarneqarnerannik pissuteqaannangilaq, aammali kommunip isiginiarneqarneranik pissuteqarluni, tassami atorfeqartitaasunut pisussaaffini suliaq quppiinnarlugu kommunip pilertortumik paasisinnaammagit, assersuutigalugu soraarsitsiniartoqartillugu.

Kommuni qinnuigineqarpoq tamanna pillugu oqaaseqaatini saqqummiuteqqullugit.

Qaammammusiat nalunaaquttallu akunnerinik suliffiusimasunik naatsorsuiffiit atorfeqartitaasumit akuerineqartarnerat.

Sulisoqarnermut pisortamik ...-mik ataatsimeeqateqarninni oqaatigaara malugigiga suliat misissukkama amerlanersaanni qaammammusiat allagartaasa imaluunniit nalunaaquttap akunnerinik suliffiusimasunik naatsorsukkat ingerlatalluunniit pillugit pilersaarusi atorfegartitaasumit atsiorneqartarsimanngitsut.

Qaammammut suliffiusimasunik naatsorsuiffiit suliarineqarsimapput naatsorsuiffiit eqqortuussusiat inunnit pingasunit uppersarlugit atsiorneqartussanngorlugit.

Suliaqarpoq naatsorsuiffiit eqqortuussusiannik inuup ataasiinnaap uppersaaluni inuit pingasut sinnerlugit atsiordfigisarsimasaanik.

Eqikkaalluni ataatsimiinnermi oqaatigaara kommunip uppersaaniarnermigut ajornartorsiuteqalersinnaasoq, atorfeqartitaasoq kommunip qaammammut suliffiusimasuni inerniunneqartoq tunngavigalugu akissarsianit ilanngaassisimanagera tunngavigalugu naammagittaalliorpat, qaammammullu suliffiusimasunik naatsorsuutit akueralugit atorfeqartitaasoq uppersaalluni atsiorsimanngippat.

Kommuni qinnuigaara tamanna pillugu oqaaseqaatiminik saqqummiuseqqullugu."

Ukiup nalunaarusiunneqartup naanerani kommunip akissutaanik tigu-saqarsimanngilanga.

3-7 Naalakkersuisut piginnittuusutut iliuusaat pillugit naammagittaalliuut. (J.nr. 11.01.70.01/105-05)

Arctic Umiaq Line A/S-ip Namminersornerullutik Oqartussanit 100 pct.-imik pigineqartup ingerlataasa tunineqarnerannut atatillugu Naalak-



kersuisut iliuusaat pillugit naammagittaalliut 16. november 2005-imi tiguara.

Suliamit erserpoq Naalakkersuisut Aningaasaqarnermut Ataatsimiititaliap akuersineratigut aalajangertut ingerlatseqatigiiffiup pigisai nalillit tunineqassasut, ingerlatseqatigiffimmulli piginneqataassutit Namminersornerullutik Oqartussat piginnassagaat.

Suliap suliarineqarnissaa itigartitsissutigaa, imaattunik oqaaseqaateqarlunga:

"Ingerlatseqatigiiffiup pigisaanik nalilinnik tunisinissamut piginnaatitsissut pillugu apeqqut ingerlatseqatigiiffiup oqartussaasuisa ataanniippoq, taakkulu aktiaateqarluni piginneqatigiiffiit pillugit inatsimmi nassuiarneqarsimapput tassaasut pisortaqtigiit, siulersuisut ataatsimeersuarnerlu.

Taamaattumik Naalakkersuisut qinnuteqaataannut Aningaasaqarnermut Ataatsimiititaliap 8. november 2005-imi akuersaarnera Naalakkersuisut Arctic Umiaq Line A/S-imi piginneqataassutinik pigisaqartutut (ataatsimeersuarnermi) iliuuseqarnissaannut piginnaatitsinertut paasisariaqarpara.

Matumani oqaatigaara Aningaasaqarnermut Ataatsimiititaliap aalajangiinera manna nassatarigaa, tassalu Namminersornerullutik Oqartussat Arctic Umiaq Linemi piginneqataassutaat Naalakkersuisut tunissanngikkaat, kisiannili Naalakkersuisut ataatsimeersuartutut ingerlatseqatigiiffiup pigisaanik nalilinnik tuniniaanissaminnut piginnaatinneqartut.

Arctic Umiaq Line A/S aktiaateqarluni ingerlatseqatigiiffiuvuq, pisortat ingerlatsiviannut ilaanngitsoq.

Taamaattumik ingerlatseqatigiiffik tassanilu oqartussaasut malittarisassanit ingerlatsinermi oqartussaassunut atuuttunit qulangersimaneqanngillat.

Arctic Umiaq Line A/S aktiaateqarluni ingerlatseqatigiiffiummat pisortat ingerlatsiviannut ilaanngitsoq Naalakkersuisut ingerlatseqatigiiffiup pigisaanik nalilinnik tunisinermini ingerlatseqatigiiffimmi ataatsimeersuartutut kukkussuteqarsimane-rannik misissuinissannut pisinnaatitaanngilanga.

Apeqqut kinguleruttoq tassaavoq Naalakkersuisut Aningaasaqarnermut Ataatsimiititaliamut sanilliullugit suliamik suliarinninnertik pillugu isornartorsiorneqarsinnaanersut.

Tamanna pillugu oqaatigaara apeqqutip taassuma suliarinissaanut aamma pisinnaatitaanngitsunga.

Tamatumunnga pissutaavoq Inatsisartut (imaluunniit Inatsisartut Ataatsimiititaliaat pineqartoq) tassaammata Naalakkersuisunut ilaasortat sulinermini kukkussuteqarsimane-rinik isummerfiginnittartuusut, apeqqutillu Inatsisartunut tunngasut uanga isummerfigisinnaanngilakka, tak. Inatsisartut Ombudsmandiat pillugu Inatsisartut inatsisaanni § 3.

Ilassutitut manna innersuussutigaa, tassalu Inatsisartut Naalakkersuisullu pillugit Inatsisartut inatsisaanni § 11-kkut aalajangersarneqarmat Naalakkersuisut Inatsisartunit qinerneqassasut, taamatuttaarlu Naalakkersuisunut ilaasortat akisussaanerat pillugu Inatsisartut inatsisaanni § 11-mit ersertoq Inatsisartut siullertut aalajangissa-gaat Naalakkersuisunut ilaasortap Inatsisartut inatsisaat taanna unioqqutissimane-raa.

Taamaattumik isumaqarpunga pisumi matumani Inatsisartut imaluunniit Inatsisartut Aningaasaqarnermut Ataatsimiititaliaata nammineq manna isummerfigissal-lugu aalajangissagaa, tassalu Naalakkersuisut Arctic Umiaq Line A/S-imi pigin-

neqataasutut iliuseqarnissaminnik qinnutiginninnerminni Inatsisartunut pisussaaf-  
fitik eqqortissimaneeraat.”

#### **4. Suliat suliniutillu nammineerluni misissugassanngortitat kommuninullu tikeraarnerit.**

Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 6, imm. 5 tunngavigalugu pisinnaatitaavunga sulianik nammineerlunga misissuiffiginninnissannut.

Pisinnaatitaneq taanna suliat/ingerlatat uku aallartisarnissaannut 2005-imi atorpara:

##### 4-1 *Namminersornerullutik Oqartussat kommunillu inissiaataasa inoqanngitsut innersuunneqartarnerat tulleriiaarneqartarnerallu pillugit malittarisassat.(J.nr. 11.73.33.30/022-05)*

Naammagittaalliiummik 20. oktober 2004-meersumik, uanga j. normora 11.20.33.01/097-04, suliarinninnerma nassatarisaanik, pineqartorlu taannaasooq pillugu innuttaasumit allamit saaffiginnissut 18. november 2004 tunngavigalugu, suliallu tusagassiuutitigut eqqartorneqarnerata kingornatigut Ineqarnermut Attaveqatigiinnermullu Pisortaqarfik allakkani 14. januar 2005-imeersuni nalunaarfigaara Namminersornerullutik Oqartussat kommunillu inissiaataannik innersuussisarnermi tulleriiaarinerup allanngortinneqarnissaanik pisortaqarfiup aalajangiineranut inatsisitigut tunngaviusooq nammineerluni misissuiffiginninnermik aallartitsiviginiarlugu aalajangertunga.

Suliamili allagaatinik kiisalu pisortaqarfiup suliami qulaani taaneqartumi siusinnerusukkut oqaaseqaatigisimasaanik nutaamik misissueqqereerlunga pisortaqarfik 9. marts 2005-imi nalunaarfigaara suliami annertunerumik iliuseqaqqinniannngitsunga.

Pisortaqarfik nalunaarfigaara taamatut aalajangerninni pingaartillugu isiginiariga pisortaqarfiup K Kommunillu isumatigiissutaat 6. april 2004-meersooq imatut paasigakku isumaqatigiissut taanna tassaaginnartoq komunip sulisunut inissiani ataatsimoorussaasuni inissianik manna tikillugu atuisimaneranit inissianik amerlanerusunik peqareernerata kingunerisaa, isumaqatigiissullu taanna 16. september 2004-mi atorunnaarsinneqareersimasooq – tassa naammagittaalliiummik siullermik tigusaqarnera sioqqullugu.

Aammattaq pingaartillugu isiginiarpara inissianik attartorneq pillugu peqqussutissatut nutaatut siunnersuut tulleriiaarinermi malittarisassanik imaqartoq, matumani malittarisassat isumaqatigiissuteqarnikkut saneqqunneqarnissaannut periarfissaq ilanngullugu eqqarsaatigalugu, Inatsisartut 2005-imi upernaakkut ataatsimiinneranni oqaluuserisassatut nalunaarutigineqarsimasooq.

Taamaattumik pisortaqarfik nalunaarfigaara Inatsisartut peqqussummik nutaamik taassuminnga akuerinninnissaat utaqqimaarniariga, malittarisassallu nutaat taakku oqartussaasunit aqunneqarnerat aallartippat nammineer-

luni misissuineramik nutaamik aallartitsinissaq pisariaqartinneqarnerisq isumaliutersuutiginiariga.

4-2 Kalaallit tarnimikkut napparsimasut eqqartuussaannerikkut Danmarkimi inissinneqarsimasut sulinngiffeqarnermi akiliunneqarlutik angalatinneqartarnerat. (J.nr. 11.73.53.01/075-05)

Folketingip Ombudsmandiata allakkani 30. august 2005-imeersuni ilisimatippaanga Psykiatrisk Hospitalimik Århusimiittumik 23. august 2005-imi misissuinermini paasitinneqarsimalluni napparsimasut piffissami sivilisuumi uninngasussanngorlugit inissinneqarsimasut pillugit illua'tungaani Århusip Amtiani tarnimikkut napparsimasunik katsorsaaviup illua'tungaaanilu Peqqissutsimut Pisortaqarfiup aamma Dronning Ingridip Napparsimmavissuata isumaqatigiissutaannut naapertuuttumik sulinngiffeqarnermi akiliunneqarlutik angalanissamut akuerineqarnej ajortut.

Isumaqatigiissut taanna imaattunik imaqarpoq:

"§ 18<sup>1</sup> Napparsimasup ilaqtaminut Kalaallillu Nunaannut attaveqarfiginninnera atatiinnarlugu napparsimasut piffissami sivilisuumi uninngasussanngorlugit inissinneqarsimasut sulinnginngiffeqarnermi Kalaallit Nunaannut akiliunneqarlutik angalatinneqarnissaat isumaqatigiissutigineqarsinnaavoq, siullermik nalinginnaasumik ukiup unitsinneqarfiup aappaani.

§ 18<sup>2</sup> Napparsimasunut piffissami sivilisuumi uninngasussanngorlugit inissinneqarsimasut sulinngiffeqarnermi akiliunneqarlutik ukiumut ataasiarlutik angalatinneqarnissaat aallaavittut akuersissutigineqarsinnaavoq.

§ 18<sup>3</sup> Sulinngiffeqarnermi akiliunneqarluni angalanerit aquneqarnerat Dronning Ingridip Napparsimmavissuata isumagissavaa, sulinngiffeqarnermilu akiliunneqarluni angalanerit atatillugu aningaasartuutit tamaasa aningaasartuutigissalugit.

§ 18<sup>4</sup> Sulinngiffeqarnermi akiliunneqarluni angalanerit pillugit tunaartarisassat isumaqatigiissuteqarnermi illua'tungeriinnit erseqqinnerusumik aamma isumaqatigiissutigineqassapput." (Atorfeqarfimmi nutsigaavoq)

Peqqissutsimut Pisortaqarfik tamanna tunngavigalugu oqaaseqaateqaq-quniarlugu aalajangerpunga, oqaaseqaallu 9. december 2005-imi tiguara.

Misissuineru ukiup nalunaarusiuunneqartup naanerani suli naammassinngilara.

4-3 A/S Inissiaatileqatigiiffik INI eqqarsaatigalugu aqutsinermi Ineqarnermut Attaveqatigiinnermullu Pisortaqarfimmu piginnaatitsissutit. (J.nr. 11.73.25.05/078-05)

Innuttaasup naammagittaalliuutaanut atatillugu Ineqarnermut Attaveqatigiinnermullu Pisortaqarfiup nakkutilliinermi oqartussaasutut suliamik misissuisinnaaneramik nalileeqqullugu qinnuigisimasannit allakkat 29. august 2005-imi tiguakka. Pisortaqarfiup oqaatigaa pisortaqarfik Inissiaatileqati-

giiffiup aalajangiineri eqqarsaatigalugit oqartussaasutut qulliunerusutut naammagittaalliorfissaasoq.

Tamanna tunngavigalugu aalajangerpunga pisorta qarfiup Inissiaatileqatigiiffik eqqarsaatigalugu pisinnaatitaanera nammineerluni misissuiffigininnermik aallartitsiviginiarlugu.

Misissuina ukiumi nalunnarusiuunneqartumi 2005-imi naammassivoq, immikkoortumilu 5-imi suliatut 11.73.25-1-itut ilanngunneqarluni.

4-4 Akiliutissat akiligassanngortut taarsigassarsiallu amiakkuisa isumakkeerneqarnissaannik qinnuteqaatinik aqutsineq pillugu Namminersornerullutik Oqartussat nalunaarutaata nr. 10-p, 18. april 2002-meersup inatsisitigut tunngavigisaa. (J.nr. 11.73.35.12/080-05)

K Kommunimi 2005-imi septemberimi tikeraarninni innuttaasumit attavigineqarpunga, illumut taarsigassarsianit akiitsorilersimasamik isumakkeerneqarnissamik A/S Inissiaatileqatigiiffik INI-mut qinnuteqaatimi marluk sulii akineqarsimanningeri pillugit naammagittaallioortumit.

Tamatununga atatillugu maluginiarpara nalunaarut qulaani taaneqartoq malillugu suliap suliasartaata ilaa A/S Inissiaatileqatigiiffik INI-mut isumagissanngortinneqarnerata inatsisitigut tunngavigisaa nalornissutigineqarsinnaasoq.

Inissialiornermut tapersiisuteqartarneq pillugu Inatsisartut peqqussutaanni § 21 a, imm. 3-mi aamma 4-mi Inissialiornermut tapersiisuteqartarneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 19, 12. november 2001-imi ilanngunneqarsimasi ima allassimavoq:

”Imm. 3. Akiligassanngorsimasunik taarsigassarsiallu amiakkorilersimasaannik, tak. imm. 2, isumakkeerfigineqarnissamik qinnuteqaatit Naalakkersuisunut ingerlatinneqassapput. Qinnuteqaatit naliliiffigineranni qinnuteqartup pigisai nalillit inuussutissarsiorsinnaanerani naatsorsuutigisaa kiisalu illup pisoqaassusia niuernikkullu nalinga isiginiarneqartassapput.

Imm. 4. Akiligassanngorsimasut taarsigassarsiallu amiakkorilersimasaannik isumakkeerfigineqarnissamik qinnuteqaatit suliarineqartarnissaat pillugu Naalakkersuisut malittarisassiussapput.”

Qulaani peqqussutit allannguutissaatut siunnersuut pineqartoq pillugu ataatsimut oqaaseqaatinni imaattut erserput:

”Peqqussutissat siunnersuornermi Naalakkersuisut nalunaarusiornikkut malittarisassiussapput isumakkeerfigineqarnissamik qinnuteqaatinik allaffissornikkut aqutsinissaq pillugu aalajangersaanissamik, A/S Inissiaatileqatigiiffik INI ulluinarni qinnuteqaatinik suliarinnittuusalissaq, tassa INI-p tapiiffigineqarluni illulioartarneq aqutarereermagu. Piumasaqaataavoq INI-p pisussaaffigissagaa taarsigassarsimasut qinnuteqaataannik pissarsiniartarnissaq.

Inatsisartut aningaasanut inatsisaanni kontomi 72.02.02-mi Sullissinissamik isumaqatigiissummi, A/S Inissiaatileqatigiiffik INI, tapiissutinik ilaatigut boligstøttip aqunneqarneranut atorneqartussanik allaffissornikkut aqutsisussaavoq. A/S Inissiaatileqatigiiffik INI-lli isumakkeerfigineqarnissamik qinnuteqaatinik sullissisuunissami akiliuteqaqqinnissamat piumasaqaat eqqarsaatigalugu tunuarsimaarpoq, apeq-qutaatillugu qinnuteqaatinik suliaqarnerup qanoq suliakkersuutaatigiumaarnera.

Naatsorsuutigineqanngilarli INI-p boligstøttemik aqutsinermini suliaasai tamar-miusut amerleriarumaartut, illumut akiligassanik taarsigassarsiallu amiakkuunik aki-linngitsuukkanik isumakkeerfiginninnerup malitsigissammagu taamatut annertutigi-sumik akiligassanik akilinngitsuukkanik akiliisitsiniarnermi oqilisaanneqarneq. 2002-mi suliaasat annertusiallakkallarneqariarlutik ukiuni tulluuttuni taamatulli an-killeriartussaapput.”

Naalakkersuisut § 21 a, imm. 4-mut issuarneqartumut innersuussillutik akiliutissat akiligassanngortut taarsigassarsiallu amiakkuisa isumakkeer-neqarnissaannik qinnuteqaatinik aqutsineq pillugu nalunaarut nr. 10, 18, april 2002-meersoq aalajangersarpaat.

Nalunaarut malittarisassanik makkuusunik ilaatigut imaqarpoq:

”§ 1. Akiliutissat akiligassanngortut kiisalu inissialiornermut tapiissuteqartarneq pillugu Inatsisartut peqqussutaanni kapitali 4 tunngavigalugu taarsigassarsianut akiitsut amiakkuisa isumakkeerfigineqarnissaannik qinnuteqaatit A/S Inissiaatileqa-tigiiffik INI-mut tunniunneqartassapput, taassumalu imm. 3-mi piumasaqaatit taaneqartut qinnuteqaatini eqqortinneqarsimanersut Naalakkersuisut sinnerlugit nakkutigissavaa.

...

Imm. 3. Makku qinnuteqaammut ilanngullugit nassiunneqassapput:

1) Qinnuteqaateqartup inoqutaasa aqqi, inuttut normui suliffiilu pillugit paasissut-issat.

2) Taarsigassarsiat suut isumakkeerneqarnissaat kissaatigineqartut pillugit paasis-sutissat.

3) Inoqutigiit tamarmik pigisaasa nalingi pillugit paasissutissat.

4) Kommunit, aningaaserivimmit il. il. paasissutissanik pisariaqartunik qin-nuteqaatip suliarineqarnerani atugassanik pissarsiniarnissamat inoqutigiit tamarmik akuersillutik uppenarsaanerat.

Imm. 4. A/S Inissiaatileqatigiiffik INI qinnuteqarnermi immersugassamik ima-luunniit nalunaaruteqarnermi atugassamik assigiissaartumik oqaasertalersukkamik sanasinnaavoq.

§ 2. Qinnuteqaat paasissutissanik amigaateqarpat A/S Inissiaatileqatigiiffik INI-p tunngavissaqanngitsumik utaqqisitsinani sapaatit akunnerinik sisamanik piffissaliil-luni paasissutissat amigaataasut nassiunneqaqqullugit qinnuteqartumut nalunaaru-tigissavai.

§ 3. Qinnuteqaatip misissorneqarnerani A/S Inissiaatileqatigiiffik INI-p pissutsit § 1, imm. 3, 1-3-mi taaneqartut malinneqarsimanersut misissussavaa, matumani ino-qutigiit tamarmik akileraaruteqaataasussanik isertitat pillugit paasissutissat pissar-siarineqarnissaat ilanngullugit.

...

§ 5. Qinnuteqaatit paasissutissanik pisariaqartunik tamanik ilaqartinneqartut, tak. §§-it 3 aamma 4, Naalakkersuisunut aalajangiiffigisassanngorlugit nassiunneqartas-sapput.

...”

Allaaserineqartut tunngavigalugit isumaqarpunga isumakkeerinninnis-samik suliat ilaasa A/S Inissiaatileqatigiiffik INI-mut isumagisassanngor-tinneqarnerini inatsisitigit tunngavigisaq ilaatigullu inissiaatileqatigiiffiup pisinnaatitaanerata suunera nalunaarusiami uani issuarneqartumi suliarineqartartussatut takorloorneqartut, ima nalorninartigisut allaat uanga nam-mineq misissuiffiginninnermik aallartitsisariaqarlunga.

Misissuina 2005-imi naammassivara, suliarlu immikkoortumi 5-imi suliatut 11.73.35-1-itut ilanngunneqarpoq.

4-5 *Isumaginninnermi Naammagittaalliuuteqartarfiup sulianik tulleriarinera. (J.nr. 11.73.19.04/124-05)*

Innuttaasunit, pineqartut inissianik attartornerannik atorunnaarsitsinisap pinngitsoortinneqarnissaa siunertaralugu ineqarnermut akiliutinut akiitsut matusissutissaannik pisortanit ikiorsiissutinik kommunit itigartissisutaannik Naammagittaalliuuteqartarfimmu naammagittaalliorsimasunit, naammagittaalliuutit marluk 2005-imi tiguakka.

Naammagittaalliuuteqartarfiup suliani marlunni taakkunani oqaatigaa suliat taakku qaammatit 12-it iluanni suliarineqarniartut.

Tamanna tunngavigalugu aalajangerpunga pisuni inissianit attartukkanit anisinneqarnissaq pinngitsoortinniarlugu innuttaasut pisortanit ikiorsiissutinik qinnuteqarfigisimasaanni ineqarnermut akiliutinut matusissutissanik pisortanit ikiorsiissutit pillugit sulianik Naammagittaalliuuteqartarfiup tulleriarinera nammineerluni misissuiffiginninnermik aallartitsivigniarlugu.

Misissuina ukiup nalunaarusiuunneqartup naanerani suli naammassisi-mannigilaq.

4-6 *Sulianik isumaginninnermut tunngasunik misissuineq (J.nr. 11.73.88.-71/016-05)*

K Kommunip suliaataanik isumaginninnermut tunngasunik misissuininut atatillugu malugaara suliami allattuiffiit qarasaasiakkut ingerlanneqartut naqitanngortinneqarneri suliani arlalinni amigaataasut, taamaattumillu kommuni allakkani 5. april 2005-imeersuni qinnuigaara tamanna isummerfigeqqullugu. K Kommuni allakkani 5. april 2005-imeersuni akivoq K Kommunip isumaginninnermi ingerlatsiviani pisortaasartut paarlagaassimaqisut, sulialli sulianik suliarinnittunut ataasiakkaanut suliaasaqarfinnullu aasap ingerlanerani agguataarneqarsimasut.

Tamatuma kingornatigit allakkani 19. oktober 2005-imeersuni allagateqarfeqarneq pillugu Inatsisartut peqqussutaanni §§-it 6, 9, 13, 14 aamma 32 innersuussutigalugit inassuteqaatigaara suliani qaarasaasiakkut ullorsiuutit/allattuiffiit naqitanngortinneqartarnerat sulianullu iliorarneqartarnerat kommunip aallartissagaa.

4-7 Sulianik sulisunut tunngasunik misissuineq. (J.nr. 11.73.88.72/017-05)

Sulianik sulisunut tunngasunik misissuina allakkani 11. april 2005-imeersuni ataatsimut oqaaseqaatinik imaattunik saqqummiussinissannut pissutissaqalersitsivoq:

”Kommunip mianersoqqussutininik atuisarnera.

Kommunip sulisunut sulianut allagaataanik misissuininni maluginiarpara suliat ilaanni sulisumut mianersoqqussutininik arlalinnik peqartitertoq.

Sulisoqarnermut pisortap P-p 18. marts 2005-imi ataatsimeeqatiginerani kommunip sulisunut quppersagaliaata assilineranik P-p tunivaanga, ilaatigut kommunip nammineq kommunimi sulisunut mianersoqqussutininik tunniussisarneq pillugu ma-littarisassaanik imaqartoq.

Sulisunut quppersagaliame mianersoqqussutininik tunniussisarnermut immikkoortumi imaattumik allassimasoqarpoq:

”Makkunuunatigut unioqqutitsisoqartillugu mianersoqqussutininik tunniussisoqartarpoq:

1. Inortuinnermi. (nal. 08.30 kingorna)
2. Akuerisaanngitsumik sulinngitsoornermi.
3. Imigassartorsimalluni suliarturnermi.
4. Suliffiup nalaani imigassartornermi imaluunniit ikiaroornartumik atuinermi.
5. Akunnerit suliffiusut 10 tiiminik amingaraangata.
6. Suliffiup nalaani akuerisaanngitsumik suliffik qimanneqarpat.
7. Suliffimmit peqquneqarnermi naalasseriinnermi.

Imm. 1-5 pillugit:

Tassani ”Illua’tungerisamik tusarniaaerme immersugassaq” Sulisoqarnermut pisortamit nassiuqqartoq immersorneqassaaq. Tamatuma kingorna sulinngitsoorneq naliliivigineqassaaq.

Sulisut pisussaapput sulinngitsoorfiusoq nassuiaateqarfigissallugu, sulinngitsoornermut patsisaasoq pillugu.

Illua’tungerisamik tusarniaaerme immersugassaq suliarturnermeit ullut pingasut qaangiutsinnagit sulisoqarnermut immikkoortortamut tunniutereersimaneqassaaq.

Taamat unioqqutitsinerne mianersoqqussutininik marlunnik tunniussisoqartarpoq. Unioqqutitsinerit allat atorfeqartitaanerme isumaqatigiissutitigoortumik soraarsitaanerme kinguneqartarput.

Imm. 6 pillugu:

Nalilersuineq immikkoortortami ingerlatsisumit aamma ingerlatsivimmi pisortamit ingerlanneqartarput. Mianersoqqussutininik tunniussisoqassatillugu imm. ”1-5”-ip ataanut ilaatinneqartarput.

Imm. 7 pillugu: Tassani unioqqutitsisoqaraangat allakkatigut mianersoqqussutininik marlunnik tunniussisoqartarpoq, tamatuma kingorna atorfeqartitaanerme isumaqatigiissutitigoortumik soraarsitaanerme kinguneqartarluni.

MIANERSOQQUSSUTIT TAMARMIK QAAMMATINI 12-NI ATUUTTARPUT. MIANERSOQQUSSUTIT TAMARMIK ATORFEQARTITAANERMI ISUMAQATIGIISSUTIT ASSIGIINNGITSUT EQQARSAATIGALUGIT TUN- NI-UNNEQARTARPUT.

Oqaaseqaasiartai sulisoqarnermut pisortamit suliarineqartarput.”

Atorfinitsisarnerme inatsiseqartitsineq naapertorlugu qisuariaateqarnerme mianersoqqussutininik atuisarnermut tunngatillugu siullertut oqaatigaara pisortat suliffe-



qarfutaanni sulisumut mianersoqqussummik tunniussiniarluni isummerneq aalajangiinertut isigisariaqartoq taamaalillunilu pisortat ingerlatsineranni suliasat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumiitumi periaasissatut malittarisassanut ilaalluni.

Sulisqarnermut qppersagaliami imm. 6 aamma 7-imi unioqquitsinerit suunerisa allattorsimaffiani qanoq pisoqartillugu mianersoqqussutinik tunniussisoqartarnera, soorlu assersuutigalugu mianersoqqussummik tunniussisoqassatillugu tamanna sioqqullugu sulisup illua'tungerisatut tusarniaavigineqaqqaarnissaa eqqaaneqarsimangimmat – immikkoortoq 1-5-imut sanilliullugu kommuni qinnuigaara ilisimateqqullunga pisuni tamani mianersoqqussummik tunniussinissamik aalajangiinissaq sioqqullugu kommuni illua'tungerisamik tusarniaaqaartarnerisq.

Nangillunga oqaatigaara aalajangersimasumik unioqquitsisoqartillugu tamatumianersoqqussummik kinguneqartinneqartarnissaa pisuni ataasiakkaani sulisoq mianersoqqussummik tunineqassanersoq tunineqassannginnerlorluunniit naliliivigineqartassasq, tamanna inatsimmi atorfeqartitaanermi isumaqatigiisummi imaluunniit isumaqatigiisummi aalajangersarneqanngippat.

Taamaattumik kommuni qinnuigaara pisuni tamani sulisumik mianersoqqussummik tunniussisoqarnissaa eqqarsaasersuutigineqartillugu kommunip unioqquitsisimaneq mianersoqqussummik tunniussinissamut pissutissaqartitsinersoq aalajangersimasumik naliliivigisarneraa ilisimateqqullunga.

Aammattaaq kommuni qinnuigaara sulisoqarnermut qppersagaliami eqqaaneqartut saniatigut soorlu assersuutigalugu suleqatigiinniarnikkut ajornartorsiuteqartoqartillugu imaluunniit naleqqutinnginneq pissutigalugu atorfeqartitaanermi inatsiseqartitsineq tunngavigalugu qisuariaateqarnermi kommunip mianersoqqussummik tunniussineq atortarneraa ilisimateqqullunga.

Mianersoqqussutinik atuisarnermut tunngatillugu ataatsimut oqaatigaara ingerlatsinerimik inatsiseqartitsinerim assigiinngisitaartumik tunngaviusumik periaaseqarnerup kingunerisaanik pineqaatissiinernik sakkortuunik atuisoqassanngitsosq, pineqaatissiinerit sakkukinnerusut naammakkaangata, tamatumalu arlalitsigut nasatarisassagaa soraarsitsinissamik suliamik ingerlatsisinnaajunnaarneq, tamanna sioqqullugu sakkukinnerusumik atuutsinneqarsinnaasumik qisuariaateqarneq misileqqaarsimatinnagu – tamatumani mianersoqqussummik tunniussinikkut - tassa assingusumik pisoqartillugu soraarsitsinerimut tunngavilersuutaasumik.

Akerlianilli imaassanngilaq aalajangersimasumik unioqquitsisoqartillugu mianersoqqussutinik marlunnik imaluunniit ataatsimik tunniussinikkut soraarsitsisoqartassasq, tamatumaa kingorna sulisoq assinganik unioqquitsiseqqilluni.

Taamaattumik kommuni aamma qinnuigaara sulisumik soraarsitsineq mianersoqqussutinik marlunnik tunniussisoqareeraangat toqqaannartumik pisarnerisq imaluunniit suliat tamarmik ataasiakkaarlugit soraarsitsineq pissusissamisoortumik pisimarnersoq naliliivigineqartarnerisut ilisimateqqullunga.”

Kommuni allakkani 14. juni 2005-imeersuni immikkoortoq taanna pil-lugu imatut akivoq:

”Pineqartoq: Kommunip mianersoqqussutinik atuisarnera.

Suliasat suliarineqartarnerat pillugu inatsimmi aalajangiinerni sulisunut tunngasuni tamani suliami illua'tungiusup isumaanik tusarniaasoqartarnissaanik piunmasaqaat kommunip eqqortinniarlugu anguniagaraa. Suliffeqarfimmi pisortat tamar-mik pikkorissartitsinerit ilinniartitsinerillu aqquutigalugit ilisimatinneqarsimapput atorfeqartitsineq pillugu inatsiseqartitsinikkut sulisunut iliuuseqartoqassappat ta-

manna sioqqullugu suliami illua'tungiusup isumaanik tusarniaasoqarsimassasoq. Tamanna sutigit tamatigit atuuppoq.

Mianersoqqusisoqartillugu imaluunniit soraarsitsisoqartillugu tamanna suliami illua'tungiusup isumaanik ajornangippat tusarniaareernikkut pisarpoq. Tunngaviup taassuma suliani sulisunut tunngasuni tamani malinneqarnissaa anguniarneqarsimavoq. Pingaartumik suliani soraarsitsinermut tunngasuni pisut tamaasa ilanngullugit soorunalimi naliliisoqassaaq, mianersoqqussutillu naliliiniarnermi ilanngullugit isiginiarneqartarlutik. Tamanna K Kommunip tusaatissatut tigusimavaa, taamalu "Sulisoiarneq pillugu quppersagaq" allanngortiterlugu aallartissimallugu. Piffisami akunniliuttumi suliat soraarsitsinermut tunngasut tamarmik ataatigit atsiortumut saqqummiunneqartassapput, taamaaliornikkut tamatuma naliliinermi pisunik tamanik isiginnilluni pisimanera kiisalu suliami illua'tungiusup isumaanik tusarniaanerit pisariaqartut ingerlanneqarsimanerat qulakkeerneqarsinnaaqqullugu. Marlorialuni mianersoqqussuteqartoqarnerata kingornatigit soraarsitsinerit eqqarsaatigalugit taakku ingerlaannartumik pisarsimapput, tamannali siunissami allanngortinneqassaaq, sulisoqarneq pillugu quppersagaq tamanut ingerlaartinneqarepat.

Sulisoiarneq pillugu quppersakkami periarfissatut taaneqartut saniatigit mianersoqqusisoqarsimanera eqqarsaatigalugu tamatuma pisimanginnera K Kommunip nalunaarutigissavaa. Ajornartorsiutit mianersoqqusisarneq pillugu aqqissuussinermiittut kommunip isiginiarsimavai. Tamatumali sulisoqarneq pillugu quppersakkami killiliissutinik nassataqarsinnaanera K Kommunip miserratiginngilaa." (Atorfeqarfimmi nutsigaavoq)

Kommuni allakkani 15. juli 2005-imeersuni imatut nalunaarfigaara:

"Kommunip mianersoqqussutinik atuinera.

Kommunimi sulisorisat eqqarsaatigalugit mianersoqqussutinik atuneq pillugu kommunip iluani malittarisassat kommunip sulisut pillugit mappersagaataaniipput.

Allakkanni 11. april 2005-imeersuni kommuni ilaatigit qinnuigaara mianersoqqussuteqartoqassatillugu kommuni pisuni tamami suliami illua'tungiusup isumaanik tusarniaasarnersoq nalunaarutigeqqullugu.

Kommuni tamanna pillugu allappoq: "Suliffeqarfimmi pisortat tamarmik pikkorsartitsinerit ilinniartitsinerillu aqqutigalugit ilisimatinneqarsimapput atorfeqartitsineq pillugu inatsiseqartitsinikkut sulisunut iliuuseqartoqassappat tamanna sioqqullugu suliami illua'tungiusup isumaanik tusarniaasoqarsimassasoq. Tamanna sutigit tamatigit atuuppoq." (Atorfeqarfimmi nutsigaavoq)

Aammattaaq kommuni taamani qinnuigaara pisut ataasiakkaarlugit atorfeqartitaasup iliuuseqarnera mianersoqqussuteqarnissamut pissutissaqalersitsinersoq kommuni suliami naliliisarnersoq, sulisullu pillugit mappersakkami pisut taaneqartut saniatigit mianersoqqussuteqartoqartarnersoq kiisalu marlorialuni mianersoqqussuteqarneq soraarsitsinermik ingerlaannartumik malitseqartinneqartarnersoq nalunaarutigeqqullugu.

Kommunip tamanna pillugu oqaatigaa sulisut pillugit mappersagaq kommunip massakkut allanngortitileraa. Aammattaaq kommunip akissutaanit erserpoq pissutsit qulaani taaneqartut sulisut pillugit mappersakkap misissorneqarnerani kommunip ilanngullugit isiginiararai.

Mianersoqqussutinik atuneq pillugu kommunip oqaaseqaatai tusaatissatut tiqakka."

4-8 *Sulianik akiliisitsiniarnermut tunngasunik misissuineq. (J.nr. 11.73.-88.73/018-05)*

K Kommunimi sulianik akiliisitsiniarnermut tunngasunik misissuina allakkani 6. april 2005-imeersuni ataatsimut oqaaseqaatinik imaattunik saqummiussinissannut pissutissaqalersitsivoq:

”Akiitsoqartunik qarasaasiakkut nalunaarsuiffiit kiisalu qarasaasiakkut ”ullorsiu- tip” naqitanngortinneqarneri.

Akiliisitsiniartarfiup pisortaata ...-p 18. marts 2005-imi ataatsimiinnermi oqaati- gaa kommuni akiitsoqartunik qarasaasiakkut nalunaarsuiffeqartoq, kommunip qaammammut ataasiarluni naqitanngortittagaanik. Naqitanngortitat taakku sulianut ikineqartarsimangillat.

Aammattaaq akiliisitsiniartarfiup pisortaata ...-p oqaatigaa kommuni qarasa- asiakkut ”ullorsiuqartoq”, tamannalu imatut paasivara akiitsoqartut nalunaar- suiffimmi allattorsimasut tamaasa ataasiakkaarlugit ”ullorsiummik” pilersitsisoqar- simasoq. Qarasaasiakkut ”ullorsiuqartoq” taassuma naqitanngortinneqarnera sulianut ataasiakkaanut ikineqartarsimangilaq.

Akiitsoqartunik nalunaarsuiffimmit naqitanngortinneqartut kommunip toqqorsi- vimmut toqqortarnerai, aamma qarasaasiakkut ”ullorsiuqartoq” ingerlaavartumik naqi- tanngortittarnerai imaluunniit ullorsiuqartoq allatut iliorluni toqqortarisarneraa ataatsi- miinnermi qulaajarneqanngitsoorpoq.

Tamanna pillugu oqaatigaara qarasaasiakkut ullorsiuqartoq naqitanngortinneqartan- ginnerata manna nassatarigaa, tassalu pisortani nakkutilliisut, matumani Ator- feqarfik imaluunniit kukkunersiuqartoq kiisalu akiliisitsiniartarfimmi sulisut nu- taat ilanngullugit eqqarsaatigalugit, suliami allagaatinik misissuinerminni suliap ataatsimut ataqatigiinneqarnera imaaliillaannaq takusinnaanngikkaat, imaluunniit allakkatigut uppersaatit akiitsoqartut qarasaasiakkut allattorsimaffiannut ima- luunniit akiitsut killiffiannut imaaliillaannaq sanilliussinnaanngikkaat.

Akiliisitsiniartarfiup pisortaanut – ataatsimiinnermilu tullermi borgmester ...- mut aamma kommunaldirektør ...-mut – malugeqqullugu oqaatigaara kommunip toqqorterineri periaasia toqqorterisarneq pillugu malittarisassat eqqarsaatigalugit aamma ajornartorsiutaasinnaasoq.

Allagaateqarfeqarneq pillugu Inatsisartut inatsisaanni nr. 22-mi, 30. oktober 1998-imeersumi § 6-imit erserpoq:

”§ 6. Suulluunniit paasisutissartallit pisortat sullissiveqarfiini sulinikkut pilers- inneqartut taakkuluunniit aqutugalugit pilersinneqartut toqqorneqassapput.”

Inatsimmilu tassani §§-init 9-mit, 13-imit, 14-inimit aamma 32-mit makku erser- put:

”§ 9. Naalackersuisut pisortat sullissiveqarfiutaasa toqqortaatinik suliarinnittar- nerat toqqortarinnittarnerallu pillugit erseqqinnerusumik malittarisassiussapput. Kommunini ingerlatsiviit toqqortaatinik suliarinnittarnerat toqqortaqartarnerallu pil- lugit malittarisassat Kalaallit Nunaanni Kommunit Kattuffiannut isumaqatiginnin- niareernikkut aalajangersarneqassapput.

...  
§ 13. Nunatta Katersugaasivia Allagaateqarfialu atortussaajunnaarsitsineq pil- lugu ilitsersuutissanik maleruagassiussaaq.

§ 14. Toqqortaatiniq atortussaajunaarsitsineq Nunatta Katersugaasiviata Allagaateqarfiatalu allakkatigut akuersineratigut aatsaat pisinnaavoq imaluunniit § 13 naapertorlugu ilitersuutit maleruagassiarineqarsimasut naapertorlugit.

...  
§ 32. Allaffissornikkut malittareqqusat Kultureqarnermut, Ilinniartitaanermit Ila-geeqarnermullu Naalackersuisoqarfimmit aalajangersakkat aammalu Nunatta Ka-tersugaasiviata Allagaateqarfiatalu ilitersuutit maleruagassiai erseqqivissumik atortussaajunnaarsinneqarnissartik tikillugu atuutiinnassapput.”

Aqutsinermi allaffissornikkut maleruagassat erseqqinnerusut Naalackersuisunit aalajangersarneqarsimanngillat, kisianni Nunatta Katersugaasiviata Allagaateqarfiatalu KANUKOKA oqaloqatigereerlugu Kalaallit Nunaanni kommunini allagaatinik atortussaajunnaarsitsisarneq toqqortarinninnerlu pillugit tunaartarisassat 1991-imi saqqummersissimavai. Atuagaq 1991-imi saqqummersinneqartoq ”Kalaallit Nunaanni kommunini allagaatinik toqqorterisarneq kasiiliisarnerlu pillugit aalajangersakkat”-mik qulequtaqartoq ilanngullugu nassiuppara.

Kommuni qinnuigaara suliani ataasiakkaani naqitanngortitat il.il eqqarsaatigalugit suliatigut isiginiagassat nassuiakkakka allagaatinillu toqqorterisarneq atortussaajunnaarsitsisarnerlu pillugit tunaartarisassat ilanngullugit nassiussakka kommunip qanoq iliuseqarnissaanut pissutissaqalersitsinersut nalunaarfigeqqullunga.

Akissarsianit unerartitsineq.

Kommunip nammineq sulisitsuuffiginngisamini sulisitsisunut akissarsianit unerartitseqqusinermi immersugassaq assigiaartunik oqaasertalersugaq atortarpa (..., ... aamma ... pillugit suliat tulliuuttuni takukkit).

Immersugassami tassani eqqartuussisarneq pillugu inatsit imaluunniit aningaarsianit akileraarutit pillugit inatsit tunngavigalugu akissarsianit unerartitsineq pineqarneris qrydsiliiffissaqarpoq. Immersugassani tamani eqqartuussisarneq pillugu inatsit tunngavigalugu akissarsianit unerartitsineq pineqartoq krydsilerneqartarsimavoq, naak immersugassat ataasiakkaat ilaanni ”akiitsut suussusii”-nik nalunaarfissami akileraarutit akiitsut aamma pineqartut oqaatigineqartarsimagaluar- toq.

Immersugassat amerlanersaanni akiitsut tamarmiusut qanoq amerlatigissusiat pil- lugu paasissutissiisoqartarsimanngilaq. Suliani allagaatini allani akiitsut pillugit imaaliiallaannaq uppernarsaatissanik peqanngilaq.

Immersugassami ataatsimi (suliami ...-mut tunngasumi - ...-mut allakkani 18. august 2004-meersuni) oqaatigineqarsimavoq akissarsianit ilanngaassisarneq qaam- mmut 33,33 %-init qaammammut 2.000 kr.-nut allanngortinneqassasoq. Immer- sugassani allani aningaasat qanoq amerlatigisut qaammatit tamaasa unerartinneqar- tassanersut oqaatigineqartarsimanngilaq. Immersugassani taakkunani oqaatigi- neqaannartarsimavoq akileraarutit ilanngaatigereerlugit sinneruttunit 33 procentit angullugit unerartinneqarsinnaasut.

Eqqartuussisarneq pillugu inatsimmi (Kalaallit Nunaanni eqqartuussisarnermik inatsimmik nalunaarut nr. 99, 21. marts 1984-imeersaq) kapitali 7, § 12, imm. 2-mit erseerpoq ”Akileraarutit tigoreertakkaq ilanngaatigereerneratigut akiligassallip pisassaasa aggornerisa pingajorarterutaannit annerusumik sukkulluunniit ilanngar- tuisoqassanngilaq”.

Aalajangersagaq taanna imatut paasineqassanngilaq pisuni tamani pingajorarte- rutit tikillugit ilanngaassisoqarsinnaasoq. Aalajangersagaq taanna tamatuma paarlato- roa, tassaalu annertunerpaaffissaliineq pillugu malittarisassamik oqariartuuteqar- toq. Taamaattumik akiitsoqartup ataatsimut aningaasaqarnera (isertitat aningaasar- tuutillu) pisut ataasiakkaarlugit erseqqissumik naliliiffigineqartassaaq, aningaasat qanoq amerlatigisut (annertunerpaamik pingajorarterutit ataatsit) akiitsoqartup

qaammatit tamaasa akissarsiaminit naleqquttumik pinngitsoorsinnaanerai naliliiffiginiarlugu. Ilaatigut 2003-mi ukiumoortumik nalunaarutima kalaallisuuani qupperneq 444 tullialu, qallunaatuuanilu qupperneq 350 tullialu innersuussutigaaqka.

Suliat misissukkama arlaannaanniluunniit akiitsoqartup aningaasaqarneranik ataatsimut taamatut naliliisoqarsimanera pillugu allakkiaqanngilaq.

Kommuni nammineq sulisumi akissarsiaannit ilanngaagaangat ima pisortaqarsimasoq paasivara, tassalu immersugassaq ”akissarsiat ilaannik nalunaarutiginninneq” (Atorfeqarfimmi nutsigaavoq) pillugu immersugassaq kommunip atortaraa (tulliuttuni ..., ... aamma ... pillugit suliat oqaatigineqartut takukkit).

Akissarsiat ilaannik nalunaarutiginninneq pillugu immersugassaq kommunip akissarsianit ilanngaassinermut inatsisitigut tunngavigisaa pillugu paasissutissanik imaqanngilaq.

Suliami allagaatini allani akiitsut pillugit uppersaatissaqarnera imaaliiallaanaq takuneqarsinnaanngilaq.

Akissarsiat ilaat pillugit nalunaarutiginninnermi immersugassani – immersugassaq ataaseq eqqaassanngikkaanni – akiitsut aningaasartaasa qassiussusiat pillugu allaffissap nalaani tamani akissarsianit ilanngaatigineqartussat amerlassusissaat allaneqartarsimavoq. Akiitsoqartullu isertitai akiitsuilu tamarmiusut ilisimannginnakkit aningaasat taaneqartut 33 procentinik ilanngaassinermut takussutissaaginnarnersut nalilersinnaanngilara. Immersugassat ilaanni ataatsimi (... pillugu suliami) oqaatigineqaannarsimavoq kommunimut akiitsunut assigiinngitsunut ”33,33%-inik ilanngaassineq” aallartinneqassasoq. Akiitsoqartup aningaasaqarnerata tamarmiusup naliliiffigineqarsimanera pillugu allakkianik suliani peqanngilaq.

Sulisitsisunut immersugassat/akissarsiat ilaat pillugit nalunaarutiginninnerit, matumani kommuni nammineq ilanngullugu eqqarsaatigalugu, sulisitsisumuinnaq ingerlatitaapput. Suliat arlaannaanniluunniit akissarsianit unerartitsisoqarnissaanik aalajangiineq pillugu akiitsulimmut allakkanik nassaassaqaanngilaq.

1998 pillugu ukiumoortumik nalunaarutip kalaallisuuani qupperneq 311-mi tulliinilu, qallunaatuuanilu 241-mi tulliinilu ilaatigut akissarsianit unerartitsinermut atatillugu periaaseq pillugu oqaaseqaateqarpunga, matumani akiitsoqartumut akissarsianit unerartitsineq pillugu ilisimatitsissuteqartarneq ilanngullugu eqqarsaatigalugu.

Akiliisitsiniartarfiup pisortaata ...-p 18. marts 2005-imi ataatsimiinnermi oqaatigaa akissarsianit unerartitsisoqarnissaanik kommuni aalajangiingangat akiitsoqartoq kommunip ilisimatittaraa. Tamanna imatut paasivara ilimatitsissuteqarneq imatut pisarteq, tassalu akiitsoqartoq sulisitsisumut nalunaarutip assilineranik allakkanillu nassitsissutinik nassinneqartartoq.

Suliat akiitsoqartoq eqqarsaatigalugu allakkat nassitsissutit/aalajangiinerit assilinerinik imaqanngimmata kommuni qinnuigaara – suliat ataasiakkaat pillugit oqaaseqaatinit saqqummertutut – allakkat nassitsissutit/aalajangiinerit taakku uanunat nassiteqqullugit.

Akissarsianik amerlanaarlugit tunniunneqarsimasunik utertitsilluni akiliisarneq.

... aamma ... pillugit suliani ilaavoq akissarsianik amerlanaarlugit akilerneqarsimasunik utertillugit akileeqqusissut/akiligassiissutip allagartaa. Akissarsianik amerlanaarlugit akiliisoqarsimanera pillugu uppersaammik suliani peqanngilaq.

Aningaasat taakku utertillugit akileqquneqarnissaannut piumasaqaatit eqqortinneqarsimanerannik aalajangiisoqarsimaneranut uppersaammik aamma peqanngilaq.

Tamanna pillugu oqaatigaara akissarsiat kukkusumik tunniussat taamaallaat utertillugit akileqquneqarsinnaammata pisassarisat tunngavigalugit pisinnaatitaaffiit pillugit piumasaqaataasut nalinginnaasut eqqortinneqarsimappata (condictio indebiti). Tamanna ilaatigut imatut isumaqarpoq utertitsilluni aatsaat akileqqusisoqarsinnaa-

soq akissarsiat amerlanaarlugit tunniunneqarsimanagerat atorfeqartitaasup ilisimasi-mappagu imaluunniit mianersuaalliorujussuarsimaneq pissutigalugu ilisimasiman-ngippagu. Aammattaaq aningaasat utertillugit akilersinniarneqarsinnaanerannik naliliineq tassaavoq pisortat ingerlatsineranni suliaasat suliarineqartarnerat pillugu Inatsisartut inatsisaanni (suliaasat suliarineqartarnerat pillugu inatsimmi ) nr. 8-mi, 13. juni 1994-imeersumi periaatsit pillugit malittarisassani pineqartunut ilaatin-neqartoq. Tamanna ilaatigut imatut isumaqarpoq akissarsialik aalajangiisoqanngin-nerani suliami illua'tungiusup isumaa tusarniarneqassasoq. 2002 pillugu ukiumoor-tumik nalunaarutinni kalaallisuuani qupperneq 247 tulliilu, qallunaatuuani qup-perneq 193 tulliilu kiisalu Hans Gammeltoft-Hansenip atuakkiaani "Forvaltnings-ret"-imi, aappasaanik naqitertinneqartumi quppernerit 174-175 innersuussuti-gaakka, taakkulu assilineri ilanngullugit nassiunneqarput.

Akiliisitsiniartarfiup pisortaanik ...-mik ataatsimeeqateqarninni aamma suliso-qarnermut pisortamik ...-mik ataatsimeeqateqarninni 18. marts 2005-imi pisuni apeqqutigaa akissarsianik amerlanaarlugit tunniunneqartunik utertitsilluni akiliisitsiniarnermut atatillugu utertitsilluni akiliisitsiniarneq pillugu piumasaqaatit eqqortinneqarsimanersut kommuni pisuni ataasiakkaani naliliisarnersoq.

Akissutigineqartut imatut paasivakka suliani taamatut naliliisoqarneq ajortoq. Akissutigineqartut imatut paasivakka kukkusunik tunniussinerit teknikkikkut naat-sorsuinerinnartut (amerlanaarlugit tunniussisoqarneranik naatsorsuinerinnartut) suliarineqartartut. Kukkusumik tunniussisoqarsimanagersoq akissarsialeriffiup naat-sorsortarpaa. Tamanna imatut paasivara amerlanaarlugit tunniussisoqarsimappat akissarsialeriffiup naatsorsuuserisoqarfik tamatuma kingornatigut qinnuigisaraa ani-ngaasat tamarmiusut pillugit akiligassiissut akissarsiaqartumut nassiuteqqullugu. Akiligassiissutit assilineri tamatuma kingornatigut akiliisitsiniartarfiup suliaataanut ikineqartarpoq, aningaasallu akilerneqanngippata nukingisaarinermi periaaseq aki-liisitsiniartarfiup aallartitarpaa. Kommuni qinnuigaara qulaani taaneqartut eqqor-tumik paasisimanagerikka ilumoorneraqqullugu ilumuunnginneraqqulluguluunniit.

Aningaasat utertillugit akileqquneqarnissaannut tigussaasutigut piumasaqaatit eqqortinneqarsimanersut kommuni manna tikillugu naliliisarsimanngippat kom-muni qinnuigaara siunissami taamatut naliliisoqartalernissaa kommunip qanoq ilior-luni isumagiarneraa nalunaarfieqqullunga.

Aammattaaq kommuni qinnuigaara suliat eqqunngitsumik akiliisitsiniarfusi-masinnaasut suussusersissallugit kommuni periarfissaqarnersoq, taamaattoqarpallu pisassarisat aalajangiussimanagerinnanerisut naliliiffiginiarlugit suliat taakku kom-munip misissorniarneraa nalunaarfieqqullunga.

Kommunili akissarsialimmik akiliisitsiniummik nassiussitinnagu kommuni qu-laani taaneqartut paarlattuannik utertitsilluni akiliisitsiniarnissamut tigussaasutigut piumasaqaataasunik naliliisarpak kommuni qinnuigaara ... aamma ... pillugit suliani aalajangiinerit/suliaq pillugu allakkiat suliarineqarsimappata taakku assilinerinik nasseqqullunga."

K Kommunip akissummini 30. maj 2005-imeersumi aamma 11. juli 2005-imeersumi ataatsimut oqaaseqaatikka isummerfigisimanngilai, taa-maattorli qarasaasiakkut ullorsitip naqitanngortinneqartarneranik oqaase-qaatikka pillugit kommunip oqaatigaa:

"Isumaqitigiissummik nutaamik nalunaarsuineri tamatigut ullorsitip naqitan-ngortinneqartarnera taassumalu suliamut ikineqartarnera aatsaat aallartipparput." (Atorfeqarfimmi nutsigaavoq)

Kommunip akissutaataa allakkani 26. juli 2005-imeersuni ataatsimut imaattunik oqaaseqaateqarnissannut pissutissaqalersippaanga:

” ...

Ataatsimut.

Sulianik uppersaasersuineq.

Suliat akiliisitsiniarnermut tunngasut kommunimut tikeraarninni misissukkama amerlanersaanni pisassarisat namminneq akiitsullu naatsorsorneqarnerat pillugit uppersaasatit amigaataapput.

Kommunilli suliani ataasiakkaani suliani uppersaasiussat assilinerinik piusasaqarfigisimasanni uppersaasatit takujumasakka nassiussimavai.

Taamaattumik suliat akiliisitsiniarnermut tunngasut misissorsimasakka eqqarsaatigalugit inerniliillunga oqaatigisariaqarpara suliat naammattumik uppersaasersorneqartarsimasut, uppersaasatilli ilaannaat mappini allagaatinik imalinni akiitsoqartut ataasiakkaat inuttut normui atorlugit pilersinneqarsimasuniitinnegartut.

Tamanna pillugu oqaatigaara suliami uppersaasatit tamarmiullutik ataatsimut toqqortarineqanngippata suliami allagaatit sumiinnerat oqartussaasup paatsiveerussinnaagaa, taamaattumillu oqartussaasup sulianik suliarinninnera toqqissisimanartumik ingerlanneqarsinnaanani.

Taamaattumik oqartussaasup suliami allaagaatit sulianit ataasiakkaanit tigoorasappagit allagaatit sorliit tiguneqarnerat allagaatillu taakku massakkut sumi toqqortarineqarnerat oqartussaasup suliami allattarpagu pitsaanerpaassaaq.

Taamaattumik suliat akiliisitsiniarnermut tunngasut ataasiakkaat pillugit allagaatit akiitsoqartut ataasiakkaarlugit suliani ataatsimoortillugit kommunip toqqortarinninnginnera, allagaatillu sumi toqqortarineqarnerisa suliani takuneqarsinnaannginnerat pitsaanngitsuusoq isumaqarpunga.

Akiitsoqartut pillugit qarasaasiakkut nalunaarsuiffiit kiisalu qarasaasiakkut ullorsiuq naqitanngortinneqartarneri.

Akiliisitsiniartarfiup pisortaata ...-p kommunimut tikeraarninni paasitippaanga kommuni akiitsoqartut pillugit qarasaasiakkut nalunaarsuiffeqartoq kommunip qaammatikkaakannersumik naqitanngortittagaanik. Naqitanngortitat taakku misissuininni suliani ataasiakkaani arlalinni ilaannngillat.

Akiliisitsiniartarfiup pisortaata tamatuma saniatigut oqaatigaa kommuni qarasaasiakkut ullorsiuqartoq, tamannalu imatut paasivara akiitsoqartut pillugit nalunaarsuiffimmi nalunaarsorneqarsimasut ataasiakkaarlugit qarasaasiakkut allattuiffimmik pilersitsisoqarsimasooq. Qarasaasiakkut ullorsiuq taanna suliani allagaatinut aamma ilaannngilaq.

Kommunip allakkani 25. april 2005-imeersuni oqaatigaa qarasaasiakkut ullorsiuq kommunip massakkut naqitanngortittaleraa, isumaqatigiissullu nutaaq allanneqaraangat ullorsiuq taanna suliamut tamatigut ilineqartalersoq.

Kommunip paasissutissiissutaa tusaatissatut tiguara. Akiitsoqartut pillugit nalunaarsuiffiup naqitanngortinneqartarnera eqqarsaatigalugu oqaatigaara uanga paasininnera unaasoq naqitanngortitat taakku sulianut ataasiakkaanut ilineqartarnissaat kommunip taamatuttaaq isumaliutersuutigisariaqaraa, tassami taamaaliomerup suliamik malinnaaffiginninnissamut periarfissaq oqinnerulersissammagu, suliamilu allagaatit akiitsut sumut killinnerat pillugu takussutissiamut sanilliunneqarsinnaalersissallugu.

Akissarsianit unerartitsineq.

Suliani misissorneqartuni arlalinni kommuni akissarsianit unerartitsinermik aalartitsisarsimavoq. Sulianili takuneqarsinnaanngilaq akiitsoqartut akissarsianit unerartitsineq pillugu nalunaarfigineqartarsimanersut.



Akiliitsitsiniartarfiup pisortaata ...-p kommunimut tikeraarninni paasitippaanga akissarsianit unerartitsineq aallartinneqassasoq kommuni aalajangiigaangat akiitsoqartoq ilisimatinneqartartoq sulisitsisumut ilanngaassueqqusissutip assilineranik kii-salu allakkanit nassitsissutaasunik nassinneqarnermigut.

Allakkat nassitsissutaasut taakku assilineri pigineqanngimmata kommuni taamani qinnuigaara allakkat nassitsissutit taakku assilinerinik nasseqqullunga.

Allakkat nassitsissutit taakku assilinerinik tigusaqanngilanga. Suliat kommunip akissarsianit ilanngaassinermik aallartitsivigisimasaasa ilaat pillugit kommunip oqaatigaa tamanna akiitsoqartup saaffiginninnera tunngavigalugu pisarsimasoq.

Tamanna pillugu oqaatigaara akissarsianit unerartitsinermik aallartitsisoqarnissaanik aalajangiineq tassaasoq ingerlatsineq pillugu inatsiseqartitsineq tunngavigalugu aalajangiineq. Tamatuma ilaatigut nassataraa aalajangiineq atuussinnaassuseqartutut aatsaat isigineqarsinnaalissasoq aalajangiinnermi pineqartumut nalunaarutigineqaruni. Aammattaaq pineqartoq tassaavoq kommuni akissarsianit unerartitsinermik aallartitsisoqarnissaanik aalajangiinnermigut akiitsoqartoq aamma sulisitsisoq eqqarsaatigalugit aalajangiisoq.

Taamaattumik suliani akiitsoqartoq isumaqatigiissuteqarfigereernagu akissarsianit unerartitsinermik aallartitsiviusuni akissarsianit unerartitsinermik aallartitsisoqarnissaanik aalajangiinnermik kommunip akiitsoqartumut nassiussisanninnera pitsaannigitsutut isigaara.

Akissarsianik amerlanaarlugit tunniunneqartunik utertitsilluni akiliisarneq.

Suliat misissukkama ilaanni – ... pillugu suliami - akissarsianik amerlanaarlugit tunniunneqartunik utertillugit akiliinissaq kommunip piumasaqaatigisimavaa.

Akiliisitsiniartarfiup pisortaanic ...-mik kiisalu sulisoqarnermut pisortamik ...-mik 18. marts 2005-imi ataatsimeeqateqartarninni taakku aperaakka atorfeqartitaasoq akissarsianik amerlanaarlugit tunineqarsimatillugu akissarsiat amerlanaarlugit tunniunneqarsimanerat atorfeqartitaasup ilisimaneraa imaluunniit mianersuaalliorujussuarnermigut ilisimasimanninneraa kommuni naliliisarnersoq.

Oqaatigineqartunik paasinneqqaarnera unaavoq taamatut naliliisoqartarsimanngitsoq.

Kommuni allakkanni 6. april 2005-imeersuni qinnuigaara siunissami taamatut naliliisoqartarnissaa kommunip qanoq iliorluni isumagiarneraa uannut nalunaarutigeqqullugu.

Kommuni tamatuma saniatigut taamani qinnuigaara akissarsiat amerlanaarlugit tunniunneqarsimasut utertillugit akilernerqarnissaannik kommunip aalajangiinissaa sioqqullugu atorfeqartitaasoq suliami illua'tungiusutut isumaanik tusarniaavigineqartarnersoq nalunaarutigeqqullugu.

Kommunip maanga allakkamini 30. juni 2005-imeersuni taamaallaat oqaatigaa suliani akissarsiat amerlanaarlugit tunniunneqartut utertillugit akileqqusiffiujumaartussani kommuni suliami illua'tungiusup isumaanik siunissami tusarniaasarniartoq.

Tamanna pillugu oqaatigaara atorfeqartitaasup akissarsianik amerlanaarlugit tunniunneqartunik utertitsilluni akiliinissaanik piumasaqaateqartarnissaaq kommunip ileqquliutiinnarsinnaanngikkaa. Oqartussaasup akissarsiat amerlanaarlugit tunniunneqartut utertillugit akilernerqarnissaannik aalajangiinnginnerani akissarsiat amerlanaarlugit tunniunneqarnerat atorfeqartitaasup ilisimasimaneraa imaluunniit akissarsiat amerlanaarlugit tunniunneqarnerat mianersuaalliorujussuarnermigut ilisimasimanninneraa naliliisoqartassaaq.

Piumasaqaataasut taakku eqqortinneqarsimanerat kommunip uppersarsinnaanngippagu akissarsiat amerlanaarlugit tunniunneqartut utertillugit akileqquneqarsinnaanngillat.

...



Kommuni tamatumunnga peqatigitillugu nalunaarfigaara suliat ataasiakkaat eqqarsaatigalugit annertunerusumik iliuseqaqqinnianningsunga.

4-9 *Sulianik isumaginninnermut tunngasunik misissuineq (J.nr. 11.73.88.-71/019-05)*

Kommunimi sulianik isumaginninnermut tunngasunik misissuina alakkani 5. april 2005-imeersuni ataatsimut oqaaseqaatinik imaattunik saqqummiussinissannut pissutissaqalersitsivoq:

”Utertitassanngortillugit ikiorsiissutit pillugit immersugassaq assigiiaartunik oqaasertalersugaasoq.

Sulianit erserpoq (suliat nr. 1, 3, aamma 6 takukkit) ikiorsiissutinik utertitassanngorlugit tunniunneqartussanik ikiorsiisoqassasoq kommuni aalajangiigaangat immersugassaq assigiiaartunik oqaasertalersugaasoq kommunip atortaraa.

Immersugassaq assigiiaartunik oqaasertalersugaasoq kommunip atugaa quppernerup siulliup aallaqqaataani utertitassanngorlugit ikiorsiissutit pillugit immikkoortumik imaqarpoq, quppernerullu taassuma naggataani nammineq piumassuseq tunngavigalugu isumaqatigiissut/naafferartumik akilersuinissamik aaqqissuussineq pillugu immersugassaq ilaalluni.

Tamanna imatut paasivara kommunip immersugassamut ilagitillugu qupperneq alla ikiorsiissutit utertitassanngortillugit tunniunneqarsinnaanerit pillugu aalajangersakkat nassuiarneqarnerannik imalik tunniuttaraa. Utertitassanngortillugit ikiorsiissutit pillugit immersugassami naammagittaalliornissamut ilitsersuut imaattunik oqaasertaqartoq naqinneqarsimavoq:

”Peqatigitillugu ilisimatinneqarpunga, taarsiinissamik aalajangiineq naammagittaalliutitineqarsinnaasoq tamanna pillugu Inatsisartut inunnik isumaginnittoqarnerup aqunneqarnera aaqqissugaaneralu pillugit peqqussutaanni aalajangersakkat mallugit.”

Kommuni qinnuigaara qinnuteqartoq – immersugassap taassuma saniatigut – utertitassanngorlugit ikiorsiissuteqartoqarnissaanik allakkatigut aalajangiinermik tunineqartarnerisooq nalunaarutigeqqullugu, matumani Isumaginninnermi Naammagittaalliuteqartarfimmuut naammagittaalliornissamut periarfissaq suliamilu pineqartumi naammagittaalliuteqarnissamut piffissaliunneqartoq ilanngullugit eqqarsaatigalugit.

Pisortat ingerlatsineranni suliasat suliarineqartarnerit pillugu Inatsisartut inatsisaanni nr. 8-mi, 13. juni 1994-imeersumi § 25, imm. 1 innersuussutigaa.

Mappit allagaatinik imallit immersugassanik nassaarfigisama arlaannaanniluunniit tamanna pillugu allakkatigut annertunerusumik nalunaarummik/aalajangiinermik nassaanngilanga.”

Kommuni immikkoortoq taanna pillugu allakkatigut 12. maj 2005-imeersutit imaattumik akissuteqarpoq:

”Utertitassanngortitsisarnermi periusersaq.

Ombudsmandip ilaatigut apeqqutigaa pinerit tamaasa, utertitassanngortitsisoqarsimatillugu sullinneqartoq allaffigineqartarnerisooq. Tamanna pinerit tamaasa pineq ajorpoq. Periutsip allanngortinnissaa anguniarlugu utertitassanngortitsisnermi formu-

lar allangortinneqarpoq tassani erseqqissarneruneqarmat maalaarfissamut tunngasoq, Inatsisartut inatsisaat nr. 8, Pisortat ingerlatsinermi suliasat suliarineqartarnerat pillugu inatsimmi § 7 naapertorlugu.

Inunnik isumaginninnermut allaffiup nalilerpaa pissusissamisoortillugu maalaarnissamut periarfissat formularip allangortinneqarnerani taamaalillugit ersersineqartoq, ilanngullugulu innuttaasumut tunniunneqartassammat maalaarnissamut immersuiffissaq.”

Kommuni immikkoortoq taanna eqqarsaatigalugu allakkatigut 16. juni 2005-imeersutigut imatut akivara:

”Suliat isumaginninnermut tunngasut pillugit ataatsimut oqaaseqaatinni kommuni qinnuigaara pisortanit ikiorsiissutinik utertitassanngortitanik ikiorsiissoqarnissaanik aalajangiisoqaraangat kommuni, immersugassap assigiiaartunik oqaasertalersugaasup kommunip atugaata saniatigut, aalajangiineq pillugu qinnuteqartumut allakkatigut nalunaaruteqartarnerasoq, Isumaginninnermi Naammagittaalliuuteqartarfimmuut naammagittaalliornissamut periarfissaq kiisalu suliami pineqartumi naammagittaalliornissamut piffissaliunneqartoq pillugit paasissutissartalimmik.

Kommuni tamanna pillugu oqarpoq immersugassaq assigiiaartunik oqaasertalersugaasooq atorineqartoq allangortinneqarsimasooq, taamaalilluni naammagittaalliornissamut periarfissaq erseqqissarneqarsimalluni, naammagittaalliornissamullu piffissaliunneqartoq ilanngunneqarsimalluni.

Kommunip allagaanut ilanngullugu nassiunneqarpoq immersugassaq assigiiaartunik oqaasertalersugaasooq nutaaq, kiisalu naammagittaalliornermi immersugassaq ataaseq, kommunip innuttaasunut isumaginninnermi malittarisassat tunngavigalugit aalajangiinerit pillugit naammagittaalliorniartunut tunniuttagaa.

Kommunip immersugassaatai misissoreerpakka, taakkulu pillugit oqaaseqaatisaqarnanga.”

*4-10 Sulianik sulisunut tunngasunik misissuineq. (J.nr. 11.73.88.72/020-05).*

Kommunimut tikeraarnermut atatillugu kommunip sulisoqarnermik ingerlatsiviani suliat 18-it misissorpakka tamatumalu ataatsimut oqaaseqaatinik aamma suliat ataasiakkaat pillugit oqaaseqaatinik imaattunik allakkani 5. april 2005-imeersuni saqqummiussinissaq pisariaqalersippaa:

“ ...

Sulianik torersuutitsineq.

Ataatsimut paasisakka imaapput mappit suliani allaagaatinik imallit kusanartumik torersuutinneqartut. Allattukkat naqitanngortitat allakkiallu ikittuaraannaat sulianiipput. Sulisoqarnermut pisortamik ...-imik 16. marts 2005-imi ataatsimeeqateqarninni paasitinneqarpunga allattukkat/allakkiat allanneqarniariartut allaffiup naqitanngortittarai, taamaattumillu tunngaviutippara allattukkat naqitanngortitat allakkiallu sulianiittariaqartut sulianiittut.

Aammattaq malugisinnaavara atorfinitsitsinermi allakkiat kusanartumik oqaasertalersugaasut, paasissutissallu suliamut tunngassuteqartut tamaasa imaralugit.

Sulisut ullut 14-ikkaarlugit akissarsisartut.

Malugaara sulisut ullut 14-ikkaarlugit akissarsisartut atorfinitsinneqarnerinut uppernarsaatinik peqanngitsoq.

Sulisoqarnermut pisortap ...p ataatsimiinnermi oqaatigaa kommunip akissarsianik tunniussinnermut atatillugu akissarsiat ilisarnaataat (lønkoder) assigiinngitsut kommunit atorfinitsitsisarfinni ataatsiakkaani atortagai kommunip atorai.

Tamanna pillugu oqaatigaara kommunini ataasiakkaani assersuutininik imaattunik takusarsimasunga, tassalu kommunip sulisut ullut 14-ikkaarlugit akissarsisartut pillugit tunngaviusumik paasissutissat pisariaqartut quppernermi ataatsimi allattortarsimallugit, isumaqatigiissut suna tunngavigalugu sulisut ataasiakkaat atorfinitsitaasimanerat sunillu atorfeqarnerat nalunaarlugu.

Isumaqarpunga nalornissutaasinnaasut pinngitsoortinniarlugit kommunip sulisui nalunaaquttap akunnermusiaqarlutik aalajangersimasumik atorfeqartitaasut pillugit tunngaviusumik paasissutissat taakku suliarineqarnissaat kommunip isumaliutersuutigisariaqaraa.

Suliat ataasiakkaat.

Sulianik sulisunut tunngasunik misissuina oqaaseqaatinik apeqqutinillu imaattunik saqqummiussinissannut pissutissaqalersitsivoq, kommunilu qinnuigaara taakku isummerfigeqqullugit:

...  
Sulisut qaammammusiaqartut.

...  
... – inuttut normua ... .

Kommuni qinnuigaara ... qanoq atorfinitsitaasimanersoq allaasereqqullugu. Atorfinitsitsinnermi allakkiaq/misiliilluni sulineq pillugu isumaqatigiissut suliarineqarsimappat kommuni qinnuigaara taassuma assilina nassiuteqqullugu.

Suliami pineqartumut tunngasumi ”suliffigisimasani allattuiiffinnit” arlalinnit erserpoq qaammatinik aalajangersimasuni akissarsiaanit ilanngaassisoqartarsimasoq, nalunaaquttap akunneri takkutinnitsoorfigisimasai pissutigalugit. Kommuni qinnuigaara akissarsianik ilanngaassinerni taakkunani periaaseq qanoq ittuunersoq, aamma takkutinnitsoorneq qanoq nalunaarsorneqartarnersoq allaasereqqullugu. Kommuni aamma qinnuigaara ... akissarsianit ilanngaassineq sioqqullugu nalunaaquttap akunneri takkutinnitsoorfiit naatsorsorneqartut/nalunaarsorneqartut pillugit oqaaseqaateqarnissaminut periarfissaqarsimanersoq (imaluunniit pineqartoq nammineq nalunaaquttap akunnerinik nalunaarsuisimanersoq) nalunaarutigeqqullugu.

Kontolersuineq pillugu takussutissiamit 27. januar 2002-meersumit erserpoq aningaasat 2.497,96 kr.-t ”sulinnigifeqarnerisutisiassat, nalunaaquttap akunneri” ilanngaatigineqarsimasut/akilerneqarsimasut.

Kommuni qinnuigaara aningaasat taakku ...-imut tunniunneqarsimanersut imaluunniit akilersinniarneqarsimanersut nalunaarutigeqqullugu. Aningaasat taakku tassaappata pineqartumut akilersinniarneqarsimasut kommuni qinnuigaara aalajangiineq suna akiliisitsiniarnermut tunngaviusimanersoq aamma tamatumunnga atatillugu periaaseq suna malinneqarsimanersoq uannut nalunaarutigeqqullugu.

...  
... – inuttut normua ... .

Mappimi allagaatinik imalimmi mianersoqqussut 28. december 1994-imi ulluleneqarsimasoq ilaavoq. Mianersoqqussut taanna suliaritunngitsoorsimanermik tunngavilersorneqarsimavoq. ... mianersoqqussummik tunniussisoqannginnerani suliami illua'tungiusutut isumaanik tusarniaavigineqarsimanersoq suliami allagaatinit takuneqarsinnaanngilaq.

Sulisoqarnermut pisortap ...-ip 16. marts 2005-imi ataatsimeeqatigineqarnermini oqaatigaa kommunip sulisut iliuuseqarfigineqarnissaannik aalajangiinnginnerani suliami illua'tungiusut isumaannik massakkut tamatigut tusarniaasoqartartoq.

Suliami illua'tungiusup isumaanik tusarniaanermi allakkatut kommunip suliani sulisunut tunngasuni atortagaata assilnera sulisoqarnermut pisortap ataatsimiinermi uannut tunniuppaa.

Suliami illua'tungiusup isumaanik tusarniaanermi allakkatut atorneqartup naq-qani imaattoq allassimavoq: "Atorfeqartitaasumit akineqassaaq, immikkoortortaarfimmilu pisortamut ullumikkumiit ullut pingasut qaangiutsinnagit tunniunneqassalluni." (Atorfeqarfimmi nutsigaavoq)

Kommuni qinnuigaara suliani sulisunut tunngasuni suliami illua'tungiusup isumaanik tusarniaanerni tamani ullunik pingasunik piffissaqartitsineq kommunip atortarneraa, imaluunniit kommuni pisut ataasiakkaarlugit piffissaliunneqartup qanoq sivisutigisariaqarneranik erseqqissumik naliliisarnersoq nalunaarutigeqqullugu."

Kommunip allakkani 10. juni 2005-imeersuni makku nalunaarutigai:

” ...

Sulisut ullut 14-ikkaarlugit akissarsisartut:

Sulisut ullut 14-ikkaarlugit akissarsisartut eqqarsaatigalugit taakku atorfinitsinernerinut uppernarsaatiniq peqannginnera Ombudsmandip tikkuarpaa. Tamanna tunngavigalugu paasisutissat tunngaviusut atorfeqartitaasut ataasiakkaat isumaqatigiissutit suut tunngavigalugit atorfinni suni atorfeqartitaanerat pillugit paasisutisartallit kommunip suliariniarpai.

Sulisut qaammammusiaqartut:

...

..., inuttut normua ... .

Qulaani taaneqartoq ilinniarnermik aallartitsisimangilaq, tassami STI-mi isumaginnittunut peqqissaasunullu ikiortinngorniatut ilinniarnissamut ilaaniarnani nalunaarsimagami. Suliffeqanngimmat tamatumunnga taarsiullugu ... ”...”-mi atuartunngorpoq, tamannalu Inuussutissarsiornermut Suliffissaqartitsiniarnermullu Allaffik suleqatigalugu pisimavoq. ... ”...” inuusuttunik 15-it 25-illu akornanni ukiulinnik sullitaqartuuvoq, taakkulu tassaanerupput atuartut meeqqat atuarfiannit aninermik kingornatigut annertunerusumik ilinniagaqarfimmi tiguneqarnissaminnut imaluunniit suliffeqarnermut akuliutsinneqarnissaminnut tunngavissaminnik amigaateqartut.

... ”...”-p siunertaa tassaavoq inuusuttunut suliffeqanngitsunut pikkorissartitsiviusumik suliassaqartitsinissamik neqeroorateqartarnissaq. Tamanna ilaatigut sullivinni atuartinneqarnikkut kiisalu FSA/FSUA-mi atuartinneqarnikkut ingerlanneqartarpoq.

Akissarsialeriffik ... ”...”-mit atuartut ”sulinerminni skemaannik“ qaammammoortumik tigusaqartarpoq. Atuartut namminerisaminnik ineqartut qaammammut 4.200, kr.-nik ilinniagaqarnerisutisarpai, taakkulu ...-p tigusarpai. ... ilinniagaqarnerisutit saniatigut meeqqanut tapinik pisarpoq. Nalunaaquttap akunneri peqanngiffiit pineqartup ilinniagaqarnerisutisiaanit ilanngaatigineqartarput.

Kontolersuineq pillugu takussutissiami 27. januar 2002-meersumi aningaasat 2.497,96 kr.-t “sulinnigiffeqarnerisutisiassat” tassaangillat aningaasat akilersinni-arneqarsimasut, tassaappulli sulinnigiffeqarnerisutit ...-p pisassarisai, taakkulu 27. marts 2002-mi tunniunneqarsimapput.

...

Illua'tungiusup isumaanik tusarniaaneq pillugu:

Pisuni ataasiakkaani tamani illua'tungiusup isumaanik tusarniaanermut ullunik pingasunik piffissaqartinneqarluni akissutip tunniunneqartarnera kommunip atorpa.

...” (Atorfeqarfimmi nutsigaavoq)

Kommuni allakkatigut 14. juni 2005-imeersutigut imatut akivara:

„Allakkani 5. april 2005-imeersuni ataatsimut ataasiakkaallu pillugit oqaaseqaatinnut apeqquteqaatinnullu kommunip akissutaa 10. juni 2005-imi tiguara.

Ataatsimut.

Sulisut ullut 14-ikkaarlugit akissarsisartut.

Kommunimi sulisut ullut 14-ikkaarlugit akissarsisartut atorfinitsitaanerit pillugu uppernarsaateqaanginnera pillugu ataatsimut oqaaseqaatikka tunngavigalugit taaku pillugit tunngaviumik paasissutissanik kommunip suliarinninniarnanik kommunip nalunaarutigisaa tusaatissatut tiguara.

Suliat ataasiakkaat.

Sulisut qaammammoortumik akissarsisartut.

...

... – inuttut normua ... .

Kommunip ilisimatitsissutaa tusaatissatut tiguara.

Akissarsianilli ilanngaassinerup qanoq iliorluni aaqinneqarsimanera pillugu apeqqutinnut akissutit amigaatigaakka, matumani ”suliffiusimasut pillugit immersugassap” akissarsialeriffimmut nassiunneqaanginnerani nalunaaquttap akunnerisa peqanngiffiusimasut ilinniarnermi akissarsianit ilanngaatigineqartussat nalunaar-sorneqarneri ”...”-p ...-imut tusarniaatigisimanerai ilanngullugu eqqarsaatigalugu.

...

... – inuttut normua ... .

Malugaara kommuni atorfeqartitamut suliami illua'tungiusup isumaanik tusarniaagaangami tusarniaanermut akissutip tunniunnissaanut ullunik pingasunik piffissaqartitsisartoq.

Suliami Aqutsinermut Pisorta qarfiup atorfeqartitaasumut suliami illua'tungiusup isumaanik tusarniaanermut ullut pingasut qaangiutsinnagit akissuteqarfigeqqusiffigisimasaa 2003-mi imaattunik oqaaseqaateqarpunga:

”Aqutsinermut Pisorta qarfik uannut allakkamini 5. november 2002-meersuni allappoq. ”Aqutsinermut Pisorta qarfiup suliami tassani A-mut piffissarititaasup sivi-kippallaarnera ajuusaarutigaa oqaatigissallugulu pisorta qarfiup nalinginnaasumik sulisut soraarsitsinissamik suliasatut eqqarsaatigineqartuni suliamut oqaaseqaateqarnissaanut naammaginatsumik piffissalertarmagit.” (Atorfeqarfimmi nutsigaa-voq)

Suliami illua'tungiusup isumaanik tusarniaasarneq pillugu malittarisassat suliasat suliarineqartarnerat pillugu inatsimmi § 19-imiipput. § 19, imm. imaattunik oqaasertaqarpoq:

”§ 19. Suliasami (illuatungiulluni) peqataasoq paasissutissanik aalajangersimanunik suliasami pisimasuinnut tunngasunik oqartussaasut pigisaqarnerannik ilisimasaqarsorinangippat aalajangiisoqassanngilaq peqataasoq taanna paasissutissanik tamakkuninnga oqartussaasunit ilisimatinneqartinnagu oqaaseqaateqarnissaanullu periarfissinneqartinnagu. Aalajangigarli taanna aatsaat atortuussaaq paasissutissat peqataasumut tassunga iluaqutaasussaangippata suliallu aalajangiiffiginissaanut pingaaruteqarpata. Oqartussaasut oqaaseqaateqarnissamut taaneqartumut piffissamik killiliisinnaapput.”

Suliassat suliarineqartarnerat pillugu inatsimmi suliame illua'tungiusup isumaanik tusarniaanermut akissuteqarnissamut piffissaliussanik aalajangersaasoqarsimanngilaq.

Inatsisileriffiup suliassat suliarineqartarnerat pillugu inatsit pillugu ilitsersuusiani december 1994-imeersumi imm. 104-mi suliame illua'tungiusup isumaanik tusarniaasarneq pillugu imaattunik allasimasoqarpoq:

”Piffissamik killiliinermi suliassami peqataasoq paasissutissiissutigineqartunik misissuilaarnissaanut oqaaseqaatissallu ilusissaata imarisaatalu isumaliutiginnissaanut naammattumik piffissaqartinneqartariaqarpoq. Tamatumunnga atatillugu naatsorsuutigineqartarsinnaapput paasissutissiissutit annertussusii suliassallu suussusia, tamatumunngalu ilanngullugu apeqqutaatillugu suliassami peqataasoq suliassap ilai allat pillugit siusinnerusukkut oqaaseqaateqarnissamut periarfissaqartitaareersimamersoq. Aammattaaq naatsorsuutigineqarsinnaavoq suliassaq imaannersoq suliassami peqataasup ajunnginnerutissinnaallugu suliassap paasisimannilluartumit misissorneqarnissaa paasisimannilluartullu taassuma oqaaseqaatissanik ilusilersueqataannissaa. Aamma naatsorsuutigisariaqarput allat namminersortut pisortalluunniit soqutigisaat, pingaartumik allat suliassani peqataasut suliassap suliarineqarasuarneqarnissaa kissaatigineraat. Suliassami peqataasup piffissamut killiussap sivit-sorneqarnissaa qinnutigippagu qinnuteqaat taamaattoq amerlanertigut akuerineqartariaqarpoq, tamanna piffissamik killiliinermut pissutigisanut annertuumik akerliungippat.”

Taamaalilluni suliame illua'tungiusup isummaminik tusarniaavigineqarnerminut akissuteqarnissaminut qanoq sivisutigisumik piffissalerneqarnissaani suliani ataa-siakkaanit erseqqissumik naliliineq tunngaviusussaavoq.

Paasinninnera unaavoq soraarsitsineq pillugu suliami suliap ilungersunartuunera illua'tungiusumullu eqqorneqartumut qanoq sunniuteqarnissaa pingaartillugit isiginiarneqartariaqartut. Matumani ilanngullugu pingaartillugu isiginiartariaqarpoq suliame illua'tungiusup paasissutissanut oqartussaasup suliame illua'tungiusumut tusarniaalluni allagaani saqqummiussaanut isummernissaminut pisariaqartitamisut piffissaqartinneqarnissaa, kiisalu suliami illua'tungiusup tusarniaanermut akissutip imarisaanik isumaliutersuutiginninnissamut piffissaqartinneqarnissaa.

Suliami soraarsitsinermut tunngasumi suliami illua'tungiusup isumaanik tusarniaanermi akissuteqarnissamut sivikitsuaraannarmik piffissaliisoqarpat, suliamilu illua'tungiusoq akissuteqanngitsoorpat soraarsitsinerup atuussinnaassuseqannginnera tamatuma nassatarisinnaavaa, tassami suliami illua'tungiusup isumaanik tusarniaanermut akissuteqarnissamut piffissaliisoqarneratigut suliami illua'tungiusup suliami paasissutissanik nutaanik saqqummiussinaviannnginnerata uppersarneqarnissaa oqartussaasup nammatassarimmagu.

Taamaattumik A-p suliami illua'tungiusumut tusarniaanermut suliami akissuteqarnissaminut ullunik pingasuinnarnik piffissalerneqarsimanerata ajuusaarnartuuneranik Aqutsinermut Pisortaqrarfiup oqarnera ilalerpara.

Taamaattumik uanga paasinninnera unaavoq suliami illua'tungiusup isumaanik tusarniaanermut akissutip tunniunneqarnissaanut ullunik pingasunik piffissaqartitsineq kommunip imaaliallaannarluni atorsinnaanngikkaa, kommunili pisut ataa-siakkaarlugit suliami illua'tungiusup isumaanik tusarniaanermut akissutip tunniun-nissaanut sivisunerusumik piffissaqartitsisoqassanersoq naliliisariaqartoq, pissutsit atorfeqartitaasumut suliamullu tunngasut isiginiarlugit.

Taamaattumik kommuni qinnuigaara, oqaaseqaatika tunngavigalugit, paasinninnera kommunip qanoq iliuuseqarnissaanut pissutissaqalersitsinersoq nalunaarfigeqqullunga.”

Kommuni allakkatigut 23. august 2005-imeersutigut imatut akivoq:

”...  
Suliaq ..., inuttut normua ... pillugu.  
...-mit oqaatigineqarpoq nalunaaquttap akunneri peqanngiffiit naatsorsorneqartartut allatorneqartarlutillu, naqitsinermi allagartaq aallaavigalugu akissarsialeriffimmut nalunaaruteqarnissaq siunertaralugu; naqitsinermi allagartaq atuartup takkunnermini naqittarpaa, taamatuttaarlu anigaangami naqittarlugu. Qaammammut ataasiarluni atuartoq peqatigalugu naatsorsuisoqartarpoq, tamatumalu kingornatigut nalunaaquttap akunneri peqanngiffiusimasut akissarsianit ilanngaatigineqartussatut nalunaarutigineqartarlutik. Atuartoq pisumi tamanna aqutugalugu toqqaannartumik peqataatinneqartarpoq. ...-p ukioq kingulleq periaaseq nutaaq atulersimavaa, tassanilu atuartup naqitsinermi allagartap saniatigut inortuinini kiisalu pissutissaqanngitsumik takkutinnngitsoorunni tamatumunnga pissutaasoq ilanngullugu nalunaarlugu allattartussaallugit, kiisalu naqitsinermi allagartaq atsiortartussaallugu.

...  
Suliaq ..., inuttut normua ... pillugu.  
Ilumoorpoq kommunip “Illua’ tungiusup isumaanik tusarniaaneq” pillugu immer-sugassaataani oqaasertaliisoqarsimammat atorfeqartitaasup (oqaaseqaatissaqaruni) oqaaseqaatini immikkoortorta qarfirmi pisortaminut ullumikkumiit ullut pingasut qaangiutsinnagit tunniutissagai.

Ombudsmandip tamanna pillugu oqaaseqaateqarnera tunngavigalugu sulisoqarnermut allaffiup immersugassami tassani oqaasertat allannngortissimavai, taamaalilluni massakkut allassimalerluni: “Immersugassaq manna atorfeqartitaasumit akineqassaaq, ingerlatsivimmilu pisortamut imaluunniit immikkoortorta qarfirmi pisortamut tiguneranit ullut \_\_\_-t qaangiutsinnagit tunniunneqassalluni.” Taamaattumik si-unissami pisuni ataasiakkaani tamani piffissaliussap sivilissusissia isummerfigineqartaliissaaq, tamatumalu kingornatigut ullut qassiussusissaat immersugassami allanneqartaliissalluni. Taamaalilluni ingerlaannarluni ullunik pingasunik piffissaqartitsineq atorneqarunnaassaaq.” (Atorfeqarfimmi nutsigaavoq)

Kommuni allakkatigut 25. august 2005-imeersutigut nalunaarfigaara kommunip akissutai tusaatissatut tigugikka, suliamilu annertunerusumik iliuseqaqqissanngitsunga.

*4-11 Sulianik akiliisitsiniarnermut tunngasunik misissuineq. (J.nr. 11.73.-88.73/021-05).*

Kommunimut tikeraarnermut atatillugu suliat akiliisitsiniarnermut tunngasut 15-it misissorpakka, tamatumalu kommunimut ataatsimut oqaaseqaatinik imaattunik allakkani 5. april 2005-imeersuni saqqummiussinissanut pissutissaqalersippaanga:

“Ataatsimut.

Paasisakka imaapput mappit allagaatinik imallit ajunngitsumik torersuutinneqartut. Taamaalillutik akiliisitsiniarnerit pisortani akiitsoqarfigineqartup immikkut qin-nuteqarneratigut aallartinneqartarsimanerannut uppersaatait allagaatinut ilaapput. Aammattaaq pisassarisat piunerannut uppersaatait allagaatinut ilaapput, assersuutigalugu utertitassanngorlugit ikiorsiissutinik tigusaqarsimanermit akiitsoqartut uppersaataat atsiorneqarsimasut allagaatinut ilaallutik. Taamatuttaaq pisassa-



risanik eqqartuussisarneq pillugu inatsimmi malittarisassat malillugit imaaliillaanaq akilersinniarneqarsinnaanngitsunik akiliisitsiniaqqusissutinut itigartissutit suliani allagaatinut aamma ilaapput.

Pisassarisat akilersinniaqqusatut nalunaarutigineqartut akilerneqartussanngorsimanerat akiliisitsiniartarfiup imaluunniit pinngitsaaliilluni akiliisitsiniartarup qanoq ililluni uppersaatsaatsaqqartittarnerai apequtigineqarmat akiliisitsiniartarfiup pisortaa ... 16. marts 2005-imi ataatsimiinnermi oqarpoq akiitsoqartut allattorsimaffii akiliisitsiniartarfiup sapinngisamik qaammammut ataasiarlugit naqitanngortittarai, pisassarisallu akilerneqartussanngorsimanersut imaluunniit sulii akilerneqartussanngorsimannginersut akiitsoqartut allattorsimaffiini taakkunani takuneqarsinnaasoq.

Paasissutissat taakku tusaatissatut tiguakka.

Qarasaasiakkut allakkiat/qarasaasiakkut ullorsiuat.

Sulianili misissukkatsinni suliani allattuiffinnik naqitanngortitanik peqanngiluinnangajappoq. Akiliisitsiniartarfiup pisortaanik ...-imik 16. marts 2005-imi ataatsimeeqateqarnermi paasitinneqarpunga akiliisitsiniartarfik qarasaasiakkut ullorsiummik ingerlataqartoq, taannalu naqitanngortinneqarajunngitsoq.

Tamanna pillugu oqaatigaara qarasaasiakkut ullorsiuatip naqitanngortinneqartannginnerata manna nassatarigaa, tassalu pisortani nakkutilliisut, matumani Atorfeqarfik imaluunniit kukkunersuisoqarfik kiisalu akiliisitsiniartarfimmi sulisut nuataat ilanngullugit eqqarsaatigalugit, suliami allagaatinik misissuinnermini suliap ataatsimut ataqatigiinneqarnera imaaliillaanaq takusinnaanngikkaat, imaluunniit allakkatigut uppersaatsatit akiitsoqartut qarasaasiakkut allattorsimaffiannut imaluunniit akiitsut killiffiannut imaaliillaanaq sanilliussinnaanngikkaat.

Allagaateqarfeqarneq pillugu Inatsisartut inatsisaanni nr. 22-mi, 30. oktober 1998-imeersumi § 6-imit erserpoq:

”§ 6. Suulluunniit paasissutissartallit pisortat sullissiveqarfiini sulinikkut pilersinneqartut taakkuluunniit aqutigalugit pilersinneqartut toqqorneqassapput.”

Inatsimmilu tassani §§-init 9-mit, 13-imit, 14-imit aamma 32-mit makku erserput:

”§ 9. Naalakkersuisut pisortat sullissiveqarfiutaasa toqqortaanik suliarinnittarnerat toqqortarinnittarnerallu pillugit erseqqinnerusumik malittarisassiussapput. Kommuniti ingerlatsiviit toqqortaanik suliarinnittarnerat toqqortaqartarnerallu pillugit malittarisassat Kalaallit Nunaanni Kommunit Kattuffiannut isumaqatiginninniareernikkut aalajangersarneqassapput.

...  
§ 13. Nunatta Katersugaasivia Allagaateqarfialu atortussaajunnaarsitsineq pillugu ilitsersuutissanik maleruagassiussaaq.

§ 14. Toqqortaanik atortussaajunaarsitsineq Nunatta Katersugaasiviata Allagaateqarfialu allakkatigut akuersineratigut aatsaat pisinnaavoq imaluunniit § 13 naapertorlugu ilitsersuutit maleruagassiarineqarsimasut naapertorlugit.

...  
§ 32. Allaffissornikkut malittareqqusat Kultureqarnermut, Ilinniartitaanermut Ilaaqarnermullu Naalakkersuisoqarfimmit aalajangersakkat aammalu Nunatta Katersugaasiviata Allagaateqarfialu ilitsersuutit maleruagassiai erseqqivissumik atortussaajunnaarsinneqarnissartik tikillugu atuutiinnassapput.”

Aqutsinermi allaffissornikkut maleruagassat erseqqinnerusut Naalakkersuisunit aalajangersarneqarsimanngillat, kisianni Nunatta Katersugaasiviata Allagaateqarfia-



taluk KANUKOKA oqaloqatigereerlugu Kalaallit Nunaanni kommunini allagaatinik atortussaajunnaarsitsisarneq toqqortarinninnerlu pillugit tunaartarisassat 1991-imi saqqummersissimavai. Atuagaq 1991-imi saqqummersinneqartoq ”Kalaallit Nunaanni kommunini allagaatinik toqqortarisarneq kasiiliisarnerlu pillugit aalajangersakkat”-mik qulequtaqartoq ilanngullugu nassiuppara.

Oqaatigaara K Kommuni kommunitut kommunit allagaataannik toqqortarinnitussatut immikkut taaneqarsimasut ilagigaat.

Akiliisitsiniartarfimmi pisortaq ... ataatsimiinnermi tassani, kiisalu borgmester ... aamma kommunaldirektør ... ulloq taanna kingusinnerusukku ataatsimiinnermi, nalunaarfigaakka isumaqartunga qarasaasiakku ullorsuutinik naqitanngortitsisarneq sulianullu pineqartunut ilisisarneq isiginiagassat qulaani taaneqartut eqqarsaatigalugit kommunip aallartittariaqaraa.

Kommuni qinnuigaara oqaaseqaatikka kommunip qanoq iliuseqarnissaanut pisutissaqalersitsinersut nalunaarfigeqqullunga.

Suliat uppersaasorsorneqarnerat.

Isumaginninnermi ikiorsiissutit utertitassanngortitat pillugit suliani arlalinni naafferartumik akilersuinissamik uppersaasat atsiorneqarsimasoq ilaasarpoq (suliat isumaginninnermut tunngasut pillugit ataatsimoortumik oqaaseqaatini immersugassanik eqqartuinaera innersuussutigaa).

Akiitsut tamakkerlugit akilersinniarneqarsinnaassappata naafferartumik akilersuinissamik isumaqatigiissutigineqartup unioqutinneqarsimanera tunngaviusussavaoq. Sulianili akiliisitsiniarnermut tunngasuni naafferartumik akilersuinissamik isumaqatigiissutip assilina kisimi ilaasarpoq, taamaattumillu akiitsut pinngitsaaliinikkut akilersinniarneqarsinnaanerannik nakkutilliinerpiani isumaqatigiissutip taassuma akiitsulinnik qarasaasiakku allattuiffimmu sanilliunneqarsinnaanera tunngaviusussalluni.

Akilersuinissamik isumaqatigiissuteqartarneq imaluunniit nammineq piunassuseq tunngavigalugu eqqartuussivikkoortuunngitsumik isumaqatigiissuteqartarneq.

Akiliisitsiniartarfimmi pisortamik ...-imik ataatsimeeqateqarninni oqaatigaara akiliisitsiniartarfiup/pinngitsaaliilluni akiliisitsiniartartup manna eqqumaffigissaga, tassalu akiitsut naafferartumik akilersorneqarnissaat akiitsoqartumut isumaqatigiissutigineqarpat isumaqatigiissut eqqortinneqartuarallartillugu isumaqatigiissutip taassuma akiliisitsiniartarfik/pinngitsaaliilluni akiliisitsiniartartoq taamatuttaaq qilersoraa. Tamanna isumaqatigiissuteqartarneq pillugu inatsiseqartitsinnermi nalinginnaasumik tunngaviusup nassataraa.

Aammattaaq oqaatigaara taamaattunik isumaqatigiissuteqartarneq akiitsut eqqartuussisarneq pillugu inatsimmi malittarisassat malillugit pinngitsaaliinikkut imaaliallaannaq akilersinniarneqarsinnaasut eqqarsaatigalugit pisariaqartuunngitsaq.

Pinngitsaaliilluni akiliisitsiniartartoq/akiliisitsiniartarfik isumaqarpat naafferartumik akilersuinissamik isumaqatigiissut allannngortinneqartariaqartoq imaluunniit ilanngaassisoqassasoq, assersuutigalugu akileraarutitigut utertoortisiassanit, taava isumaqatigiissutip taassuma allannngortinneqarnissaa pinngitsaaliilluni akiliisitsiniartartup/akiliisitsiniartarfiup akiitsoqartumut isumaqatigiissutigissavaa.

Naafferartumik akilersuinissamik isumaqatigiissut akiitsoqartup unioqquippagu allatut ilusilimmik akiliisitsiniartartoqalinnginnerani akiitsoqartoq eqqarsaatigalugu akilersuinissamik isumaqatigiissutip allannngortinneqarnissaa pinngitsaaliilluni akiliisitsiniartatup/akiliisitsiniartarfiup eqqumaffigisariaqarjaa.

Tamanut allagarsiussat.

Akileraarutitigut utertoortisiassanit innuttaasut pisassarisaannit kommunip ilanngaassissamaanera, qularnaveeqqutitut arsaarinnissamaanera imaluunniit imminut tigusisussanngortissamaanera innuttaasumut qanoq iliorluni malugeqquneqartanera apeqqutigigakku akiliisitsiniartarfiup pisortaata ...-ip oqaatigaa kommuni aviiseeq-

qakkut tamanna pillugu allagarsiussisartuq. ... allagarsiussap assilineranik qinnuigaara.

Allagarsiussaq Akileraartarnermi Pisortaqarfik eqqarsaatigalugu nammineerluni misissuinermik 2002-mi aallartitsivigisama assinginik oqaasertalersugaasoq uannut tunniunneqarpoq, tamanna pillugu 2003-mi ukiumoortumik nalunaarutima kalaallisuani qupperneq 582 tulliilu aamma qallunaatuuani qupperneq 456 tulliilu takukit. Eqqortussaq anguniarlugu oqaatigaara ...-ip malugeqqullugu oqaatigigaa allagarsiussaq kommunip 2005-imi upernaag manna kingullermik atorsimasaa imaallalaannaq nanisinnaanngikkini, allagarsiussalli uannut tunniunneqartup 2004-mi ukiakkumeersup allagarsiussallu kommunip upernaag manna atorsimasaata oqaasertaat imminnut assigiittorujussuusut.

Suliap taassuma inerneraa assigiissaartunik oqaasertaliussassanik nutaanik Akileraartarnermi Pisortaqarfiup 2003-mi aasap ingerlanerani suliaqarnera, kommunini akileraartarnermut oqartussaasut akileraarutitigut utertoortusiassanut sammititaasunik pinngitsaaliillutik akiliisitsiniarneranni atugassanik.

K-mi innuttaasumit 2004-mi januarip qaammataani attaveqarfigineqarpunga, taassumalu malugeqqullugu oqaatigaa assigiissaartumik oqaasertaliussat allanngortinneqanngitsut K Kommunip aviiseqqakkut sulii atorai.

Akileraartarnermi Pisortaqarfimmud malugeqqullugu oqaatigaara K Kommunip allagarsiussaa suliniutinut 2002-mi oqaaseqaatinnut atatillugu pisortaqarfiup aalarnisarsimasaanut assortuuttuusooq.

Akileraartarnermi Pisortaqarfik allakkani 28. maj 2004-meersuni akivoq najukkani ataasiakkaani allagarsiussat pisortaqarfiup nuna tamakkerlugu allagarsiussaanut naapertuuttumik ilusilersorneqassasut pisortaqarfiup kommuninut, matumani pinngaartumik K Kommuni eqqarsaatigalugu, malugeqqullugu oqaatiginiaraa.

Allagarsiussaq 2002-imi tamanna pillugu oqaaseqaateqarnissannut Akileraartarnermillu Pisortaqarfiup ilitsersuummik nutaamik oqaasertaliussanillu nutaanik kommuninut nassiussuinissaanut pissutissaqalersitsisimasooq K Kommunip sulii atoraa paasigakku tamanna Akileraartarnermi Pisortaqarfimmud 21. marts 2005-imi malugeqqullugu oqarasuaatikku oqaatigaara.

Pisortap ...-ip kommuni tamanna pillugu attaveqarfiginiarmagu tamatumalu inernerisaanik kingusinnerusukku ilisimatinniarmanga allagarsiussaq taanna eqqarsaatigalugu annertunerusumik iliuuseqqanngikkallassaanga.”

Kommunip akissutaa imaattoq 15. april 2005-imi tiguara:

”Inatsisartut Ombudsmandiata K Kommunimut tikeraarnerminit nalunaarusiaa K Kommunimi akileraaruseriffiup tiguara.

Nalunaarusiami arlalinnik oqaaseqaateqarpoq matumani akissuteqarfigerusutat-sinnik.

Qarasaasiakku allakkiat /qarasaasiakku ullorsuutit:

Tamanna tusaatissatut tiguineqarpoq, akiliisitsiniartarfillu aalajangerpoq qarasaasiakku ullorsiusiortoqartalissasooq, qupperneq ulikkaaraangat naqitanngortinneqartartussanik.

Sulianik uppernarsaasersuineq:

Akiitsulinnut qarasaasiakku nalunaarsuiffiup misissuiffigineranut atatillugu akiitsunik kinguaattoorutilit quppernerup illua'tungaanut inissinneqartarput kinguaattoorsimanningsullu quppernerup illua'tungaanut. Taamaaliornikkut naluneeq ajorparput sorliit pinngitsaaliissummik akiliisinniassanerigut.

Akilersuinissamik isumaqatigiissuteqarneq imaluunniit nammineq piunassut-simik isumaqatigiissuteqarneq:

Tamanna tusaatissatut tiguineqarpoq.

Ileqqorissaarnissaq pillugu akilersuinissamut isumaqatigiissusiornermut, nammineq piomassutsimik isumaqatigiissummut aamma akileraartarnermi inatsimmi § 50 malillugu akileraarutitigut utertoortissat tunniunneqarnissaannut qinnuteqarnermut atatillugu immersuiffiit atortakkagut ilanngunneqarput, tassannga takuneqarsinnaaluni pisortanut akiitsoqarpat taakkunannga akiliisitsinissarput akiitsullip akuersaaraa.

Tamanut allagarsiisarneq:

Akileraartarnermi Pisortaqarfiup allagarsiisarnissamut/nalunaaruteqartarnissamut allakkialiaa utaqqimaaqqaarusupparput, kingorna siunissami taanna atortalisallutigu.

...” (Atorfeqarfimmi nutsigaavoq)

Akileraartarnermi Pisortaqarfiup allakkani 15. august 2005-imeersuni makku oqaatigai:

”Akileraartarnermi Pisortaqarfiup oqaatigisinnaavaa tamanut allagarsiussap pineqartup assilineri pisortaqarfiup K Kommunimit pissarsiarisimagaa, ullorlu taanna oqarasuaatikkut sulii ataasiarluni erseqqissaatigineqarsimasoq najukkani ataasiakkaani tamanut allagarsiinissaq kissaatigineqarpat ”tamanut allagarsiussassaq assigiissaartunik oqaasertalersugaasoq” pisortaqarfiup 2004-mi suliarisimasaa kommuninut atussagaat.

...” (Atorfeqarfimmi nutsigaavoq)

Pisortaqarfik tamatuma kingornatigut nalunaarfigaara suliami annertunerusumik iliuuseqaqqissanngitsunga.

*4-12 - 4-19 Sulianik akiliisitsiniarnermut tunngasunik misissuineq. (J.nr. 11.73.-88.73/046-05 – 053-05)*

K Kommunimi sulianik akiliisitsiniarnermut tunngasunik misissuineq 23. juni 2005-imi ingerlappara. Tamatumunnga atatillugu suliat akiliisitsiniarnermut tunngasut 100-t misissugassatut tiguakka, taakkunannga suliat suliffeqarfinnik akiliisitsiniarnermut tunngasut 20-t, suliallu inunnik ataasiakkaanik akiliisitsiniarnermut tunngasut 80-it.

Suliat ataasiakkaat taakku imatut qulequtserlugit agguataarpakka:

1. Akiitsutoqqat (J.nr. 11.73.88.73/046-05)
2. Pisassarisat akiliisitsiniarnermi inatsisitigut erseqqarluttunik tunngaveqartut (J.nr. 11.73.88.73/047-05)
3. Soraarnerussutisiallit (J.nr. 11.73.88.73/048-05)
4. Kommunit allat isumaginninneq pillugu inatsiseqartitsineq tunngavigalugu pisassarisaat pisassarisallu suussusilerneqarsimanngitsut (J.nr. 11.73.88.73/049-05)
5. Oqartussat allat sinnerlugit akiliisitsiniarneq (J.nr. 11.73.88.73/050-05)
6. Akiitsut annertuut (J.nr. 11.73.88.73/051-05)
7. Suliffeqarfiit (J.nr. 11.73.88.73/052-05)

Aammattaaq ataatsimut oqaaseqaatikka pillugit suliaq j.nr. 11.73.88.73/053-05-ip ataani pilersippara.

Suliat taakku arlaannaalluunniit ukiup nalunaruusiuunneqartup naanerani naammassillugit suliarineqarsimangillat.

4-20 - 4-22 Kommunit tikeraarnej. (J.nr. 072-05 - 074-05)

K Kommunit tikeraarnermut atatillugu suliat uku pilersippakka:

Sulianik isumaginninnermut tunngasunik misissuineq. (J.nr. 11.73.88.-71/072-05)

Sulianik sulisunut tunngasunik misissuineq. (J.nr. 11.73.88.72/073-05)

Sulianik akiliisitsiniarnermut tunngasunik misissuineq. (J.nr. 11.73.88.-73/074-05)

Suliat taakku arlaannaalluunniit ukiup nalunaarusiuunneqartup naanerani inaarlugu suliarineqarsimangilaq.

4-23 - 4-25 Kommunit tikeraarnej. Sulianik isumaginninnermut tunngasunik misissuineq (J.nr. 11.73.88.71/110-05). Sulianik sulisunut tunngasunik misissuineq (J.nr. 11.73.88.72/111-05). Sulianik akiliisitsiniarnermut tunngasunik misissuineq (J.nr. 11.73.88.73/112-05)

Kommunit tikeraarnerup kingornatigut sulianik isumaginninnermut, sulisunut kiisalu akiliisitsiniarnermut tunngasunik misissuinerit pillugit suliat pingasut pilersippakka.

Suliat akiliisitsiniarnermut tunngasut pillugit oqaaseqaatiga immikkoortoq 5-imi, suliatut 11.73.88-3-tut atuarneqarsinnaavoq.

Sulianik sulisunut tunngasunik misissuineq pillugu suliami ataatsimut oqaaseqaatima kisimik ilanngunnissaannut pissutissaqarsimavunga, takuuk immikkoortoq 3, 3-7.

Sulianik isumaginninnermut tunngasunik misissuineq pillugu suliaq ukiup nalunaarusiuunneqartup naanerani suli naammassineqarsimangilaq.

## **5. Suliat nalinginnaasumik soqutiginaatillit, inatsiseqartit-siffiusunut agguataakkat.**

### **11.01 - 11.09 Namminersornerullutik Oqartussat**

#### **07. Utertitassanngortillugit ikiorsiissutit**

**1. Piffissaq Isumaginninnermi Naammagittaalliuuteqartarfiup suliamik suliarinninnermut atugaa. Naammagittaalliuutitut suliap Naammagittaalliuuteqartarfimmi tammaaneqarnera.**

*Naammagittaalliuunni 22. marts 2002-meersoq Isumaginninnermi Naammagittaalliuuteqartarfimmit suli akineqarsimannginnera A-p Ombudsmandimut 15. juli 2003-mi naammagittaalliuutigaa.*

*Suliap Naammagittaalliuuteqartarfimmit tammaaneqarsimanera Ombudsmandip suillertut isornartorsiorpaa.*

*Ombudsmandip piffissaq Naammagittaalliuuteqartarfiup suliamik suliarinninnermut atugaa aamma naammagittaalliuutip Naammagittaalliuuteqartarfimmit tiguneqarnerata kingornatigut aatsaat qaammatit sisamangajaat qaangiuttut Naammagittaalliuuteqartarfiup naammagittaalliuutip tiguneqarneranik uppernarsaasimanera tamatumunnga peqatigitillugu isornartorsiorpai.*

*Ombudsmandip Naammagittaalliuuteqartarfik tamatumunnga atatillugu qinnuigaa naammagittaalliuutit tiguneqartut tiguneqarnerisa naammagittaalliortunut uppernarsarneqartarneranni periaatsimik Naammagittaalliuuteqartarfik atulersitsisimanersoq paasissutissiissutigeqqullugu.*

*Ombudsmandip aammattaaq inassuteqaatigaa suliap tammarsimaneranut atatillugu qanoq iliuuseqalersaarnini Naammagittaalliuuteqartarfiup A-mut nalunaarutigissagaa.*

*Kiisalu Ombudsmandip inassuteqaatigaa Naammagittaalliuuteqartarfik eqqaasitseriaatsimik atorluarsinnaasumik suliat suliarineqaratik uninngatiinnarneqartanninnissaannik qulakkeerisumik atulersitsissasoq. (J. nr. 11.05.07.04/111-03)*

A-p naammagittaalliuutini Isumaginninnermi Naammagittaalliuuteqartarfimmut 22. marts 2002-mi nassiuppaa.

A-p naammagittaalliuutaa suliami allagaatinut Naammagittaalliuuteqartarfimmit tigusannut ilaanngilaq.

Naammagittaalliuuteqartarfiulli allattoqarfia K Kommunimut 19. juli 2002-mi imatut allassimavoq:

”A-p naammagittaalliuutaa pillugu.

A pisortaniit ikiorsiissutinik qinnuteqaataata itigartitsissutigineqarsimanera pillugu Isumaginninnermi Naammagittaalliuuteqartarfimmut naammagittaalliuuteqarsimapput. Tamannalu ilutigalugu Naammagittaalliuuteqartarfiup suliamut tunngasut assilinerarneri, suliallu ingerlasimaneranut nassuiaat, piaartumik nassiuuteqqullugit.

Ilanngullugu nassiuuteqarpoq naammagittaallioortup allagaata assilinerarneri Isumaginninnermi Naammagittaalliuuteqartarfimmut 22. marts 2002 allagarineqarsimasoq.

Paasissutissat piaartumik nassiussinnaaneri kissaatigineqarpoq, kingusinnerpaamillu 9. august 2002.”

Naammagittaalliuuteqartarfiup allattoqarfia A-mut tamatumunnga peqatigitillugu imatut allappoq:

”Isumaginninnermi Naammagittaalliuuteqartarfiup pisortanit ikiorsiissutinik qinnuteqaativit itigartinneqarsimanera pillugu naammagittaalliuutit tiguua.

Nalunaarutigissavarput suliaasaq massakkut suliarineqarmat. Paasissutissanik suliaasap suliarineqarnerani atorneqartussanik amerlanerusunik Isumaginninnermi Naammagittaalliuuteqartarfiup suliaasami aalajangiisimasoq pissarsiniarfigissavaa.

Ilisimatitsissutitut oqaatigineqassaaq Isumaginninnermi Naammagittaalliuuteqartarfimmi ilaasortat ukiumut pingasoriarlutik/sisamariarlutik ataatsimiittarmata. Taamaattumik maluginiaqquneqarpoq suliaasami ilissinnut tunngasumi, Isumaginninnermi Naammagittaalliuuteqartarfiup aalajangiinissaata tungaanut qaammatit arfinillit ingerlasinnaanerit.

Suliaasaq Isumaginninnermi Naammaagittalliuuteqartarfimmit suliarineqareerpat, aalajangiineq aalajangiinermullu tunngaviusimasut ilanngullugit allakkatigut ilinnut nassiuuneqarumaarput.”

Suliami allagaatit arlallit Naammagittaalliuuteqartarfiup allattoqarfiata K Kommunit 26. august 2002-mi tiguai, kommunilu tamatumunnga peqatigitillugu imatut allappoq:

”Allakkat tiguineranni piffissap taama siviutigisup ingerlasimanera ajuusaarutigalugu A-p naammagittaalliuutaa pillugu suliami allagaatit kingulliit matumuuna nassiuupakka, tassami naammagittaalliuut pineqartoq pillugu quppererit arlallit siusinnerisukkut nassiuereersimagatsigit.

Annertunerusunik paasisaqarusukkussi uannut attaveqarnissannut tikilluaqqusavutit.” (Atorfeqarfimmi nutsigaavoq)

Naammagittaalliuuteqartarfik A-p uannut 15. juli 2003-mi naammagittaalliornera sioqqullugu suliarinnissimanersoq paasissutissiissutigineqanngilaq.

Naammagittaalliuuteqartarfimmut 6. august 2003-mi imatut allappunga:

”A-mit, ..., naammagittaalliumminik Naammagittaalliuuteqartarfiup suliarinninnermini piffissamik maannamut atuinera pillugu naammagittaalliuut tigusimavara, taamatullu aamma naammagittaalliummi A-p 22. marts 2002-mi allakkanut akissutisisimanninnera pineqarluni.

Tamatumunnga atatillugu naammagittaalliuuteqartarfik qinnuigaara A-mut tunngasumik suliaq misissugassanngorlugu uannut nassiuuteqqullugu.

Suliaq misissoreerukku A-p naammagittaalliuutaa aallaavigalugu allatigut iliuuseqaqqittariaqarnerlunga naliliivigissavara.

Suliaq misissuiffiginarlugu aalajangissaguma naammagittaalliuuteqartarfik suliami oqaaseqaateqaqqullugu qinnuigineqarumaarpoq.”

Suliami allagaatit Naammagittaalliuuteqartarfimmit 4. september 2003-mi tiguakka.

Suliami allagaatini kommunimit allakkat kingulliit tassaapput kommunip 9. november 2001-imi A-mut allagai imaattut:

”Matumuuna nalunaarutigineqassaaq, Inunnik Isumaginninnermi Ataatsimiititaliap 25. oktober 2001 ataatsimiinnermini, allakkatit qulaani pineqartut, tassa siusinnerusukkut pisortanit ikiorsiissutinik tunineqarnissamik qinnuteqaativit suliarinisaanut tunngasoq, K Kommunimi Kommunalbestyrelsip itigartitsisimanera pillugu naammagittaalliuutit, Isumaginninnermi Naammagittaalliuuteqartarfiup suliareqqisimasaa, ilanngullugu oqaluusereqqissimmagu.

Inunnik Isumaginninnermi Ataatsimiititaliap siornatigut aalajangersimaneq, tassa suliffissarsiortuunnginnavit ikiorsiissutinik pisartagaqarsinnaanngitsutit atortuutiinartussatut aalajangiuppaa.

Isumaginninnermi Naammagittaalliuuteqartarfimmi allakkap nuutinnera ilanngullugu nassiunneqarpoq.”

Naammagittaalliuuteqartarfimmut 26. september 2003-mi imatut allarpunga:

”Naammagittaalliuuteqartarfiup A-mut tunngasumik suliami allagaatinut mappiutaa misissorsimalerpara.

Suliaq imatut paasivara, K Kommunip aalajangiinnermi 9. november 2001-imeersumi allakkatigut nalunaarutigineqartumik A-p pisortanit ikiorserneqarnissaanik itigartitsissuteqarsimanera A-p 22. marts 2002-mi allakkatigut naammagittaalliuutisimagaa.

Suliamit aamma erserpoq naammagittaalliuuteqartarfiup 19. juli 2002-mi A nalunaarfigisimagaa naammagittaalliuuteqartarfik suliaq suliariniarlugu aalajangersimasoq, naammagittaalliuuteqartarfiullu suliami allagaatit kommunimit 26. august 2002-mi tigusimagai.

Tamatuma kingornatigut oqaatigineqanngilaq naammagittaalliuuteqartarfiup suliamik suliarinninneq suna suliarisimaneraa.

Taamaammatt aalajangerpunga naammagittaalliuuteqartarfiup 26. august 2002-p kingornatigut suliamik suliarinninnermi piffissamik atuisimanera misissuiffiginarlugu, taamaattumillu naammagittaalliuuteqartarfik qinnuigaara piffissap tamatuma kingornatigut suliamik suliarinnissimaneq nassuiaateqarfigeqqullugu.

Naammagittaalliuuteqartarfiup nassuiaataa A-mut suliami peqataasutut tusarniaaffigalugu saqqummiunneqarsinnaajumaarpoq.

Matumunnga peqatigitillugu naammagittaalliuuteqartarfiup suliami mappiutaa atukkiunneqarneranut qujallunga utertippara, paatsuungasoqaqqunaguli oqaatigalugu suliami allagaatinut mappimik kingusinnerusukkut atorniaqqissinnaanissara pisariaqalersinnaasoq.”



Akissummik tigusaqannginnama suliaq allakkani 22. januar 2004-meersuni aamma 4. marts 2004-meersuni Naammagittaalliuuteqartarfimmut eqqaasitsissutigaa.

Saaffiginnissutit Naammagittaalliuuteqartarfiup uannit tigusai pillugit Naammagittaalliuuteqartarfiup allattoqarfiata ataatsimut akissutaa imaatoq 7. juni 2004-mi tiguara:

”Ombudsmandip suliat ataani taaneqartut killiffii pillugit allagai Isumaginninnermi Naammagittaalliuutartarfiup tigusimavai. Taama kingusitsigisumik akissuteqarneq Naammagittaalliuuteqartarfiup siullertut ajuusaarutigissavaa:

...

A, siulittaasup suliarinninneratigut 2004-mi julip naanerani inaarneqassasooq naatsorsuutigineqarpoq.

...

Naammagittaalliuuteqarfiup taanna pillugu oqaatigissavaa naammagittaalliuutunik amerlangaatsiartunik tigusaqartarmat, naammagittaalliuutip ”suliatut nukingiuussassatut”, ”sapinngisamik piaarnerpaamik” imaluunniit ”ingerlaannartumik” il.il. suliarineqarnissaanik Naammagittaalliuuteqartarfimmut qinnutigineqartunik qinnutigisat amerlasuut Naammagittaalliuuteqartarfiup tigusarmagit. Qinnutigisat taamaattut Naammagittaalliuuteqartarfiup siusinnerusukkat akisarsimangilai. Naammagittaalliuutip tiguneqarnerani naammagittaalliuutip Naammagittaalliuuteqartarfimmit tiguneqarsimanera piffissarlu suliap suliarineqarneranut atorneqartussatut naatsorsuutigineqartoq pillugu paasisutissat nassiullugit Naammagittaalliuuteqartarfiup uppersartarpaa. Naammagittaalliuuteqartarfiup naammagittaalliuutit (angerlarsimaffimmit pinngitsaaliinikkut inissiinernut tunngasuugajunnerusut) qaqutigunnaq suliatut nukinginnartutut suliarisarpai, taamatullu pisoqartillugu naammagittaalliuuteqarfiup suliap suliatut nukinginnartutut suliarineqarniarneranik nalunaarfisarlugu.

...

Naammagittaalliuuteqartarfiup suliaatai ukiuni kingullerni amerleriapiloorsimapput. Naammagittaalliuuteqartarfiup suliat 142-t 2001-imi, suliat 230-t 2002-mi suliallu 261-it 2003-mi tigusimavai. Piffissaq sulianik suliarinninnermut atorneqartartoq qaammatinik 15-init 18-inut massakkut sivissuseqarpoq, tamannalu Naammagittaalliuuteqartarfiup naammaginngilluinnartutut isigaa.

Tamatununga pissutaanerpaasooq tassaavoq piffissaq sivisoorujussuaq Naammagittaalliuuteqartarfiup aalajangiinerisa nutserneqarnerinut atorneqartartoq. Pingaartumik Inatsisartut ataatsimiinnerinut atatillugu Naalakkersuisut nutserisoqarfiata piffissaalatsisarnera malunnartarpoq. Tassani aamma ilaavoq massakkut allatsip atorfinitsinneqarnerminit kisimiilluni sulisimanera. Allatsi Naammagittaalliuuteqartarfiup siulittaasuanit annertusiartortumik ikiorneqartarsimavoq, suliat takkutut malinnaaffigisinnanissaannaalluunniit eqqarsaatigalugu.

Piffissap sulianik Naammagittaalliuuteqartarfimmi suliarinninnermut atorneqartartup qaammatinik 12-inut 18-inut sivissuseqartartup 2004-ip naanerani siviuserpaamik qaammatinut 4-6-inut sivikillisinneqarnissaa anguniagaavoq. Taamaattumik Naammagittaalliuuteqartarfiup sulianik suliarinneriaasia eqaallisarneqarlunilu pisariillisarneqassaaq. Naammagittaalliuuteqartarfiup sulittaasuata Naammagittaalliuuteqartarfiullu allattaata Naammagittaalliuuteqartarfimmi sulianik siunissami suliarinneriaasissaq 2004-mi aasakkut suliariniarpaat.

Naammagittaalliuuteqartarfiup siulittaasua massakkornit annertunerusumik siulittaasutut aalajangiisalisaaq. Tamanna sulianik suliarinninnerup eqaallisarneqarsinnaaneranut piffissallu sulianik suliarinninnermut atorneqartartup kissaatigineqar-



tutut sivikillisinneqarsinnaaneranut pingaarutilerujussuuvoq. Siulittaasup suliani (ukiumut 250-it missaanniittuunit) ukiumut 130-160-ini missaanni aalajangiisarnissaa naatsorsuutigineqarpoq.

Naammagittaalliuuteqartarfiup nutsigassaaterpassuisa siunnersortimik isumaginninnermi siunnersortitut ilinniarsimasumit ikiorneqarnikkut ikilisarneqarnissaat eqqarsaatigineqarpoq, taassumalu Naammagittaalliuuteqartarfiup allattaa isumaqatigiissuteqarfigalugu pingaartumik suliani kalaallisut paasissutissat misissortassavai naliliiffigisarlugillu, taakkulu tamatuma kingornatigut Naammagittaalliuuteqartarfiup allattaa peqatigalugu misissortassallugit. Piffissap sulianik suliarinninnermut atorneqartup Namminersornerullutillu Oqartussat nutserisoqarfiannik atuinerup taamaaliornikkut annertuumik annikillisinneqarnissaa naatsorsuutigineqarpoq.

Naammagittaalliuuteqartarfiup naammagittaalliuuteqartut 1. januar 2004-mi nalunaarfigai Isumaginninnermi Naammagittaalliuuteqartarfik suliarpassuarnik tigusaqartartoq, piffissarlu sulianik suliarinninnermut atorneqartartoq sivikillisinniarlugu aqqissusseqqinneq 2004-mi misissorneqarniartoq. Aamma nalunaarutigineqarpoq suliani suliat tiguneqarnerannit qaammatit 12-it iluanni aalajangiisoqartarnissaa Naammagittaalliuuteqartarfiup anguniarniaraa.

Piffissap sulianik Naammagittaalliuuteqartarfimmi suliarinninnermut atorneqartartup siviluualalersimanera Naammagittaalliuuteqartarfiup ajuusaarutigaa. Naammagittaalliuuteqartarfiulli naatsorsuutigaa piffissaq sulianik suliarinninnermut atorneqartartoq annertuumik sivikillisinneqassasoq, sulianik suliarinneriaatsit nutaat suliniutillu allat piviusunnortikkiartuaarneqarnerat peqatigalugu.

Ombudsmandi allakkanut ukununnga atatillugu apequtissaqassappat Naammagittaalliuuteqartarfiup tusarfigerusuttorujussuaatit.” (Atorfeqarfimmi nutsigaavoq)

Naammagittaalliuuteqartarfimmut 2. juli 2004-mi imatut allappunga:

”Naammagittaalliuuteqartarfiup sulianik arlalinnik suliarinninnermini killiffik pillugu nassuiaataa 8. juni 2004-mi tiguara.

Naammagittaalliuuteqartarfiup tamatumunnga atatillugu oqaatigaa suliaq A-mut tungasooq siulittaasup 2004-mi julip naanerani aalajangiineratigut inaarlugu suliarineqassasoq naatsorsuutigineqartoq. Tamanna suliamik suliarinninnerma nanginnerani tunngaviutinniarpara.

Oqaatigaara allakkani 26. september 2003-meersuni taakkulu kingornatigut allakkani eqqaasitsissutini Naammagittaalliuuteqartarfik qinnuigisimagiga 26. august 2002-p kingornatigut piffissaq suliamik suliarinninnermut atorneqartoq pillugu nassiaateqaqqullugu.

Qinnutigisamat tassunga akissummik tigusaqarsimanngilanga, taamaattumillu qinnutigisara Naammagittaalliuuteqartarfimmut eqqaasitsissutigaa.

Tamatumunnga atatillugu malugeqqullugu aamma oqaatigaara Naammagittaalliuuteqartarfimmit sapaatit akunneri sisamat qaangiutsinnagit tusagaqannikkuma aallaaviginiariga Naammagittaalliuuteqartarfik piffissami 26. august 2002-p kingornaniittumi suliamik suliarinninnermi iliuuseqarsimanngitsoq, Naammagittaalliuuteqartarfillu tamatumunnga pissutaasoq pillugu nassiaateqarsinnaanngitsoq.”

A suliaq pillugu oqarasuaatikkut 31. august 2004-mi paasiniaavoq. Sulisuma ilaat tamatumunnga atatillugu Naammagittaalliuuteqartarfiup allataanut oqarasuaatikkut paasiniaavoq, Naammagittaalliuuteqartarfiullu allattaa suliaq sapaatit akunnerisa marlussuit ingerlanneranni uterfigeqqinniarlugu neriorsuivoq.

A suliaq pillugu oqarasuaatikkut 19. november 2004-mi paasiniaaqqip-poq. Sulisuma Naammagittaalliuuteqartarfik attaveqarfigeqqippaa, saaffiginnissullu 31. august 2004-meersoq eqqaasitsissutigalugu. Naammagittaalliuuteqartarfiup allattaata suliaq uterfigeqqinniarlugu neriorsuutigaa.

Sulisuma Nunamut Namminermt Tunngasunut Allaffeqarfimmi pisortaq oqarasuaatikkut 2. marts 2005-imi attaveqarfigaa, Atorfeqarfik saaffiginnissutiminut akissutisisinnaanersoq suliarlu Naammagittaalliuuteqartarfimmit aalajangiivigineqarsimanersoq paasinjarlugu.

Pisortap taassuma oqaatigaa Naammagittaalliuuteqartarfiup allattaa uanut saaffiginequllugu qinnuiginiarini. Pisortap taassuma tamatumunnga peqatigitillugu oqaatigaa suliaq aalajangiivigineqarsimanersoq takusinnaanngikkini.

Sulisuma Naalakkersuisut Allattoqarfianni Nunamut Namminermt Tunngasunut Allaffiup pisortaa saaffiginnissutitut kingullernut akissuteqaqqullugu nukingisaarpaa, tamatumunngalu peqatigitillugu oqaatigalugu suliaq paasissutissat pigineqartut tunngavigalugit aalajangiivigineqarniar-toq, matumani Naammagittaalliuuteqartarfiup allataanit piffissap sivikit-sup ingerlanerani tusagaqanngikkuma suliaq suli aalajangiivigineqanngit-soq aallaaviginariga ilanngullugu eqqarsaatigalugu.

Nunamut Namminermt Tunngasunut Allaffiup pisortaata Naammagittaalliuuteqartarfiup allataanut e-mailikkut nassiussaata imaattup assilinera 18. marts 2005-imi tiguara:

”Michael Mikkelsen Isumaginninnermi Naammagittaalliuuteqartarfimmut siul-lermik 2004-mi julimi saaffiginnissummut akissuteqartoqarnissaanik nukingisaari-soq oqarasuaatikkut oqaloqatigeqqammerpara.

A pillugu suliaq pineqarpoq, suliffeqarfillu Naammagittaalliuuteqartarfimmit påskertinnagu tusagaqanngippat tamanna pillugu oqaaseqaateqarnissamut pissutis-saqarluni misigisimavoq. Ombudsmandi siusinnerusukkut akisimagunarit oqaati-gaara.” (Atorfeqarfimmi nutsigaavoq)

Sulisuma Naammagittaalliuuteqartarfiup allattaa oqarasuaatikkut 27. maj 2005-imi attaveqarfigaa, taannalu suliaq pillugu amerlanerusunik paa-sissutissaqarnersoq aperineqarami oqarpoq suliame allagaatit Naammagittaalliuuteqartarfiup pigiunnaarsimagai, tassami mappi suliame allagaatinik imalik tammarsimammat, allakkjarli 19. juli 2002-meersoq qulaani issuar-neqartoq suliameittoq. Taamatuttaaq allatsip oqaatigaa suliaq aalajangiiffi-gineqarsimanersoq Naammagittaalliuuteqartarfiup allattuiiffiani takuneqar-sinnaanngitsoq, taamatuttaarlu A Naammagittaalliuuteqartarfik aalaja-ngeequllugu nukingisaarisimanersoq Naammagittaalliuuteqartarfiup paa-sissutissaataani takuneqarsinnaanani.

Sulisuma tamatumunnga atatillugu allatsimut oqaatigaa mappi suliame allagaatinik imalik Naammagittaalliuuteqartarfimmut 26. september 2003-mi utertinneqarmalli Naammagittaalliuuteqartarfiup mappiutaa allagaati-nik imalik Ombudsmandip Atorfeqarfiata tigummisimannikkaa.

*Tamakku tunngavigalugit imaattumik oqaaseqaateqarpunga:*

"Naammagittaalliuuteqartarfiup suliamik uppernarsaasersuina pillugu.

*Paasissutissat Naammagittaalliuuteqartarfiup allattoqarfianit tigusakka malillugit tunngaviutissinnaavara A Naammagittaalliuuteqartarfimmut 22. marts 2002-mi naammagittaalliorsimasoq, naammagittaalliuutillu tigureqarnera Naammagittaalliuuteqartarfiup A-mut 19. juli 2002-mi uppernarsarsimagaa.*

*Suliami allagaatit arlallit Naammagittaalliuuteqartarfiup K Kommunit 26. august 2002-mi tiguai.*

*Tamatuma kingornatigut A-p piffissaq Naammagittaalliuuteqartarfiup sulianik suliarinninnermut atugaa uannut naammagittaalliuutigaa, Naammagittaalliuuteqartarfiullu mappiutaa allagaatinik imalik misissugassatut 4. september 2003-mi tiguara.*

*Mappi allagaatinik imalik 26. september 2003-mi utertippara.*

*Naammagittaalliuuteqartarfiup 7. juni 2004-mi nalunaarfigaanga suliaq A-p naammagittaalliuutaanut tunngasoq siulittaasup aalajangiinertigut juli 2004-p naanerani inaarlugu suliarineqassasoq naatsorsuutigineqarsinnaasoq.*

*Naammagittaalliuuteqartarfiup allattuata 27. maj 2005-imi nalunaarfigaanga Naammagittaalliuuteqartarfiup mappiutaa allagaatinik imalik tammarsimasoq, suliarlu aalajangiiffigineqarsimanersoq oqaatigineqarsinnaanngitsoq.*

*Suliaq qanga tammarsimanersoq Naammagittaalliuuteqartarfiup oqaatigisinnaanngilaa.*

*Isumaqarpungali suliap tammarsimanera pitsaanngitsorujussuusoq.*

*Ingerlatsiviup ilumini pissutsinik torersuutitsinera sulianillu suliarinneriaatsinik suliat qanoq ilisukkulluunniit nanineqarsinnaanerannik qulakkeerinnittunik peqarnera ingerlatsinermi ileqqorissaarnermut ilaavoq.*

*Mappi suliami allagaatinik imalik tammarpat oqartussaasup tamanna malugiguniuk suliap ujarneqarnissaa suliniutigisariaqarjaa, imaluunniit tamanna ajornanngippat suliap pilerseqqinniarneqarnissaa suliniutigisariaqarlugu.*

*Mappi suliami allagaatinik imalik tammarpat qanoq iliuseqartoqarnissaata isummerfigineqarnissaa ingerlatsivimmi oqartussaasup pineqartup akisussaaffigaa.*

*Taamaattumik inassuteqaatigaara mappip suliami allagaatinik imallip tammarnera qanoq iliuseqarnissamut pissutissaqalersitsinersoq Naammagittaalliuuteqartarfiup A-mut nalunaarutigissagaa.*

*Qulaani issuarsimasattut Inatsisileriffiup suliaassat suliarineqartarnerat pillugu inatsit pillugu ilitsersuusiamini, imm. 204-mi, oqartussaasut sulianik suliarinneriaasii pillugit piumasaqaatit imaattut erseqqissarsimavai:*

*”Ombudsmandip aammattaaq aalajangikkat ilaanni tikkuaavigisarsimavaa suliat sivisuumik aalajangiivigineqaratik uninngatinneqartarnissaat pinaveersaarniarlugu kiisalu puigortoorneqarlutik aalajangiivigineqanngitsoortarnissaat pinaveersaarniarlugu oqartussaasut naammattunik atorsinnaalluartunik suliat uterfigineqarnissaannut allattuiffiliortarnissaat.”*

*Paasinninnera unaavoq eqqaasitseriaatsip suliat killiffiisa naammaginartumik akuttussuseqartunik oqartussaasumit misissorneqartarnerannik nassataqartup suliat tammarsinnaanerat annikillissinnaagaa.*

*Taamaattumik aamma inassuteqaatigaara eqqaasitseriaatsip allaaserineqartutut itup atorneqalernissaa Naammagittaalliuuteqartarfiup isumaliutersuutigissagaa.*

*Piffissaq Naammagittaalliuuteqartarfiup sulianik suliarinninnermut atortagaa pillugu.*

*Suliamik uppersaasersuineq pillugu piumasagaatinut allaaserineqartunut attuumanngitsumik ingerlatsinermi ileqqorissaarnermut ilaavoq suliat pisariaqarneratut pilertortigisumik suliarineqartassasut.*

*Inatsisileriffiup suliassat suliarineqartarnerat pillugu inatsit pillugu ilitersersuusiaani december 1994-imeersumi immikkoortoq imaattoq erseqqinnerusumik innersuussutigaara:*

*”199. Suliassat tamarmik pisortat ingerlatsiviinit suliarineqartut soorunami sapinngisamik pisariitsumik, sukkasuumik aningaasartuutaavallaanngitsumillu suliarineqartarnissaannik piumasagaat pingaartumik atuuppoq suliassanut inuit ataasiakkaat imaluunniit namminersorlutik ingerlatseqatigiiffiit, suliffeqarfiit, peqatigiiffiit il.il. attuumassuteqarfisigaanni.*

...

*204. Suliassat suliarineqartarnerat pillugu inatsit suliassat qanoq sivilutigisumik suliarineqartarnissaat pillugu nalinginnaasunik aalajangersagartaqanngilaq. Tamatumunnga ilaatigut tunuliaqutaavoq suliassat pisortat ingerlatsiviinit suliarineqartartut assigiinneqimmata assigiinneqisunillu annertussuseqartarlutik, taamaattumik inatsisikkut pisortat ingerlatsiviini qanoq sivilutigisumik suliarineqartarnissaasa aalajangersimasumik maleruagassiorneqarnissaat ajornarlunnartuussaluni, tassa eqqartuussivinni ajornarpallaanngitsumik atortinniarneqarsinnaasunik.*

*Kisiannili Folketingip Ombudsmandiata oqaaseqaatigisartagai tunngavigalugit nalinginnaasumik ingerlatsinermi ileqqut kusanartut malinniarneqarnissaanni suliassat qanoq sivilutigisumik suliarineqartarnissaat pillugu tunngavigineqarsinnaasunik suliassat suliarineqartarnissaasa aqqissugaanissaat pillugu maleruagassaqartitsisoqarpoq, matumani ataani suliamut tunngassuteqartup suliap qanoq sivilutigisumik suliarineqassanganneqarneranik ilisimatinneqartarnissaat pillugu.*

*Ombudsmandip aammattaaq aalajangikkat ilaanni tikkuaavigisarsimavaa suliat sivisuumik aalajangiivigineqaratik uninngatinneqartarnissaat pinaveersaarniarlugu oqartussaasut naammattunik atorsinnaalluartunik suliat uterfigineqarnissaannut allattuiffiliortarnissaat.”*

*Suliani arlalinni, nalunaarutinni eqqaaneqarsimasuni, sulianik pilertortunik suliarinninnermut piumasaqaataasut pillugit siusinnerusukkut oqaaseqaateqartarsimavunga. Taamaalillunga 1995 pillugu nalunaarutinni suliaq 16-1, 1996 pillugu nalunaarutinni suliaq 04-2, 1997 pillugu nalunaarutinni suliaq 04-1, 1998 pillugu nalunaarutinni suliaq 4-3 aamma suliaq 24-1, suliaq 24-6 2000 pillugu nalunaarutinni, 2001 pillugu nalunaarutinni suliaq 28-3 aamma 2002 pillugu nalunaarutinni suliaq 11.73/01-4 innersuussutigaakka.*

*Suliami matumani pineqartoq tassaavoq paasisutissanik piffissami Naammagittaalliuuteqartarfiup K Kommunimit 26. august 2002-mi tigusaqarnerannit Naammagittaalliuuteqartarfiup suliami allagaatinik uannut 4. september 2003-mi nassiussinerata tungaanut naammagittaalliuut iliuseqarfigineqarnani Naammagittaalliuuteqartarfimmi uninngasimanagera, tamanna suliap tammarsimaneramik pissuteqanngikkaluartoq.*

*Tamanna uanga paasinninnera malillugu isorisariaqartuuvoq.*

*A-p ilisimatinneganninnera.*

*A-p naammagittaalliuutini Naammagittaalliuuteqartarfimmut telefaxik-  
kut 22. marts 2002-mi nassiuppaa, paasisutissanillu pigineqartunit erser-  
poq naammagittaalliuutip tiguneqarnerata A-mut uppersarsarneqarnissaa  
Naammagittaalliuuteqartarfiup aatsaat 19. juli 2002-mi suliniutigisima-  
gaa.*

*Siusinnerusukkut oqaaseqaammi 13. maj 2002-meersumi Isumaginnin-  
nermi Naammagittaalliuuteqartarfik isornartorsiorpara, naammagittaalli-  
uutip tiguneqarnera qaammatit marluk atorlugit uppersarsarniarsimam-  
magu (suliaq taanna 2002 pillugu nalunarutinni suliatut 11.01/01-1-itut  
eqqartorneqarpoq). Suliami tassani imaattunik oqaaseqaateqarpunga:*

*"Suliassat suliarineqartarnerat pillugu inatsit innuttaasup allakkatigut saaffigin-  
nissutaata oqartussaasumit tiguneqarneranit tigusinerup kingorna oqartussaasup  
qanoq siviisitigisumik piffissaqartitaanera pillugu malittarisassanik imaqqanngilaq.*

*Taamaattorli ingerlatsinnermi ileqqorissaarnerup nassatarisaanik imaappoq in-  
nuttaasup allakkatigut saaffiginnissutaanik oqartussaasoq tigusisoq saaffigin-  
sutip tiguneqarnera pillugu ingerlaannartuunngikkaluartumik taamaattorli piffis-  
sap siviikitsunnguup ingerlanerani innuttaasumut uppersarsaasariaqartoq.*

*Innuttaasup naammagittaallionnissaanut piffissaliisoqarsimatillugu naamma-  
gittaalliuutip tiguneqarnera pillugu oqartussaasup uppersarsaataanik innuttaasup  
piaarnerpaamik tigusaqarnissaa immikkut pingaaruteqarpoq, tassami naammagit-  
taalliuutip tiguneqarnera pillugu uppersarsaasoqanngippat naammagittaalliuutip  
piffissaagallartillugu tunniunneqarnissaa eqqarsaatigalugu tamanna innuttaas-  
sumut inatsisitigut inissisimaneq pillugu nalornisuulersitsisinnaammat.*

*Isumaginnittoqarfiup aqunneqarnera pillugu Inatsisartut peqqussutaanni Isuma-  
ginninnermi Naammagittaalliuuteqartarfimmut naammagittaalliuuteqarnissamut  
sapaatit akunneri sisamat ataatsimut isigalugu piffissaliunneqarsimapput.*

*Tamakku tunngavigalugit suliami matumani ...-p naammagittaalliuutaanik ti-  
gusinerup kingorna Isumaginninnermi Naammagittaalliuuteqartarfiup qaammatit  
marlungajaat ingerlareersut aatsaat uppersarsaanera pitsaanngitsutut isigaara."*

*A-p naammagittaalliuutaata tiguneqarneranik Naammagittaalliuuteqartarfiup kingusissumik uppersaanera eqqarsaatigalugu apequt taanna pillugu oqaatigisakka issuarneqartut tunngaviginiarsinnaavakka.*

*Naammagittaalliuuteqartarfik tamatumunnga peqatigitillugu qinnuigaara naammagittaalliuutit tiguneqartut naammagittaalliortunut qaqugukut uppersarneqartarnissaat pillugu periaatsinik Naammagittaalliuuteqartarfik atulersitsisimanersoq nalunaarutigeqqullugu.*

*Naggasiutaasumik oqaaseqaatika.*

*Naammagittaalliuuteqartarfiup inassuteqaatinnut isummernissaa matuma kingornatigut utaqqimaarpara.*

*Suliamut atatillugu allatigut annertunerumik iliuuseqaqqissanngilanga.*

*A uanga paasinninninnik allakkatigut allakkat uku assilineranik ilaqartinneqartutigut illisimatippara."*

Naammagittaalliuuteqartarfiup akissutaa imaattoq 8. august 2005-imi tiguara:

"Piffissamik Naammagittaalliuuteqartarfiup suliamik suliarinninnermut atugaa pillugu A-p naammagittaalliuutaanik suliap killiffia pillugu Ombudsmandip allagai 28. juni 2005-imeersut Isumaginninnermi Naammagittaalliuuteqartarfiup tiguai.

Suliap pitsaanngitsumik ingerlasimanera pissutigalugu Naammagittaalliuuteqartarfiup kissaatigaa A aperineqassasoq naammagittaalliuutit suliarineqarnissaa suli kissaatigineraa, taamaappallu naammagittaalliummut tunuliaqutaasoq pillugu nasuaateqaqqussallugu. Isumaginninnermi Naammagittaalliuuteqartarfiup Ombudsmandi tamatumunnga atatillugu qinnuigissavaa A-p najugaqarfia pillugu paasissutissat nassiuteqqullugit." (Atorfeqarfimmi nutsigaavoq)

Naammagittaalliuuteqartarfik 30. september 2005-imi imatut akivara:

"Naammagittaalliuuteqartarfiup suliame allagaataasa tammannerisa kingunerisaa-nik suliap suliarineqarnani uninngatiinnarneqarsimanera aaqinniartugut Naammagittaalliuuteqartarfiup suliniuteqarnianera tusaatissat tiguara, Naammagittaalliuuteqartarfiullu suliamik suliarinninnerata ingerlaqqinneranik kingusinnerusukut ilisimatinneqarnissara utaqqimaarpara.

A-p najugaqarfianik Naammagittaalliuuteqartarfiup ujartuineranut akissutit oqaatigisinnaavara allakkat uku assilinerat najugaqarfimmut ataani taaneqartumut ingerlatillugu A-mut nassiukkiga."

Naammagittaalliuuteqartarfik A-mut 5. oktober 2005-imi imatut allapoq, assilineru uannut nassiullugu:

"Aningaasatigut ikiorserneqarnissaq pillugu naammagittaalliuutit Isumaginninnermi Naammagittaalliuuteqartarfiup 2003-mi tiguua. Suliami allagaatit ilinnut tunngasut ajuusaarnartumik kukkunikkut tammarsimapput, taamaattumillu naammagittaalliuutit Naammagittaalliuuteqartarfiup massakut suliarisinnaanngilaa.

Naammagittaalliuutit attatiinnarniarlugu kissaatigigukku Naammagittaalliuuteqartarfiup qinnuigaatit naammagittaalliuutit nassiuteqqeqqullugu, Naammagittaal-

liuuteqartarfiullu tamatuma kingornatigut suliap oqartussaasumit suliarinnissimasumit sapinngisamik pilertornerpaamik paasissutissartalersortinneqarnissaa isumagi-niarpaa.

Isumaginninnermi Naammagittaalliuuteqartarfiup kukkussuteqarnerata piffissaa-jarlutillu pisarissersormatit tamanna Naammagittaalliuuteqartarfiup ajuusaarutigeq-qissavaa." (Atorfeqarfimmi nutsigaavoq)

Naammagittaalliuuteqartarfimmut 12. oktober 2005-imi imatut allappu-nga:

"Naammagittaalliuuteqartarfiup A-mut allagaasa 6. oktober 2005-imeersut assi-linerat ulloq taanna tiguara.

Naammagittaalliuuteqartarfik tamatumunnga atatillugu qinnuigaara suliap inger-laqqinnera pillugu ilisimateqqullunga.

Ombudsmandip suliامي inassuteqaataasa allat akissuteqarfigineqarnissaat tama-tumunnga atatillugu eqqaasitsissutigaa:

- periaatsinik naammagittaalliuutit tiguneqartut naammagittaalliortunut qaqu-gukkut uppersarneqartarnissaannik imaqartunik Naammagittaalliuuteqartarfik pilersitsisimanersoq nalunaarutigeqqullugu, aamma

- eqqaasitseriaaseq atorsinnaalluartoq, suliat iliuuseqarfigineqarnatik uninngatin-neqartannginnissaannik qulakkeerisoq Naammagittaalliuuteqartarfiup pilersissa-gaa."

Naammagittaalliuuteqartarfik akissuteqarnissaanik 7. december 2005-imi eqqaasippara.

Naammagittaalliuuteqartarfimmit ukiup nalunaarusiuunneqartup naane-rani sulit tusagaqanngilanga.



## 08. Annertussusilerikkani ikiorsiissutit.

### 1. **Piffissaq Naammagittaalliuuteqartarfiup suliamik suliarinninnermut atugaa pillugu naammagittaalliuut.**

*A Ombudsmandimut saaffiginnippoq, ilaatigut piffissaq Isumaginninnermi Naammagittaalliuuteqartarfiup suliamik suliarinninnermut atugaa oqaasiinnartigut naammagittaalliuutiginiarlugu.*

*Piffissaq Isumaginninnermi Naammagittaalliuuteqartarfiup sulianik suliarinninnermut ataatsimut atortagaa sivikilliniarlugu Naalakkersuisut suliniuteqalernerat isiginiarlugu, aamma suliniutip taassuma sunniutaanik naliliinissamut piaarpallaarnera isiginiarlugu piffissaq Naammagittaalliuuteqartarfiup sulianik suliarinninnermut ataatsimut atortagaa pillugu Ombudsmandi massakkut oqaaseqaatissaqanngilaq.*

*Taamaattorli suliaq pineqartog eqqarsaatigalugu Ombudsmandi isumaqarpoq suliamik suliarinninnermi iliuuserineqartut siulliit iliuuserineqarnissaasa tungaanut suliaq iliuuseqarfigneqarnani qaammatini pingasuni tamatumalu kingornatigut qaammatini aqqanilinni uninngatinneqarsimanera isorisariaqartuusog.*

*Tamatuma saniatigut Ombudsmandi isumaqarpoq Naammagittaalliuuteqartarfiup allakkanik naammagittaalliuutip tiguerneranup uppersaataasunik aatsaat qaammatit pingasut qaangiunneranni A-mut nassiusisimanera, allakkallu taakku Naammagittaalliuuteqartarfimmup utermata Naammagittaalliuuteqartarfiup allakkanik taakkuninnga nassitseqqissimannginnera isorisariaqartuusog.*

*Ombudsmandip suliami siusinnerusukkut suliarisimasamini manna qinnutigisaq, tassalu naammagittaalliuutit takkuttut tiguernerat naammagittaallioortunut qaqugukkut kingusinnerpaamik uppersarneqartarnissaannik periaatsimik Naammagittaalliuuteqartarfik atuilersimangersog Naammagittaalliuuteqartarfiup Ombudsmandimut nalunaarutigissagaa, tamatumunnga atattillugu nangillugu qinnuteqaqqinnissaminut Ombudsmandi pisutissaqarluni isumaqarpoq.*

*Aammattaaq Ombudsmandi isumaqarpoq suliamik suliarinninnerneq naammagittaallioortumut siusinnerusukkut nalunaarutigineqarsimasumit sivilunerussasog paasinarsippat tamanna naammagittaallioortumut Naammagittaalliuuteqartarfiup nammineq suliniuteqarnermigut nalunaarutigisariaqaraa, naammagittaallioortup nammineq Naammagittaalliuuteqartarfimmup saaffigininnissaa utaqqinagu.*



*Eqqaasitseriaatsimik atulersitsinissap isumaliutersuutigineqarnissaanik siusinnerusukkut inassuteqaatini Ombudsmandip naggasiullugu inassuteqaatigeqqippaa. (J.nr. 11.05.08.04/001-05)*

A uannut 4. januar 2005-imi saaffiginnippoq, ilaatigut piffissaq Isumaginninnermi Naammagittaalliuuteqartarfiup suliamik suliarinninnermut atugaa naammagittaalliuutiginiarlugu.

A-p oqaatigaa K Kommunip pisortanit annertussusileriikkanik ikiorsiisutunik ikiorserneqarnissamik qinnuteqaatimi itigartinneqarnissaanik 6. april 2004-mi aalajangiinera Isumaginninnermi Naammagittaalliuuteqartarfimmu allakkatigut 16. april 2004-mik ullulernerqartutigut naammagittaalliuutigisimagini.

Tamatuma saniatigut A-p oqaatigaa naammagittaalliummut atatillugu Isumaginninnermi Naammagittaalliuuteqartarfimmit allakkanik tigusaqarsimanani, Naammagittaalliuuteqartarfimmullu oqarasuaatikkut saaffiginikkami nalunaarfigineqarsimalluni suliap suliarineqarnera sivisoorujussuusinnaasoq, naammagittaalliuutit kalaallisut allanneqarsimanera pissutigalugu.

Isumaginninnermi Naammagittaalliuuteqartarfimmu 7. januar 2005-imi allagaqarpunga, A-llu naammagittaalliuutaanut atatillugu suliami allagaatit assilinerinik nassinneqarnissannik Naammagittaalliuuteqartarfik qinnuigalugu.

Aammattaaq Naammagittaalliuuteqartarfiup piffissaq naammagittaalliummik suliarinninnermini atugaa pillugu Naammagittaalliuuteqarfik oqaaseqaateqaqqullugu qinnutigaara, tassunga ilanngullugu suliami iliuuseqartoqarsimanersoq taamaattoqarsimappallu suut iliuuserineqarsimanersut qangalu.

Naggasiullugu paasissutissiissutigeqquara naammagittaalliuutinik kalaallisut allanneqarsimasunik suliarinninnermut atatillugu piffissaq suliamik suliarinninnermi atorneqartoq naammagittaalliuutinik qallunaatut allanneqarsimasunut sanilliullugu sivisunerusarnera, taamaattoqarpallu tamanna Naammagittaalliuuteqartarfiup iliuuseqarnissaanut pissutissaqartitsilersimanersoq.

Isumaginninnermi Naammagittaalliuuteqartarfik suliamut akissuteqarnissaanik 8. februar 2005-imi aamma 9. marts 2005-imi nukingisaarpara.

Isumaginninnermi Naammagittaalliuuteqartarfiup akissutaa 31. marts 2005-imi ullulernerqarsimasoq imaattoq 1. april 2005-imi tiguara:

”A-p naammagittaalliuutaa pillugu.

Naammagittaalliuuteqartarfiup suliami allagaatit matumuunga nassiuppai. Suliaq iliuuseqarfineqartarsimavoq, tamannalu allagaatini ilanngullugit nassiunneqartuni takuneqarsinnaavoq.

Suliap kalaallisut allanneqarsimanera pissutigalugu suliap ”sivisoorujussuunisaaanik” oqarasuaatikkut ilisimatinneqarsimalluni A-p oqarsimanera Naammagittaalliuuteqartarfiup ilumuunnginnerarpaa. Suliani ataasiakkaani piffissaq suliamik suliarinninnermi atorneqartoq pillugu Naammagittaalliuuteqartarfik oqarasuaatikkut

tunngaviumik ilisimatitsinnngisaannarpoq, suliat ataasiakkaat suliarineqarneranni piffissami suliamik suliarinninnermi atorneqartumi pissutsit assigiinnngitsut apeq-qutaasarmata, tassunga ilanngullugit suliami allagaatinik il.il. nutserisarneq.” (Atorfeqarfimmi nutsigaavoq)

Isumaginninnermi Naammagittaalliuuteqartarfimmut 13. april 2005-imi imaattunik allagaqarpunga:

”Isumaginninnermi Naammagittaalliuuteqartarfiup allagai 31. marts 2005-imeersut aamma suliami allagaatit naammagittaallioortumut tunngasut tiguakka. Suliami allagaatit tunngavigalugit Isumaginninnermut Naammagittaalliuuteqartarfik tapiussamik oqaaseqaateqaqqullugu qinnuigaara. Aammattaq Naalakkersuisut siulittaasuat Isumaginninnermi Naammagittaalliuuteqartarfiup suliamik suliarinninnermi piffissaq atugaa pillugu oqaaseqaateqaqqullugu qinnuigaara. Ilisimatitsissutitut ilannguppakka Naalakkersuisut Siulittaasuannut allakkama assilineri.

Suliami allagaatinit A-mut tunngasunit erserpoq Naammagittaalliuuteqartarfiup 20. april 2004-mi taassuma naammagittaalliuutaa 16. april 2004-meersaq tigusimagaa. Suliami allagaatini allakkat ataasiinnapput Naammagittaalliuuteqartarfimmit A-mut ingerlatitat. Allakkat 27. juli 2004-mik ullulernerqarsimapput. Suliami allagaatinit takunerqarsinnaavoq allakkat Naammagittaalliuuteqartarfimmut utertinnerqarsimasut. Tassannga takunerqarsinnaanngilaq allakkat misilillugit nassiuteqqinnerqarsimansut. Naammagittaallioortoq uannut ilisimatitsivoq Naammagittaalliuuteqartarfimmit allakkanik tigusaqarsimanani.

Allakkani 27. juli 2004-meersuni ilaatigut imaattumik ilisimatitsissuteqartoqarpoq:

”Ilisimatitsissutitut oqaatigineqassaaq Isumaginninnermi Naammagittaalliuuteqartarfiup ataatsimiititaliaani ilaasortat ukiumut pingasoriarlutik/sisamariarlutik ataatsimiittarmata. Tamatuma saniatigut oqartussanit suliassatinni aalajangiisimasunit oqartussanillu allanit aalajangiisimasinnaasunit paasissutissanik Naammagittaalliuuteqartarfik piniartussaavoq. Ilanngullugu ilisimatitsissutigineqassaaq Isumaginninnermi Naammagittaalliuuteqartarfik suliassarpassuarnik tigusaqarsimammat piffissarlu suliassanik ingerlatsiffiusartoq annikilliniarlugu 2004-mi aqqissuussisoqaqqittussaammat.

Qaammatit aqqaneq marluk iluanni suliap aalajangiiffigineqartarnissaa Naammagittaalliuuteqartarfiup anguniagaraa. Suliassaq Isumaginninnermi Naammagittaalliuuteqartarfiup suliareerepagu aalajangiineq allaganngorlugu tigussavat. Qinnuigineqassaatit allakkap matuma tigungeranit qaammatit aqqaneq marluk iluanni aalajangiineq tigusimannikkukku Isumaginninnermi Naammagittaalliuuteqartarfimmut attaveqaqqullutit. Suliamut tunngassutlinnik annertunerusumik paasissutissaateqaruit Isumaginninnermi Naammagittaalliuuteqartarfimmut aamma attaveqarsinnaavutit.”

Naammagittaalliuuteqartarfiup K Kommunimut allagai ataatsit 27. juli 2004-imi ullulernerqarsimasut ilaapput, Naammagittaalliuuteqartarfiullu kommuni allakkani taakkunani suliani allagaatit nassiuteqqullugit suliarlu pillugu nassuiaateqaqqullugu qinnuigaa.

Tamanna tunngavigalugu Naammagittaalliuuteqartarfik qinnuiginiarpara makku pillugit ilisimateqqullunga:

1) Naammagittaalliuuteqartarfiup A-mut allakkat 27. juli 2004-meersut najugartaanvanut nassiuteqqippai?

- 2) Allakkat 27. juli 2004-meersut oqaasertaliernerisa apeqqutissaqalersippaannga, tassalu Naammagittaalliuuteqartarfiup paasissutissanik oqartussaasunit allanit piniarneq naammagittaalliorup paasissutissat piniarneqarsimasut pillugit Naammagittaalliuuteqartarfiup suliame aalajangiilinninnerani illua'tungerisatut tusarniaaviginissaanut pisussaaffiliinermik nassataqarsinnaanera nalinginnaasumik eqqumaffigineraa.
- 3) Aammattaq allakkat 27. juli 2004-meersut oqaasertaliernerat pillugu erseqqinnerusumik paasitinneqarnissara qinnutigaara. "Qinnuigineqassaait allakkap matuma tiguneranit qaammatit aqqaneq - marluk iluanni aalajangerneq tigusimanngikkukku Isumaginninnermi Naammagittaalliuuteqartarfiup attaveqaqqullu-tit". Tamatumunnga atatillugu Naammagittaalliuuteqartarfik qinnuigaara Naammagittaalliuuteqartarfik ilisimatitsissutigineqartut qaammatit aqqaneq marluk iluini aalajangiisoqarsimatinnagu aamma naammagittaalliorup Naammagittaalliuuteqartarfik attavigisimanngikkaagagu qanoq iliortarnerisut ilisimateqqullun-ga. Naammagittaalliuuteqartarfik suliassanik eqqaasitsinermut atortoqarpa taamaallilluni Naammagittaalliuuteqartarfiup nammineerluni suliap (maannakkut) suliarineqarnerata qanoq sivilisutiginnaanera naammagittaalliorup naatsorsuutiginnaanera nutaamik nalunaarfigineqarnissaa eqqumaffiginnaallugu?
- 4) Kommuni allagai 16. august 2004-meersut tiguneqarmatali suliap aalajangersimasup suliarineqarnerani sunaana utaqqimaarneqarsimasoq, tamatumani suliap allagaatit nassiunneqarput kommunilu nassuiaalluni pineqartoq amerlasusilerikkani ikiorserneqarnissamut itigartitaasoq nammineerluni suliffimmit soraarsimanini pissutigalugu?"

Suliaq 19. maj 2005-imi eqqaasitsissutigaa.

Naammagittaalliuuteqartarfiup akissutaa 21. april 2005-imi ullulernerqarsimasoq imaattoq 6. juni 2005-imi tiguara:

"Pineqartoq: A-p Isumaginninnermi Naammagittaalliuuteqartarfiup sullissinerata sivilisussusaanik naammagittaalliuutaa.

Inatsisartut Ombudsmandiata allagaatit A-mut tunngasut nassiunnerannut atatil-lugu Isumaginninnermi Naammagittaalliuuteqartarfik arlalinnik apeqquteqarfigaa.

Isumaginninnermi Naammagittaalliuuteqartarfik apeqqutigineqartunut imaat-tunik oqaaseqaateqassaag:

- 1) Isumaginninnermi Naammagittaalliuuteqartarfik A-mut julip 27-ani 2004 al-lakkamik nassiusseqqinngilaq.  
Allakkat nassiunneqarput A-p naammagittaalliuuteqarnermini najukkaminik nalunaarutigisaanut, najugaalu nutaaq sumiinnerisut naluarpur.
- 2) Isumaginninnermi Naammagittaalliuuteqartarfiup suliassat suliarineqarnerat pillugu inatsit ilisimavaa, taassumalu ataani illua'tungeriit tusarniarneqarneranni aalajangersakkat.
- 3) Isumaginninnermi Naammagittaalliuuteqartarfik iluarsaaqqiffigineqarsimavoq, ilaatigut ulloq naallugu sulisussamik ataatsimik allamik atorfinitsitsisoqarsimal-luni. Naammagittaalliuuteqartarfiup siunertaraa, suleqatip taassuma suliassat aqunneqarneranni periutsit naammassiuminarsagaanerit suleqataaffigissavaa, taassuma ataani allakkat nukingisaarutit innuttaasullu suliassat sumut killinne-rannik paasiniaanerini akissuteqarnerneq.
- 4) Isumaginninnermi Naammagittaalliuuteqartarfiup suliassat pisarnertut qanga ti-gunerit naapertorlugit suliarsarpai, ukiunilu kingullerni suliassat suliarineqarnerisa sivilisussusaat qaammatit 18-it tikillugit ingerlasarsimavoq.

Isumaginninnermi Naammagittaalliuuteqartarfiup meeqqat inuusuttullu pinngit-saaliissummik inissitaasussat tullerriarinnermi qaffatsittarpai, piffissanilu taama ittuni suliaassanik taama ittunik peqartillugu allat suliarineqarneri sivitsorsinnaasarput.”

Naalakkersuisut Siulittaasuannut imaattunik 13. april 2005-imi allagaqarpunga:

”Isumaginninnermi Naammagittaalliuuteqartarfik pillugu naammagittaalliummi suliamut aalajangersimasumut A-mut tunngasumi, Naammagittaalliuuteqartarfiup j.normua ..., Naammagittaalliuuteqartarfik oqaaseqaateqaqqullugu aamma suliami allagaatinik atukkiusseqqullugu qinnuigaara. Ilisimatitsissutitut ilannguppakka Naammagittaalliuuteqartarfimmut allakkama 8. februar 2005-meersut assilineri aamma Naammagittaalliuuteqartarfiup akissutaasa 31. marts 2005-imeersut assilineri. Naammagittaalliuuteqartarfik ullumi suliamut tapiliussamik oqaaseqaateqaqqullugu qinnuigaara. Aamma ilisimatitsissutitut ilannguppakka ukua allakkat assilinerat.

Suliarli aalajangersimasooq A-mut tunngasoq Naalakkersuisut siulittaasuannik Isumaginninnermi Naammagittaalliuuteqartarfimmi piffissaq suliamik suliarinninnermi atorneqartoq pillugu oqaaseqartitsinissannut tunngavissaqartitsilerpoq. Naalakkersuisut akisussaaffigalugit suliaasaqarfinnik agguataarisarnerat innersuussutigaa, tassannga ersepoq Naalakkersuisut siulittaasuut tassaasoq Nunami namminnermi pissutsinut Allaffeqarfimmi akisussaaffigalugit suliaasaqarfimmi akisussasoq, Isumaginninnermi Naammagittaalliuuteqartarfimmut allatseqarfiusumi.

Siullermik naatsumik suliami saqqummiunneqartut A-mut suliami allagaataani tigusakka aamma apeqqutit Naalakkersuisut siulittaasuannut isummerfigeqqusakka nassuiaateqarfigaakka.

Aammattaq oqaatigaara Isumaginninnermi Naammagittaalliuuteqartarfiup allagaani 31. marts 2005-imi suliat allat sisamat eqqaaneqartut tassaasut suliat piffisami sivisuumi akisuteqarfigeqqullugit nukingisaarutigisimasakka.

(...)

Naammagittaalliuuteqartarfimmi A pillugu suliaq:

A-p mappimi suliamut allagaataanit ersepoq Naammagittaalliuuteqartarfiup 20. april 2004-mi naammagittaalliuutaa 16. april 2004-meersoq tigusimagaa. Naammagittaalliummi pineqarpoq K Kommunip annertussusilerikkani ikiorsiissutinik 6. april 2004-mi itigartitsinera. Naammagittaalliuut kalaallisut allagaavoq.

Suliakkiissutinut allattuiiffinit takuneqarsinnaavoq sullissisup naammagittaalliuut 8. juni 2004-mi (qallunaatut) nutsigassanngortissimagaa. Naammagittaalliuutit suliami mappimi allagaatiniitup qallunaatut nutserneqarnera qanga sullissisup tigusimaneraa takuneqarsinnaanngilaq.

Suliami allagaatini nassaassaapput Naammagittaalliuuteqartarfimmit A-mut allakkat naammagittaalliummi najukkamisut ilisimatitsissutaanut ingerlatinneqarsimasut. Allakkat 27. juli 2004-mi ullulerneqarsinapput. Suliami mappimi allagaatinit ersepoq allakkat Naammagittaalliuuteqartarfimmut utersimasut. Takuneqarsinnaanngilaq allakkat najugartaavanut nassuteqqinneqarsimanersut. Naammagittaalliortoq uannut ilisimatitsivoq Naammagittaalliuuteqartarfimmit allakkanik tigusaqarsimanani. Naammagittaalliuuteqartarfimmut tapiliussatut tusarniaaninni Naammagittaalliuuteqartarfik qinnuigaara allakkat nassuteqqinneqarsimanersut ilisimateqqullunga.

Allakkat 27. juli 2004-meersut naammagittaalliuttip tiguneranut uppernarsaataapput. Allakkami suliap suliarineqarnerani piffissap atorneqartussap naatsorsuutigineqarnera ilisimatitsissutigineqarpoq:

”Ilisimatitsissutitut oqaatigineqassaaq Isumaginninnermi Naammagittaalliuteqartarfiup ataatsimiititaliaani ilaasortat ukiumut pingasoriarlutik/sisamariarlutik ataatsimiittarmata. Tamatuma saniatigut oqartussanit suliassaatinni aalajangiisimasunit oqartussanillu allanit aalajangiisimasinnaasunit paasissutissanik Naammagittaalliuteqartarfik piniartussaavoq. Ilanngullugu ilisimatitsissutigineqassaaq Isumaginninnermi Naammagittaalliuteqartarfik suliassarpassuarnik tigusaqarsimammat piffissarlu suliassanik ingerlatsiffiusartoq annikilliniarlugu 2004-mi aaqjissuussisoqaqqittussaammat.

Qaammatit aqqaneq marluk iluanni suliap aalajangiiffigineqartarnissaa Naammagittaalliuteqartarfiup anguniagaraa. Suliassaq Isumaginninnermi Naammagittaalliuteqartarfiup suliarereerpagu aalajangiineq allaganngorlugu tigussavat. Qinnuigineqassaatit allakkap matuma tiguneranit qaammatit aqqaneq marluk iluanni aalajangiineq tigusiannikkukku Isumaginninnermi Naammagittaalliuteqartarfimmut attaveqaqqullutit. Suliamut tunngassutilinnik annertunerusumik paasissutissaateqaruit Isumaginninnermi Naammagittaalliuteqartarfimmut aamma attaveqarsinnaavutit.”

Naammagittaalliortumut suliami mappimi allagaatinik allanik Naammagittaalliuteqartarfimmeersunik allagaqanngilaq.

Naammagittaalliuteqartarfimmit kommunimut ataatsinik allagaqarpoq 27. juli 2004-mik ullulernerqarsimasunik, tamatumani Naammagittaalliuteqartarfiup kommuni suliami allagaatinik nassuiaatinillu qinnuigaa. Kommunimiit Naammagittaalliuteqartarfimmut marlunnik allagaqarpoq ilanngussartalik 20. august aamma 21. oktober 2004-mi tiguneqartut. Tamatuma saniatigut mappimi suliamut allagaatini allanik soqanngilaq.

Naammagittaalliuteqartarfimmut tapiliussatut tusarniaaninni Naammagittaalliuteqartarfik qinnuigaara allakkat 27. juli 2004-meersut oqaasertalioerner sukumii-nerusumik nassuiaateqarfigeqqullugit. Aammattaaq Naammagittaalliuteqartarfik qinnuigaara suliami aalajangersimasumi suna utaqqimaarneqarnersoq ilisimateqqullunga.

Naalakkersuisut Siulittaasuannut apeqqutikka:

A-p naammagittaalliutaa Naammagittaalliuteqartarfimmit 20. april 2004-mi tiguneqarpoq. Taamaattumik suliap suliarinerani piffissaq atorneqartoq ullumimut qaammatinik aqqaneq-marlungajannik sivissuseqarsimavoq. Allakkat 27. juli 2004-meersut naapertorlugit naammagittaalliortup suliap suliarineqarnerani piffissap atorneqartup suliap tiguneqarnerata uppernarsarneqarneraniit qaammatinik aqqaneq marlunnik sivissuseqarnissaa naatsorsuutigisariaqarsimavaa, tassa imatut paasillugu katillugit qaammatit 15-init.

Tamanna tunngavigalugu Naalakkersuisut siulittaasuat qinnuigaara Naammagittaalliuteqartarfimmi maannamut qaammatini aqqaneq marlungajanni suliami aalajangersimasumi piffissaq suliamik suliarinninnermi atorneqartoq Naammagittaalliuteqartarfimmi maannakkut suliamik suliarinninnermi piffissaq atorneqartartoq taamatut sivissuseqartarnersoq oqaaseqarfigeqqullugu.

Aammattaaq Naalakkersuisut siulittaasuat qinnuigaara suliat ilai Naammagittaalliuteqartarfimmi pingaarnersiorneqartarnerisut taamaattoqassappallu suunerinik ilisimateqqullunga.

Aamma Naalakkersuisut siulittaasuat qinnuigaara Naammagittaalliuteqartarfiup suliat nutaat tiguneqarnerinut uppernarsaanerminut atatillugu uppernarsaanermit

suliat suliarineqarnerani piffissaq atorneqartussa q suli qaammatit aqqaneq marluk missaanni sivilissuseqarsinnaasoq ilisimatitsussutigineqartarnera ilisimateqqullunga, imaluunniit Naammagittaalliuuteqartarfiup suliat ullumikkut tigusartakkani qanoq sivilissutisumik suliarineqarsinnaanerat naatsorsuutigineqarsinnaanersoq pillugu ilisimatitsisarnersoq.

Aammattaaq Naammagittaalliuuteqartarfimmi piffissap suliamik suliarinninnermi atorneqartartup sivilissinnissaanut suut iliuuserineqarsimanersut allanillu aamma iliuuseqartoqarniarnersoq ilisimatinneqaqqullunga qinnutigaara.

Kiisalu aamma piffissap suliamik suliarinninnermi atorneqartartup sivilissinneqarnissaanut suliniutigisimasat iluaqutaanersut qanoq iliorluni tamatuma malitseqartinneqartarnera pillugu ilisimateqqullunga qinnutigaara.

Ilaatigut innersuussutigaa Inatsisartut ukioq 2004-mut aningaasanut inatsisissaanni (nutartigaq) konto pingaarnermi 10.01.09 missingersuutitut tapiliussatut oqaaseqaammi, Isumaginninnermi Naammagittaalliuuteqartarfik, Naammagittaalliuuteqartarfiup aningaasaliivigineqarnini qaffatsissimagaa ilisimatitsussutigineqar-mat. Allassimavoq aningaasaliissutit aammattaaq piffissap suliamik suliarinninnermi atorneqartartup sivilissinneqarnissaanut aamma ilapittuutaassasut, Naammagittaalliuuteqartarfik naapertorlugu taamanikkut qaammatinit 15-niit 18-nit angullugit sivilissuseqartartoq, nutserisoqarfiup nukittorsaavigineqarneratigut.

Inatsisartut ukioq 2005-imut aningaasanut inatsisissaanni konto pingaarnermi 10.01.09 missingersuutitut tapiliussatut oqaaseqaammi imatut allassimavoq, ukioq 2004-mut aningaasaliissutit kr. 0,4 millioninik qaffaavigineqarsimasut nutserisoqarfillu piffissaq suliamik suliarinninnermi atorneqartartoq sivilissinniarlugu nukittorsaavigineqassasoq. Aammattaaq allassimavoq Naammagittaalliuuteqartarfik naapertorlugu piffissaq suliamik suliarinninnermi atorneqartartoq maannakkut qaammatit sisamat - arfineq pingasut tungaannut sivilissuseqartalersoq.

Piffissap suliamik suliarinninnermi atorneqartartup agguaqatigiissillugu qaammatit sisamat - arfineq pingasut tungaannut sivilissuseqartarnera Inatsisartut ukioq 2005-imut aningaasanut inatsisissaanni tapiliussatut oqaaseqaammi eqqaaneqartoq, A-mut suliami imaluunniit sulianut allanut Naammagittaalliuuteqartarfiup 31. marts 2005-imi uannut allagaani taaneqartoq kinguneqarsimanngitsutut isikkoqarpoq. Aammattaaq A-mut suliami nutserisoqarfik utaqqimaarneqarnera takusinnaanngilara.

Naammagittaalliuuteqartarfiup piffissaq suliamik suliarinninnermini atugaa pillugu A-p naammagittaalliuutaanik suliami aalajangersimasumi suliaqarninni Naalakkersuisut siulittaasuani akissutisinnisara utaqqimaqqassavara.”

Suliaq 19. maj 2005-imi eqqaasitsissutigaa.

Naalakkersuisut Siulittaasuata akissutaa 20. april 2005-imeersoq 31. maj 2005-imi tiguara:

”Pineqartoq: Isumaginninnikkut Naammagittaalliuuteqartarfimmi suliat suliarineqartarnerini piffissaq.

Inatsisartut Ombudsmandiata 13. april 2005-imi allagaqarluni suliaq aalajangersimasooq toqqammavigalugu Isumaginninnikkut Naammagittaalliuuteqartarfimmi suliat suliarineqartarnerini piffissamut atorneqartartumut tunngasunik arlalinnik apeqquteqarsimavoq.

Siullermik Inatsisartut Ombudsmandiata kissaatigaa nalunaarutigineqassasoq, sulianik suliarinnittarnermi piffissaq suliami aalajangersimasumi qaammatinik 12-inik sivilissuseqartoq oqaatiginninnerunersoq Isumaginninnikkut Naammagittaal-

liuuteqartarfimmi agguaqatigiissitsilluni sulianik suliarinnittarnermi atorneqartartuunersoq.

Tamatumunnga akissutigisinnaavara, suliat ataasiakkaat suliarineqartarnerini piffissat atorneqartartut assigiinngitsorujussuusarmata apeqqutaatillugit suliat qanoq ittueneri, aammalu piffissaq qanoq sivistiginersoq suliat naammaginartumik qulaajarniarlugit atorneqartarnersoq paasiniarlugu toqqammavissaqarnersoq aalajangiinissamut.

Tulliullugu Inatsisartut Ombudsmandiata kissaatigaa ilisimatinneqarnissani suliat aalajangersimasut qanoq ittuusarnerisut taamaattoqarneranilu sorliit pingaarninngortinneqartarnerisut.

Tamatumunnga nalunaarutigisinnaavara meeqqanik inuusuttunillu pinngitsaaliiluni inissiisarnermik suliat pingaarninngortinneqartartuusut.

Tamatuma kingornatigut Inatsisartut Ombudsmandianit apeqqutigineqarpoq, suli Isumaginninnikkut Naammagittaalliuuteqartarfimmit nalunaarutigineqartarnersoq, naatsorsuutigineqarsinnaassasoq sulianik suliarinnittarnermi piffissaq atorneqartartoq qaammatinik 12-inik sivistussuseqassasoq.

Isumaginninnikkut Naammagittaalliuuteqartarfimmit aalajangersimasumik allakkiaq allannngortinneqarnikuunngilaq, taanna innuttaasunut nassiunneqartartoq naammagittaalliummik aalajangersimasumik tigusaqarnermut atatillugu.

Naggasiullugu Inatsisartut Ombudsmandiata paaserusuppai suliniutit sorliit, Isumaginninnikkut Naammagittaalliuuteqartarfimmi suliat suliarineqartarnerini piffissap atorneqartartup sivikillineqarnissaanik aallartinneqarsimanersut pilersaaru-taanersulluunniit.

Isumaginninnikkut Naammagittaalliuuteqartarfik 2004-mi aaqqissuuteqqinneqarpoq, taassumap ilaatigut kinguneraa, siunissami periarfissaqassasoq suliani naammagittaalliuutaasuni aalajangiiniarnerni siulittaasoq aalajangiisinnaatitaalissa-soq.

Ilanngullugu ukiumut aningaasaliissuteqarfiusumut 2005-imi aningaasanut inat-sisikkut suli 0,4 mio. kroninik Isumaginninnikkut Naammagittaalliuuteqartarfimmut aningaasaliissuteqartoqaqqippoq. Taamatut amerlanerusunik aningaasaliissutit ator-neqassapput isumaginninnikkut siunnersortimit marluinnik oqaasilimmik ator-finititsinissamut, taassumalu pingaarnerusutigut suliarissavai sulianik aallartitsineq aqutsinerlu, taakkununnga ilanngullugit noqqaassuteqarluni allakkiaq, innuttaasunik saaffiginnissutit akissuteqarfiginissaat suliat sumut killinnerinut tunngasut kiisalu sulianik suliarinnittarnerit ajornanninnerulersinneqarnissaat.

1. april 2005-imi, aningaasanut inatsimmi 2005-imi amerlanerusunik aningaasa-liissuteqartoqarnerata kingunerisaanik marluinnik oqaasilimmik isumaginninnikkut siunnersortimit atorfinitsitsisoqarpoq.

Anguniagaavoq, naammagittaalliuuteqartarfimmi sulianik suliarinnittarnermi piffissaq atorneqartartoq qaammatinik 12-18-inik annikillisinneqassasoq 2005-ip naanninnerani sivistunerpaaamik sulianik suliarinnittarnermi piffissamut qaamma-tinik 4-6-inik sivistussuseqartumut.

Qulaani suliniutaasut kingunerisaannik sulianik suliarinnittarnermi piffissaq atorneqartartoq ilumut sivikillisinneqassanersoq oqaatigissallugu suli siusippallaar-poq, tassami marluinnik oqaasilik isumaginninnikkut siunnersorti taamaallaat ta-makkiisumik atorfeqartinneqarnikummat 1. april 2005-imiit.”

Naalackersuisut Siulittaasuat 14. juni 2005-imi imaattunik akissuteqarfi-gaara:



”Naalakkersuisut Siulittaasuata allagai 20. april 2005-imi ullulerneqarsimasut 31. maj 2005-imi tiguakka, piffissarlu Isumaginninnermi Naammagittaalliuuteqartarfiup sulianik suliarinninnermut atortagaa pillugu allakkani 13. april 2005-imeersuni apeqqutikka Naalakkersuisut Siulittaasuata allakkani taakkunani akivai.

Maluginiarpara Isumaginninnermi Naammagittaalliuuteqartarfiup naammagittaalliortut aamma massakut nalunaarfigisarai piffissaq suliamik suliarinninnermut atorneqartussaq qaammaatinik 12-inik sivissuseqassasoq naatsorsuutigineqarsinnaasoq, kisiannili isumaginninnermi siunnersorti marluinnik oqaasilik Naammagittaalliuuteqartarfiup allattoqarfiani 1. april 2005-imi atorfinitsinneqarsimasoq, anguniagaasorlu tassaasoq piffissaq Naammagittaalliuuteqartarfiup sulianik suliarinninnermut atortagaa tamatuma kingornatigut 2005-ip naannginnerani qaammatinut 4-6-inut sivikillisinneqassasoq.

Aammattaaq maluginiarpara suliat meeqqanik inuusuttunillu angerlarsimaffiup avataanut pinngitsaaliissummik inissiinernut tunngasut suliarineqartarnerat Naammagittaalliuuteqartarfiup salliutikkaa.

Piffissaq Naammagittaalliuuteqartarfiup sulianik suliarinnittarneranut atortagaa pillugu apeqqutinnut Naalakkersuisut Siulittaasuata akissutaa tusaatissatut tiguara, malugeqqullugulu oqaatigaara piffissaq sulianik suliarinninnermut atorneqartartoq eqqarsaatigalugu anguniagaasoq anguneqarsinnaanersoq oqaatigissallugu sulii piaarpallaartoq.

Naalakkersuisut Siulittaasuannut allakkannut 13. april 2005-imeersunut pissutaa-soq tassaavoq piffissaq A pillugu suliamik pineqartumik suliarinninnermut atorneqartoq. Naalakkersuisut Siulittaasuannut allakkanni tamatuma saniatigut suliat pineqartut allat sisamat eqqaavakka, taakkulu pillugit akissuteqartoqarnissaa Naammagittaalliuuteqartarfimmuut piffissami siviisunerusumi nukingisaarutigisarsimavara.

A aamma (...). pillugit suliani Naammagittaalliuuteqartarfiup akissutai 6. juni 2005-imi tiguakka.

Suliat (...), (...) aamma (...) pillugit Naammagittaalliuuteqartarfiup akissuteqarnissaa matuma kingornatigut utaqqimaarpara.”

*Tamatuma kingornatigut imaattunik oqaaseqaateqarpunga:*

*"Piffissaq Naammagittaalliuuteqartarfiup sulianik suliarinninnermi nalinginnaasumik atortagaa.*

*Naalakkersuisut Siulittaasuannut 14. juni 2005-imi allappunga malugisimallugu piffissap suliamik suliarinninnermi atorneqartup qaammatinik aqqaneq marlunnik siviisuseqarsinnaanera naatsorsuutigineqarsinnaasoq naammagittaalliuuteqartunut Isumaginninnermi Naammagittaalliuuteqartarfiup massakut aamma nalunaarutigisaraa, piffissalli taassuma suliamik suliarinninnermi atorneqartup ukiup ingerlanerani qaammatinut 4-6-nut appartinneqarsinnaanera naatsorsuutigineqartoq, isumaginninnermi siunnersortimik marlunnik oqaasilimmik atorfinitsitsinerup kingunerisaanik.*

*Aammattaaq allappunga suliat meeqqanik inuusuttuaqqanillu pinngitsaaliilluni angerlarsimaffiup avataanut inissiinissamut tunngasut suliarineqarnerat Naammagittaalliuuteqartarfiup salliutittaraa malugigiga.*

*Naammagittaalliuuteqartarfiup sulianik taamaattunik salliutitsisarnera pillugu oqaaseqaatissaqanngilanga.*



*Piffissaq Naammagittaalliuuteqartarfiup suliamik suliarinninnermini nalinginnaasumik atortagaa eqqarsaatigalugu eqqumaffigaara isumaginninnermi siunnersortimik marlunnik oqaasilimmik atorfinitsitsinikkut piffissap Naammagittaalliuuteqartarfimmi suliamik suliarinninnermi agguaqatigiisillugu atorneqartartup appartinnissaanut qanoq tamanna sunniuteqarumaassanersoq massakkut oqaatigissallugu suli siusippallaarteq.*

*Tamanna isiginiarlugu piffissaq Naammagittaalliuuteqartarfiup suliamik suliarinninnermini nalinginnaasumik atortagaa pillugu massakkut oqaaseqaatissaqanngilanga, tamannalu eqqarsaatigalugu massakkut anertunerusumik iliuuseqaqqissananga.*

*Suliami pineqartumi piffissaq Naammagittaalliuuteqartarfiup suliamik suliarinninnermini atugaa.*

*Suliami allagaatinit erserpoq A-p naammagittaalliuuta Isumaginninnermi Naammagittaalliuuteqartarfiup 20. april 2004-mi tigusimagaa. A-p naammagittaalliuutaata tigonera Naammagittaalliuuteqartarfiup allakkatigut 27. juli 2004-mi uppersarpaa, tusarniaanermilu allakkat K Kommunimut nassiullugit.*

*Kommunip suliami allagaatai Naammagittaalliuuteqartarfiup 16. august 2004-mi tiguai.*

*Naammagittaalliummut tunngatillugu Naammagittaalliuuteqartarfik suliami 27. juli 2004-p kingorna iliuuseqarsimangitsoq takuneqarsinnaavoq.*

*Naammagittaalliuuteqartarfik allakkatigut 13. april 2005-imeersutigut qinnuigaara kommunip suliami allagaataasa 16. august 2004-mi Naammagittaalliuuteqartarfimmit tiguqarnerisa kingorna suliamik suliarinninnermi suna utaqqimaarneqarsimanersoq paasissutissiisutigeqqullugu.*

*Naammagittaalliuuteqartarfik allakkatigut 21. april 2005-imeersutigut 6. juni 2005-imi tigusakkut imaattumik akissuteqarpoq:*

*“Isumaginninnermi Naammagittaalliuuteqartarfiup suliassat pisarnertut qanga tigonera naapertorlugit suliarisarpai, ukunilu kingullerni suliassat suliarineqartarnerisa sivissusaat qaammatit 18-it tikillugit ingerlasarsimavoq.*

*Isumaginninnermi Naammagittaalliuuteqartarfiup meeqqat inuusuttullu pinngitsaaliissummik inissitaasussat tulleriarinnermi qaffatsittarpai, piffissanilu taama ituni suliassanik taama ittunik peqartillugu allat suliarineqarneri sivitsorsinnaasarpur.”*

*Suliassat suliarineqartarnerat pillugu inatsimmi piffissaq suliamik suliarinninnermi atorneqartarteq pillugu nalinginnaasunik aalajangersagartaqanngilaq, ingerlatsinermili ileqqorissaarneq eqqarsaatigalugu suli at pisariaqarnerattut annertutigisumik nukinginneqartussaappur.*

*Inatsileriffiup suliassat suliarineqartarnerat pillugu inatsit pillugu ilitsersuusiaanni december 1994-imeersumi tamatumunnga immikkoortumi makku innersuussutigaa:*

“199. Suliassat tamarmik pisortat ingerlatsiviinit suliarineqartut soorunami sapinngisamik pisariitsumik, sukkasuumik aningaasartuutaavallaanngitsumillu suliarineqartarnissaannik piumasaaqat pingaartumik atuuppoq suliassanut inuit ataasiakkaat imaluunniit namminersorlutik ingerlatseqatigiiffiit, suliffeqarfiit, peqatigiiffiit il. il. attuumassuteqarfigisaanni.

...

204. Suliassat suliarineqartarnerat pillugu inatsit suliassat qanoq sivisutigisumik suliarineqartarnissaat pillugu nalinginnaasumik aalajangersagartaqanngilaq tamatumunnga ilaatigut tunuliaqutaavoq suliassat pisortat ingerlatsiviinit suliarineqartartut assigiinneqimmata assigiinneqisunillu annertussuseqartarlutik, taamaattumik inatsisikkut pisortat ingerlatsiviini qanoq sivisutigisumik suliarineqartarnissaasa aalajangersimasunik maleruagassaliornissaat ajornarluinnartussaalluni, tassa eqqartuussivinni ajornarpallaanngitsumik atortinniarneqarsinnaasunik.

Kisianni folketingip ombudsmandiata oqaaseqaatigisartagai tunngavigalugit nalinginnaasumik ingerlatsinermut ileqqut kusanartut malinniarneqarnissaanni suliassat qanoq sivisutigisumik suliariniarneqartarnissaat pillugu tunngavigineqarsinnaasunik suliassat suliarineqartarnissaasa aqqissugaasarnissaat pillugu maleruagassaqartitsineqarpoq, matuma ataani suliambut tunngassuteqartup suliap qanoq sivisutigisumik suliarineqassanganineqarneranik ilisimatinneqartarnissaat pillugu.

Ombudsmandip aammattaaq aalajangikkat ilaanni tikkuaavigisarsimavai suliat sivisuumik aalajangiivigineqaratik uninngatinneqartarnissaat pinaveersaarniarlugu kiisalu puigortoorneqarlutik aalajangiivigineqanngitsoortarnissaat pinaveersaarniarlugu oqartussaasut naammattumik atorsinnaalluartunik suliat uterfigineqaaqqittarnissaannut allattuiiffiortarnissaat.”

Naammagittaalliuuteqartarfiup siullermeerluni iliuuseqalinnginnerani suliami matumani suliaq iliuuseqarfigineqarnani Naammagittaalliuuteqartarfiimmi qaammatini pingasuni uninngasimavoq. Tamatuma kingorna Naammagittaalliuuteqartarfiup suliami allagaatit kommunimit tigoreermagit suliaq qaammatini aqqanilinni uninngasimavoq.

Tamatuma saniatigut Naammagittaalliuuteqartarfiup A suliap uninnganera aamma suliap qaqugu aalajangiiffigineqarnissaa ilimagineqarsinnaanersoq pillugu qaammatit aqqanillit taakku ingerlaneranni ilisimatissimanngilaa.

Tamanna uanga paasinninnera malillugu isorisariaqartuuvoq.

Naammagittaalliuuteqartarfiup suliami illua tungiusumut ilisimatitsinera.

Naammagittaalliuuteqartarfiup A allakkanik assigiissaartunik oqaasertalersugaasunik 27. juli 2004-mi nassippaa, naammagittaalliuutillu tiguñera Naammagittaalliuuteqartarfiup tassani uppersarppaa. Tamatuma saniatigut Naammagittaalliuuteqartarfiup A allakkamini qinnuigaa Naammagittaalliuuteqartarfiup aalajangiinera qaammatit aqqaneq marluk iluini tigusimanngikkuniuk Naammagittaalliuuteqartarfiimmut attaveqaaqqullugu.

*Suliami allagaatinit erserpoq allakkat Naammagittaalliuuteqartarfimmut utersimasut.*

*Naammagittaalliuuteqartarfik allakkatigut 21. april 2005-imeersutigut ilisimatitsivoq allakkat A-p najugariligaanut Naammagittaalliuuteqartarfiup nassiuteqqissimangikkai.*

*Tamatumani saniatigut Naammagittaalliuuteqartarfik ilisimatitsivoq suli-anik aqutsinermi periaatsip pitsanngorsaaviginissaa Naammagittaalliuuteqartarfiup siunniussimagaa, tassunga ilanngullugit allakkat nukingsaarutit suliallu killiffii pillugit innuttaasut saaffiginnittarnerinut akissuteqartarneq.*

*Suliami siusinnerusukkut suliarisimasanni ukioq 2002 pillugu nalunaarutinni eqqaaneqartumi suliaq 11.01/01-1-imi oqaatigaara:*

*“Suliassat suliarineqartarnerat pillugu inatsit innuttaasup allakkatigut saaffigin-nissutaata oqartussaasumit tiguneqarneranit tigusinerup kingorna oqartussaasup qanoq siviutigisumik piffissaqartitaanera pillugu malittarisassanik imaqanngilaq.*

*Taamaatorli ingerlatsinermi ileqqorissaarnerup nassatarisaanik imaappoq in-nuttaasup allakkatigut saaffiginnissutaanik oqartussaasoq tigusisoq saaffiginnis-sutip tiguneqarnera pillugu ingerlaannartuunngikkaluartumik taamaatorli piffis-sap sivikinngitsup ingerlanerani innuttaasumut uppersaasariaqartoq.*

*Innuuttaasup naammagittaallioarnissaanut piffissaliisoqarsimatillugu naam-magittaalliuutip tiguneqarnera pillugu oqartussaasup uppersaasutaanik innuttaa-sup piaarnerpaamik tigusaqarnissaa immikkut pingaaruteqarpoq, tassami naam-magittaalliuutip tiguneqarnera pillugu uppersaasoaqanngippat naammagittaalli-uutip piffissaagallartilugit tunniunneqarnissaa eqqarsaatigalugu tamanna innut-taasumut inatsitigut inissisimaneq pillugu nalornisuulersitsisinnaamat. Isuma-ginnittoqarfiup aqunneqarnera pillugu Inatsisartut peqqussutaanni Isumaginnin-nermi Naammagittaalliuuteqartarfimmut naammagittaalliuuteqarnissamut sapaa-tit akunneri sisamat ataatsimut isigalugu piffissaliunneqarsimapput.*

*Tamakku tunngavigalugit suliami matumani ...p naammagittaalliuutaanik ti-gusinerup kingorna Isumaginninnermi Naammagittaalliuuteqartarfiup qaammatit marlungajaat ingerlareersut aatsaat uppersaasana pitsaanngitsutut isigaara.”*

*Tamanna tunngavigalugu A-p qaammatit pingasut ingerlareersut Naam-magittaalliuuteqartarfimmit uppersaasammik aatsaat nassinneqar-nera isorisarialerujussuartut isigaara.*

*Tamatumattaq saniatigut allakkat utermata Naammagittaalliuuteqar-tarfiup allakkat A-p najugaqarfittaavanut nassiuteqqissimangimmagit ta-manna isorisariaqartutut isigaara.*

*Oqaaseqaatinni 28. juni 2005-imeersuni, uanga j. normora 11.05.07.-04/111-03, Naammagittaalliuuteqartarfik qinnuigaara Naammagittaalliuuteqartarfik naammagittaalliuutip tigunerinik naammagittaalliuuteqartu-nut qaqugukkat uppersaasarnissamut periaatsimik atuilersimanersaq paasissutissiissutigeqqullugu. Qinnutigisara tamanna qinnutigeqqippara.*

*Oqartussaasut innuttaasup saaffinnissutaata tiguneqarneranik aallar-niutaasumik uppersaasarnissaata saniatigut ingerlatsinermi ileqqo-rissaarnermut ilaavoq oqartussaasoq suliap tiguneqarneranik piffissami*

*qaninnermi suliap aalajangiiviginissaa pisinnaangippat suliap qanoq inissisimaneranik oqartussaasoq ilisimatitsissasoq, aamma qaqugu aalajangiisoqarsinnaanera oqartussaasup naatsorsuutigineraa sapinngisamik paasissutissiissutigalugu.*

*Taamatuttaaq suliaq pineqartoq pissutsit immikkut ittut pissutigalugit nalinginnaasumit sivilunerusumik suliarineqassappat oqartussaasup suliame illua tungiusumut tamatuminnga ilisimatitsissuteqartariaqarnera ingerlatsinermi ileqqorissaarnerup nassataraa. Matumani suliassat suliarineqartarnerat pillugu inatsit pillugu Inatsisileriffiup ilitsersuusiaani immikkoortoq 206 innersuussutigaa.*

*Taamaattumik suliap suliarineqarnera siusinnerusukkat nalunaarutigineqartumit sivilunerussappat tamanna Naammagittaalliuuteqartarfiup naammagittaalliuuteqartumut nammineerluni nalunaarutigisariaqaraa isumaqarpunga, naammagittaalliuuteqartup Naammagittaalliuuteqartarfimmut nammineerluni saaffiginninnissaa utaqqimaarnagu.*

*Oqaaseqaammi 28. juni 2005-imeersuni qulaani taaneqartumi inassuteqaatigaara eqqaasitseriaatsip atorneqalernissaa Naammagittaalliuuteqartarfiup isumaliutersuutigissagaa, taamaalillutik suliat piffissami sivilunerusumi uninngatinneqartanninniassammata.*

*Piffissaq Naammagittaalliuuteqartarfiup sulianik suliarinninnermut atortagaa suliattu naammagittaalliuutinut tunngasut aqunneqarnerat pillugu qulaani taaneqartut tunngavigalugit eqqaasitseriaatsimik atulersitsinnissap isumaliutersuutigineqarnissaanik Naammagittaalliuuteqartarfimmut inassuteqaatiga inassuteqaatigeqqippara.*

*A allakkatigut allatigut allakkat uku assilinerinik ilaqartinneqartutigut qulaani taaneqartunik ilisimatippara."*

Ukiup nalunaarusiuunneqartup naanerani Isumaginninnermi Naammagittaalliuuteqartarfimmit tusagaqanngilanga.

## 29. Ineqarnermut akiliutinik naatsorsuineq.

### 1. Ineqarnermut akiliutit qaffaatissaattut ilimasaarutaasut pil-lugit naammagittaalliuut.

*A-p ilaatigut ineqarnermut akiliutit 1. januar 2003 aallarnerfiga-lugu qaffaatissaattut ilimasaarutigineqartut naatsorsorneqarne-rat, ilaatigullu ineqarnermut akiliutit 1. januar 2003-mit qaf-faataasa tamarmik 1. marts 2003-mut kinguartinneqarnissaat A/S Inissiaatileqatigiiffik INI-p ilimasaarutigisimagaluaraa ineqar-nermut akiliutinik ilimasaarutigineqartut 1. januar 2003-mit akiliisinneqarsimanini naammagittaalliuutigaa.*

*Ineqarnermut akiliutit qaffanneqarnissaannik Ineqarnermut At-taveqatigiinnermullu Pisortaqarfiup ilimasaarutitut allakkamini 21. september 2002-meersuni inissianik attartorneq pillugu Inat-sisartut peqqussutaata allanngortinneqarneranik Inatsisartut peqqussutaanni nr. 2-mi, 21. maj 2002-meersumi ineqarnermut akiliutit qaffanneqarnissaannik ilimasaarisarneq pillugu § 10, imm. 2-mi malittarisassat malissimannngimmagit Ombudsmandip tamanna isorisariaqartutut isigaa. (J.nr. 11.03.29.01/111-02)*

A-p naammagittaalliuutaa imaattoq 10. december 2002-mi tiguara:

”...

Inigisami, piginneqatigiilluni inissianngortinneqarsimasumi, attartortutut ineqar-punga. Piginneqataassut Ineqarnermut Pisortaqarfimmit pigineqarpoq.

Ineqarnermut akiliutit januaarip aallaqqaataanit qaffanneqassaaq 4.000-init 4.943-nut. Qaffariarneq sualuppallaarujussuartoq.

Qaffariarneq tunngavilersuuteqartinneqarpoq piginneqatigiilluni inissiat pillugit Inatsisartut peqqussutaanni nr. 4-mi, 21. maj 2002-meersumi piumasarineqarmat piginneqatigiilluni inissiani attartortut ineqarnermut akiliummik, Namminersorne-rullutik Oqartussat kommunillu inissiaataanni attartortittakkani atuutsinneqartumik, akiliisinneqartassasut.

Tamatumunngali peqatigalugu pisortat inissiaataat attartortittakkat pillugit malit-tarisassat imaapput, attartornermut akiliutit aningaasartuutivinnut naapertuuttuussa-soq.

Inigisallu piginneqatigiilluni inissianngortinneqarnerani tamanna ineqarnermut akiliutip millisinnissaa siunertarerpjarlugu pivoq. Taamaaliortoqarporlu attartortut ataasiakkaat suliaassanik amerlaqisunik namminneq akisussaaffeqalersinnerisigut, sullinneqarnermillu assigiimmik, inigisaq INI-mut atagallarmat pisarsimanertut, atuinnginnerisigut.

Tamannami aamma uagut ineqarfigisatsinni pisimavoq. Soorlu ineqarfinnut nak-kutillisuutitamik ikiorteqassanani, allaffissornermut aningaasartuuteqarnani, nivat-toqassanani.

Tassa imaappoq uanga attartortutut sullinneqarnermik, Ukiumoortumik missi-ngersuutini katillugit 11.424-nut missiliuunneqartumik, sullinneqarsinnaatitaajun-naartunga. Aningaasallu taakkua ineqarnermut akiliutip qaffanneqarneranut eqqoq-qissaartumik naapertuupput.

Aammattaaq Ineqarnermut Pisortaqarfimmut allakkanni allamik taasaqarpunga.

Ineqarnermut akiliutit pillugit peqqussummut nutaamut, 2002-mi januarip aallaqqaataani atuutilersumut, naapertuutinngitsuusoraara uanga sullinneqarnermut/ikiorneqarnermut pisimanngisannut akiliissallunga.

Taassumunnga ilanngunneqassaaq ullut arlaanni, piginneqataassut pisiareruserukku, taava Ineqarnermut Pisortaarfik piginneqataassummik, taamanikkussamut akiusumut atuuttumut naapertuuttumik akilissagiga.

Tassa imaappoq, piginneqatigiillutik inissiaatillit peqatigiiffiata uanga attartortut ukiumut 11.316 kr.-nik iluanaaruteqarfigissagaanga, Ineqarnermullu Pisortaarfip piginneqataassutip nalingata akitsornera iluanaaruteqarfigissagaa.

Annikinnerusoq alla tassaavoq uanga siumut ilisimatinneqarsimasutut ineqarnermut akiliummik akiliissasunga, naak INI-p qaffaanissat tamaasa martsip aallaqqaataanut kinguartissimagaluarai. Tamanna Ineqarnermut Pisortaarfimmi sulisoq M aqqtigalugu ilisimatitsissutigineqarsimavoq. Kisiannili uanga siumut ilisimatitsissuteqarneq malittussaavara, naak peqqussummi erseqqissumik oqaatigineqaraluartoq ineqarnermut akiliut INI-p akigititaanik malinnittussaasoq.” (Atorfeqarfimmi nutsigaavoq)

Ineqarnermut Attaveqatigiinnermullu Pisortaarfimmut 15. januar 2003-mi imatut allappunga:

”./ A-p naammagittaalliuutaanik, assiliner ilanngunneqartumik, 6. december 2002-meersumik Ombudsmandi tigusaqarpoq.

Naammagittaalliuut imatut paasivara, A-p inigisaminut ineqarnermut akiliutit 2003-mi januarip aallaqqaataani qaffannissaata naatsorsorneqarnera naammagittaalliuutiginiaara.

A-p saaffiginissutaa misissuineramik aallartitsinissamut pissutigissallugu naammannersoq naliliiffigissallugu suli tunngavissaqanngilanga. Taamaattumik pisortaarfik qinnuigaara mappi allagaatinik A-mut tunngasunik imalik atukkiuteqqullugu.

Suliaq suliarilerniarlugu Ombudsmandi aalajangerpat pisortaarfik tamanna pilugu paasissutissinneqarumaarpoq.”

Mappimi allagaatinik imaqartumi nassiunneqartumi allagaatit uku is-suassallugit aalajangerpunga:

Ineqarnermut, Attaveqatigiinnermullu Pisortaarfip A-mut allagai 21. september 2002-meersut:

”Pineqartoq: Attartugaq ...

Allakkatit ullulernerqarsimannigitsut Ineqarnermut Attaveqatigiinnermullu Pisortaarfip 17. september 2002-mi tiguai, attartukkanilu matup silarliup taarserneqarnissaa allakkani taakkunani qinnutigaat.

Tamatumunnga atatillugu oqaatigineqarsinnaavoq inissiarsuarmi attartukkavit inissisimaffigisaani matup silarliit tamarmik ataatsikkut taarserneqarnissaat eqqarsaatigineqartoq. Taamaattorli ukioq taarsiiffiususaaq 2003-iussannersoq, 2004-aassannersoq imaluunniit 2005-iussannersoq pisortaarfip oqaatigisinnaanngilaa.

NEQEROORUT

Inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 21. maj 2002-meersumi § 7a imatut oqasertalik ”Namminersornerullutik Oqartussat kommunilluunniit inissiaataasa ilaanni attartortut attartortitsisumut piginneqatigiilluni pigisassatulluunniit inissiaminnik tigusiariarlutik kissaateqarpata, attartortitsisup attartortoq piginneqatigiilluni pigisas-

satulluunniit inissiaatitaarusunngitsoq, § 4, imm. 1, nr. 2 naapertorlugu inissiap taamaaqataanik neqeroorfiggissavaa." innersuussutigalugu.

Qinnuigineqarputit neqeroorut manna atorumanerlugu 1. november 2002 naller-tinnagu nalunaarutigeqqullugu.

#### INEQARNERMUT AKILIUTIT ALLANNGORNISAAANNIK ILIMASAA-RUT

Ineqarnermut Attaveqatigiinnermullu Pisortaqarfiup matumuuna ilimasaarutigaa ...-imi inissiami ineqarnermut qaammammut akiliutit 1. januar 2003-mit sunniute-qalersumik siumuugallartorlu 4.943 kr.-iulissasut.

Ilimasaarineq piginneqatigiilluni inissiat pillugit Inatsisartut peqqussutaat nr. 1, 31. oktober 1991-imeersaq, Inatsisartut peqqussutaatigut nr. 11-kkut, 6. november 1997-imeersukkut, Inatsisartut peqqussutaatigut nr. 17-ikkut, 12. november 2001-imeersukkut aamma Inatsisartut peqqussutaatigut nr. 4-kkut 21. maj 2002-meersuk-kut allanngortinneqarsimasooq tunngavigalugu pivoq, tassanilu § 4, imm. 4-mit erser-poq: "Attartortut inissiaqarfiup attartortittakkap piginneqatigiillutik inissiaatillit peqatigiiffianut tunniunneqareerneratigut, tak. imm. 2, attartortuinnartut ineqarner-mut akiliutissanik Namminersornerullutik Oqartussat kommunillu inissiaataanni at-tartortittakkani ineqarnermut akiliutit naatsorsorneqartarnerat pillugu maleruagassat sukkulluunniit atuuttut malillugit akileeqquneqartassapput."

Inissiaq 97 m<sub>2</sub>-iuvoq, ineqarnermullu akiliutit imatut naatsorsorneqarsimapput:

	Katill.	Qaammammut
Sanaartornermut aningaasaliissutaasunit		
1.322.652 kr.-iusunit iluanaarutit 1,5%-iusut	= 19.840 kr.	1.653 kr.
Ingerl. aamma aserfallats. 219,46 kr./m <sub>2</sub>	= 21.287 kr.	1.774 kr.
I/A-mik pilersaarussiaq tunngavigalugu		
illuartitat 187,60 kr./m <sub>2</sub>	= 18.197 kr.	1.516 kr.
Ukiumut katillugit	= 59.324 kr.	4.943 kr.
* Ukiumoortumik missingersuutit	kr./m <sub>2</sub> :	Katillugit kr.
Aqutsineq	64,00	7.360,00
Vicevært/illumik nakkutilliisoq	16,05	1.845,75
Aputaajaaneq	19,30	2.219,50
Eqqagassanik eqqaaneq	18,17	2.089,55
Imeq ataatsimullu innaallagiasaq	47,34	5.444,10
Sillimmasiineq	15,50	1.782,50
Ataatsimut aserfallatsaaliineq	39,10	4.496,50

Attartornermi atugassarititaasut allat allannguuteqanngillat." (Atorfeqarfimmi nutsigaavoq)

Taanna malillugu ineqarnermut siunissami qaammammut akiliutaasussat naatsorsorneqarput, taakkunanilu aningaasat aningaasaliissutinit ilua-naarutinit, ingerlatsinermit aserfallatsaaliinermullu aningaasartuutinit im-mikkoortitat kiisalu ukiumoortumik missingersuutini aningaasartuutit ilaapput.

A/S Inissiaatileqatigiiffik INI-p ...-mi ...-mi, ...-mi kiisalu ...-mi attartor-tunut tamanut allagai 30. september 2002-meersut:

"Ineqarnermut akiliutip 1. januar 2003-miit allanngortinnissaanut nalunaarum-mik atorunnaarsitsineq.



Ajuusaarutigalugu matumuuna nalunaarutigissavarput ineqarnermut akiliutip nalimmassarneqarnissaanut tunngasumik nalunaarut, allakkani nr. ..., ullulernerqarsimasuni 25. september 2002, j.nr. .../inissiap normua, nalunaarutigineqartoq kuk-kuneqarmat. Taamaattumik allagaq taanna atorunnaarsinneqarpoq, akiliutillu nalim-massarneqarnissaanut tunngasumik nalunaarummik nutaamik nassiussiumaarpu-gut.”

A-p Ineqarnermut Attaveqatigiinnermullu Pisorta qarfimmu allagai 30. oktober 2002-meersut:

”Pineqartoq: Journal nr. ...

Nuunnissamik neqeroorut pillugu.

Neqeroorut takorloorsinnaanngilara. Nuunneq tigussaasutigut nuunnerinnaanngi-laq. Inigisara iluarsaateqqissaagaavoq, piffissarlu sivisoorujussuaq tamatumunnga atorneqarsimavoq.

Tassani aamma ilaapput atortorissaarutinit naleqqussagaasunut taakkulu ikkus-sorneqarnerinit aningaasartuutit tamarmik. Igalaat saagui pequtillu tamarmik inis-siap uuttuutaanut naleqqussarlugit pisarineqarsimapput.

Nuunnermi avatangiisinnut nutaanut naleqqussassaguma paasineq ajornaasartu-nik aningaasartuuteqartussaavunga.

Nuunnissamik neqeroorummut siusinnerusukkut naaggaartariaqarsimagama maani najugaqaannarnissannut ajornartorsiutissaqarnerisq allakkatigut qulaajaqqul-lugu kissaatigaara.

Aamma INI-p ataatsimut malittarisassai malinneqartarnersut qulaajarneqaaquara.

Ineqarnermut akiliutit qaffanneqarnissaat pillugu.

INI-mi ...-p allagai 30. september 2002-mi tiguakka, ineqarnermullu akiliutit al-lanngortinneqarnissaat taassuma atorunnaarsippaa.

Ineqarnermut tapiiffigineqartarnera eqqarsaatigalugu ukiup tullianut missinger-suutit pillugit pilertortumik ilisimatinneqarnissara pisariaqartippara.” (Atofeqar-fimmi nutsigaavoq)

Ineqarnermut Attaveqatigiinnermullu Pisorta qarfik A-mut 11. november 2002-mi imatut allappoq:

”Pineqartoq: Attartugaq ...

Inissiamik allamik neqeroorut, ineqarnermut akiliutit qaffannissaannik ilimasaa-rineq kiisalu attartukkanni matumik silarlarmik ajornartorsiuteqarneq pillugit allak-katit 30. oktober 2002-meersut Ineqarnermut Attaveqatigiinnermullu Pisorta qarfiup 8. november 2002-mi tiguai.

Aallaqqaasiullugu erseqqissarneqasaaq inissiaq attartukkat Ineqarnermut Attave-qatigiinnermullu Pisorta qarfimmu toqqaannartumik aqunneqarmat ineqarnermut akiliutit naatsorsorneqarnerat pillugu allakkat A/S Inissiaatileqatigiffik INI-mit ti-gusimasatit naatsorsuutigissanngilatit. Pisorta qarfiup ineqarnermut akiliutit qaffan-neqarnissaannik ilimasaarutaa 21. september 2002-meersoq taamaalilluni sulit atuut-tuuvoq. Pisorta qarfiup ilimasaarutaa tunngavigalugu ineqarnermut tapiissutinik kommunimut qinnuteqaateqarsinnaavutit.

Inissiamik allamik Pisorta qarfimmu neqeroorfigineqarninnut tunuliaqutaasooq tassaavoq Inatsisartut peqqussuttaat nr. 2, 21. maj 2002-meersoq. Taamaattorli er-seqqissarneqasaaq attartortutut attartukkami tassani najugaqaannarnissannut pisin-naatitaasutit. Namminersornerullutik Oqartussat inissiaataanni ataatsimoortuni inis-siamik attartortittakkamik massakkut attartukkannut naapertuuttumik allamik neqe-



rooffigineqaannartussaavutit, tassami Namminersornerullutik Oqartussat inissiaataanni attartortittakkani piginneqatigiilluni inissiaatileqatigiiffiup pigisaani najugaarneq allannguuteqartitsinernik nassataqarsinnaammat.

Taamaalilluni pisortaqarfiup oqaatigisinnaavaa piginneqatigiiffiup tamanna pilugu pilersaarussiaa aserfallatsaaliinermik ingerlatannillu annertussuseqartitsinerup malittussagaa.

...” (Atorfeqarfimmi nutsigaavoq)

Ineqarnermut Attaveqatigiinnermullu Pisortaqarfimmut 1. oktober 2003-mi imatut allappunga:

”Ineqarnermut Attaveqarnermullu Pisortaqarfiup suliami mappimik Ombudsmandimut nassiuissimasaanik misissuinissannut periarfissaqarsimavunga.

Suliaq pineqartoq misissuiffigineqassanersoq isummerfigitinnagu pisortaqarfiup ilassutaasunik apeqquteqarfiginissaa pisariaqarpoq.

Suliami mappimi Ineqarnermut Attaveqarnermullu Pisortaqarfiup 18. december 2002-mi A-mut ...-mik attartorneq pillugu allagai ilaapput. Allakkani pineqarpoq ineqarnermut akiliutip qaffaaffigineqarnissaanik pisortaqarfiup siumut kalerriussinera ineqarnermullu akiliutip naatsorsorneqarnerani pineqartut, aammalu illumut piginneqatigiilluni inissiaatileqatigiiffimmut tunniunneqarsimasumut tunngatillugu attartortup qanoq inissisimanera.

Allakkami ilaatigut imatut allassimasoqarpoq: ”Inigisat attartukkat Ineqarnermut Attaveqarnermullu Pisortaqarfimmit toqqaannartumik ingerlanneqartuummat, A/S Inissiaatileqatigiiffik INI-p 30. september 2002-mi allagai puiguinnassavatit, INI ineqarnermut akiliutit qaffannissaannik siusinnerusukkut ilinnut siumut ilisimatitsissuteqarnikuunngimmat. Pisortaqarfiup ineqarnermut akiliutit qaffannissaannik siumut ilisimatitsissutaa 21. september 2002-meersoq taamaasilluni suli atuuppoq, tamannalu ilinnut 11. november 2002-mi aamma nalunaarutigineqarluni.” (Atorfeqarfimmi nutsigaavoq).

Suliami allagaatit nassiuunneqartut misissornerini paasivara illumut pineqartumut tunngatillugu periutsimik ilusiliineq atorneqartumi pisortaqarfik piginneqataassuteqartuuvooq inissianut, najugaqartunit piginneqataaffigiumaneqanngitsunut attartortulli inissiami najugaqarfiginniinnarfiusunut.

Tamanna pilersinneqarpoq attartortut maannamut pisinnaatitaaffimminnik anaasaqannginnissaat qulakkeerniarlugu.

Taamatullu aamma paasivara ineqarnermut akiliutip akilerneqartarneranut tunngatillugu illuutileqatigiiffimmut pineqartumut toqqaannartumik akilerneqartussasoq. Taamaasilluni A/S Inissiaatileqatigiiffik INI attartornerup pineqartup ingerlanneqarneranut attuumassuteqanngilaq.

Ineqarnermut Attaveqarnermullu Pisortaqarfik qinnuigaara, periutsimik ilusiliineq pillugu paasinninnera eqqortuunersoq nalunaarutigeqqullugu aammalu inissiaatileqatigiiffimmut pineqartumut toqqaannartumik akiliisussaasinnaaneq, pisortaqarfiup ineqarnermut akiliutit qaffanneqarnissaannik A-mut siullermik siumut ilisimatitsissuteqarsimanermik pisortaqarfiup aalajangiusimanninneranut peqquaanersoq, taamaasilluni qaffaaneq 1. januar 2003-miit atuutilertussanngorluni.

A-p naammagittaalliornermini oqaatigaa attartortut allat tamarmik ineqarnermut akiliummik A/S Inissiaatileqatigiiffik INI aqutugalugu akiliisartut ineqarnermut akiliutip qaffannissaannik siumut nalunaarutigineqartup 1. marts 2003-mut kinguarinneqarnissaannik, akuerineqarsimasut.

Pisortaqarfiullu 18. december 2002-mi allagaani aamma imatut allassimasoqarpoq: ”Illit inigisanni najugaqatigiiffik ineqarnermut akiliutit eqqarsaatigalugit naju-

gaqatigiiffinni ...-mi, ...-mi, ...-mi, ...-mi ...-milu ineqarfiit ataatsimooqatigai. Najugaqatigiiffimmi tassani aningaasartuutitut assigiinngitsunut missingiuusiani naatsorsuutigineqartarput, tamatumani aamma aningaasartuutit attartortut tamarmik iluaqutigineq ajugaat, taamaakkaluartorli ataatsimoorlutik akilertagaat. Tamanna ilaatigut peqquteqarpoq inissiat assigiinngitsumik ilusiligaallutillu inissisimaneri. Taamaammat attartortutut misigisarsinnaassavat ineqarnermut akiliutivit ilai, assersuutigalugu pisuinnarnut aqputini aputaajaanermut, imaluunniit ...-mi najugaqati-giiffinni majuartarfinnik asaanermut atorneqartut.

Pisortaqarfiup ilanngullugu oqaatigisinnaavaa aserfallatsaaliinermi qanorlu iliuuseqartarnerni illuutileqatigiiffiup tamakkununga pilersaarutai malinneqartartut.” (Atorfeqarfimmi nutsigaavoq.)

A-p naammagittaalliummini oqaatigisimavaa, nammineq attartornerminut atillugu assersuutigalugu viceværtimit sullinneqarsinnaaneq aputaajaaneqarnerlu atorsinnaajunnaarlugit, tamannalu uanga imatut paasivara najugaqarfimmi pineqartumi tamakkua atuussimagaluartut.

Taamaattumik pisortaqarfik qinnuigaara ilisimatitsissutigeqqullugu siumut ilisimatitsissutigneqartumik ineqarnermut akiliutinik qaffaanermi tamatumani pisutsinut pineqartunut tunngatillugu, illumut tassunga imaluunniit najugaqatigiiffinut pineqartunut ineqarnermut akiliutinik siusinnerusukkut qaffaasarnerni naatsorsuisimanertut naatsorsuineqarsimanersoq, imaluunniit sullissinerit ataasiakkaat, assersuutigalugu viceværtinit sullinneqarneq aputaajaanerillu, nutaamik naatsorsuinnermut tunngavigisanut ilaatinneqarsimanningersut.

Allatut oqaatigalugu qinnutigineqarpoq, illumi pineqartumi imaluunniit najugaqatigiiffinni pineqartuni inuit attartortuuginnarniarlutik kissaateqarsimasut sullissinerit, illuutileqatigiiffiup pilersinneqarnera sioqqullugu, illuutit nalinginnaasumik attartortittagaanerisa nalaani, atuussimasunut sulii periarfissaqartinneqarnerisut, paasisitsissutigeqqullugu.”

Ineqarnermut Attaveqatigiinnermullu Pisortaqarfiup akissutaa imaattoq 6. oktober 2003-mi tiguara:

”Ombudsmandip allagai 1. oktober 2003-meersut Ineqarnermut Attaveqatigiinnermullu Pisortaqarfiup tiguai, Ombudsmandillu apeqqutit amerlanerusut akineqarnerissaat allakkani taakkunani kissaatigaa.

Ombudsmandip allakkamini oqaatigaa: ”Taamatullu aamma paasivara ineqarnermut akiliutit akilerneqartarneranut tunngatillugu illuutileqatigiiffimmut pineqartumut toqqaannartumik akilerneqartussaasoq. Taamaasilluni A/S Inissiatileqatigiiffik INI attartornerup pineqartup ingerlanneqarneranut attuumassuteqanngilaq.”

Qulaani oqaatigineqartut eqqorluinnartuunngillat. Ineqarfiit immikkoortortaarfiaata attartukkap inissisimaffigisaata missingersuutai naatsorsuutaalu A/S Inissiatileqatigiiffik INI-p suliarisarpai. Taamatuttaaq A/S Inissiatileqatigiiffik INI tassaavoq attartukkamut teknikkimut tunngasutigut ikiunnermik isumagisaqartuusoq. Kiisalu A/S Inissiatileqatigiiffik INI tassaavoq illuutitut kiffartuussinermik ineqarfittut immikkoortortaqarfimmi attartukkap inissisimaffigisaani ingerlanneqartumik isumaginnittuusoq.

Inissiaq attartuqaq illuni uigulukuttuni quleriiliuvoq, namminerisaminik isaarialik. Attartuqaq taanna eqqaaveqarpoq, sapaatip akunnikkaartumik imaarneqartartumik. Aammattaaq attartukkami tassani attartortoq eqqagassanut ikuallanneqarsinnaasunut containerimik eqqaavimmik ataatsimoorussamik, immikkoortumi tassani inissinneqarsimasumik atuissaminut periarfissaqarpoq. A/S Inissiatileqatigiiffik INI-p illuutinik nakkutiginnittua illumi tassani ulluinnarni nakkutilliinermik kiisalu

nunaminertanik ataatsimoorussanik aqqusineeqqanillu aputaajaanermik isumaginittuuvoq. Attartortut ataasiakkaat namminneq isaarissamik aniinnganerini sanernej aputaajaanerlu isumagisaraat.

Attartukkami arlaatigut ajoquteqartoqarpat A/S Inissiatileqatigiiffik INI tassaavoq sanasunik/sulisartunik iniminniisartuusooq suliallu eqqortumik suliarineqarnerannik nakkutillisuusooq. Kisianni Ineqarnermut Attaveqatigiinnermullu Pisortaqarfik tassaavoq attartortumut pingaarnerusumik attaveqarnermik isumagisartuusooq.

Piginneqatigiilluni inissiat pillugit Inatsisartut peqqussuttaanni nr. 1-imi, 31. oktober 1991-imeersumi Inatsisartut peqqussutaatigut nr. 4-kkut, 21. maj 2002-meersukkut allannguuteqartinneqarsimasumi § 4, imm. 4. mit erserpoq: ”Attartortut inissiaqarfiup attartortittakkap piginneqatigiillutik inissiatillit peqatigiiffianut tunniunneqareerneratigut, tak. imm. 2, attartortuinnartut ineqarnermut akiliutissanik Namminersornerullutik Oqartussat kommunillu inissiaataanni attartortittakkani ineqarnermut akiliutit naatsorsorneqartarnerat pillugu maleruagassat sukkulluunniit atuuttut malillugit akileeqquneqartassapput.”

Aammattaaq aalajangersagaq taanna pillugu oqaaseqaatinit erserpoq: ”Inissiat attartortittakkat pioreersut piginneqatigiilluni inissiangortinneqarneranni piginneqatigiillutik inissiatillit peqatigiiffianni ilaasortanngornissaminnik kissaatigisaqanngitsunik attartortoqarpat Naalakkersuisut imaluunniit kommuni piginneqataasunut ilanngussinnaapput piginneqatigiillutillu inissiatillit peqatigiiffianni ilaasortanngorsinnaallutik. Taamaalilluni attartortoq Namminersornerullutik Oqartussani kommunimiluunniit attartortutut ingerlaannarsinnaavoq. Taamaalillunilu attartortup pisinnaatitaaffimminik piginniinnarnissaa qularnaarneqassaaq.

Piginneqatigiillutik inissiatillit peqatigiiffiata Naalakkersuisut kommuniluunniit ineqarnermut akiliutissanik piginneqatigiillutik inissiatillit peqatigiiffiata ataatsimeersuarnerani aalajangerneqarsimasumik akileeqqussavai. Attartortoq Namminersornerullutik Oqartussat kommunillu inissiaataanni attartortittakkani ineqarnermut akiliutit naatsorsorneqartarnerat pillugu maleruagassat atuuttut malillugit akileeqquneqartaannassaaq. Tamatuma kingunerisinnaavaa ineqarnermut akiliutissap Naalakkersuisunut kommunimulluunniit piginneqataasunut ilaasutut akileeqquneqartumit ineqarnermut akiliutissatut attartortumit Naalakkersuisut kommunilluunniit akileqqusasaanit allaanera. Taamaakkaluartoq pingaarpoq aalajangiusimassallugu attartortup maannamut pisinnaatitaaffimminik piginniinnarnissaa.”

Attartukkami ineqarnermut akiliutit 1. januar 2003 aallarnerfigalugu aqqiissuteqarfigineqarnissaat Ineqarnermut Attaveqatigiinnermullu Pisortaqarfiup 21. september 2002-mi ilimasaarutigaa. Taamaalilluni 2003-mi ineqarnermut akiliutit aqqiissuteqarfigineqarnissaannik ilimasaarummik A/S Inissiatileqatigiiffik INI-p aatsaat 1. marts 2003-mi atuutilersitsinissamik allanngortitsiniarnera A-mut attuumassuteqanngilaq.

Aammattaaq kiffartuussineq ajorseriaateqassanersoq, kiffartuussineq allanngortinneqassanersoq imaluunniit attartortut attartuinnarnissaminnik kissateqartut kiffartuussinernik piginneqatigiilluni inissiatileqatigiiffiup pilersinneqarnera sioqqullugu atuttunik atuinissaminnut periarfissaqarnerisut Ombudsmandip paaserusuppaa. Tamanna pillugu oqaatigineqarsinnaavoq illuutinut assigiinnut ineqarfiit immikkoortotaqarfinut taakkuusunut kiffartuussineq inissiani piginneqatigiilluni inissiatut allanngortinneqartuni attartortuuginnartunut attartortunullu inissianik nalinginnaasunik attartortunut assigiittussaammat.

Taamaattorli oqaatigineqarsinnaavoq kiffartuussineq ingerlanneqartoq allanngujitsuunngimmat, tassami ukiumit ukiumut allanngortinneqarsinnaammat. Taamatuttaaq oqaatigineqassaaq attartortut ineqarfittut immikkoortotaqarfiit ingerlanneqarnerannut sunniuteqartarmata. Assersuutigalugu eqqiaanermut aningaasartuutit

amerleriapiloorpata kiffartuussineq annikillisinneqassasoq immikkoortorta qarfirmi siulersuisut aalajangiisnaapput. Taamaattorli kiffartuussinerup pitsaassusia iluummik piginnittup tamanut assigiimmik atuuttussatut aalajangersarsimasaanit ajornerusunngortinneqarsinnaanngilaq.

Pisortaqarfik ineqarnermut akiliutit 1. januar 2004-mit aaqqiissuteqarfigneqarinnissaat pillugu A-mut 29. oktober 2003-mi allagaqarpoq. Allakkat taakku assilinerat kiisalu ingerlatsinermut missingersuutit eqikkaarneqarnerat ilanngullugit nassiuneqarput.” (Atorfeqarfimmi nutsigaavoq)

*Tamatuma kingornatigut imaattunik oqaaseqaateqarpunga:*

*"Namminersornerullutik Oqartussat piginneqatigiilluni inissiatileqatigiiffimmi piginneqataassutinik tigusinerat:*

*Suliami paasisutissanit erserpoq A sulisunut inissiamik, tassalu ...-miittumik, 11. juni 2001-imi tunineqartoq.*

*Inissiaq taanna piginneqatigiilluni inissiatileqatigiiffimmut ...-mut 1. januar 2002-mi tunniunneqarpoq.*

*Ineqarnermut Attaveqatigiinnermullu Pisortaqarfik neqeroorummik A-mut 21. september 2002-mi nassiussivoq. Ineqarnermut Attaveqatigiinnermullu Pisortaqarfiup A neqeroorfigaa, tak. inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 21. maj 2002-meersuni § 7 a, inissiap piginneqatigiilluni inissiatut inissiatulluunniit namminerisatut tigusissaanut periarfissaq atorusunngippagu inissiamik taassuma taamaaqataanik Namminersornerullutik Oqartussat ataatsimut inissiaataannit neqeroorfigineqarsinnaasoq.*

*A Ineqarnermut Attaveqatigiinnermullu Pisortaqarfimmut 30. oktober 2002-mi allappoq inissiamut allamut massakkut nuunnissani takorloorsinnaanngikkini.*

*Ineqarnermut Attaveqatigiinnermullu Pisortaqarfik A-mut 11. november 2002-mi allappoq attartortutut attartukkami tassani ineqaannarnissaminut pisinnaatitaasoq, pisortaqaarfilli inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 21. maj 2002-meersumi § 7 a tunngavigalugu pisussaaffeqartoq Namminersornerullutik Oqartussat inissiaataanni ataatsimoorussani inissiamik massakkut inigisaata taamaaqataanik neqeroorfigissallugu.*

*A tamatuma kingornatigut attartukkami ...-miittumi najugaqaannarpoq, atugassarititaasut 1. januar 2002-p kingornatigut allannguuteqartinnagit, taamaattorli Namminersornerullutik Oqartussat piginneqatigiilluni inissiatileqatigiiffimmi piginneqataassummik piginnittuutillugit, Namminersornerullutillu Oqartussani Ineqarnermut Attaveqatigiinnermullu Pisortaqarfik attartortunut pingaarnerusutigut attaveqarfignittartuutillugu.*

*Ineqarnermut Attaveqatigiinnermullu Pisortaqarfiup oqaatigaa attartugaq pillugu suliaasat ilarpaalui A/S Inissiatileqatigiiffik INI-p isumagisariyai, matumani ineqarfittut immikkoortorta qarfiup missingersuutaasa*

naatsorsuutaasalu suliarineqarnerat, ineqarfittut immikkoortortaqaarfimmut teknikkimut tunngasutigut ikiuunneq aamma ineqarfittut immikkoortortaqaarfimmut illuutitigut kiffartuussineq ilanngullugit eqqarsaatigalugit.

Ineqarnermut akiliutit aaqqiissuteqarfigineqarnissaannik ilimasaarineq:

Inissianik attartorneq pillugu Inatsisartut peqqussutaata allanngortineqarneranik Inatsisartut peqqussutaanni nr. 2-mi, 21. maj 2002-meersumi § 10 imaattunik oqaasertaqarpoq:

"§ 10. Namminersornerullutik Oqartussat kommunillu inissiaataanni attartortit-takkani najugaqatigiiffimmi inissianut ineqarnermut akiliutit tamarmiusut sukkulluunniit imatut aalajangersarneqarsimassapput najugaqatigiiffik periarfissillugu aningaasaliissutigisimasanit iluanaarutissatut inissiamik piginnittumut aningaasartuuteqarsinnaannngorlugu, takuuk imm. 4, kiisalu isertitaminit aningaasartuutit ingerlatsineranut attuumassuteqartut, taamatuttaaq akileeqataassutissatut aalajangerneqarsimasut unerartitsinerillu, akilersinnaannngorlugit.

Imm. 2. Ukiumi tullermi najugaqatigiiffinnut ataasiakkaanut ingerlatsineranut missingersuutit attartortitsisumit suliarineqarsimasut akuersissutigineqarsimasullu tunngavigalugit ineqarnermut akiliutit ukiumoortumik aalajangersarneqartassapput. Piumasaqaatit imm. 1-imi taaneqartut naammassinissaannut pisariaqartumik attartornermut akiliutit qaffanneqarsinnaapput qaammatit pingasut sioqqullugit attartortunut pineqartunut allakkatigut ilimasaarutigineratigut, ilimasaarutillu imarissavai qaffaanerup naatsorsorneqarneranik, qaffaanerup pissutaasumik aamma qaffaanerup annertussusianik qaammammut koruuninngorlugit taallugit paasisstissat.

Imm. 3. Najugaqatigiiffiup siulersuisui aalajangiisinnaapput najugaqatigiiffimmi naammaginarumik pitsanngorsaaneermik nutarterinermillu suliassat suliarineqasasut, peqatigiitillugu najugaqatigiiffiup siulersuisuisa pisariaqartinneqartumik ineqarnermut akiliutit qaffanneqarnissaat akuersinnaappagu. Najugaqatigiiffiup siulersuisuisa aalajangiinerat najugaqatigiiffiup ataatsimiinnerani akuersissutigineqassaaq.

Imm. 4. Illup sananeqarnermini akiata 1,5 %-ia inissiaatillip aningaasaliissutinit iluanaarutigisarpaa, tak. § 11.

Imm. 5. Aserfallatsaaliuinissanut pilersaarutaasunut teknikkullu ikkussukkat nutaanngorsarnissaannut naapertuutumik toqqortassat pillugit, attartornermut akiliutit naatsorsorneqarnera pillugu kiisalu attartornermut akiliutit iluarsinisaata ilimasaarutigineqarnissa pillugu Naalakkersuisut maleruagassiussapput."

Ineqarnermut Attaveqatigiinnermullu Pisortaqarfiup ilimasaaraluni A-mut allakkamini 21. september 2002-meersuni innersuussutigaa ineqarnermut akiliutit allanngortinneqarnissaannik ilimasaarineq piginneqatigiilluni inissiat pillugit Inatsisartut peqqussutaat nr. 1, 31. oktober 1991-meersoq Inatsisartut peqqussutaatigut nr. 11-kkut, 6. november 1997-meersukkut, Inatsisartut peqqussutaatigut nr. 17-ikkut, 12. november 2001-meersukkut aamma Inatsisartut peqqussutaatigut nr. 4-kkut, 21. maj

2002-meersukkut allanngortinneqarsimasoq tunngavigalugu pisimasoq, tassanilu § 4, imm. 4-mit erserpoq:

*"Attartortut inissiaqarfiup attartortittakkap piginneqatigiillutik inissiatillit peqatigiiffiannut tunniunneqareerneratigut, tak. imm. 2, attartortuinnartut ineqarnermut akiliutissanik Namminersornerullutik Oqartussat kommunillu inissiaataanni attartortittakkani ineqarnermut akiliutit naatsorsorneqartarnerat pillugu maleruagassat sukkulluunniit atuuttut malillugit akileeqquneqartassapput."*

*Ineqarnermut akiliutit qaffanneqarnissaannik piumasaqaatit inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 21. maj 2002-meersumi § 10, imm. 2 tunngavigalugu ineqartunut ataasiakkaanut allakkatigut ilimasaarutigineqartussaapput. Ilimasaarut qaffaanerup naatsorsorneqarnera, qaffaanermut pissutaasoq qaffaatillu qaammammut kroninngorlugit amerlassusii pillugit paasissutissanik imaqassaaq.*

*A-p attartugaani ineqarnermut akiliutit qaffassasut ilimasaarutitut allakkami oqaatigineqarsimannigilaq.*

*Ilimasaarutitut allakkat taakku taamaallaat siunissami ineqarnermut akiliutit 1. januar 2003-mit katillutik qassiunerannik takussutissiamik imaqarput. Ilimasaarutitut allakkat taakku tamatuma saniatigut aningaasartuutit ineqarfittut immikkoortortaqarfimmit pineqartumit ukiumoortumik missingersuutitigut akuerineqarsimasut tulleriarneqarnerinik imaqarpoq.*

*Ilimasaarutitut allakkat taamaalillutik ineqarnermut akiliutit qaffaataasa naatsorsorneqarnerat pillugu paasissutissanik imaqanngillat, matumani qaffaatit aningaasanngorlugit amerlassusiat ilanngullugu eqqarsaatigalugu.*

*Taamaattumik paasinninnera unaavoq Ineqarnermut Attaveqatigiinnermullu Pisortaqarfiup ineqarnermut akiliutit qaffanneqarnissaannik ilimasaarutitut A-mut allakkamini 21. september 2002-meersuni inissianik attartorneq pillugu Inatsisartut peqqussutaanik allanngortinneqarneranik Inatsisartut peqqussutaanni nr. 2-mi, 21. maj 2002-meersumi ineqarnermut akiliutit qaffanneqarnissaannik ilimasaarisarneq pillugu § 10, imm. 2-mi malittarisassat malissimannikkai, tassami pisortaqarfiup ilimasaarutitut allakkamini qaffariaatit naatsorsorneqarnerat, qaffaanermut pissutaasoq imaluunniit qaammammut qaffaatit kroninngorlugit paasissutissiissutigisimannimmagit.*

*Taamaattumik ineqarnermut akiliutit qaffanneqarnissaannik Ineqarnermut Attaveqatigiinnermullu Pisortaqarfiup ilimasaarutitut A-mut allakkamini 21. september 2002-meersuni inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 21. maj 2002-meersumi ineqarnermut akiliutit qaffanneqarnissaannik ilimasaarisarneq pillugu § 10, imm. 2-mi malittarisassat malissimannimmagit isorisariaqartutut isigaara.*



*Ineqarnermut Attaveqatigiinnermullu Pisortaqarfik qinnuigaara qulaa-  
ni taaneqartut pisortaqarfik qanoq iliuuseqarnissaanut pissutissaqalersin-  
neraat nalunaarfigeqqullunga.*

*Ineqarnermut akiliutit qaffanneqarnissaannik ilimasaarineq ingerlatsi-  
neq pillugu inatsiseqartitsineq tunngavigalugu aalajangiinera?*

*2003-mi ukiumoortumik nalunaarutinni immikkoortoq 5-imi, qupperneq  
376-imi tulliinilu, oqaatigaara ineqarnermut akiliutit qaffanneqarnissaan-  
nik ilimasaarutitut allakkat uanga paasinninnera malillugu tassaasut  
ingerlatsineq pillugu inatsiseqartitsineq tunngavigalugit aalajangiinerit.*

*Højsteret pisortani tjenestemanditut atorfeqartitaasup isumaqatigiis-  
suteqarnikkut soraarsinneqarnera pillugu suliami 16. november 2004-mi  
eqqartuussuteqarsimavoq (UfR 2005.40 H).*

*Eqqartuussut taanna assersuutigalugu attartukkani pisortat attartortit-  
sisuata attartortullu akornanni attartorneq pillugu isumaqatigiissute-  
qarfiusimasuni ineqarnermut akiliutinik qaffaanissamik ilimasaarutitut al-  
lakkat ingerlatsineq tunngavigalugu aalajangiinertut isigineqassanerannut  
sunniuteqartussaagunarpoq.*

*Ajornartorsiut taanna kingusinnerusukkut uterfiginiarpara, tassami  
ajornartorsiut taanna nammineerluni misissuineramik suliaalereersumi  
(j.nr. 136-03) eqqartorneqartussaammat.*

*Ineqarnermut akiliutit aaqqiissuteqarfigineqarnissaannik ilimasaarutit  
utertinneqarnera:*

*A-p Ineqarnermut Attaveqatigiinnermullu Pisortaqarfimmit ilimasaar-  
rutitut allakkat 21. september 2002-meersut tigoreersimatsiarlugit A/S  
Inissiaatileqatigiiffik INI-p allagai 30. september 2002-meersut tiguai.*

*A/S Inissiaatileqatigiiffik INI-p allagaanit erserpoq ineqarnermut aki-  
liutit 1. januar 2003-mit aaqqiissuteqarfigineqarnissaat Inissiaatileqati-  
giiffiup atorunnaarsikkaa. Ilimasaarutitut allakkat 25. september 2002-  
meersut A/S Inissiaatileqatigiiffik INI-p allakkani taakkunani innersuus-  
sutigai. Ilimasaarutitut allakkat taakku A-p Inissiaatileqatigiiffimmit ti-  
gusimanerai suliami paasissutissanit ersinngilaq.*

*A-p Ineqarnermut Attaveqatigiinnermullu Pisortaqarfimmut allakkami-  
ni nalunaarutigaa A/S Inissiaatileqatigiiffik INI-p atorunnaarsitsissutitut  
allagai tigusimagini.*

*Ineqarnermut Attaveqatigiinnermullu Pisortaqarfiup A allakkani 11. no-  
vember 2002-meersuni nalunaarfigaa A/S Inissiaatileqatigiiffik INI-p ato-  
runnaarsitsissutitut allagai naatsorsuutigissanngikkai.*

*Ineqarnermut Attaveqatigiinnermullu Pisortaqarfiup A-mit allakkat 30.  
oktober 2002-meersut tigusimatsiaannarlugit taanna nalunaarfigaa A/S*

*Inissiaatileqatigiiffik INI-p atorunnaarsitsissutitut allagai naatsorsuutigis-sannikkai.*

*Pisortaqarfiup A/S Inissiaatileqatigiiffik INI-mit atorunnaarsitsissutitut allakkat pillugit A-mut pilertortumik nalunaarfiginnissimanagera tunngavigalugu suliami tassanerpiaq iliuuseqarniarnanga aalajangerpunga.*

*Kisianni Ineqarnermut Attaveqatigiinnermullu Pisortaqarfimmut malugeqqullugu oqaatigaara ineqarnermut tunngasunik aqutsinermi suliaassat allanut tunniunneqarpata – suliaassat pisortaqarfiup iluanut attuumik pisortaqarfiulluunniit avataaniittumut tunniunneqarnerat apequtaatinnagu – suliaassamik isumaginnittussanngortinneqarsimasup iliuuserisai pisinnaatitaasutut oqartussaasup iliuuserisaatulli sunniuteqartarmata. Aammattaaq pisinnaatitaasutut oqartussaasup suliaassat naammassineqarlutik suliarineqarnerat suli akisussaaffigisussaavaa.*

*Ineqarnermut Attaveqatigiinnermullu Pisortaqarfiup tamatumunnga atatillugu manna eqqumaffigisavaa, tassalu suliaassat suut A/S Inissiaatileqatigiiffik INI-mut tunniunneqarsimanagerat Namminersornerullutik Oqartussat kommunillu inissiaataanni attartortut ilisimanngikkaat.*

*2003-mi ukiumoortumik nalunaarutinni immikkoortoq 5-imi qupperneq 406 tullilu, aamma innersuussutigaakka."*

Pisortaqarfik akisuteqarnissaanik allakkani 26. april 2005-imeersuni eqqaasippara.

Ineqarnermut Attaveqatigiinnermullu Pisortaqarfiup allakkani 11. maj 2005-imeersuni makku nalunaarutigai:

"Ineqarnermut Attaveqarnermullu Pisortaqarfiup Ombudsmandip 20. januar 2005-imi oqaaseqaataa kiisalu A-mit, ..., naammagittaalliuut pillugu Ombudsmandip eqqaasitsilluni allakkiaa 26. april 2005-imeersoq tigusimavaa.

Ombudsmandip Pisortaqarfik qinnuigaa nalunaarutigeqqullugu, Ombudsmandip 20. januar 2005-imi oqaaseqaataa Pisortaqarfimmi iliuuseqarnissamut sunik pissutissaqalersitsinersoq.

Pisortaqarfimmit Ombudsmandi isumaqatigineqanngilaq, Pisortaqarfiup nalunaaruteqarluni allakkiaa 21. september 2002-meersup Inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutaat nr. 2, 21. maj 2002-meersumi § 10, imm. 2-mi piumasaaqatiniq naammassinninngitsusoq, taamaattumik Ombudsmandip oqaaseqaataa tunngavissiiingilaq Pisortaqarfiup iliuuseqaqqinnissaanut.

A-p ineqarnermut akiliutaasa naatsorsorneqartarnerini suliaq annertunerusumut ataqatigiissillugu isigineqassaaq. Pisortaqarfimmit 23. december 2002-mi A-mut allakkiami suliami pissusiviusut nassuiaatigineqarsimapput. Pisortaqarfiup allakkiaata nuutinnera ilanngunneqarpoq. [Taakku matumani issuanngiinnarpakka.]

Allakkiakkut takuneqarsinnaavoq 2001-imut ineqarnermut akiliut 4.459 kroniusoq, ineqarnermullu akiliut 2002-mut 4.000 kroninut appartinneqarsimalluni, taamanikkummi piginneqatigiilluni inissialiorneq pillugu peqqussummi inatsisitigut toqqammavissaqarsimanngimmat attartortunut, pisortat inissiaataasa attartortittakkat piginneqatigiilluni inissianut allanngortinneqarnerisa kingunerisaanik attartortuinnartunut, ineqarnermut akiliummik akiliuteqaqqusissalluni, Namminersornerullutik Oqartussat kommunillu inissiaataanni attartortittakkani ineqarnermut aki-



liutit naatsorsorneqartarnerini malittarisassat qaqugukkulluunniit atortut naapertorlugit. 2003-mut ineqarnermi akiliut 4.943 kroniuvoq. 2003-mi akiliut naatsorsoqqineqarpoq Namminersornerullutik Oqartussat kommunillu inissiaataanni attartortitakkani ineqarnermut akiliutit naatsorsorneqartarnerini malittarisassat atuuttuusut naapertorlugit, tassa imaappoq 2001-imut ineqarnermut akiliutip naatsorsorneqarnerani malittarisassat taakku naapertoqqissaarlugit.

Taamaalilluni A 2002-mi ineqarnermut akiliutikkut akikillisaavigineqarpoq, piginneqatigiilluni inissialiorneq pillugu peqqussummi siunertarineqanngitsumik pissusissamisoortoqannginnerata nassatarisaanik, taannalu iluarsivigineqarpoq piginneqatigiilluni inissialiorneq pillugu peqqussutip Inatsisartut peqqussutaatigut nr. 4, 21. maj 2002-meersup akuersissutigineqarneratigut, § 4, imm. 4 imatut oqaasertaqarpoq:

"Imm. 4. Attartortut inissiaqarfiup attartortitakkap piginneqatigiillutik inissiaatillit peqatigiiffianut tunniunneqareerneratigut, tak. imm. 2, attartortuunnartut ineqarnermut akiliutissanik Namminersornerullutik Oqartussat kommunillu inissiaataanni attartortitakkani ineqarnermut akiliutit naatsorsorneqartarnerat pillugu malearuagassat sukkulluunniit atuuttut malillugit akileeqquneqartassapput."

Taamaattumik suliame piissutsit piissusiviusut tunngavigalugit Pisortaqarfik suliame iliuuseqaqqinniingilaq."

Pisortaqarfik allakkatigut 20. maj 2005-imeersutigut imatut nalunaarfigaara:

"Oqaaseqaatinni 20. januar 2005-imeersumi inassuteqaatinnut pisortaqarfiup akissutaa 11. maj 2005-imeersoq 12. maj 2005-imi (kalaallisoortaa 13. maj 2005-imi) tiguaru.

Pisortaqarfimmi fuldmægtigip ...-p ilisimatitsissutigaa ineqarnermut akiliutip qaffanneqarnissaata ilimasaarutigineqarnerani Inissianik attartorneq pillugu Inatsisartut peqqussutaata allangortinneranik Inatsisartut peqqussutaanni nr. 2-mi, 21. maj 2002-meersumi § 10-mi, imm. 2-mi tunngavilersuinissamik piimasaqaatinik naammassinnissimanginnermik paasinninnera pisortaqarfiup isumaqatiginngikkaa.

Naalakkersuisut taakkulu ataaniittut oqartussat suliassat oqartussanit sorlernit suliarineqassanersut aallaavittut namminneerlutik aalajangingassaraat.

Pisortaqarfiulli iluani pisinnaatitsineq taanna ingerlatsinermi inatsiseqartitsinermut tunngasunit nalinginnaasunit killeqartinneqarpoq. Assersuutigalugu suliassamut pineqartumut pingaarutilimmut pisortaqarfiup iluani pisinnaatitsineq killeqarpoq, tassunga ilanngullugu sullivimmi naalakkersuinikkut isummersarnermut naleq-qiullugu.

Suliamut aalajangersimasumut paasinninnera oqartussanit isumaqatigineqanngippat taava oqartussaasup naatsorsuutigissavaa suliame namminersortoq illua'tu-ngiusoq eqqartuussivinni imminut aningaasartuutaanngitsumik suliarisitsisinnaanera kaammattuutigissagakku aamma/imaluunniit oqartussat annertuumik paasinerluisimasutut isumaqarfigigukkit piissutsit Inatsisartunut ilisimatitsissutigissagikka, ta-kuuk Ombudsmandi pillugu inatsimmi § 10.

Taamaattumik isumaqarpunga pisortaqarfiup paasinninneranut akissut naamman-nersoq pisortamit ilisimatinneqartinnanga pisortaqarfiup akissutaa qanoq iliuuse- qarfiginiarnagu.

Pisortap nangilluni eqqarsaatersuutaanut oqaatigaara fuldmægtig ...-p allakka- tigut 11. maj 2005-imeersutigut oqaaseqaataasa suliag pillugu paasinninnerma allan-

ngortinnissaanut tunngavissaqalersinngimmannga, tassami fuldmægtigi paasissutis-sanik nutaanik saqqummiussaqaangimmat, 2002-milu ineqarnermut akiliummik qaffaaqqusimasariaqaraluarnermik pissutsit pillugit pisortaqarfiup naliliinera inissianik attartorneq pillugu peqqussut malillugu ineqarnermut akiliummik qaffaanisamik ilimasaarinissamut tunngavilersuutitut piumasaqaatinik eqquutsitsisussaati-taanermit attuumassuteqarani.

Pisortap suliami naliliinissaa matuma kingorna utaqqimaassavara."

Pisortaqarfiup allagai 1. juni 2005-imeersut, pisortaqarfiup pisortaata at-sioqataaffigisimasai imaattut, 2. juni 2005-imi tiguakka:

"A-p naammagittaalliuutaa pillugu Ombudsmandip allagai 20. maj 2005-imeersut Ineqarnermut Attaveqatigiinnermullu Pisortaqarfiup tiguai.

Pisortaqarfiup aallaqqaasiullugu oqaatigissavaa A illorsuarmi piginneqatigiilluni inissiaatileqatigiiffimmut inissiatut allannortinneqartumi attartortuuginnarmat. Allannortitsinerup nalaani inissiani attartortittakkani sinneruttuni taamaattuni ineqarnermut akiliutit qanoq naatsorsorneqartarnissaat pillugu malittarisassaqaarsimangilaq.

Illorsuaq A-p attartugaata inissisimaffigisaa piginneqatigiilluni inissiaatileqatigiiffinngorlugu 1. januar 2002-mi allannortinneqarpoq. Piginneqatigiilluni inissiaatileqatigiiffinngorlaami Ineqarnermut akiliutit/inissiamut akileeqataassutit allannortitsinerup kingunerisaanik qaammammut 4.000 kr.-nut apparput. Tamatumunga atatillugu oqaatigineqarsinnaavoq A-p ineqarnermut akiliutai ilanngaatitaqanngitsut allannortitsinerup siornatigut qaammammut 4.459 kr.-iusimammata, ineqarnermullu akiliutit ilanngaatitaqanngitsut allannortitsinermi qaammammut 4.000 kr.-nut appararlutik.

1. januar 2002 aallarnerfigalugu allannortitsinermi atuutilersumik A eqqarsaatigalugu attartortitsisup suliasai pisortaqarfiup tiguai, tamannalu allakkatigut 24. januar 2002-meersutigut aamma nalunaarutigineqarpoq. Pisortaqarfiup naliliinera unaaavoq ineqarnermut akiliutit attartortitsisup aalajangersimasumik piffissaliilluni ilimasaarutiginnikkaluarai appartinneqarsinnaasut, tak. inissianik attartorneq pillugu Inatsisartut peqqussutaanni nr. 5-imi, 31. maj 2001-imeersumi § 13, imm. 5 aamma § 12, imm. 1.

Piginneqatigiilluni inissiat pillugit Inatsisartut peqqussutaata allannortinneqarneranik Inatsisartut peqqussutaata nr. 5-p, 21. maj 2002-meersup akuerineqarnerani § 4, imm. 4 imaassasoq aalajangerneqarpoq: "Imm. 4. Attartortut inissiaqarfiup attartortittakkap piginneqatigiillutik inissiaatillit peqatigiiffianut tunniunneqareerneratigut, tak. imm. 2, attartortuinnartut ineqarnermut akiliutissanik Namminersornerullutik Oqartussat kommunillu inissiaataanni attartortittakkani ineqarnermut akiliutit naatsorsorneqartarnerat pillugu maleruagassat sukkulluunniit atuuttut malillugit akileeqquneqartassapput."

Inissianik attartorneq pillugu Inatsisartut peqqussutaata allannortinneqarneranik Inatsisartut peqqussutaanni nr. 2-mi, 21. maj 2002-meersumi § 10, imm. 2-kkut aalajangersarneqarpoq: "Ukiumi tullermi najugaqatigiiffinnut ataasiakkaanut ingerlatsinermit missingersuutit attartortitsisumit suliarineqarsimasut akuersissutigineqarsimasullu tunngavigalugit ineqarnermut akiliutit ukiumoortumik aalajangersarneqartassapput. Piumasaqaatit imm. 1-imi taaneqartut naammassinissaannut pisariaqartumik attartornermut akiliutit qaffanneqarsinnaapput qaammatit pingasut sioqqullugit attartortunut pineqartunut allakkatigut ilimasaarutigineratigut, ilimasaarutillu imarissavai qaffaanerup naatsorsorneqarneranik, qaffaanermit pissutaa-

sumik aamma qaffaanerup annertussusianik qaammammut koruuninngorlugit taalugit paasissutissat."

Ineqarnermut akiliutinik 21. september 2002-mi 1. januar 2003-mit atuutiler-sumik aaqqiissuteqarneq A-mut ilimasaarutigineqarsimavoq. Ineqarnermut akiliutit naatsorsorneqarput inissiaq A-p attartugaa Immikkoortumut ...-mut, inissiap siusinerusukkat attavigisimasaanut ilaasutut isigalugu. Qaammammut ukiumullu ineqarnermut akiliutit naatsorsorneqarnerat pillugu makku oqaatigineqassapput:

	Katill.	Qaammammut
Sanaartornermut aningaasaliissutaasunit		
1.322.652 kr.-iusunit iluanaarutit 1,5%-iusut	19.840 kr.	1.653 kr.
Ingerl. aamma aserfallats. 219,46 kr./m <sup>2</sup>	21.287 kr.	1.774 kr.
I/A-mik pilersaarussiaq tunngavigalugu		
illuartitat 187,60 kr./m <sup>2</sup>	18.197 kr.	1.516 kr.
Ukiumut katillugit	59.324 kr.	4.943 kr.
* Ukiumoortumik missingersuutit	kr./m <sup>2</sup> :	Katillugit kr.
Aqutsineq	64,00	7.360,00
Vicevært/illumik nakkutilliisoq	16,05	1.845,75
Aputaajaaneq	19,30	2.219,50
Eqqagassanik eqqaaneq	18,17	2.089,55
Imeq ataatsimullu innaallagiaq	47,34	5.444,10
Sillimmasiineq	15,50	1.782,50
Ataatsimut aserfallatsaaliineq	39,10	4.496,50

Qaffaaneq pillugu oqaatigineqassaaq attartortut inissiat attartortittakkat pigineqatigiilluni inissiaatinngortillugit tunniunneqarnerisa kingornatigut attartortuuginnartut ineqarnermik akiliutinik Namminersornerullutik Oqartussat kommunillu inissiaataanni attartortittakkani ineqarnermut akiliutinik naatsorsuisarnermi malit-tarisassat sukkulluunniit atuuttut malillugit naatsorsorneqartunik akiliisinneqartar-tussaasut.

Taamaattumik pisorta qarfik isumaqarpoq 1) qaffaatit naatsorsorneqarnerat, 2) qaffaanermit pissutaasoq aamma 3) qaammammut qaffaatit kroninngorlugit amer-lassusii pillugit piumasaqaataasut 21. september 2002-mi ilimasaarutikkut eqqortin-neqarsimasut. Pisorta qarfiup tamanna tunngavigalugu Ombudsmandi isumaqatigin-gilaa oqarmat ilimasaaraluni allakkat 21. september 2002-meersut inissianik attar-torneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 21. maj 2002-meersumi § 10, imm. 2-kkut piumasaqaatigi-neqartunik eqqortitsisuunngitsut.

Ombudsmandip oqaaseqaataa qulaani taaneqartut pissutigalugit pisorta qarfiup qanoq iliuseqarmissaanut pissutissaqalersitsinngilaq." (Atorfeqarfimmi nutsigaa-voq.)

Pisorta qarfik allakkatigut 15. juni 2005-imeersutigut imatut nalunaarfif-gaara:

"A-p naammagittaalliuutaa pillugu Ineqarnermut Attaveqatigiinnermullu Pisor-taqarfiup allagai 2. juni 2005-imi tiguakka.

Siullertut oqaatigaara ineqarnermut akiliutit qaffaataat inissianik attartorneq pil-lugu Inatsisartut peqqussutaata allanngortinneqarneranik Inatsisartut peqqussutaan-ni nr. 2-mi, 21. maj 2002-meersumi § 10, imm. 2-kkut ersertut tunngavilersuiner-mut

piumasaqaatit Ineqarnermut Attaveqatigiinnermullu Pisortaqarfiup A-mut ilimasaarutitut allagaasa eqqortinneraat suliami pineqarmat.

Taamaattumik uanga paasinninnera malillugu A-p attartugaanut ineqarnermut akiliutit inissiap taassuma sinneruttutut inissianngortinneqarnerani appariallutik tamatum kingornatigut inissiani taakkunanani ineqarnermut akiliutinik naatsorsui-sarneq pillugu malittarisassat akuerineqarmata qaffaqqinnerat suliamut pingaaruteqanngilaq.

Inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 21. maj 2002-meersumi § 10, imm. 2-mi oqaaseqaatigiit aappat imaapput:

”Piumasaqaatit imm. 1-imi taaneqartut naammassinissaannut pisariaqartumik attartornermut akiliutit qaffanneqarsinnaapput qaammatit pingasut sioqqullugit attartortumut pineqartumut allakkatigut ilimasaarutigineratigut, ilimasaarutillu imaris-savai qaffaernerup naatsorsorneqarneranik, qaffaernerup pissutaasumik aamma qaffaernerup annertussusianik qaammammut koruuninngorlugit taallugit paasissutisat.”

Ilimasaarinermi allakkat imarisaat pillugit piumasaqaatit peqqussummi § 10, imm. 2-mi oqaaseqaatigiit aappaannit ersertut pisortaqarfiup ilimasaarutitut allagaannut 21. september 2002-meersunut sanilliunneqarpata aalajangiusimasariaqarpara peqqussummi piumasaqaataasut ilimasaarutitut allakkani eqqortinneqanngitsut, tassami qaffaatit naatsorsorneqarnerat imaluunniit qaammammut qaffaatit annertussusiat ilimasaarutitut allakkani taaneqarsimangimmat.

Taamaattorli suliami annertunerusumik iliuuseqaaqqissanngilanga, ilimasaarutit allakkat 21. september 2002-meersut suliami aalajangiinertut sinneruttutut inissiani ikittuinnarni attartortunut eqquisuusutut iluseqarnerat isiginiarlugu, taamaattumillu ilimasaarutitut allakkani amigartumik tunngavilersuisimanerup annertuumik imaluunniit tunngaviusumik sunniuteqannginnissaa aamma isiginiarlugu.

Utertitsilluni akileeqqusinernut isummerfiginninneq malittarisassat periaatsillu uanga sulinninnut atuuttut avataanniimmat A piumasaqaammik taamaattumik atuut-sitsiniassappat eqqartuussivinnut innersuuttariaqassavara.”

### 39. Allat.

#### 1. **Oqartussaasup qulliunerusup naammagittaalliorfigineqartup misissuisussaataitanera.**

*Erngup aqquataanut illersuusiussap peerneqarneranut atatillugu A-p annaasaqarneranut taarsiissuteqartoqannginissaanik Nukissiorfiit aalajangiinerata Inuussutissarsiornermut, Nunalerinermut Suliffeqarnermullu Pisortaqarfimmit atortussanngortinneqarnera A-p naammagittaalliuutigaa.*

*Ombudsmandi isumaqarpoq pisortaqarfiup oqartussatut qulliunerusutut naammagittaalliorfigineqartutut A-p nammineq paasissutissaatai paasissutissallu A-p naammagittaalliuutaa sioq-qullugu Nukissiorfiit nassiussimasaat kisiisa tunngavigalugit aalajangiisimanera ajuusaarnartuusoq. Suliaq pisortaqarfiup suliareqqissagaa Ombudsmandip inassuteqaatigaa. (J.nr. 11.03.-39.05/042-05)*

Suliami pisimasut imaapput:

A Nukissiorfinnut 1. oktober 2004-mi imatut allappoq:

"Erngup aqquataata illersuuserneqarneranut aningaasartuutit utertillugit akilerneqarnissaannik qinnutigisaaq.

Illunnut ...mut taamani iserterama erngup aqquaatinnut arlaatigut illersuusiissasunga peqquneqarpunga, taamaaliunngikkuma illu iserterfigisinnaannginnakku. Nukissiorfiit taamatut peqqusissuteqartuupput.

Saviminernut amitsukujuunut arfinilinnut aningaasartuutit katillugit 5.500 kr.-iupput. Aasaq manna igaffimmi igalaat silatinnguatigut aqqusinniortoqarpoq, savimernillu amitsukujuut pingasut tamatumunnga atatillugu peerneqarsimallutik. Taakku massakut sumiinersulluunniit naluara. Savimernit amitsukujuut taakku peerneqarnerannut atatillugu siullermik kommunimut naammagittaalliorpunga, tamatumalu kingornatigut naammagittaalliuut Namminersornerullutik Oqartussanut ingerlateqqillugu, paasitinneqarlungalugu naammagittaalliuut Nukissiorfinnut nasiiunneqassasoq.

Taamaattumik aningaasartuutit qulaani taaneqartut affaasa 2.750 kr.-t utertillugit akilerneqarnissaat qinnutigissavara. A/S Inissiaatileqatigiiffik INI-p allagaasa taamani aningaasartuutit qanoq amerlatiginerannik uppersaasuusut assilinerat ilanngullugu nassiuppara." (Atorfeqarfimmi nutsigaavoq)

Taarsiivigineqarnissamik piumasaqaat Nukissiorfiit allakkatigut 2. november 2004-meersutigut imatut aalajangiivigaat:

"Nukissiorfiit naammagittaalliuut pillugu akissutaat

Erngup aqquataata nammineq pigisap pilersinneqarneranut aserfallatsaalineqarneranullu aningaasartuutit tamarmik piginnittumit akilerneqartussaapput, taamatut-taarlu erngup aqquataanut illersuusiunneqarsimasinnaasunut aningaasartuutit tamar-mik piginnittumit akilerneqartussaallutik, taakkulu Nukissiorfiit susassarinnigilaat.

Pisumi matumani Nukissiorfiit pissutsinik allannngortitsisuunngillat, K Kommu-nili allannngortitsisuulluni.

Taamaattumik aningaasartuutit affaasa 2.750 kr.-t utertillugit akilerneqarnissaannik qinnutigisat tunngaviit qulaani taaneqartut pissutigalugit Nukissiorfiit akuersaarsinnaanngilaat.

Naammagittaalliutit Inuussutissarsiornermut, Nunalerinermut Suliffeqarnermullu Pisorta qarfik, Postboks 1601, 3900 Nuuk, aqutigalugu Naalakkersuisunut ingerlateqqinneqarsinnaavoq.

Nukissiorfinnut naammagittaalliutit

Erngup aqutaativit napasunik nalunaaqutserlugu illersuuserneqarneranut aningaasartuutigisimasavit affaasa, 2.750,00 kr.-t, utertillugit akilerneqarnissaannik qinnutigisat pillugit naammagittaalliutit 1. oktober 2004-meersoq Nukissiorfiit tiguaat.

Nukissiorfiit suliamik allaaserinninnerat

...-mut erngup aqutaata perlaarineqarnissamut ulorianartorujussuarmut inissinneqarsimavoq, pingaartumik aputaajaanermut atatillugu. Erngup aqutaata perlaarineqarnissaa pinngitsoorneqarsinnaanngorlugu nalunaaqutserneqarnissaa Nukissiorfiit kaammattuutigisimasinnaavaat, tassami apuinerup erngup aqutaanik anneruumik ajoqusineq kingunerisinnaammagu, illoqarfiup ilaata sinnera imeeruteq-qunagu matusariaqalersillugu.

Taamaalluni Nukissiorfiit kaammattuutaat erngup aqutaativit isumatuumik illersorneqarnissaannik kaammattuutaavoq, pisortat immikkoortumi tassani imermik pilersuinerata ajoquserneqarneratigut annertunerusumik aningaasartuuteqannginnissat isumatuumik anguniarlugu.

Nalunaaqutsersuinermit napasut nalunaaqutsersuutaasut arfinillit 2 meterinik takissusillit atornerqarput, taakkulu erngup aqutaata 2-3 meterit missaannik ungasissuseqartillugit atuarlugu cementerunneqarlutik.

K Kommuni illunnet ...-imut erngup aqutaata taanna qallerlugu massakut aqquusinnorsimavoq, tamatumalu kingunerisimallugu erngup aqutaata aqquusernup silissusia sinnilaarlugu isorartussusillimmik matoorunneqarnera, tamatumunngalu peqatigitillugu nalunaaqutsersuutit napparutit pingasut K Kommunip peersimavai, tassami nalunaaqutsersuutit napparutit marluk aqquusernup qeqqinnaaniilersussaa-galuarmata, ataaserlu atorfeeruttussammat. Erngup aqutaata siusinnerusukkat nalunaaqutsersuutit illersorneqarfigisimasaa taanna massakut nunamut matoorunneqarsimavoq, taamalu perlaarineqarsinnaanerminut isumannaannerujussuarmik illersugaalerluni." (Atorfeqarfimmi nutsigaavoq)

A tamatuma kingornatigut Inuussutissarsiornermut, Nunalerinermut Suliffeqarnermullu Pisorta qarfinnut allakkatigut 23. december 2004-meersutigut imatut naammagittaalliorpoq:

"Erngup aqutaata illersuuserneqarneranut aningaasartuutit utertillugit akilerneqarnissaannik qinnutigisat pillugu naammagittaalliutit.

Nukissiorfiit aamma Ineqarnermut Attaveqatigiinnermullu Pisorta qarfiup allagaasa assilineri ilanngullugit nassiunneqartut innersuussutigalugit Nukissiorfiit qulaani taaneqartoq pillugu aalajangiinerat naammagittaalliutiginiaara.

Pisorta qarfiit assigiinngitsut marluk naammagittaalliutiga pillugu taama assigiinngitsigisunik aalajangiisnaanerat eqqumiitsuusoq isumaqarpunga. Ineqarnermut Attaveqatigiinnermullu Pisorta qarfiup aalajangiinerani allassimavoq suliaq ataatigut atsiortunga Nukissiorfiillu akunnitsinni susassareqatigiiffigippat. Taamaattumik naammagittaalliutiga tamatuma kingornatigut Nukissiorfinnut ingerlateqqippara, aningaasartuutillu affaasa utertillugit akilerneqarnissaannik qinnutigisara taassuma itigartippaa, aningaasartuutit piginnittumit akilerneqartussaanerat

tunngavilersuutigalugu. Tamannami ilumooraluarpoq. Aamma isumaqarput suliaq taanna K Kommunip ataatigullu atsiortunga akunnitsinni susassareqatigiiffigigipput. Tamannali Ineqarnermut Attaveqatigiinnermullu Pisortaqarfiup aalajangiinernat naapertuutivinnigilaq.

Savimernit arfinillit eqqaaneqartut illunnik taamani tigusigama ikkuttariaqarsimasut arfinillit ilaasa pingasut kommunip aqqusinniorneranut atatillugu peerneqarnerannut nammineq pisuunngikkaanni utertitsilluni akileeqqussineq pissusissami-soortuusoq isumaqarpunga.

Oqartussaasut marluk taakku naammagittaalliummik nassitsivigisakka suliaq pillugu taama assigiinngitsigisunik aalajangiisimmata naammagittaalliuutit ilisinni eqqortumik suliarineqarnissaa matumuuna qinnutiginiarpara." (Atorfeqarfimmi nutsigaavoq)

Pisortaqarfik A-mut 4. januar 2005-imi imatut allappoq:

"Erngup aqutaata illersuuserneqarneranut aningaasartuutit utertillugit akilerneqarnissaannik qinnutigisat pillugu naammagittaalliuut

Naammagittaalliuutit 23. december 2004-meersup tiguneqarnera pisortaqarfiup matumuuna uppersarpaa. Naammagittaalliummit erserpoq ...-mut erngup aqutaata illersuuserneqarneranut aningaasartuutit utertillugit akilerneqarnissaannik qinnutigisat pillugu Nukissiorfiit aalajangiinernat naammagittaalliuutigigit. Nukissiorfiit aamma Ineqarnermut Attaveqatigiinnermullu Pisortaqarfiup aalajangiinernat naammagittaalliuutinnut ilanngullugit nassinneqarput. Allakkat taakku allaqqaarneri illit nammineq pigisassaraatit, taamaatumillu aalajangiinernit taakku Pisortaqarfiup assilisimavai, allaqqaarnerilu allakkanut ukununga ilanngullugit nassiullugit.

Naammagittaalliuutinni 23. december 2004-meersumi allapputit oqartussaasut taakku marluk naammagittaalliummik nassitsivigisatit suliaq pillugu assigiinngitsunik aalajangiisimasut. Kisianni Ineqarnermut Attaveqatigiinnermullu Pisortaqarfiup aalajangiinernat erserpoq naammagittaalliummi immikkoortoq 1 suliarineqassanngitsaq, tassami naammagittaalliuutigineqartoq nunaminertat pillugit peqqussummi pineqartunut ilaanngimmat.

Suliat ilinnut tunngasup suliarineqarneranut atatillugu Pisortaqarfiup inussiarnerisumik qinnuigissavaatit saviminernik amitsukujuunik arfinilinnik ikkussinermut atatillugu aningaasartuutit utertillugit akilerneqarnissaannik K Kommunip itigartitsineranut atatillugu allaffigeqatigiittarsimanermi allakkat allat aamma suliamut atatillugu Nukissiorfinnut allaffigeqatigiittarsimanermi allakkat allat assilineri nassiu-teqqullugit." (Atorfeqarfimmi nutsigaavoq)

A-p pisortaqarfik 26. januar 2005-imi imatut akivaa:

"Allakkat 06. januar 2005-imeersut ...-mik j. normoqartut innersuussutigalugit naammagittaalliummut atatillugu K Kommunip, Nukissiorfiit ataanilu atsiortunga allaffigeqatigiittarnitsinni allagaasimasut assilineri ilanngullugit nassiuppakka.

Oqartussaasut marluk suliaq pillugu assigiinngitsunik aalajangiisimanerannik oqarninni pisara unaavoq oqartussaasoq siulleq naammagittaalliorfigisara allammat suliaq uanga Nukissiorfillu akunnitsinni susassareqatigiiffigigipput, Nukissiorfiilli isumaqarlutik suliaq K Kommunip uangalu akunnitsinni susassareqatigiiffigigipput." (Atorfeqarfimmi nutsigaavoq)

Pisortaqarfik 6. april 2005-imi imatut aalajangiivoq:



"Erngup aqquata illersornissaanut aningaasartuutit utertinneqarnissaannik qinutigininnermut maalaarummut aalajangiineq pillugu

Maalaarutinnut 23. december 2004-meersumut suliaq pillugu matumuuna Inuusutissarsiornermut, Nunalerinnermut Suliffeqarnermullu Pisortaqarfik (kingornatigut Pisortaqarfik) uterfigeqqiissaaq.

Suliamut paasissutissani takuneqarsinnaavoq manna maalaarutigigit:

Imermut aqquutip illersornissaanut aningaasartuutit utertinneqannginnerinik maalaarutinnut Nukissiorfiit aalajangiinera.

Tamatumunnga atatillugu nalunaarutigineqassaaq, Pisortaqarfiup maalaarutit isumaqataaffigisinnaangimmagu.

Ataani suliap misissuiffigineqarnera Pisortaqarfiullu naliliinera takuneqarsinnaapput.

Ulloq 6. marts 2003 K Kommunimi Teknikkimut Avatangiisinullu Allattoqarfimmut allagaqarputit, suliamullu tassunga atatillugu apeqquutigalugu, amitsukujuunut sisaasunut arfinilinnut erngup aqquataanut illersuutitut ikkunneqarsimasunut taarsiiffigitissanerlutit, aqquserngup sananeqarneranut atatillugu taakkua peerneqassagalarpata.

Ulloq 10. oktober 2003 K Kommunimi Teknikkimut Avatangiisinullu Allattoqarfik akissuteqarpoq, taarsiissuteqartoqarnissaanut tunngavissaqanngitsoq, tassa allannortiterinnermi ajunaaruteqarnaviannginnavit. Ilanngullugu K Kommuni akissuteqarpoq, ledningi nunamut assanneqarsimammat illit akisussaaffigigit. Taarsiissuteqarnissamut qinnuiginninnerit K Kommunip itigartippaa.

Ulloq 24. november 2003 K Kommunimi Teknikkimut Avatangiisinullu Allattoqarfiup aalajangiinera K Kommunimi Kommunalbestyrelsimut ingerlateqqippat.

Ulloq 2. juni 2004 ingerlateqqiinnut kommunip aalajangiinera K Kommunimi Teknikkimut Avatangiisinullu Allattoqarfiup Ineqarnermut Attaveqarnermullu Pisortaqarfimmut ingerlateqqippaa.

Ulloq 13. august 2004 illuatungeriit tusarniaaffigineqarnissaat pillugu Ineqarnermut Attaveqarnermullu Pisortaqarfik ilinnut allagaqarpoq. Suliamut tassunga atatillugu Ineqarnermut Attaveqarnermullu Pisortaqarfik ilinnut nalunaaruteqarpoq, imermut aqquutip arfinilinnik amitsukujoortallip illersornissaanut uani maalaarutigineqartoq nunaminertat pillugit peqqussummi ilaatinneqanngitsoq, tassa uani pineqartoq tassaammat taarsiissuteqaqqusineq Nukissiorfinnut kisimi attuumassuteqartoq. Maalaarutigineqartoq kommunip aalajangiineranut maalaaruteqarnerut Ineqarnermut Attaveqarnermullu Pisortaqarfiup isiginngilaa, taamaattumillu maalaarutigineqartumi immikkoortoq taanna Ineqarnermut Attaveqarnermullu Pisortaqarfiup suliariniarnagu.

Ulloq 7. september 2004 suliami aalajangiineq Ineqarnermut Attaveqarnermullu Pisortaqarfiup ilinnut nassiuppaa. Ineqarnermut Attaveqarnermullu Pisortaqarfiup nalunaarutigaa, amitsukujuut arfinillit ikkunneqarneranut aningaasartuutit utertinneqarnissaannut maalaaruteqarneq kommunip aalajangiineranut maalaaruteqarnerut isigineqarsinnaanngitsoq, tassa uani maalaarutigineqartoq nunaminertat pillugit peqqussummi ilaatinneqanngimmat, taamaalillunilu maalaarutigineqartoq taamaallaat Nukissiorfinnut taarsiissuteqarnissamik piumasaqaataalluni. Tamanna tunngavigalugu maalaaruteqarnermi immikkoortoq taanna Ineqarnermut Attaveqarnermullu Pisortaqarfiup itigartippaa.

Ulloq 1. oktober 2004 imermut aqquutip illersornissaanut aningaasartuutit utertinneqarnissaat pillugu Nukissiorfimmu K-miittumut qinnuiginnipputit. Allakkami tassani erseqqissarpat, imermut aqquutip illersornissaannut amitsukujuut ikkuteqqulugit qangaanerusoq Nukissiorfiit qinnuigisimagaatit.

Ulloq 12. oktober 2004 allakkatit 1. oktober 2004-meersut K-mi Nukissiorfiit tigumallugit uppenarsarpat. K-mi Nukissiorfiit nalunaarutigaat, allakkatit Nukis-



siorfiit qitiusumik allaffeqarfianut nassiunneqarsimasut, taakkulu toqqaannartumik akiumaaraatsit.

UIIoq 2. november 2004 maalaarutit Nukissiorfiit akissuteqarfigaat, Pisortaqarfillu tamatuminnga allakkap assilineratigut ilisimatinneqarluni. Akissuteqarnermi Nukissiorfiit nalunaaruteqarpoq, imermut aqqudit nammineq pigisat pilersinneranut aserfallatsaaliernerannullu aningaasartuutit tamarmik piginnittumit aningaasartuutaasassasut, taamatutaaq imermut aqqudit illersornissaannut aningaasartuutaasinnaasut tamarmik piginnittumit aningaasartuutaasassallutik Nukissiorfinnullu attuumassuteqarnatik. Ilanngullugu nalunaarutigineqarpoq, pissutsinut Nukissiorfiit allannortitsinatik K Kommuni allannortitsisimasoq. Tamakku tunngavilersuutigalugit maalaaruteqarnerit Nukissiorfiit itigartippaat.

UIIoq 23. december 2004 imermut aqqudit illersornissaannut aningaasartuutit utertinneqarnissaat pillugu Nukissiorfiit itigartitsinerat pillugu Nukissiorfiit aalajangiinerat 2. november 2004-meersoq Pisortaqarfimmu maalaarutigaat. Tassani ilanngullugu malugeqquvat, imermut aqqudit illersornissaannut aningaasartuutit utertinneqarnissaannik maalaarutinni immikkoortumut Ineqarnermut Attaveqarnermullu Pisortaqarfik aalajangiisimannitsoq tassani tunngavilersuutigalugu, suliaq illit Nukissiorfiullu akornanniitsoq. Imermik aqqudit illersornissaannut aningaasartuutit utertinneqarnissaannik qinnuiginninnerit Nukissiorfiit itigartippaat erseqqissarlugulu suliaq illit K Kommunillu akornanniitsoq. Ineqarnermut Attaveqarnermullu Pisortaqarfiup aamma Nukissiorfiit maalaarutit assigiinngitsumik suliarisimammassuk, maalaarutit eqqortumik suliarineqarnissaa pillugu Pisortaqarfimmu qinnuiginnipputit.

UIIoq 4. januar 2005 Pisortaqarfiup uppersarpaa maalaarutit 23. december 2004-meersoq tigusimallugu. Pisortaqarfiup nalunaarutigaa, maalaarutinni takuneqarsinnaaasoq, ...-mut imermut aqqudit illersornissaannut aningaasartuutit utertinneqarnissaannik qinnuiginninnerit pillugu Nukissiorfiit aalajangiinerat maalaarutigigit. Pisortaqarfik ilanngullugu nalunaaruteqarpoq, maalaarutinni 23. december 2004-meersumi allattutit, qulliunerusut maalaarutip nassiunneqarfigisimasaasa maalaarutit assigiinngitsumik aalajangiiffigisimagaat. Pisortaqarfiup erseqqissarpaa, Ineqarnermut Attaveqarnermullu Pisortaqarfiup aalajangiinerani takuneqarsinnaammat, imermut aqqudit illersornissaannut aningaasartuutit utertinneqarnissaannik qinnuiginninneq pillugu maalaarutinni immikkoortoq suliarineqassanngimmat, uani maalaarutigineqartoq nunaminertat pillugit peqqussummi ilaatinneqanngimmat. Amitsukujuut sisammik sanaat arfinillit ikkunnerannut atatillugu aningaasartuutaasimasunut K Kommunip itigartitsisimaneranut atatillugu suliami allakkatigut attaveqartarsimanerup allap assilineranik nassiusseqqullutit Pisortaqarfiup qinnuigaatit kiisalu suliamut atatillugu Nukissiorfinnut allakkatigut allanik attaveqartarsimaneq pillugu nassiusseqqullutit.

UIIoq 26. januar 2005 suliamut allakkatigut attaveqartarsimanermit nassiusseqarputit. Maalaarutinnut Pisortaqarfiup naliliinera takuneqarsinnaavoq.

Maalaarummi immikkoortoq: Imermut aqqudit illersornissaannut aningaasartuutit utertinneqarnissaannik Nukissiorfimmu maalaarutinnut Nukissiorfiit aalajangiinerat.

Imermut aqqudit pingarnerinnaat pisortanit pigineqartut kisiisa Nukissiorfiit akissusaaffigaat. Erngup aqquataa ilinnit pigineqartoq nammineq pigisaavoq, taamaamallu Nukissiorfiit akissusaaffeqarfiisa avataaniilluni.

Amitsukujuut sisammik sanaat arfinillit ikkuteqqullugit Nukissiorfiit piumasarsimaneranik oqarnerit tapersissallugu suliami takussutissani uppersarnerqarsinnaanngilaq. Imermik aqqudit illersornissaat pillugu amitsukujuunik siasaasunik ikkusseqqullutit Nukissiorfiit kajumissaarsimassappatsit, imermut aqqudit ajoquser-

neqassagalarpata aningaasartuutaasinnaasunut annertuunut illersorniarlutit Nukissiorfiit taamak iliorsimassapput.

Taamaalilluni maalaarutinnut Pisortaqarfik isumaqataasinnaangilaq.

Pisortat allattoqarfiini suliat suliarineqartarnerat pillugu inatsisartut inatsisaanni nr. 8, 13. juni 1994-imeersumi § 7, imm. 2 naapertorlugu Pisortaqarfik pisisaaffeqarpoq saaffiginnissutigineqartoq oqartussaasunut eqqortunut nassitissallugu, saaffiginnissutigineqartoq Pisortaqarfiup suliassaanut attuumassuteqassanngippat.

Pisortaqarfik isumaqarpoq, K Kommuni oqartussaasuuvittoq, tassami K Kommuni tassaammat allannguutinut pineqartunut allannqortitsisimasoq imermik aquttip illit pigisappit illersornissaanut.

Maalaarutit Pisortaqarfiup K Kommunimut ingerlateqqinniingilaq, tassa maalaarut K Kommunimi suliarineqareersimammat. Akerlianik Pisortaqarfiup aalajangiinera pillugu K Kommuni Pisortaqarfiup suliap assilineranik ilisimatikkumaa.

Inatsisartut Ombudsmandiat pillugu Inatsisartut inatsisaanni nr. 7, 13. juni 1994-imeersumi § 6 naapertorlugu allattoqarfimmu maalaarutit Ombudsmandimut tunniunneqarsinnaapput. Ombudsmandimut maalaarutit sapinngisamik allakkatigut nassiuunneqassapput, tassanngalu allakkat suliamut pingaaruteqarsinnaasut assilineri ilanngunneqassallutik. Ombudsmandip nammineerluni aalajangissavaa, maalaarutit suliarineqarnissaa malunnartumik pissutissaqarneris, tassa maalaarutit piumasaqaatiginngilaat ombudsmandimut suliarineqarnissaminnut.

Inatsisartut Ombudsmandiat uani najugaqarpoq:

Inatsisartut Ombudsmandiat

Postboks 1606

3900 Nuuk

Ombudsmandip telefaxia: 32 16 87

Ombudsmandimut maalaaruteqarnissannut nalornissagalaruit maalaaruteqarnissat sioqullugu nammineerlutit oqarasuaatikkulluunniit Ombudsmandip allaffianut saaffiginnissinnaavutit. Ombudsmandip allaffiata oqarasuaataa normoqarpoq: 32 78 10.

...

Allakkap uuma assilineri Nukissiorfinnut kiisalu K Kommunimut nassiuunneqarpoq."

A uannut tamatuma kingornatigut naammagittaalliorpoq.

Pisortaqarfimmu 29. juni 2005-imi imatut allappunga:

"Inuussutissarsiornermut, Nunalerinermut Suliffeqarnermullu Pisortaqarfiup aalajangiinera 16. marts 2005-imeersuq ilaatigut pillugu naammagittaalliuut, assilineri ilanngullugu nassiuunneqartoq, tiguara.

Inuussutissarsiornermut, Nunalerinermut Suliffeqarnermullu Pisortaqarfik pillugu misissuini paasisutissat pigineqartut malillugit taamaallaat Nukissiorfiit oqartussaaffiit pineqartunut pisortaqarfiup aalajangiineranut 16. marts 2005-imeersumut inatsisitigut tunngavigineqartunuinnaq killilerniarlugu aalajangerpunga.

Taamaattumik pisortaqarfik qinnuigaara erngup aqputaa nammineq pigisaq inatsisitigut tunngaviit sorliit tunngavigalugit Nukissiorfiit oqartussaaffiisa avataaniitut pisortaqarfiup naliliisimaneer nassuiaqqullugu.

Aamma pisortaqarfik qinnuigaara aalajangiinermut 16. marts 2005-imeersumut inatsisitigut tunngavigineqartoq tunngavilersuutitut soq ilisimatitsissutigineqarsimannqinnersoq nassuiaqqullugu.

Aalajangerpunga Nukissiorfiit suliame matumani ilumut taarsiissuteqarnissamut akisussaaffeqarnersut imaluunniit apeqqummik tamatuminnga pisortaqarfiup naliliinera misissorniarnagit, tassami paasissutissat pigineqartut malillugit A-p taarsiiffigineqarsinnaatitaaneranut apeqqut immikkoortumut pilersaarummik pigineqalereersumik arsaarinnissuteqartoqarnissaa pillugu Nunaminertat atorneqartarnerat pilersaarusiornertu pillugit Inatsisartut peqqussutaanni § 20 malillugu aalajangiiffigineqarsinnaanera mattunneqarsinnaanngimmat.

Allakkatigut allatigut allakkallu uku assilinerinik nassinneqarnermigut A misissuina pillugu ilisimatinneqarpoq.

Allakkatigut allatigut Ineqarnermut Attaveqarnermullu Pisortaqarfik pisortaqarfiup suliamek suliarinninnerata aalajangiineratalu misissorneqarnissaannut tunngavissaqannginninnik ilisimatippara."

Pisortaqarfiup 22. juli 2005-imi imatut akivaanga:

"Allakkatit 29. juni 2005-imeersut Inuussutissarsiornermut, Nunalerinermut Suliffeqarnermullu Pisortaqarfiup tiguai. Pisortaqarfiup matumuuna uterfigeqqip-paatit.

Pisortaqarfik isumaqarpoq aalajangiinermi 16. marts 2005-imeersumi takuneqarsinnaanngitsoq erngup aqqutaanut ikkuffik nammineq pigisap Nukissiorfiit oqartussaaffiisa avataanniittoq. Erngup aqqutaanut ikkuffimmik piginnittoq taassuma sananeqarneranut ingerlanneqarneranullu atasumik aningaasartuutitut akiliisussavaoq. Pisortaqarfik isumaqarpoq aningaasartuutit taama ittut suliame pineqartut taamaattumillu piginnittup akisussaaffigai. Pissutsit tamakku aalajangiinermi 16. marts 2005-imeersumi Pisortaqarfiup naliliiffigisimagai Pisortaqarfik isumaqarpoq.

Erngup aqqutaanut ikkuffiup nammineq pigisap Nukissiorfiit oqartussaaffiisa avataaniinneranik Pisortaqarfiup inerniliinerani suut inatsisitigut tunngavigineqarsimanersut pillugit apeqqutit Pisortaqarfiup nassuiaateqarfigisinnaanngilaa Pisortaqarfik taamatut inerniliisimasorinngimmat."

Pisortaqarfimmu 4. oktober 2005-imi imatut allappunga:

"Pisortaqarfiup tusarniaaninnut 29. juni 2005-imeersumut akissutaa 25. juli 2005-imi tiguara.

Maluginiarpara pisortaqarfiup aalajangiinera 16. marts 2005-imeersoq imatut paasineqassasoq taanna erngup aqqutaanut nammineq pigisamut aningaasatigut akissusaanermut tunngasuusoq.

Pisortaqarfiulli aalajangiineranit 16. marts 2005-imeersumit imaattoq aamma erserpoq:

"Erngup aqqutaanut illersuutissatut saviminernik amitsukujuunik ikkussissasutit Nukissiorfiit kaammattorsimappatsit tamanna ilissinnut erngup aqqutaa aseroraluarpat aningaasartuuterpassuaqarnissat pinngitsoortinniarlugu pisimassaaq," (Atorfeqarfimmi nutsalgaavoq)

Taamaalilluni pineqartoq tassaavoq savimernit amitsukujuut Nukissiorfiit ilitser-suinerat malillugu ikkunneqarsimasinnaasut pisortaqarfiup ilimanartutut isigigaa.

Nukissiorfiit erngup aqqutaanut illersuutitut saviminernik amitsukujuunik ikkus-suinissamik A-mut qanoq ilitersuisimanerat pisortaqarfiup misissorsimaneraa pisortaqarfiup aalajangiinerani 16. marts 2005-imeersumi takuneqarsinnaanngilaq, taamatuttaarlu taamatut ilitersuineq Nukissiorfiit oqartussaaffeqarfiisa iluanniinnersoq pisortaqarfiup naliliiffigisimaneraa pisortaqarfiup tusarniaaninnut akissutaa tunngavigalugu erseqqarluttutut isigaara.

Taamaattumik pisortaqarfik qinnuigaara makku pillugit nassuiaateqqaqullugu:  
- A saviminernik amitsukujuunik taakkuninnga ikkussueqqullugu Nukissiorfiit  
ilitsersorsimaneraat pisortaqarfiup misissorsimaneraa, aamma  
- taamatut ilitsersuineq Nukissiorfiit oqartussaaffeqarfiisa iluanniinneranik pisortaqarfik naliliisimanersoq."

Pisortaqarfiup 17. oktober 2005-imi imatut akivaanga:

"Allakkatit 4. oktober 2005-imeersut Inuussutissarsiornermut, Nunalerinermut Suliffeqarnermullu Pisortaqarfiup 5. oktober 2005-imi tiguai.  
Allakkannit makku erserput:

"Taamaalilluni pineqartoq tassaavoq savimernit amitsukujuut Nukissiorfiit ilitsersuinerat malillugu ikkunneqarsimasinnaasut pisortaqarfiup ilimanartutut isigi-gaa."

Taamatut paasinnineq pisortaqarfiup isumaqatiginngilaa. Pisortaqarfiup aalaja-  
ngiineranit 16. marts 2005-imeersumit erserpoq erngup aqqutaanut illersuutissanik  
saviminernik amitsukujuunik ikkusseqqullugu Nukissiorfiit A-mut kaammattui-  
simasinnaanerit pineqartoq, tamannalu taamatutaaq allakkanni 4. oktober 2005-  
imeersuni oqaatigaat.

Pisortaqarfik isumaqarpoq kaammattuisimasinnaaneq taanna savimernit amitsu-  
kujuut pineqartut Nukissiorfiit ilitsersuinerat malillugu ikkussorneqarsimasinnaane-  
rannut takussutissaanngitsoq. Taamaattumik pisortaqarfik isumaqarpoq kaammattui-  
neq ilitsersuinerlu assigiinngissuteqartut.

Allakkanni 4. oktober 2005-imeersuni pisortaqarfik qinnuigaat savimernit amit-  
sukujuut pineqartut ikkussoqqullugit Nukissiorfiit A ilitsersorsimaneraat nas-  
suaiaqqullugu.

Nukissiorfiit A-mut allakkatigut 2. november 2004-meersutigut oqaatigaat er-  
ngup aqqutaata nalunaaqutseqarnissaa Nukissiorfiit kaammattuutigisimasinnaagaat,  
erngup aqqutaata perlaarineqarnissaa pinngitsoortinniarlugu. Nukissiorfiit kingusin-  
nerusukkat allakkatigut 6. juli 2005-imeersutigut pisortaqarfimmut allapput:

"Saviminernik amitsukujuunik arfinilinnik ikkussinissaq Nukissiorfiit kaammattui-  
tigisimappassuk (piumasaqaataanngitsumik) ..." (Atorfeqarfimmi nutsigaavoq)

Taamaattumik pisortaqarfik isumaqarpoq Nukissiorfiit qulaani taaneqartutut  
kaammattuisimasinnaasut, naak tamanna uppersarneqaraniluunniit ilumoortuu-  
nerarneqanngikkaluartoq. Eqqortussaq anguniarlugu oqaatigineqassaaq Nukissior-  
fiit A-mut allakkatigut kaammattuutaanik suliami peqanngimmat.

Taamaattorli pisortaqarfik isumaqarpoq Nukissiorfiit A-mut taamatut kaammattui-  
teqarsimanissaat ilimanartorujussuusoq, pisortaqarfilli isumaqarpoq tamanna  
Nukissiorfiit A-mik ilitsersuisimanerattut paasineqarsinnaanngitsoq.

Allakkanni 4. oktober 2005-imeersuni pisortaqarfik taamatutaaq qinnuigaat  
"taamatut ilitsersuineq Nukissiorfiit oqartussaaffeqarfiisa iluanniinneranik pisortaqarfik naliliisimanersoq" nassuiaqqullugu.

Pisortaqarfiup suli ataasiarluni malugeqqussavaa pisortaqarfik isumaqarmat ilit-  
sersuisimaneq pineqanngitsoq, kaammattuisimasinnaanerli pineqartoq.

Nukissiorfiit A-mut allagaannit 2. november 2004-imeersunit erserpoq:

"...mut erngup aqqutaata perlaarineqarnissamut ulorianartorujussuarmut inissin-  
neqarsimavoq, pingaartumik aputaajaanermut atatillugu. Erngup aqqutaata perlaa-

rineqarnissaa pinngitsoorneqarsinnaanngorlugu nalunaaqutserneqarnissaa Nukissiorfiit kaammattuutigisimasinnaavaat, tassami apuinerup erngup aqputaanik anner-tuumik ajoqusiineq kingunerisinnaammagu, illoqarfiup ilaata sinnera imeeruteq-qunagu matusariaqalersillugu." (Atorfeqarfimmi nutsigaavoq)

Pisortaqarfik naliliivoq Nukissiorfiit, kaammattuisoqarsimappat, erngup aqqu-taata perlaarineqarnissaanut ulorinartorujussuarmut" inissinneqarsimanera pillugu, A-mut ikiuussimasut. Erngup aqputaa nammineq pigisaq pineqarpoq, Nukissior-fiillu innuttaasup pineqartup aningaasartuutininik sipaaruteqarsinnaaneranut iluaqu-taasumik innuttaasumut kaammattuuteqarnera pisortaqarfiup ajornartorsiutitut isi-ginngilaa." (Atorfeqarfimmi nutsigaavoq)

*Tamatuma kingornatigut imaattunik oqaaseqaateqarpunga:*

*"Nukissiorfiit A-p naammagittaalliuutaanik suliarinninnerat.*

*A-p Nukissiorfinnut naammagittaalliuutaa matumunnga tunngasuvoq, tassalu A isumaqartoq erngup aqputaanut illersuutissatut saviminernik amitsukujuunik ikkussueqqulluni Nukissiorfiit peqqusimagaanni, taamaat-tumillu illersuutitut ikkussorneqarsimasut aqquinniornermut atatillugu peerneqarmata aningaasartuutit Nukissiorfiit taarsissagaat.*

*Nukissiorfiit A-mut allagaanni 2. november 2004-meersuni tamanna erseqqissummik isummerfigineqanngikkaluartoq allakkani suliami pissusi-viusunik allaaserinninneq imatut oqaasertaqarpoq Nukissiorfiit isuma-qartut saviminernik amitsukujuunik ikkussuineq Nukissiorfiit peqqussu-tigisimannikkaat.*

*Nukissiorfiit allagaat A-p saviminernik amitsukujuunik pineqartunik ikkussuinissaanik Nukissiorfiit "kaammattuisimasinnaanerat" pillugu nas-suiaammik aamma imaqarpoq.*

*Nukissiorfiit tamatumunnga atatillugu manna isummerfigaat, tassalu kaammattuutip taassuma A aningaasanik piunasaqaateqarsinnaaler-sissinnaanngikkaa, tamannalu imatut paasisariaqarpara Nukissiorfiit taarsiissuteqarnissamut akisussaaffeqarlersimanatik oqartut.*

*Tamatuma kingornatigut siullertut apeqqutaalerpoq Nukissiorfiit A-p akiliiffigineqarnissamik piunasaqaataa pillugu isummernerat ingerlat-sineq pillugu inatsiseqartitsineq tunngavigalugu aalajangiinerunersoq, tamannalu pisortaqarfiup suliamik suliarinninnerata oqartussaasumut qulliunerusumut naammagittaalliorarneq pillugu malittarisassat nali-nginnaasut malillugit suliarineqarsinnaanera pillugu apeqqummut sun-niuteqarpoq.*

*Apeqqut taanna pillugu oqaatigaara A-p piunasaqaataa matumunnga ikorfartorneqartoq, tassalu Nukissiorfiit pineqartumut peqqusissuteqar-nermikkut akisussaaffeqalersimassasut. Taamatut peqqusissuteqarneq in-gerlatsineq pillugu inatsiseqartitsineq tunngavigalugu qularnaatsumik aalajangiineruvoq.*

*Nukissiorfiilli A-mut akissutiminni oqaatigaat Nukissiorfiit saviminernik amitsukujuunik ikkussuinissamat pineqartumut peqqusissuteqarsimanngitsut.*

*Nukissiorfiit tamatumunnga taarsiullugu naliliipput A-p saviminernik amitsukujuunik ikkussuinissaa oqartussaasup kaammattuutigisimasinnaagaa, oqartussaasullu paasinninnera malillugu tamanna pillugu kaammattuineq (-simasinnaaneq) akisussaaffiliisuunngitsoq.*

*Nukissiorfiit suliamik naliliinerisa tassunga tunngasortaat pillugu aallaqaasiutitut oqaatigaara pisortaqarfiup tusarniaaninnut akissummini 17. oktober 2005-imeersumi manna pingaartillugu isiginiaraa, tassalu Nukissiorfiit suliani iliuseqarsimanerat (-simasinnaanerat) "kaammattuinerlut" imaluunniit "ilitsersuinerlut" taaneqarsinnaasooq, taaguullu kingulleq pisortaqarfimmut tusarniaaninni atorpara.*

*Uanga paasinninnera malillugu tamanna Nukissiorfiit A-p piumasaqaataa pillugu isummernerata ingerlatsineq pillugu inatsiseqartitsineq tunngavigalugu aalajangiinertut paasineqarsinnaaneranut aalajangiisuunngilaq.*

*Taamaattumik isumaqarpunga Nukissiorfiit ilitsersuisimasinnaanerat imaluunniit kaammattuisimasinnaanerat ingerlatsinermi sulinivittut isigineqartariaqartoq, oqartussaasut innuttaasunut siunnersuineranni pineqartunut ilaatinneqartoq.*

*Ingerlatsinermi suliniviup inatsimmi piumasaqatigineqartunik eqqortitsisuunnginnera innuttaasup naammagittaalliuutigippagu oqartussaasup pineqartup naammagittaalliuut ingerlatsineq pillugu inatsiseqartitsineq tunngavigalugu aalajangiiffigissavaa.*

*Erngup aqqaatanut illersuutissanik saviminernik amitsukujuunik ikkussuinissamik Nukissiorfiit A-mut siunnersuisimasinnaanerisa ingerlatsineq pillugu inatsiseqartitsinikkut sunniutaat pillugu apeqqummut atatillugu uanga paasinninnera malillugu una aallaavigeqqajaanarpoq, tassalu taamatut ilitsersuineq inatsimmi malittarisassanik tunngaveqanngitsoq, teknikkikkulli naliliinermik tunngaveqartoq.*

*Taamaalilluni Nukissiorfiit siunnersuisimasinnaanerat inatsiseqartitsineq tunngavigalugu naliliinerunngilaq, imminilu A-mut immikkut pisussaaffiliisuunani.*

*Taamaattumik A-p taarsiissuteqarnissamat akisussaaffeqartoqarneranik atuutsitsiniarsinnaanera ingerlatsineq pillugu inatsiseqartitsinermi malittarisassat tunngavigalugit aalajangiiffigineqarnani inuilli ataasiakkaat pillugit inatsiseqartitsinermi malittarisassat tunngavigalugit aalajangiiffigineqassaaq, taakkulu atorneqarnerat siunnersuinerup illersorneqarsinnaassusianik teknikkimut tunngasuunerusutigut naliliinermik aamma tunngaveqarpoq.*

*Aammattaaq apeqqutit matumani pineqartutut ittut pillugit Nukissiorfiit innuttaasunut siunnersuinissamik immikkut pisussaaffeqarnerat Grønlands Tekniske Organisationi pillugu Inatsisartut peqqussutaata nr. 8-p, 19. de-*



*ember 1986-imeersup imaluunniit nukissamik pilersuineq pillugu Inatsisartut peqqussutaata nr. 14-ip, 6. november 1997-imeersup nassatarinngilaa.*

*Tamakku tunngavigalugit uanga paasinninnera unaavoq savimernit amitsukujuut pineqartut Nukissiorfiit siunnersuinerat malillugu ikkussor-neqarsimanagerat aallaavigalugu A-p piumasaqaataanik Nukissiorfiit isummerfiginninnerat ingerlatsineq pillugu inatsiseqartitsinermi aalajangiinermik oqartarnerup avataaniittoq.*

*Pisortaqarfiup suliamik suliarinninnera.*

*Innaallagialu, imeq kiisalu qatserisartoqarneq, umiarsualiviit, aqqusernit, nalunaarasuaatikkut atassuteqarneq il.il. pillugit Kalaallit Nunaanni inatsimmi nr. 943-mi, 23. december 1986-imeersumi § 4-p aalajangersarneqarneratigit ilaatigit imermut aqquersuutit pilersinneqarnerat ingerlanneqarnerallu Namminersornerullutik Oqartussat tiguaat.*

*Inatsimmi tassani § 11-p aalajangersarneqarneratigit Grønlands Tekniske Organisation Namminersornerullutik Oqartussat tiguaat.*

*Nukissamik pilersuineq pillugu Inatsisartut peqqussutaata nr. 14-ip, 6. november 1997-imeersup aallaqqaasiummini folketingip inatsisaani taaneqartumi aalajangersakkat qulaani taaneqartut innersuussutigai. Inatsisartut peqqussutaanni tassani § 4, Nukissiorfiit suliassaannik nassuiaasoq, imaattunik oqaasertaqarpoq:*

*"§ 4. Atuisut innaallagissamik kiammillu pilersorneqarnerat Nukissiorfiit isumagissavaat, § 12 naapertorlugu.*

*Imm. 2. Kiisalu Naalakkersuisut erseqqinnersumik aalajangersagaat malillugit suliassat allat Nukissiorfiit isumagissavaat.*

*Imm. 3. Nukissiorfiit aqunneqarnerat aqqissuussaanerallu aamma suliffeqarfiup Naalakkersuisullu akornanni pissutsit pillugit Naalakkersuisut malittarisasiortassapput."*

*Peqqussutissatut siunnersuummi atortuulersitsinermik aalajangersagaq (§ 26) pillugu oqaaseqaatini makku oqaatigineqarput:*

*"Grønlands Tekniske Organisation pillugu Inatsisartut peqqussutaat nr. 8, 19. december 1986-imeersumi aalajangersakkat atorunnaarsinneqartut taamaallaat innaallagissamat kiassarnermullu tunngapput. Imeq ilanngunneqanngilaq. Imermik pilersuineq pillugu Inatsisartut peqqussutissaattut siunnersuut kingusinnerusukkut suliarineqarumaarpoq."*

*Imermik pilersuineq pillugu Inatsisartut peqqussutaat nukissamik pilersuineq pillugu Inatsisartut peqqussutaat pillugu oqaaseqaatini Naalakkersuisut tamatuminniga naatsorsuutiginnissimagaluartut suli akuerineqarsimangimmat tamatuma kingornatigit uanga paasinninnera unaavoq imermik pilersuineq eqqarsaatigalugu Nukissiorfiit suliassanik isumaginnin-*

nerat, matumani inunnik ataasiakkaanik siunnersuineq ilanngullugu eqqarsaatigalugu, nukissamik pilersuineq pillugu Inatsisartut peqqussutaanni § 4, imm. 2 tunngavigalugu pisariaqartoq, tassami imaappoq Naalakkersuisunit isumagisassanngortitsinikkut.

Tamatuma nassataraa Naalakkersuisut ingerlatsineq pillugu inatsiseqartitsinermut ataneqartitsinermi tassaasut Nukissiorfiit eqqarsaatigalugit oqartussatut qulliunerusut, erngup aqquataasa ingerlanneqarnerat pilersineqarnerallu pillugit sulianik ingerlatsineq eqqarsaatigalugu.

Oqartussaasup oqartussaasumut allamut sanilliullugu qulliunerata nassataraa oqartussaasoq qulliunerusoq taanna tassaasoq oqartussaasup alliuinerusup aalajangiineri pillugit naammagittaalliorfissaq, oqartussasullu qulliunerusup taassuma oqartussaasup alliuinerusup ingerlatsinerata allatigullu sulinerata inatsisinut atuuttunut naapertuuttuunera nakkutigisagaa.

Tamanna A-p naammagittaalliuutaanik pisortaqarfiup suliarinninnera eqqarsaatigalugu imaappoq pisortaqarfiup manna misissussallugu pisussaaffigisimagaa, tassalu A-p oqarneratut, saviminernik amitsukujuunik erngup aqquataa atuarlugu ikkussueqqullugu Nukissiorfiit A peqqusimaneeraat.

Suliami allagaatinit pisortaqarfimmit tigusannit erserpoq pisortaqarfiup suliaq Nukissiorfiit allagaasa 2. november 2004-meersut, Nukissiorfiit A-p pisortaqarfimmut 23. december 2004-mi naammagittaalliornera sioqqullugu nassiussimasaasa assilinerat aamma suliami allagaatit A-p pisortaqarfimmut nassiussai kisiisa aallaavigalugit aalajangiiffigisimagaa.

Nukissiorfiit pisortaqarfiup oqartussaasutut qulliunerusutut misissugasaaanik aalajangiisimanerannik qulaajarniarneqarneranni aalajangiineq pineqartoq aamma paasissutissat naammagittaalliortumit tiguneqartut tunngavigissallugit uanga paasinninnera malillugu naammassimannngilaq.

Pisortaqarfik ingerlatsineq pillugu inatsiseqartitsinermi misissuissalluni pisussaaffeqarnermik tunngaveqarnerup oqartussaasup qulliunerusup sulianik suliarinninneranut aamma atuuttup nassatarisaanik Nukissiorfiit suliami allagaataat pisortaqarfiup misissorsimasariaqaraluarpai.

Taamaattumik pisortaqarfik Nukissiorfiit A-mut peqqusissuteqarsimanginnerannik aalajangersaanissamut naammattunik tunngavissaqarsimannngilaq.

Pisortaqarfiup suliamik misissuinissaanik piumasaqaat tamatuma pisuseqataa suliarinninnermut atatillugu atuuppoq manna tunngavigalugu, tassalu Nukissiorfiit ingerlatsineq pillugu inatsiseqartitsineq tunngavigalugu aalajangiisimannngitsoq, Nukissiorfilli savimernit amitsukujuut eqqartorneqartut ikkussorneqarnissaasa naleqquttuunnerannik teknikkikkut naliliineq aallaavigalugu A-mut taamaallaat kaammattuisimasut ilitsersuisimasulluunniit.



*Taamaalilluni pisortaqarfiup nakkutilliinermi oqartussaasutut suliamik misissuina taamatuttaaq ingerlatsineq pillugu inatsiseqartitsinermi misissuinermit tunngaveqartussaaneermik tunngaveqarpoq.*

*Pisortaqarfiup suliamik misissuinissaanik piumasaqaateqarnermi tassani Nukissiorfiit A-mik siunnersuisimasinnaaneranut tunngaviusumik naliliinermik pisortaqarfiup assortuisinnaaneranut periarfissaqarsimanera apequtaatinnagu atuuppoq, tassami Nukissiorfiit siunnersuinerat inatsiseqartitsinikkut amigaateqarnerisq pisortaqarfiup pinngitsoorani misissorsimasariaqaraluarmagu.*

*Taamaattumik A-p naammagittaalliuutaanik pisortaqarfiup paasissutis-sanik pisariaqartunik Nukissiorfinnit pissarsiniaqqaarnani isummerfiginnissimanera suut tamaasa isiginiarlugit ajuusaarnartutut isigaara.*

*Suliap sukumiisumik paasissutissartalorsorneqarnera oqartussaasup ingerlatsineq pillugu inatsiseqartitsineq tunngavigalugu iliuusaasa inatsisinik unioqutitsisuunnginnerannut eqqortuunerannullu annertuumik pingaaruteqarmat A-p naammagittaalliuutaata suliarineqarnera pisortaqarfiup aallarteqqissagaa inassuteqaatigaara.*

*A allakkatigut allatigut allakkat uku assilinerannik ilaqartinneqartutigut suliamik paasinninnera pillugu ilisimatippara.*

*Pisortaqarfiup suliame allagaatai, atukkiunneqarnerat qujassutigalugu, matumunnga peqatigitillugit utertippakka."*

Ukiup nalunaarusiuunneqartup naanerani pisortaqarfimmit tusagaqanngilanga.

## 47. Akitsuutit.

### 1. Akitsuutit pillugit aalajangersakkap atortinneqannginnissaa-nik immikkut akuersissuteqarnissamut inatsisitigut tunngavissaqannginneq.

*Taxanik eqqussinermut akitsuutit appartinneqarnissaat Akileraartarnermi Pisortaqarfiup immikkut akuersissutigisimangimgimagu A-p naammagittaalliuutigaa. A isumaqarpoq Akileraartarnermi Pisortaqarfiup akitsuutit appartinneqarnissaat pisinnaanngippat akitsuutit tassunga taarsiullugu isumakkeertariaqaralarai.*

*Naammagittaalliuutip suliarineqarnissaa Ombudsmandip itigartitsissutigaa, tassami taxanik eqqussinermut akitsuutit appartinneqartarnerat pillugu malittarisassanut atatillugu akitsuusiinginnissamik akitsuutinilluunniit isumakkeerinninnissamik immikkut akuersissuteqarnissamut inatsisitigut tunngavissaliisogarsimangimmat. (J.nr. 11.03.47.01/096-05)*

A-p naammagittaalliuutaata 21. oktober 2005-imi tigusama suliarineqarnissaa allakkatigut 4. november 2005-imeersutigut imatut itigartitsissuti-gaara:

*"Naammagittaalliuutit imatut paasivara taxap pisiarisimasavit eqqussinermi akitsuutaata appartinnissaanut piunasaqaatigineqartunit Akileraartarnermi Pisortaqarfiup immikkut akuersissuteqarfigisimangimmatit naammagittaalliuutiginiarrit. Isumaqarputit akitsuut pisortaqarfiup immikkut akuersissuteqarnermut taarsiullugu isumakkeerinnissutigisimasariaqaraluaraa.*

*Naammagittaalliuutinni oqaatigaat biilip pisoqalinera kingoraartissaaleqinera-lu pissutigalugit taxatut 10. juni 2005-imiilli atorunnaarsimallugu.*

*Inatsisini aalajangersakkat allagaatillu uannut nassiussatit misissoreerlugit naammagittaalliuutit suliariniarnagu aalajangerpunga, Akileraartarnermi Pisortaqarfiup aalajangiinera uanga isornartorsiorsinnaanagu naliliigama.*

*Paasinninnera tulliuttuni erseqqinnerusumik nassuiarpara.*

*Paasissutissanit naammagittaalliuummumut ilanngussannit erserpoq illit 29. oktober 2002-mi biilimik pisisimasutit taxatut atugassannik, biililu 7. november 2002-mi nalunaarsorneqartoq.*

*Allakkatigut 15. maj 2005-imeersutigut Akileraartarnermi Pisortaqarfik nalunaarfigaat biili 10. maj 2005-imiit taxatut atorunnaartoq. Tamatumunnga atatillugu ilisimatitsissutigaat biilip 210.285 km-t ingerlaarsimagai, ukiunilu marhunni qaamatinilu arfinilinni ingerlasimalluni.*

*Tamanna tunngavigalugu Nioqqutissanik eqqussuinermi akitsuutit pillugit Inatsisartut inatsisaanni § 1-imi imm. 1, nr. 26, litra c) Inatsisartut inatsisaata allanngortinneqarneranik Inatsisartut inatsisaat nr. 10, 11. november 2000-imeersaq imaatunik oqaasertaqartoq naapertorlugu akitsuutinik appaaffigitinnissamut piunasaqaatiniit immikkut akuerineqarnissat Akileraartarnermi Pisortaqarfimmum qin-nuteqaatigaat:*

*"Akitsuut litra a naapertorlugu kinguartikkallarnejartoq 75 pct.-inik appartinneqassaaq inunnik angallassissutit inunnik angallassissutitut ataavartumik sivikinnerpaamik ukiuni 3-ni minnerpaamillu 115.000 km.-inik ingerlareersimappata."*

*Akitsuutip appartinneqarnissaanik qinnuteqaatinni ilaatigut takuneqarsinnaavoq taxa aserortuukulasarsimasoq.*

*Qinnuteqaatit Akileraartarnermi Pisortaqarfiup 17. juni 2005-imi itigartitsissutigaa, paasisstussiinerit tunngavigalugu pisortaqarfik isumaqarmat akitsuutip appartinnissaanut inatsisitigut piumasaqaataasut naammassineqarsimangitsut.*

*Akileraartarnermi Pisortaqarfimmut allakkani 17. juli 2005-imeersuni suliaq pisortaqarfiup suliareqqissagaa qinnutigaat piumasaqaatillu issuarnejartut saneqqunneqarnissaannut immikkut akuerineqartariaqarnerit imaluunniit akitsuutit sooq isumakkeerneqartariaqarnerat pillugu erseqqinnerusumik tunngavilersuuteqarputit.*

*Pisortaqarfiup aalajangiinini allakkamini 31. august 2005-imeersuni aalajangiuisimavaa ilassutitullu ilisimatitsissutigalugu Inatsisartut inatsisaat akitsuutinik isumakkeerininnissamik inatsisitigut tunngavigisassamik imaqqangitsaq.*

*Inatsisartut 2000-imi ukiakkut ataatsimiinneranni saqqummiunneqartumi Inatsisartut inatsisissaattut siunnersuut nr. 10, 11. november 2000-imeersoq qulaani issuarnejartoq pillugu Naalakkersuisut oqaaseqaatitut suliaanniit makku erseerput:*

*"Oqaaseqaatit nalinginnaasut*

*...*

*Inummik angallassissutit sivikinnerpaamik ukiuni 3-ni imaluunniit minnerpaamik 250.000 km.-inik ingerlaareersimangitsut allatut atugassanngorlugit nalunaarsortinneqarnerat ingerlatsinermi aningaasartuutinut attuumassuteqanngimmat, siunnersuutigineqarpoq taamaattoqartillugu eqqussuineri akitsuutip ilaata kinguartikkallarnejartup tamakkerluni akiligassanngortarnissaa.*

*Inunnilli angallassissutit ilaat ukiut 3-t 4-lluunniit qaangiutiinnartut inunnik angallassissutigiinnarneqarnissaminut naleqqugunnaartarmata siunnersuutigineqarpoq, inunnik angallassissutit taakku allatut atugassanngorlugit nalunaarsortinneqarsinnaasasut eqqussuineri akitsuutip ilaata kinguartikkallarnejartup 25 pct.-inik 10 pct.-iinilluunniit akiliinikkut, inunnik angallassissutit inunnik angallassissutitut 115.000 km.-inik 140.000 km.-inilluunniit ingerlaareersimappata.*

*...*

*Siunnersuut selskabenut Mini Taxa 2 18 18 ApS-imut aamma Taxa 2 22 22 ApS-imut tusarniaavigineqareerpoq, taakkulu siunnersuutigaat immikkut akuerineqartumik eqqussuineri akitsuutip ilaata kinguartikkallarnejartup, akilersornissaanut periarfissisumik ilanngussisoqartariaqarneranik, imaassimassappat taxanik qamutaatillit iluatsitsinerliornikkut "aserortuinnavissunik" inunnik angallassissutinik pissarsisimatillutik, imaluunniit iluatsitsinerliornikkut ajutoortoqartillugu inunnik angallassissutit ima ajoqusertigisimatigitillugit, nutaanik pissarsinikkut imminut akilersinnaanerusumik kinguneqartumik. Naalakkersuisut isumaqarput, inunnik angallassissutinik pissarsisunut pineqartumut oqaaseqaateqarneq nalinginnaasumik inuussutissarsiornermi nalornisoorerup ilagiinnaraa, taamaammallu taxanik qamutaatillit allanik inuussutissarsiuteqartut naligalugit sillimaffigisariaqaraat. Taamaammatt Naalakkersuisut pissutsit taaneqartutut isikkoqartillugit, isumaqqanngillat Inatsisartut nioqqutissanut eqqussuineri - aammalu annissuineri akitsuutit pillugit inatsisaanni nalinginnaasumik akiliisitsinngitsoorsinnaati-taanerup §§-ini 19-imi 20-ilu periarfissaareernerata saniasigut immikkut akuersis-*

suteqartinneqarsinnaatitaanerup nutaatut isikkulerlugu pilersitsisoqarnissaa pisa-  
riaqassasoq.

...

*Aalajangersakkanut ataasiakkaanut oqaaseqaatit*

...

*Ingerlatsinermi aningaasartuutit eqqarsaatigalugit siunnersuutigineqarpoq inunnik angallassissutit ataavartumik sivikinnerpaamik ukiuni 5-ni inunnik angallassissutit atorneqareersimallutik minnerpaamillu 175.000 km.-inik ingerlaareersimallutik allatut atugassanngorlugit nalunaarsortinneqarsinnaassasut eqqussuinermi akitsuut kinguartikkallarneqartoq akiligassanngortinngikkaluarlugu. Illoqarfinni anginerusuni inunnik angallassissutit ukiumut kilometerinik amerlanerujussuarnik ingerlaartarnerat, inunnillu angallassissutit taamaalillutik nungullarnerusarnerat ilisimaneqarmat aammattaaq siunnersuutigineqarpoq inunnik angallassissutit inunnik angallassissutit ataavartumik 250.000 km.-inik ingerlaareersimappata aammattaaq eqqussuinermi akitsuummik kinguartikkallarneqartumik aki-liisoqassanngitsaq.*

...

*Inunnik angallassissutit akitsuutit tungaasigut nalimikkut appariaataat ukiuni si-  
ullerni annertunerpaasarmat, taamatullu ukiuni tulliuuttuni minnerusarmat siunnersuutigineqarpoq, inunnik angallassissutit inunnik angallassissutit ataavartumik sivikinnerpaamik ukiuni 3-ni minnerpaamillu 115.000 km.-inik ingerlaareersut al-  
latut atugassanngorlugit nalunaarsorneqarpata qamutaatilik akitsuutip kinguar-  
tikkallarneqartup 25 pct.-ianik akiliissasoq. Inunnik angallassissutit inunnik angal-  
lassissutit ataavartumik sivikinnerpaamik ukiuni 4-ni minnerpaamillu 140.000  
km.-inik ingerlaareersimappata qamutaatilik akitsuutip kinguartikkallarneqartup  
10 pct.-ianik akiliissaaq.*

*Kilometerinut piumasaqaatitigut siunnersuutigineqartutigut qulakkeerneqassaaq  
ilumut inunnik angallassinersooq. Kilometerinut piumasaqaatit 115.000 km.-iusut  
aamma 140.000 km.-iusut nunamut tamarmut atuutissapput, amerlassusiliinermilu  
tunngavigineqarput Upernavimmi inunnik angallassissutit ukiumut agguaqatigiis-  
sillugu ingerlaartarnerannik paasissutissat.”*

*Tamatuma kingorna tunngaviutittariaqarpara Inatsisartut inatsisaat Inatsisartu-  
nit akuersissutigineqarmat nioqqutissanik eqqussuinermit akitsuutip appartin-  
neqarnissaanut kilometerilersuummut piumasaqaatip aamma piffissaliussatut piu-  
masaqaatip naammassineqarsimanissaat piumasaqaatigalugu, soorluttaaq aamma  
piumasaqaatinit taakkunanga immikkut akuersissummik pisinnaanissap periarfis-  
saannginnissaa Inatsisartut siunertarisimagaat. Piareersaanermi suliat issuarne-  
qartut erseqqissumik innersuussutigaat immikkut akuersissuteqarneq pisinnaasas-  
sanngitsaq, biili pineqartoq taxatut atorunnaarpat, ajoqusernerata kingunerisaanik.*

*Inatsimmi Tunngaviusumi § 43-mi imm. 1-imit akitsuutinut maani aamma pi-  
neqartumut tunngasumi aamma erserpoq:*

*”Akileraarusiineqarsinnaanngilaq akileraarutillu allanngortinneqarsinnaanatik  
soraarsinneqarsinnaanatillu tamanna inatsisiliuutigineqarsimanngippat.”*

*Akileraarutit akitsuutillu inatsisiliornerataqanngitsumik atorunaarsinneqarsin-  
naannginnerat ilaatigut ima isumaqarpoq aallaaviusooq tassaassasoq akileraartar-  
nermi akitsuusiisarnermilu oqartussaasut inatsisitigut erseqqissumik tunngavis-  
saqanngikkunik akileraarutaasussat aamma akitsuutinut akiligassat akilerneqan-*

*nginnissaat immikkut akuersissuteqarfigisinnaangikkaat isumakkeersinnaangikkaalluunniit.*

*Taxanik eqqussinermi akitsuummik appaasarneq pillugu malittarisassanut atatil-lugu akitsuutip atorunnaarsinnissaanut imaluunniit isumakkeerinnissutiginnissaanut immikkut akuersissuteqarnissamut inatsisitigut tunngavissiisoqarsimangimmat in-nuttaasut inatsisitigut immikkut akuerineqarnissamik imaluunniit isumakkeerneqar-nissamik piunasaqarsinnaangillat.*

*Taamaattumik Akileraartarnermi Pisortaqaqfiup aalajangiinera isornartorsi-orsinnaangilara.*

*Suliami matuma kingornagut annertunerusumik iliuuseqaqqissanngilanga, alla-gaatillu naqqeqaakkat ilanngussatut uannut nassiussatit atukkiunneqarnerat qujas-sutigalugu utertillugit."*

## 69. Aningaasalersuinnermut tapersiissutit.

1. **"Umiatsiaaqqat inuussutissarsiornermut tapersiisarfimmit taarsigassarsiatigut aningaasalersorneqartut tunniunneqarnerini piumasaaqatit assigiiaartunik oqaasertalersugaasut" akuerineqarnerat sioqqullugu pisorta qarfiup sulianik suliarinninnera.**

*"Umiatsiaaqqat inuussutissarsiornermut tapersiisarfimmit taarsigassarsiatigut aningaasalersorneqartut tunniunneqarnerini piumasaaqatit assigiiaartunik oqaasertalersugaasut" akuerineqarnerat sioqqullugu suliami illua'tungiusutut isummaminnik tusarniaavigineqarsimanninnertik A-p B-llu naammagittaliutigaat.*

*Ombudsmandip oqaatigaa A-p B-llu suliami illua'tungiusutut isumaannik suliassat suliarineqarnerat pillugu inatsimmi § 19-imi periaaseq naapertorlugu tusarniaavigineqarsimanninnerat ajuusaarnartuusoq. Ombudsmandilli tunngaviutittariaqarpaa A aamma B pisorta qarfiup piumasaaqatit assigiiaartunik oqaasertalersugaasunut missingiusiaa pillugu oqaaseqaateqarsimasut, kiisalu A-p B-llu oqaaseqaataat piumasaaqatit assigiiaartunik oqaasertalersugaasut akuerineqannginneranni pisorta qarfiup tigusimagai isumaliutersuutigalugillu, ilaatigut siumut naatsorsuutigeriigaanngitsunik (assersuutigalugu ajunaarnersuaqarneratigut) pisoqarsinnaaneranik immikkut isiginiaqqusaq ilanngullugu eqqarsaatigalugu. Taamaattorli Ombudsmandip oqaatigaa pisorta qarfiup piumasaaqatinut assigiiaartunik oqaasertalersugaasunut taakku akuerineqarsimasutut taallugit innersuusisnera pitsaanngitsuusoq.*

*Piumasaaqatit assigiiaartunik oqaasertalersugaasut akuerineqarnerat sioqqullugu siumut naatsorsuutigeriigaanngitsunik (assersuutigalugu ajunaarnersuaqarneratigut) pisoqarsinnaaneranik immikkut isiginiaqqusaq A-p B-llu tunngavilersuuteqarfigereersimasaat pillugu allannguutissatut siunnersuummik saqqummiussiniarnermik piumasaaqatit assigiiaartunik oqaasertalersugaasut aatsaat akuerineqareersut pisorta qarfiup A-mut B-mullu nalunaaruteqarnera Ombudsmandip aamma tupigusuutigaa. Ombudsmandip aamma oqaatigaa pisorta qarfiup suliami allagaatinik Ombudsmandimut tunniussiniarnermini piffissap atugaata sivisussusia ajuusaarnartorujussuusoq. (J.nr. 11.03.-69.30/096-03)*

"Umiatsiaaqqat inuussutissarsiornermut tapersiisarfimmit taarsigassarsiatigut aningaasalersorneqartut tunniunneqarnerini piumasaaqatit assigiiaartunik oqaasertalersugaasut" (tulliuttuni piumasaaqatinik assigiiaar-

tunik oqaasertalersugaasunik taaneqartartussat) Aalisarnermut Piniarnermullu Pisortaqarfiup suliarisimasai A-p B-llu uannut allakkani 11. juni 2003-meersuni naammagittaalliutigaat.

Paasivara B-p pisortaata piumasaqaatit assigiiartunik oqaasertalersugaasut pillugit pisortaqarfiup missingiusiaa K-mi inuussutissarsiornermut siunnersortimit 1. april 2003 sioqqullugu tigusimagaa. Pisortap taassuma pisortaqarfik tamatuma kingornatigut attaveqarfigisimavaa, oqarfigineqarsimallunilu missingiut pillugu oqaaseqaateqarsinnaasoq.

A aamma B Aalisarnermut, Piniarnermut Nunalerinermullu Pisortaqarfimmumut (ullumikkut Aalisarnermut Piniarnermullu Pisortaqarfiusumut) allakkatigut 1. april 2003-meersutigut saaffiginnipput. Nioqquteqartut allakkanut taakkununga ilanngullugit piumasaqaatinut assigiiartunik oqaasertalersugaasunut allannguutigitinniakkatik nassiuppaat. Nioqquteqartut allannguutigitiniagaanni ilaatigut tunniussinermi ”immikkut isiginiaqqusaq” ilanngunneqarsimavoq. Allakkani taakkunani ilaatigut makku oqaatigineqarput:

”Inuussutissarsiutigalugu umiatsiaaqqat inuussutissarsiornermut tapersiisarfimmumit taarsigassarsiatigut aningaasalersorneqartut tunniunneqarneranni piumasaqaatit assigiiartunik oqaasertalersugaasut” A-p K-mit tigusimasani ESU-mi [sulisumut] ullumikkut oqaloqatiginnissutigigamigit oqarfigineqarsimavoq taakku tassaasut missingiutit, taakkulu pillugit oqaaseqaateqaqquneqarsimalluni. Atuaqqaarnerini sukangakuloqisut malunnarput, taamaattumillu immikkoortut ilaat allanngartitersimavagut, taamaalillutik taakku inuussutissarsiutigalugu umiatsiaaqqiortunit aningaasaqarnerminnik aamma ingerlatsiniartussanut naammagarnerulersinniarlugit, pisisut aningaasartuutitnik tamanik naggataatigut akiliisussaanagerat naapertuuttumik isiginiarlugu.

Umiatsiaaqqat akii aalaakkaatinnersimavagut, atortussallu akiisa qaffariaataat manna tikillugu nammineq akilertarsimallugit, taamaalillutillu iluanaarutit neriorneqarsimapput, akilli annikitsuinnarnik aaqqiissuteqarfialugit annertunerusutigut allannguuteqartissimanagit.

Isumaqaarattali umiatsiaararsiniartunut qanoq akeqartitsinissami ajornartorsiutit assigiinnigitsut maani taasagut qulaajartariaqartut immikkoortut maani taaneqartut piumasaqaatillu assigiiartunik oqaasertalersugaasut allanngartitat pilertortumik qulaajarneqarnissaat qinnutiginiarparput.” (Atorfeqarfimmi nutsigaavoq)

A-p aamma B-p Aalisarnermut Piniarnermullu Naalackersuisumut allagaanni 29. april 2003-meersuni oqaatigineqarpoq allakkat 1. april 2003-meersut ilanngussartallit B-mi allaffiup pisortaanit Aalisarnermut Piniarnermullu Pisortaqarfimmumut 2. april 2003-mi tunniunneqarsimasut.

Aalisarnermut Piniarnermullu Pisortaqarfiup B-mut allagaanni 23. april 2003-meersuni oqaatigineqarpoq inuit tallimat inuussutissarsiutigalugu umiatsiaararsinissamut inuussutissarsiornermut tapersiissutinik aningaasaliiffigineqarsimasut, ”inuussutissarsiutigalugu umiatsiaaqqat tunniunneqarneranni piumasaqaatit assigiiartunik oqaasertalersugaasut nassiunneqartut” umiatsiaaraliortunit pisisunillu akuerineqarnissaat piumasaqaatigalugu.



A-p aamma B-p Aalisarnermut Piniarnermullu Naalakkersuisumut allakkaminni 29. april 2003-meersuni ataatsimut allakkamik 1. april 2003-meersut pisortaqarfimmit akineqarnissaat nukingisaarutigaat.

Suliami allagaatinut ilaavoq piumasaqaatit assigiiartunik oqaasertalersugaasut isummerfiginissaannut Aalisarnermut Piniarnermullu Naalakkersuisumut tunngavissiaq Aalisarnermut Piniarnermullu Pisortaqarfiup suliarisimasaa 29. april 2003-mi ullulernerqarsimasoq.

Nioqquteqartut taakku marluk Aalisarnermut Piniarnermullu Naalakkersuisumut allakkani 5. maj 2003-meersuni akissuteqartoqarnissaa nukingisaarutigeqqippaat.

Aalisarnermut Piniarnermullu Naalakkersuisoq A-mut allakkani 5. maj 2003-meersuni imatut allappoq:

”Pineqartoq: Umiatsiaaqqat inuussutissarsiornermut tapersiisarfimmit taarsigarsarsiatigut aningaasalersorneqartut tunniunneqarneranni piumasaqaatit assigiiartunik oqaasertalersugaasut.

A, K-miittooq peqatigalugu ataatsimut allakkasi innersuussutigalugit matumuuna nalunaarutigissavara umiatsiaaqqat inuussutissarsiornermut tapersiisarfimmit taarsigarsarsiatigut aningaasalersorneqartut tunniunneqarneranni piumasaqaatit assigiiartunik oqaasertalersugaasut qulaani taaneqartut Naalakkersuisunit 1. maj 2003-mi akuerineqarmata.

Taamaalillutik piumasaqaatit taakku kommunini inuussutissarsiornermut siunnersuisunut, inuussutissarsiornermi kattuffinnut susassaqartunut nioqquteqartunullu inuussutissarsiuutigalugu umiatsiaaqqanik nioqquteqartartunut massakkut ingerlaarput.

Piumasaqaatit assigiiartunik oqaasertalersugaasut pilierirtuaarnerat naatsor-suutigineqartumit siviisunerusimavoq, ilaatigut nioqquteqartut isumaannik tusarniaasoqarnissaa Pisortaqarfiup kissaatigisimammagu.

Piumasaqaatit assigiiartunik oqaasertalersugaasut taakku imarisassaattut nioqquteqartut kissaatigisaasa tamakkerlutik malinneqarnissaat naleqquttutut isigineqarsimannilaq, kisianni piumasaqaatini taakkunani pissutsinik nioqquteqartunut pisisartunullu nuannaarutaasunik aqqitassaqarpat pissutsit taamaattut aqqinnissaannut piumassuseqarlunnarpunga. Piumasaqaatit assigiiartunik oqaasertalersugaasut uku Naalakkersuisunit akuerineqarnerannut atatillugu taamatut piginnaatinneqarsimavunga.

Piumasaqaatit assigiiartunik oqaasertalersugaasut atulersinneqarput, taakku aq-qutigalugit inuussutissarsiuutigalugu nioqquteqartut/pisisartut akornanni pissutsit aqqinneqarnissaat siunertaralugu, taamaattumillu piumasaqaatit assigiiartunik oqaasertalersugaasut taakku illua'tungeriinnut tamanut iluaqutaalernissaat kissaatigilluinnarpara.” (Atorfeqarfimmi nutsigaavoq)

Pisortaqarfiup piumasaqaatit assigiiartunik oqaasertalersugaasut pillugit allakkat assigiinnik oqaasertaqartut kommunini tamani inuussutissarsiornermut allaffeqarfinnut, A-mut aamma B-mut aamma nassiuppai. Ilaatigut oqaatigineqarpoq piumasaqaatit assigiiartunik oqaasertalersugaasut taakku Naalakkersuisunit 1. maj 2003-mi akuerineqarsimasut, peqqussummilu nr. 10-mi, 12. november 2001-imeersumi § 6 tunngavigalugu pisortaqarfiup inuussutissarsiuutigut tapersiinissaanut piumasaqaataasoq piumasaqaatit assigiiartunik oqaasertalersugaasut taakku pisisumit umiat-



siaaqqiortumillu akuerineqassasut. Aammattaaq oqaatigineqarpoq suliame illua tungiusut arlaannut naapertuilluanninnernik saqqumertoqassagaluarpat taakku aaqqiissuteqarfingineqarnissaat pisorta qarfiup piareersimaffigigaa.

B-p pisortaata Aalisarnermut Piniarnermullu Naalakkersuisumut alla-gaani 7. maj 2003-meersuni makku ilaatigut oqaatigineqarput:

”...

Ataatigut atsiortunga A aamma B sinnerlugit suli ataasiarlunga apeqqute-qaatigeqqinniarpara suliame atortussat 29. april 2003-mi allaffissinnut tunniunneqar-tut kiisalu allakkatta 05-05-03-meersut misissornissaannut piffissaqarsimanersusi.

Allakkat kiisalu ”Umiatsiaaqqat inuussutissarsiornermut tapersiisarfimmit taarsi-gassarsiatigut aningaasalersorneqartut tunniunneqarneranni piomasaaqaatit assi-giiaartunik oqaasertalersugaasut. 1. maj 2003-meersut” assilineri pisorta qarfimmit faxikkut nassiussat pisorta qarfimmi sulisumit atsiorneqarsimasut 7. maj 2003-mi tiguagut, allakkanilu taakkunani erseqqissarneqarpoq piomasaaqaatit taakku Naalak-kersuisunit 1. maj 2003-mi akuerineqarsimasut. Tamatumunnga atatillugu aperiniar-pugut piomasaaqaatit taakku uagut umiatsiaaqqiortut tigusagut isumaqatigiinniarnis-samut tunngavissiaasut uagut sooq ilisimatinneqarsimanersugut. Uagut allakkatigut akissuteqarpugut oqaloqatigiinnissarlugu neqeroorutigalugu. Taakkuli massakkut allannuuteqartinnagit akuerineqarsimapput, uagut umiatsiaaqqiortut saqqummius-sagut pillugit akineqanngitsugut, naak Inuussutissarsiornermut Tapersiisarfimmut oqarasuaatikkut arlaleriarluta saaffiginittarsimagaluartugut.

Uagutsinnut umiatsiaaqqiortunut ajornartorsiuterujussuaq tassaavoq qupperneq 3-mi ”tunniussinerup ullua”, tassanilu allassimalluni ”Umiatsiaaraq nioqquteqartup ullormi tunniunneqarfissaatut aalajangersarneqartumi tunniussinnaanngippagu, ta-matumunnga suna pissutaanersoq apeqqutaatinnagu, pisinermi akigitinneqartoq ul-lormut 1%-imik ilanngassallugu pisisoq pisinnaatitaavoq. Ulloq tunniussivissaq an-neruumik qaangerneqarpat isumaqatigiissutip atorunnaarsinneqarnissaa pisisup piomasaaqaatigisinnaavaa.”

...

Taamatutaaq Inuussutissarsiutinut Tapersiisarnermut Immikkoortortaqarfiup Amutsiviit Piomasaaqaataannik – VB-89-imik umiatsiaaqqat inuussutissarsiornermut tapersiisarfimmit taarsigassarsiatigut aningaasalersorneqartut tunniunneqarneranni piomasaaqaatinik assigiiaartunik oqaasertalersugaasunik tunngaveqartitsiumanngin-nera aamma paasisinnaanngilarput. Ataatsimoortumik piomasaaqaatit taakku Amut-sivinnut, taakku Namminersornerullutik Oqartussanit suli ingerlanneqarlutillu aqun-neqarallarmata, tunngavittut suliarineqarsimapput, Namminersornerullutillu Oqar-tussat inatsisilerituunit allataasimagunarlutik, siumut naatsorsuutigeriigaanngit-sunik (assersuutigalugu ajunaarnersuaqarneratigut) pisoqarsinnaaneramik immikkut isiginiaqqusanik il.il sillimmaassiviusimasut.

...” (Atorfeqarfimmi nutsigaavoq)

B-p pisortaa Aalisarnermut Piniarnermullu Naalakkersuisumut allakka-tigut 12. maj 2003-meersutigut saaffigineqarpoq, Naalakkersuisunullu ilaasortap allagai 5. maj 2003-meersut (12. maj 2003-mi tigusimasani) pil-lugit oqaaseqaateqarluni. Pisortap oqaatigaa tunisassiortut isumaat pisor-taqarfiup tusarusussimaguniuk missingiut pisorta qarfiup taakkununnga nassiussimasariaqaraluaraa. Aammattaaq oqaatigaa piomasaaqaatit assi-giiaartunik oqaasertalersugaasut inaarutaasumik suliarineqartut missi-

ngiummut K-mi inuussutissarsiornermut siunnersortimit pisimasaminut sanilliullutik allannguuteqartinneqarsimanngitsut.

A-p pisortaa Aalisarnermut Piniarnermullu Naalakkersuisumut 14. maj 2003-mi allappoq. Siusinnerusukkut allaffigeqatigiittarsimaneq innersuusutigaa, oqaatigalugulu ulloq tunniussivik pisortaqarfiup inuussutissarsiutitut tapersiissutinik akuersissuteqarnerata kingornatigut ulluinnarnut X-inut aalajangersarneqarsinnaasariaqartoq, nioqquteqartullu kinguaattoornertut akisussaaffeqarneranut atatillugu siumut naatsorsuutigeriigaanngitsunik (assersuutigalugu ajunaarnersuaqarneratigut) pisoqarsinnaaneranik immik-kut isiginiqqusaq pillugu aalajangersakkamik ilanngussisoqartariaqartoq.

A aamma B pisortaqarfimmut allakkani 26. maj 2003-meersuni piumasaqaatinut assigiiaartunik oqaasertalersugaasunut allannguutissatut siunnersuutit tunisassiortut siunnersuutigisimasaannut akissuteqartoqarnissaa nukingisaarutigeqqippaat.

Pisortaqarfik B-mut 2. juni 2003-mi allappoq pisortaqarfiup paasinnin-nera unaasoq piumasaqaatit assigiiaartunik oqaasertalersugaasut massak-kut atuuttut iluserisartik atorlugu atorineqartussaasut. Aamma oqaatigine-qarpoq:

”... inuussutissarsiutigalugu umiatsiaaqqanik tunisassiornermut tunniussiner-mullu atatillugu nioqquteqartut annertuunik siumut naatsorsuutigereerneqarsinnaan-gitsunik nioqquteqartullu pisuussutiginnngisaannik ajornartorsiuteqalerpata Pisor-taqarfik soorunalimi piareersimajumavoq aaqqiissummik illua'tungiusunut TAMA-NUT naammaginartumik nassaarniaqataanissaminut.

Umiatsiaaqqanik piumasaqaatit qulaani taaneqartut tunngavigalugit naatsorsuu-tigineqartut paarlattuannik tunniussiumannngissagaluaruit ajoraluartumik allatut ilio-riarsinnaanngilagut, kisianni taarsigassarsisut inuussutissarsiutigalugu umiatsiaa-q-qanik nioqquteqartartunut allanut innersullugit.” (Atorfeqarfimmi nutsigaavoq)

Piumasaqaatit assigiiaartunik oqaasertalersugaasut nioqquteqartut saq-qummiussaannut naapertuuttumik allanngortinneqartariaqarnerat A-p aamma B-p pisortaqarfimmut allakkaminni 6. juni 2003-meersuni aalajangi-u-simavaat.

A-p aamma B-p pisortaat uannut allakkatigut 11. juni 2003-meersutigut piumasaqaatit assigiissaartunik oqaasertalersugaasut pillugit naammagit-taalliorput.

Pisortaqarfik A-mut aamma B-mut allakkani marlunni 22. juni 2003-meersuni assigiinnik oqaasertaqartuni ilaatigut imatut allappoq:

”Naliliisoqarsinnaavoq ilissi piumasaqaatit assigiiaartunik oqaasertalersugaasut qulaani taaneqartut pillugit marlunnik annertuunik akerliissuteqartusi.

1. Kingusinaartumik tunniussiner-mi annaasaqaataasinnaasut pissutaasoq apeqqu-taatinnagu nioqquteqartumit akilerneqartassasut.
2. Ullormit ullormut pillammik akiliisitsiniartoqarsinnaasasoq.

Aalajangersakkat qulaani taaneqartut sakkortoortuussuorinarsinnaapput, ki-sianni Pisortaqarfiup paasinninera unaavoq piffissami inaarutaasumik tunniussivis-

satut isumaqatigiissutaasimasumi tunniunneqartussat isumaqatigiissutip eqqortineqarnissaanut pisariaqartut nioqquteqartup qulakkeereersimasariaqarai.

Umiatsiaaqqap pisisumut tunniunneqarnera eqqarsaatigalugu sumi tunniunneqarnissaa isumaqatigiissutigineqarsinnaavoq tassaassasoq Royal Arctic Line A/S-ip usingiarfia, taamaaliornikkullu allat eqqarsaatigalugit kinguaattoorsinnaaneq sunaluunniit peerneqassalluni.

Taamaattumik tunniussinermi nioqquteqartup nammineq pisuussutigisaanik kinguaattoorsinnaaneq Pisortaqarfiup takorluugaannangajattut isigaa, tassami piffissamit isumaqatigiissuteqarfiusumit inaarutaasumik tunniussiunissap tungaanut piffissaq sivikitsuarsuaq ingerlasarmat.

Soorunalimi nioqquteqartumi pisoqarsinnaavoq nioqquteqartup sunniuteqarfigisinnaangisaanik - assersuutigalugit suliumajunnaarnerit, ikualattoqarnera allaluunniit, taamatullu immikkut isiginiqqusassat pisortaqarfiup ataqquimavai.

Kisianni ajornartorsiuterujussuavoq nioqquteqartup - tunniussinissamut isumaqatigiissut qulakkeerniaannarlugu - piffissaliussanik malinneqanngitsunik isumaqatigiissuteqartarnera. Tamanna isorliunerusuni najugalinnut umiarsuartigut sivikit-suinnarmik ingerlaarfiusartuniittunut tunniussinerup ukiumik ilivitsungajammik kinguaattoornermik nassataqartarpoq.

Iluoorluinnarpoq ullormit ullormut pillaammik akiliisitsisarneq pisineq pillugu isumaqatigiissutini nalinginnaasumik ilaaneq ajormat. Kisianni piniartut aalisartullu pineqartilugit taarsiissuteqartoqarnissaanik piunasaqaatit naatsorsoruminaatsorujussuusinnaapput. Isertitat qanoq amerlatigisut annaasaqaataasimappat?

Taamaattumik Pisortaqarfiup ullormit ullormut pillaammik akiliisitsisarneq taarsiissuteqarnermit atorumaneruvaa.

Qulaani taaneqartut tunngavigalugit siumut naatsorsuutigeriigaanngitsunik (assersuutigalugu ajunaarnersuaqarneratigut) pisoqarsinnaaneranik immikkut isiginiqqusat pillugit aalajangersagassatut siunnersuut Pisortaqarfiup piaarnerpaamik saqqummiunnarpaa, tamatumunngalu peqatigitillugu nioqquteqartut kaammattorlugit aalisarnermik piniarnermillu inuussutissarsiortunut inuussutissarsiutigalugu umiatsiaaqqanik nioqquteqartartut naleqqutissusertik takuteqqullugu, inuussutissarsiutinimi taakkunani pitsaassuseqartitsineq pitsaasumillu kiffartuussineq inuussutissarsiummut pingaaruteqarlunnartuummat.

Inuussutissarsiornermut tapersiisarnermik aqqissuussineq nunami maani umiatsiaaqqanik tunisassiorneq qulakkeerniarlugu pilersitaanngilaq, aalisartulli piniartullu naammaginartunik piunasaqaateqarluni naleqquttunik angallateqartinneqarnissaat qulakkeerniarlugu pilersitaalluni.” (Atorfeqarfimmi nutsigaavoq)

Aalisarnermut Piniarnermillu Pisortaqarfik allakkani 23. juni 2003-meersuni qinnuigaara suliami allagaatit, piunasaqaatit assigiiaartunik oqaasertalersugaasut pineqartut akuerineqarnerannut tunngassuteqartut, atukkiuteqqullugit.

A-p pisortaata ilaatigut pisortaqarfimmut, tusagassiuutinut uannullu faxikkut nassiussami 27. juni 2003-meersuni ilaatigut makku oqaatigai:

”Uagut tungitsinnit piffissaq suliamik suliarinninnermut atorneqartoq, imaanngitsoq tunniussineq pillugu aalajangersakkat, Ombudsmandimut saaffiginnissutigineqarsimavoq. Suliaq eqqortumik suliarineqarpat isumaqarpugut Pisortaqarfimmut aqqiagiinnngissuteqarneq aqqinneqarsinnaasoq.” (Atorfeqarfimmi nutsigaavoq)

Pisortaqarfiup allakkani 16. juli 2003-meersuni nalunaarfigaanga suliami allagaatit – aasaanerani sulinnigiffeqartoqarnera pissutigalugu – aat-saat augustip qiteqqunnerani nassiunneqarumaartut.

Suliami allagaatit nassiunneqaqqullugit 19. august 2003-mi, 1. oktober 2003-mi aamma 10. november 2003-mi nukingisaarivunga.

Pisortaqarfiup akissutaanik tigusaqanngiinnarama Kalaallit Nunaanni Naalakkersuisut allakkani 20. januar 2004-meersuni nalunaarfigisariaqarsimavakka suliassaq Inatsisartut uannut suliareqqusaat pisortaqarfiup akis-suteqannginnera pissutigalugu suliarisinnaanngikkiga. Inatsisartut Inatsisit Atortinneqarnerannut Ataatsimiititaliaat qinnuigaara Ataatsimiititaliaq suliamut akuliunniarnersoq nalunaarfigeqqullunga. Suliaq Kalaallit Nunaanni Naalakkersuisunut ulloq taanna nalunaarutigaa, Naalakkersuisullu qanoq iliuseqalersaarnersut nalunaarutigeqqullugu Naalakkersuisut qinnuigalugit. Nalunaarutiginninnerit taakku Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 10, imm. 1 tunngavigalugu pivoq.

Naalakkersuisut Allattoqarfiata allakkani 27. januar 2004-meersuni nalunaarfigaanga Allattoqarfiup pisortaqarfik qinnuigisimagaa saaffiginnisutiga akeqqullugu.

Mappini marlunni suliami allagaatinik imalinni allagaatit assilineri pisortaqarfiup uannut 8. februar 2004-mi nassiuppai.

Pisortaqarfik allakkani 18. februar 2004-meersuni qinnuigaara piumasaaqatit assigiiartunik oqaasertalersugaasut akuerineqarnerannut atatil-lugu inuussutissarsiutigalugu umiatsiaaqqanik nioqquteqartut marluk taakku eqqarsaatigalugit suliami illua'tungiusut isumaannik tusarniaasarneq pillugu malittarisassat atorneqarnerat pillugu oqaaseqaateqaqqullugu.

Pisortaqarfiup nassuiaammik qaqugu suliaqarnissani naatsorsuutigalugu allakkani 4. marts 2004-meersuni, 3. maj 2004-meersuni, 16. maj 2004-meersuni aamma 22. juni 2004-meersuni ilisimatippaanga.

Pisortaqarfiup oqaaseqaataa allakkatigut 19. juli 2004-meersutigut tiguara. Oqaaseqaammi tassani ilaatigut makku oqaatigineqarput:

”...

Makku pillugit erseqqinnerusumik nassuiaasoqarnissaa kissaatigineqarpoq:

- 1) Suliami piumasaaqatit assigiiartunik oqaasertalersugaasut pissutsit A-mut aamma B-mut tunngasut tunngavigalugit ilumut ilusilersorneqarsimanersut akuerineqarsimanersullu.
- 2) Inuussutissarsiutigalugu umiatsiaaqqat inuussutissarsiornermut tapersiisarfimmit taarsigassarsiatigut aningaasalersorneqartut tunniunneqarneranni piumasaaqatit assigiiartunik oqaasertalersugaasut akuerineqarnerat A aamma B eqqarsaatigalugit aalajangiinertut pisortaqarfiup isigissallugu isumaliutersuutigisimaneraa.
- 3) Piumasaaqatit assigiiartunik oqaasertalersugaasut Naalakkersuisunit akuerineqannginneranni A aamma B suliami illua'tungiusutut isumaannik tusarniavigineqarsimanersut.

1)-imut

Kalaallit Nunaanni Namminersornerullutik Oqartussat ukiorpassuarni aalisartunut piniartunullu inuussutissarsiutigalugu umiatsiaaraliorneq tunniussisarnerlu aningaasalersugarisimavaa. Inuussutissarsiutigalugu umiatsiaaqqat taakku inuussutissarsiutinut tapersiisarfimmit 75%-inik tapiissuteqarfigineqartarput, 25%-ilu pisisut namminneq akilertarlugit. Ukiut kingullit 5-10-t ingerlaneranni nutaanik taamaattunik umiatsiaaqqiorfiit mikinerusut annertusiartorsimapput, taamaallitullu umiatsiaaqqanik tunisassiorlut marluk nutaanik umiatsiaaqqiornikkut annertuunik kaaviiartitaqartarsimapput. Taakku tassaapput A aamma B.

Pingaartumik B-p tunniussinermi arlalitsigut ajornartorsiuteqartarnera pissutigalugu pisortaqarfik isumaqarsimavoq ”Umiatsiaaqqat inuussutissarsiornermut tapersiisarfimmit taarsigassarsiatigut aningaasalersorneqartut tunniunneqarneranni piumasaaqatit assigiiaartunik oqaasertalersugaasut” aalajangersarneqarnissaat pisariaqartoq. Piumasaaqatit taakku Naalakkersuisunit 1. maj 2003-mi akuerineqarput. Piumasaaqatit assigiiaartunik oqaasertalersugaasut taakku suliani Kalaallit Nunaanni Namminersornerullutik Oqartussat aalisarnermut, piniarnermut nunalerinermullu tapersiisarneq pillugu Inatsisartut peqqussutaanni nr. 10-mi, 12. november 2001-imeersumi § 6 tunngavigalugu aningaasaleeqataaffigisaanni pisisup tunisisullu akornanni atorineqassapput. Piumasaaqatit assigiiaartunik oqaasertalersugaasut taakku pisisarneq pillugu inatsimmit illua'tungeriit isumaqatigiissuteqarnermikkut saneqqussinnaasaannit allaanerussuteqangaatsiarput. Siunertaasoq tassaasimavoq, pingaartumik B-p tunniussinermi arlaleriarluni ajornartorsiuteqartarsimaneramik tunniussinermilu amigaateqartarneramik pissuteqarluni, piumasaaqatit arlallit umiatsiaaqqanik tapiiffigineqarlutik pisisunut isumaqatigiissutit malillugit tunniussisooqartarnissaanik annertunerusumik qulaakkeerisut erseqqissarneqarnissaanik pisortaqarfiup kissaateqarnerata saqqummiunneqarnissaa.

Inerniliineq tassaavoq piumasaaqatit assigiiaartunik oqaasertalersugaasut taakku pisariaqartinneqalernerat pingaartumik B-mut tunngasuusoq, kisiannili umiatsiaaqqanik taakku pisiarineqarneranni Namminersornerullutik Oqartussat aningaasaleeqataaffigisimasaannik tunniussinerni ataatsimut atorineqassasut.

2)-mut

Piumasaaqatit assigiiaartunik oqaasertalersugaasut aalisarnermut, piniarnermut nunalerinermullu tapersiisarneq pillugu Inatsisartut peqqussutaanni nr. 10-mi, 12. november 2001-imeersumi § 28, imm. 2 tunngavigalugu aalajangersarneqarsimapput. Tamatuma kingornatigut aallaavittut pineqartut tassaasariaqarput inatsisiseqartitsinikkut ataatsimut maleruaqqusat, tassami piumasaaqatit assigiiaartunik oqaasertalersugaasut Naalakkersuisut isummernissaannut tunngavissiami tassaatinneqarmata siunissami pisussani Kalaallit Nunaanni Namminersornerullutik Oqartussat umiatsiaaqqamik pisinermut peqqussummi § 6 tunngavigalugu aningaasaleeqataaffigisaanni pisisunit tunisisunillu atorineqartussat. Inatsiseqartitsinikkulli maleruaqqusat taakku malittarisassat atuuttut naapertorlugit tamanut saqqummiunneqarsimanngillat (assersuutigalugu nalunaarutitut), taamaattumillu piumasaaqatit assigiisaartunik oqaasertalersugaasut taakku innuttaasumut inatsisitigut taanna aqutigalugu sunniuteqarnatik.

B-p pisortaa allakkatigut 5. maj 2003-mi ilisimatinneqarpoq Naalakkersuisut aalajangiisut 2003-mi siunissamilu akuersissuteqarnermi piumasaaqataasoq pisisoq Namminersornerullutik Oqartussanit tapersiivigineqarsinnaassappat piumasaaqatit assigiiaartunik oqaasertalersugaasut umiatsiaaqqamik pisisup tunisisullu isumatigiissutaannut tunngavittut atorineqassasut. Allakkani taaneqartuni ilusiliineq tassaavoq pisisoq tunisisorlu tassaasut pisineq/tunisineq pillugu isumaqatigiissumminni piumasaaqatinik assigiiaartunik oqaasertalersugaasunik ilanngussinissaminnik

”nammineq piumassusertik tunngavigalugu” isumaginnittussat. Taamaattorli ”nammineq piumassuseq tunngavigalugu” iliuseqarneq taanna sunniuteqangaanngilaq, tassami tunisassiorlut qulaani taaneqartut tunisassiorneranni pisisup Namminersornerullutik Oqartussanit aningaasaliiffiqarsinnaanera apeqqaasorujussuummat, aamma pisisoq piumasaqaatitigut assigiiaartunik oqaasertalersugaasutigut neqerootigineqartunit pitsaanerusumik isumaqatigiissuteqarsinnaasoq eqqarsaatigalugu.

Tamatuma kingornatigut aallaavittut pineqartoq tassaavoq ”aalajangiineq”, tassa imaappoq oqaaseqaat pisumi pineqartumi suup atuuttuuneranik imaluunniit atuuttuusussaaneranik aalajangersaasoq.

Piumasaqaatit assigiiaartunik oqaasertalersugaasut siunertaat tassaasimavoq umiatsiaaqqat amutsivinnit, pingaartumillu B eqqarsaatigalugu, pisisunut isumaqatigiissut malillugu tunniunneqartarnissaannik annertunerusumik qulakkeeriniarneq. Piumasaqaatit assigiiaartunik oqaasertalersugaasut ”isumaqatigiissuteqarnertut” imaluunniit ”inuinnaat akornanni inatsiseqartitsinikkut iliutsitit” isigineqarsinnaanersut misissorneqartariaqarpoq. Tassami suliassat suliarineqartarnerat pillugu inatsit ”isumaqatigiissuteqarnertut imaluunniit inuinnaat akornanni inatsiseqartitsinikkut iliuseqarnertut atuutinnimmat”, suliassat suliarineqartarnerat pillugu inatsimmi kap. 2-mi malittarisassat eqqaassanngikkaanni, tak. suliassat suliarineqartarnerat pillugu inatsimmi § 2, imm. 1 aamma imm. 2.

Pisortaqarfik isumaqarpoq ilusiliineq manna suliassat suliarineqartarnerat pillugu inatsimmi atuutsitsinninnissamut immikkut aalajangersakkat atuuffianut kukkusumik inissinneqarsimasoq, tassami atuutsitsinninnissamut aalajangersakkat atuuffiat tassaasariaqarmat pisortat aningaasat pillugit inatsiseqartitsinermut imaluunniit pigisanik aalajangersaasarneq pillugu inatsiseqartitsinermut tunngasuni illua’ tungiullutik inissisimaffiat, oqartussaassutsumik atuutsitsinermut taamatut attuumasuteqartinnagu. Pisumi matumani inuinnaat marluk, tassalu pisisup tunisisullu akornanni inatsiseqartitsinermut tunngasut ingerlatsiviup aalajangersarpari, tassa suliami suliassaqarfimmi pineqartumi oqartussaassutsumik atuutsitsinermut toqqaannartumik attuumasuteqartumi, tassalu angallammik pisinermi tapersiinermut.

Taamaattumik pisortaqarfiup paasinninnera unaavoq pineqartoq tassaasoq oqartussaassutsumik atuutsitsinermut ilaatillugu aalajangiineq, tak. A aamma B eqqarsaatigalugit suliassat suliarineqartarnerat pillugu inatsimmi 2, imm. 1.

### 3)-mut

B-p pisortaa suliami illua’ tungiusutut isumaanik pisortaqarfiup pisortatigoortumik tusarniaavigisimannngilaa. Pisortaqarfiulli oqaatigaa B-p pisortaata allakkamini 1. aprilimi ullulerneqarsimasuni (aamma allakkamini 29. april 2003-mi ullulerneqarsimasuni) nammineq erseqqissaraa piumasaqaatit assigiiaartunik oqaasertalersugaasut assilinerat pisortaqarfimmi atorfeqartitaasumit pissarsiarisimagini, taakkulu tassaasut missingiutit, taakkulu pillugit oqaaseqaateqarsinnaalluni.

B-p pisortaata allagaani 29. april 2003-meersuni oqaatigineqarpoq isumaqatigiissutigineqartoq (allakkani 1. april 2003-mi ullulerneqarsimasuni) piumasaqaatit assigiiaartunik oqaasertalersugaasut taakku pillugit oqaaseqaatit allaffimmi pisortatut akisussaasumut 2. april 2003-mi tunniunneqarsimasut. Naalakkersuisut piumasaqaatit assigiiaartumik oqaasertalersugaasut pillugit 1. maj 2003-mi aalajangiippat.

B-p pisortaata akerriliissutai piumasaqaatit assigiiaartunik oqaasertalersugaasut suliarineqarnerannut atatillugu isumaliutersuutigineqarsimapput. Tamanna Aalisarnermut Piniarnermullu Naalakkersuisup B-mut ingerlatitatus allagaani 5. maj 2003-mi ullulerneqarsimasuni B-p pisortaanut malugeqqullugu oqaatigineqarpoq. Tamatumaa saniatigut pisortaqarfimmit allakkat marluk 2. juni 2003-meersut tullerinneri



malillugit aamma 22. juni 2003-meersut ingerlatinneqarsimapput, B-llu pisortaata akerliliissutai pillugit taakkunani oqaaseqaateqartoqarsimalluni.

Inerniliineq tassaavoq B-p pisortaa suliami illua'tungiusutut isumaanik pisortaqarfiup pisortatigoortumik tusarniaavigisimannigikkaa. Taamaattorli pisortaqarfik isumaqarpoq B-p pisortaa aalajangiineq pillugu oqaaseqaateqarnissaminut periarfissaqarsimasoq, kiisalu B-p pisortaata piimasaqaatit assigiiartunik oqaasertalersugaasut pillugit akunnattuungassutai inaarutaasumik aalajangiinermut ilaatillugit suliarineqarsimasut, suliasat suliarineqartarnerat pillugu inatsimmi § 19 kiisalu suliami illua'tungiusup isumaanik tusarniaasarneq pillugu inatsiseqartitsinikkut tunngaviusoq inatsisitigut aalajangersagaanngitsoq naapertorlugit.

A eqqarsaatigalugu suliami illua'tungiusup isumaanik pisortatigoortumik aamma tusarniaasoqarsimannigilaq. Taamaattorli pisortaqarfiup oqaatigaa amutsivik pineqartoq B-p suliami tassani sinniisuuffigisimagaa." (Atorfeqarfimmi nutsigaavoq)

A aamma B pisortaqarfiup oqaaseqaataa pillugu oqaaseqaatissaqarsimannigillat.

*Tamatuma kingornatigut imaattunik oqaaseqaateqarpunga:*

"1. Misissuinerma killissalersorneqarnera

*Uannut naammagittaalliuutaaqqaartoq 11. juni 2003-meersoq piimasaqaatit assigiiartunik oqaasertalersugaasut pillugit naammagittaalliuutit oqaasertalersugaavoq. A-p telefaxikkut nassiussamini 27. juni 2003-meersuni erseqqissarlugu oqaatigaa uannut naammagittaalliuut taamaallaat pisortaqarfiup suliamik suliarinninneranut tunngasuusoq, tassalu tunniussineq pillugu aalajangersakkanut tunngasuunngitsoq.*

*Pisortaqarfimmut tusarniaanera tamanna tunngavigalugu taamaallaat piimasaqaatit assigiiartunik oqaasertalersugaasut akuerineqarnissaat sioqqullugu suliamik suliarinninnermut tamatumunngalu atatillugu nioqquteqartut taakku marluk suliami illua'tungiusutut isumaannik tusarniaavigineqartariaqarnerat pillugu apeqqummut tunngatinneqarpoq.*

*Ataani (imm. 3-mi) ersertutut manna tunngaviutittariaqarakku, tassalu nioqquteqartut piimasaqaatit assigiiartunik oqaasertalersugaasut Naalakkersuisunit akuerineqannginneranni taakku pillugit oqaaseqaateqarnissaminut periarfissaqarsimasut, pisortaqarfiup suliamik suliarinninnera pillugu annertunerusumik misissuineramik aallartitsinissamut massakkut pissutissaqarsimannigilanga.*

*Tamatumunnga atatillugu aamma pingaartillugu isiginiarpara piimasaqaatit assigiiartunik oqaasertalersugaasut pisortaqarfiup nioqquteqartunut 5. maj 2003-mi nassiussimagai, pisortaqarfillu allakkani 22. juni 2003-meersuni nioqquteqartut akerliliissutaat pillugit oqaaseqaateqarsimasoq.*

*Aamma maluginiarpara pisortaqarfiup – nioqquteqartunut allakkani 22. juni 2003-meersuni nalunaarutigineqartutut – piimasaqaatini assigiiartunik oqaasertalersugaasuni tunniussineq pillugu aalajangersakkat eqqarsaatigalugit siumut naatsorsuutigeriigannigitsunik (assersuutigalugu aju-*

naarnersuaqarneratigut) pisoqarsinnaanerani immikkut isiginiaqqusat ataqqiniarai, pisortaqarfillu (piumasaqaatini assigiiaartunik oqaasertalersugaasuni) taamaattussat siunnersuummik piaarnerpaamik saqqumiussiniartog. Taamaattorli oqaatigaara pisisup nioqquteqartullu akornanni atugassarititaasut piumasaqaatini assigiisaartunik oqaasertalersugaasuni 1. maj 2003-meersuni atugassarititaasut assingi atorlugit isumaqatigiissuteqartoqarsimappat, tassalu siumut naatsorsuutigeriigaanngitsunik (assersuutigalugu ajunaarnersuaqarneratigut) pisoqarsinnaanerani immikkut isiginiaqqusanik taaneqartunik ilaqartinneqanngitsunik, nioqquteqartut siumut naatsorsuutigeriigaanngitsunik (assersuutigalugu ajunaarnersuaqarneratigut) pisoqarsinnaanerani immikkut isiginiaqqusaannik pisortaqarfiup ataqqinnikkumalluni neriorsuutaa qanoq iliorluni piviusunngortinneqassanersoq uannut erseqqarluttoq.

Piumasaqaatinik assigiiaartunik oqaasertalersugaasunik aalajangersaanissamat inatsisitigut tunngavigineqartoq eqqarsaatigalugu aalisarnermut, piniarnermut nunalerinermullu tapersiisarneq pillugu Inatsisartut peqqussutaanni nr. 10-mi 12. november 2001-imeersuni § 28, imm. 2 pisortaqarfiup innersuussutigisimavaa. Aalajangersagaq taanna malillugu iliniartitaanikkut, aningaasaqarnikkut teknikkikkullu piumasaqaatit taarsigassarsisitsisoqannginnerani qinnuteqartup ingerlanniakkallu eqqortissimasassa at pillugit malittarisassanik Naalakkersuisut aalajangersaasinaapput. Piumasaqaatit assigiiaartunik oqaasertalersugaasut paasissutissiissutigineqartut malillugit peqqussummi § 6 tunngavigalugu tapiissutini akuersissuteqarnermut tunngavittut atorineqartussaapput. Taamaattorli inatsisitigut tunngavigisaq pillugu apeqqut annertunerusumik misissuiffiginiarsimanngilara, tassami pingaartillugu isiginiarakku § 6 aalajangersakkatut naliliinermik tunngaveqartutut oqaasertalersugaasoq, nalinginnaasumillu naatsorsuutigineqarmat ingerlatsivimmi akuersaartumik aalajangiinernut naliliinermik tunngaveqartunut piumasaqaatit (suliamut attuumassuteqartut) atatinneqarsinnaasut.

## 2. Suliassat suliarineqartarnerat pillugu inatsimmi aalajangiinermik suliamilu illua tungiusup isumaanik tusarniaanermik oqartarneq

Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq aallaavittut ”sulianik ingerlatsinermut oqartussaasunit aalajangiiffigineqarsimasunik aalajangiiffigineqarumaartunillu suliarinninnermut atortuuvoq”, tak. inatsimmi § 2, imm. 1.

Inatsisissatut siunnersuummi § 2, imm. 1 pillugu oqaaseqaatini makku ilaatigut oqaatigineqarput:

”Inatsit suliassat inatsisinut tunngasut tamanut atortussat, soorlu peqqussutit aamma pilersaarutit assigiinngitsut, suliarineqartarnissaat pillugu suliassanut aamma ingerlatsinermut tunngasut erseqqissut suliarineqartarnissaat pillugu suliassanut najoqqutarisassatut atortuuvoq.



*Inatsisissatulli siunnersuummi § 9, imm. 1-imi, § 10, imm. 1-imi, § 20, imm. 1-imi, § 21-mi aamma § 22, imm. 1-imi aalajangersakkat suliami peqataasumik erseqqinnerusumik taaneqartunik pisinnaatitaaffeqalersitsisut oqaasertaliugaanerisa kingunerissavaat peqataasup suliassamut tunngasunik ilisimasaqarnera pillugu (kapitali 4), peqataasup isumaanik tusarniaaneq pillugu (kapitali 5) aamma ingerlatsivinni aalajangiinernik tunngaviliisarneq pillugu (kapitali 6) malittarisassat peqqussutit tamanut atortut imaluunniit pineqaatissiissutissat nalinginnaasut pillugit suliassanik suliaqartarnissani atorineqannginnissaat.”*

*§ 2, imm. 1 piareersarlugu sulianit taamaalilluni ersepoq ingerlatsiviup erseqqissumik aalajangiinerni aamma ataatsimut maleruaqqusat aalajangiinermik oqartarnermi pineqartunut ilaatinneqartut.*

*Suliassalli suliarineqartarnerat pillugu inatsimmi aalajangersakkat amerlanersaat taamaallaat sulianut aalajangiiffigineqartunut aalajangiiffigineqartussanulluunniit inuup ataatsip arlallillunniit ”suliami illua’tungiusutut” isigineqarfigisinnaasaanut atuuttuupput.*

*Taamaalilluni suliassat suliarineqartarnerat pillugu inatsimmi suliami illua’tungiusup isumaanik tusarniaasarneq pillugu § 19-ikkut aalajangersakkap oqartussaasoq pisussaaffilerpaa nammineq suliniuteqarnermigut paasissutissanik aalajangersimasunik suliami ”illua’tungiusumut” saqqummiussinissaanut. Oqartussaasup suliami aalajangiinnginnerani suliami illua’tungiusoq paasissutissat taakku pillugit oqaaseqaateqarnissaminut periarfissaqartinneqassaaq.*

*Suliami illua’tungiusoq eqqarsaatigalugu § 19-imi (inatsisissatut siunnersuummi § 18-iusumi) suliami illua’tungiusup isumaanik tusarniaasarneq pillugu malittarisassamut atatillugu immikkut oqaaseqaatini makku ilaatigut oqaatigineqarput:*

*”Taanna naapertorlugu oqartussaasut sulissutiginninneratigut oqaaseqaateqartussaataasussaq tassaavoq suliassami peqataasoq. Suliassami peqataasumik oqarnermi kina pineqartoq inatsimmi namminermi erseqqissarneqarnerunnigilaq, paasineqassallunili ingerlatsineq pillugu inatsisini suliassami peqataasumik oqartarnerq naapertorlugu aamma inunnut tamanut isertuussinnginnissamik inatsimmi atortuusumi §§ 10 12-ilu tunngavigalugit oqaatsip taassuma qanoq isumaqartinneqaleriartorneranut naapertuuttumik. Oqaatsimi tassani pineqarajupput kinaluunniit imaluunniit kikkulluunniit aalajangerneqartumik nalunaarfigineqartussat, kisiannili aamma inuinaat inatsisinillu paasisimannittut allat suliami peqataasutut naatsorsuunneqarsinnaapput. Nalornisoornernik pisoqartillugu pingaartinnerusariaqarpoq inuit taakku suliaminnik soqutiginninnerisa qanoq annertutiginerat soqutiginninnerullu suliap inerneriumaagassaanut qanoq tunngatiginera. Ingerlatsineq pillugu inatsimmi suliami peqataaernerik oqartarnermi eqqarsaatigineqartunut tunngatillugu innersuussutigineqarsinnaapputtaaq inatsisissatut siunnersuummi § 9, imm. 1-imit nassuiaatit.*

*Inuup oqartussaasut suliami aalajangiineranni attorneqartup attorneqarumaartulluunniit suliassami peqataasariaqarneranik apeqqummi paaseqqaagassaq tassaavoq inuk taanna suliami tamatumalu inernerisassaanut ima soqutiginnitsigisimanersoq suliassap suliarineqarnerani piginnaatitaaffigiumasaasa ilaannut akuerisariaqarluni.”*

*Qulaani issuarneqartuni inatsisissatut siunnersuummi § 9 pillugu oqaaseqaatit innersuussutigineqarput, taakkunanilu makku ilaatigut oqaatigineqarput:*

*”Inunnut tamanut isertuussinnginnissamik inatsimmi § 10-mi killilernerqarput inuit suliami peqataallutik ima taaneqartut ”qinnuteqartut, naammagittaalliortut aamma suliami peqataasut allat”. Inatsisissatut siunnersuummi suliami peqataasooq qanoq paasineqassasoq erseqqissumik nassuiarneqanngilaq, paasineqassaarli inunnut tamanut isertuussinnginnissamik inatsit najoqqutaralugu oqaatsip taassuma imarisaata qanoq paasineqaleriartornera naapertorlugu. Inatsisissatut siunnersuummi suliami peqataasut pineqarput siullermik qinnuteqartut, tassa imaappoq inuit ikiorneqarnissamik, akuerineqarnissamik assigisaannilluunniit ingerlatsinermi oqartussaasunut qinnuteqaateqartut. Aammattaaq pineqarput naammagittaalliortut, tassa imaappoq inuit naammagittaalliorsinnaasutut suliamut imminnerminnut tunngasumik saqqummiussiffiqeqquneqartumut naammagittaalliummik tunniussaqaarsimasut. Aamma inuit inerterneqartut peqqusiffigineqartulluunniit imaluunniit taama pineqarumaartut suliami peqataasutut naatsorsuunneqassapput. Taamaalilluni suliami peqataasutut pineqarajupput namminerminnut tunngasumik aalajangerneqartumik ilisimatinneqartussat, aammali inuit allat inatsisinik paasisimasaliunngitsut paasisimasallilluunniit suliami peqataasutut naatsorsuunneqarsinnaapput. Suliassat ilaanni aamma soorlu kommunit allallu pisortatut oqartussaasut suliami peqataasutut naatsorsuunneqarsinnaapput.*

*Nalornisoorfiusinnaasunik pisoqartillugu pingaartumik tunngavigisariaqarput nalornisoorfutaasup taassuma suliami soqutiginninnerata qanoq annertutiginera aammalu soqutiginninnerup suliap inerneriumaagassaanut qanoq tunngatiginera. Inunnut tamanut isertuussinnginnissamik inatsimmut atortuusumut atatillugu periaasiuleriartortumut naapertuuttumik suliami peqataasumik oqartarnermi salliuti-taasarpoq kinaluunniit suliap ingerlanneqartup aalajangiiffigineqartulluunniit inernerisassaanik ima soqutiginnitsigisoq pisortatigut ingerlatsinermi inatsisaa-sumi malittarisassat nalinginnaasut malillugit aalajangiinerup naammagittaalliu-tigineqarneranik aalajangiisussamut qulliusumut saqqummiussisussaviusutut ima-luunniit eqqartuussisumut suliassanngortitsisussaasutut isigisariaqarluni.*

*...  
Suliami peqataanermik oqaaseq atorineqarneruneq ajorpoq peqqussutinik tamanut atortunik naammassinninnissaq imaluunniit iliuutsinik nalinginnaasutut pissuseqartunik iliuuseqarnissaq pillugit suliani. Iliuutsit nalinginnaasut tassaasin-naapput ilaatigut tamanut atortussanik pilersaarustorneq.  
...”*

*3. Piumasagaatit assigiiaartunik oqaasertalersugaasut akuerineqarneranni A aamma B eqqarsaatigalugit suliassat suliarineqartarnerat pillugu inatsisip atorineqarnera*

### *3.1. Aalajangiinermik oqartarneq*

*Piumasagaatit assigiiaartunik oqaasertalersugaasut paasissutissiissutigineqartut malillugit Naalakkersuisunit 1. maj 2003-mi akuerineqarput.*

*Pisortaqarfimmit oqaatigineqartutut piumasaqaatit assigiiaartunik oqaasertalersugaasut taakku "qilersuisunngortinniarlugit" ilusiliineq tassaavoq taakku inuussutissarsiutigalugu umiatsiaaqqamik tunniussinermit pisisup nioqquteqartullu akornanni isumaqatigiissummut ilaasutut akuerineqassasut.*

*Taamaattorli allanik atugassaqaartitaalluni pisinermit isumaqatigiissutitut atatillugu isumaqatigiissutaanera/nammineq piumassusermut tunngasuteqarnera killilerujussuavoq, tassami piumasaqaatit assigiiaartunik oqaasertalersugaasut akuerineqarnerannut peqatigitillugu Naalackersuisut aalajangermata aalisarnermut, piniarnermut nunalerinernullu taper-siisarneq pillugu Inatsisartut peqqussutaanni nr. 10-mi, 12. november 2001-meersumi § 6 tunngavigalugu inuussutissarsiutigalugu umiatsiaararsinermit taper-siissuteqarnermit qilersuisumik tunngaviussasoq taper-serneqarnissamik qinnuteqartoq (inuussutissarsiutigalugu umiatsiaaqqamik pisisoq) pisineq tunniussinerlu pillugit nioqquteqartumut isumaqatigiissuteqarsimassasoq, piumasaqaatit assigiiaartunik oqaasertalersugaasut Naalackersuisunit akuerisaasut taakku tunniussineq pillugu isumaqatigiissummi ilaatinneqarfiannik.*

*Taamaattumik pisortaqarfik oqarmat isumaqatigaara piumasaqaatit assigiiaartunik oqaasertalersugaasut taamatut atugassaqaartitsinermit (ataatsimut) maleruaqqusatut qilersuisuusutorpiaq isigineqartariaqartut.*

*Taamaattumillu piumasaqaatit assigiiaartunik oqaasertalersugaasut akuerineqarnerat "aalajangiinertut" suliassat suliarineqartarnerat pillugu inatsimmi § 2, imm. 1-imi pineqartunut ilaatinneqartutut isigisariaqarpoq.*

### 3.2. Suliami illua tungiusumik oqartarneq.

*Piumasaqaatit assigiiaartunik oqaasertalersugaasut ataatsimut tunngatitaasutut oqaasertalersugaapput, taamaattumillu Kalaallit Nunaanni Namminersornerullutik Oqartussat pisinermit aningaasaleeqataassappata inuussutissarsiutigalugu umiatsiaaqqanik nioqquteqartunut (pisisunnullu) tamanut atuuttuullutik.*

*Suliassat suliarineqartarnerat pillugu inatsimmi § 2, imm. 1-ip, § 19-ip aamma § 9-p piareersarlugit suliarineqarneranni suliani oqaatigineqartutut "malittarisassaq pingaarneq" tassaavoq suliami illua tungiusumik oqartarneq ataatsimut maleruaqqusat akuerineqarneranni ator-neqassanngitsoq.*

*Piumasaqaatilli assigiiaartunik oqaasertalersugaasut taaneqartut akuerineqarnerannut atatillugu pisortaqarfik isumaqatigaara oqarmat A aamma B suliami illua tungiusutut isigineqartariaqartut, taamaattumillu piumasaqaatit assigiiaartunik oqaasertalersugaasut akuerineqarnissaat sioqqullugu suliami illua tungiusutut isumaannik tusarniaavigineqarsimasariaqaraluartut.*

*Pingaartillugu isiginiarpara piunasaqaatit ataatsimoortunik oqaasertalersugaasut ataatsimut tunngasunik oqaasertalersugaagaluarlutik paasissutissiissutigineqartut malillugit A-morpiaq aamma B-morpiaq sammititaasut. Kalaallit Nunaanni inuussutissarsiutigalugu umiatsiaaqqanik tunisassortut pingaarnertut marluinnaanerannik pisorta qarfiup oqarsimanera innersuussutigaaara. Piunasaqaatit assigiiaartunik oqaasertalersugaasut suliarineqarnerannut nioqquteqartut taakku marluk, pingaartunik aappaata tunniussinermi ajornartorsiuteqartarsimanera amigaateqartarsimanerallu pillugit pisorta qarfiup paasissutissiisimanera aamma innersuussutigaaara.*

*Nioqquteqartut pineqartut suliami illua'tungiunerannik naliliininni makku aamma pingaartillugit isiginiarpakka, tassalu pisorta qarfiup allakkani 19. juli 2004-mi oqaatigisimagaa piunasaqaatit assigiiaartunik oqaasertalersugaasut taakku pisisarneq pillugu inatsimmit illua'tungeriit isumaqatigiissuteqarnermikkut saneqqussinnaasaannit allaanerussuteqangaatsiartut. Tamanna imatut paasivara assigiinngissutit nioqquteqartunut nanertuutaasut aalajangersimasut pineqartut, taamaattumillu nioqquteqartut soqutigisaat piunasaqaatit assigiissaartunik oqaasertalersugaasut akuerineqarnerannut atatillugu annertuutut isigisariaqartut.*

*Piunasaqaatit assigiiaartunik oqaasertalersugaasut pisisup nioqquteqartullu akornanni akuerineqarnerat inuussutissarsiutigalugu umiatsiaaqqamik pisinermi inuussutissarsiornermut tapersiissutinik tapersiissuteqar-nissamat tunngaviuvoq, qinnuteqartullu (pisisussap) Inatsisartut peqqusutaanni § 6 tunngavigalugu tapersernejassanerannik suullu piunasaqaatigalugit (matumani piunasaqaatit assigiissaartunik oqaasertalersugaasut ilanngullugit eqqarsaatigalugit) tapersiisoqassanerannik kingusinnerusuk-kut aalajangiinernut atatillugu nioqquteqartut suliami illua'tungiusutut inissisimanerat pisorta qarfiup pingaartillugu (aamma) isiginiarsimagunannigilaa. Tamanna tunngavigalugu erseqqippoq nioqquteqartut suliami illua'tungiusutut isumaannik tusarniarneqarnissaannik pisariaqartitsinerat – piffissaq eqqarsaatigalugu – piunasaqaatinik assigiiaartunik oqaasertalersugaasunik Naalakkersuisut akuerinninnerata nalaaneereersaq.*

*Pisorta qarfiup allakkani 19. juli 2003-meersuni (imm. 2-mi) oqaatigaa nammineq piunassutsimut tunngasortaa "aamma pisisoq piunasaqaatitigut assigiiaartunik oqaasertalersugaasut neqeroortutigineqartunit pitsaanerusumik isumaqatigiissuteqarsinnaasoq eqqarsaatigalugu" annikitsuararsuarmik sunniuteqartoq. Kisianni nioqquteqartut taakku marluk piunasaqaatit assigiissaartunik oqaasertalersugaasut akuerineqarnerannut atatillugu suliami illua'tungiusutut inissisimanerat nioqquteqartunut tamarmiunut aamma siunissami pisisartuusinnaasunut sanilliullugu naliiffigineqassapat tunngaviuttippara nioqquteqartut tassaasut immikkut nanertuutaasumik eqqugaasut. Innersuussutigaaara pisorta qarfiup allakkani 19. juli 2004-mi oqaatigisimagaa piunasaqaatit assigiiaartunik oqaasertalersugaasut taakku pisisarneq pillugu inatsimmit illua'tungeriit isu-*

*maqatigiissuteqarnermikkut saneqqussinnaasaannit allaanerussuteqangaatsiartut. Tamanna imatut paasivara assigiinnngissutit nioqquteqartunut nanertuutaasut aalajangersimasut pineqartut. Taamaattoqarpat nioqquteqartut piumasaqaatit assigiiaartunik oqaasertalersugaasut ilusilersorneqarneranni pisisinnaasunut nioqquteqartuusinnaasunullu tamarminusunut sanilliullutik (nanertuutaasut eqqarsaatigalugit) tamarmik ataa-siakkaarlutik soqutigisaqartuusutut naatsorsuutigisariaqassapput.*

*Tamanna tunngavigalugu pisortaqarfik isumaqatigaara oqarmat A aamma B piumasaqaatit assigiiaartunik oqaasertalersugaasut akuerineqarnerannut atatillugu suliami illua tungiusutut inissisimatinneqarsimariaqaraluartut.*

### *3.3. Nioqquteqartut taakku marluk suliami illua tungiusutut isumaannik tusarniaavigineqarnerat*

*Pisortaqarfiup allakkani 19. juni 2004-meersuni oqaatigaa pisortaqarfiup nioqquteqartut taakku marluk pisortatigoortumik tusarniaavigisimanngikkai, nioqquteqartullu oqaaseqaataat pisortaqarfiup 2. april 2003-mi tigusimagai, oqaaseqaatit taakku piumasaqaatit assigiiaartunik oqaasertalersugaasut suliarineqarnerannut atatillugu isumaliutersuutigineqarsimasut, aamma piumasaqaatit assigiiaartunik oqaasertalersugaasut taakku Naalakkersuisunit 1. maj 2003-mi akuerineqarsimasut. Taamaattumik oqaaseqaatit taakku pisortaqarfiup paasinninnera malillugu suliasat suliarineqartarnerat pillugu inatsimmi § 19 naapertorlugu suliarineqarsimapput.*

*Suliasat suliarineqartarnerat pillugu inatsimmi § 19, imm. 1 suliami aalajangiisoqannginnerani paasissutissanik (paasissutissarpianik) pingaaruteqartunik nanertuutaasunillu suliami illua tungiusunut nammineq suliniuteqarnikkut saqqummiussinissamut, suliamilu illua tungiusut paasissutissat taakku pillugit oqaaseqaateqarnissaminnut periarfissinneqarnissaannut oqartussaasup pisussaaffeqarneranik imaqarpoq.*

*Taamaattumik uanga paasinninnera malillugu pisortaqarfiup piumasaqaatit assigiiaartunik oqaasertalersugaasut pillugit missingiummik A-p aamma B-p taanna pillugu oqaaseqaateqartinneqarnissaat siunertaralugu saqqummiussisimanninnera ajuusaarnartuuvoq. Pisortaqarfik oqaaseqaateqartoqarnissaanut piffissaliussamik aalajangersaasimasinnaagaluarpog.*

*Suliami illua tungiusut isumaannik tusarniaasarneq pillugu malittarisassat siunertaat tassaavoq suliami illua tungiusut suliami paasissutissatigut tunngavippiaasut pillugit oqaaseqaateqarfiginninnissamut, naqqiisuteqarnissamut ilassuteqarnissamullu periarfissinneqarnissaat. Taamaattumik erseqqippoq suliami illua tungiusup isumaannik tusarniaaneq suliami aalajangiisoqannginnerani aallartisarneqassasoq.*

*Piomasagaatit assigiiaartunik oqaasertalersugaasut aatsaat 1. maj 2003-mi akuerineqarnerannik pisortaqarfiup paasisutissiissutaa eqqarsaatigalugu pisortaqarfiup B-mut allakkani 23. april 2003-mi ullulernerqarsimasuni (taamatut paasisariaqakkannik) piomasagaatinut assigiiaartunik oqaasertalersugaasunut, 23. april 2003-mi (siusinnerusukulluunniit) akuerineqareersimasunullusooq, innersuussinera uanga paasinninnera malillugu pitsaasuunngilaq.*

*Nioqquteqartut oqaaseqaataasa piomasagaatinik assigiiaartunik oqaasertalersugaasunik pisortaqarfiup suliarinninneranut atatillugu tigueqarsimanerannik isumaliutersuutigineqarsimanerannillu pisortaqarfiup paasisutissiissutaa eqqarsaatigalugu tunngaviutittariaqarpara – suliami illua tungiusut isumaannik tusarniaasarneq pillugu malittarisassat siunertaat eqqortinneqarsimassappat – nioqquteqartut oqaaseqaataat piomasagaatit assigiiaartunik oqaasertalersugaasut Naalakkersuisunut akuerisassanngorlugit inassuteqaatigineqannginneranni pisortaqarfiup isumaliutersuutigisimagai. Tamanna tunngavigalugu nioqquteqartut siumut naatsorsuutigeriigaanngitsunik (assersuutigalugu ajunaarnersuaqarneratigut) pisoqarsinnaanerannik immikkut isiginiaqqusat pillugit oqaaseqaataasa piomasagaatit assigiisaartunik oqaasertalersugaasut 1. maj 2003-mi akuerineqannginneranni taakkununga ilanngunneqareersimannginnerat tupigusuutigineqarsinnaavoq. Innersuussutigaara nioqquteqartut taakku oqaaseqaatiminni, pisortaqarfiup 2. april 2003-mi tigusimasaani nioqquteqartut umiatsiaaqqamik tunniussineranni nioqquteqartup akissusaaffia eqqarsaatigalugu siumut naatsorsuutigeriigaanngitsunik (assersuutigalugu ajunaarnersuaqarneratigut) pisoqarsinnaanerannik immikkut isiginiaqqusanik ilanngussisoqarnissaa qinnutigisimagaat. Piomasagaatit assigiiaartunik oqaasertalersugaasut pisortaqarfiup Naalakkersuisunut akuerisassanngorlugit inassuteqaatigisai siumut naatsorsuutigeriigaanngitsunik (assersuutigalugu ajunaarnersuaqarneratigut) pisoqarsinnaanerannik immikkut isiginiaqqusanik taamaattunik imaqanngillat. Aatsaat piomasagaatit assigiiaartunik oqaasertalersugaasut akuerineqarnerisa kingornatigut pisortaqarfiup allakkani 22. juni 2003-meersuni nalunaarutigaa siumut naatsorsuutigeriigaanngitsunik (assersuutigalugu ajunaarnersuaqarneratigut) pisoqarsinnaanerannik immikkut isiginiaqqusat pisortaqarfiup ataqqiniarai, piomasagaatinilu assigiiaartunik oqaasertalersugaasuni siumut naatsorsuutigeriigaanngitsunik (assersuutigalugu ajunaarnersuaqarneratigut) pisoqarsinnaanerannik immikkut isiginiaqqusat pillugit aalajangersagassatut siunnersuut pisortaqarfiup piaarnerpaamik saqqummiunnaraa.*

*Pisortaqarfiulli allagaani 19. juni 2004-meersuni pisortaqarfiup paasisutissiissutai isiginiarlugit tunngaviutittariaqarpara uku eqqortuusut, tassalu nioqquteqartut piomasagaatit assigiiaartunik oqaasertalersugaasut aalajangiivigineqannginneranni taakku pillugit oqaaseqaateqarnissaminut periarfissaqarsimasut, oqaaseqaatillu taakku piomasagaatit assi-*



giiartunik oqaasertalersugaasut 1. maj 2003-mi akuerineqannginneranni pisortaqarfiup isumaliutersuutigisimagai. Oqaatigiinnartariaqarparali piumasagaatit assigiiartunik oqaasertalersugaasut akuerineqarnerisa kingunitsiannuatigut pisortaqarfik isumaqarsimasoq nioqquteqartut siumut naatsorsuutigeriigaanngitsunik (assersuutigalugu ajunaarner-suaqarneratigut) pisoqarsinnaaneraniq immikkut isiginiqqusat pillugit oqaaseqaataat piumasagaatinut assigiiartunik oqaasertalersugaasunut ilanngunneqartariaqartut (-qarsimasariaqaraluartut), taamaattumillu tamanna pillugu siunnersuut pisortaqarfiup saqqummiunnaraa.

Tamakku tunngavigalugit pisortaqarfiup suliamik suliarinneqqilernissaanik inassuteqaateqarnissannut tunngavissaqarsimangilanga.

4. Allakkama akineqarnerannut atatillugu piffissaq pisortaqarfiup suliamik suliarinninnermut atugaa

Pisortaqarfik allakkani 23. juni 2003-meersuni qinnuigaara suliami allagaatit atukkiuteqqullugit. Allagaatit taakku 8. februar 2004-mi tiguakka, tassa imaappoq qinnuteqarninnit qaammatit arfineq marluk sinnerlugit ingerlareersut, kiisalu Kalaallit Nunaanni Inatsisartunut Naalakkersuisunullu nalunaarutiginnittariaqareernerma kingornatigut.

Isumaqarpunga suliami allagaatinik tunniussinnermut atatillugu piffissap pisortaqarfiup suliamik suliarinninnermut atugaata sivisussusia ajuusaarnarluinnartuusoq. Suliami allagaatinik nassiuussiniarnermut pisortaqarfiup qaammatinik arfineq marlunnik atuisimanera isiginiarlugu aamma isumaqarpunga pisortaqarfiup tusarniaaninnut 18. februar 2004-meersumut akissuteqarniarnermini suli qaammatit tallimat atoqqissimmagut ajuusaarnartuusoq.

Suliami matuma kingornatigut annertunerusumik iliuuseqaqqissanngilanga, suliamilu allagaatit tigusimasakka utertillugit nassiullugit.

A aamma B allakkatigut allatigut qulaani taaneqartunik ilisimatinneqarput."

## 96. Pigisat pillugit inatsiseqartitsineq.

1. **DR1-ip aamma DR2-ip aallakaatittagaannik najukkami aallakaatitsinissap itigartitsissutigineqarnera aamma KNR-ip Danmarks Radiomut TV2 Danmarkimullu isumaqatigiissutaani allagaatinik paasitinneqarnissamik qinnuteqaatip KNR-imit itigartitsissutigineqarnera pillugit naammagittaalliutit.**

*Najukkami aallakaatitsisartup Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik aamma Kalaallit Nunaata Radioa Ombudsmandimut naammagittaalliutigai. Nammagittaalliut ilaatigut DR1-ip aamma DR2-p aallakaatittagaannik najukkami aallakaatitsisarumalluni qinnuteqaatip KNR-imit itigartinneqarneranut, ilaatigut KNR-ip tulle-riinneri malillugit Danmarks Radiomut aamma TV2 Danmarkimut tv-kkut pisinnaatitaaffiit pillugit isumaqatigiissutaani allagaatinik paasitinneqarnissamik najukkami aallakaatitsisartup qinnuteqaataata KNR-imit itigartinneqarneranut ilaatigullu najukkami aallakaatitsisartup KNR pillugu pisortaqarfimmut naammagittaalliutaata suliarineqarnissaanik pisortaqarfup itigartitsissutaanut tunngassuteqarpoq.*

*Ombudsmandi isumaqarpoq DR-ip TV2-llu aallakaatittagaannik aallakaatitsinissamut akuersissummik najukkami aallakaatitsisartup qinnuteqaataanik KNR-ip itigartitsinera isorisariaqartuusooq, tassami matumani KNR-ip qinnuteqaammik suliarinnissamut pisinnaatitaannginnera pingaartillugu Ombudsmandip isiginiarmagu.*

*Ombudsmand aamma isumaqarpoq najukkami aallakaatitsisartup allagaatinik paasitinneqarnissamik qinnuteqaataanik KNR-ip itigartitsinera amigartumik tunngavilersugaasoq, tamannalu isorisariaqartutut isigalugu. Ombudsmandip tamanna tunngavilgalugu inassuteqaatigaa suliaq KNR-ip suliareqqissagaa. (J.nr. 11.04.96.08/056-04)*

Aallaqqaasiullugu oqaatigaara suliap nalunaarummut naammagittaalliortup kinaassusia ilisarnarunnaarsinnagu ilanngunneqarnissaanik naammagittaalliortup akuersissutaa oqaaseqaatima nassiunneqarnissaa sioqqullugu pissarsiariniarsimagiga.

Oqaaseqaatiga 12. december 2005-imeersoq imaattunik oqaasertaqarpoq:

Suliamut tassunga atatillugu uanga nammineq suliarinninnera aallaqqaasiullugu ajuusaarutigigallarara. Suliamik misissueqqinnnut atatillugu malugaara allakkanni 17. marts 2004-meersuni itigartitsissutaasuni KNR-ip paasitinneqarnissamik qinnuteqaammut itigartitsinera isornartorsiorsi-



magiga, tamatumunngalu peqatigitillugu pisortaqarfimmut naammagittaalliornissamut periarfissaqartoq nalunaarutigalugu. Taakku arlaannaanni-luunniit KNR sioqqutsisumik tusarniaavigisimangilara, tamannalu uanga tunginnit soorunalimi kukkuneruvoq.

Kultureqarnermut, Ilinniartitaanermit, Ilisimatusarnermit Ilageeqarnermullu Pisortaqarfimmut naammagittaalliornissamut periarfissaqarsinnaaneranik apeqqut eqqarsaatigalugu oqaatigaara Nuuk TV-p naammagittaalli-uutaanut atatillugu pisortaqarfiup itigartitsinerata 14. juni 2004-meersup suliamik oqartussaasutut qulliunerusutut naammagittaalliorfissatut suliarinissaa pingaaruteqartutut isigisimangikkiga.

Tamanna matumunnga ataneqarpoq, tassalu KNR-imut allakkanni 9. december 2004-meersuni, ataani issuarneqartuni, aalajangerama DR1-ip aamma DR2-p aallakaatittagaanik Nuummi aallakaatitsisarnissamik Nuuk TV-p qinnuteqaatai aamma allagaatinik paasitinneqarnissamik itigartitsineq misissuiffiginarlugit, KNR-ip aalajangiinerisa pisortaqarfimmut naammagittaalliutigineqarsinnaanerat apeqqutaatinnagu.

Matumani manna pingaartillugu isiginiarpara, tassalu pisortaqarfiup Nuuk TV-p suliami illua'tungiusutut sinniisaanut, Eqqartuussissuserisoqarfik A-mut, allakkani 14. juni 2004-meersuni aamma uannut allakkani 14. juni 2004-meersuni aalajangiuisimasimammagu pisortaqarfik suliami matumani KNR eqqarsaatigalugu oqartussaasutut qulliunerusutut naammagittaalliorfissaasutut imminut isiginngitsoq.

Manna aamma pingaartillugu isiginiarpara, tassalu pisortaqarfimmut oqartussaasutut qulliunerusumut naammagittaalliornissamut periarfissap piusinnaaneranik apeqqummik uanga tunginnit annertunerusumik misissuinerit KNR-ip aalajangiinerinik misissuinissamut periarfissara kinguarsaannarsinnaagaat, taamatuttaarlu isumaqarlunga KNR-ip pinsinnaatitaanera pillugu apeqqut aamma KNR-ip DR-imut isumaqatigiissutaanut tungaviusoq pillugu allagaatinik paasitinneqarsinnaatitaanermit periarfissaq pillugu apeqqut tunngaviusumik pingaaruteqartut.

Inatsisartut Ombudsmandiat pillugu Inatsisartut inatsisaanni § 6, imm. 5 imaattunik oqaasertaqartoq tamatumunnga atatillugu innersuussutigaa:

"Ombudsmandip nammineerluni suliassaq misissugassanngortissinnaavaa."

Aalajangersakkap taassuma sulianik nammineerluni misissuiffigininermik aallartitsinissannut ilaatigut periarfissaqalersippaanga, oqartussaasumut qulliunerusumut naammagittaalliornissamut periarfissaq atorneqarsimangikkaluartorluunniit.

Taamaalillunga suliami matumani pisortaqarfiup oqartussaasutut qulliunerusutut naammagittaalliorfissaasutut Nuuk TV-p naammagittaalliutaata suliarisariaqarsimagaluanninneraa isummerfiginngilara, naak apeqqut taanna Nuuk TV-p (Eqqartuussissuserisoqarfik A-p) naammagittaalliutaani 16. juni 2004-meersumi ilaagaluartoq. Taamaalilluni misissui-

nerup killilerneqarnissaanik aalajangiinera Ombudsmandi pillugu inatsimmi § 6, imm. 4-mik, imaattunik oqaasertaqartumik, aamma tunngaveqarpoq:

"Naammagittaalliut misissuinissamat pissutigissallugu naammannersoq Ombudsmandip aalajangissavaa."

Tamatuma kingornatigut tulliuippoq suliap ingerlasimaneranik allaaserinnineq, kingulliullunilu misissuinerma inernilerneqarneranut tunngavilersuut.

DR1-ip aamma DR2-p aallakaatittaagaasa Nuummi aallakaatitarnissaannut akuerineqarnissani Nuuk TV-p KNR-imut 14. oktober 2003-mi qinnutigaa. KNR-imut allakkat imaattunik oqaasertaqarput:

"Nuummi DR1 aamma DR2-p aallakaatinneqartalernissaat

Siusinnerusukkut oqaloqatigiittarnivut innersuussutigalugit Nuummi TV-utileqatigiit matumuuna KNR apeqquteqaateqarfiginiarpaat Nuummi peqatigiiffiup ilaasortaanut DR1 aamma DR2 aallakaatinneqartalersinnaanersut.

Soorunami DR 1 aamma DR 2-p aallakaatitsisarneri akunnernik sisamanik nikingatillugit aallakaatitassavagut kanaalit Danmarkimi piffissami aallakaatinneqarnerat malillugu.

Siusinnerusukkut oqaatigineqareersutut DR attaveqarfigisimavarput, tassanngalu nalunaarfigineqarpugut Nuummi aallakaatitsisalermissamat akuersissut KNR-imit tunniunneqartussaasoq.

Attaveqarfigineqarnissara qilanaaraara, akuersissuteqartoqassappat piumasaqatigineqartut erseqqinnerusumik eqqartorneqarnissat eqqarsaatigalugu." (Atorfeqarfimmi nutsigaavoq)

Saaffiginnissut taanna KNR-ip allakkani 5. november 2003-meersuni akivaa, makkulu ilaatigut oqaatigineqarput:

"Pineqartoq: DR1-ip aamma DR2-p Nuummi aallakaatinneqartarsinnaanerat pillugu apeqquteqaat

Allakkani 5. november 2003-meersuni ilaatigut oqaatigineqarpoq:

"Nuuk TV-p allakkani 14. oktoberimeersuni DR1-ip DR2-llu aallakaatitaannik Nuummi ilaasortaminut aallakaatitsinissamat akuerineqarnissamik apeqquteqaat KNR-imut nassiuppaa.

Marlungornermi 28. november ataatsimiinitsinni oqarnittut Nuuk TV-p kanalit taakku marluk aallakaatittagaannik ilaasortaminut aallakaatitsisarnissaa KNR-ip akuerisinaanngilaa. DR1 aamma DR2 kanaliupput KNR-imut pingaaruteqartorujussuit, tassami KNR-ip aallakaatitsinera kanalilik taakkuninnga marlunnik tunngaveqartorujussuummat.

Ataatsimiinitsinni aamma oqaatigaara KNR-ip Nuuk TV suleqatigerusukkaa Nuummi kalaallisut aallakaatitassiortarnermut atatillugu. Tamatumunnga atatillugu KNR piareersimavoq suleqatigiinissamat atatillugu isumagisassat pillugit eqqartueqatigeeqqinnissamat (soorlu assersuutigalugu immiussisarfiit, teknikki aammalu pisariaqartinneqartut allat) eqqarsaatigalugit." (Atorfeqarfimmi nutsigaavoq)

Tamatuma kingornatigut KNR-ip tv-kkut pisinnaatitaaffiit pillugit tullee-riinneri malillugit Danmarks Radiomut aamma TV2 Danmarkimut isumaqatigiissutigisimasaani allagaatinik paasitinneqarnissaq Nuuk TV-p 12. februar 2004-mi qinnuteqaatigaa.

Piffissaq allagaatinik paasitinneqarnissamik qinnutigisap akineqarnera-nut atatillugu KNR-ip suliamik suliarinninnermut atugaa Nuuk TV-p uan-nut 4. marts 2004-mi naammagittaalliutigaa. KNR allakkani 5. marts 2004-meersuni qinnuigaara piffissaq suliamik suliarinnermut atorneqar-toq pillugu oqaaseqaateqaqqullugu (uanga j. normora 11.04.96.08/022-04).

Nuuk TV-p allagaatinik paasitinneqarnissamik qinnutigisaa KNR-ip al-lakkani 15. marts 2004-meersuni itigartippaa. Allakkani taakkunani ilaa-tigut makku oqaatigineqarput:

"KNR-imiit paasissutissiissutigineqartut tunngavigalugit, Nuummi TV-utileqa-tigiit peqatigiiffiuvoq namminersortoq, niuerneq tunngavigalugu tv-kkut aallakaati-tassioartartoq, Tele Greenlandilu aqutugalugu Nuummi tv-kkut aallakaatitsisartoq.

KNR pisortat suliffeqarfiutigaat nammineq ingerlasoq, pisussaaffigalugit ra-diokkut isiginnaarutikkullu programminik aallakaatitsisarnissaq (nuna tamakker-lugu) radio tv-lu pillugit Inatsisartut inatsisaat nr. 3, 17. maj 1990-imeersoq § 8 naa-pertorlugu. KNR-ip kiffartuussinera aamma ilaatigut niuernermik tunngaveqarpoq, inatsisartut inatsisaat pineqartoq § 9 innersuussutigalugu.

Matumuuna nalunaarutigineqassaaq, Nuummi TV-utileqatigiit paasissutissanik pissarsiniarluni qinnuteqaataat itigartitsissutigineqartoq.

Inuiaqatigiit tungaanit soqutigisat isumaginarlugit nuna tamakkerlugu radiok-kut fjernsynikkullu aallakaatitsisarnissamik KNR-ip DR aamma TV2 niuernikkut isumaqatigiissuteqarfigisimavai. KNR-ip sulinerata ilaa nunap ilaanut killeqartin-neqartumik peqatigiiffik Nuuk TV unammillertigalugu pisarpoq. KNR-ip tungaanit isumaqartoqarpoq KNR-ip isumaqatigiissutigisimasaanik allanut paasisitsineq KNR-ip niueqatigiinnermi ataqineqarneranik tatiginassusianillu ajoqusiinnaasut, aallakaatitanillu qallunaatuunik nuna tamakkerlugu siammarterinissamat periarfis-saq ulorianartorsiortinneqalersinnaasoq.

Itigartitsineq pisortat ingerlatsinerat pillugu paasitinneqarsinnaatitaaneq pillugu inatsimmi siusinnerusukkut taaneqartumi § 13, imm. 1, 5) tunngavigalugu nalunaa-rutigineqarpoq, taannalu malillugu allagaatinik paasitinneqarsinnaatitaaneq killiler-neqarsinnaatitaavoq, tamanna pisariaqarpat pisortat aningaasaqarnikkut soqutigi-saasa immikkut eqqarsaatigineqarnissaat illersorneqarnissaallu eqqarsaatigalugu, matumani pisortat niuernikkut ingerlatsinerat ilanngullugu eqqarsaatigalugu, aam-mali § 13, § 1, nr. 6) tunngavigalugu, tassalu namminersortut pisortallu soqutigisaat, pineqartup pissusia immikkut ittoq pissutigalugu isertuussinissaq pisariaqarpat.

Taamatut aalajangiineq naammagittaalliutigineqarsinnaanngilaq paasitinneqar-sinnaanermut inatsimmi § 15, imm. 2 naapertorlugu, tamatumunnga tunngatillugu KNR eqqarsaatigalugu naammagittaalliorfissaqanngimmat.

Ajuusaarutigineqarpoq, pisortat sullissinerat pillugu inatsit nr. 9, 13. juni 1994-imeersoq § 16 naapertorlugu suleriaasissat malinneqarsimanngimmat." (Atorfeqar-fimmi nutsigaavoq)

KNR-ip allagaasa assilinerat tiguara. Allakkani 17. marts 2004-meersuni oqaatigaara piffissaq suliamik suliarinninnermut atorneqartoq KNR-ip a-

juusaarutigisimammagu piffissaq suliamik suliarinninnermut atorneqartoq pillugu Nuuk TV-p naammagittaalliuutaanut atatillugu annertunerusumik iliuuseqaqqinniingitsunga. Aammali oqaatigaara allagaatinik paasitinneqarnissamik qinnutigisamut KNR-ip tunngavilersuutaa imaaliinnarlugu isumaqatiginngikkiga, itigartitsinerulli uanga paasinninnera malillugu Naalakkersuisunut naammagittaaalliuutigineqarsinnaanera isiginarlugu suliami annertunerusumik iliuuseqaqqinniingitsunga.

KNR-ip aalajangiineri 5. november 2003-meersaq aamma 15. marts 2004-meersaq Nuuk TV-ip Kultureqarnermut, Ilinniartitaanermit, Ilisimatusarnermut Ilageeqarnermullu Pisorta qarfimmu allakkani 7. april 2004-meersuni naammagittaalliuutigai.

Kultureqarnermut, Ilinniartitaanermit, Ilisimatusarnermut Ilageeqarnermullu Pisorta qarfiup aalajangiinerit taakku marluk pillugit naammagittaalliuutip suliarinissaa allakkani 14. juni 2004-meersuni itigartitsissutigaa. KNR-ip Naalakkersuisunit peqqusiffigineqarsinnaanani pisortat suliffeqarfiutaattut nammineertuunera pisorta qarfiup innersuussutigaa.

Nuuk TV-p Kultureqarnermut, Ilinniartitaanermit, Ilisimatusarnermut Ilageeqarnermullu Pisorta qarfik kiisalu KNR tamatuma kingornatigut uanut allakkani 16. juni 2004-meersuni naammagittaalliuutigai.

Misissuinerma pisorta qarfimmu naammagittaalliornissamut periarfissaqarnerata qulaajaalluni misissuiffigineqarneranik aallartinnissaa toqqarpara. Taamaattumik pisorta qarfik allakkani 29. juni 2004-meersuni qinuigaara naammagittaalliummut atatillugu oqaaseqaateqaqqullugu.

Pisorta qarfik allakkani 14. september 2004-meersuni ilaatigut imaatunuk oqaaseqaateqarpoq:

"...

Qulaani taaneqartunit takuneqarsinnaasutut KNR-ip namminersortuunera Inatsisartut peqqussutaatigut nr. 3-kkut 17. maj 1990-imeersukku erseqqissarniarneqarsimavoq, taamaallutik Naalakkersuisut suliffeqarfik eqqarsaatigalugu piginnaatitaanerini taamaallaat pineqarlutik missingersuutit sinaakutissaannik naatsorsuutinillu akuerinnittarnerit, kiisalu Inatsisartut ilaliinerisigut aningaasaliissutit annertusussissaannik akuersissuteqartarnek. Aammattaaq suliffeqarfiup pisortat suliffeqarfiutaattut namminersortutut iluseqarnera eqqarsaatigalugu takuneqarsinnaavoq missingersuutinut sulisoqarnermullu tunngasut pillugit oqartussaassutsip annerusup tunniunneqarneratigut suliffeqarfiup namminersortuunerata nukittorsarneqarnissaa peqqussutip siunertarigaa. Tamatumalu paarlattuanik KNR-ip pisortat suliffeqarfiutaattut iluseqarnera eqqarsaatigalugu allangortitsisoqarnissaa peqqussutip siusinnerusukku oqaatigineqartutut kingunerinngilaa, tamannalu qulaani oqaatigineqartutut paasitinneqarsinnaatitaaneq pillugu inatsit, suliasat suliarineqartarnerat pillugu inatsit kiisalu Ombudsmandip pisinnaatitaanera eqqarsaatigalugit suliffeqarfinni pissutsinut pingaaruteqarluni.

Pivusorsiornerusumik isumaliutersuutit eqqarsaatigalugit qulaani taaneqartunit uiggiullugu oqaatigineqarsinnaavoq KNR-ip ingerlatsinermik inatsiseqartitsineq tunngavigalugu aalajangiinerisa allangortinnissaannut ataatsimoortumik pisinnaatitaasutut pisorta qarfik imminut isiginngitsoq. KNR-ip siulersuisuisa ulluinnarniluunniit aqutsisuisa aalajangiineri allangortissallugit imaluunniit KNR-ip sulinerat

nut sunniuteqarniarnissamat pisortaqarfik ataatsimut periarfissaqanngilaq, tassami KNR ingerlatsinermi immikkut immikkoortortaammat, aqutsinermi qullersariaanerup nalinginnaasup avataaniittoq, taassumalu aalajangiineri Naalakkersuisunut qulliunerusutut oqartussaasunut naammagittaalliutigineqarsinnaanatik.

Aammattaaq peqqussutip siunertaa tunngavigalugu pisortaqarfik isumaqarpoq sapinngisamik annertunerpaamik arlaannaannulluunniit attuumassuteqannginneq naleqqunnerpaasoq, tassami naammagittaalliornissamat periarfissap KNR-ip allanut attuumassuteqannginnera annikillisitussaaamagu, suliffeqarfiullu aallakaatitagitut arlaannaannulluunniit attuumassuteqannginneranut kinguneqartussaalluni. Ingerlatsinermik aamma programinik suliaqarnerup akornanni killeqarfiit tusagassioerner- mik ingerlataqartut eqqarsaatigalugit erseqqarluttorujussuusinnaapput, taamaalillu- tik ingerlatsinermik suliaqarnerup pillugu aalajangiinerit programinik suliaqarner- mut toqqaannartumik sunniuteqassallutik, suliarlu manna tamatumunnga assersuu- tissaavoq. KNR-ip aallakaatittagaasa amerlanersaat (90%-it missaat) tassaapput DR1-ip aamma DR2-p aallakaatittagaat, taamaattumillu pisortaqarfiup suliamik suliarinninnera, pingaartumillu Nuuk TV-p kanalini taaneqartunik marlunnik ta- marmiusumik aallakaatitsinnaanissamik qinnuteqaataa pillugu apeqquut KNR-ip programinik suliaqarneranut toqqaannartumik kinguneqartussaavoq.

Pisortaqarfiulli naammagittaalliutinik taakkuninnga suliarinninnissamat pisin- naatitaannginnera isumaqanngilaq radiokkut fjernsynikkullu aallakaatitsisarneq pil- lugu Inatsisartut peqqussutaanni malittarisassat qanoq paasineqarnissaannik nas- suaanissamat pisortaqarfik suli pinnaatitaanngitsoq.

Taamaalilluni aamma piviusumik isiginiagassat aallaavigalugit matuma aalaja- ngiusimanissaanut pissutissaqarlularpoq, tassalu pisortaqarfik KNR-ip ingerlatsiner- mik inatsiseqartitsineq tunngavigalugu aalajangiineri pillugit naammagittaalliorfis- satut inissisimasariaqanngitsoq."

KNR allakkani 26. november 2004-meersuni qinnuigaara KNR-ip DR- imut aamma TV2-mut isumaqatigiissutaasa Nuuk TV-mut paasissutissiis- sutigineqarnissaat itigartitsissutigineqarsimasat assilinerannik nasseqqul- lunga. KNR aamma qinnuigaara suliami allagaatinik, matumani allagaa- tinik paasitinneqarnissamik qinnutigisap itigartinneqarnera pillugu aamma DR1-ip DR2-llu aallakaatittagaasa aallakaatinneqarnissaannik itigartitsi- neq pillugu KNR-ip iluani atugassatut allakkianik peqarpat, nasseqqul- lunga.

Suliami allagaatit isumaqatigiissutillu 2. december 2004-mi tiguakka. KNR tamanna tunngavigalugu allakkani 9. december 2004-meersuni qin- nuigaara suliaq pillugu oqaaseqaateqaqqullugu. Ilaatigut imatut allappu- nga:

"Aallakaatitsinissamat akuersissummik itigartitsineq 5. november 2003-meersoq pillugu:

Allakkani 5. november 2003-meersuni ilaatigut oqaatigineqarpoq:

"Nuuk TV-p allakkani 14. oktoberimeersuni DR1-ip DR2-llu aallakaatitaannik Nuummi ilaasortaminut aallakaatitsinissamat akuerineqarnissamik apeqquateqat KNR-imut nassiuppa.

Marlunngornermi 28. november ataatsimiinnitsinni oqarnittut Nuuk TV-p kanalit taakku marluk aallakaatittagaannik ilaasortaminut aallakaatitsisarnissaa KNR-ip

akuerisinnaangilaa. DR1 aamma DR2 kanaliupput KNR-imut pingaaruteqartorujussuit, tassami KNR-ip aallakaatitsinera kanaliniik taakkuninnga marlunnik tungaveqartorujussuummat." (Atorfeqarfimmi nutsigaavoq)

...  
KNR qinnuigaara inatsiseqartitsinikkut tungavik suna NUUK TV-p (imaluunnit TV-qarfiit allat) DR1-ip aamma DR2-p aallakaatitaannik aallakaatitsinnaaneraniik aalajangiinissamat KNR-ip pisinnaatitaaneranut tunngaviunersoq nassuiaqqullugu. Tamatumunnga atatillugu aamma nalunaarutigeqqara Nuuk TV-p DR-ip aallakaatittagaaniik aallakaatitsisarnissaq pillugu DR-imut nammineq isumaqatigiissuteqarnissaa siunertaralugu Nuuk TV-p DR-imik attaveqarfiginninnissaaniik KNR-ip innersuussisimaneranut inatsiseqartitsinikkut akornutissaqarnersoq.

KNR isumaqarpat KNR aatsaat akuersissuteqarpat DR-ip aallakaatittagaaniik Nuuk TV Kalaallit Nunaanni aallakaatitsinnaasoq, KNR qinnuigaara itigartitsisimanermut erseqqinnerusumik tunngavilersuut pillugu nassuiaateqaqqullugu. Aamma nalunaarutigeqqara tunngaviit KNR-ip itigartitsinermi KNR-ip pingaartilugit isiginiarsimasai KNR-ip sulinera pillugu malittarisassani takuneqarsinnaanerut, imaluunniit taamatut paasineqarsinnaasunik malittarisassaqaqarnersoq.

Kiisalu KNR qinnuigaara itigartitsineq allakkani 5. november 2003-meersuni nalunaarutigineqartoq aalajangiinertut pisortat ingerlatsineranni suliaasat suliarineqartarnerat pillugu Inatsisartut inatsisaanni (§ 2, imm. 1-imi) pineqartunut ilaasutut isigineqarsinnaanersoq aamma taamaattoqarpat KNR-ip suliami illua'tungiusup isumaaniik tusarniaasarneq (§ 19) aamma tunngavilersuisarneq (§ 24, tak. § 22) pillugit malittarisassat eqqortissimanerai oqaaseqaatigeqqullugu.

Paasitinneqarnissamik itigartitsineq 15. marts 2004-meersoq pillugu:

KNR-ip allakkani 15. marts 2004-meersuni ilaatigut oqaatigaa:

"Inuiaqatigiit tungaanit soqutigisat isumaginarlugit nuna tamakkerlugu radiokkut fjernsynikkullu aallakaatitsisarnissamik KNR-ip DR aamma TV2 niuernikkut isumaqatigiissuteqarfigisimavai. KNR-ip sulinerata ilaa nunap ilaanut killeqartinneqartumik peqatigiiffik Nuuk TV unammillertigalugu pisarpoq. KNR-ip tungaanit isumaqartoqarpoq KNR-ip isumaqatigiissutigisimasaaniik allanut paasisitsineq KNR-ip niueqatigiinnermi ataqineqarneraniik tatiginassusianillu ajoqusiinnaasut, aallakaatitanillu qallunaatuunik nuna tamakkerlugu siammarterinissamat periarfissaq ulorianartorsiortinneqalersinnaasoq.

Itigartitsineq pisortat ingerlatsinerat pillugu paasitinneqarsinnaatitaaneq pillugu inatsimmi siusinnerusukkut taaneqartumi § 13, imm. 1, 5) tunngavigalugu nalunaarutigineqarpoq, taannalu malillugu allagaatinik paasitinneqarsinnaatitaaneq killilerneqarsinnaatitaavoq, tamanna pisariaqarpat pisortat aningaasaqarnikkut soqutigisaasa immikkut eqqarsaatigineqarnissaat illersorneqarnissaallu eqqarsaatigalugu, matumani pisortat niuernikkut ingerlatsinerat ilanngullugu eqqarsaatigalugu, aammali § 13, § 1, nr. 6) tunngavigalugu, tassalu namminersortut pisortallu soqutigisaat, pineqartup pissusia immikkut ittoq pissutigalugu isertuussinissaq pisariaqarpat." (Atorfeqarfimmi nutsigaavoq)

KNR qinnuigaara allagaatinik paasissutissiinissamik itigartitsinermut tunngaviusoq pillugu erseqqinnerusunik oqaaseqaateqaqqullugu.

KNR ilaatigut qinnuigaara niuernikkut tunngavik unammillerneqarnerlu qanoq atuunnerat pillugu oqaaseqaateqaqqullugu, manna tunngaviutittariaqarpat, tassalu KNR pisinnaatitaasoq Nuuk TV-p (Kalaallillu Nunaanni TV-qarfiit allat) DR-imut isumaqatigiissuteqarnissaannut mattutissallugit (tak. KNR-ip itigartitsissutaa 15. november 2003-meersoq).



KNR aamma qinnuigaara Nuuk TV-p isumaqatigiissutinik taaneqartunik paasitineqarnera KNR-ip niuernikkut ataqqineqarneranik uppersassuseqarneranillu qanoq ililluni ajoqusiisinaanersoq nassuiaqqullugu. Tamatumunnga atatillugu nalunaarutigeqqara niueqatigiinnikkut attaveqatigiinnerit suut paasissutissat paasarsuutigineqarnera. KNR isumaqarpat ajoquserneqartussa qanoq DR-imut aamma TV2-mut attaveqarneq, KNR qinnuigaara nalunaarutigeqqullugu KNR-ip DR aamma TV2 aperisimanerai isumaqatigiissutit tamakkiisumik ilaannakortumilluunniit tunniunneqarnissaannut akornutissaqarnera. Aamma nalunaarutigeqqara isumaqatigiissutit taaneqartut paasissutissiissutigineqarnissaasa itigartissutigineqarnissaat sioqqullugu Nuuk TV-p DR-imut isumaqatigiissuteqarnissaanik KNR-ip itigartissimanera pingaartillugu isiginiarneqarsimanersoq.

Aammattaaq KNR qinnuigaara allagaatinik paasissutissiinerup qallunaat aallakaatittagaannik nuna tamakkerlugu aallakaatitsinissamut periarfissaq qanoq ililluni ulorianartorsiortilissaneraa erseqqinnerusumik nassuiaqqullugu.

Kiisalu KNR qinnuigaara pisortat ingerlatsinerat pillugu paasitineqarsinnaataaneq pillugu Inatsisartut inatsisaanni § 13, imm. 1-imi ”immikkut” eqqarsaatigininnerup pineqarnissaanik piunasaqaat suliami pineqartumi eqqortinneqarsimanersoq, aamma sooq – kiisalu KNR-ip isumaliutersuutigisimaneraa (immikkut) eqqarsaatigisassat tunngaviginiarneqartut isumaqatigiissummi paasissutissat ilaannaannut atuuttuunersut, taamaattumillu isumaqatigiissutit imaasa sinnerisa tunniunneqarsinnaanerat KNR-ip isumaliutersuutigisimaneraa nassuiaqqullugu (tak. 13, imm. 2).”

KNR-ip allakkani 21. december 2004-meersuni nalunaarfigaanga DR-ip aallakaatittagaannik Nuuk TV-p aallakaatitsinnaaneranik aalajangiinissamut KNR pisinnaatitaanngitsoq. Taamaallitut makku allakkani oqaatigineqarput:

”Nuuk TV-p DR1-imik aamma DR2-mik aallakaatitsinnaanera aalajangiiffigisallugu KNR inatsisitigit tunngavissaqanngilaq, taamatullu aamma Nuuk TV-p DR-imut attaveqarfiginninnissaanut KNR-ip innersuussuteqarsinnaaneranut inatsisitigit akornutissaqarani. Tamannalu Nuuk TV-mut oqaatigineqarsimavoq. Nuuk TV-p DR-imut imaluunniit TV2-mut atatillugu qanoq arlaannik iliorsinnaaneranut akuersissummik tuninissaanut KNR isumaqatigiissutitigit tunngavissaqanngilaq, tamannalu aamma illoqarfimmi aallakaatitsivimmut oqaatigineqarsimalluni.

5. november 2003-mi allakkat aallakaatitsiviup DR1-imik DR2-millu aallakaatitsinnaanersoq Nuuk TV-p KNR-imut apeqquteqaataanut akissutit isigineqassapput. Apeqquteqaat tamanna Nuuk TV-p pisortaata paatsoorneranik tunngaveqarpoq, isumaqarsimammat KNR akuersissummik tunisisussaasoq.

15. marts 2004-mi allakkat KNR-ip imaaliinnarluni isumaqatigiissutinik, ukiorpassuarni pilersinneqarsimasunik tunniusserusunnginneranut tunngatillugu paasineqassapput, aallakaatitsiviup tusarnaartunik sullissilluni ingerlatsineranut anneruumik ilaavoq tamatumuunlu mianersorneq innimiginninnerlu toqqarsimallugit.

Sillimaniutitit malittarisassa qamma atorneqalersimavoq KNR-ip ussasaarutinit isertitat annertuut annaasinnaammagit, KNR-ip tapersersuisunit isertitai Nuummi annertuumik niueqatigisanit tunngaveqartarmata aammalu aallakaatitanit DR1-p aamma TV2-p aallakaatitaanit.

KNR-ip tungaanit DR-imut TV2-mullu attaveqarneq isumaqatigiissutinik tunniussinnermut ajoqutaanngilaq, taamatullu DR-ip aamma TV2-p namminerluinnaq aalajangiassaraat, KNR-imik isumaqatigiissut Nuuk TV-mut tunniukkusunnerlugu, isumaqatigiissuteqarfigissanerlugit imaluunniit illoqarfimmi aallakaatitsivik pisin-



naatitaanermik ingerlatsisunut innersuutissanerlugu. Paasitinneqarnissamik Nuuk TV-mut itigartitsineq KNR-ip DR-imik attaveqarneranut isumaqatigiissuteqarfigin-eranulluunniit sunniuteqarsimanngilaq. Paasitinneqarnissamut itigartitsinermik aalajangiineq sioqqullugu kingornatigulluunniit.

Qallunaat tv-kkut aallakaatitassiaannik nunami tamarmi takuneqarsinnaasumik aallakaatitsisarneq oqaluttuarisaanermi DR-imik isumaqatigiissuteqarnermik tunngaveqarpoq. Isumaqatigiissut KNR-ip ullumikkut aallakaatittagaanut annertuumik tunngaviliisuvoq, tassami nunami tamarmi takuneqarsinnaasumik tv-kkut ukiumut aallakaatitat 90%-ii sinnerlugit isumaqatigiissut taanna tunngavigalugu aallakaati- taasarmata." (Atorfeqarfimmi nutsigaavoq)

Nuuk TV-p uannut naammagittaalliuutini allakkani 13. januar 2005-imeersuni aalajangiusimavaa. Peqatigiiffiup eqqartuussissuserisua allap- poq DR-ip aallakaatittagaanik Nuuk TV-p Kalaallit Nunaanni aallakaatit- sisinnaanera aalajangiiffigissallugu KNR-ip pisinnaatitaaneranik Nuuk TV-p paatsuuisimasinnaanera qaangertinniarlugu KNR piffissap ingerlane- rani sukkulluunniit iliuuseqarsimanngitsoq. Nuuk TV-p KNR-illu ata- simeeqatigiittarsimanerat eqqartuussissuserisup innersuussutigaa, DR-illu aallakaatittagaanik aallakaatitsisarnissamik qinnuteqaat KNR-ip isummer- figissanngikkaa KNR-ip nalunaarutigisimanngikkaa oqaatigalugu. Allak- kani 5. november 2003-meersuni itigartitsineq eqqartuussissuserisup paasinninnera malillugu aalajangiinertut saqqummertoq eqqartuussissuse- risup aamma innersuussutigaa. Eqqartuussissuserisup aamma innersuus- utigaa KNR pisuni allani aallakaatitsinissamut "akuersissuteqartarsima- soq".

KNR-imut 24. januar 2005-imi imatut allappunga:

"Nuuk TV-p eqqartuussissuserisop B aqutigalugu 13. januar 2005-imi allagaasa assilinerat ilannguppara. Allakkani eqqartuussissuserisup KNR-ip 21. december 2004-mi oqaaseqaataa oqaaseqarfigisimavaa oqaatigalugulu Nuuk TV-p KNR pil- lugu naammagittaalliuutimi ingerlatiinnarnissaa kissaatigigaa.

KNR-ip 5. november 2003-mi allakkani Nuuk TV-p DR 1-ip aamma DR 2-p aal- lakaatitaannik aallakaatitsisinnaanissaanut akuersissummik "itigartitsinermik" nalu- naarutaanut tunngatillugu eqqartuussissuserisup oqaatigaa Nuuk TV-p DR 1-ip aamma DR 2-p aallakaatitaannik aallakaatitsisinnaanera pillugu aalajangiinissamut piginnaatitaaneranik/oqartussaananerani Nuuk TV-p paatsuuisimaneranik paasitin- niarlugu KNR iliuuseqarsimanngisaannartoq. KNR-ip tamanna oqaaseqarfigissagaa qinnutigaara, erseqqissaatigalugulu KNR-ip piginnaatitaannginnera Nuuk TV-mut ilisimatitsissutiginiarlugu KNR qanoq iliuuseqarsimanersoq.

Eqqartuussissuserisup aamma oqaatigaa pisimasuni allani KNR aallakaatitsinis- samut "akuersissuteqarsimasoq". Tamanna eqqortuunersoq paasisitsissutigeqqullu- gu qinnutigaara, taamaassimappallu tamanna oqaatigineqartut malillugit Nuuk TV-p (imaluunniit sumiiffinni aallakaatitsiviit allat) arlaanik iliuuseqarsinnaaneranut KNR-ip akuersissuteqarnissamut tunngavissaqannginneranut qanoq ililluni naaper- tuuttuunersoq paasisitsissutigeqqullugu qinnutigaara.

Ilisimatinneqarnissamut itigartitsinermik nalunaarutaasimasumut tunngatillugu KNR qinnuigaara 9. december 2004-mi tusarniaaninni apeqqutit apeqqutigisannut akissutit erseqqinnerusumik nassuiaateqarfigeqqullugit.

Taamaasillunga paaserusuppakka:

1. Isumaqatigiissutinut eqqartorneqartunut tunngasumik paasitinneqarneq KNR-ip niuernerup tungaatigut isigineqarneranut uppernassuseqarneranullu qanoq ililluni ajoqusiisinaanersaq.

Paasivara Nuuk TV DR 1-ip aamma DR 2-p aallakaatitaannik aallakaatitsalissagaluarpat KNR-ip pilerisaarutigut isertitaanut ajoqusiisinaasoq.

Apeqqutigisaraali tassaangilaq Nuuk TV-ip DR 1-ip aamma DR 2-p aallakaatitaannik aallakaatitsarnerata qanoq ililluni KNR ajoqusersinnaaneraa. (Oqaatigineqartut malillugit KNR tamatuminnga inerteqquteqarnissamut tunngavissaqanngilaq).

Apeqqutigisa isumaqatigiissutinut eqqartorneqartunut tunngasumik paasitinneqarneq qanoq ililluni KNR-imut ajoqusiisinaassaneranut tunngavoq. Paasitinneqarneq "KNR-ip niuernerup tungaatigut isigineqarneranut uppernassuseqarneranullu ajoqusiisinaasoq" paasitinneqarnissamut itigartitsinermut tunngavilersuutit KNR-ip 15. marts 2004-mi allassimanera innersuussutigaa.

Allagaatit tunniunneqarneratigut niueqatigiinnermi attaveqarfigisat suut ajoqusiivigineqarsinnaanerat ilimagineqarnersaq paasissutissiissutigeqqullugu qinnutigaa. Allakkat 21. december 2004-meersut imatut paasisimavakka, DR-imut aamma TV 2-mut attaveqarneq pineqanngitsoq.

2. Qanoq ililluni paasitinneqarneq qallunaat aallakaatitassiaannik nuna tamakkerlugu aallakaatitsisinaanermut ulorianartorsiortitsisinaanersaq.

Oqaatigaara apeqqut tamanna Nuuk TV-p DR 1-ip aamma DR 2-p aallakaatitassiaannik aallakaatitsisinaanissaata qanoq ililluni qallunaat aallakaatitassiaannik nuna tamakkerlugu aallakaatitsisinaanermut navianartorsiortitsisinaaneranut aamma attuumassuteqanngitsoq.

KNR-ip paasitinneqarnissamut itigartitsinermut 15. marts 2004-mi tunngavilersuutaa naapertorlugu paasitinneqarnerup qallunaat aallakaatitassiaannik nuna tamakkerlugu aallakaatitsisinaaneeq navianartorsiortissinnaavaa.

3. Kiisalu KNR qinnuigaara, pisortat ingerlatsinerat pillugu paasitinneqarsinnaatitaaneq pillugu inatsimmi § 13, imm. 1 tunngaviginiarneqartumi – immikkut eqqarsaatigineqartussat illersorneqarnissaannik piumasqaatit naammassineqarsimanersut pineqassanersut paasisitsissutigeqqullugu, taamaasimappallu sooq. Taamaattumik immikkut illersorneqartussaasinnaasut allagaatit ilaannaannut § 13, imm. 2 naapertorlugu, tunngasuunersaq (taamaattumillu sinneri tunniunneqassallutik) paasisitsissutigeqqullugu.

KNR-ip oqaaseqaataa suliami illua'tungiusumut tusarniaassutigalugu nassiunneqassaaq."

KNR allakkani 4. april 2005-imeersuni ilaatigut imatut akivoq:

"...

Danmarks Radiop imaluunniit TV2-p radiokkut aamma/imaluunniit tv-kkut aallakaatittagaasa aallakaatinneqarnissaannut KNR pisuni sorlarni "akuersissuteqartarsimanersaq" ilisimasaqarfiginngilara. Danmarks Radiop imaluunniit TV2-p radiokkut aamma/imaluunniit tv-kkut aallakaatittagaasa sorliit KNR-imit "akuerineqarluni" aallakaatinneqartarsimanerat pillugu nassuiaammik erseqqinnerusumik peqanngikkaanni erseqqissumik akissuteqarnissaq ajornarpoq.

Danmarks Radiop aamma/imaluunniit TV2-p aallakaatittagai KNR-iunngitsumit aallakaatinneqartarsimappata, taakkulu aallakaatitassanik KNR-imit tigusaqartarsimappata akuersissut Danmarks Radiomit imaluunniit TV2-mit tunniunneqartarsimassaaq. Taamatut aqqissuussinerni KNR-ip akuunera pissutsinik suliamut tunngasunik tunngavilersuuteqartinneqartarsimassagunarpoq, tassalu ilaatigut aallakaa-

titassat taakku KNR-ip pigereersimassallugit, ilaatigullu TV-qarfik pineqartoq Danmarks Radiomut TV2-mullu ulluinnarni attaveqartartuusimassallutik. KNR-ip TV-qarfik pineqartoq Danmarks Radiomit imaluunniit TV2-mit akuersissummik piniarnerani ikiuuttarsimagunarpoq, taamatuttaarlu KNR aallakaatitassamik pineqartumik aallakaatinneqartussanngorlugu atugassinermi ikiuuttarsimassagunarluni.

Kisianni Danmarks Radiop aamma TV2-p radiokkut TV-kkullu aallakaatitasiaataannik Kalaallit Nunaanni aallakaatitsinerlutik akuersissummik tunniussinissamut KNR-ip pisinnaatitaanera tamatuma nassatarinngilaa. KNR-ip taamatut pisinnaatitaanninnera KNR-imut erseqqarissuusimallunilu pissusissamisoortuusimavoq. Oqaatigineqartut KNR suliassamik taamaattumik isumaginninnissaminut aningaasaqarnikkut inatsisilerinikkulluunniit periarfissaqanngilaq. Nuuk TV-p radiokkut TV-kkullu aallakaatitassianik allamit suliarineqarsimasunik aallakaatitsisarnermik ingerlataqartuunera isiginiaraanni aningaasaqarnikkut inatsisilerinikkullu pissutsit aallakaatitassianut taamaattunut piginneqqaartussaataitanermut taakkuninngalu atuinerlutik tunngasunik ilisimasaqarluartuuvuq.

Taamaattumik Danmarks Radiop aamma TV2-p radiokkut TV-kkullu aallakaatitassianik aallakaatitsinissamut KNR-ip akuersissuteqartartuuneranik Nuuk TV-p paasinninnera KNR-ip eqqumaffigisimanngilaa. Taamaattumillu Nuuk TV-p taamatut paatsuinera qaangerniarlugu KNR ilorraap tungaanut iliuuseqarsimanngilaa.

Danmarks Radiomut TV2-mullu isumaqatigiissutini allagaatinik paasitinneqarnissamik Nuuk TV-p qinnutigisaanik itigartitsinerlutik tunngavilersuut pillugu KNR-ip erseqqinnerusumik nassuiaateqarnissaa Inatsisartut Ombudsmandiata qinnutigisimavaa.

Makku oqaatigissavakka:

KNR tassaavoq pisortat suliffeqarfutaat nammineertitaasoq, sullitaminut kiffartuussinissamik pisussaaffeqartoq. Matumali eqqumaffiginissaa pingaaruteqartumik aalajangiisuvoq, tassalu KNR pillugu inatsimmi aamma KNR-imut aningaasaliisuteqarnermi tunngavigineqartoq KNR niuernermit atugassarititaasut tunngavigalugit aningaasarsionermik ingerlatsissasoq.

KNR-ip aamma Danmarks Radiop/TV2-p isumaqatigiissutaat KNR-ip aamma Danmarks Radiop/TV2-p akornanni niuernerq aallaavigalugu nalinginnaasumik isumaqatigiinniarnert tunngavigalugit isumaqatigiissutigineqarsimapput. Isumaqatigiissutit taakku isumaqatigiinniarnerni angusamut KNR-ip aamma Danmarks Radiop/TV2-p sivisoorsuarmik suleqatiginnerannik tunngaveqarnertumut takussutissaavoq. Isumaqatigiissutit taakku imminni aningaasaqarnikkut annertuumik iluaqutissanik imaqarput, paasissutissiissutigineqarunik annaaneqartussanik.

Tamatuma saniatigut manna aalajangiisuvoq, tassalu KNR niuernermit ingerlataqarnermini tunisassiortunut isumaqatigiinniuteqarsinnaallunilu isumaqatigiissuteqarsinnaasoq, taakku unammillertinut paasissutissiissutigineqarsinnaanissaat annilaannatiginagu.

KNR-imi suliffeqarfiup tunisassionermi aallakaatitsinermilu atortui aningaasat millionit arlalissuit atorlugit digitalimut massakut allanngortiterneqarnialerput. Niveqatigiiffik unammilleqatigiiffioqisoq pineqarpoq, atortussanillu tunniussisartut assigiinngitsut tunniussinermi atugassarititaasut tamanut saqqummiunneqartannginnissaat eqqumaffisorujussuaat.

Tunniussisarneq pillugu isumaqatigiissutit avammut paasissutissiissutigineqartarnissaat tunisassionermi aallakaatitsinermilu atortussanik KNR-imut tunniussisartut naatsorsuutigisariaqassappassuk ilimanarluinnarpoq tunniussinermi atugassarititaasut ajornerusut atorlugit annaasaqaataasumik tunniussisoqartarnissaa KNR-ip akuerisariaqarpaa.

Oqaatigineqareersutut naalakkersuinerup tungaanit aalajangerneqarsimavoq KNR niuernermi atugassarititaasut atorlugit aningaasarsiornikkut aamma ingerlanneqassasoq. 2005-mi missingersuutini tunngavigineqarpoq KNR aallakaatitassianik ussassaarutinillu tunisaqartarnermigut 6 mio. kr.-nik isertitaqassasoq.

Taamaalilluni TV-kkut aallakaatitassianut atatillugu allagarsiinikkut ussassaarutiniq ussassaarutinillu allanik tuniniaanikkut 6 mio. kr.-nik isertitaqarnissaq missingersuusiorneqarsimavoq. KNR-ip misilittagaraa ussassaaruteqarniartut allagarsiinikkut ussassaarutimik qallunaatut TV-avisimut, timersornikkut pisimasunik aallakaatitanut kiisalu Danmarks Radiop aamma TV2-p filminik aallakaatitaannut atatillugu inissinneqarnissaat kissaatiginerpaasaraat. KNR-ip aamma misilittagaraa ussassaaruteqartartorpasuit Nuummi najugaqartunut ussassaaruteqartartut.

Nuuk TV aamma KNR marluullutik TV-kkut aallakaatitassianik aallakaatitsarnermikkut niuernermik ingerlataqartuupput, ussassaarinikkullu isertitat taakkununga attuumassuteqartut eqqarsaatigalugit toqqaannartumik unammilleqatigiit-tuullutik.

KNR-ip TV-kkut aallakaatitanut atatillugu allagarsiilluni ussassaarutitigut isertitai KNR-ip TV-kkut aallakaatitassianik aallakaatitsinerani aningaasartuutiniq matussuseeqataasarput, matumani Danmarks Radiop aamma TV2-p aallakaatitassiaat ilanngullugit eqqarsaatigalugit.

Allakkalli uku Nuuk TV-mut oqaaseqaateqarfigisassanngorlugit nassiunneqarnissaat isiginiarlugu allagaanik paasitinneqarnissamik qinnutigisap akuerineqarne-rata KNR-ip qallunaat aallakaatitassiaannik nuna tamakkerlugu aallakaatitsarneranut qanoq sunniuteqarsinnaanera pillugu erseqqinnerusumik nassuiaateqarsinnaanngi-langa.

Aammattaaq KNR-ip paasinninnera unaavoq apeqqutip taassuma suli erseqqin-nerusumik itisilerneqarnissaa pisariaqanngitsoq. Danmarks Radiop aamma TV2-p aallakaatitassiaannik aallakaatitsineq aamma tamatumunnga atatillugu ussassaaruti-tigut isertitat pillugit KNR-ip toqqaannartumik unammilertuunerata (imaluunniit taamaalisinnaanerata) nassataraa, KNR-ip naliliinera malillugu, suliami allagaatinik paasitinneqarnissamik qinnutigisap pisortat ingerlatsinerat pillugu paasitinneqarsin-naatitaaneq pillugu Inatsisartut inatsisaanni nr. 9-mi, 13. juni 1994-imeersumi § 13, imm. 1-imi nr. 5 tunngavigalugu itigartinnissaanut piumasaqaatit eqqortinneqarsi-masutut isigissallugit annertunerusumik uppersaassiiinissaq pisariaqanngitsoq. FOB 1991.116 aamma FOB 1997.108 innersuussutigaaqka.

KNR-ip tamatumunnga peqatigitillugu naliliinera unaavoq Danmarks Radiomut aamma TV2-mut isumaqatigiissutit ataasiakkaarlutik iluminni imatut ataqatigiin-neqartut allagaatinik paasitissiiinermi ilivitsuullutik ilaatinneqanngitsoorsinnaa-sut. Tamatumunnga taarsiunneqarsinnaasoq tassaavoq allagaatini pii-aalluni ima ti-tartuisoqartigissasoq taakku imminni Nuuk TV-mut naleerullutik." (Atorfeqarfimmi nutsigaavoq)

Nuuk TV-ip suliami illua'tungiusutut sinniisaa allakkakkatigut 6. april 2005-imeersutigut qinnuigaara KNR-ip akissutaa pillugu oqaaseqaatissa-qaruni oqaaseqaatini saqqummiuteqqullugit.

Eqqartuussissuserisup allakkani 23. maj 2005-imeersuni imatut akivaa-nga:

"Malugaara KNR-ip oqaatigigaa maluginiarsimanagu DR-ip aamma TV2-p aal-lakaatitassiaataannik aallakaatitsinissamut akuersissutip KNR-imit nalunaarutigi-neqartussaanaera Nuuk TV-mit paatsoorneqarsimasoq taamaattumillu Nuuk TV-p

kukkusumik paasinninnera naqqiissuteqarfigniarlugu KNR qanoq iliuseqarsimanngitsoq.

Tamatumunnga atatillugu erseqqissaatigissavara Nuuk TV-p tamatuminnga paat-suinera KNR-imik oqaloqateqartarnermik tunngaveqarmat, taamatuttaaq erseqqissaatigissavara KNR-ip itigartitsissutaani 5. november 2003-meersumi, ilanngussami 1.2,-mi tunngavilersuut paasinninnera malillugu tamatuminnga aalajangiinissamat piginnaatitaanermik nammineerluni KNR ilisimaarinnittut paasisariaqarmat. Taamaangippat KNR-ip tunngavilersuutaa paatsoortitsiniarnertut isigisariaqarpoq.

Taamaakkaluarpalluunniit paasinninnera malillugu pisup ingerlanerani pisortani oqartussaasut pisussaaffigisaattut KNR ilitersuisussaataitaanermik naammassinissimangilaq. Tamatumunnga atatillugu erseqqissassavara KNR-ip allagaasigut 4. aprilimeersutigut oqaatigineqartut Nuuk TV-p nammineq ”aningaasaqarnikkut inatsisilerinikkullu pissutsit aallakaatitassianut taamaattunut piginneqqaartussaataitaanermut taakkuninngalu atuinnermut tunngasunik ilisimasaqarluartuunera” pissutigiiinnarlugu Nuuk TV-mik ilitersuussisussaananermut KNR pisussaaffeqarunnaasasoq.

DR-ip aamma TV 2-p aallakaatitassaataasa Nuuk TV-anit aallakaatinneqarsinnaanerat pillugu KNR-ip aalajangiinissaminut pisinnaatitaaffeqannginnera isumaqatigigakku erseqqissaatigissallugu isumaqarpunga. Taamaattorli KNR-ip aalajangiinera 5. november 2003-meersoq ilanngussaq 1.2 Ombudsmandimut isummerfigeqquara.

Aammattaq suliami allagaatinik paasitinneqarsinnaatitaanermut KNR-ip itigartitsinera pillugu naammagittaalliut aalajangiisimavara.

Matumunnga atatillugu pisiortorfiit eqqarsaatigalugit KNR-ip akarliunera eqqarsaatigalugu oqaatigiinassavara Nuuk TV-p ilisimatinneqarnera malillugu isumaqatigiisuttip Nuuk TV-anut tunniunneqarnissaa DR-ip ajorisimanngimmagu taamaattumillu pisiortorfiit nalinginnaasumik eqqarsaatigalugit pisumut aalajangersimasumut atatillugu suliami allagaatinik paasitinneqarsinnaatitaanermik itigartitsinnermut tunngavissaasorinarani.

Tamatuma saniatigut isumaqatigiisutit suleriaatsimi piumasaqaataasut nalinginnaasut malillugit pisimasutut KNR-ip oqaatigisai apeqquserniarpakka. DR-ip aallakaatitassiaataanik ilisimatitsissutigineqartut malillugit KNR-ip akeqanngitsumik aallakaatitsisarnera eqqaaginnaraanni suleriaatsimi piumasaqaatit nalinginnaasut malillugit isumaqatigiittoqarsimanissaa paasinninnera malillugu pisimanaviangilaq. Tamanna tunngavigalugu pilerisaarinernit isertitat Nuuk TV-p aamma KNR-ip akornanni unammillerneq suliami allagaatinik paasitinneqarsinnaatitaanerup pingitsoortinnissaanut aamma tunngaviusinnaasorinangillat.

Naammagittaalliutitut allagaqqaatikka 16. juni 2004-meersut innersuussutigalugit matuma kingorna naammagittaalliut Ombudsmandimut isummerfigeqquara." (Atorfeqarfimmi nutsigaavoq)

*Tamatuma kingornatigut imaattunik oqaaseqaateqarpunga:*

*"DR1-ip aamma DR2-p aallakaatitassiaannik aallakaatitsinissamat akuerineqarnissamik qinnuteqaatip KNR-imit itigartinneqarnera pillugu naammagittaalliut 5. november 2003-meersoq.*

*Nuuk TV-p qinnuteqaataanut KNR-ip itigartitsissutaa imaappoq:*

*"Marlunngornermi 28. november ataatsimiinnitsinni oqarnittut Nuuk TV-p kanalit taakku marluk aallakaatittagaannik ilaasortaminut aallakaatitsisarnissaa KNR-ip akuerisinnaangilaa. DR1 aamma DR2 kanaliupput KNR-imut pingaaruteqartorujussuit, tassami KNR-ip aallakaatitsinera kanalinik taakkuninnga marlunnik tunngaveqartorujussuummat." (Atorfeqarfimmi nutsigaavoq)*

*Tamanna pillugu oqaatigaara radiokkut fjernsynikkullu aallakaatitsisarneq pillugu Inatsisartut peqqussutaannit nr. 3-mit, 17. maj 1990-imeersumut, KNR-ip pisinnaatitaanerani aalajangersaasumit, 2004-llu naanerata tungaanut atuuttuusumit ersinngitsoq KNR TV-p kanaliisa aalajangersimasut aallakaatitsinissaannut akuersissuteqarnissamut pisinnaatitaasooq.*

*Inatsisartut peqqussutaanni tassani §§-ini 18-imit 24-mut malittarisassat arlallit, najukkani ataasiakkaani radiokkut fjernsynikkullu aallakaatitsinernik nakkutiginninnissamik Kultureqarnermut Ilinniartitaanermullu Pisortaqarfimmut piginnaatitsissut aalajangersarneqarsimapput, matumani akuersissutinik tunniussisarneq aqutigalugu nakkutilliineq ilanngullugu eqqarsaatigalugu.*

*Nuuk TV-p malittarisassat taakku malillugit DR1-ip imaluunniit DR2-p aallakaatitassiaannik aallakaatitsissaguni KNR-imut pisortaqarfimmuluunniit qinnuteqartussaataasimanera KNR-ip pisortaqarfiulluunniit atortussaatinniarsimangilaat.*

*Taamaattumik aallaqqaasiutitut tunngaviutippara Nuuk TV-p qinnuteqaataa, KNR-ip 5. november 2003-mi itigartitaa, Nuuk TV-ip aallakaatitsinissamut akuerineqarnerani piumasaqaataasunik tunngaveqarsinnaangitsoq.*

*Tulliullugu maluginiarpara KNR tusarniaanernut akissutimini 21. december 2004-meersumi aamma 4. april 2005-imeersuni oqaaseqaateqartoq DR-ip aallakaatitassiaannik aallakaatitsinissamut akuersissummik nalunaaruteqarnissaminut pisinnaatitaangitsoq.*

*KNR-ip apeqquummik taassuminnga paasinninnera tamanna tunngavilugulu ilalersinnaavara.*

*KNR-illi aalajangiinera 5. november 2003-meersooq itigartitsissutitut KNR-ip aallakaatitsinermik suliaqarnerup mianerineqarnissaanik tunngavilersukkatut saqqummerpoq.*

*Nuuk TV-p qinnuteqaataata isummerfiginisaanut KNR pisinnaatitaasimanginnami qinnuteqaammik itigartitsinermigut inatsimmik unioqutitsisuusumik aalajangiisimavoq, tamannalu isorisariaqartutut isigaara.*

*KNR-illi aalajangiinermik 5. december 2003-meersumik aalajangiinisaminut pisinnaatitaangitsoq, akuersissulli tunisassiortumit (DR-imit) pissarsiariniarneqartussaasooq Nuuk TV-p suliamik suliarinninnerma nalani paasimmagu apequt taanna pillugu annertunerusumik iliuuseqaqqissanngilanga.*



*Pisinnaatitaaffiit pillugit isumaqatigiissutini allagaatinik paasitinneqarnissamik qinnuteqaammik KNR-ip itigartitsinera 15. marts 2004-meersoq pillugu naammagittaalliuut.*

*Nuuk TV "tulleriinnerini malillugit Danmarks Radiomut aamma TV2-mut pisinnaatitaaffii pillugit isumaqatigiissutaani" allagaatinik paasitinneqarnissamik pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat tunngavigalugu qinnuteqarpoq.*

*KNR-ip itigartitsinera pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 13, 1-imi nr. 5 aamma nr. 6 imaattunik oqaasertaqartunik tunngavilersorneqarsimavoq:*

*"§ 13. Paasitinneqarsinnaatitaaneq killilerneqarsinnaavoq, tamanna pisariaqarpat makku immikkut eqqarsaatigineqarnissaasa illersorneqarnissaannut;*

*...*

*5) pisortat aningaasaqarnikkut soqutigisaat, matumani pisortat niuernikkut ingerlatsineri ilanngullugit, imaluunniit*

*6) namminersortut pisortallu soqutigisaat, pineqartup pissusia immikkut ittoq pissutigalugu isertuussinissaq pisariaqarpat."*

*KNR-ip itigartitsissut tamatuma saniatigut imatut tunngavilersorpaa:*

*"KNR-ip tungaanit isumaqartoqarpoq KNR-ip isumaqatigiissutigisimasaanik allanunniit paasisitsineq KNR-ip niueqatigiinnermi ataqineqarneranik tatiginassusianillu ajoqusiinnaasoq, aallakaatitanillu qallunaatuunik nuna tamakkerlugu siammarterinissamat periarfissaq ulorianartorsiortinneqalersinnaasoq." (Atorfeqarfimmi nutsigaavoq)*

*KNR allakkani 9. december 2004-meersumi qinnuigaara tunngavilersuutigineqartumi tassani sunarpiaq pineqarnersoq nassuiaqqullugu.*

*KNR-ip allakkani 21. december 2004-meersumi itigartitsinermut tunuliaqutaasoq erseqqinnerusumik paasissutissiissutigaa:*

*"15. marts 2004-mi allakkat KNR-ip imaaliinnarluni isumaqatigiissutinik, ukiorpassuarni pilersinneqarsimasunik tunniusserusunnginneranut tunngatillugu paasineqassapput, aallakaatitsiviup tusarnaartunik sullissilluni ingerlatsineranut anertuumik ilaavoq tamatumuunalu mianersorneq innimiginninnerlu toqqarsimallugit.*

*Sillimaniutitut malittarisassaq aamma atorneqalersimavoq KNR-ip ussassaarutinit isertitat annertuut annaasinnaammagit, KNR-ip tapersersuisunit isertitai Nuummi annertuumik niueqatigisanit tunngaveqartarmata aammalu aallakaatitanit DR1-p aamma TV2-p aallakaatitaanit."*

*KNR allakkanni 24. januar 2005-imeersumi qinnuigeqqippara suliami allagaatinik paasitinneqarnissamik qinnuteqaatip akuerineqarnerata Nuuk TV-mut itigartitsissummi oqaatigineqartutut KNR qanoq ililluni ajoqusersinnaaneraa nassuiaqqullugu, erseqqissarlugulu apeqqutimmi KNR-ip*



aallakaatittaagaanik Nuuk TV-p aallakaatitsinerata KNR-imik ajoquusiisinaanera pillugu apeqquut pineqanngitsoq.

Apeqqutikka KNR-ip allakkani 4. april 2005-imeersuni imatut akivai:

"...

KNR-ip aamma Danmarks Radiop/TV2-p isumaqatigiissutaat KNR-ip aamma Danmarks Radiop/TV2-p akornanni niuernerq aallaavigalugu nalinginnaasumik isumaqatigiinniarnertit tunngavigalugit isumaqatigiissutigineqarsimapput. Isumaqatigiissutit taakku isumaqatigiinniarnerni angusamut KNR-ip aamma Danmarks Radiop/TV2-p sivisoorsuarmik suleqatigiinnerannik tunngaveqartumut takussutisaavoq. Isumaqatigiissutit taakku imminni aningaasaqarnikkut annertuumik iluaqutissanik imaqarput, paasissutissiissutigineqarunik annaaneqartussanik.

Tamatuma saniatigut manna aalajangiissuvoq, tassalu KNR niuernermit ingerlataqarnermini tunisassioortunut isumaqatigiinniuteqarsinnaallunilu isumaqatigiissuteqarsinnaasoq, taakku unammillertinut paasissutissiissutigineqarsinnaanissaat annilaanngatiginagu.

KNR-imi suliffeqarfiup tunisassioernermit aallakaatitsinermilu atortui aningaasat millionit arlalissuit atorlugit digitalimut massakut allanngortiterneqarnialerput. Niueqatigiiffik unammilleqatigiiffioqisoq pineqarpoq, atortussanillu tunniussisartut assigiinngitsut tunniussininermit atugassarititaasut tamanut saqqummiunneqartannginnissaat eqqumaffigisorujussuuaat.

Tunniussisarneq pillugu isumaqatigiissutit avammut paasissutissiissutigineqartarnissaat tunisassioernermit aallakaatitsinermilu atortussanik KNR-imut tunniussisartut naatsorsuutigisariaqassappassuk ilimanarluinnarpoq tunniussinermi atugassarititaasut ajornerusut atorlugit annaasaqaataasumik tunniussisoqartarnissaa KNR-ip akuerisariaqarpaa.

...

Taamaalilluni TV-kkut aallakaatitassianut atatillugu allagarsiinikkut ussasaarutinik ussasaarutinillu allanik tuniniaanikkut 6 mio. kr.-nik isertitaqarnissaq missingersuusiorneqarsimavoq. KNR-ip misilittagaraa ussasaaruteqarniartut allagarsiinikkut ussasaarutinik qallunaatut TV-avisimut, timersornikkut pisimasunik aallakaatitanut kiisalu Danmarks Radiop aamma TV2-p filminik aallakaatitaannut atatillugu inissinneqarnissaat kissaatiginerpaasaraat. KNR-ip aamma misilittagaraa ussasaaruteqartartorpasut Nuummi najugaqartunut ussasaaruteqartartut.

Nuuk TV aamma KNR marluullutik TV-kkut aallakaatitassianik aallakaatitsisarnermikkut niuernermit ingerlataqartuupput, ussasaarinikkullu isertitat taakkununga attuumassuteqartut eqqarsaatigalugit toqqaannartumik unammilleqatigiittuullutik.

KNR-ip TV-kkut aallakaatitanut atatillugu allagarsiilluni ussasaarutitigut isertitai KNR-ip TV-kkut aallakaatitassianik aallakaatitsinerani aningaasartuutinik matussuseeqataasarpur, matumani Danmarks Radiop aamma TV2-p aallakaatitassiaat ilanngullugit eqqarsaatigalugit.

...

Danmarks Radiop aamma TV2-p aallakaatitassiaannik aallakaatitsineq aamma tamatumunnga atatillugu ussasaarutitigut isertitat pillugit KNR-ip toqqaannartumik unammilertuunerata (imaluunniit taamaalisinnaanerata) nassataraa, KNR-ip naliliinera malillugu, suliami allagaatinik paasitinneqarnissamik qinnutigisap pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 13, imm. 1-imi nr. 5 tunngavigalugu itigartinnissaanut piunasaqaatit eqqortinneqarsimasutut isigissallugit anner-

tunerusumik uppernarsaassiinissaq pisariaqanngitsoq. FOB 1991.116 aamma FOB 1997.108 innersuussutigaaq.

KNR-ip tamatumunnga peqatigitillugu naliliinera unaavoq Danmarks Radiomut aamma TV2-mut isumaqatigiissutit ataasiakkaarlutik iluminni imatut ataqatigiinneqartut allagaatinik paasissutissiinermi ilivitsuullutik ilaatinneqanngitsoorsinnaasut. Tamatumunnga taarsiunneqarsinnaasooq tassaavoq allagaatini paaalluni ima tirtartuisoqartigissasooq taakku imminni Nuuk TV-mut naleerullutik." (Atorfeqarfimmi nutsigaavoq)

Siullertut oqaatigaara KNR-ip ilaatigut ilaannakortumik niuernermit atugassarititaasut tunngavigalugit aningaasalersugaaneramik KNR-ip paasinninnera ilalersinnaagiga.

Matumani radiokkut fjernsynikkullu aallakaatitsisarneq pillugu Inatsisartut peqqussutaanni nr. 3-mi, 17. maj 1990-imeersumi § 9 imaattunik oqaasertaqartoq innersuussutigaaq:

"§ 9. KNR-ip ingerlatsinera aningaasalersorneqassaaq landskassimit tapiissutigut, reklamitigut ilanngussisunillu aningaasalersuisitsinikkut isertitatigut pinguartitsinertigut unammisitsinertigullu sulianillu tunisatigut il.il.

Imm. 2. Landskassip KNR-imut tapiissutissai ukiumoortumik aningaasanut inatsisitigut aalajangersarneqartassapput."

Aalajangersagaq taassuma pissuseqataa radiokkut TV-kkullu aallakaatitsisarneq pillugu Inatsisartut peqqussutaanni nr. 6-imi, 14. november 2004-meersumi massakkut § 35-miippoq.

Taamaattumik KNR-ip DR-imut aamma TV-mut isumaqatigiissutaani allagaatinik Nuuk TV-p paasitinneqarsinnaaneramik naliliinermi KNR-ip niuernermit ingerlataqarnerata mianerineqarnissaanik naliliinermik KNR-ip ilanngussisimanera pillugu oqaaseqaateqarsinnaanngilanga.

KNR-ip itigartitsussutaani 15. marts 2004-meersumi siullertut allagaatinik "allamut", tassalu Nuuk TV-mut, paasissutissiineq "KNR-ip niueqatigiinnermi ataqqineqarneramik tatiginassusianillu ajoqusiinnaasooq" innersuussutigineqarpoq.

KNR-ip akissummini 4. april 2005-imeersumi siullertut oqaatigaa KNR-ip manna pingaartillugu isiginiaraa, tassalu qallunaat TV-kkut aallakaatitsisarfiinut isumaqatigiissutit imminni aningaasaqarnikkut annertuumik iluaqutissanik imaqartut, paasissutissiissutigineqarunik annaaneqartussanik.

Tunngavilersuut taanna pillugu oqaatigaara pissutsit isumagatigiissutini allagaatit paasissutissiissutigineqarpata KNR-ip DR-imik aamma TV2-mik suleqateqarnerata akisunerulersinnaaneramik uppernarsaasuusut KNR-ip paasissutissiissutigisimannikkai.

Tamatumunnga atatillugu oqaatigaara nipangiussisimasinnaaneq imaluunniit nipangiussisimanissamik neriorsuutit KNR-ip aamma DR-ip TV2-llu isumaqatigiissutigisimasaanni immikkoortutut ilaannngitsut.

*Ammattaaq KNR-ip tusarniaaninnut akissutaa imatut paasivara KNR-ip paasinninnera unaasoq KNR-ip siunissami isumaqatigiissuteqarfigisaru- maagaanut isumaqatigiissutini allagaatit paasissutissiissutigineqarsin- naappata KNR-imut akuerineqarsinnaasunik atugassaqartitaalluni isuma- qatigiissuteqartarnissaanut periarfissat ajornerulersinneqassasut.*

*Siullertut oqaatigaara KNR-ip tunngavilersuutaa ima tigussaangit- sigisunik imaqartoq tunngavilersuut taannaasoq KNR-ip aamma suliffe- qarfiit namminersortut pisortallu suliffeqarfutaasa isumaqatigiissutaanni tamarluinnangajanni allagaatinik paasitinneqarnissamik mattussinissa- mut atorineqarsinnaasussaalluni.*

*Allagaatinik § 13, imm. 1-imi nr. 5 tunngavigalugu ilaatitsinngitsoorto- qassappat piumasaqaataavoq niuernerme mianerisassat suut allagaat alla- gaatilluunniit pineqartut eqqarsaatigalugu/-git allagaatip imaluunniit al- lagaatit allagaatinik paasissutissiinnissami pineqartunut ilaatinneqanngin- nissaannut pissutaanersut erseqqissarneqassasut.*

*Tassani aamma ilaavoq KNR-ip ingerlatsineq pillugu inatsiseqartitsineq tunngavigalugu pisortani oqartussaasuunera, pisortallu ingerlatsinerat pillugu paasitinneqarsinnaatitaaneq pillugu Inatsisartut inatsisaanni pine- qartunut ilaanera, tassanilu aallaaviup unaanera, tassalu allagaatit oqar- tussaasup suliamik suliarinninneranut atatillugu pilersinneqartut tamar- mik allagaatinik paasitinneqarsinnaatitaanermi pineqartunut ilaanerat, tak. Inatsisartut inatsisaanni tassani § 4, imm. 1, tak. § 1, imm. 1.*

*Taamaalillutik atortussanik tunniussisartut niueqatigiinnermilu atta- veqarfigineqartartut allat nalinginnaasumik naatsorsuutigisariaqarpaat pisortani oqartussaasunut isumaqatigiissutitik allagaatinik paasitinne- qarsinnaatitaanermi pineqartunut ilaatinneqartut. Inatsisartut inatsi- saanni tassani § 12 tamatumunnga peqatigitillugu allagaatini paasissutis- sat allagaatinik paasissutissiinnissamut erseqqissumik naliliinikkut ilaatin- neqanngitsoorsinnaanerannut periarfissamik imaqarpoq, namminersortut soqutigisaasa illersorneqarnissaat siunertaralugu.*

*Taamalilluni suut tamaasa isigalugit pineqartoq tassaavoq oqartussaa- sut namminersortunut isumaqatigiissuteqarnissaanni ataatsimut miane- risassat allagaatinik paasitinneqarnissamik qinnuteqaatip Inatsisartut inatsisaanni § 13, imm. 1-imi nr. 5 innersuussutigalugu itigartinneqarnis- saanut tunngavilersuutaasinnaanginnerat.*

*KNR-ip tamatumunnga uiggiullugu manna innersuussutigisimavaa, tas- salu KNR suliffeqarfiup tunisassiornerani aallakaatitsineranillu atortunik digitaliusunngortiterilersimasoq, atortussanillu KNR-imut tunniussisartut akigititamik tamanut saqqummiunneqannginnissaat eqqumaffigisussaa- gaat.*

*KNR isumaqatigaara oqarmat ataqatigiinneqarnermi taaneqartumi su- liariumannittussarsiuussinermut isumaqatigiissuteqarnernullu atatillugu atortussanik tunniussisartuujuumartussat massakkullu tunniussisartuusut eqqarsaatigalugit paasissutissat ilaannik allagaatinik paasissutissiinnermi*

*ilaatitsinngitsoornissaq pisariaqalersinnaasoq. Taamatulli ilaatitsinngitsoornerit Inatsisartut inatsisaanni § 12 aalajangersimasumik tunngavigalugu pisariaqarpoq, qulaanilu oqaaseqaatika innersuussutigaaq, tassalu KNR-ip suliffeqarfinnut allanullu isumaqatigiissutaasa allagaatinik paasissutissiinermi ilaatinneqannginnissaat aallaaviussasoq KNR-ip ataatsimut piunasaqaatigisinnaanngikkaa.*

*KNR-ip aamma innersuussutigaa KNR-ip ussassaarutigut isertitaanut DR-ip aamma TV2-p aallakaatittagaanik aallakaatitsisarnernut attuumasuteqartunut atatillugu unammilleqatigiinnerup KNR-ip DR-imut aamma TV2-mut isumaqatigiissutaasa allagaatinik paasissutissiinermi ilaatinneqannginnissaat pisariaqalersikkaa.*

*Tamanna pillugu oqaatigaara radiokkut fjernsynikkullu aallakaatitsisarneq pillugu Inatsisartut peqqussutaanni nr. 3-mi, 17. maj 1990-imeersumi § 1, imm. 1-ikkut aalajangersarneqartoq KNR tamanut aallakaatitsinissamut akuerineqartoq, aallakaatitsiviilli allat § 1, imm. 2, tak. kapitali 3, tunngavigalugu taamaallaat najukkani ataasiakkaani aallakaatitsinissamut akuersissummik tunineqarsinnaasut.*

*KNR-ip Inatsisartut peqqussutaanni tassani § 1, imm. 1 tunngavigalugu pisinnaatitaaffii Inatsisartut peqqussutaanni tassani § 8, imm. 1-imi pisussaaffinnut makkununga, KNR-ip aalajangiinermi 15. marts 2004-meersumi aamma innersuussutigisimasaanut, ataneqartillugit isiginiarneqasapput:*

*"KNR pisortat suliffeqarfigaat namminersortoq, pisussaasoq radiofoniikkut fjernsynikkullu aallakaatitassianik nutaarsiassaqartitsinermut, qaammarsaanermut, aliikkusersuinerneq eqqumiitsuliornermullu tunngasunik aallakaatitsisarnissamut. Aallakaatitassianik aqqissuussinermi pingaartinneqasapput naqisimaneqanngitsumik paasissutissiinnaatitaaneq oqaaseqarsinnaatitaanerlu. Aallakaatitassiat suliarilluagaallutilu, tamatigoortuullutilu amerlasuujusarnissaat anguniarneqassaaq. Paasissutissiisarnermi tunngaveqarluartarnissaq nakerisarsiortannginnissarlu pingaartinneqasapput."*

*Taamaattumik uanga paasinninnera malillugu KNR najukkani ataasiakkaani TV-qarfinnut niuernerneq atugassarititaasut atorlugit unammillernissaminut periarfissaqanngilaq.*

*Taamaalilluni uanga paasinninnera malillugu KNR-ip nuna tamakerlugi aallakaatitassianik aallakaatitsinissamut pisussaaffeqarnera ussassaarutigut aningaasaliisartullu aningaasaliissutaasigut isertitaasinaasunik annaasat innersuussutigalugit sakkukillineqarsinnaanngilaq.*

*Tamanna suliamut matumunnga atatillugu imatut sunniuteqarpoq, tassalu massakut unammilleqatigiinneq pillugu tunngavilersuut KNR-ip saqqummiussaa KNR-ip DR-imut aamma TV2-mut isumaqatigiissutaani allagaatinik Nuuk TV-p paasitinneqarsinnaanera pillugu apeqquummut atatillugu pingaaruteqartinneqarsinnaanani, tassami Nuuk TV-p qallunaat aallakaatitsiviinut pineqartunut isumaqatigiissuteqarnissamut periarfissaa*

*KNR-ip ussassaarutigut imaluunniit aningaasaliisartut aningaasaliis-sutaasigut isertitanik annaasaqaatigisinnaasaa KNR-ip nuna tamakker-lugu TV-kkut aallakaatitsinissamut pisussaaffeqarneranut pingaaruteqan-gimmat.*

*KNR-ip tusarniaanermut akissummini 4. april 2005-imeersumi DR-ip aamma TV2-p aallakaatitassiatut neqeroorutaat eqqarsaatigalugit KNR-ip unammilleqatigiinnermut pulasoorsinnaanera aamma innersuussutigaa.*

*Tamanna pillugu oqaatigaara radiokkut TV-kkullu aallakaatitsisarneq pillugu Inatsisartut peqqussutaanni nr. 6-imi, 14. november 2004-meer-suni, 1. januar 2005 aallarnerfigalugu atortuulersumi, § 20-kkut aalaja-ngersarneqarmat KNR nuna tamakkerlugu TV-kkut aallakaatitsinissamut suli pisussaaffeqartoq.*

*Inatsisartulli peqqussutaanni tassani § 14-ikkut aallakaatitsiviit KNR-iunngitsut allat nuna tamakkerlugu TV-kkut aallakaatitsinissamut akue-rineqarnissaannut periarfissiisoqarpoq (aallakaatitsiviup pineqartup na-jukkami aallakaatitsinissamut aamma akuerineqarsimasuunnginnissaa piumasaaqatigalugu).*

*KNR-illi TV-qarfinnik allanik nuna tamakkerlugu aallakaatitsisartunik unammillernissamut periarfissaata mianerineqarnissaa allagaatinik paa-sitinneqarnissamik qinnuteqaatip itigartinneqarneranut tunngavilersuu-taasinnaanngilaq 1) aallakaatitsisarfiit allat aallakaatitsinissamut akue-rissummik tunineqareersimappata, 2) KNR-ip sulinini unammilleqatigiin-nerup nassatarisaanik naleqqussarsinnaappagu, aamma 3) aallakaatitsi-sarfinnut allanut aallakaatitsinissamut akuersissutit imatut piumasaaqate-qarluni tunniunneqarsimappata, tassalu aallakaatitassanik pisiniartarneq eqqarsaatigalugu aamma ussassaarutunik tuniniaaneq aningaasaliissute-qartartunullu isumaqatigiissuteqartarneq eqqarsaatigalugit unammilleqa-tigiittoqassasoq.*

*Qulaani taaneqartut eqqortinneqarsimanersut KNR-ip tusarniaaninnut akissummini kingullermi paasissutissiissutigisimanngilaa.*

*KNR-ip tamatumunnga peqatigitillugu oqaatigaa DR-ip aamma TV2-p aallakaatitassiaasa aallakaatinneqarnerat aamma taakkununnga atatil-lugu ussassaarutigut isertitat pillugit KNR-ip unammillertuunera toqqaan-nartumilluunniit unammillertuulersinnaanera pissutigalugu pisortat inger-latsinerat pillugu paasitinneqarsinnaatitaaneq pillugu Inatsisartut inatsi-saanni § 13, imm. 1-imi nr. 5-ikkut inatsimmi pineqartunut ilaatitsinngis-sinnaaneq pillugu aalajangersakkap eqqortinneqarsimanerata anner-tunerusumik uppernarsaasersorneqarnissaa pisariaqartinneqanngitsoq. Folketingip Ombudsmandiata 1991-imi ukiumoortumik nalunaarutaani qupperneq 116 tulluilu KNR-ip tassani innersuussutigisimavai.*

*KNR isumaqatigaara oqarmat unammilleqatigiittoqalereersimappat ili-magineqarsinnaasooq suliffeqarfiup niuernikkut piareersarneqarnera ingerlanneqarneralu pillugit paasissutissat § 13, imm. 1-imi nr. 5 tunnga-vigalugu paasissutissiissutigineqartussanit peerneqarsinnaasut.*

*Matumani manna aamma isiginiartariaqarpoq, tassalu Naalakkersuisut suliffeqarfik taanna pisumi tassani pisortani ingerlatsineq pillugu paasitinneqarsinnaatitaaneq pillugu Inatsisartut inatsisaanni pineqartunut ilaatingitsuuissinnaasussaagaat, tak. Inatsisartut inatsisaanni tassani § 3, imm. 1.*

*Taamaattorli makku tunngaviusariaqarput, aamma tak. Folketingip Ombudsmandiata suliami taaneqartumi tunngavilersuutaa:*

- 1) pisortat suliffeqarfiutaata ilaa erseqqissumik killiligaasoq pineqasasooq,*
- 2) suliffeqarfik taanna niuernermit ingerlataqarfippiatut ingerlanneqartuussasooq, aamma*
- 3) suliffeqarfik taanna suliaasaqarfimmi tassani suliffeqarfiit (namminersortut) allat tamakkiisumik unammillerlugit ingerlatinneqasasooq.*

*Piumasaqaatit taakku KNR eqqarsaatigalugu uanga paasinninnera mallilugu eqqortinneqarsimannigillat, tassami KNR-ip aningaasaqarnikkut ingerlanneqarnera (aningaasaqarnermut inatsisikkut aalajangersagaa-sumik) Nunatta Karsiatigut aamma ussassaarutitigut aningaasaliisartullu aningaasaliissutaasigut isertitatigut, isertitsissutaasartunik pinnguartitsinertigut unammisitsinertigullu isertitatigut kiisalu sulianik tunisanit isertitatigut aningaasalersorneqartussaammat, tak. radiokkut fjernsynikkullu aallakaatitsisarneq pillugu Inatsisartut peqqussutaat nr. 3, 17. maj 1990-imeersoq.*

*Aalajangersagaq tassunga assingusooq radiokkut TV-kkullu aallakaatitsisarneq pillugu Inatsisartut peqqussutaanni massakkut atuuttumi § 35-imi ilanngunneqarsimavoq.*

*2005-imi Inatsisartut Aningaasanut Inatsisaannit erserpoq KNR 53.760.000 kr.-nik Nunatta Karsianit tapiiffigineqasasooq.*

*Aningaasaliinermut tunngavigineqartunit ilaatigut makku erserput:*

*"KNR-imit ilisimatitsissutigineqarpoq, 2005-imut aningaasanut inatsit aqqutigalugu aningaasaliissutinut aallaaviusut 2004-mi amerlaqatigippatigik, KNR-ip 2005-imi suliaasai tassaassasut:*

*TV-kkut aallakaatitassiorneq (piffissaq aallakaatitsiviusooq tamakkiisooq):  
Nal. ak. 3.827-t, nunanit allanit pisiat, nammineq aallakaatitassiat, ..."*

*Tamanna KNR-ip tusarniaanermut akissummini 4. april 2005-imeersumi aallakaatitassianik ussassaarutinillu tuniniaanermit isertitat 6 mio. kr.-iunerannik paasissutissiissutaanut ataneqartinneqartariaqarpoq.*

*Taamaalilluni pineqartoq tassaavoq KNR-ip ingerlanneqarnerata, matumani nunani allani aallakaatitassianik pisisarneq ilanngullugu eqqarsaatigalugu, annertunerusutigut aningaasanut inatsimmi tapiissutitut aalajangersarneqarsimasut aqqutigalugit aningaasalersorneqarnera.*

*Tamatumunnga peqatigitillugu pineqartoq tassaavoq, soorlu tamanna qulaani nassuiariga, KNR-ip nuna tamakkerlugu aallakaatitsisarnerata*



*inatsisikkut aalajangersagaasumik siammarterinissamut pisussaaffeqarnermik tunngaveqarnera, taamatuttaarlu siunissami unammilleqatigiit-toqalissappat tamatuma aallakaatitsinissamut akuersissutinik ataasiakkaanik tunniussisarnermik tunngaveqartussaanaera.*

*Taamaattumik isumaqarpunga KNR niuernermik namminersortutut suliffeqarfimmut sanilliunneqarsinnaasumik ingerlataqartuusutut oqaatigineqarsinnaanngitsoq.*

*Aamma oqaatigisariaqarpara Nuuk TV qinnuteqaatigineqartutut suliami allagaatinik paasissutissineqarpat tamatuma KNR-ip nuna tamakerlugu aallakaatitsianik aallakaatitsineranut qanoq ililluni ajoquusiinnaanera KNR-ip erseqqinnerusumik tunngavilersorsimanngikkaa.*

*KNR-ip taamaallaat manna innersuussutigaa, tassalu pissuseq taanna pillugu nassuiaateqarnissani KNR-ip kissaatiginngikkaa, KNR-ip tusarniaanermut akissutitut allagaasa Nuuk TV-mut suliami illua tungiusumut tusarniaatitut saqqummiunneqarniarnerannik tusarniaallunga allakkanni 24. januar 2005-imeersuni oqarsimanera innersuussutigalugu.*

*Taamaattumik KNR-ip akissuteqarnerata paasissutissanik KNR-ip Nuuk TV-mut ingerlateqqinneqarnissaannik kissaatiginngisaanik KNR-ip saqqummiussisoornissaa nassatarissaneraa ilisimanngilara.*

*Taamaattorli isumaqarpunga KNR-ip taanna uannut nalunaarutigisimasariaqaraluaraa, tassami Ombudsmandi pillugu inatsimmi § 7, imm. 1-ikkut aalajangersarneqarmat oqartussaasut pisussaaffeqartut paasissutissat atorfiga tunngavigalugu piumasarisakka saqqummiutissallugit.*

*KNR-ip uannut akissuteqarnissamut pisussaaffimminik eqqortitsinerata paasissutissanik innuttaasup suliffeqarfiulluunniit allagaatinik paasitinneqarnissamik qinnuteqarnerani suliassat suliarineqartarnerat pillugu inatsit imaluunniit pisortat ingerlatsinerat pillugu paasitinneqarsinnaatitaaneq pillugu inatsit malillugu suliarineqartussanik KNR-ip allanut ingerlateqqinneqarnissaat kissaatiginngisaannik saqqummiussineq nassatarissappagu paasissutissat taakku KNR-imit akuerineqarnanga uanga nammineq allanut soorunalimi ingerlateqqinnavianngilakka.*

*Taamaattorli KNR-ip sulinera pillugu inatsisikkut tunngavigisaq misisoreerlugu paasinninnera unaavoq KNR-ip akissutaa 4. april 2005-imeersaq KNR-p Nuuk TV-mut itigartitsineranut tunngavilersuutinik naliliininut aalajangiisuusumik pingaaruteqartinneqarsinnaanngitsoq, tassami manna pingaartillugu isiginiartariaqarakku, tassalu KNR nuna tamakerlugu TV-kkut aallakaatitsinissaminut pisussaaffeqartoq, taamaattumillu tassanili ilimananngereerluni KNR-ip DR-imut TV2-mullu isumaqatigiisutaani allagaatinik paasissutissiineq pisussaaffigalugu suliassap taasuma ingerlanneqarneranik ajornakusoortunngortitsisinnaassasoq.*

*Kiisalu oqaatigaara KNR-ip tusarniaanermut akissutaa 4. april 2005-imeersaq imatut paasigiga Nuuk TV-p allagaatinik paasitinneqarnissamik qinnuteqaataa itigartinneqarnera pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 13, imm. 1-imi nr.*



6) malillugu nalunaarutigineqarsimasinnaanera KNR-ip atortussaatinni-arunnaaraa.

Taamaattumik taamaallaat oqaatigaara paasinninnera unaasoq § 13, imm. 1-imi nr. 6-ip atorreqarnerani matuma erseqqissarneqarnissaa piumasagaataasoq, tassalu allagaatinik paasissutissiineq annertuumik mianerisariaqakkanut assortuuttuusooq, mianerisariaqakkallu taakku § 13, imm. 1-imi nr. 1)-imit nr. 5)-imut pineqartunut ilaatinneqanngitsut.

Allagaatinik paasissutissiinissamik nr. 6 tunngavigalugu nr. 1)-imit nr. 5)-imut aalajangersakkat tunngavigalugit allagaatinik paasissutissiisinnerarnerup itigartitsissutigineqarsinnaannginnera innersuussutigiinnarlu-gu itigartitsineq inatsimmik eqqortitsinerunaviannigilaq.

Eqikkaallunga paasinninnera unaavoq Nuuk TV-p allagaatinik paasitinnerneqarnissamik qinnuteqaataanik KNR-ip itigartitsinera amigartumik tunngavilersugaasoq, tamannalu isorisariaqartutut isigaara.

Tamatumani aamma pingaartillugu isiginiarpara pisortani oqartussasup allagaatinik paasitinnerneqarnissaq pillugu qinnuteqaammik tigusaqartup manna aallaavigisariaqaraa, tassalu pisortat ingerlatsinerat pillugu paasitinnerneqarsinnaatitaaneq pillugu Inatsisartut peqqussutaata pisortat ingerlatsineranni ammasuunermik pilersitsinissaq pingaarnertut siunertarigaa, aamma tak. Inatsisartut peqqussutaanni tassani § 4, imm. 1, tassanimi aalajangersarneqarmat allagaatinik paasitinnerneqarsinnaatitaaneq pingaarnertut atuuttoq, taamatuttaarlu oqartussaasoq pisussaaffeqarnerminit annertunerusumik paasissutissiisinnaasoq. Taamaalilluni inatsit taanna minnerpaaffiliineq pillugu inatsisitut aqunneqassaaq.

Tamanna tunngavigalugu inassuteqaatigaara Nuuk TV-p qinnuteqaataa KNR-ip suliareqqissagaa.

Nuuk TV taassuma suliami illua tungiusutut sinniisaa, Eqqartuussissuserisoqarfik A, aqputigalugu allakkatigut allatigut allakkat uku assilinerannik ilaqartinneqartutigut uanga paasinninnera pillugu ilisimatippara.

Kiisalu allakkat uku assilinerat Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqqarfimmu nassiuppaa."

Ukiup nalunaarusiuunneqartup naanerani Kalaallit Nunaata Radioanit tusagaqanngilanga.

## 97. Atuisartut Pisisartullu.

### 1. Piffissaq Atuisartunut Pisisartunullu Maalaaruteqartarfittut Ataatsimiititaliap suliamik suliarinninnermut atugaa pillugu naammagittaalliut.

*Piffissaq Atuisartunut Pisisartunullu Maalaaruteqartarfittut Ataatsimiititaliap suliamik suliarinninnermut atugaa A-p naammagittaalliutigaa. Ombudsmandip oqaatigaa Ombudsmandip paasinninnera unaasoq piffissap suliamik suliarinninnermut atorineqartup ataatsimut isigalugu akuerineqarsinnaasup nalilivigineqarnerani pissutsit oqartussaasup sulisuisalu namminneq atugaat isiginiarneqarsinnaanngitsut, tassami naliliineq taamaattoq kinaassusersiunngitsumik tunngaveqartariaqarmat. Taamaattumik suliap aalajangiivigineqarnissaminut piareernerata kingornatigut ukiut marluk affallu missaat aamma suliap nukingiuqqarnissaanik naammagittaalliortup qinnutiginninnerata kingornatigut ukiut marluk sinnerlugit qaangiuttut Ataatsimiititaliap aatsaat aalajangiisimanera isorisariaqartut Ombudsmandip isigaa.*

*Ombudsmandip aamma inassuteqaatigaa piffissaq suliamik suliarinninnermut ataatsimut atorineqartoq siusinnerusukkut nalunaarutigineqartumit siviisunerussappat Atuisartunut Pisisartunullu Maalaaruteqartarfittut Ataatsimiititaliap naammagittaalliortunut nammineq suliniuteqarnermigut nalunaarutigisassagaa.*

*Ombudsmandi aamma isumaqarpoq aningaasaqarnikkut isiginiagassat imminni Atuisartunut Pisisartunullu Maalaaruteqartarfittut Ataatsimiititaliap ataatsimiittannginneranut tunngavilersuutaasinnaanngitsut, inassuteqaatigalugulu piffissaq Ataatsimiititaliap sulianik suliarinninnermut atortagaa qanoq iliorluni sivikillisinneqarsinnaanersoq Atuisartunut Pisisartunullu Maalaaruteqartarfittut Ataatsimiititaliap isumaliutersuutigisagaa. (J. nr. 11.07.97.04/023-05)*

A-p naammagittaalliutaa 1. marts 2005-imi tiguara. A-p naammagittaalliuummi suliarineqarneranut piffissaq Atuisartunut Pisisartunullu Maalaaruteqartarfittut Ataatsimiititaliap manna tikillugu atorsimasaa naammagittaalliutigaa.

A uannut naammagittaalliuummini imatut allappoq:

”Naammagittaalliut Atuisartunut Pisisartunullu Maalaaruteqartarfittut Ataatsimiititaliamut 2002-mi augustimi nassiuppaa, mannaluk tikillugu arlaleriaqalunga nukingisaarisarsimallunga, nukingisaarutinni kingulliup tulliani 30. maj 2004-meer-

sumi akissut kiisalu nukingisaarut kingulleq 12. januar 2005-imeersoq akissutisiffiginngisara takukkit.

Piffissaq suliamik suliarinninnermut atorneqartoq sivisooq naammagittaalliuti-giniarpara.” (Atorfeqarfimmi nutsigaavoq)

Tamatuma kingornatigut Atuisartunut Pisisartunullu Maalaaruteqartarfittut Ataatsimiititaliamut 8. marts 2005-imi imatut allappunga:

”./ A-p naammagittaalliutaata, assilineri ilanngullugu nassiunneqartoq, Ombudsmandip 1. marts 2005-imi tiguaa.

Naammagittaalliut imatut paasivara A-p Atuisartunut Pisisartunullu Maalaaruteqartarfittut Ataatsimiititaliamut naammagittaalliummi Atuisartunut Pisisartunullu Maalaaruteqartarfittut Ataatsimiititaliamit suliarineqarnerani piffissaq manna tikillugu atorneqartoq naammagittaalliutiginiaraa.

Ombudsmandi aalajangerpoq suliaq suliarilerniarlugu.

Taamaattumik Atuisartunut Pisisartunullu Maalaaruteqartarfittut Ataatsimiititaliaq qinnuigaara suliaq pillugu oqaaseqaateqaqqullugu. Atuisartunut Pisisartunullu Maalaaruteqartarfittut Ataatsimiititaliaq immikkut qinnuigaara naammagittaalliut Ataatsimiititaliamit qanga tiguneqarsimanersoq aamma A Atuisartunut Pisisartunullu Maalaaruteqartarfittut Ataatsimiititaliap aalajangiineranik massakkut nassinneqarsimanersoq nalunaarutigeqqullugu.

Aammattaq Atuisartunut Pisisartunullu Maalaaruteqartarfittut Ataatsimiititaliaq qinnuigaara suliami iliuuserineqartut ullulersorlugit tullerriaarneqarneri nassuteqqullugit, suliami iliuuserineqarsimasut naammagittaalliuteqartumut qanoq annertutigisumik ilisimatitsissutigineqarsimanerat nalunaarlugu.

Kiisalu Atuisartunut Pisisartunullu Maalaaruteqartarfittut Ataatsimiititaliaq qinnuigaara mappi allagaatinik naammagittaalliortumut tunngasunik imalik atukkiuteqqullugu.

Atuisartunut Pisisartunullu Maalaaruteqartarfittut Ataatsimiititaliap akissutaata Ombudsmandip suliamik inaarsaalluni suliarinninnginnerani A-mut saqqummiunneqarnissaa naatsorsuutigineqarpoq.”

A suliap suliarineqarneranik uannut 6. april 2005-imi paasiniaavoq.

Atuisartunut Pisisartunullu Maalaaruteqartarfittut Ataatsimiititaliap akissutaanik mappiutaanillu suliami allagaatinik imalimmik suli tigusaqannginnama Atuisartunut Pisisartunullu Maalaaruteqartarfittut Ataatsimiititaliaq suliaq pillugu akissuteqarnissaanik allakkatigut 14. april 2005-imeersutigut eqqaasippara.

Atuisartunut Pisisartunullu Maalaaruteqartarfittut Ataatsimiititaliap tamatuma kingorna allakkatigut 2. maj 2005-imeersutigut imatut akivaanga:

”Matumani atsiortup Ombudsmandip ulloq 8. marts 2005 allagaqaataa akissuteqarfigaa; allakkat taakku sulinngiffeqarnissamik aallarnissara sioqquutilaarlugu - taamatullu aamma ilutigitillugu Danmarkimut sulianut atatillugu angalanissara sioqqullugu - tigusakka. Taamaattumik tamanna pissutaavoq allakkat pineqartut ullumikkut aatsaat akineqarsinnaammata.

Aallarniutitut taasassatut ilanngunneqarput A-p taarsigassarsinneqarnissamik qinnuteqaataa pillugu suliamut atasumik nalunaarsugaasut. Suliamut atatillugu nalunaarsukkani qallersaapput ullut nalunaarsuiffiusut pineqartut allattorsimaffigisaat.

Noqqaassutigineqartumut matumani suliamut attuumassuteqartumut atatillugu paasisstussiisutigiugmaneqaqquneqarpoq A-p naammagittaalliuutaa Atuisartunut Pisisartunullu Maalaaruteqartarfittut Ataatsimiititaliamut apuussimanersoq, tamatumunngalu atasumik ilisimatitsissutigineqassaaq ataatsimiititaliap allattoqarfia, Nunatsinni Atuisartunut Siunnersuisartoqatigiit aqquqigalugit, naammagittaalliuut pineqartoq tigummagu ulloq 2.8.2002.

Atuisartunut Pisisartunullu Maalaaruteqartarfittut Ataatsimiititaliami maanna aalajangiiffigisassatut inassuteqaasiortoqareerpoq suliat katillugit arfinillit pillugit. Taakkunanga marluk naammagittaalliuutaasut tiguneqarput 2002-mi, pingasut 2003-mi ataaserlu 2005-imi. Ataatsimiititaliallu Allattoqarfia maanna piareersimavoq ataatsimiititaliami ilaasortaasut aggersassallugit ataatsimiinnissaannut, tamatumani suliat pineqartut arfinillit aalajangiiffiginissaat peqqullugit. Taamaatorli matumani atsiortoq ataatsimiititaliami siulittaasuugallartoq qaammammi matumani angalasussaavoq suliaminut atatillugu - arlariinni; aappaani Danmarkimut "Forbrugerråd"-imut aappaanilu Unammilleqatigiinneq pillugu Aalajangersaasartut peqatigalugit K-mut. Unammilleqatigiinneq pillugu Aalajangersaasartut aamma Nunatsinni Atuisartunut Siunnersuisoqatigiit (aamma Atuisartut Pisisartullu Maalaaruteqartarfittut Ataatsimiititaliaq) pillugit Ataatsimut Allattoqarfik qaammattip tulliuttup aallartilaaernerani ...-mit maannakkut attartorfigalugu allaffeqarfigisaminit nuussaaq ...-mut.

Ataatsimiinnissarlu matuma siuliani taasaq aasaanerani sulinngiffeqarnissaq sioqqullugu ingerlanneqarsinnaajumaarnersoq imaluunniit malitsigisaanik, maanna nalunarpoq paasisallugu.

Soorluttaaq matuma siuliani taaneqareersutut naammagittaalliuut pillugu suliamik isumaginninneq suli naammassivinneqanngilaq, naammagittaalliuuteqarsimasorlu pineqartoq aalajangiussaajumaartoq pillugu suli nalunaarfigineqarani.

Taamaattoq naammagittaalliortoq qangali nalunaarfigineqareerpoq naammagittaalliuutip qanoq siviisutigisumik suliarineqarsinnaasariaqarneranik, aamma asersuutigisinnaasatut takuuk naammagittaalliuuteqartumut uatsinnit e-mailikkut allakkiaq 8. marts 2003-meersoq.

Soorlu aamma ...-p naammagittaalliuutaa pillugu akissuteqaatisiami (j.nr. 11.04.97.04/028-04) taaneqartoq, maluginiagassaavoq Atuisartunut Pisisartunullu Maalaaruteqartarfittut Ataatsimiititaliaq ataatsimiititaliaanngilaq atavaarluni ingerlaavartumik ataatsimiisinneqartartoq. Siulittaasup inassutiginninneratigut aatsaat ataatsimiigiqquisoqartarpoq suliassat isummerfigalugillu aalajangiiffigisassat naammakkunnarsitillugit. 1996-imiillu siulittaasuvoq ..., Rigsombud-imiit, taamatullu Atuisartunut Pisisartunullu Maalaaruteqartarfittut Ataatsimiititaliaq allattoqarfittut atuulluni. Pineqartup taamatut ivertisimaneqarnerani ataatsimiinneq ataasiinnaq ingerlanneqarnikuuvoq ataatsimiititaliami. Taamatullu siulittaasutut atuuffik kingorna tiguneqarpoq allaffimmi qullersamit ...-mit, aamma takukkit matumani pineqartumut atasumut naammagittaalliuuteqartup allagaani 22.10.2002-meersuni qupperneq 1-imi allassimasut. Atuisartunut Pisisartunullu Maalaaruteqartarfittut Ataatsimiititaliami ataatsimiinneq kingulleq pivoq 2002-mi majip naanerani, suliallu qulingiluat tassani aalajangersaaffigineqarput. Ataatsimiinnissaq pineqartoq sioqqutitsiarlugu matumani atsiortoq siulittaasuugallartussatut toqqarneqarpoq, sulilu taama inissisimallunga.

Pissutsit taamaatsillugit, imaappoq Atuisartunut Pisisartunullu Maalaaruteqartarfittut Ataatsimiititaliami ataatsimiikulanerusoqarsinnaanera sulianut pituttorfiunngikkallaraluartunut atasumik aalajangersaasoqarfiusinnaanera killilerujussuuvoq (ukiumut 2-3-t annerpaamik), taamaattumik Inatsisartut Ombudsmandiata suliamut normu (sag nr.) 11.04.97.04/028-04 unnersuussimanaviarunanngilaa. Taamaattumik

aamma inassutigineqassaaq taanna unnersuussivigineqassasoq matumani suliamut pineqartumut atatillugu.

Taamatuttaa taaneqassaaq Ataatsimut Allattoqarfiup sulisoqarniarnermigut periarfissarisai suli killeqarmata, taamaattumik allattoqarfik sulinngitsoqartillugu so- raartoqareeraangalluunniit killeqarfiulersarmat. 2004-mi atorfiit akademikerisut (a/c-fuldmægtig) atorfiit marluk qaammatini tallimani inuttassaqartinneqanngillat.”

Ullunik allattuiffimmit ilanngullugu nassiunneqartumit makku erserput:

”02.08.2002 Naammagittaalliornermi immersugassaq 2002-mi upernaakkut aasakkullu allagaasimasunik assigiinngitsunik ilaqartinneqartoq naammagittaallior- tumit tiguneqarpoq. Naammagittaalliuut naammagittaalliuutigineqartumut saqqum- miunneqarpoq. Naammagittaallior- toq allakkat assilinerannik nassinneqarnermigut ilisimatinneqarpoq.

02.09.2002 Naammagittaalliuutigineqartup akissutaa tiguneqarpoq.

05-09.2002 Naammagittaalliuutigineqartup akissutaa naammagittaallior- tumut saqqummiunneqarpoq.

27.09.2002 Naammagittaallior- tup allagai telefaxikkoortut e-mailikkoortullu mar- lunnik ilanngussartallit tiguneqar- put

25.10.2002 Uppernarsaaseequsineq il.il. naammagittaallior- tumut nassiunneqar- poq.

31.10.2002 Naammagittaalliuutigineqartumut allakkat nutaat amerlanerusunik paasissutisseeqqusissutit.

03.11.2002 Naammagittaallior- tup e-mailikkut nassiussaa tiguneqarpoq.

04.11.2002 Naammagittaallior- toq e-mailikkut nassinneqarpoq.

10.02.2003 Naammagittaalliuutigineqartumut eqqaasitsissutit allakkat, assili- nerat naammagittaallior- tumut nassiullugu.

12.03.2003 Naammagittaalliuutigineqartup akissutaa tiguneqarpoq.

19.03.2003 Naammagittaallior- tumut allakkat – ilaatigut tamanna pillugu.

01.04.2003 Naammagittaallior- tup allagai 25.03.2003-meersut tiguneqar- put.

13.08.2003 Naammagittaallior- tup e-mailikkut nassiussaa.

28.10.2003 Naammagittaallior- tumut e-mailikkut nassiussaq

08.11.2003 Ataatsimiititaliap ataatsimiinnissaa pillugu piffissaliunneqartoq pil- lugu naammagittaallior- tumut e-mailikkut nassiussaq.

12.01.2005 Naammagittaallior- tumit e-mailikkut nassiussaq, ...@gh.gl” aqquti- galugu. (Atorfeqarfimmi nutsigaavoq)

Tamatuma kingornatigut suliap ingerlasimaneranut makku tunngaviutip- pakka:

A-p Kalaallit Angalatitsiviat A/S pillugu naammagittaalliuutaa Atuisar- tunut Pisisartunullu Maalaaruteqartarfittut Ataatsimiititaliap 2. august 2002-mi tiguaa. Atuisartunut Pisisartunullu Maalaaruteqartarfittut Ataatsi- miititaliap Kalaallit Angalatitsiviat A/S ulloq taanna qinnuigaa naamma- gittaalliuut pillugu oqaaseqaateqaqqullugu, A-lu tamanna pillugu allakkat assilinerannik nassillugu ilisimatillugu.

Kalaallit Angalatitsiviat A/S-ip akissutaa Atuisartunut Pisisartunullu Maalaaruteqartarfittut Ataatsimiititaliap 2. september 2002 tiguaa, akis- sullu A-mut suliama illua’ tungiusumut isumaanik tusarniaatit 5. septem- ber 2002-mi saqqummiullugu.

A-p tusarniaanermut akissutaa Atuisartunut Pisisartunullu Maalaaruteqartarfittut Ataatsimiititaliap telefaxikkut e-mailikkullu 27. september 2002-mi tiguaa.

Tamatuma kingornatigut Atuisartunut Pisisartunullu Maalaaruteqartarfittut Ataatsimiititaliap A 25. oktober 2002-mi nalunaarfigaa suliaq unitsin-qarallartoq, tassami A SAS-imut saaffiginneqqissimammat, aningaasat naammagittaalliummi pineqartut utertillugit akilerneqarnissaat pillugu.

Atuisartunut Pisisartunullu Maalaaruteqartarfittut Ataatsimiititaliap Kalaallit Angalatitsiviat A/S-imut 31. oktober 2002-mi ilaatigut imatut allappoq:

”Naammagittalliorup, A-p, Atuisartunut Pisisartunullu Maalaaruteqartarfittut Ataatsimiititaliap Allattoqarfianut oqaatigaa 2002-mi aasaanerani tappiitsumik ingiaqateqartitsinermi akikillisaat annaasani pillugu SAS-imit aningaasatigut taarsiissutinik tigusaqarsimanani, taamaattumillu Kalaallit Angalatitsiviat pillugu naammagittaalliuutitut suliaq ingerlasoq manna aalajangiusimaneqartoq.

Aammattaaq naammagittaalliorup e-mail ilanngullugu nassiunneqartoq Arctic Umiaq Linep Nuummi/SAS-imi billetsilerivianut nassiussimavaa, tassanngalu er-serpoq Kalaallit Angalatitsivianni pisinerup assortuussutaasup kingornatigut tappiit-sup ingiaqataanut billetsi 649,00 kr.-lik nuliaminut Arctic Umiaq Line/SAS aqqu-tigalugu pisiarisimagaa. Kangerlussuarmit Københavnimut ingerlaarneq 5. aug. 2002-mi businessclass atorlugu pisimasoq takuneqarsinnaavoq.

Kukkusumik paasissutissiineq naammagittaalliuuteqartumut 5.000 kr.-nik an-naasaqaataasoq Angalatitsiviup SAS-imut akisussaaffigitinniarsimaneraa pillugu apeqqu-tip allakkani 2.8.2002-meersuni apeqqutigineqartup akineqarnissaa tamanna tunngavigalugu eqqaasitsissutigineqassaaq.

...  
cc: A.” (Atorfeqarfimmi nutsigaavoq)

Suliami allagaatinut ilaavoq A-p Atuisartunut Pisisartunullu Maalaaruteqartarfittut Ataatsimiititaliamut e-mailikkut nassiussaa 3. november 2002-meersoq imaattunik imaqartoq:

”Allakkasi 25. okt. 2001-meersut tiguakka, taakkunanilu SAS-imik oqaloqate-qaqqissimanikka apeqqutigaasi. Suliaq SAS-imut saqqummiuteqqippara, tamannali tappiit-sup ingiaqataanut businessclassimi akikilliliissummik tigusaqarsimaguma siusinnerusukkut kukkusoqarsimaneranik nassuerutiginninnerata saniatigut allamik nassataqarsimanngilaq.

Suliat matuma kingornatigut nangillugu suliareqqinneqalernissaa naatsorsuuti-gaara.” (Atorfeqarfimmi nutsigaavoq)

Atuisartunut Pisisartunullu Maalaaruteqartarfittut Ataatsimiititaliap A e-mailikkut 4. november 2002-mi imatut akivaa:

”E-mailikkut nassiussat 3. nov. 2002-meersoq atuisup mailimut adressiatigut Ataatsimut Allattoqarfiup tiguaa.

SAS-ip allakkatigut isummerneranik nutaamik saqqummertoqassappat taassuma maanga nassiunneqarnissaa inussiarnersumik qinnutigineqarpoq.

Oqarasuaatikkut aasaq oqaloqatigiinnermi oqaatigaat kingusinnerusukkut, tassalu Kalaallit Angalatitsivianni billetsimik pisinerup assortuussutaasup kingornatigut, angalatitsivimmi allami, Arctic Umiaq Linep billetsileriffiaagunartoq aqutigalugu, timmisartumut billetsimik nutaamik tappiitsup ingiaqataanut akikillisaatitalimmik - ajornartorsiutitaqanngitsumik - pisisimallutit.

Naammagittaalliutitut suliap inaarlugu suliarineqannginnerani pisinerup tassunga Kalaallit Angalatitsiviannut isummerfigeqqusassannut uppersaat nassiutillaaruk.” (Atorfeqarfimmi nutsigaavoq)

Atuisartunut Pisisartunullu Maalaaruteqartarfittut Ataatsimiititaliap Kalaallit Angalatitsiviat A/S allakkanut 31. oktober 2002-meersunut akissuteqaqqullugu 10. februar 2003-mi nukingisaarpaa, akissullu 12. marts 2003-mi tigullugu.

Atuisartunut Pisisartunullu Maalaaruteqartarfittut Ataatsimiititaliap A 19. marts 2003-mi qinnuigaa SAS-imit aningaasanik tigusaqarsimannginini allakkatigut uppersaqqullugu, uppersaallu allakkatigut 25. marts 2003-meersutigut tigullugu.

Atuisartunut Pisisartunullu Maalaaruteqartarfittut Ataatsimiititaliap siulittaasua A-mut e-mailikkut 11. august 2003-mi imatut allappoq:

”Suliaq mailikkut uanga nammineq adressera atorlugu sapaatip akunnera qaangiuttoq apeqqutigisimavat.

Tamatumunnga atatillugu oqaatigisinnaavara suliap piareersarneqarnera 2003-mi martsip qaammataani naammassineqarsimasoq. Kisiannili Atuisartunut Pisisartunullu Maalaaruteqartarfittut Ataatsimiititaliap ataatsimiigaaqunissaanut suliat naammattut aatsaat ukiup nutaap ingerlanerani pissarsiarineqarsimapput.

Massakkut suliaq Ataatsimiititaliap isummerfigisinnaasaa ataasiinnaavoq, tassalu suliaq ilinnut tungasoq. Ataatsimiinnerit akisukuluttorsuupput, tassami ilaasortat ilaat sinerissami najugaqartuummata, Ataatsimiititaliallu ataatsimiinnerini peqataasagunik Nuuliartussaallutik.

Ataatsimiititaliap ataatsimiinnera kingulleq siorna upernaakkut pisimavoq, tassanilu suliat qulingiluat suliarineqarsimallutik. Suliat taakku ukiut qaangiuttut siuliisa marluk ingerlaneranni ”katersorneqarsimapput”.

Ataatsimiititaliap tullianik ataatsimiinnissaa qanillilerpat ilisimatikkumaarpakit.” (Atorfeqarfimmi nutsigaavoq)

Siulittaasup nammineq mailikkut adressianut A-p saaffiginnissutaa su-liami allagaatinut ilaannilaq.

A ulloq taanna imatut akivoq:

”Suliaq taannaannarlunniit pillugu oqarasuaatikkut ataatsimiittoqarnissaa takorloorneqarsinnaanerluni – naammagittaalliiummummi annertugisassaannngitsumut akissutip ukiuni marlunni utaqqineqarnissaa naammaginannngimmat?

Naammagittaalliornissamut periarfissat qanoq ippat, pisortaqarfimmut Ombudsmandimullunniit?” (Atorfeqarfimmi nutsigaavoq)

Atuisartunut Pisisartunullu Maalaaruteqartarfittut Ataatsimiititaliap 13. august 2003-mi imatut akivoq:



”Suliap inaarlugu oqarasuaatikkut suliarinissaa immaqa periarfissaavoq, naak tamanna Atuisartunut Pisisartunullu Maalaaruteqartarfittut Ataatsimiititaliamit siusinnerusukkut atorneqarsimangikkaluartoq. Suliannut atatillugu ...mut ...mullu angalagaluttualerpunga; kisianni septemberip aallartinnerani uteruma apequt/isu-massarsiaq taasat uterfigiumaarpara.

Naammagittaalliorniariut Ombudsmandi naammagittaalliorfissaavoq.” (Atorfeqarfimmi nutsigaavoq)

Suliami allagaatinik misissuininni malugaara e-mail taanna ullut tulle-riinnerisa allattorsimaffianni ilaangitsoq, suliamili allagaatinut ilaalluni.

A e-mailikkut ulloq taanna imatut akivoq:

”Ok, qujanaq akisummut, Kalaallit Nunaannut uternissat utaqqimaarpara.” (A-torfeqarfimmi nutsigaavoq)

A-p Atuisartunut Pisisartunullu Maalaaruteqartarfittut Ataatsimiititaliap sulittaasanut e-mailikkut 19. oktober 2003-mi imaattoq nassiuppaa:

”Nuummur uternerpit kingornatigut tusarfigingilakkit, oqarasuaatikkut ataatsimiinniarpisi, suliaq inaarsarsinnaaniassagatsigu? Taamaangippat Ombudsmandi-mut naammagittaalliorniarpunga.” (Atorfeqarfimmi nutsigaavoq)

Saaffiginnissut taanna taamatuttaaq ullunik allattuiffimmi ilaangilaq, suliamili allagaatinut ilaalluni.

Atuisartunut Pisisartunullu Maalaaruteqartarfittut Ataatsimiititaliap 28. oktober 2003-mi imatut akivoq:

”E-mailinni 13. augustimeersumi neriorsuutigaara suliak ikinnerusut Atuisartunut Pisisartunullu Maalaaruteqartarfittut Ataatsimiititaliap oqarasuaatikkut ataatsimiin-nermi aalajangiiffigisinnaanerai isummerfigissallugu, manna tikillugu pisarnertut naapeqatigiilluni ataatsimiinnermut ukiut marluk sinnerlugit utaqqineqarsinnaasu-mut taarsiullugu.

Suliat ikinnerusut oqarasuaatikkut siunnersuisoqatigiit ataatsimiititaliallu allat ilaannikkooriarlutik aamma pisarnerattut aalajangiivigineqarsinnaanerannut akor-nutissaqarnersoq takusinnaangilara. Aalajangiinissamut inassuteqaat tunngaviler-suutitalik oqarasuaatikkut ataatsimiinnissaq sioqqullugu Ataatsimiititaliap ilaasor-taanut nassiunneqartarpoq.

Isumaqarpungali suliaq ataasiinnaangitsoq pillugu ataatsimiinnissaq naleqqut-tuusoq. Suliat 2-3-t ikinnerpaatut naapertuuttuussapput, naak massakkut suliaq ataasiinnaq inaarlugu piareersarneqarsimagaluartoq suliat marlussuit allat piffissap sivilunngitsup ingerlanerani taamatut siuarsimatigilissagunarput, tamatumalu ki-ngornatigut oqarasuaatikkut ataatsimiittoqarsinnaassaaq, suliat aalajangiivigineqar-nissaat siunertaralugu.

Juulli sioqqullugu oqarasuaatikkut ataatsimiittoqarnissaanut periarfissaqarunar-poq. Taamaangippat ukiortaap kingunitsiannguatiq.” (Atorfeqarfimmi nutsigaa-voq)

Ullunik allattuiffik 8. november 2003-mi ilanngussamik imaattumik imaqarpoq:

”Ataatsimiititaliap ataatsimiinnissaa pillugu piffissaliunneqartoq pillugu naam-  
magittaalliortumut e-mailikkut nassiussaq.” (Atorfeqarfimmi nutsigaavoq)

E-mailikkut nassiussaq taanna suliami allagaatinut ilaanngilaq.

A Atuisartunut Pisisartunullu Maalaaruteqartarfittut Ataatsimiititaliamut  
30. maj 2004-mi imatut allappoq:

”Naammagittaalliorninnit ukiut marluk qaangiutilerput, suliaq uannut tunngasoq  
sumut killippa?” (Atorfeqarfimmi nutsigaavoq)

Saaffiginnissut taanna Atuisartunut Pisisartunullu Maalaaruteqartarfittut  
Ataatsimiititaliap mappiutaani allagaatinik imalimmiinngilaq, ullunillu al-  
lattuiffimmiinnani, allagaatinulli A-p uannut saqqummiusnaanut ilaalluni.

Atuisartunut Pisisartunullu Maalaaruteqartarfittut Ataatsimiititaliaq 31.  
maj 2004-mi imaattumik akissuteqarpoq:

”Ukiut marluk taakku Atuisartunut Pisisartunullu Maalaaruteqartarfittut Ataatsi-  
miititaliap naammagittaalliutinnik tigumminniffigisimasaasa ingerlaneranni  
naammagittaalliutit naapertuuttumik amerlassusillit takkussimapput, taamaalillu-  
ngalu naliliivunga Ataatsimiititaliap suliat eqqartuussivikkoortuunngitsumik isuma-  
qatigiissuteqarnani aaqinneqarsinnaasimannngitsut aalajangiiviginissaannut maa-  
nga Nuummut ataatsimiigiaqqunissaa aningaasaqarnikkut illersorneqarsinnaasoq.

Ataatsimiinneq 2004-mi oktoberimi pissagunarpoq.

...” (Atorfeqarfimmi nutsigaavoq)

Ataatsimiititaliap akissutaa Atuisartunut Pisisartunullu Maalaaruteqar-  
tarfittut Ataatsimiititaliap mappiutaani allagaatinik imalimmi ullunilluun-  
niit allattuiffimmi taamatuttaaq ilaanngilaq, allagaatinulli A-p uannut  
saqqummiusnaanut ilaalluni.

Suliami allakkat kingullit tassaapput A-p nukingisaarutai 11. januar  
2005-imeersut, Atuisartunut Pisisartunullu Maalaaruteqartarfittut Ataatsi-  
miititaliap 12. januar 2005-imi tigusai, imaattunik imaqartut:

”Naammagittaalliutinnut, Ataatsimiititaliamut 2002-mi augustimi nassiunne-  
qartumut, atatillugu piffissaq suliamik suliarinninnermut atorneqartoq pillugu matu-  
muuna naammagittaalliussaanga. Taamaalillunga ukiut marluk sinnerlugit qaa-  
ngiuttut naammagittaalliorpunga, suliarlu suliarineqarsimanani. Naammagittaalliuu-  
tip matuma tiguneqarnera uppenarsalaarsiuk.” (Atorfeqarfimmi nutsigaavoq)

Saaffiginnissut taanna Ataatsimiititaliamit akineqarsimannngitsoq taku-  
neqarsinnaavoq.

A uannut 1. marts 2005-imi naammagittaalliorpoq.

Atuisartunut Pisisartunullu Maalaaruteqartarfittut Ataatsimiititaliap alla-  
gai 2. maj 2005-imeersut A-mut suliami illua'tungiusumut isumaanik  
tusarniaatit 6. maj 2005-imi nassiuppakka. A-p oqaaseqaataanik tigu-  
saqanngilanga.

A-p suliaq pillugu akissuteqartoqarnissaa 17. maj 2005-imi nukingisaarutigaa.

Atuisartunut Pisisartunullu Maalaaruteqartarfittut Ataatsimiititaliap 21. september 2005-imi nalunaarfigaanga Ataatsimiititaliaq ilaatigut suliami A-mut tunngasumi 13. september 2005-imi aalajangiisimasoq.

*Tamatuma kingornatigut imaattunik oqaaseqaateqarpunga:*

"1. Piffissaq suliamik suliarinninnermut atornegartog.

*A-p aamma Atuisartunut Pisisartunullu Maalaaruteqartarfittut Ataatsimiititaliap paasissutissiissutaat aallaavigalugit tunngaviuttippara A-p naammagittaalliuutaa Ataatsimiititaliap 2. august 2002-mi tigusimagaa.*

*Ataatsimiititaliaq suliami 13. september 2005-imi aalajangiivoq.*

*Taamaalilluni suliamit erserpoq Ataatsimiititaliap aalajangiinissaata tungaanut ukiut pingasut sinnerlugit ingerlasimasut, matumani A-p naammagittaalliuutaa pillugu suliap aalajangiivigineqarnissaminut piareerneranit ukiut marluk affallu missaat kiisalu suliap nukingiunneqarnissaanik A-p siullermik qinnutiginninneranit ukiut marluk sinnerlugit ingerlasimenerat ilanngullugu eqqarsaatigalugu.*

*Suliassat suliarineqartarnerat pillugu inatsit piffissaq suliamik suliarinninnermut atornegartartoq pillugu malittarisassanik imaqanngilaq, kisianni suliat sapinngisamik pilertornerpaamik suliarineqartussaannerat ingerlatsinermi ileqqorissaarnerup nassataraa.*

*Suliassat suliarineqartarnerat pillugu inatsisip malinneqarnissaanik Namminersornerullutik Oqartussat ilitsersuusiaanni tunngavik taanna imm. 199-imi aamma imm. 204-mi imaattunik oqaasertalerneqarpoq:*

*"199. Suliassat tamarmik pisortat ingerlatsiviinit suliarineqartut soorunami sapinngisamik pisariitsumik, sukkasuumik aningaasartuutaavallaanngitsumillu suliarineqartarnissaannik piunasaqaat pingaartumik atuuppoq suliassamut inuit ataasiakkaat imaluunniit namminersorlutik ingerlatseqatigiiffiit, suliffeqarfii, peqatigiiffiit il.il. attuumassuteqarfigisaanni.*

*204. Suliassat suliarineqartarnerat pillugu inatsit suliassat qanoq sivistigisumik suliarineqartarnissaat pillugu nalinginnaasunik aalajangersagartaqanngilaq. Tamatumunnga ilaatigut tunuliaqutaavoq suliassat pisortat ingerlatsiviinit suliarineqartut assigiinneqimmata assigiinneqisumillu annertussuseqartarlutik, taamaattumik inatsisikkut pisortat ingerlatsiviini qanoq sivistigisumik suliarineqartarnissaasa aalajangersimasunik maleruagassaliornissaat ajornarluinnartussaaluni, tassa eqqartuussivinni ajornarpallaanngitsumik atortinniarneqarsinnaasunik.*

*Kisiannili Folketingip Ombudsmandiata oqaaseqaatigisartagai tunngavigalugit nalinginnaasumik ingerlatsinermi ileqqut kusanartut malinniarneqarnissaanni suliassat qanoq sivistigisumik suliarineqartarnissaat pillugu tunngavigineqarsinnaasunik suliassat suliarineqartarnissaasa aaqqissugaasarnissaat pillugu maleruagassaqartitsineqarpoq, matuma ataani suliamut tunngassuteqartup suliap qanoq sivistigisumik suliarineqassanganeraneqarnik ilisimatinneqartarnissaa pillugu.*

*Ombudsmandip aammattaaq aalajangikkat ilaanni tikkuaavigisarsimavaa suliat siviisuumik aalajangiivigineqaratik uninngatinneqartarnissaat pinaveersaarniarlugu kiisalu puigortoornearlutik aalajangiivigineqanngitsoortarnissaat pinaveersaarniarlugu oqartussaasut naammattumik atorsinnaalluurtunik suliat uterfigineqaaqittarnissaannut allattuiffiliortarnissaat.”*

*Atuisartunut Pisisartunullu Maalaaruteqartarfittut Ataatsimiititaliap uannut allakkamini 2. maj 2005-imeersuni suliap suliarineqarnerata nukingiuinneqarnissaanik A-p qinnuteqarnerata kingornatigut ukiut marluk qaangiunneranni aatsaat aalajangiinissamut periarfissaqalerneranut ilaatigut pissutsit makku pissutaasimasut oqaatigai:*

*”Soorlu aamma ...-p naammagittaalliuutaa pillugu akissuteqaatisiami (j.nr. 11.04.97.04/028-04) taaneqartoq, maluginiagassaavoq Atuisartunut Pisisartunullu Maalaaruteqartarfittut Ataatsimiititaliaq ataatsimiititaliaannilaq atavaarluni ingerlaavartumik ataatsimiisinneqartartoq. Siulittaasup inassutiginninneratigut aatsaat ataatsimiigiaqqusisoqartarpoq suliassat isummerfigalugillu aalajangiiffigisassat naammakkunnarsitillugit.*

*...*

*Pissutsit taamaatsillugit, imaappoq Atuisartunut Pisisartunullu Maalaaruteqartarfittut Ataatsimiititaliami ataatsimiikulanerusoqarsinnaanera sulianut pituttorfiiunngikkallaraluurtunut atasumik aalajangersaasoqarfiusinnaanera killilerujussuavoq (ukiumut 2-3-t annerpaamik), taamaattumik Inatsisartut Ombudsmandiata suliamut normu (sag nr.) 11.04.97.04/028-04 unnersuussimanaviarunannigilaa. Taamaattumik aamma inassutigineqassaaq taanna unnersuussivigineqassasoq matumani suliamut pineqartumut atatillugu.”*

*Tamatuminnga paasinninnera suliaq 11.04.97.04/028-04 pillugu oqaaseqaatinni siusinnerusukkut oqaatigaara, tak. qupperneq 18-imi immikkoortoq kingulleq aamma qupperneq 19-imi immikkoortoq siulleg. Siusinnerusukkut suliarinninnissamut periarfissaq. Suliami tassani ilaatigut oqaatigaara:*

*”... suliassat naleqqussorinartumik amerlassuseqaleraangata aatsaat ataatsimiigiaqqusisoqartarneranik oqarneq piffissamut qaammatinik 17-ingajannik siviussuseqartumut naapertuuttuunngitsoq.*

*... ataatsimiititaliaq ataatsimiilersinnagu ataatsimiititaliap ilaasortaanik aggersaanissap suliassat suliarineqartarnerat pillugu malittarisassanik nalinginnaasunik, matumani piffissaq suliamik suliarinninnermut atorineqartoq ilanngullugu eqqarsaatigalugu, malinninnissamut ataatsimiititaliaq pisussaaffiannigikkaa.*

*...”*

*Siusinnerusukkut oqaaseqaatigisimasannut naapertuuttumik suliami matumani oqaatigaara suliat naleqqussorinartumik amerlassuseqaleraangata aatsaat ataatsimiigiaqqusisoqartarneranik oqarneq piffissamut ukiut pingasut sinnerlugit siviussuseqartumut naapertuuttuunngitsoq, taamatuttaarlu ataatsimiititaliap ilaasortaanik aggersaanissap suliat suliarineqartarnerat pillugu malittarisassanik nalinginnaasunik, matumani piffis-*

*saq suliamik suliarinninnermut atorreqartoq ilanngullugu eqqarsaatigalugu, malinninnissamut ataatsimiititaliaq suliami matumani pisussaaffiannngikkaa.*

*Ataatsimiititaliami suliat suliarisassat ikittuinnaaneranik Ataatsimiititaliap oqaatigisaa eqqarsaatigalugu oqaatigaara naliliinera tunngavimmik matuminngarpiaq tunngaveqartoq, tassalu suliat pisariaqarneratut pilertortigisumik suliarineqassasut, aningaasaqarnikkullu isiginiagassat tunngaviup taassuma saneqqunneqarnissaanut tunngavilersuutigineqarsinnaanngitsut.*

*Taamaattumik suliami Ataatsimiititaliap innersuussutigisimasaani pisutsimik tamatuminna pingaartitsillunga isiginninniartariaqarsimagaluarninnik Ataatsimiititaliap naliliinera isumaqatiginngilara.*

*Tamatumunnga atatillugu uanga paasinninnera unaavoq Ataatsimiititaliaq naammattunik amerlassuseqartunik ataatsimiinngitsoorsinnaanngitsoq, Ataatsimiititaliap ilaasortaminik ataatsimiititsisarnerani aningaasartuutaasussat innersuussutigiinnarlugit, tassami taamaassimappat Ataatsimiititaliaq aningaasanik amerlanerusunik siunertamut tassunga atugassanik aningaasaliisoqarnissaanik qinnuteqaateqartariaqarmat.*

*Atuisartunut Pisisartunullu Maalaaruteqartarfittut Ataatsimiititaliap alakkani 2. maj 2005-imeersuni aamma oqaatigaa:*

*”Taamatuttaaq taaneqassaaq Ataatsimut Allattoqarfiup sulisoqarniarnermigut periarfissarisai suli killeqarmata, taamaattumik allattoqarfik sulinngitsoqartillugu soraartoqareeraangalluunniit killeqarfiulersarmat. 2004-mi atorfiit akademikerisut (a/c-fuldmægtig) atorfiit marluk qaammatini tallimani inuttassaqartinneqanngilat.”*

*Uanga paasinninnera malillugu suliassaqarfimmi piffissap suliamik suliarinninnermut atorreqartup ataatsimut isigalugu akuerineqarsinnaasup naliliivigineqarnerani pissutsit oqartussaasup sulisuisalu namminneq atugaat isiginiarneqarsinnaanngillat, tassami naliliineq taamaattoq kinaassusersiunngitsumik tunngaveqartariaqarmat. Oqartussaasumut atugassiissutaasut ataatsimut isigalugit amigarnerisa imaluunniit suliassaqarfimmi suliat naatsorsuutigisamit ikinnerusut takkunnerisa piffissap suliassaqarfimmi tassani nalinginnaasumik akuerineqarsinnaasutut isigineqartariaqartup sivitsornera nassatarisinnaanngilaa.*

*Tamanna tunngavigalugu paasinninnera unaavoq piffissaq sulianik suliarinninnermut atorreqartoq ukiut pingasut sinnerlugit sivisussuseqartoq, matumani ukiut marluk affarlu suliap naammassillugu suliarineqareerluni aalajangiivigineqarnissaminut piareersimasimaffia ilanngullugu eqqarsaatigalugu, tusaannarlugu sivisuginartoq, piffissarlu suliamik suliarinninnermut atorreqartoq taama sivisutigisooq pisumi matumanisut itumi innuttaasumut naammaginngitsusooq. Tassani aamma ilaavoq Atuisartunut Pisisartunullu Maalaaruteqartarfittut Ataatsimiititaliaq suliap aalajangiivigineqarnissaminut 2003-mi martsimi piareerneranit A-p*

*nukingisaarutaanut akissuteqartarnermi saniatigut suliamik suliarinninnernik allanik iliuuseqarsimannginnera.*

*Suliap aalajangiivigineqarnissaminut piareernerata kingornatigut ukiut marluk affallu missaat aamma suliap nukingiunneqarnissaanik A-p qinnutigininnerata kingornatigut ukiut marluk sinnerlugit qaangiuttut Ataatsimiititaliap aatsaat aalajangiisimanagera matuma kingornatigut isorisariaqartutut isigaara.*

## *2. Suliap ingerlanerata A-mut ilitsersuutigineqarnera.*

*Aallaqqaasiutitut oqaatigaara Atuisartunut Pisisartunullu Maalaaruteqartarfittut Ataatsimiititaliap uannut allakkamini 2. maj 2005-imeersuni ilaatigut oqaatigigaa:*

*”Taamaattoq naammagittaallioraq qangali nalunaarfigineqareerpoq naammagittaalliuutit qanoq sivilutigisumik suliarineqarsinnaasariaqarneranik, aamma assersuutigisinnaasatut takuuk naammagittaalliuuteqartumut uatsinnit e-mailikkut alakkiaq 8. marts 2003-meersoq.”*

*Suliami allagaatinik misissuininni maluginiarpara e-mailikkut nassiusaq taanna suliami allagaatinut imaluunniit ullunik allattuiffimmi allanegarsimasunut ilaanngitsaq.*

*Taamaattumik suliami matumani aallaavigisariaqarpara Ataatsimiititaliap e-mailikkut nassiussani 11. august 2003-meersumi, 28. oktober 2003-meersuni kiisalu 31. maj 2004-meersumi A nalunaarfigisimagaa piffissaq Ataatsimiititaliap suliamik suliarinninnermut atugaa suliat suliarineqartut qassiussusiisa nassatarisaannik ukiut marluk missaannik sivilususeqartartaq, naammagittaalliuutaali pillugu suliaq Ataatsimiititaliap tulleriinneri malillugit 2003-mi juulli sioqqullugu 2004-p aallartinnerani kiisalu 2004-mi oktoberimi suliarineqarsinnaasoq.*

*Oqaaseqaatit taakku A isumaqalersissinnaavaat Ataatsimiititaliaq suliami kingusinnerpaamik 2004-mi oktoberimi aalajangiiniartaq, Ataatsimiititaliallu aalajangiinera A-p 2004-mi oktoberimit kingusinnerungaanningsukkut tigungumaaraa.*

*Ataatsimiititaliarli suliami aatsaat 13. september 2005-imi aalajangiisimagami suliap suliarineqarnissaanut piffissaliusseq A-mut e-mailikkut nassiussatigut 11. august 2003-meersukkut, 28. oktober 2003-meersukkut kiisalu kingullermik 31. maj 2004-meersukkut neriorsuutigineqartaq eqqortissimanngilaa.*

*Aammattaaq suliamit erserpoq A-p nukingisaaruteqareernerata aatsaat kingornatigut Atuisartunut Pisisartunullu Maalaaruteqartarfittut Ataatsimiititaliaq suliap suliarineqarnera pillugu A-mut ilisimatitsissuteqarsimasoq.*



*Piffissaq suliap suliarineqarneranut atorneqartoq pillugu ilisimatitsisi-manninneq eqqarsaatigalugu oqaatigaara suliap ingerlanerani ingerlat-siviup pisariaqarneratut annertutigisumik ilitsersuisarnissaa ingerlatsi-nermi ileqqorissaarnerup nassatarigaa.*

*Tunngaviup taassuma erseqqinnerusumik imarisaa suliassat suliarineqartarnerat pillugu inatsit pillugu ilitsersuummi taaneqartumi imm. 205-imit 207-imut allaaserineqarsimavoq:*

*”205. Ingerlatsinermut oqartussaasup suliassap suussusia pissutigalugu imaluunniit oqartussaaffimmi tassani suliassat nalinginnaasumik suliarineqartarnerat pissutigalugu suliassaq tiguneraniit piffissap sivikinnerusup iluani aalajangiivigisinnaanngikkuniuk oqartussaaffiup suliassamut tunngassuteqartoq nalunaarfigisariaqarpaa suliassap qanoq inissisimanerani aammalu ajornanngippat paasisutissillugu suliassap qaqugu aalajangiivigineqarnissaa oqartussaaffimmit naatsorsuutigineqarneraq.*

*206. Oqartussaaffiup aammattaq suliassamut tunngassuteqartoq ilisimatittariaqarpaa suliassaq sivikinnerusumik suliarineqartussaagaluaq immikkut pissuteqartumik pisarnermit sivisunerusumik suliarineqartariaqalerpat.*

*207. Suliamut tunngassuteqartumit allakkat nukingisaarutit suliarineqarneranni piffissamik atorneqartumik naleqquttumik tunngavilersukkat ingerlaannartumik akineqartariaqarput. Akissuteqaammi ilisimatitsissutigineqartariaqarpoq suliassaq qanoq inissisimanersoq aammalu ajornanngippat ilisimatitsissutigineqarluni suliassap aalajangiivigineqarnissaa oqartussaaffiup qaqugu naatsorsuutigineeraa.”*

*Taamaattumik suliap tullerinneri malillugit 2003-mi juullilernerani/2004-p aallartinnerani imaluunniit 2004-mi oktoberimi suliarineqannginnera Ataatsimiititaliap nammineq suliniuteqarnermigut A-mut ilisimatitsissutigisimasariaqaraluarppaa, tak. suliassat suliarineqartarnerat pillugu inatsit pillugu ilitsersuummi imm. 206-imi imaluunniit imm. 205-imi issuarneqartut.*

*Tamatuma saniatigut suliamit erserpoq A-p nukingisaarutaa 11. januar 2005-imeersoq Ataatsimiititaliap akisimannikkaa.*

*Nukingisaarummut tassunga Ataatsimiititaliap akissuteqannginnera isorisariaqartutut isigaara, tak. suliassat suliarineqartarnerat pillugu inatsit pillugu ilitsersuummi imm. 207-imi issuarneqartoq.*

*Tamanna tunngavigalugu Atuisartunut Pisisartunullu Maalaaruteqartarfittut Ataatsimiititaliamut inassuteqaatigaara piffissaq suliamik suliarinninnermut ataatsimut atorneqartoq siusinnerusukkat nalunaarutigineqartumit sivisunerussappat Atuisartunut Pisisartunullu Maalaaruteqartarfittut Ataatsimiititaliap tamanna nammineq suliniuteqarnermigut nalunaarutigisassagaa.*

*3. Piffissaq Atuisartunut Pisisartunullu Maalaaruteqartarfittut Ataatsimiititaliap suliamik suliarinninnermut atortagaa.*



*Ataatsimiititaliap A-mut e-mailikkut nassiussaanit 28. oktober 2003-meersumit ilaatigut erserpoq:*

*”Suliat ikinnerusut oqarasuaatikkut siunnersuisoqatigiit ataatsimiititaliallu allat ilaannikkooriarlutik aamma pisarnerattut aalajangiivigineqarsinnaanerannut akornutissaqarnersoq takusinnaangilara. Aalajangiinissamut inassuteqaat tunngavilersuutitalik oqarasuaatikkut ataatsimiinnissaq sioqqullugu Ataatsimiititaliap ilaasortaanut nassiunneqartarpoq.*

*Isumaqarpungali suliaq ataasiinnaangitsoq pillugu ataatsimiinnissaq naleqqutuuusoq. Suliat 2-3-t ikinnerpaatut naapertuuttuussapput, ...” (Atofeqarfimmi nutsigaavoq)*

*Atuisartunut pisisartunullu siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliaq pillugit Inatsisartut inatsisaanni nr. 10-mi, 13. november 1986-imeersumi § 27, imm. 4-kkut aamma imm. 8-kkut makku aalajangersarneqarput:*

*”Imm. 4. Atuisartunut pisisartunullu maalaaruteqartarfittut ataatsimiititaliap suliasani ataasiakkaani aalajangiineri pisassapput ataatsimiinnermi, siulittaasup amerlanerpaamillu ilaasortat arfinillit, amerlaqatigiiffiusumik atuisartut, pisisartut inuutissarsiutillillu soqutigisaannik sinniisuuffeqartut peqataaffigisaanni. Atuisartunut pisisartunullu maalaaruteqartarfittut ataatsimiititaliaq aalajangiisinnaassuseqarpoq siulittaasooq ikinnerpaamillu ilaasortat marluk, atuisartut, pisisartut inuutissarsiutillillu soqutigisaannik sinniisuuffeqartut, najuukkaangata.*

...

*Imm. 8. Atuisartunut pisisartunullu maalaaruteqartarfittut ataatsimiititaliap sulisarnissanut najoqqutassat Naalakkersuisunit aalajangersarneqartassapput.”*

*§§-init 28-mit 29-millu aamma erserpoq:*

*”§ 28. Illuinnaasiortumik imaluunniit isumaqatigiissuteqarnikkut aalajangerneqarsinnaangilaq maalaarutip atuisartunut pisisartunullu maalaaruteqartarfittut ataatsimiititaliami suliasanngortinneqarsinnaanginnera, tak. § 26.*

*Imm. 2. Atuisartunut pisisartunullu maalaaruteqartarfittut ataatsimiititaliap maalaarutip suliarinissaa itigartitsissutigisinnaavaa, ataatsimiititaliami suliarinissaanut naleqqutinnngitsuusoriguniuk.*

*Imm. 3. Atuisartunut pisisartunullu maalaaruteqartarfittut ataatsimiititaliap maalaarutip suliarinissaa itigartitsissutigisinnaavaa, nalunangikkaangat atuisartuq pisisartorlu maalaarutaani taperserneqarsinnaangitsoq.*

*§ 29. Sulisarnissamut najoqqutassani aalajangersarneqassaaq, qanoq annertutigisumik atuisartunut pisisartunullu maalaaruteqartarfittut ataatsimiititaliap allattoqarfia piginnaatitaassanersoq § 28, imm. 2 aamma 3 naapertorlugit aalajangiisarnissamut kiisalu maalaarutinik suliasani allani, aningaasanut annikitsumut tunngassuteqartut pineqaraangata.”*

*Kalaallit Nunaanni Atuisartunut Pisisartunullu Maalaaruteqartarfittut Ataatsimiititaliap suleriaasissaani §§-it 8 9-lu allattoqarfiup aalajangi-*

nissamut pisinnaatitaanera pillugu aalajangersakkanik imaattunik imaqarput:

”§ 8. Allattoqarfik piginnaatinneqarpoq maalaarutit, maalaaruteqartarfittut ataatsimiititaliami suliarineqartussatut naleqquttuusorineqanngitsut, itigartitsissutiginiissaannut imaluunniit nalunangikkaangat atuisartooq pisisartorlu maalaarutaani taperserineqarsinnaanngitsooq.

Imm. 2. Allattoqarfiup suliassaq illua tungeriinnut isumaqatigiinniutigitissinnaavaa.

§ 9. Suliassat, § 8 naapertorlugu, naammassineqarsimannngitsut allattoqarfimmit atuisartunut pisisartunullu maalaaruteqartarfittut ataatsimiititaliamut suliassanngortinneqassapput.

Imm. 2. Atuisartunut pisisartunullu maalaaruteqartarfittut ataatsimiititaliami aalajangiineq pissaaq allattoqarfiup tunngavissatut pissarsiarititai najoqqutaralugit. ...”

Malittarisassanit issuarneqartunit ersertutut aallaavik tassaavoq Atuisartunut Pisisartunullu Maalaaruteqartarfittut Ataatsimiititaliap sulinini ataatsimiinnertigut ingerlatissagaa.

Taamaattorli ataatsimiittarnissanik piumasaqaat pissutsinik immikkut ittunik tunngavilersorneqarsimanersoq Inatsisartut inatsisaannit taannaluunniit piareersarlugu sulianit takuneqarsinnaanngilaq.

Taamaattumik pisumi matumani ilimagisariaqarpoq allakkatigut taasineq ajornassanngitsooq, tamanna ataatsimiititaliami ilaasortat tamarmik akuerippassuk.

Allakkatigut taasisoqassappat ilaasortat suliame paasissutissanik tamarmiunuk misissuinissaminnut periarfissaqarnissaat aamma piumasaqaataavoq.

Aaqqissuussineq ataatsimiititaliap ilaasortaasa suliame allagaatinik (suliame allagaatit kaajallaasinneqarnerisigut imaluunniit suliame allagaatit ilaasortanut tamanut ataatsikkut nassiunneqarnerisigut) misissuinissaminnut periarfissaqarfiginngisaat Ataatsimiititaliaq aalajangiisinnaassuseqassappat ilaasortat qanoq amerlatiginissaannik piumasaqaammik eqqortitsinissamut naammannngilaq, tassami matumani pineqartoq tassaammatt Ataatsimiititaliap allattoqarfiata siulittaasuatalu kisimik suliap tunngavigisanik tamakkiisumik ilisimasaqarnerat. Aammattaaq taamatut periaaseqarnermi suliap aalajangiivigineqannginnermini naammattumik paasissutissartalersorneqarsimannngitsutut isikkoqartarpoq.

Uanga paasinninnera malillugu ataatsimoorlutik oqartussaasut aalajangiinissaannut tunngaviusooq tassaavoq ilaasortat tamarmik suliap taamaat pillugu ilisimatinneqarsimassasut.

Taamaattumik Ataatsimiititaliap isumaliutersuutai A-mut e-mailikkut nassiussamit 28. oktober 2003-meersumit qulaani issuarneqartumit ersertut isumaqatigisinnaanngilakka, Ataatsimiititaliammi oqaatigimmagu suliap aalajangiivigineqarsinnaassasooq, inassuteqaatip tunngavilersuutillu Ataatsimiititaliap ilaasortaanut nassiunneqarnerisa kingornatigut.

*Aamma oqaatigaara Inatsisartut inatsisaanni § 29 qulaani issuagara aalajangiinissamut pisinnaatitaanermik Ataatsimiititaliap allattoqarfianut Ataatsimiititaliap suleriaasiatigut isumagisassanngortitsinissamut periarfissiisoq.*

*Tamanna tunngavigalugu inassuteqaatigaara Ataatsimiititaliap manna isumaliutersuutigissagaa, tassalu qulaani oqaaseqaatit ilaatillugit, matumani ataatsimiinnerit ingerlanneqannginnissaasa aningaasaqarnikkut isiginiagassanik tunngavilersorneqarsinnaannginnerannik oqaaseqaatikka ilanngullugit eqqarsaatigalugit, piffissaq Ataatsimiititaliap sulianik suliarinninnermut atortagaa qanoq iliorluni sivikillisinneqarsinnaanersoq.*

#### 4. Atuisartunut Pisisartunullu Maalaaruteqartarfittut Ataatsimiititaliap nittartagaa.

*A-p naammagittaalliuutaanik misissuininnut atatillugu maluginiarpara Ataatsimiititaliap nittartagaani 2. september 2005-imi oqaatigineqartoq imaattoq:*

*”Maalaaruteqartarfittut Ataatsimiititaliaq aaliangiinnaassuseqarluni ataatsimiinnissaanut minnerpaamik ilaasortat 5-it imaluunniit 7-it ataatsiinnermi peqataasussaapput. Formand-ilu tamatigut pinngitsoorani ataatsimiinnermi peqataasartussaalluni, atuisartunik tunuliaqutallit aammalu inuussutissarsiuteqartunik ataatsimiinnermi tamatigut amerlaqatigiissuteqartassapput.”*

*Paasissutissaq taanna unga paasinninnera malillugu Inatsisartut inatsisaanni § 27, imm. 4-mi oqaaseqatigiit aappaannut qulaani issuakkannut naapertuuttuunngilaq.*

#### 5. Naggasiutaasumik oqaaseqaatit.

*A allakkatigut allatigut allakkat uku assilinerannik ilaqartinneqartutigut qulaani taaneqartunik ilisimatinneqarpoq.*

*Atuisartunut Pisisartunullu Maalaaruteqartarfittut Ataatsimiititaliap mappiutaa suliami allagaatinik imalik atukkiunneqarnera qujassutigalugu ilanngullugu nassiuppara, tamatumunngalu peqatigitillugu Ataatsimiititaliap suliami allagaataasa allaqqaarnerisa ilaanni kukkunikkut allattuisi-manera ajuusaarutigalugu.”*

*Atuisartunut Pisisartunullu Maalaaruteqartarfittut Ataatsimiititaliap akissutaa 11. november 2005-imeersoq imaattunik oqaasertaqartoq 14. november 2005-imi tiguara:*

*”Suliami qulaani taaneqartumi Ombudsmandip akissutaa qaammatip matuma aallaqqaataaneersoq Atuisartunut Pisisartunullu Maalaaruteqartarfittut Ataatsimiititaliap tiguua.*

*Allakkat imarisaat tusaatissatut tiguneqarput.*

Inatsimmi § 27, imm. 4-mi oqaaseqatigiit aappaat eqqarsaatigalugit nittartagaq ullumikkut naqqinneqarpoq. Nassuerutigineqarpoq Ataatsimiititaliaq aalajangiisinnaassappat ilaasortat marluk (illua'tungerinnit tamanit ataaseq) siulittaasullu najuunnissaat taamaallaat pisariaqartoq manna tikillugu eqqumaffigisimanngikkipput. Ataatsimiititaliap massakkut ilaasortalersugaanera pissutigalugu ilaasortat Nuummi najugaqartuinnaat ilaatigut massakkut ataatsimiittinneqarsinnaapput, taamaatumillu ukiumut ikinnerpaamik ataasarluni ataatsimiittoqartarniarpoq, naak suliaq ataasiinnarluunniit kisimi aalajangiiffigisassaagaluartoq." (Atorfeqarfimmi nutsigaavoq)

Atuisartunut Pisisartunullu Maalaaruteqartarfittut Ataatsimiititaliaq alakkatigut 21. november 2005-imeersutigut imatut nalunaarfigaara:

"Atuisartunut Pisisartunullu Maalaaruteqartarfittut Ataatsimiititaliap oqaaseqaatiga 1. november 2005-imeersuq pillugu akissutaa 14. november 2005-imi tiguara.

Nittartakkap massakkut naqqinneqarsimaneranik Ataatsimiititaliap paasissutissiissutaa tusaatissatut tiguara.

Ataatsimiititaliap ilaasortat ataatsimiinnermut aggeqquneqartut amerlassusiisa ilaasortanut Nuummiittuinnarnut killilerlugit periarfissaqarneranik oqaaseqaataata imaattunik oqaaseqaateqarnissannut pissutissaqalersippaanga:

Kalaallit Nunaanni Atuisartunut Pisisartunullu Maalaaruteqartarfittut Ataatsimiititaliaq ataatsimoorluni sulisussatut aaqquissuussaavoq, sulinerminik ataatsimiinnertigut ingerlatsisoq.

Atuisartunut, pisisartunullu siunnersuisoqatigiit, tuniniaasarneq, nalunaaqutser-suisarneq, akit aamma atuisartunut pisisartunullu maalaaruteqartarfittut ataatsimiititaliaq pillugit Inatsisartut inatsisaanni nr. 10-mi, 13. november 1986-imeersumi, inatsisip taassuma piareersarlugu suliarineqarnerani suliani imaluunniit Atuisartunut Pisisartunullu Maalaaruteqartarfittut Ataatsimiititaliap suleriaasiani malittarisassa-qanngilaq ilaasortanik taamaallaat nunap ilaani aalajangersimasuneersunik aggeqqusinissamut imaluunniit ataatsimoorluni aalajangiinissamut pisinnaatitaanermik ilaasortanut nunap ilaani aalajangersumeersunut nuussinissamik Atuisartunut Pisisartunullu Maalaaruteqartarfittut Ataatsimiititaliap allattoqarfianut piginnaatitsisunik.

Taamaattumik isumaqarpunga Ataatsimiititaliap aalajangiinissamut pisinnaatitaaneranik killiliinissamut imaluunniit ilaasortanut Nuummi najugaqartunuinnaq nuussinissamut Atuisartunut Pisisartunullu Maalaaruteqartarfittut Ataatsimiititaliap allakkamini 11. november 2005-imeersuni tunngavigisimasaatut iliornissamut allattoqarfik inatsisikkut tunngavissaqanngitsoq.

Atuisartunut Pisisartunullu Maalaaruteqartarfittut Ataatsimiititaliaq qinnuigaara oqaaseqaatikka isummerfigeqqullugit.

..."

Atuisartunut Pisisartunullu Maalaaruteqartarfittut Ataatsimiititaliaq alakkatigut 15. december 2005-imeersutigut imatut akivoq:

"Suliami qulaani taaneqartumi Ombudsmandip allagai 21.11.05-imeersut Atuisartunut Pisisartunullu Maalaaruteqartarfittut Ataatsimiititaliap tiguai.

Allakkat taakku imaat aamma tusaatissatut tiguineqarput. Taamaallutik Atuisartunut Pisisartunullu Maalaaruteqartarfittut Ataatsimiititaliami ilaasortat allat siunis-

sami ataatsimiigiaqqusisarnerni pisariaqarneratut ilaatinneqartarniarput." (Atorfeqarfimmi nutsigaavoq)

Atuisartunut Pisisartunullu Maalaaruteqartarfittut Ataatsimiititaliaq allakkatigut 30. december 2005-imeersutigut imatut nalunaarfigaara:

"Allakkannut 21. november 2005-imeersunut Atuisartunut Pisisartunullu Maalaaruteqartarfittut Ataatsimiititaliap akissutaa 15. december 2005-imeersoq 16. december 2005-imi tiguara.

Atuisartunut Pisisartunullu Maalaaruteqartarfittut Ataatsimiititaliap akissummini nalunaarutigaa allakkakka Ataatsimiititaliap tusaatissatut tigugai. Ataatsimiititaliap aamma nalunaarutigaa Atuisartunut Pisisartunullu Maalaaruteqartarfittut Ataatsimiititaliap ilaasortai allat siunissami ataatsimiigiaqqusisarnissani pisariaqarneratut ilanngunneqartarniartut.

Ataatsimiititaliap akissutaa imatut paasivara Atuisartunut Pisisartunullu Maalaaruteqartarfittut Ataatsimiititaliami ilaasortat tamarmik Ataatsimiititaliap ataatsimiinnerinut aggeqquneqartarnissaat Ataatsimiititaliap tusaatissatut tigugaa.

Suliami matuma kingornatigut annertunerusumik iliuuseqaaqqissanngilanga."

## 99. Allat.

### 1. **Aalisariummik pisinermi inuussutissarsiutinut tapersiissutini- nik aningaasalersuinermit atatillugu suliamik suliarinninneq pillugu naammagittaalliut.**

*A aamma B aalisariummik pisinermi inuussutissarsiutinut taper-  
siissutini aningaasalersuinermit atatillugu Aalisarnermut Pi-  
niarnermullu Pisortaqarfiup suliamik suliarinninnera naamma-  
gittaalliutigaat.*

*Pisortaqarfiup A aamma B sinnerlugit pissutsit inunnut ataasiak-  
kaanut tunngasut taamaaliornissaminut A-mit aamma B-mit pi-  
ginnaatitsissummik piniaqqaarnani aamma pisortaqarfiup iliuu-  
seriniagai A-mut amma B-mut ilisimatitsissutigeqqaarnagit iliuu-  
seqarsimanera Ombudsmandip isorisariaqartutut isigaa. (J.nr.  
11.08.99.30/113-02)*

A-p aamma B-p naammagittaalliutaat imaattoq 16. december 2002-mi tiguara:

”Taarsigassarsinissamik imaluunniit taarsigassarsisimanermik uppersaat ki-  
ngulleq uannut tikimmat assut tupaallappunga.

Angallat ... GR ... ..mi sanaaq. Taamani qinnuteqarpunga 08.9.1998-imi akuerineqarpunga aningaasanik 1.450.000 kruuninik, taamanilu inernissaa utaqqi-  
lerpara aatsaalli majip 28-ani 2002-mi tiguara, sunaaffa ikuallattoqarsimasooq.  
Ikuallattoorneq uanga ullumimut suli uppersarsisimanngisannik, tamatumalu kingu-  
nerisaanik angallat 2.423.655 kruuneqalersimammat. Taavalu 3.000.000-ninik sil-  
limmateqarluni. Taakkuli akissutit kingulliit uukapaatillunga atsiortinneqarsimap-  
put, tassa qallunaatut uanga ajorama, isumaqarpungali sukujunnguit atsiungassat al-  
lat, taamaattumik paaserusuppara iluamik sullinneqarlunga.”

Aalisariutisinermi inuussutissarsiutinik tapersiissarfimmit taarsigassar-  
sinissamik neriorsuutit pillugit allagaatit arlallit assilineri naammagittaal-  
liuummut ilanngullugit nassiunneqarput.

Aalisarnermut Piniarnermullu Pisortaqarfimmut 6. januar 2003-mi allap-  
punga, pisortaqarfillu qinnuigalugu mappi suliami A-p aamma B-p inuus-  
sutissarsiutinik tapersiissarfimmit taarsigassarsiaat pillugit allagaatinik ima-  
lik atukkiuteqqullugu.

Suliaq 18. februar 2003-mi eqqaasitsissutigaa.

Allakkat 24. marts 2003-meersut imaattut Aalisarnermut Piniarnermullu  
Pisortaqarfimmit 25. marts 2003-mi tiguakka:

”Aalisarnermut Piniarnermullu Pisortaqarfiup matumuuna nalunaarutigissavaa  
suliaq sapaatip akunnerata ataatsip ingerlanerani Inatsisartut Ombudsmandiannut  
nassiunneqarniarloq.

Ombudsmandip saaffiginnissutaata taama kingusitsigisumik akineqarnera pisor-  
taqarfiup tamatumunnga peqatigitillugu ajuusaarutigissavaa, tamannali taarsigassar-

sisitsineq pillugu suliap ajornakusoortup misissornissaanut pisortaqarfiup nukisaaaleqisimaneranik taamaallaat pissuteqarpoq.

Suliap sukumiisumik misissorneqarnissaa pisariaqarsimavoq, suliap pitsaanngiluinnartumik ingerlasimane qulaajarniarlugu, tassani ajutoornerit arlallit, soorlu ikuallattoorneq, isumaqatigiissummik eqqortitsinnginneq tunniussisussallu akiliiniarnikkut ajornartorsiutai kiisalu taarsigassarsisup tupinnanngitsumik pakatsisimane suliap ingerlaneranik assut ajornakusuulersitsisimmata.” (Atorfeqarfimmi nutsigaavoq)

A-p aamma B-p inuussutissarsiutinut tapersiisarfimmit taarsigassarsinerat pillugu suliami pisortaqarfiup allagaatai 23. juni 2003-mi tiguakka.

Pisortaqarfiup suliami allagaataanit erserpoq Inuussutissarsiutinut Tapersiisarnermut Ataatsimiititaliap inuussutissarsiutinik tapersiisarfimmit taarsigassarsinissamik qinnuteqaat A aamma B sinnerlugit K Kommunimi inuussutissarsiortermit allaffeqarfimmit 21. august 1998-imi tigusimagaa.

Aalisariummik nutaatut sananeqartumik ... ApS-imit tunineqartumik pisinissamat inaarutaasumik isumaqatigiissut A-p aamma B-p 24. juni 1999-imi atsiorpaat. Isumaqatigiissummi ilaatigut imaattunik allassimasoqarpoq:

”(…)

§ 4. Aki aamma akiliineq

(…)

Isumaqatigiissummi akip pingajorarterutaa kr. 504.233,-it amerlaqataat, inaarutaasumik isumaqatigiissutit atsiorneqarnerani akilerneqassaaq.

Isumaqatigiissummi akip pingajorarterutaa kr. 504.233,-it amerlaqataat motorip angallammut ikkunneqarnerani akilerneqassaaq.

Isumaqatigiissummi akip pingajorarterutaa kr. 504.233,-it amerlaqataat tunniussinermi (angallatip tiguneqarnerani) akilerneqassaaq.

Siullermik aappasaanillu naafferartumik akiliinissat qularnaveeqquusernissamat naafferartumik akiliutissat amerlaqataannik tunisisoq aningaaserivimmi qularnaveeqquusiissaaq. Qularnaveeqquusiissaq Namminersorerullutik Oqartussanit, Inuussutissarsiutinut tapersiisarnermi ataatsimiititaliamit, akuerineqarsimassaaq. Qularnaveeqquusiissutit angallatip tunniunneqarnerani atorunnaarsinneqassapput.

Angalatip tunniunneqarnerani ersitsunik takussaangitsunillu ajoquteqarsinnaaneranut amigaateqarsinnaanerannullu iluarsaassinissanut tunisisup pisussaaffiata qulakkeerneqarnissaanut, tunisisoq isumaqatigiissummi akip 10%-ianik aningaaserivimmi qularnaveeqquusiissaaq. Qularnaveeqquusiissut tunniussinerup kingorna ukiumi ataatsimi atuuttuussaaq, Namminersorerullutillu Oqartussanit, Inuussutissarsiutinut tapersiisarnermi ataatsimiititaliamit, akuerineqarsimassaaq. Qularnaveeqquusiissutit atorunnaareernerata kingorna tunisisup pisisullu akornanni pissutsitigut danskit inatsisaanni maleruagassat nalinginnaasut atuutissapput.

(…)

§ 8. Piumasaqaatit

Isumaqatigiissut makkuninnga piumasaqaatitaqarpoq:

1. Isumaqatigiissut aamma immikkut nalunaarsuiffik ilanngussaq Namminersorerullutik Oqartussanit, Inuussutissarsiutinut tapersiisarnermi ataatsimiititaliamit aamma Siunnersuisoqarfimmit KIS-imit kaammattuutigisaapput.



2. Angallatip pisiarinissaanut inuussutissarsiutinut tapersiivigineqarnissamut neriorsuisoqarsinnaassaaq Namminersornerullutik Oqartussanit, Inuussutissarsiutinut tapersiisarnermi ataatsimiititaliamit.”

Inuussutissarsiornermut tapersiissutitut taarsigassarsisitsinissamik neriorsuut imaattoq A-p aamma B-p 21. september 1999-imi atsiorpaat:

”Qinnuteqaat nassiunneqarsimasooq innersuussutigalugu, uanngaanneersoq: A aamma B, najugaqartut: (...) aningaasartuutit ilaannakortumik aningaasaliiffigineqarnissaannut inuutissarsiutitigit taperserneqarnissamut tunngasoq 1.527.260 kr. tikillugu uunga atugassatut: ..., ...-mut isumaqatigiissutit 15.6-99-imeersoq aamma 24.6-99-imeersoq tunngavigalugit aalisariummik...-mik pisineq ...qaammatinut pingasunut siullernut sillimmasiissutit kr. 14.560,-nit ilanngunneqarput, Inatsisartut peqqussutaat nr. 13, 30. oktober 1998-imeersoq aamma nalunaarut nr. 12, 12. december 1994-imeersoq naapertorlugit matumuuna aningaasaliissutigineqarput inuutissarsiutitigit tapersiisarnermut tunngasut najoqqutaralugit siunertanut makkununga imatut aningaasalerneqartunik:

1) Taarsigassarsiaq 839.993 kr. (55%) killigalugu ukiumut 4%-inik ernialersorneqartussaaq ukiullu 15-it ingerlanerini angeqqatigiimmik akilersorneqartussaaq, akiliiffissaq siulleq 1. november 2001.

2) Taarsigassarsiaq 572.723 kr. (37,5%) killigalugu erniaqaranilu akilersugassaanngitsoq 1/15-inik nalikillineqartussaaq 1. novemberit tamaasa, siullermik 1. november 2001.

Tigutsisissaq 114.544,00 kr.-nik angissuseqassaaq imaluunniit minnerpaamik aningaasartutit 7,5%-iat.

Taarsigassarsinissamut neriorsuummi qulaani pineqartut aamma aalajangersarneqarput.

#### VII. Sallunaveeqqusiussanik qularnaarineq

Taarsigassarsinissamut neriorsuutigineqartoq najoqqutaralugu taarsigassarsisoq qanoq ilisukkulluunniit Inuussutissarsiutinut Tapersiisarnermut Ataatsimiititaliamut akiitsoqalissagaluaruni taarsigassarsinermut neriorsuummik atsiuinnermigut Inuussutissarsiutinut Tapersiisarnermut Ataatsimiititaliamut nalunaarutigaa siullertut qularnaveeqqusiinermi allagartami qularnaveeqqusiussaaq siuartinneqartoq angissuseqartoq 1.700.000,00 kr. tulleriarinermi sallunaveeqqutitut salliusussanngorlugu sallunaveeqqusiussaaq unaasoq aalisariut ....

Sallunaveeqqut taamaallaat sallunaveeqqusiinermi pisinnaatitaaffinnut siuliani taaneqarsimasunut atorsinnaavoq Inuussutissarsiutinut Tapersiisarnermut Ataatsimiititaliaq siullunneqarluni.

(...)

Inuussutissarsiutinut Tapersiisarnermut Ataatsimiititaliaq pillugu peqqussummi nalunaarummilu aalajangersagarineqartut taarsigassarsinissamut neriorsuummut aamma atuupput.”

Isumaqatigiissutip aningaasartai naafferartumik siullertut aappaattullu akiligassat 2. november 1999-imi aamma 16. marts 2000-imi akilerneqarput.

Isumaqatigiissutip aningaasartai naafferartumik siullertut aappaattullu akiligassanut tunisisup aningaaseriviata [Aningaaseriviup] qularnaveeqqusiussaa Inuussutissarsiutinut Tapersiisarnermut Ataatsimiititaliap 10. marts

2000-imi tiguaa. Qularnaveeqqusiussaq taanna 1. juli 2000-ip tungaanut atuuttussaavoq.

Inuussutissarsiutinut Tapersiisarnermut Ataatsimiititaliap ApS-imit 21. marts 2000-imi nalunaarfigineqarpoq amutsiviup kuitsivia ikuallassimasooq, tamatumalu A-p aamma B-p angallatissaata tunniunneqarfissaa kinguartittussaagaa.

Tunisisup Inuussutissarsiutinut Tapersiisarnermut Ataatsimiititaliap 11. oktober 2000-imi nalunaarfigaa tunniussineq aatsaat 2001-imi pisinnaasooq, mannanlu tikillugu akiliisimanermut aningaaseriviup qularnaveeqqusiussimasai tamatumala nassatarisaanik sivitsorneqassassut.

Aningaaserviup qularnaveeqqusiussaasa atuutiinnarnissaat Inuussutissarsiutinut Tapersiisarnermut Ataatsimiititaliap tunisisumut 14. januar 2001-imi uppersarpaa.

Eqqartussissuserisoq F suliamut 11. juli 2001-imi akuliuppoq, Namminersornerullutik Oqartussani Siunnersuisoqarfiup KIS-ip qinnuteqarneratigut, angallatip pisisumut tunniunneqarnissaa siunertaralugu, tassami taanna tunisisup aningaasaateqannginnerata nassatarisaanik [Aningaaserivimmit] massakkut sallunaveeqqutissanngortinneqarsimammat. Angallatinerlugu suliarineqarsimanngilaq.

Eqqartuussissuserisoq F Inuussutissarsiutinut Tapersiisarnermut Ataatsimiititaliap sinnerlugu 2001-imi novemberip qaammataata ingerlanerani angallatip inaarlugu suliarineqarsimanngitsup tunniunneqarnissaa [Aningaaserivimmut] isumaqatigiissutigaa. [Aningaaseriviup] amigaataasut akisussaaffigiumanngilai, tamannalu Inuussutissarsiutinut Tapersiisarnermut Ataatsimiititaliap akueraa.

Angallatip K2-mut tikinnerata kingornatigut angallatip inaarsarneqarnissaanut aningaasartuutissanut missingiut S A/S-ip suliaraa. Inuussutissarsiutinut Tapersiisarnermut Ataatsimiititaliap S A/S 14. marts 2002-mi nalunaarfigaa aningaasartuutissat taakku ataatsimiititaliap akuerigai.

Taarsigassarsiaaqqartut qaffanneqarnissaannik isumaqatigiissut imaattoq A-p 24. maj 2002-mi atsiorpaa:

”Pineqartoq: Isumaqatigiissut aningaasanik atukkanik qaffaanissamut.

Atorniartoq A, (...)

Matumuuna ataatigut atsiortunga isumaqataavunga aningaasanik attartorlunga angallat pitsanngorsarneqassasooq, taarsigassarsiallu amerlasinneqassasut kr. 500.000,00-nik.

Annertunerusumik taarsigassarsinermut ukiumut akilersuutit kr. 20.000,00-nik amerlanerulissapput, ilanngullugu uppersarpara siumoortumik kr. 37.500,00-nit akilissallugit.

(...)”

Isumaqatigiissut kalaallisut qallunaatullu allagaavoq, isumaqatigiissutillu kalaallisua qallunaatuvalu A-p atsiorsimavai. Isumaqatigiissutillu taakku kalaallisut qallunaatullu assigiilluinnanngillat, tassami kalaalli-

suuani oqaatigineqarmat taarsigassarsiat qaffanneqarnerat angallatip pitsannngorsarneqarneranut tunngasuusoq.

Angallammik pisinissamut inuussutissarsiutinut tapersiisarfimmit taarsigassarsisitsinissamut inaarutaasumik neriorsuut Aalisarnermut Piniarnermullu Pisortaqarfiup 2002-mi julip qaammataani suliaraa. Taarsigassarsiat massakkut 2.342.655 kr.-nik amerlassuseqalerput.

Inuussutissarsiutinut Tapersiisarnermut Ataatsimiititaliaq, tunisisup aningaasaqarnini pillugu paasissutissiisutai tunngavigalugit Eqqartuussissu-serisup F-ip naliliinera tunngavigalugu, 30. december 2002-mi aalajangerpoq tunisisup taarsiisuteqarnissaanik apeqqut eqqartuussivimmut suliasannngortinneqassanngitsoq.

Pisortaqarfiup suliami allagaatai misissoreerlugit pisortaqarfimmut 27. august 2003-mi ilaatigut imatut allappunga:

”(...)

Angallatilli inaarsarneqarneranut atatillugu immikkut aningaasartuutaasimasut B-mit akisussaaffigineqarnerat pisortaqarfiup atuuttussannngortissimaneraa atuuttussannngortinniarneraaluunniit, taamaattoqarsimappallu pisortaqarfiup tamatumunnga tunngavilersuutaa nalornissutigaara. (Konto pillugu takussutissiamit 25. juni 2002-meersumit takusinnaavara akiliutit Inuussutissarsiutinut Tapersiisarnermut Ataatsimiititaliap B-mut aamma A-mut tunniussinermi kontoliaanut 16.0274/99-imik normoqartumut akiligassatut allanneqarsimasut).

Tunngavissatut pigineqartoq uannut saqqummiunneqarneratut isigalugu isumaqarpunga immikkut aningaasartuutaasimasut pillugit iliuserineqarsimasut B-mit iliuserineqarsimangitsut, aammattaarlu isumaqarlunga pissusiviusut pisinerup atorunnaarsinneqarnissaanik ajornarluinnalersitsisut (siumoortumik akiliutit utertinneqarnissaat pillugit qularnaveeqqutinut piffissaliunneqartoq naasimammat) pisuni B-p aamma pisortaqarfiup akornanni pisimasuni pisortaqarfiup iliuserisimasaatut isigineqartariaqartut.

Tamanna suliap tassunngaannaq killiffeqarneranik oqarmertut isigineqassanngikkaluartoq qulaani taaneqartut qulaajarneqarnerat suliap ingerlaqqinnissaanut pingaaruteqarpoq. Qulaani taaneqartut qulaajarneqarnissaat qinnutigaara, naatsorsuutigalugulu pisortaqarfik pilertortumik taamaaliorumaartoq.”

Suliaq allakkani 6. oktober 2003-meersutigut aamma 10. november 2003-meersutigut eqqaasitsissutigaara.

Pisortaqarfiup allagai imaattut 19. november 2003-mi ullulerneqarsimasut 12. december 2003-mi tiguakka:

”Aallaqqaasiullugu inuussutissarsiutinik tapersiisarnermut immikkoortortaqarfimmit erseqqissarneqassaq uagut aallaavittut angallatinik sanaartortuunnginnata, pisiortortuunnginnata imaluunniit angallatinik pisinerni inuussutissarsiornermut tapersiisutitigut aningaasalersorneqartunik pisinernut atatillugu allatigut illuatungiliuteqataasutut inissisimaneq ajoratta.

Taamaalilluni pisiap qinnutigineqartup pisisup tuniniaasullu akornanni isumaqatigiissut tunngavigalugu tunniunneqarnissaa taarsigassarsisup nammineq qulakkii-gassaraa.

Taamatut oqareerluta tamatumunnga peqatigitillugu angallatinik pisisartunut amerlavallaanut angallammik sananerup pisinerullu ingerlanerata isumaqatigiis-suterpassuarnik allagaaterpassuarnillu paasiuminaatsunik imaqartarnera soorunali-mi eqqumaffigaarput, taamaattumillu ingerlanermit taamaattumi pisisoq naammagi-nartumik annertussuseqartumik ikiortarparput.

Pingaarnerusutigut isumaliutersuutit taakku suliamut pineqartumut tutsinenaar-pata aallaqqaasiullugu oqaatigisariaqarparput pisisup tuniniaasartoq ... v/..., K1 aqqutigalugu inuussutissarsiutinik tapersiisarnermut immikkoortortaqarfik angal-lammik pisinermit sinniisuuffigimmagu, pisinerlu taanna pisisup nammineq aalaja-ngiussarisimassagaa naatsorsuutigisariaqarparput, pisinissarmi pillugu isumaqati-giissut taanna pisisup 21. januar 1999-imi atsiorsimmagu.

Pisiassamik tassannga aningaasalersuinissaq inuussutissarsiutinik tapersiisarner-mut immikkortortaqarfiup imaattumik piunasaqaateqarfigaa, tassalu pisineq Nam-minersornerullutik Oqartussani aalisartunut piniartunullu siunnersuisoqarfimmit K.I.S.-imit kaammattuutigineqarsinnaasuussasoq, kiisalu pisinerup inaarutaasumik ilusilerneqarnera inuussutissarsiutinik tapersiisarnermit ataatsimiititaliamit akuerine-qarsinnaasuussasoq.

Tamatuma ilaatigut nassataraa pisisup tuniniaasullu akornanni isumaqatigiisum-mik nalinginnaasumik suliarinnittoqarnissaata piunasaqaatigineqarnera. Isumaqa-tigiissut taanna illua'tungeriinnit juni 1999-imi atsiorneqarpoq. Taamaattorli tuni-niaasoq qulaani taaneqartumut tuniniaasuujunnaarsimavoq, angallasiortumulli ... ApS-imut tuniniaasunngorsimalluni.

K.I.S.-ip kaammattuutaa angallatip teknikkikkut naliliiffigineqarneranik tunnga-veqarpoq, ilaatigut angallatip inuussutissarsiutigalugu Kalaallit Nunaanni imaatigut angalanermit Søfartsstyrelsimit piunasaqaataasunik eqqortitsisuunissaa eqqarsaati-galugu, ilaatigullu angallatip aalisaatigineqarnissamisut eqqarsaatigineqartumut teknikkikkut naleqquttuunera eqqarsaatigalugu.

Isumaqatigiisummi nalinginnaasumi qulaani taaneqartumi § 4-mi aalajangersa-gaqarpoq tunisisoq naafferartumik akilersuutit eqqarsaatigalugit aningaaserivimmut qularnaveeqqusiissasoq, qularnaveeqqusiinerillu taakku angallatip tunniunneqarne-rani "qilerussaarneqassasut". Taamaattorli tunisisup ukiumi ataatsimi qularnaveeq-qusiiffiusumi isumaqatigiissutigineqartutut akiutinneqartup 10%-iinut naapertuut-tunik aningaaserivimmut qularnaveeqqusiissaaq.

Qularnaveeqqusiinerit qulaani taaneqartut tamarmik Kalaallit Nunaanni Nam-minersornerullutik Oqartussanit akuerineqassapput.

Qularnaveeqqusiinerup naanerata kingornatigut pisisup tunisisullu akornanni pis-sutsit pillugit qallunaat inatsiseqartitsinermit malittarisassaasit nalinginnaasut atuup-put.

Piunasaqaatit qulaani taaneqartut tamarmik pisikumut tunisisumillu qallunaatut kalaallisullu ilisimatitsissutigineqarsimapput, nalinginnaasumillu isumaqatigiisum-mik taaneqartumi pisisup tunisisullu atsiorneri pigineqarput.

K.I.S.-ip inuussutissarsiutinik tapersiisarnermut immikkoortortaqarfik nalunaar-figaa sanatsinissamik isumaqatigiissut nassuiaatitalik siunnersuisoqarfiup akueri-gaa, suliallu ingerlaqqinnera siunnersuisoqarfiup malinnaaffiginiaraa.

Taamaalilluni inuussutissarsiutinik tapersiisarnermut immikkoortortaqarfiup paasinninnera malillugu oqaatigineqassaaq tunisisussamik toqqaaneq, tunniussine-rup annertussusia pillugu isumaqatigiissuteqarneq kiisalu aningaasalersuineq pillu-git isumaqatigiissuteqarneq pisisup tamakkiisumik paasinninnera akuersineralu tun-ngavigalugit pisimasoq.

Inuussutissarsiutinik tapersiisarnermut immikkoortortaqarfiup akiliisarneri:

Ulloq	Aningaasat	Uppernarsaat	Tunisisup qularnaveqq. 1/7-2000-ip tungaanut	Pisisup upper- narsaanera Aap, 7. juli 1999
2. nov. 1999	504.233,00	sumaqatigiissut/ tunisisup akileeq.	1/7-2000-ip tungaanut	Aap, 7. juli 1999
16. marts 2000	504.233,87	Isumaqatigiissut/ tunisisup akileeq.	1/7-2000-ip tungaanut	Aap, ullulerne- qanngilaq
9. oktober 2001	15.037,50	Adv. F	Naagga	Naagga
30. nov. 2001	504.233,87 -25.000,00	Aningaaserivik sinn. adv. firma D-p piumasaqar- neratigut kukku- nernut amigaati- nullu akikill.	Naagga	Naagga
13. dec. 2001	148.613,09	RAL, Aalborg- -mit K2-mut .	Naagga	Naagga
9. januar 2002	2.320,50	Adv. F	Naagga	Naagga

Tabelimit qulaaniittumit erseqqissumik takuneqarsinnaavoq angallat isumaqatigi-  
issut malillugu 504.233 kr. x 3 = 1.512.699 kr.-nik akilerneqarsimasoq. Kukkunernut  
amigaatinullu assigiinngitsunut 25.000 kr.-nik akikilliliisoqarsimavoq, Dan-  
markimiillu K2-mut assartuineq akilerneqarsimalluni.

Sanasumut (sallunaveeqqutitut tigumminnittumut) akiliutit naatsorsorneqarne-  
ranni angallassinermut akiliutitut isumaqatigiissutigineqartut 92.000 kr.-nit ilan-  
ngaatigineqarsimanginnerat pitsaanngitsuusorinarpoq, tunuartinneqarsinnaanngi-  
larli tamanna sallunaveeqqummik tigummisaqartup aningaasatigut piumasaqaa-  
taanik tunngaveqartoq, angallatip K2-mi inaarsarneqarnissaminut tunniunneqarnis-  
saanut piumasaqaatitut.

Angallatip pisisumut tunniunneqarnerani ikiuunnermut atatilugu katillugit  
47.358 kr.-t eqqartuussissuserisumut F-imut akilerneqarsimapput.

Angallatip K2-mi tunniunneqarnissaata tungaanut pisisoq imaattunik aningaasar-  
tuuteqarnerullunilu sipaaruteqarsimavoq:

Kalaallit Nunaannut assartuineq	148.613 kr.
Eqqartuuss. aningaasartuutit	47.358 kr.
Kukkunernut amigaatinullu akikill.	<u>-25.000 kr.</u>
Katillugit	170.971 kr.

Angallatip K2-mut apuunneqarnerani S A/S-ip inaarsaanermut missingiut su-  
liaraa. Missingiut taanna katilugit 471.916 kr.-nik aningaasartaqarpoq, taamaattorli  
taakku ilaat pisisup kissaatigisaanut tunngasutut isigineqarput.

Inuussutissarsiutinik tapersiisarnermut immikkortortaqarfik K3 ... A/S-imit ilisi-  
matinneqarpoq taarsigassarsiat 500.000 kr.-nik qaffanneqarnissaat piginnittup  
akuorigaa. Tamatumunnga peqatigillugu piginnittup taarsigassarsiat qaffanneqarne-  
rannut atatilugu nammineq akiliutissai 37.500 kr.-t K3 ... A/S-ip qularnaveeqquser-  
pai.

2002-mi upernaap aasallu ingerlaneranni angallatip inaarsarneqarneranut inuus-  
sutissarsiutinut tapersiisarfiup aningaasat makku akilerpai:

Ulloq	Aningaasat	Uppernarsaat	Tunisisup qularnaveqq. Naagga	Pisisup upper- narsaanera Naagga
15. marts 2002	200.000,00	A conto S A/S	Naagga	Naagga

29. april 2002	175.000,00	A conto S A/S	Naagga	Naagga
28. maj 2002	96.916,00	A conto S A/S	Naagga	Naagga
10. juni 2002	10.085,50	Sømandshjem K2	Naagga	Aap
24. juni 2002	12.932,00	Kalaallit Angala- titsiviat Angallatip K2-mi misissorn. atatill. B-p allallu angalanerat ineqar- nerallu		
19. juni 2002	100.011,29	S A/S-ip inaaru- akiligassiissutaa	Naagga	Naagga
15. juli 2002	121.273,05	S A/S-ip inaaru- akiligassiissutaa	Naagga	Naagga
4. juli 2002	4.416,00	Adv. F	Naagga	Naagga
26. sep. 2002	17.682,50	Suliffeqarfik C	Naagga	Naagga
24. marts 2003	19.838,84	Suliffeqarfik C	Naagga	Naagga

Qulaani takussutissiamit erserpoq 693,200 kr.-t akilerneqarsimasut imatut agguataagaasumik: 513.916 kr.-t angallatip inaarsarneqarneranut kiisalu 179,284 kr.-t immikkut sulianut, angallatip piginnittaata siunnersuisuatalu K3 ... A/S-ip piomasagaataat malillugit.

Taamaalilluni immikkut aningaasartuutit imatu agguataagaasut "inaarsaanermi" aningaasartuutigineqarsimapput:

S A/S	kr. 513.916
Siunnersuisut akissarsiaat	kr. 37.521
Eqqartuussiss. akissarsiaat	kr. 4.416
Katillugit	kr. 555.853
Taakku saniatigut piginnittup makku nammineq atorsimavai:	
S A/S	kr. 179.284
Angalanermut ineqarnermullu	kr. 23.018
Katillugit	kr. 202.302
Sananeq inaarsaanerlu eqqarsaatigalugit suliap ingerlasimanera imatut isikkoqarpoq:	
Isumaqatigiissutaaqqaartoq	kr. 1.512.699
K2-mi inaarsaneq	kr. 513.916
Pisisup/taars. akuerisaat	kr. 500.000
Siunners. + eqqart. akissarsiat	kr. 89.295
Pisisup/taars. akuerinngisaat	
Angallass. aningaa.	kr. 148.613
Akikilliliissutit	kr. -25.000
Katillugit	kr. 2.239.523
Pisisup atugai	kr. 202.302
Katillugit	kr. 2.441.825

Aningaasartuutinit tamarmiusunit qulaani takuneqarsinnaasunit 2.441.825 kr.-t pisisup akuersineranik ilaqarput, tulliullutik nammineq atukkat katillugit 2.215.001 kr.-iullutik.

Inuussutissarsiutinik tapersiisarnermut immikkoortortaarfik taarsigassarsitsisinnissamik akuersisimavoq imaattunik piumasaqaateqarluni:

Sananermut aningaasartuutit tamarmiusut	kr. 2.432.655	
Nammineq akiliutit(akilerneqarsimapput)	kr. 169.802	7%
Taarsigassarsiat ernialigaanngitsut akilersugassaanningsullu	kr. 896.367	37%
Taarsigassarsiat ernialersugaasut	kr. 1.366.486	56%

Aningaasalersuinissamik neqeroorut taanna aalisarnermut, piniarnermut nuna-lerinermullu tapersiisarneq pillugu Inatsisartut peqqussutaanni nr. 10-mi 12. november 2001-imeersumi § 3 tunngavigalugu aalisariutinik nutaanik pisinerup imatut agguataagaasumik aningaasalersorneqarnissaannik neqerooruteqartoqarsinnaanera isiginiarlugu:

Nammineq akiliutit	10%
Taarsigassarsiat ernialersugaanngitsut taarsersugassaanningsullu	30%
Taarsigassarsiat ernialersugaasut	60%

Taamaalilluni taarsigassarsitsisinnissamik neqeroorummi taamaallaat "akikilliliisut" ilanngunneqarsimavoq, nutaanik sanatitsineq pillugu suliami matumani ingerlasianermut pitsaanneqisumut ikiorsiissutitut isigineqartussa. Aammattaaq taarsigassarsitsisinnissamik neqeroorummi oqaatigineqarpoq taarsigassarsiani ernialersugaasuni 121.273 kr.-t 1. september 2003-p tungaanut taarsigassarsiatut ernialersugaanngitsutut ilanngunneqartut.

Inuussutissarsiutinik tapersiisarnermut immikkoortortaarfip taarsigassarsiat ilaat taakku pillugit inaarutaasumik piumasaqaatit kingusinnerpaamik 1. november 2003-mi isummerfiginiarpai.

Angallatip aalisaatigineqalerneranit ullumikkumut taarsigassarsisup ingerlaavartumik ingerlatsinera inuussutissarsiutinik tapersiisarnermut immikkortortaarfip paasisaqarfigisinnaasimannimmagu taarsigassarsiat tunniunneqarnissaat suliarlu pillugu inaarutaasumik isummerfiginninnissaq kinguartissimavarput.

Aalajangerneqarpoq inuussutissarsiutinik tapersiisarnermut immikkoortortaarfip sinniisai K3 Kommunimut januar 2004-mi angalatinneqassasut, tamatumungalu atatillugu suliaq inaarutaasumik isummerfiginiarpaput.

Taamaalilluni massakut taarsigassarsitsisinnissaq inaarutaasumik akuersissutigineqarsimannilaq, kisianni suliaq qulaajarneqassappat taarsigassarsisup suliami akuersaartumik peqataanissaa pisariaqarpoq, taamaanngippat angallat utertillugu tiguseriaqassavarput.

Kiisalu taama kingusitsigisumik akissuteqarnerput ajuusaarutigeqqissavarput.”

Pisortaqarfimmut 30. april 2004-mi imatut allappunga:

” (...)

Mappip allagaatinik imallip kiisalu pisortaqarfiup suliami akissutaataa misissor-nissaannut massakut periarfissaqareersimalerpunga.

Suliamit erserpoq Inuussutissarsiornermut Tapersiisarnermut Immikkoortor-taarfik suliap ingerlanerani angallatip pisiarineqarneranut atatillugu aningaasar-



tuutaaqqittut eqqarsaatigalugit B aamma A sinnerlugit iliuuseqarnissamik arlaleriarluni aalajangiisarsimasoq.

Taamaattumiik pisortaqarfik qinnuigaara pisortaqarfiup inuussutissarsiornermut tapersiisarnermut immikkoortortaqarfiata suliami B aamma A tamatuminnga akuersiseqqaarnagit aningaasaqarnikkut iliuuseqarnissamik suna inatsisitigut tunngavigalugu aalajangiisarsimanera pillugu nassuiaateqaqqullugu.

Aammattaq aalisariutip tunniunneqarnissaata siullermik 2000-imi martsip qaammataani kinguaattoornerata kingornatigut suliap ingerlaqqinnissaa pisortaqarfiup A-mut aamma B-mut ilitsersuutigisimaneraa suliap uannut paasissutissartalersorneqarnera malillugu takuneqarsinnaanngilaq, matumani pisortaqarfiup iliuusai ilanngullugit eqqarsaatigalugit, kiisalu Namminersornerullutik Oqartussani siunnersuisoqarfiup KIS-ip suliniuteqarneratigut eqqartuussissuserisumik ikiorserneqarneq eqqarsaatigalugu.

Pisortaqarfik qinnuigaara tamanna eqqortuunersoq nalunaarfigeqqullunga.”

Suliaq allakkani 29. april 2004-meersuni eqqaasitsissutigaa.

Pisortaqarfiup akissutaa 4. maj 2004-meersoq imaattoq 11. maj 2004-mi tiguara:

”Allakkassinut 30. marts 2004-meersunut taama kingusitsigisumik akissuteqarnerput aallaqqasiullugu ajuusaarutigissavarput.

Ombudsmandip taakkunani Aalisarnermut Piniarnermullu Pisortaqarfik qinnuigaa inuussutissarsiutinik tapersiisarnermut immikkoortortaqarfik suna inatsisitigut tunngavigalugu taarsigassarsisut sinnerlugit aalajangiisarsimanersoq aningaasaqarnikkullu atuisarsimanersoq nassuiaqqullugu.

Suliami tassani inuussutissarsiutinik tapersiisarnermut immikkoortortaqarfiup taarsigassarsisut sinnerlugit aalajangiisinnaaneranut aningaasaqarnikkullu atuisinnaaneranut akuersissummik allatulluunniit piginnaatitsissummik tigusaqarsimanera suliami uppersarneqarsinnaanngilaq.

Taamaattumik naatsorsuutigisariaqarpoq inuussutissarsiutinik tapersiisarnermut immikkoortortaqarfik taamaaliorsimasoq tunniussisoq eqqarsaatigalugu pisut pitsaanngitsut sunniutaasa pitsaanerpaamik pakkersimaarneqarnissaat siunertaralugu, tamatumunngalu peqatigitillugu aqutsinikkut aalajangiisimalluni taarsigassarsisup angallat pingaartumik soqutigisarigaa, suliallu ajornakusuussusia nammineq paasiluarsinnaasimannikkaa.

Taarsigassarsisoq angallammik tunniussisumut taarsigassarsisitsisumullu isumaqatigiissutit illuatungaannarsiortumik atorunnaarsinnissaannut soorunalimi periarfissaqartuaannarsimavoq, kisianni taarsigassarsisoq angallatip K2-p amutsiviani inaarsarneqarneranut atatillugu ingerlanermut peqataasimavoq angallatillu iluarsaanneqarnera pillugu immikkut piumasqaateqarsimalluni, tunniussineq pillugu ... A/S-imut Danmarkimiittumut isumagatigiissutaqaqaartumi ilaanngitsunik.

Taarsigassarsisup tunniussisullu isumagatigiissutaannik aamma taarsigassarsisup inuussutissarsiutinillu tapersiisarnermut immikkoortortaqarfiup isumaqatigiissutaannik atorunnaarsitsinerup inatsisilerinikkut aningaasaqarnikkullu kingunerisassai qanorluunnit pisoqaraluarpat imaassimassagaluarput angallat kissaatigineqartooq taarsigassarsisumut tunniunneqarsinnaanngitsoq.

Angallammik tunniussinerup siullermik marts 2000-imi kinguaattoorneranut atatillugu suliap ingerlaqqinnera pillugu A-mut aamma B-mut ilitsersuineq eqqarsaatigalugu tamanna inuussutissarsiutinik tapersiisarnermut immikkoortortaqarfiup eqqoqqissaartumik oqaaseqaateqarfigisinnaanngilaa, tassami inuit suliamik suliarin-

nittuusimasut Aalisarnermut Piniarnermullu Pisortaqarfimmi sulisorineqarunnaarsimammata.

Ombudsmandili ilumoornerarneqassaaq oqarmat Namminersornerullutik Oqartussani Siunnersuisoqarfimmit imaluunniit inuussutissarsiutinik tapersiisarnermut immikkoortortaqarfimmit taamatut ilisimatitsissuteqarsimanerup qularnaallinissaanut suliami uppersaatissaqanngitsaq.”

*Tamatuma kingornatigut imaattunik oqaaseqaateqarpunga:*

*"Misissuininnik killissalersuineq.*

*Aallaqqaasiullugu oqaatigaara pisortaqarfik pisortaqarfiup suliami iliuuserisaasa nassatarisaannik A-mut aamma B-mut taarsiissuteqarnissamut akisussaaffeqalersimanersoq misissorsimannikkiga.*

*Tamanna taamatut misissuinerup pissutsit naliliinermut uppersaasersuineremullu tunngasut, matumani suliami pissusiviusut assigiinngitsunik nassuiarneqarsimasut ilanngullugit eqqarsaatigalugit, isummerfigineqarnissaannik piumasaaqateqartussaanermut ataneqartillugu ilaatigut isigineqassaaq.*

*Uppersaasiussanik taamatut naliliineq malittarisassat periaatsillu uanga sulininnut atuuttut avataanniippoq, tamannalu ilisimannittunik killisiuinissannut nalinginnaasumik periarfissaqannginninnut ilaatigut ataneqartillugu isigineqassaaq.*

*Taamaattumik isumaqarpunga apeqquut taanna eqqartuussivimmi aalajangiivigineqarnissaminut naleqqunnerpaasoq.*

*Inuussutissarsiutinik tapersiisarnermi taarsigassarsisitsisarneq pillugu malittarisassat.*

*A aamma B Aalisarnermut Piniarnermullu Pisortaqarfimmit inuussutissarsiutinik tapersiisarnermi taarsigassarsisinnearnerisa nalaani tamanna pillugu malittarisassat aalisarnermut, piniarnermut nunalerinermullu tapersiisarneq pillugu Inatsisartut peqqussutaanni nr. 13-imi, 30. oktober 1998-imeersumi aalajangersarneqarsimapput.*

*Peqqussut malittarisassanik suliamut matumunnga attuumassuteqartunik imaattunik imaqarpoq:*

*”§ 2. Tapersiissuteqartoqarnissaa, tapiissutit annertussusissaat atugassarititaasullu pillugit apeqquutinik aalajangiiniarnermi makkua isiginiarneqassapput:*

*(...)*

*3) aatsaat tapiissuteqartoqarsinnaavoq ingerlatassanut teknikkikkut illersorneqarsinnaasunut, aammalu piffissaq ungasinnerusoq eqqarsaatigalugu aningaa-sarsiornissamat tunngatillugu ingerlaannarsinnaasutut nalilerneqarsinnaasunut,*

*(...)*”

*”§ 3. Peqqussummi aalajangersakkat naapertorlugit Inuussutissarsiutinut Tapersiisarnermi Ataatsimiititaliap tapiissuteqarnissamik aalajangiissaaq.*

(...)”

”§ 23. Taamaallaat taarsigassarsisitsisoqarsinnaavoq aamma taarsigassarsianut ingerlatsinermullu sillimmatitut akiligassarsianut qularnaveeqquusiisoqarsinnaalluni isumannaallisaasoqarneratigut.”

Taamaalilluni inuussutissarsiuutinut tapersiisarfimmit taarsigassarsisitsisoqarnissaa Inuussutissarsiuutinut Tapersiisarnermi Ataatsimiititaliamit peqqussut taamanikkut atuuttoq tunngavigalugu aalajangerneqarpoq.

Aammattaaq peqqussummi § 2-p nassataaraa inuussutissarsiuutinut tapersiisarfimmit peqqussut tunngavigalugu taarsigassarsisitsisoqassappat ingerlataq inuussutissarsiuutinut tapersiisarfimmit taarsigassarsisitsivigineqarnissaa kissaatigineqartoq teknikkikkut illersorneqarnissaasutut aningaasarsiornikkullu ingerlaannarsinnaasutut nalilerneqarsimassasoq.

Ingerlatat inuussutissarsiuutinut tapersiisarfimmit taarsigassarsisitsivigineqarnissaat qinnutigineqartut taamatut naliliiffigineqarnerisa saniatigut takuneqarsinnaavoq Inuussutissarsiuutinut Tapersiisarnermi Ataatsimiititaliaq, matumani Ataatsimiititaliap aqutsisoqarfia ilanngullugu eqqarsaatigalugu, taarsigassarsisup taarsigassarsianik atuinera eqqarsaatigalugu iliuuseqarnissamut inatsisitigut tunngavissaqarsimanngitsaq, taarsigassarsiat piffissaagallartillugu utertillugit akilerneqarsimannginnerat eqqaassanngikkaanni.

Inuussutissarsiuutinut tapersiisarfimmit taarsigassarsisitsisarneq pillugu malittarisassat erseqqinnerusut Namminersornerullutik Oqartussat nalunaarutaatigut nr. 12-ikkut, 12. december 1984-imeersukkut Naalakkersuisunit aalajangersarneqarsimapput.

Inuussutissarsiuutinut tapersiisarfimmit taarsigassarsisitsisarneq pillugu malittarisassat Inatsisartut peqqussuttaanni nr. 10-mi, 12. november 2001-imeersumi, 1. december 2001-imi atortuulersumi, massakkut aalajangersarneqarsimapput. Inuussutissarsiuutinut tapersiisarneq pillugu aaq-qissuussinerup aqunneqarnera Inatsisartut peqqussutaata taassuma atortuulerneratigut Naalakkersuisunut nuunneqarpoq, taamaalillunilu Inuussutissarsiuutinut Tapersiisarnermi Ataatsimiititaliaq atorunnaarsinneqarluni.

Pisortaqarfiup A aamma B sinnerlugit iliuuserisai.

Aalisariutip nutaap ... ApS-imit pisiarinissaanut isumaqatigiissut A-p aamma B-p 24. juni 1999-imi atsiorpaat.

Isumaqatigiissummi § 8-mit erserpoq isumaqatigiissuteqarnermi piumasaaqataasoq isumaqatigiissut taanna K.I.S.-imit kaammattuutigisaassasoq, kiisalu Inuussutissarsiuutinut Tapersiisarnermi Ataatsimiititaliamit inuussutissarsiuutinut tapersiinissamik neriorsuisoqarsimassasoq.

*Inuussutissarsiutinut tapersiisarfimmit 1.527.260 kr.-t tikillugit taarsigassarsisitsinissamik neriorsuut A-p aamma B-p 21. september 1999-imi atsiortaat.*

*Suliami allagaatinut erserpoq angallatip tunniunneqarnissaa kinguaattoortinneqartoq, pissutsit tunisisumi atuuttut nassatarisaannik, tassa tunisisup angallatinik kuitsiviani ikuallattoqarnerata kiisalu tunisisup aningaasatigut ajornartorsiuteqarnerata nassatarisaannik, tamatumalu nassatarisaannik angallat tunisisup aningaaserivianut sallunaveeqqutitut tunniunneqarsimalluni.*

*Aammattaaq suliami allagaatinut erserpoq Aalisarnermut Piniarnermullu Pisortaqarfik tunniussinissap kinguaattoornera taanna tunngavigalugu suliami eqqartuussissuserisumik ikiortissarsiorniarluni aalajangersimasoq, angallatip taarsigassarsisumut tunniunneqarnissaa siunertaralugu.*

*Angallatip taarsigassarsisumut tunniunneqarnerani angallat inerlugu suliarineqarsimannigilaq, tamatumalu angallatip inaarutaasumik akiata qaffanneqarnera kinguneraa.*

*Suliap uannut paasissutissiissutigineqarnera naapertorlugu inaarsarnermut aningaasartuutaaqqittut qanoq amerlatigisut taarsigassarsisup akuerisimanerai erseqqarluppoq.*

*Paasinninnera unaavoq inuussutissarsiutinut tapersiisarfimmit taarsigassarsisitsineq immi qularutissaanngitsumik tassaasoq ingerlatsineq pillugu inatsiseqartitsineq tunngavigalugu aalajangiineq.*

*Tamatumali paarlattuanik paasinninnera unaavoq A-p aamma B-p aalisariummik pisinissamik ... A/S-imut isumaqatigiissuteqarnerat tassaasoq namminerisamik iliuuserisaq, inuit ataasiakkaat pillugit inatsiseqartitsineq tunngavigalugu iliuusaasoq.*

*Inuussutissarsiutinut Tapersiisarnermi Ataatsimiititaliaq taarsigassarsisup inuussutissarsiutinut tapersiisarfimmit taarsigassarsisitsineq tunngavigalugu inuit ataasiakkaat pillugit inatsiseqartitsineq tunngavigalugu isumaqatigiissutigisimasai eqqarsaatigalugit aalisarnermut, piniarnermut nunalerinermullu tapersiisarneq pillugu Inatsisartut peqqussutaat tunngavigalugu taarsigassarsisoq sinnerlugu iliuuseqarnissaminut tunngavisqaqarsimannigilaq.*

*Aamma inuussutissarsiutinut tapersiisarfimmit taarsigassarsisitsinissamik neriorsuummit imaluunniit A-p aamma B-p ... A/S-imut isumaqatigiissutaannit ersinngilaq tunisisoq eqqarsaatigalugu pisortaqarfik A aamma B sinnerlugit iliuuseqarnissamut imaaliillaannaq periarfissaqartinneqarnerasoq.*

*Tamakku tunngavigalugit uanga paasinninnera unaavoq Aalisarnermut Piniarnermullu Pisortaqarfik, matumani K.I.S. ilanngullugu eqqarsaatigalugu, A-p aamma B-p piginnaatitsissutaannik pissarsiniarsimasariaqarluartoq, suliami A aamma B sinnerlugit iliuuseqarnissaq pisortaqarfiup kissaatigippagu.*

*Pisortaqarfiup uannut allakkamini 4. maj 2004-meersuni ilaatigut oqaatigaa:*

*”Suliami tassani inuussutissarsiutinik tapersiisarnermut immikkoortortaqarfiup taarsigassarsisut sinnerlugit aalajangiisinnaaneranut aningaasaqarnikkullu atuisinnaaneranut akuersissummik allatulluunniit piginnaatitsissummik tigusaqarsimanagera suliami uppersarsarneqarsinnaanngilaq.*

*(...)*

*Angallammik tunniussinerup siullermik marts 2000-imi kinguaattoorneranut ataitillugu suliap ingerlaqqinnera pillugu A-mut aamma B-mullu ilitersuineq eqqarsaatigalugu tamanna inuussutissarsiutinik tapersiisarnermut immikkoortortaqarfiup eqqoqqissaartumik oqaaseqaateqarfigisinnaanngilaa, tassami inuit suliamik suliarinnittuusimasut Aalisarnermut Piniarnermullu Pisortaqarfimmi sulisorineqarunnaarsimmata.*

*Ombudsmandili ilumoornerarneqassaaq oqarmat Namminersornerullutik Oqartussani Siunnersuisoqarfimmit imaluunniit inuussutissarsiutinik tapersiisarnermut immikkoortortaqarfimmit taamatut ilisimatitsissuteqarsimanerup qularnaallinisaanut suliami uppersarsaatissaqanngitsoq.”*

*Taamaalillunga tunngaviutippara pisortaqarfik tunisisumut pissutsit inuit ataasiakkaat pillugit inatsiseqartitsineranut tunngasut pillugit A aamma B sinnerlugit iliuuseqarsimasoq, matumani eqqartuussissuserisumut aningaasartuutinik pisortaqarfiup taamaaliornissamat piginnaatitsissummik pissarsiniaqqaarnani A-mut B-mut akiligassanngortitsisimanagera ilanngullugu eqqarsaatigalugu. Tamanna isorisariaqartutut isigaara.*

*Pisortaqarfiup suliamik suliarinninneranik naliliininni pingaartumik manna pingaartillugu isiginiarpara, tassalu Namminersornerullutik Oqartussat inuussutissarsiutinut tapersiisarneq pillugu Inatsisartut peqqusutaanni § 23, qulaani issuagara, tunngavigalugu taarsigassarsisitsisutut soqutigisaat qularnaveeqqusiinikkut qulakkeerneqassasut, taarsigassarsisitsinissamillu neriorsuummit 21. september 1999-imeersumit ersertoq Inuussutissarsiutinut Tapersiisarnermut Ataatsimiititaliaq aalisariummi 1.700.000 kr.-t nalinginut qularnaveeqqusiinermi allagartaq tiggummisani tunngavigalugu qularnaveeqqusiivigineqartunit siullersaalluni sallunaveeqqusiivigineqarsimasoq.*

*Taamaattorli suliami allagaatinit ersinngilaq sallunaveeqqusiinermi ilumut allagartaliortoqarsimanersoq, tamannalu tunngavigalugu sallunaveeqqusiineq eqqartuussivimmi nalunaarsorneqarsimanersoq.*

*Maluginiarparali pisortaqarfiup uannut allakkamini 4. maj 2004-meersuni ilaatigut oqaatigigaa:*

*”Taamaattumik naatsorsuutigisariaqarpoq inuussutissarsiutinik tapersiisarnermut immikkoortortaqarfik taamaaliorsimasoq tunniussisoq eqqarsaatigalugu pisut pitsaanngitsut sunniutaasa pitsaanerpaamik pakkersimaarneqarnissaat siunertaralugu, tamatumunngalu peqatigitillugu aqutsinikkut aalajangiisimalluni taarsigassarsisup angallat pingaartumik soqutigisarigaa, suliallu ajornakusuussusia nammineq paasilluarsinnaasimannikkaa.”*

*Pisortaqarfiulli iliuuserineqarsimasut pisariaqartuunerannik naliliineraata eqqortuunerannik misiliineq malittarisassat periaatsillu uanga sulininut atuuttut avataanniippoq, tak. misissuininnik killissalersuineq pillugu qulaani oqaatigineqartut.*

*Maluginiarpara pisortaqarfik uannut allakkamini 4. maj 2004-meersuni ilaatigut allattoq suliap ingerlaqqinnerannik A-mik aamma B-mik ilitser-suineq eqqarsaatigalugu "tamanna inuussutissarsiutinik tapersiisarnermut immikkoortortaqarfiup eqqoqqissaartumik oqaaseqaateqarfigisinnaangilaa, tassami inuit suliamik suliarinnittuusimasut Aalisarnermut Piniarnermullu Pisortaqarfimmi sulisorineqarunnaarsimmata".*

*Tamatumunnga atatillugu pisortat ingerlatsinerat pillugu paasitineqarsinnaatitaaneq pillugu Inatsisartut inatsisaanni nr. 9-mi, 13. juni 1994-meersumi § 6 imaattunik oqaasertaqartoq pisortaqarfimmut malugequara:*

*"§ 6. Suliassani ingerlatsinermut oqartussaasunit aalajangiiffigineqartussani oqartussaq paasissutissanik suliassamut tunngassuteqarluinnartunik suliassap aalajangiiffigineqarnissaanut pingaaruteqartunik allatut iliorluni paasisaqartoq taakku imaat pillugit allakkiussaaq. Taamaattorli paasissutissat taakku suliassap allakkiartaasa ilaanni takuneqarsinnaappata tamanna atuutinnigilaq."*

*Tamatuma saniatigut ingerlatsinermi ileqqorissaarnerup nassataaraa oqartussaasup suliame pingaaruteqartumik iliuuserineqartut suliame allagaatini takuneqarsinnaangitsut tamaasa pillugit allakkiortariaqarnera.*

*Oqaaseqaatit allat.*

*A aamma B uannut naammagittaalliuutiminni allapput:*

*"Taakkuli akissutit kingulliit ukkapaatillunga atsiortinneqarsimapput, tassa qallunaatut uanga ajorama, isumaqarpungali sukujunnguit atsiungassat allat, taamaattumik paaserusuppara iluamik sullinneqarlunga."*

*A-p aamma B-p uannut naammagittaalliornerisa nalaani allagaat suliame atsiorneqarsimasooq kingulleq tassaavoq inuussutissarsiutinut taper-siisarfiimmit taarsigassarsiat 500.000 kr.-nik amerlineqarnissaannik isumaqatigiissut 24. maj 2002-meersoq.*

*Isumaqatigiissut kalaallisut qallunaatullu allanneqarsimavoq, taakkulu marluk tamarmik A-mit 24. maj 2002-mi atsiorneqarsimallutik.*

*Isumaqatigiissutip kalaallisuuani oqaatigineqarpoq taarsigassarsiat amerlineqarnerat angallatip pitsanngorsarneqarneranut tunngasuusoq, tamannali qallunaatuani oqaatigineqarsimanani.*

*Isumaqatigiissutillu kalaallisuanit qallunaatuuanillu erseqqissumik takuneqarsinnaavoq angallammik pisinermut atatillugu taarsigassarsiat 500.000 kr.-nik amerlineqarnerat pineqartoq.*

*Taamaattumik naammagittaalliuutip tassunga tunngasortaa eqqarsaatigalugu annertunerusumik iliuuseqaqqissanngilanga.*

*A aamma B allakkatigut allatigut allakkat uku assilinerannik ilaqartineqartutigut qulaani taaneqartunik ilisimatippakka."*



## 11.10 - Kommunit

### 21. Pisussaaffiit, pineqaatissiissutit soraarsitsinerlu.

#### 1. **Isumaqatigiissutaasumik soraarsitsinermut atatillugu kommunip suliamik suliarinninnera pillugu naammagittaalliuut.**

*Naammagittaalliuutip aalajangersimasumik suliarineqarnissaa Ombudsmandip itigartitsissutigaa, tassami pissutsinik A-p naammagittaalliuutigisaanik isummerfiginninneq kommunip naammagittaalliuutigineqartup aamma A-p (imaluunniit Atorfillit Kattuffiata) isumaqatigiissutigisimasaat pillugit uppersaatinik naliliiffiginninnermik aamma isumaqatigiissutaasimasut qanoq paasineqarnissaannik nassuiaanermik Ombudsmandip sulinera-ni sinaakkusiussat iluanni pisinnaanngimmat. (J.nr. 11.10.21.30/033-04)*

A-mut itigartitsillunga allakkanni 18. maj 2005-imeersuni imatut allappunga:

"Allakkavit 1. marts 2004-meersut tiguneqarnerat aallaqqaasiullugu uppersarsarpara, taakkunanilu uanga allakkakka 17. februar 2005-imeersut ilaatigut imaattut akissuteqarfigaatit:

"... qinnuigaakkat makku nalunaarutigeqqulugit:

- Isumaginninnermik ingerlatsivimmi pisortatut atorfeqarunnaarissat illit imaluunniit Atorfillit Kattuffiat illit sinnerlutit kommunimut isumaqatigiissuteqaatigisimanerissi, aamma

- pissutsinik kommunip suliamik suliarinninnerani Ombudsmandimut naammagittaalliuutiginiakkannik sulit atuuttoqarnerisq.

Ullumikkumiit sapaatit akunneri arfinillit qaangiutsinnagit tusagaqarfiginnigikkukkit naatsorsuutigaara illit imaluunniit Atorfillit Kattuffiat illit sinnerlutit kommunimut isumaqatigiissuteqarsimasusi kommunimi atorfeqarnerit atorunnaartoq, kommunip qaammatini pingasuni akissarsiasanik sulinngiffeqarnermullu ajunngitsorsiasanik tunniussineratigut, matumani sulinngiffeqarnerup nalaani napparsimaneq pissutigalugu taarsiullu sulinngiffeqarnissamut ajunngitsorsiasat ilanngullugit eqqarsaatigalugit, kiisalu Ombudsmandimut naammagittaallioarnissat kissaatigiunnaarit."

Uannut 1. marts 2005-imi allakkanni oqaatigaat:

"Ilisimatitsissutigissavara 8. december 2003 sioqqulluguli AK-mut attaveqalera-ma. Tassalu nipangiussisusaatitaanermut neriorsuutip unioqqutissimaneranik kangutsaatsuliornermillu kommunaldirektøriugallartup unnerluussutaanut atatillugu, tamatumalu kingornatigut illoqarfimmi isumaginninnermi siunnersortinut pisortanngornissannik allakkatigut neqeroorummut atatillugu.

Ilisimatitsissutitut Avannaani Immikkoortortaarfik siumut kalerreeqqaarnani takkupperoq, siunissamilu qaninnermi suleqatigiilerniarluta isumaqatigiippugut, tassa ukiortaamiit januar 2004 aallartiinnartoq.

Nassuiaanneqanngilangalu nalunaaquttap akunnerani ataatsimik piffissaqartinneqarlunga allaffiga sooq qimassagiga.

Kommunaldirektøriugallartumit suliunnaarsinneqarnera pillugu allagarsigama nammineerluni allaffinni uannut tunniussaaniq, oqarfigineqarlungalua tamanna kommunalbestyrelsiq aalajangiigaa, kommunalbestyrelsiq ataatsimiinnissaanut ulormik ataatsimik sioqutsisumik.

Takusinnaavaralu Allatseqarfimmi pisortaq atsioqataasimasooq, eqqumiikkaluartumillu aalajangiineq ilisimasaqarfisimannigilaa, allaffianullu ornigullunga kommunip allaffiata matuata silarliup matuersaataa tunniukkiartorakku tupaallattut isikkoqarpoq.

Pisinnaatitaaffikka pillugit ilisimatippara, piaarnerpaamik angerlamut aallarnisannik, aamma 2004-mi aasami pisattatta nassiunneqarnissaannik.

Tassunga atatillugu paatsiveerusimaarneq annertunerulerpoq ullualuit qaangiuttut borgmesterimit allagarsigama, uanga uigalu kommunalbestyrelsiq ukiumoortumik nalliuttorsiornissaanut nereqatigiinnertalimmut qaaqusaalluta, kommunimi pisortat allallu ukiumut qaangiuttumut qujassutitut. Allakkat borgmesterip nammineerluni atsiorsimavai.

Ulloq taanna suliunnaarsitaallunga allagarsiffinni

Ilisimatitsissutitut ... Avannaani Immikkoortortaqarfimmiittoq ullaq taanna siarnerfigaara, suliunnaarsitaaninnik aalajangiineq tamatumunngalu pissutaasooq pillugit nalunaarfigiganni tupassimarpaluttorujussuuvoq, suliunnaarsitsinissamillu aalajangiineq paasisinnaanngilluinnarnerarlugu, siunnersorlungalu AK-mut attaveqaqqisasunga, ullaarlup taanna taamaaliorpunga.

... neriorsuivoq AK-p suliaq akisussaaffigilissagaa suliunnaarsinneqarnera pillugu allakkat assilinerat uangalu nammineq suliamik AK-mut tunniussinera tigoriarunigit, taamalu allagaq uangalu suliamik AK-mut tunniussinera ulloq taanna ullaakkut faxikkut nassiuppakka.

Paasissutissatut:

AK isumaginninnermut pisortatut atorfinninnut tunngatillugu, imaluunniit taamatut atorfeqarninni suliunnaarsinneqarninnut tunngatillugu isumaqatigiissuteqarfiginikuunngilara.

Aap, kommunip suliamik suliarinninnera suli naammagittaalliuutigaara, aamma atorfinitsinneqarnera suliunnaarsinneqarneralu pillugit.

Kiisalu:

Uanga uimalu saaffiginnissutitta soqutigineqannginnerat. Kanngutsaatsuliortarnermut tunngatillugu allagarsartagarpassuatsinnut akissutigineqartartut ineqarnermullu tunngasut pillugit isumaqatigiissutit unioqqutinneqartarnerat, suliffik il.il. pillugit.

...

Taamaattumik uanga atorfeqarnera pillugu kingusinnerusukkullu naammagittaalliuutigisartakkama suliarineqartannginnerat pillugu K Kommunip suliamik suliarinninnera pillugu naammagittaaliuteqarniarlunga aalajangiusimavara.

Peqqissusera suliffeqarneralu aamma Kalaallit Nunaanni Danmarkimilu siunis-sara aserorpaat.

Danmarkimi:

Isumaqarpunga isumaginninnermut pisortaq ukiut aalajangersimasut atorfeqarnissamik isumaqatigiissuteqarfigineqarsimasooq suliunnaarsitaq kia atorfinitsikkusammagu, aalajangiiffigineqanngitsoq, akissarsiaqartinneqanngitsoq, aningaasaqarnera sequminnikoq, suliunnaarsitaanera tunngavilersuutitaqanngitsoq.

Uanga nammineq isumaqarpunga:

Kalaallit Nunaani marluinnik oqaasilinnik sulisunik ilinniarsimasunik pisariaqartitsisoqartorujussuuvoq, pisariaqartinneqartunut naleqqussarneqarsinnaasunik.

Taamaattumik aalajangiisoqarnissaa aalajangiusimavara”. (Atorfeqarfimmi nut-sigaavoq)

Paasissutissat maannakkut suliami pigineqalersut tunngavigalugit aalajanger-punga naammagittaalliutinnut tunngatillugu qanoq iliuseqaqqinniarnanga, tassami isumaqarama suliamut atatillugu misissueqqissaguma illit inatsisitigut inissisi-manerit pitsanngoriaateqartinnaviarnagu.

Inatsisartut Ombudsmandiat pillugu Inatsisartut inatsisaanni § 6, imm. 4, inner-suussutigaraa imatut allassimasoq:

”Naammagittaalliut misissuinissamut pissutigissallugu naammannersoq Om-budsmandip aalajangissavaa.”

Taamatut aalajangerninnut suut nalilersuutigisimagikka kiisalu paasissutissat suut tunngavigisimagikka tulliuttuni erseqqinnerusumik nassuiarpakka.

Naammagittaalliutit 18. marts 2004-mi tigusara pisunut pingasunut tunngasuu-voq: Siullertut isumaginninnermik ingerlatsivimmi pisortatut atorfinnit kommu-nimit suliunnaarsitaanerit kommunillu suliaq taanna pillugu malitseqartitsisiman-ginnera, aappaatullu 1. august 2003-p kingornatigut kommunip ineqarnermut aki-liutinik akiliukkumasimangikkaatit, pingajuattullu atorfinnut atatillugu nipangius-sisussaataitaanermik illit unioqutitsisimanerarlutit kommunip pasillersimagaatit.

Tamatumunnga peqatigitillugu oqaatigaat illit imaluunniit uiit naammagittaal-liorusuttusi, kommunip uiit qalipaasutut atorfinitsissimangimmagu.

Allakkannit 1. marts 2005-imeersunit qulaani issuarneqartunit erserpoq naam-magittaalliutigisatit taaneqartut aalajangiusimagitit.

Naammagittaalliummi immikkoortut ataasiakkaat pillugit oqaatigaara:

Kommunip ilinnik suliunnaarsitsinera atorfeqartitaaninnullu tunngasunik kom-munip kingusinnerusukku suliarinninnera.

Kommunip mappiutaanit allagaatinik imaqartumit erserpoq illit allakkatigut ...-mik normoqartutit, 28. november 2003-meersutit suliunnaarsitaanerit pillugu kommunimit allagarsisimasutit, aamma suliunnaarsitaaninnut tunngavigineqartoq pillugu oqaaseqaateqarnissannut ullunik 14-inik kommunip allakkani taakkunani piffissalersimagaatit.

Allakkanit taakkunannga erserpoq suliunnaarsitsineq ”ilaatigut” Naalakkersuisut nunap ilaani isumaginninnikkut nakkutilliisuutitaqarfiani (Avannaani Immikkoor-tortaqarfimmit) misissuineq pillugu nalunaarusiaq 25. november 2003-meersoq tun-gavilersuutigineqarsimasoq, tassanilu kommunimi isumaginnittoqarfiup aqunne-qarnera pillugu immikkoortunik arlalinnik nakkutilliisuutitaqarfik isornartorsiivoq.

Aamma mappimit allagaatinik ilinnut sulisumut tunngasunik imalimmit erserpoq illit uivillu 4. aamma 5. december 2003-mi angalanissarsi pillugu pilersaarut kom-munimi sulisut ilaannut allagartalerneqarsimasoq. Angalanissamut pilersaarut taanna, uternissaq pillugu paasissutissartaqanngitsoq naapertorlugu illit uiillu ulluni 4. aamma 5. december 2003-mi K-mit Københavnilarlusi aallartussaasimavusi.

Aamma nutsernermut aningaasartuuteqarnissamik immersugassaq illit 2. decem-ber 2003 atsiorsimasat ilaavoq, tassa imatut taaguuserneqarsimavutit ”isumaginnin-nermik ingerlatsivimmi pisortaasimasoq”, tassanngalu erserpoq pequtitit Danmar-kimi najukkamut nassiunneqassasut (illit massakkut najukkannut).

Suliami allakkat ilinnut tunngasut tulliuttut tassaapput kommunalbestyrelsimut allakkatit 8. december 2003-meersut, taakkunanilu imatut allapputit:

”Allakkanut ...-imik normulinnut akissutitit:

K Kommunimi atorfeqarnermi atugassarititaasunut tunngatillugu imatut akissuteqarpunga:

Suliaq taanna kattuffimmut ilaasortaaffigisannut AK-mut tjenestemanditut su-liassiissutitut tunniunneqarpoq.” (Atorfeqarfimmi nutsigaavoq)

Allakkiaq 12. december 2003-meersoq aqputigalugu kommunip akissarsialeriffimminut nalunaarutigaa akissarsiatit suliunnaarsitaanerpit kingunerisaanik 1. december 2003 aallarnerfigalugu 2/3-ngorlugit ikilisinneqassasut.

Kommunimut e-maili imaattoq 22. december 2003-mi nassiuppat:

”Kommunaldirektøriugallartoq ... isumaqatigiissuteqarfigereerlugu, suliunnaarsitaanera qaammatini pingasuni akissarsiaqaatigisussaavara. Taamaattumik isumaqatigiissutit naapertorlugit akissarsiaassakka K Kommunip qaammammi tassani tunniutinnngimmagit eqqumiigaara. Taamaattumik taamatut pineqarnera pillugu nassuiaasoqarnissaa piumasaraara, maannakkut taamaallaat 7.716.53 kr.-t tunniunneqarmata. Akissarsiat allagartaat qaammatit tamaasa pisarparsi, tassani takusinnaavarsi arlaatigut ajortoqartoq.”

Atorfillit Kattuffiat Namminersornerullutik Oqartussat akissarsialeriffianut 8. januar 2004-mi imatut allagaqarpoq. Kattuffiup allagai akissarsialeriffimmiit telefaxikkut kommunimut 14. januar 2004-mi ingerlateqqinneqarsimapput:

”Atorfillit Kattuffiat A-p naammagittaalliutaanik tigusaqarpoq, K Kommunimi isumaginninnermik ingerlatsivimmi pisortamit soraarsitaasumit, soraarsitsinerup kinguneraa A qaammatit pingasut akissarsiaqassasoq, kisianni akissarsiat allagartaani kingullermi takuneqarsinnaavoq akissarsiat ilaat utertitatut isikkoqartut, tamakku qanoq paasineqassappat?

Qaammatini pingasuni akissarsiaqarnissaanut tunngatillugu kukkusoqarsimappat tamanna Atorfillit Kattuffiannut nalunaarutigequneqarpoq, Atorfillillu Kattuffiata kaammattuutigissavaa soraarsitsinermi isumaqatigiissut ataqqineqassasoq, taamaallilluni suliaq ajunngitsumik kinguneqarluni naammassineqarniassammat.” (Atorfeqarfimmi nutsigaavoq)

Kommuni Atorfillit Kattuffiannut e-mailikkut 15. januar 2004-mi imaatumik allagaqarpoq:

”Allakkiami assaannarmik allatami 08.12.2003-meersumi A nalunaarpoq suliaq AK-mit tamakkiisumik tiguneqartoq. K Kommunimit allakkatsinnut ...-mik normoqartunut, 28.11.2003-meersunut tusarniaanermi akissuteqarnissamat piffissaritinneqartoq qaammatisiutit ullui naapertorlugit tusarniaanissamat ullut 14-nit piffissaritinneqartoq nalunaarutigaa, taanna maanna qaammammik ataatsimik qaangerneqareerpoq. Suliamut tunngatillugu nutaarsiassaqarpa?”

Kommunip e-mailikkut 21. januar 2004-mik ullulernerqartutigut Atorfillit Kattuffiat akissuteqaqqullugu nukingisaarpaa.

Allakkiami 4. februar 2004-meersumi kommunip akissarsialeriffini nalunaarfigaa akissarsiatit februarip naanerani unitsinneqassasut ”Isumaginninnermik ingerlatsivimmi pisortatut atorffimminit soraarsitaanera” pissutigalugu.

Kommuni e-mailikkut 2. marts 2004-meersukkut qinnuigaat sulinngiffeqarner-siutisiassatit tunniuteqqullugit.

Kommunip e-mailikkut allakkatit ulloq taanna akivai, sulinngiffeqarner-siutisiassatit 31. marts 2004 tunniunneqassasut.

Sulinngiffeqarnersiutisiassavit tunniunniissaannut kommuni e-mailikkut 31. marts 2004-mi nukingisaarpat.

Ulloq taanna e-mailikkut allakkani allani kommunimut imatut allapputit:

”Takusinnaasattut suliami sumilluunniit susoqarsimangilaq. Illit neriorsuininnut naapertuuttumik pineqartussaavunga, taamaattumik suliaq Ombudskvindemut ingerlateqqippara. Ilissinnut paasissutissiissutigissavara ilissi sioqqullusi attaveqarfigigakku. Qaqugu paasitinneqassaanga suliunnaarsitaanerma nalaani isumaginninnermut siunnersortitut akissarsiaqartitaasimanera pillugu? K Kommunip neriorsuutigisaatut sulinngiffeqarnersiutit il.il. sooq tunniunneqanngillat? Sakkortuumik nakutigineqalernissaannut piffissanngunngila?”

Kommunip akissarsialeriffik e-mailikkut 16. marts 2004-meersukkut piumaffigaa sulinngiffeqarnersiutisiassatit tunniutissagai ”ukiumut isertitaqarfiusumut 2003-mut isertanut”.

Atorfillit Kattuffiat kommunimut 24. maj 2004-mi allappoq:

”Ilanngullugu nassiuunneqarpoq Namminersornerullutik Oqartussat Akissarsialeriffianut allakkat 080104-mi allanneqarsimasut assilinerat, ... akissarsiat pillugit apeqquteqaatitallit.

Atorfillit Kattuffiat apeqqut pillugu akissuteqarfigineqarsimangilaq, taamaattumik Kattuffiup qulaani pineqartup piumasaqarnera naapertorlugu K Kommunimut apeqqutigissavaa apeqquterput qaammatini pingasuni akissarsiaqarnissamut tunngasoq qanoq aaqiiivigineqarsimanersoq. (A qaammatit arfinillit sinnerlugit atorfeqarsimavoq, taamaattumillu qaammatini pingasuni akissarsiaqarnissaminut pisinnaati-taalluni, Atorfillit pillugit inatsit innersuussutugalugu soraarsitsinnermut atatillugu tunngavissatut atorfeqartartoq).

Aammattaaq A-p apeqqutigaa (2003-mi) sulinngiffeqarnersiutisiassat qanoq ingerlanersut, sulinngiffeqarnersiutisiassat tunniunneqareersimangippata maanakkullu A aasaanerani sulinngiffeqarpat, taava tigusinnaavai.

Atorfillit Kattuffiata akueriumangilaa K Kommunip A kisiat pisuutimmagu nipangiussisussaataitaanermik sumiginnaasimasutut taamaasillunilu suliunnaarsil-lugu, allagaatit tassunga tunngasut atuaqqissaareerlugit arlaqartut tikkuussipput kommunimi aqutsisut akisussaaffigiumangikkaat, tassani aqutsisut nalilertussaaga-luarpaat atorfinitsitsinnermut atatillugu paasissutissat pisariaqartut aamma kommunalbestyrelsimut saqqummiunneqartariaqartut, atorfinitsitsinnermi oqartussaasutut taakku qinnuteqartup naleqquttuunera pillugu paasissutissinneqartussaammata.

Kommunimi atorfillit tamarmik, kommunaldirektøri kommunalbestyrelsilu ilanngullugit nipangiussisussaataitaammata Atorfillit Kattuffiat isumaqarpoq pasilliinerit tunngavissaqanngitsut. Atorfillit Kattuffiata matumuuna ... nalunaarusiaa issuaaf-figissavaa:

Minnerunngitsumillu kommunalbestyrelsi akisussaavoq, kommunimi ingerlat-sivinni, inatsisit atuuttut naapertorlugit aqutsisoqarnissaanik taamaattumillu kom-munalbestyrelsip oqaloqatigiinnerit aallartittariaqarpai siunissami innuttaasut pit-saasumik sukumiisumillu sullinneqarnissaat qulakkeerniarlugu.

A sulinngiffeqarnermini napparsimasimappat, napparsimanageralu nakorsamit up-pernarsarneqarsinnaappat, aamma ullut arfinillit sinnersimappagit, taarsiullugu sulinngiffeqarnissaminut piginnaatitaavoq, sulisitsisup akuerisimasinnaasarluanik sulinngiffeqartarnerlu pillugu inatsit naapertorlugu suliaralugu.”

Atorfillit Kattuffiata kissaatigaa saaffiginnissuterput pisortat ingerlatsinerat pil-lugu Inatsisartut inatsisaat nr. 9, 13. juni 1994-imeersoq malillugu suliarineqassasoq,

allakkjarlu taanna A-mut ilisimatitsissutitut nassiunneqarpoq.” (Atorfeqarfimmi nutsigaavoq)

Kommuni allakkatigut ...-mik normoqartutigut, 9. juni 2004-imeersutigut Atorfillit Kattuffiannut imatut akissuteqarpoq:

”Uunga tunngatillugu: A, inuttut normua ..., allakkasi 240504-meersut.

1.Soraarsitaanermi kingornatigut qaammatit pingasut akissarsiaqartinneqarpoq.

2.Sulinngiffeqarnerisiutisiassani tigoreerpai.

3.Napparsimanermut taarsiullugu sulinnngiffeqarnissaa (allakkat ilanngullugit nassiunneqartut takukkit)

Neriuppunga suliaq allakkat uku aqcutigalugit naammassissasoq.” (Atorfeqarfimmi nutsigaavoq)

Napparsimasimanermut taarsiullugu sulinnngiffeqarfissaq pillugu allakkani 27. oktober 2003-meersuni ilinnut ingerlatinneqartuni nalunaarfigineqarputit napparsimanermut taarsiullugu sulinnngiffeqarnissamik qinnuteqaatit itigartinneqartoq.

Atorfillit Kattuffiat kommunimut 18. juni 2004-mi allappoq:

”Pineqartoq: Sulinnngiffeqarnerup nalaani napparsimasimanermut taarsiullugu sulinnngiffeqarnissaq. Allakkat 27. oktober 2003-meersut innersuussutigineqarput, ...-imik j. normullit ...-imik normullit aamma allakkat 090604-meersut ...-imik j. normullit, ...-mik normullit.

Atorfillit Kattuffiata nuannaarutigalugu allakkat qulaani taaneqartut tiguai, piumasariinnassallugulu qaammatinut pingasunut akissarsiasat tunniunneqarsimanagerisa uppersarsaasernerqarnissaat aamma sulinnngiffeqarnerisiutisiassat tunniunneqarnerisa uppersarsaasernerqarnissaat.

K Kommunip sulinnngiffeqarfissat taarserneqarnissaannik itigartitsinera Atorfillit Kattuffiata paasiuminaatsippaa, inussiarnersumillu kommunimut kaammattuutigisallugu itigartitsinermik aalajangerneq naliliiffigeqqeqqullugu, sulinnngiffeqartarneq pillugu inatsimmi paragraffeqarmat allatut isumalimmik:

Issuaaneq aallartippoq: § 11, Sulinnngiffeqarneq ullumi sulinnngiffeqarfimmi siulermi piffissap suliffiusussap aallartinnerani aallartissaaq naassallunilu ullormi sulinnngiffeqarfissami kingullermi piffissap suliffiusussap naanerani.

Imm. 2. Akissarsiaqarluni sulisoq sulinnngiffeqarnerup aallartinnerani napparsimaguni akissarsiaqarluni sulisoq sulinnngiffeqarnerminik aallartitsissalluni pissaatitaanngilaq.

Imm. 3. Akissarsiaqarluni sulisoq sulinnngiffeqarnermini napparsimalersoq, taartisiatut sulinnngiffeqarnissaminik pisinnaatitaavoq, napparsimaneq minnerpaamik nalunaaquttap akunnerinik 40-nik sivisussuseqarsimappat, tamannalu sulisitsisumut Peqqinnissaqarfimmit taamatulluunniit oqartussaasumit uppersarsarneqarsimappat.

Imm. 4. Akissarsiaqarluni sulisup imm. 2 aamma 3 malillugit taartisiatut sulinnngiffeqarsinnaatitaaneranut tunngaviussapput nappaat ima pissuseqarsimappat napparsimanerup nalaani sulinnngiffeqarneq kinguneqassalluni sulinnngiffeqarnerup qasuersaarnissamik siunertaa naammassineqarsimasutut isigineqarsinnaanani aamma akissaateqarluni sulisuusup sulisitsisumut napparsimalernerminik peqqissinermi-nillu nalunaaruteqarsimanissaanut suliffeqartitaanermi maleruagassanik nalinginnaasunik malinnissimanissaa.

Issuaaneq naavoq.

A nalinginnaasumik sulinnngiffeqarsinnaanngimmat sulinnngiffeqarninilu tamaat napparsimasimalluni napparsimaninilu sulisitsisuminut uppersarsinnaasimallugu nakorsamit allagartamik takutitsinermigut, Atorfillit Kattuffiata nalilerpaa taarsiul-

lugu sulinngiffeqarnissaminik tunineqarsinnaasoq, taamaalillunilu aningaasanik tunineqarluni, sulinngiffeqarnissamut taartisiassani pinngitsoorunigit, sulisitsisunilu aaqqiagiinngissuteqarnertik pissutigalugu suliffimminik qimatsinnginnermini.

Taamaattumik Atorfillit Kattuffiata K Kommunimut kaammattuutigissavaa komuni kattuffiup uppersaataatit piumasarisaanik tunniusseqqullugu sulinngiffeqarfissallu taarsiivigineqarnissaanut tunngatillugu nalilersueqqilluni.

Allakkat uku assilinerat A-mut ilisimatitsissutitut nassiunneqarpoq.” (Atorfeqarfimmi nutsigaavoq)

Atorfillit Kattuffiat kommunimut 29. juli 2004-mi allappoq:

”Pineqartoq: A, ..., allakkat 090604-meersut ...-mik j. normullit, ...-mik normullit innersuussutigalugit.

Allagaq qulaani taaneqartoq innersuussutigalugu Atorfillit Kattuffiata matumuuna inussiarnersumik piumasaraa qaammatit pingasut akissarsiaqartitsinermut uppersaasaasiisoqarnissaa, sulinngiffeqarnersiutisiassat uppersaataat sulinngiffeqarnerullu nalaani napparsimasimaneq pissutigalugu sulinngiffeqarnissamut taartisiassat uppersaaserneqarnissaat.

Kattuffiup uppersaatait piumasarisai K Kommunip tunniutereerpagit suliaq AK-p matussavaa, taamaattumik Kattuffiup inussiarnersumik piumasaraa uppersaatait imaluunniit allagaatit nassiunneqassasut, tassani takuneqarsinnaaniassammat K Kommunip A-mik Atorfillillu Kattuffianik isumaqatigiissutini taamanikkut ilumut naammassisimanerai.

Allagaatinik uppersaataissanik tigusaqarnissarput qilanaaraarput.” (Atorfeqarfimmi nutsigaavoq)

Kiisalu Atorfillit Kattuffiata kommunimut allagai 3. januar 2005-imersut imaattut ilaapput:

”Pineqartoq: A, ... allakkat 090604-meersut, ...-mik j. normullit, ...-mik normullit innersuussutigineqarput:

Ilanngullugit nassiunneqarput allakkat ilissinnut nassiunneqartut assilinerat aamma allakkat Kattuffiup ilinnit tigusimasai, aamma Kattuffik ulloq manna tikillugu qaammatini pingasuni akissarsiaqartitsisimaneq pillugu sulinngiffeqarnersiutisiassat tunniunneqarsimaneranut sulinngiffeqarnerullu nalaani napparsimaneq pissutigalugu taarsiullugu sulinngiffeqarfissat pillugit uppersaatinik tigusaqarsimannngimmat, Kattuffiup uppersaatait taaneqartut qinnutigeqqippai.” (Atorfeqarfimmi nutsigaavoq)

Atorfillit Kattuffiata allagai pingasut kingulliit issuarneqartut kommunimit akineqarsimanerat suliami uppersaataissaqanngilaq.

Ilinnut akissarsianik tunniussinissamik apeqqut eqqarsaatigalugu suliami allagaatinut ilaapput akissarsiaavit allagartaat, taakkunanilu makku atuarneqarsinnaarput:

-ullormi akissarsiffissami 27. november 2003-mi december 2003-mut tunngasunik nalinginnaasumik akissarsitinneqarsimasutit.

- ullormi akissarsiffissami 22. december 2003-mi januar 2004-mut tunngasunik akissarsitinneqarsimasutit, akissarsiallu taakku nalinginnaasumik akissarsiaavit 2/3-iisa amerlaqatigigaat.

- ullormi akissarsiffissami 29. januar 2004-mi februar 2004-mut tunngasunik akissarsitinneqarsimasutit, akissarsiallu taakku nalinginnaasumik akissarsiaavit 2/3-iisa amerlaqatigigaat aamma



- ullormi akissarsiffissami 26. februar 2004-mi tapisiassat arlallit soraarnermullu atatillugu aningaasarsiaassat tunniunneqarsimasut.

Suliffinnit kommunimit 28. november 2003-mi suliunnaarsinneqarnerpit kingornatigut suliap allaaserineqarnera tunngavigalugu imatut paasisariaqarpara illit kommuni isumaqatigiissuteqarfigisimagit isumaginninnermik ingerlatsivimmi pisortatut atorfinitsitaanerit piunnaarsitaartumik atorunnaarsinneqassasoq, tamakkuli kommunip suliaput tunngatillugu allagaataani erseqqissumik nalunaarutigineqarsimangillat. Matumani ilaatigut e-mailikkut allakkanni 22. december 2003-meersumi "isumaqatigiissut" innersuussutigisimagit Atorfillillu Kattuffiata 14. januar "isumaqatigiissut" innersuussutigisimagaa innersuussutigissavara.

Aammattaq tunngaviutittariaqarpara kattuffik ilaasortaaffigisat qinnuigisimagit soraarsitaaninnut atatillugu soqutigisatit isumagissagai.

Tamatuma kingornagut apeqqutit qulaajarneqanngitsut ukuupput:

Siullertut illit kommunilu akunnissinni soraarsitaaninnut atatillugu erseqqinnerusumik piunnaarsitaat pillugit isumaqatigiinnersusi, kommunilu isumaqatigiissummik eqqortitsisimanersoq, aamma

aappaattut, suliama illua'tungiusutut sinniisigisat Atorfillit Kattuffiat kommunimut allakkanni 8. december 2003-meersuni pisinnaatitsisutigisavit iluani piunnaarsitaattut iliuuseqarsimanersoq.

Siullermut tunngatillugu oqaatigaara Højesteret UfR 2005-imi, qupperneq 616-imi eqqartuussutip issuarnerani aalajangersarmagu pisortani atorfeqarneq (matumani tjenestemanditut atorfeqarneq ilanngullugu eqqarsaatigalugu) isumaqatigiissuteqarnikkut atorunnaarsinneqarsinnaasoq.

Tamanna imatut isumaqarpoq isumaginninnermik ingerlatsivimmi pisortatut soraarnerit pillugu illit kommunillu akunnissinni isumaqatigiissutersi ilinnut kommunimullu qilersuisuusoq.

Suliap uannut paasissutissiissutiginera malillugu apeqqut una qulaajarneqarsimangilaq, tassalu illit kommunillu akunnissinni isumaqatigiissutissi kingunerissaneraa illit qaammatini pingasuni akissarsiaqartitaassasutit, tamaassappallu taakku suliunnaarsitaanngikkallaravit akissarsiatit tunngavigalugit naatsorsorneqassanersut imaluunniit suliunnaarsitaanerit tunngavigalugu akissarsiaqassanersutit.

Atorfillit Kattuffiata kommunillu akornanni allaffigeqatigiittarnerup aamma paasinarsisippaa nalornissutigineqarsinnaasoq illit taarsillugu sulinngiffeqarnissannik pisinnaatinneqarnerit ilumut isumaqatigiissutigineqarsimanersoq, kommunimi atorfeqarnerpit nalaani sulinngiffeqarninni napparsimasimanerit pissutigalugu.

Qulaanili aamma oqaatigisattut kommunimi allagaatini ilinnut tunngasuni illit kommunillu akunnissinni isumaqatigiissutissi erseqqinnerusumik imarisaanut tunngatillugu paasissutissanik erseqqissunik peqanngilaq.

Tamatuma nassataraa illit (immaqalu Atorfillit Kattuffiata) kommunimut qanoq isumaqatigiissuteqarsimanissi erseqqissumik paasilluarneqarnissaa uppernarsaatissanik naliliinermik kinguneqartariaqassasoq, matumani suliaput tunngatillugu ilisimannittunik apersuineq ilanngullugu eqqarsaatigalugu.

Isumaqatigiissutip qanoq paasineqarnissaa siunertaralugu ilisimannittunik apersuineq uanga suliassannut ilaannilaq; taamatut uppernarsaasersuineq eqqartuussivinni ingerlanneqartarpoq.

Taamaattumik isumaqarpunga kommunip illit soraarinnut atatillugu isumaqatigiissuteqartarneq pillugu inatsiseqartitsineq tunngavigalugu neriorsuutitnik qilersuisuusunik sunik neriorsuisimaneranik qulaajaanermi ikiorsinnaanak.

Kommuni isumaqatigiissummi naammassisassaminik naammassinnissimanersoq tamatuma nassatarisaanik aamma nalilersinnaanngilara.

Aamma oqaatigaara kommunip ingerlatsineq pillugu inatsiseqartitsinermi aalajangiinermik oqartarnermi pineqartunut ilaatinneqannginnera Højesteretip eqqar-

tuussutaata taaneqartup nassatarigaa. Tamatuma nassataraa kommuni isumaqatigiis-summik sumiginnaasimappat tamatuma kommunimut kingunerisai pillugit apeqqut isumaqatigiissuteqartarneq pillugu inatsiseqartitsinermi malittarisassat malillugit aalajangiiffiqineqassasoq, taamaattumillu kommunip isumaqatigiisummik unioq-quititsisimanerata kingunerisaatut manna inassuteqaatigissallugu periarfissaqaangi-  
lana, tassalu soraarninnut tunngaviusoq pillugu suliaq kommunip tjenestemandit pillugit inatsimmi aamma suliasat suliarineqartarnerat pillugu inatsimmi suliat suliarineqartarnerat pillugu malittarisassat malillugit suliareqqilissagaa.

Apeqqutit aappaat una kinguleruppoq, tassalu Atorfillit Kattuffiat sinnerlutit iliuseqarsimansoq, illit pisinnaatitsissutigisavit iluani.

Atorfillit Kattuffiannik misissuineq suliasannut ilaangilaq. Tamanna Atorfillit Kattuffiata namminersortutut suliniaqatigiiffiuneranik pissuteqarpoq.

Taamaattumik suliap tassunga tunngasortaanik aamma ikiorsinnaangilakkit.

Kommunip ineqarnermut akiliutinik akiliinissamut pisussaaffeqarnera.

Atorfinititaaninnut atatillugu allakkani (3. januar 2003-meersuni) illit illumut akiliutissannut kommuni qanoq annertutigisumik akiliuteqartarniansoq takune-  
qarsinnaangilaq.

Suliami allagaatini ilinnut tunngasuni assilineri uannut nassiussanni ilaavoq kom-  
munip allattoqarfianit kommunip teknikkimut ingerlatsivianut inassuteqaat 17. feb-  
ruar 2003-meersoq, utaqqisut allattorsimaffiannut inissineqassasutit illumut "...-  
mut, ... allamut nuussagalarpat". Allakkiamit tassannga aamma erserpoq ...-imi na-  
jugaqartutit.

Tulliullugu paasissutissiissutigineqarpoq kommuni ilinnut 26. juni 2003-mi  
imatut allassimasoq:

”Pineqartoq: Illumi ...-mi ineqarnermut akiliutit

B-normumut qulaani taaneqartumut attartornermut isumaqatigiissutip attartor-  
tunit namminermit atsiorneqarnissaa INIp piumasaraa, taamaallitutik pisortatigoor-  
tumik suliasat naammassineqarniassammata.

Kisiannili illumut akiliuteqartarnissaq pillugu ...-p immikkut ittumik isumaqati-  
giissuteqarfigisimanera ilisimagakku isumaqatigiissut taanna nanginneqassaaq, pi-  
sattassi maanga tikinnissaasa tungaanut piffissaq eqqorlugu, taamaattorli siviluner-  
paamik ukioq manna 01. augustip tungaanut.

Attartornermut isumaqatigiissut ernumassuteqarnak atsiorsinnaavat INI-mullu  
utertillugu, ineqarnermut akiliutit akileqquneqartut 31. juli 2003-mut killeqartut K  
Kommunip akilissavai.

Kisianni ...-mut isumaqatigiissut naapertorlugu illit ...-imut isertissaatit, sulin-  
giffeqareeruit 01. september missaani, tassungali sillimaffigeqquneqarpoq maan-  
nakkut attartortup atuartut ineqarfianni nakkutilliisutut atorfissaminut ivertinneqan-  
ginnermini siulliunnginnissaa.” (Atorfeqarfimmi nutsigaavoq)

Borgmesterimut allakkiaq imaattoq 3. september 2003-mi nassiuppat:

”Kommunaldirektøriugallartup uatsinnik sullissinera pillugu naammagittaalliut.

Suliami pineqartut tassaapput:

1) Neriorsuutigineqartutut ...-p allakkatigut 26. maj 2003-mi ullulerneqarsimasu-  
tigut nalunaarfigaatigut sulinngiffeqareerutta sunngiffimmi sammisassaqartitsiner-  
mut pisortaasimasup inaanut sulisunut inissiamut nutsersinnaasugut.

2) Sulinngiffeqareerluta angerlamut uteratta illu taanna ...-p sulisuisa ilaannut ...-mut allatut ajornartumik inigitinneqalersimavoq.

3)...-mit paasitinneqarpugut immaqa aatsaat taanna septemberimi piariissasoq imaluunniit qaammammik ataatsimik sivilisunerusumik. Nukissiorfiit VVS-imut imikkooortortaanut paasiniarsimasarput tassaavoq ruujorilerineq aatsaat qaammat ataaseq qaangiuppat aallartissinnaagaat. Tamanna pereerpat init imermik ajoqusersimasut suliarineqassapput, VVS-imillu iluarsagassat piareerneqassallutik suliassarlu tamakkerluni immaqa qaammatit pingasut sinnerlugit sivilisussuseqassasoq, imaluunniit qaammatit pingasut sinnerlugit sivilisussuseqassasoq illup uterfigineqarnissaaminut piareernissaanut.

1) Imaappoq, sulisunut inissiamut tassunga aatsaat inueruppat piareerpallu nuusinnaasugut. Piareersarnissaa aamma sivilisussaaq, qalipaqaarneqartussaammat immaqalu ajoqusersimappat taakku iluarsaanneqaaqartussaammata.

Siunnersuutigaarput ... sulisunut inissiamit uagutsinnut neriorsuutigineqartumit anissasoq, ...-lu tassunga aaqqiissutissamik allamik ujaasissasoq.” (Atofeqarfimmi nutsigaavoq)

Aammattaq kommunip ilinnut allagai 19. september 2003-meersut imaattut ilaapput:

”Pineqartoq: ..., Sulisunut inissareqqusaq.

Allakkatigut ukioq manna<sup>1</sup> 29. augustimi ullulerneqartutigit K Kommuni qinuigaat utaqqiisaasumik ineqartitaanerit nangeqqullugu, najukkap sulisunut inissareqqusaasumut ...-mut allangortinneqarnissaata tungaanut.

Illit ...-llu isumaqatigiissutersi innersuussutigalugu K Kommunip utaqqiisaasumik ineqarnerit akilersimavaa pisattavit/-ssi tikinnissaasa tungaanut, sivilisunarpaamilli juli 2003 ilanngullugu, qaammatini tulliuuttuni nammineq ineqarnermut akiliisussaavutit.

Aammattaq eqqortuuvoq illu ... ilinnut neriorsuutigineqarsimammat, tamanna saneqqunneqarsinnaanngilaq, ajuusaarnaraluartumilli nukinginnartumik pisoqarpoq, kialuunniit naatsorsuutigisimanngisaanik, kiisalu ... a. & b. naammassiniariar-pata paarlaattoqaqqissaq, taamaalilluni ... ilinnut sulisunut inissareqqusaasutut tunniunneqassalluni.

Allaffeqarfimmiit ajoraluartumik allamik periarfissaqarsimanngilagut.” (Atofeqarfimmi nutsigaavoq)

Allagaatit illit nassiussavit saniatigut kommunip aamma A/S Inissiaatileqatigiiffik INI-p akornanni e-mailikkut allagarisartakkat naqitanngortinnerat ilaavoq, tassanilu kommunip uteqqippaa isumaqarluni ineqarnermut akiliutissatit juli 2003-p tungaannaanut akilernerneqarnissaat kommunip neriorsuutigisimagaa.

Paasissutissat taakku aallaavigalugit isumaqarpunga illit kommunimut isumaqatigiissuteqarsimasutit, ineqarnermut akiliutissatit kommunip qanoq annertutigisumik akilissanerai, sulisunut inissiap (...-p) neriorsuutigineqarsimasup aalajangersimasumik najugariligassavit innersuunneqarnissaata tungaanut.

Apeqqutaalerpoq kommunip 1. august 2003-p imaluunniit 1. september 2003-p kingornatigut ineqarnermut akiliutissatit akilertaannassagai (oqaasiinnartigut) isumaqatigiissutit isigineqarsinnaanersoq, .... piffissani taakkua arlaanni ilinnut atugassiissutigineqarsimanngippat.

---

1.) Allakkatit 29. august 2003-meersut kommunip suliama allagaataani tiguganni ilaanngillat.

Qulaani nassuiaatigisattut suliamik allakkatigut paasissutissat pigineqartut kisii-  
sa tunngavialugit misissuisinnaavunga. Taamaattumik aamma isumaqarpunga su-  
liap tassunga tunngasortaanik ikiorsinnaanak.

Taamaattumik naammagittaalliutivit tassunga tunngasortaa pillugu misissuinis-  
sannut aamma tunngavissaqanngilanga.

Sulianut tunngatillugu nipangiussisussaataaernerik unioqqutitsisimasutut kom-  
munimit pasillerneqarnerit pillugu naammagittaalliutit.

Apeqqt taanna pillugu paasissutissani uannut nassiuissanni aallaqqaasiullugu al-  
lapputit:

”Naammagittaalliutit akissutisiffingngisaannakkakka, borgmesterimit ima-  
luunniit kommunalbestyrelsimit taamatut aallartippoq tjenestemanditut suliakkiis-  
sut” (Atorfeqarfimmi nutsigaavoq)

Tassunga atatillugu oqaatigaara suliami allagakkatigut uppersaataatit saqqum-  
miunneqartuni inerniliunneqarsinnaanngitsoq sulininnut atatillugu nipangiussisus-  
saatitaanerik unioqqutitsisimasutut pasillerneqarnerit suliunnaarsinneqarninnut  
tunngavilersuutinut ilaasimasoq, taamatuttaarlu suliami erseqqissumik paasissuti-  
siissutigineqanngilaq taamatut ilinnut pasilliinerit kommunip tungaanit atorfinitsi-  
taaninnut atatillugu aalajangiinissamut ilinnut akornusiisumik tunngaviutinneqarsi-  
masut.

Naammagittaalliutinni suliap ingerlasimanera pillugu innersuussutigisavit  
imatut oqaaseqaateqarnissannut pissutissaqalersippaanga:

Allagaatinut suliap ingerlasimaneranut attuumassuteqartunut assilineri nassius-  
sannut makku ilaapput:

Kommunalbestyrelsip 23. maj 2003-mi ataatsimiinnerani imm. 4, matoqqasumik  
oqaluuserineqartoq pillugu imaqarniliaq:

”Isumaginninnermi siunnersortit pisortaannik atorfinitsitsineq  
...-p, ...-?, kaammattorneqarnani ammasumik qinnuteqaataa tiguneqarsimavoq.

Inoqutigiit tassaapput inersimasoq ataaseq meeqqallu pingasut.

Atorfinitsinneqarnissaa isumaginninnermik ingerlatsiviup pisortaata inassute-  
qaatigaa, ingerlatsivimmi sulisussaaleqineq suliassaqarpallaarnerlu pissutigalugit.

Inassuteqaat: Atorfeqartitaanermi pissutsit ataasiakkaat misissoreernerisa kingu-  
nerisaanik, pingaartumik ukiut kingullit eqqarsaatigalugit, atorfinitsitsinissaq inas-  
sutigineqarsinnaanngilaq. Tassunga ilanngullugu oqaatigineqassaaq paasineqarsi-  
mammatt meeqqat ilaat K2-mi ... -p atuarfianut inissinneqassasoq, tamatumalu ki-  
ngunerisaanik meeqqap taama ungasitsigisumut inissinneqarnissaa pissutigalugu  
sulinerik nuannarinninnermut siuarsaataanaviannngilaq.

Aammattaq paasivara qinnuteqaateqartoq imigassamik ajornartorsiuteqartoq.  
Inassuteqaat taanna isumaginninnermik ingerlatsiviup pisortaata inassuteqaataanut  
naapertuutinnngilaq.

Aalajangiineq: Atorfik piaarnerpaamik inuttassarsioqqinneqassaaq.” (Atorfeqar-  
fimmi nutsigaavoq)

... kommunimut naammagittaalliuummik imaattumik 12. juli 2003-mi nassius-  
saqarpoq:

”Uanga ateqarpunga ..., qinnuteqaqqusaagamalu atorfimmut (isumaginninnermi  
suleqatitut?/...) qinnuteqarpunga.

Maalaarut:

Ullumi socialchef sianerpoq ajuusaartorujussuulluni. Qinnuteqaatiga Kommunalbestyrelsimut saqqummiunneqarmat oqaatigineqarsimammatt!!! Suliarlu uannut tungasoq misissorneqalermat kommunaldirektøriungallartoq ... kimuunerpoq eqqungitsunik uanga pillunga imaattunik oqaaseqarsimasoq:

1. Uanga ... suliffiginikuunngisaannaringa1984-imi!!! suliffimmi sungiusarfigaara taavalu ... aallarnialermat tassani sulinikuullunga.

2. Erneragooq arsaagaangajannikuuvoq - Avinnialerama akullequpput pilerngunikuuarput uangalu angajoqqaatut akisussaaffik tigullugu.

3...., ...-p atuarfiani sapaatip akunnerini pingasuni nalilersortittussaavoq tamama saniatigut allamik naamik.

4. Imerajoqigamagooq!!! Massakkut avittareerlunga imigassaq sussariunnaangaaraku toqqissineq ilaqutannut uanga pingaartinneruara. Aamma ukioq manna imigassartunngilanga pisariaqartinnginnakku!!

Taama sorpajummik naliligaasimanera kommunaldirektørip ...p nassuiassavaa Aamma UNIOQQUTITSIVOQ AKUERSITEQQAARNANGA PAASISSUTISANIK PINIARSIMAGAMI - KANNGUSUUTIGAARA. Pissusilersuutaa nikassaasoq kammannaqisorlu iluarsinnigippat eqqartuussivimmu ingerlatissavara.

Inatsisinik unioqutitsineq - akuersiteqqaarnanga paasissutissanik piniarneq - asut nikassaasoq - paasissutissat suminngaanniit piniarneqarsimanersut ilisimatineqassallanguna pisinnaatitaaffigaara.”

Kommuni ilinnut 15. juni 2003-mi imatut allagaqarpoq:

”Pineqartoq: ...p, K3, atorfinitsitsineq pillugu allakkatigut naammagittaalliuutaa.

12.06.2003-mi faxikkut qulaani pineqartumit naammagittaalliummik tigusaqarpugut, suliap suliarineqarnera pillugu paasissutissanik imaqartoq, kingusinnerusukut oqaloqatigitillutit illit nassuerutigisat ilinninngaanneersuusoq naammagittaalliuutinni aamma soorlu tamanna erseerluartoq, naammagittaalliuut taanna borgmesterimut Kommunalbestyrelsimullu nassiusaavoq.

Aammattaq naammagittaalliummut oqaaseqaatit ilanngunneqarsimapput, suliarluunniit suliarineqarmat eqqaaneqarsimannigitsunik issuaaneq aallartippoq:

..., ...mi sulisimannisaannartoq, eqqortoq tassaavoq, oqaatigineqarmat, qinnuteqartoq ilisarimaneqanngitsoq, akerliliissummilu tamanna suliffimmi sungiusartut eqqaaneqarluni.

... imertuaannartuusoq, tamanna aamma eqqunngilaq, eqqortoq tassaalluni qinnuteqaateqartoq imigassamik ajornartorsiuteqartoq.

Kusanaannerpaamik illup iluani sullissisutut nipangiussisussaataitanermik neriorsuut unioqutissimavat, nipangiussisussaataitanerlu taanna pissutsinik marluninik pisunik aallaaveqarpoq:

1. Nipangiussisussaataitaneq ima isumaqaannarpoq sulininni ilisimalersimasatit sulluunniit tassani malinnissaanut pisussaaffiliimmat, soorlu atorfinitsitaanermut allakkani illit atsiukkanni tamanna allassimasoq.

2. Ataatsimiinnernit matoqqasunit imaqarniliat aamma taamatorluinnaq nipangiussisussaataitanermik nassataqarput imaluunniit suli nipangiussassaanerulutik pingaartumillu suliani inunnut ataasiakkaanut tunngasuni.

Ullaaq taanna 12.06.2003-mi oqaasiinnarmik isumaqatigiissut naapertorlugu aalajangernermut allakkatigut imaqarniliorneqartussa q tassaavoq: Atorfik inuttasarsiuuteqqinneqassaaq, kisianni illit paatsoorlutit unneqarinniarnikkut oqarasuaattikkut ilisimatitsillutit sianersimavutit.

Naggasiullugu matumuuna erseqqissaavigineqassaatit, pisortat sulianik suliarinnittarnerat naapertorlugu aalajangernerit sulluunniit pingaartumik inunnut tunngasuteqartut, inatsisitigut nalilersuereernikkut aalajangerneqartarmata naggataagullu

Kommunaldirektørimit, Borgmesterimit Kommunalbestyrelsimillu, Ingerlatsivinni pisortaannaangitsunit.” (Atorfeqarfimmi nutsigaavoq)

Tamatuma kingornatigut borgmesterimut kommunalbestyrelsimullu 16. juni 2003-mi allapputit.

Allakkani kingullertut taaneqartuni suliap ingerlasimanera imatut paasivara suliap saqqummiunneqarnerani illit nipangiussisussaataitaninnik unioqutitsisimasutut kommunip allakkamini 15. juni 2003-meersuni inerniliinera isumaqatiginngikit.

Allakkatit 16. juni 2003-meersut kommunip akisimanerai suliavit takusinnaanngilara.

Paasissutissanik ingerlatitseqqittarneq pillugu ajornartorsiutip assingajaanik (pisortatigoortuunngitsumik) kommunimi ataatsimiititaliat ilaata ataatsimiinneranit matumani oqaatigineqartutut ukiumi 2002-mi nalunaarutinnut ilanngussaqaarpunga, suliav taanna 11.10.20-6-mik normoqarpoq:

”Ataatsimiititaliami ataatsimiinnermi paasissutissanik allanut ingerlatitseqqinnermik kommunip unioqutitsininngortitsinera.

Ataatsimiititaliami ataatsimiinnermi paasissutissanik allanut ingerlatitseqqinnermik sulinermi kommunip unioqutitsininngortitsinerata taanna pillugu arlalinnik oqaaseqaatissaqalersippaanga.

Kommunip ataatsimiititaliaani ataatsimiinnerit tamanut ammasuutinneqanngillat, tak. kommunalbestyrelsip nunaqarfinnillu aqutsisut ilaalu ilanngullugit pillugit Inatsisartut inatsisaanni § 23.

Kommunilli ataatsimiititaliaasa ataatsimiinnerisa tamanut ammasuunnginnerisa ataatsimiititaliap ataatsimiinnerini paasissutissanik allanut ingerlatitseqqusaannginneq nassatarinngilaa.

Kommunimi atorfeqartitaasup ataatsimiititaliap ataatsimiinnerani najuuffigisimasamini paasissutissanik allanut ingerlatitseqqissinnaanerani naliliineq pissut-sinik assigiinngitsunik ataatsimut naliliineq aallaavigalugu aalajangiivigineqartariaqarpoq, tassalu sulinermi maleruqqusat suut atorfeqartitaasumut atuussimaneramik paasissutissanillu allanut ingerlatitseqqinnerup siunertaanik paasissutissallu suunerinik naliliineq aallaavigalugu, matumani paasissutissat paasissutissiisutigineqarsinnaasimanersut paasissutissallu allanut ingerlateqqinneqannginnissaannik pisariaqartitsineq ilanngullugit eqqarsaatigalugit.

Taamaattumik pisoq erseqqinnerusumik naliliiffiginagu ataatsimiititaliap ataatsimiinnerini paasissutissanik ...p allanut ingerlatitseqqissimaneramik kommunip sulinermi unioqutitsininngortitsisimanera kukkunertut isorisarialittut isigaara.”

Taamaakkaluartoq isumaqarpunga naammagittaalliutivit tassunga tunngasortaa pillugu sukumiinnerusumik misissuinnissannut tunngavissaqarnanga.

Tamatumunnga pissutaavoq uanga qulaani nassuiaatigisattut tunngavigisariaqarakku soraarnerit erseqqinnerusumik piunasaqaatit naapertorlugit illit kommunillu isumaqatigiissutigisimagissi.

Taamaalilluni kommunip allagaanik 15. juni 2003-meersunik erseqqinnerusumik misissuinerup illit imaluunniit Atorfillit Kattuffiata soraarnissat pillugu isumaqatigiissuteqarsimanissi inernilerneqarnera allanngortissinnaasussaanngilaa.

Isumaqatigiissutip pineqartup imarisaa ilisimangikkukku, misissornissaanullu periarfissaqanngikkuma naatsorsuutigisariaqarpara kommunimi illit atorfeqarninnut tunngasut eqqarsaatigalugit isumaqatigiissummi suut tamarmik pineqartut.

Inaarutaasumik oqaaseqaatika.

Uivit atorfinitsinneqarnissaanik apeqqu eqqarsaatigalugu ilinnut allakkakka 25. marts 2004-meersut innersuussutigaa.

Matuma kingornatigut naliliiguit pissutsit uannut naammagittaalliuutinni pineqartut uppersaasersuinermik apeqqu tip imaluunniit isumaqatigiissutit qanoq paasineqarnissaanik nassuiaanerup pineqarnera pissutigalugu misissuiffiginngitsoortariaqakkama ilaat ataaseq arlallilluunniit uppersaasersorsinnaallugu, taava tamanna pillugu eqqartuussivitsigut ilisimannittunik pisariaqarneratut apersuisinnaasutigut tamatumalu kingornatigut inaarutaasumik aalajangiiffiginissaanut suliasannngortitsinissaq isumaliutersuutigeqqullugu innersuuttariaqarpakkit.

Taamaatumik suliamut atatillugu annertunerusumik iliuuseqqissanngilanga, allagaatillu allaqqaarneri uannut nassiussatit tamatumunnga peqatigitillugu utertipakka.

Kiisalu allakkat ukua assilinerat K Kommunimut nassiuppara."



## 45. Erniat.

### 1. Akileraarutit ernialerneqarnerat pillugu naammagittaalliut.

*A-tut akileraarutit unerartinneqartussaataasut kingusinaartumik akilerneqarnerisigut kommunip ernianik akiliisitsiniartarnermi periaatsiminik allannguina K Kommunip siumoortumik nalunaarutigisimangimmagu A-p naammagittaalliutigaa.*

*Ombudsmandi isumaqarpoq ernialiisalernermik kommunip periaasia nutaaq inatsimmut qularutissaanngitsumik naapertuuttuusoq. Ernialiisannginnermik siusinnerusukkut kommunip periaaseqarsimanerata inatsimmut naapertuuttunera periaatsillu ukiorpaalunni atuussimanera tunngaviutillugit Ombudsmandi isumaqarpoq periaatsip kingumoortumik atuutilersumik allanngortinnissaanut kommuni pisinnaatitaasimangitsooq. Taamaatumik Ombudsmandip inassutigaa suliaq A eqqarsaatigalugu kommunip suliareqqissagaa, pissutsillu sulisitsisut allat eqqarsaatigalugit qanoq iliorkuni iluarsivigineqarnissaat isumaliuter-suutigissagaa.*

*Aammattaaq Ombudsmandip inassuteqaatigaa kontolersuisarnek naatsorsuisarnerlu siunissami kommunip peqqissaarunnerulissagai, qaammamullu naatsorsuinerit aamma ernialiussat pillugit sukumiinerusumik nassuiaatit pineqartunut kommunip sapingisamik paasiuminartunngortissagai. (J.nr. 11.10.45.01/061-04)*

K Kommunimi sulisitsisutut A 1. november 2002-mi nalunaarutigineqarpoq.

Nalunaarutiginninnermut, sulisitsisunut ukiumoortumik ilitersuutit aamma qaammammut naatsorsuiffiit naqeriikkat nassiussuunnerinut atatil-lugu K Kommunip malugeqquaa - taamaaliortarlunilu - aningaasarsianit akileraarutit pillugit kalaallit inatsisaat qaammatip aallartinneri tamaasa akileraarutit A-t akilerneqarfissaanni piffissaatillugu akilerneqanngitsut 2%-imik ernialerneqarnissaannut tunngavissiisoq.

Taamaakkaluartoq akileraarutit A-t kingusinaartumik akilerneqarneranni ernialiussat K Kommunip ukiorpaalunni akileqqusarsimangilai.

K Kommuni, kommunip uannut allagai 30. september 2004-meersut ma-lillugit, november 2003-mili aalajangersimavoq ernianik akileqqusisarnek 1. januar 2004-miit atuutilersumik ingerlateqqinneqalissasoq. A aamma K Kommunimi sulisitsisut allat aalajangernek tamanna pillugu nalunaarfigi-neqarsimangillat.

A-mut qaammammut naatsorsukkani 28. maj 2004-meersuni takune-qarsinnaavoq kommunip katillugit 18.281 kr.-it ernialiussimagai. Taku-neqarsinnaavoq aningaasat januarip qaammataanut 3.353 kr.-inik, februa-

rip qaammataanut 8.136 kr.-inik, martsip qaammataanut 4.059 kr.-inik aamma aprilip qaammataanut 2.733 kr.-inik ernialiussanut piumasqaatinut tunngassuteqartut.

Qaammammut naatsorsuiffiup 28. maj 2004-meersup tighunerani akileraarutitut A-nut 2003-mi akiligassat tamaasa A-p akilereersimavai. Erniat naatsorsorneqarnerisa immikkuualuttortaasa, ingerlatseqatigiiffiup uangalu 30. september 2004-mi kommunimit tigusimasatta, misissuataarnerinut atatillugu qaammammut naatsorsuiffiit 2004-mi januarimiit majimut ataani ilaannakortumik issuarneqassapput.

A allakkatigut 30. juni 2004-meersutigut K Kommuni pillugu uannut naammagittaalliorpoq. Allakkani ilaatigut oqaatigineqarput:

"K Kommunimi akiliisitsiniartarfimmit junip aallartinnerani kontomut takussutissiaq tighuarput, tassani takuneqarsinnaavoq 2004-mi januarip, februarip aamma martsip qaammataanut akileraarutit A-t akileneqarsimannginnerannut/kingusi-naarluni akileneqarsimanerannut ernialiisoqarsimasoq.

K Kommunimi Sulisitsisunik Nalunaarsuiffimmut saaffiginnippunga nassuiaanneqarumallunga ernialiinerlu pillugu immikkuualuttunut nassuiaat nassuteqqullugu. Tamatuma kingorna K Kommunimi akileraaruserivimmi ... attaveqarfigaara sukumiinerusumik nassuiaanneqaqqullunga. ... nassuiaavoq K Kommuni ukiorpaalunni aningaasarsianit akileraarutit pillugit Kalaallit Nunaanni inatsimmi kap. 5 § 68 aamma § 42 naapertorlugit ernialersuisarsimanngitsoq, taamaaliornissamut K Kommunip qarasaasiakkut ingerlatseriaasia piareersarneqarsimanngimmat. Tassa ima paasillugu qarasaasiakkut ajornartorsiutit ernialersuisarnissamut ajornartorsiutinik pilersitsisimasut. Oqaloqatigiinnitta ingerlanerani ...-p arlaleriarluni erseqqis-sarpaa piffissamut 2004-mi januar qaammatt sioqqullugu K Kommuni ernialersuisar-simanngitsoq, kisiannili taamatut ernialersuiffigineqarsinnaasunga tamanna kissaa-tigissagukku. Tamanna kommunip ernialiisarneranut oqaaseqarnanga akuersinngik-kuma amerlanerusunik ernialiinissamik ...-p siorasaarineratut isumalersinnaavara.

Oqaloqatigiinnermi ...-mut malugeqqullugu oqaatigaara ernialiisoqarsinnaane-ranik oqarnera aklerlerinngilluinnariga, akileraarutit A-t sulisitsisup piffissaagallar-tillugu akilinngippagit. Kommunili ukiuni arlalinni taamaaliorsimanngimmat isumaqarpunga kommuni periaatsimik taassuminnga 1. januar 2004 aallartiffigalugu atueqqilerniarloq kommunip sulisitsisunut ilisimatitsissutigisimasariaqaraluaraa. Tamanna ...-lu ajoraluartumik isumaqatigiissutigisinnaanngilarput, taassumalu 2003-mi ernialiinissamik siorasaarunni qalleqqippaa.

Kommuni kingumoortumik atuutilersumik ernialiisimavoq, periaatsimillu ukior-paalunni atorneqarsimanngitsumik atuutitseqqilersimalluni. Tamanna isumakulun-nartorujussuurtut isumaqarfigaara.

Ernialersuineq pillugu nalunaarummik tigusaqannginninni akileraarutit A-t aki-lerneqarsimanngitsut akilereersimavagut. Ernialersuisarneq pillugu kommunip ingerlatsinera aammaarlunga paasiuminaatsippara. Tassami ernialersuisoqarpoq ki-ningumoortumik atuutilersumik, aamma akiitsut akileneqareeraluurtulluunniit.

Ullumikkut kontop naqitanngortinneqarnera nutaaq K Kommunimit tighuara, tas-sani takuneqarsinnaavoq ernialiussat aprilip qaammataanut akileraarutit A-nut akili-gassanngorsimasunut 1. juni 2004-mi akiliutinnit ilanngaatigineqarsimasut. Tassalu ernialiussat akileraarutit A-nut akilikkatsinnit ilanngaatigineqarsimapput. Tupin-naqaaq!! Taamaalillutimmi aningaasat ilanngaatigineqarsimasatik ernialersorsinnaalis-savaat, tassami akiliisarninni kinguaattooqqissagama.

A isumaqarpoq akileraarutitut A-nut akiliutinit ilanngaasoqarsinnaanngitsoq aningaasat akilerneqartut eqqortumik amerlassusiligaammata aalajangersimasumillu siunertaqarlutik, akileraarutit A-t, tamannalu kommunip ilisimavaa. Tamanna pisutsit ilanngaassissutigineqarsinnaasut ilaginngilaat.

..." (Atorfeqarfimmi nutsigaavoq)

K Kommuni naammagittaalliuut pillugu oqaaseqaateqaqqullugu allakkatigut 7. juli 2004-meersutigut qinnuigaara.

K Kommuni allakkatigut 30. september 2004-meersutigut akissuteqarpoq. Allakkani ilaatigut oqaatigineqarput:

"...

Ingerlatseqatigiiffik A sulisitsisutut 1. november 2002 aallarnerfigalugu nalunaarsimavoq. Nalunaarnermut tassunga atatillugu sulisitsisoq akileraartarneq pillugu inatsit tunngavigalugu piumasaqaatinik ilisimatinneqartarpoq, soorlu qaammammoortumik nassuiaatit, akissarsiat allagartaat, akileraarutit A-nik akiliisarneq, akiliinissamat piffissaliunneqartut, akiliutit, erniat il.il. pillugit, tak. Kalaallit Nunaanni aningaasarsianit akileraarutit pillugit inatsimmi § 42 aamma § 68. Akileraarutitut A-nut piffissaagallartillugu akilerneqarsimanngitsunut ernialunneqartarut qaammatit aallartinneri tamaasa 2%-iupput, tak. § 68, imm. 2.

Qaammammoortumik naatsorsuutit kommunip sullitaanut – kommunimut akiliegassalinnut/kommunimit pisassalinnut - tamanut qaammatit tamaasa nassiunneqartartumut atatillugu kommunip Ombudsmandip ilitersuina innersuussuteqarneralu malillugit oqaatigisimavaa: Pingaartumik akileraarutitigut pisassarisat eqqarsaatigalugit: Matumani qaammammoortumik naatsorsuutit assilinerat ilanngullugu nassiunneqartoq innersuussutigineqarpoq, tassani oqaasertaliussatut naqitami piumasaqaatit taakku erseqqissumik oqaatigineqarlutik.

Ukiumi isertitaqarfiusumi 2003-mi akissarsiat allagartaasa immersorneqarnissaannut ilitersuut sulisitsisunut tamarmik december 2003-mi nassiunneqarput. Qupperneq 3-mi oqaatigineqarpoq nassuiaatit arlallit 2004-mi atugassat nassiunneqartut. Quppernerit 15-17 pillugit: Qupperneq 17-imi 2004-mi akileraarutit A-t aamma nassuiaatit nassuiaatinullu akiliutit piffissaagallartillugu ulloq tunniunneqarfissaat akilerneqarfissaallu oqaatigineqarput. Titarnermi kingullermi oqaatigineqarpoq nassuiaatit kingusinaartumik tunniunneqarnerinut akiliutit saniatigut ullormit akiliisimaffissamat aallarnertumik erniat qaammatit aallartittut tamaasa 2%-imik naatsorsorneqartartut. Naqitanngortitaq ataaseq ilanngullugu nassiunneqarpoq.

...

Aningaasaqarnermut Ingerlatsivik piffissap ilaani qarasaasiakkut ingerlatseriaatimut nutaamut ikaarsaariarneq, allaffimmi sulisunik giro atorlugu, aningaaserivik-kut nuussinernik, aningaaserivik qarasaasiakkoortoq (netbank) aqqutigalugu kommunimut, akiliisumik, suunerinik, ullormik akiliivissamik il.il. eqqortunik nalunaarsuisussaasumut, nuussinernik suliaqarsinnaasunik amigaateqarneq pissutigalugit ernialersuisimangilaq.

Piffissap tamatuma nalaani sulisitsisunut tamanut akileraarutit A-nik kingusi-naartumik akiliisunut ernialersuisoqanngilaq.

Aningaasaqarnermut Ingerlatsivik 2003-mi novemberimi aalajangerpoq sulisitsisunut ilitersuut naapertorlugu ernialersuineq 1. januar 2004-miit ingerlanneqaqqilissasoq. 2004-mi majimi qaammatinut januarimut, februarimut, martsimut erniat ernialiissutigineqarput – taakua akiligassat 2004-mi februarip, martsip aprilillu naanerini akilerneqartussaapput, taamaattumillu naatsorsuinerit akiligassiinerillu taakua tamatuma kingorna aatsaat pisimallutik. Tamatuma saniatigut ukiup siulliani aki-

leraarutiniq A-nik kinguaattoorutinit tunngasunik erniat naatsorsorneqarlutillu ilanngunneqarput. 2004-mi majimiit siunissami erniat qaammatit tamaasa naatsorsorneqarlutillu ilanngunneqartassapput.

Aammalu oqaatigineqassaaq akiliinerit ullut arfineq pingasut tungaannut kingusi-naarpata, naatsorsuineqartassanngitsoq – taamatut suli sivitsuineq akiliisarnernut periutsit assigiinngitsut kinguaattoorsinnaanerinit atatillugu sulisitsisut eqqarsaatigalugit pivooq.

Pineqartoq: A-p naammagittaalliutaa.

Ilumoorpoq ... -mut saaffiginnimmat nassuiaammillu piumasaqarluni.

Oqaatigineqartut inatsisitigut tunngavigisaaq pillugu ilisimatitsineqarpoq, ingerlatseqatigiiffik ilisimatinneqarsimasooq – sulisitsisut tamarmik – sulisitsisunut tamanut 2003-mi decemberimi ilitersuutip nassiunneqartumut atatillugu – qaammammut naatsorsuusiani a.t. allanneqarluni – nammineq nassuiaatit atornissaat qinerneqarsimasooq il.il..

Ilaatigut eqqartorneqarpoq kommuni akileraarutiniq A-nik akilerneqanngitsunik ingerlaannartumik ernialiisarnera naleqquttuunersoq. Ilisimatitsissutigineqarpoq ingerlatseqatigiiffik sulisitsisuuguni ingerlatseqatigiiffiup sulisitsisutut pisussaaffigigaa pisussaaffiit malinnissaat taamatullu Kalaallit Nunaanni akileraarutit pillugit inatsit malillugu akiliinissamat piffissaritinneqartut.

Paasineqarpoq 1. januar 2004 sioqqullugu – ukiumut aningaasarsiorfiusumut 2003-mut tunngasunik – akiligassanut kinguaattooruteqartoqartoq – Ingerlatseqatigiiffimmut erseqqissaatigineqarpoq 2003-mi ernialiineqarsimanngitsoq taamaasiomikkullu K Kommunimi sulisitsisut tamarmik assigiimmik pineqarlutik. 2003-mi aamma akiligassanut kinguaattooruteqarnera kommunillu 2003-mi ernialiisimannginnera 2004-mi ernialersuinnginnissamik nassataqanngilaq.

Toqqartumik apeqqutigineqarpoq ingerlatseqatigiiffiup 2003-mi aamma ernialersuineqarnissaa ilumut kissaatigineraa?

Oqaloqatigiinnerup tamatuma ingerlanerani qanoq ilisukkulluunniit soorasaarutiniq saqqummiussisoqanngilaq – akerlianilli Akileraartarnermut Immikkoortortap tungaaniit suliami matumani paasissutissat tamat ilitersuinerlu tunniunneqarput.

...

2004-mi majimi – akilerneqarneranniilluunniit kingusinnerusumik - ernialiisinnaaneq eqqarsaatigalugu, Kalaallit Nunaata Eqqartuussiviata suliami nr. ...-imi assilineri ilanngunneqartumik aalajangiinera naapertorlugu ernialiisinnaaneq naleqqutinngilluinnartutut isumaqarfigineqanngilaq. Ingerlatseqatigiiffiup oqaatigaa tamanna naleqqutinngitsoq.

Ernialersuinerit tunngasumik nalunaarsuut ilanngunneqarpoq – peqatigitillugulu Akileraartarnermut Immikkoortortaq taamaattumik A-mut nassiussisimavoq - soorunalumi tamanna utoqqatsissutigineqassaaq, tamanna aatsaat maannakkut pimmat – nalunaarsuut majimili pineqarsinnaalersimavoq tunniunneqaannarsinnaalluni. Nalinginnaasumik taakkua sulisitsisunut nassiunneqarneq ajorput. Sulisitsisulli kissaateqarnerat malillugu taakku tuniunneqarsinnaapput.

...” (Atorfeqarfimmi nutsigaavoq)

Ernialersuinerit immikkuualuttortaannut nassuiaatit ilaatigut akissummut ilanngunneqarput. Ernialersuinerit immikkuualuttortaannut nassuiaatinit aamma qaammammut naatsorsuinerit tigulaakkat, imaaliallaannarlunga ernianik naatsorsuinerit tunngassuteqartitakka, kinguliini taamaallaat issuaavigissavakka.

Januar 2004:

Qaammammut naatsorsuiffimmi 29. januar 2004-meersumi oqaatigineqarpoq akileraarutitut A-nut 171.378 kr.-inik kommuni pisassaartoq. Takuneqarsinnaavoq aningaasat akiligassat inissiivinnut pingasunut aggua-taarneqarsimasut:

Saldo 26. dec. 2003	84.262 kr.
december, akiliiffissaq 31-jan-04	81.783 kr.
december, akiliiffissaq 31-jan-04	5.333 kr.
Katillugit	<u>171.378 kr.</u>

Februar 2004:

Qaammammut naatsorsuiffimmi 27. februar 2004-meersumi 2003-mi akileraarutitut A-nut akiitsut imatut naatsorsorneqarsimapput:

Oqaasertai	Ulloq akiliiffissaq	Aningaasat
Saldo 29. januar 04	171.378 kr.	
"GB..."	29-jan-04	- 15.830 kr.
"GB..."	29-jan-04	- 84.262 kr.
Iluarsiissut december	31-jan-04	12.976 kr.
"OMP(allanngortitat)"	05-feb-04	- 5.333 kr.
"OMP..."	05-feb-04	- 65.953 kr.
"OMP..."	05-feb-04	- 12.976 kr.
December	31-jan-04	153.447 kr.
Iluarsiissut december	31-jan-04	50.400 kr.
Katillugit		<u>203.847 kr.</u>

Qaammammut naatsorsuiffimmi 27. februar 2004-meersumi aamma takuneqarsinnaavoq akileraarutitut A-nut akiligassat (kingusinnerpaamik piffissaatillugu 29. februar 2004-mi akiligassat) 26. februar 2004-mi akileraqarsimasut, taamaattumillu inissiiffimmi tassani akileraagassaagaluanik akiitsoqartoqarani.

Ernianik naatsorsuinermit 01/2204 immikkuualuttunut nassuiaammi oqaatigineqarpoq ernialiussat katillugit 3.353,20 kr.-iusut, aningaasallu taakku aningaasat kinguliini taaneqartut 2%-erigaat:

Ulloq akiliiffissaq	Qaammat	Aningaasat	Erniat
31-mar-03	JAN	- 864,00	- 17,28
31-dec-03	DEC	84.262,00	1.685,24
31-dec-03	JAN	84.262,00	1.685,24
Erniat katillugit			3.353,20

Marts 2004:

Qaammammut naatsorsuiffimmi 26. marts 2004-meersumi takuneqarsinnaavoq 17. martsimi aamma 24. martsimi katillugit 15.919,10 kr.-it (2.881 kr. + 13.038,10 kr.) 2003-mut akileraarutitut A-nut akileriigassaa-galuanut akiitsunut akilersuutigineqarsimasut. Akileriigassaaqaluit akiitsut tamatuma kingorna 187.927,90 kr.-inik amerlassuseqalerlutik. Aamma takuneqarsinnaavoq 2004-mi februarimut akileraarutit A-t naatsorsorneqarsimasut (kingusinnerpaamik piffissaatillugu 31. marts 2004-mi akiligassat) 115.331 kr.-inik amerlassuseqartut.

Ernianut naatsorsuinnermut 02/2004 ernianut naatsorsuinnerup immikkuualuttortaanut nassuiaammi oqaatigineqarpoq ernialiussat katillugit 8.136,60 kr.-iusut, aningaasallu taakku aningaasat kinguliini taaneqartut 2%-erigaat:

Ulloq akiliiffissaq	Qaammat	Aningaasat	Erniat
31-mar-03	FEB	- 864,00	-17,28
31-jan-04	JAN	153.447,00	3.068,94
31-jan-04	FEB	153.447,00	3.068,94
31-jan-04	JAN	50.400,00	1.008,00
31-jan-04	FEB	50.400,00	1.008,00
Katillugit			8.136,60

April 2004:

Qaammammut naatsorsuiffimmi 23. april 2004-meersumi takuneqarsinnaavoq 15. april 2004-mi aamma ulloq 31. marts 2003-mi (!) katillugit 4.104 kr.-it (3.240 kr. + 864 kr.) 2003-mut akileraarutit A-nut akileriigassaa-galuanut akiitsunut akilersuutigineqarsimasut. Akileriigassaaqaluit akiitsut tamatuma kingorna 183.823,90 kr.-inik amerlassuseqalerlutik. Aamma takuneqarsinnaavoq 2004-mi februarimut akileraarutit A-t akiligassat ulloq 30. marts 2004-mi akilernerqarsimasut aammalu marts 2004-mut akileraarutit A-t (kingusinnerpaamik piffissaatillugu ulloq 30. april 2004-mi akiligassat) 107.690 kr.-inut naatsorsorneqarsimasut.

Ernianik naatsorsuinnermut 03/2004 ernianik naatsorsuinnerup immikkuualuttortaanut nassuiaammi oqaatigineqarpoq ernialiussat 4.059,66 kr.-inik amerlassuseqartut, aningaasallu taakku aningaasat kinguliini taaneqartut 2%-erigaat:

Ulloq akiliiffissaq	Qaammaat	Aningaasat	Erniat
31-mar-03	MAR	- 864,00	- 17,28
31-jan-04	MAR	153.447,00	3.068,94
31-jan-04	MAR	50.400,00	1.008,00
Katillugit			4.059,66

Maj 2004:

Qaammammut naatsorsuiffimmi 28. maj 2004-meersumi takuneqarsinnaavoq januarimiit aprilimut ernianut piumasaqaatitut kommunip naatsorsorsimasai 18.281 kr.-iniusut.

Tamatuma saniatigut takuneqarsinnaavoq 2003-mut akileraarutinut Anut akilerii gassaagaluit akiitsut akilerneqarsimasut. Inissiinerit pillugit nalunaarutigineqarput:

Oqaasertai	Ulloq akiliiffissaq	Aningaasat
Saldo 23. april 04		183.823,90
"GB..."	30-apr-04	-7.223,90
"GB..."	09-mar-04	-50.400,00
"MODR" (ilanngaatit)	09-maj-04	-30.325,00
"GB..."	17-maj-04	-126.200,00
"Udligning" (naligiiss.)	26-maj-04	-103.962,90
"Udligning"	26-maj-04	7.223,90
"Udligning"	26-maj-04	95.875,00
"OMP..."	26-maj-04	30.325,00
"Udligning"	26-maj-04	864,00
Katillugit		0,00

Aamma takuneqarsinnaavoq marts 2004-mut akileraarutit A-t akiligasat 30. april 2004-mi akilerneqarsimasut.

Ernianut naatsorsuinermi 04/2004-mi ernianut naatsorsuinerup immikkuualuttortaanut nassuiaammi oqaatigineqarpoq ernialiussat 2.733,289 kr.-inik amerlassuseqartut, aningaasallu taakku aningaasat kinguliini taaneqartut 2%-erigaat:

Ulloq akiliiffissaq	Qaammat	Aningaasat	Erniat
31-mar-03	APR	-864,00	-17,28
31-jan-04	APR	137.527,90	2.750,56
Katillugit			2.733,28

Ernianik naatsorsuinermit 05/2004 ernianik naatsorsuinerup immikkuualuttortaanut nassuiaammi oqaatigineqarpoq ernialiussat 2.379,52 kr.-inik amerlassuseqartut, aningaasallu taakku aningaasat kinguliini taaneqartut 2%-erigaat:

Ulloq akiliiffissaq	Qaammat	Aningaasat	Erniat
31-mar-30	MAJ	-864,00	17,28
31-jan-04	MAJ	134.287,90	685,76
30-apr-04	APR	-7.223,90	-144,48
30-apr-04	MAJ	-7.223,90	-144,48
Katillugit			2.379,52



Kommunip oqaaseqaatai 30. september 2004-meersut A-p allakkatigut 25. november 2004-meersutigut oqaaseqaateqarfigai. Ingerlatseqatigiiffik allappoq naammagittaalliummi pineqartut tassaasut kommunip ukiuni arlalinni ernialiisarsimanginnera aammalu qaammammut naatsorsuiiffikkut 28. maj 2004-meersukktut 1. januar 2004-miit atuutilersumik kingumoor-tumik ernianik akileeqqusineq.

Tamanna kommunip allakkatigut 5. januar 2005-imeersutigut oqaaseqaateqarfigaa. Allakkani ilaatigut taaneqarput:

"....

Pissutsit assigiinngitsut pissutigalugit ukiuni arlalinni kommuni ernialiisarsimangimmat ilumoorpoq. Tamatumuunakkulli akileraarutit A-nik sulisitsisut piffissaatillugu akiliisannginnissaannut periarfissiisoqanngilaq - sulisitsisullumi amerlanerpaat taamaaliortarput, aamma piffissap ilaani kommuni ernialiisarsimangikkaluar-torluunniit. Sulisitsisut taakku pisussaaffimminnik paasinnillaarsimapput. Soorlu takuneqarsinnaasoq kommuni majip qaammataanut ernialiisimavoq, tamannalu sulisitsisunut tamanut majip naanerani ilisimatitsissutigineqarsimavoq.

Kommuni aalajangersimasinnaagaluarpoq sulisitsisunut immikkut nalunaarutigissallugu 2004-mi siunissamilu akileraarutit A-nut akileriigassaagaluanut akiitsunut ernialiussanik naatsorsuisoqaqqittalissasoq.

Tamannali pinngilaq, tassa inatsisip imarisani inatsisikkullu pisussaaffinnik sulisitsisut ilisimaarinnillaassasut aammalu ilitsersuutikkut qaammammullu naatsorsuiiffiit oqaasertaasigut ernialiussanik naatsorsuisoqartarnissaa pillugu sulisitsisut ilisimatinneqarsimasut kommuni isumaqarmat.

Piffissami ernialiiffiunngitsumi paasissutissinneqarnissamik piumasaqaammik sulisitsisut piumasaqaateqarsimangisaannarput.

Ullumikkumut taamaallaat periususoq pillugu naammagittaalliuuteqartoqarsimavoq.

Sioorasaarutit ...-p oqaatigisimasai pillugit.

Kommunip ataanilu atsiortup eqqortut sukkulluunniit allanngortinniarsimangilaat, aammalu sukkulluunniit sioorasaarisoqarsimangilaq taamaaliorniartoqarsimanani. Akerlianili erseqqissarneqarpoq kommuni 1. januar 2004 nallertinnagu ernialiiniangitsosq sulisitsisut assigiimmik pineqarnissaat pissutigerpiarlugu, tak. kommunip siusinnerusukktut oqaaseqaatai.

..." (Atorfeqarfimmi nutsigaavoq)

Allakkatigut 3. januar 2005-imeersutigut kommuni qinnuigaara ilaatigut akileeqquseriaatsip nutaap erseqqissarneqarnissaa (ataani imm. 2), ernianut naatsorsuinerup immikkuualuttortaanut nassuiaatip nassiunneqartup erseqqissarneqarnissaa (ataani imm. 3) pillugit ilassutitut oqaaseqaateqaquara aammalu ingerlatseqatigiiffiup akileraarutinut A-nut 1. juni 2004-mi aki-liutaanik ernianut piumasaqaammut matussutissatut (ataani imm. 4) kommunip atuisimanera pillugu A-p naammagittaalliuutaa pillugu oqaaseqaateqaqqullugu.

Tusarniaanera kommunip akivaa allakkatigut 16. februar 2004-meersutigut, taakkunani ilaatigut oqaatigineqarput:

" ...

Imm. 2.

Kommunip allagai 5. januar 2005-imeersut innersuussutigineqarput.

Akiitsut ernialerneqartarput. Aamma ukiuni siusinnerusukkt isertitaqarfiusuni – ass. 2002-mi aamma 2003-mi akiitsut. 2004-mi januarimi akiitsutut naatsorneqartuni ukiuni siusinnerusuniittuni akiitsut ilaatinneqarput – tamatuma nassataraa 2003-mi novemberimi akiitsut 1. december 2003-mi akilerneqartussanngorsimasut kingusinnerpaamillu 30. december 2003-mi akilerneqareersimasussat decemberimi 2 %-inik ernialerlugit januar 2004-mi naatsorsorneqartarnerat. Ernianik naatsorsuineq 2004-mi januarimi pisimasussaagaluarpog – kisiannili naluneqanngitsutut ernialii-sarneq 2004-mi majimi aallarteqqinneqarsimavoq. Ernianik naatsorsuisarneq mas-sakkut qaammatikkaartumik pisarpoq.

Imm. 3.

Piffissamat 1.1.2003-mit 25.9.2004-mut kontup naqitanngortinneqarnera kiisalu piffissanut 01/2004-mut, 02/2004-mut, 03/2004-mut, 04/2004-mut aamma 05/2004-mut A-tut akileraarutit erniaat pillugit nassuiaat kommunip siusinnerusukkt nas-siussimavai.

Aningaasat akiitsorineqartut 2%-ii ernialiunneqartussatut naatsorsorneqarsimasut takuneqarsinnaavoq.

Ernianik naatsorsuineq ”assaannarmik” naatsorsuinikkut misissuiffigineqarsima-voq. Misissueqqinnermi paasivarput novemberip qaammataani akiliutigineqartut 82.262 kr.-it naatsorsuuserviup A-mit akiliutigineqartutut nalunaarsorssimagai. Aki-liineq 6. januar 2004-mi pisimavoq. Kontomut allamat nuussineq naatsorsuuservi-up 5. februar 2004-mi suliarisimavaa ( $5.333 + 65.953 + 12.976 = 84.262$  kr.).

Taamaalilluta erniat imatut naatsorsorneqarsimasut paasivarput:  $82.262$  kr.  $\times$  2%  $\times$  qaamm. pingasut =  $5.055$  kr. Akiliineq piffissaagallartillugu pisimammat erniatut amerlanaarlugit naatsorsorneqarsimasut A-mut tigusassanngortissimavagut.

Imm. 4.

A-p 1. juni 2004-mi akiliinera.

A-tut akileraarutunik akilerneqartunik K Kommunip ernialiussanut matusissutis-anik ilanngaassiviginnissimaneranik apeqqut eqqarsaatigalugu akiliineq taaneqar-toq kontoliinerlu kommunip matumuuna nassuiaassavai.

A-p 1. juni 2004-mi akiliinerani imaattunik oqaasertaliisoqarsimavoq:

”Kontoliinermi oqaasertaliussaq: A”

Oqaasertat: ...

Aprilimi A-tut akileraarutit 106.499,00

19. maj ilanngaassissutit ilanngaatigineqassapput – 30.325,00

Saaffiginnittarfimmit akiligassiissut marloriarlugu akilerneqasimasog ilanngaa-tigineqassaaq 52,00

Katillugit kr. 76.122,00

Apeqqutissaqarussi ...-mut sianerfigisinga imaluunniit oqaloqatigisiuk.

Inuulluaritsi ...”

A-p kontoanik kommunip naqitanngortinnera naapertorlugu erserpoq 1. juni 2004-mi akiliutigineqartunit tamarmiusunit 18.281,00 kr.-t A-tut akileraarutit erniaannut akiitsunut kontolerneqarsimasut. Kontop naqitanngortinneqarneranit tas-sannga erserpoq kontoliineq 30. juni 2004-mi 2004-mi A-tut akileraarutinit allan-gortinneqarsimasog.

Taamaalliluni ilanngaassisoqarsimanngilaq, taamaallaalli akiitsunut kukkusunut kontoliisoqarsimalluni, tamannalu kommuniip ajuusaarutigaa. Kukkunerli taanna takuneqarsinnaasutut piarnerpaamik aaqqinneqarsimavoq." (Atorfeqarfimmi nutsigaavoq)

Allakkatigut 7. marts 2005-imeersutigut A-p nalunaarutigisimavaa naammagittaalliuutaqqaartoq ingerlatseqatigiiffiup aalajangiusimagaa.

*Tamatuma kingorna imaattunik oqaaseqaateqarpunga:*

"1. Periaatsimik kommunip allannguina

*Akileraarutininik A-nik unerartitsisussaaitap kingusinaartumik akiliineratigut ernianik akileeqqusinissamut tunngavissaq aningaasarsianit akileraarutit pillugit Inatsisartut inatsisaanni (Inatsisartut inatsisaat nr. 5, 19. maj 1979-imeersoq kingusinnerusukkullu allannguutai) § 68-imi imm. 2-miippoq, imaattunik oqaasertaqartoq:*

*"§ 68. ...*

*Stk. 2. Akileraarutit unerartitsisussaaitap akiligassai piffissaatillugu akilerneqanngippata unerartitsisussaaitap erniat ullormit akiliiffissanngorfimmut naatsorsukkat qaammatit aallartittut tamaasa 2 procentiusut akilissavai. § 42, stk. 1-imi aningaasat pineqartut akilerneqarfissaat tassaavoq unerartitsinermi qaammatit tulliusup ulluisa siulliat, aningaasallu § 71-imi pineqartut akilerneqarfissaat tassaalluni ulloq iluanaarutisianik tunniussinissamik isumaqatigiissuteqarfik imaluunniit pisassanngortitsivik. Erniat sulisitsisup kommuniata pisassarai, taamaattorli piginneqatigiit kommuniata pisassarai iluanaarutisianit akileraarutit erniaat."*

*§ 42-mut innersuussineq akileraarutinut A-nut unerartinneqartussanut tunngassuteqarpoq. Tassani takuneqarsinnaavoq aningaasat unerartitsisussaaitaasup qaammatisiutit malillugit qaammammi unerartitassani qaammatit taassuma tulliani sulisitsisup kommunianut akilerneqassasut.*

*§ 68, imm. 2-p oqaasertai malillugit akileraarutininik A-nik kingusinaarluni akiliinikkut unerartitsisussaaitaq ernianik kommunimut "akiliisaaq".*

*Kisiannili ernialiinissamut aalajangersakkatut inatsisikkoortumik aalajangersagaq K Kommunip atorsimanngilaa. Akileraarutit A-t kingusinaartumik akilerneqarnerisigut ernialiisarneq kommunip ukiuni arlaqartuni atorsimanngilaa. Ernialiisarneq akileriigassaagaluanut akiitsunut atuuttoq ulloq 1. januar 2004-mi atuutilersumik kommunip aallartippaa. Periaaseq nutaaq malillugu § 68, imm. 2-mi periarfissiisutaasup saniatigut unerartitsisussaaitaq kommunip suli ullunik 8-nik periarfissaqartippaa.*

*Inatsisikkoortumik ernialiinissamut § 68, imm. 2-mi aalajangersakkamik kommunip atuinnginnera misissuininnut ilaannigilaq. Kommunip ernialiinissaminut pisussaaffiunngitsutut periarfissatut aalajangersakkamik kommunip atuinerata inatsimmut naapertuuttuunera taamaallaat tunngaviutip-*

*para. Tassunga atatillugu ernialiisannginnermik kommunip periaaseqarnera (maannakkullu ullunik 8-nik suli periarfissaqartitsinera) sulisitsisunut iluaqutaasussaasoq maluginiarsimavara.*

*Misissuina - kommunip ernialiisannginnermiit ernialialerternermut – periaatsimik nanertuisuusumik allannguineranut tunngavoq. Misissuininut tunngaviuvoq § 68, imm. 2-mik pisussaaffiunngitsutut aalajangersakkamik maannamut kommunip atuinerata inatsimmut naapertuuttuuneranik tunngavissaatitaq qulaani taaneqartoq.*

*Misissuininni tunngaviuttipara K Kommunimi sulisitsisunut tamanut piffissami taannaasumi atuutilersumik tamanut tunngatillugu periaatsimik allannguiq. Innersuutigaara kommunip allagaa 30. september 2004-meersoq, tassani oqaatigineqarpoq K Kommunimi sulisitsisut tamarmik assigiimmik pineqartut.*

*Misissuininut - allagarsornerinnakkut tunngaveqartumut - killiliussat iluini 2003-mut aamma ingerlatseqatigiiffiup ernialiiffigineqarsinnaanerani A-p aamma kommunip akornanni ataatsimiinnermi soorasaarisogarsimasinnaanera (A-mit oqaatigineqartutut) paasinarsitissallugu periarfissaqanngilanga. Innersuutigaara soorasaarisogarsimaneranik oqarneq kommunip assortorsimammagu. Maluginiaannarsimavara A-p allatut pineqarsimannginnera aammalu K Kommunimi sulisitsisunut allanut tunngatillugu ingerlatseqatigiiffiup kommunimit allatut pineqarsimasinnaaneranut tunngavissaasinnaasumik paasissutissanik peqannginnera.*

*Periaatsimik allannguinerup misissuiffiginerani apeqqutit pingasut tunngaviupput:*

*A) Periaatsimik tamanut tunngatillugu (ernialiisannginnermiit ernialialerternermut) kommuni allannguisinnaava ?*

*B) Taamatut periaatsimik allannguiq siunissamuinnaq pisinnaava imaluunniit piffissamut nalunaaruteqarfiusumut tunngatillugu kingumortumik, soorlu suliami matumani taamatut pisoqarsimasoq, atuutilersumik pisinnaava ?*

*C) Nalunaarutiginninnerup imarisaa*

*A)-mut. Periaatsimik tamanut tunngatillugu (ernialiisannginnermiit ernialialerternermut) kommuni allannguisinnaava ?*

*Isumaqarpunga periaatsimik tamanut tunngatillugu kommunip allannguisinnaanera taamaalillunilu aningaasarsianit akileraarutit pillugit inatsimmi § 68, imm. 2-mi tunngavissaqartitaasumik ernialersuisalersinnaanera qularutissaanngitsaq.*

*B)-mut Taamatut periaatsimik allannguiq siunissamuinnaq pisinnaava imaluunniit piffissamut nalunaaruteqarfiusumut tunngatillugu kingumortumik, soorlu suliami matumani taamatut pisoqarsimasoq, atuutilersumik pisinnaava ?*

*Periaatsimik allannguinnikkut piffissaq inatsisitigut sunniuteqalerfia eqqarsaatigalugu suliaq nangaassuteqarfigissallugu pissutissaqarpoq, tamannalu ataani nassuiaateqarfigissavara.*

*Nalunaarutigineqartut malillugit kommuni ukiuni arlalinni, kommunip uannut allagai 5. januar 2004-meersut malillugit, akileraarutinut A-mut kingusinaarluni akiliisoqarneratigut ernialiisarsimangilaq. Taamaattumik tunngaviutittariaqarpara matumani pineqartoq tassaasoq periaaseq piffissami sivisuumi aalajangersimasumik atuussimasoq.*

*Kommuni november 2003-mi aalajangerpoq ernialiisarneq ulloq 1. januar 2004-miit atuutilersumik ingerlanneqalissasoq. Taamaattumik periaasioqqaartup piffissamik ernialiiffiusalersumik kinguartitsinerinnartuinnaangitsoq kisiannili aamma piffissamut 1. januar 2004-mut ernialiisarnissamik kommunip piumasaqaatiminik tunuartitsineratut takussutissisoq aamma tunngaviutittariaqarpara.*

*Periaatsimik 1. januar 2004-mi atuutilersussamik allannguinnissamik kommunip 2003-mi novemberimi aalajangiinera assersuutigalugu najukkami tusagassiorfitsigut, sulisitsisinut nalunaaruteqarnikkut taamaaqataa-nilluunniit tamanut saqqummiunneqanngilaq.*

*Sulisitsisut allannguinnermik aatsaat ilisimatinneqarput maj 2004-mut qaammammut naatsorsuiffiit tigugamikkit. Taamaalilluni maj 2004-mut qaammammut naatsorsuiffimmi 1. januar 2004-mi aamma 2004-mi aprilip qaammataata tungaanut akileriigassaagaluanut akiitsunut ernialiisoqarpoq. Tassa imaappoq periaatsimik allannguipeq piffissamut nalunaaruteqarfiusumut tunngatillugu kingumoortumik atuutilerpoq.*

*Qallunaat atuakkianni inatsisitigullu periaasianni, kalaallit inatsisiliaanni allanngortinneqanngitsuni, pineqartoq ilaatigut kinguliini issuaaffigineqartuni allaaserineqarsimavoq. Jens Gardep allallu atuakkianni "Forvaltningsret, Almindelige emner"-mi, (sisamasaanik naqitertinneqarneqartumi) tunngavissanut piumasaqaatit sakkortusineqarnerisa oqaluuserineqarnerannut atatillugu qupp. 199-imi tulliinilu makku ilaatigut oqaatigineqarput:*

*"...*

*Aammattaq pingaartumik iliuitsit nammagassiisut eqqarsaatigalugit inatsisitigut tunngaviusut ersarissuunissaat minnerpaamik piumasaqaataasariaqarpoq. Ajornartorsiutip taamaaqataa kaajallaasitani imaluunniit periutsumik kingumoortumik allanngortitsinerit eqqarsaatigalugit pinngorsinnaavoq. Assersuutitut taaneqarsinnaavoq U 1983.8 H, kaajallaasitaq (nr. 493, 17. december 1975-imeersoq) kommanditistit akileraarusiisarnermi inatsiseqartitsineq naapertorlugu inissisi-manerannik ima allannguitigissasoq ukiumut akileraarfiusussanut 1973, 1974 aamma 1975-imut atuuttussatut naammassineqartariaqarani. Akerlianilli aalajangersakkanut iluaqutaasussanut sukanninnginnerusunulluunniit tunngavissat imikkut piumasaqaatigineqartariaqarsorinangillat. Taamaattumik akissarsiarititat imaluunniit soraarnerussutisiat qaffaavigineqarnissaat pillugu aalajangersakkat kingumoortumik atuutilersinneqarsinnaanerat nangaanartoqanngilaq." (Atofeqarfimmi nutsigaavoq)*

*Hans Gammeltoft-Hansenip allallu atuakkiaanni "Forvaltningsret"-imi (aappassaanik naqitertinneqartumi) periaatsinik tamanut tunngatillugu allanngui-neq pillugu - assigiimmik pinninnissamik tunngavik pillugu im-mikkoortumi - qupperneq 347-mi makku ilaatigut oqaatigineqarput:*

*"Periaatsimik sanequtsineq tamanut tunngatillugu periutsumik siunissami atuut-tussanngorlugu allanngui-neruppat assigiimmik pinninnissamik eqqarsaatersuutit qaqutiguinnaq naleqquttuussapput. Periaaseq nutaaq malittarisassanik pingaar-nernik unioqquitsinngippat inatsisinut naapertuuttutut isigisariaqarpoq. Tassunga atatillugu inatsisini malittarisassaliavinnut assersuunneqarsinnaanera ugguuna takutinneqarpoq tassami periaatsimik allanngui-nerup innuttaasunut nalunaarutigi-neqarnissaa piumasaqaataammat, taamaalillutik taakku allanngui-nermut pia-reersinnaaqqullugit. Nalinginnaasumik piumasaqaataavoq periaatsimik allan-ngui-nerup pitsaanerpaamik tamanut saqqummiunneqarnissaa innuttaasunullu pif-fissaalluartillugu kalerriutigineqarnissaa piareersimasinnaaqqullugit.*

*Qupper-sakkami UjR 1963.679 Ø-mi akitsuusiisutut oqartussaasut periaatsimik allannguisinnaanerat akitsuusiiffigineqannginnissamillu qinnuteqaatip qaquguk-kut tunniunneqarnissaanut piffissaliisinnaanerat tunngaviutinneqarpoq. Periaatsimik allanngui-nerup ulluinnarni nutaarsiasaqaarfitsigut tamanut saqqummiunneqarnis-saa aalajangiisuusutut pingaartinneqarsimavoq. Aamma takukkit UjR 1973.18 H, UjR 1980.73 H, UjR 1980.488 H, UjR 1983.8 H, UjR 1987.80 H, UjR 1996.1139 H, UjR 1998.691 H, FOB 1990.80 aamma FOB 1999.441." (Atorfegarfimmi nutsi-gaavoq)*

*Taamaattumik periaatsinik nammakkiisunik pisortat allanngui-nerisa si-unissami taamaallaat pisinnaaneri tunngaviutinneqarput. Tassa imaappoq allanngui-neq aatsaat atuutilersinnaasoq allanngui-neq pillugu nalunaaruteqartoqareernerata kingorna. Siunertarisaq tassaavoq allanngui-ner-nut innuttaasut piareersarsinnaanissaat. Ilami pisut ilaanni ilima-saaruteqarsimanissaq piumasaqaataavoq.*

*Højesteret-ip eqqartuussutaani "Ugeskrift for Retsvæsen for 1983"-imi qupperneq 3-mi tulliinilu aamma 1987-imeersumi, qupperneq 80-imi tullii-nilu issuarneqartuni pisortat periaatsimik kingumoortumik atuutilersumik allannguisinnaanngillat. Eqqartuussummi siullermi aamma pingaartin-neqarpoq allanngui-nerup "annertussusia". Eqqartuussummi 1987-imeer-sumi Højesteret-ip taamaallaat oqaatigaa ukiut amerlasuut ingerlanerini pisortat ilanngaateqartitsisinnaatitsisimagamik periaatsimik taamaat-tumik pisortat tamatuminnga sioqutsisumik nalunaaruteqarsimatinnatik allannguisinaanngitsut.*

*Kalaallit Nunaata Eqqartuussiviata 11. marts 1999-imi eqqartuussutaa -kommunip allakkani ulloq 30. september 2004-meersuni innersuussu-tigisaa - periaatsimik allanngui-neq Højesteret-ip eqqartuussutaanit aal-laaveqartoq K Kommuni isumaqarpat tamatumunnga isumaqataanngi-langa. Taamaattoq aamma oqaatigaara Kalaallit Nunaata Eqqartuussivia-ta eqqartuussutaa taassumunngalu K Kommunip innersuussinera imatut paasigakku ernialiisarnermik periaaseqarsimagaanni - K Kommuni 1. januar 2004-p tungaanut taamaaliortarsimanngilaq - taamatut pisinnaati-*



taaneq atorunnaassanngitsoq ernialersuisarnerup ingerlaavartumik atuut-sinneqannginnera pissutiginnarlugu.

Ernialiisannginnermik kommunip periaaseqaqqaarsimanera ukiunilu arlaqartuni ernialiisannginnermik kommunip periaaseqarsimanerata inat-sisinut naapertuuttuunera tunngavissaatillugit isumaqarpunga K Kom-muni taamaallaat siunissamut atuuttussamik periaatsimik allannguinnis-samut pisinnaatitaasoq. Taamaattumik tamanna pillugu sulisitsisut nalu-naarfigineqareersimatinnagit inatsisit malillugit atuutilersumik periaat-simik allannguinnissamut kommuni pisinnaatitaanngilaq.

Ernialiisarnermut periaatsimik allannguneq akileraarutinik A-nik siu-nissami unerartinneqartussanut (periaatsimik allannguneq pillugu nalu-naaruteqartoqareerneratigut akileraarutinik A-nik unerartinneqartunut) taamaallaat atuutissappat periaatsimik allannguneq nalunaaruteqarne-rup kinguninnguatigut aallartinneqarsinnaavoq.

Pisumili matumani, ernialersuineq periaatsimik allannguneq (akile-raarutit unerartitaasussat 2003-meersut) sioqqullugu akileriigassaagalua-nut akiitsunut aamma atuuttussaalluni, taava kommunip sulisitsisut piffis-saqarluartillugit allannguinnermut piareersartissimassagaluarpai. Taman-na innuttaasut periaatsimut nutaamut piareersarnissaasa periarfissiis-sutaanissaata kinguneraa.

Suliami pineqartumi periaatsimik allannguinnermik qaammammut naat-sorsuiffiup 28. maj 2004-meersup tiguneqarneratigut A aatsaat ilisimatin-neqarpoq. Taamaattumik erniat tamarmik (januarimiit aprilimut) naatsor-suiffimmi tassani takuneqarsinnaasut tassaapput piffissamut nalunaarute-qarfiusumut tunngatillugu kingumoortumik atuutilersumik ernialiussat. Taamaattumik erniat pissutissaqanngitsumik ernialiussaallutillu akileq-quneqarsimasuupput.

Tassani aamma ilaavoq suliaq imatut paasigakku, tassalu K Kommuni aamma 2004-mi majip qaammataanut (erniat immikkuualuttortaannut nassuiaat 05/2004) ernialiisimasoq. Tamanna imatut paasivara ernialius-sanut taakkununga pissutaasoq 2003-mi decemberimut akileraarutinut A-nut akileriigassaagaluit akiitsut sinneri A-mit 8. maj 2004-p kingornatigut aatsaat akilernerqarsimanerat (2004-mi aprilip naanerani + ullut 8). Kom-munip nammineq naatsorsuutai malillugit akileriigassaagaluit akiitsut ingerlatseqatigiiffiup kingusinnerpaamik 26. maj 2004-mi akilersimavai, tassa imaappoq qaammammut naatsorsuiffiup 28. maj 2004-meersup ullu-lerneqarnera ullunik marlunnik sioqqullugu taamaattumillu ernialiineq pillugu nalunaarutip suli anngutinnginnerani. Taamaattumik kommunip 2004-mi majimut ernianik akileeqqusinera (erniat immikkuualuttortaannut nassuiaat 05/2004) piffissamut nalunaaruteqarfiusumut (qaammammut naatsorsuiffik 28. maj 2004-meersoq) tunngatillugu pissutissaqanngit-sumik kingumoortumik atuuppoq.



*Taamaattumik K Kommunimut inassutigaaara 2003-mut akileraarutit A-t unerartinneqartussat pillugit A-p akileriigassaagaluanut akiitsuisa ernialiiffigineqarnerat pillugu suliap suliarineqarnera aallarteqqeqqullugu.*

*Aammattaaq kommuni qinnuigaara suliap K Kommunimi sulisitsisunut allanut periaatsip nutaap piffissaq nalunaarutigineqarfianut tunngatillugu aamma kingumoortumik atuuttumik ernianut akileeqquneqarsimasinnaasunut sunik kinguneqarsinnaanera isumaliutigeqqullugu.*

*Qinnutigaara allannguinnermut sulisitsisut piareersarnissaminnut piffissaqartitaasariaqarnerat kommunip naatsorsuutigissagaa. Tassa imaappoq sulisitsisut periaatsimik allannguneq pillugu nalunaarfigineqannginnerminni A-tulli 2003-mut akileraarutinut A-nut akileriigassaagaluanik akiitsunik namminneerlutik akiliisimannngitsut periaatsimik allannguneq pillugu nalunaarfigineqareernerermikkut akiitsunik akileriigassaagaluanik akiilinissaminnut periarfissinneqarsimasutut inissittariaqartut.*

*A-mut tunngatillugu suliamik kommunip suliamik suliarinneqqilernerata inerneranik kommunimilu sulisitsisunut allanut tunngatillugu iluarsiinisaaq pillugu kommunip isumaliuutersuutai pillugit ilisimatinneqarnissara qinnutigaara.*

### *C) Nalunaarutiginninnerup imarisaa*

*Suliami pineqartumi periaaseq nutaaq pillugu "nalunaarummik" tunniussisoqanngilaq. Qaammammut naatsorsuiffimmi 28. maj 2004-meersumi qaammataini 2004-mi januarimiit aprilimut katillugit 18.281 kr.-inik ernialiisoqarsimanera taamaallaat takuneqarsinnaavoq.*

*Isumaqarpunga periaaseq nutaaq K Kommunip (sioqqutsisumik, tak. imm. B) sukumiinerusumik allaaserisimasariaqaraluaraa, assersuutigalugu assigiimmik allakkiakkut qaammammut naatsorsuiffimmut ilanngunneqartukkut imaluunniit tamanut nalunaarutiginninnikkut.*

*Sioqqutsisumik nalunaarummi taamaattumi ernialiisarneq qaqugumiillu atuutseqqinneqalersoq isumaga malillugu nalunaarutigineqarsimasariaqaralarpoq. Aammattaaq nalinginnaasumik nalunaarutigineqarsimasariaqaralarpoq qanoq akulikitsigisumik ernialiisoqartassallunilu akileeqqusisoqartassanersoq. Allaaserinninneq kommunip assersuutigalugu uannut oqaaseqaatitigut 30. september 2004-meersutigut aamma 16. februar 2005-imeersutigut nalunaarutigisimasaa innersuussutigaara.*

### *2. Kommunip ernianik naatsorsuinera*

*Qulaani taaneqartutut isumaqarpunga kingumoortumik atuutilersumik ernialiinissamut kommuni pisinnaatitaanngitsoq, taamaattumik kommunimut inassutigaaara A-p akileraarutinik unerartitsisussaataasutut akileraarutinut A-nut akileriigassaagaluanut akiitsuisa ernialiivigineqarnerat ernianillu akileeqquneqarnera pillugu suliaq suliareqqeqqullugu.*

Sulialli aamma pissutissaqalersissimavaanga kommunip qaammammut naatsorsuiffiisa aamma ernianut naatsorsuinermit immikkuualuttunut nassuiaataasa misissuiffiginissaannut. Tamatumunnga pissutaavoq isumaqarama kommunip ernialiisarneri nalunaarutigineqartariaqartut imaalilugit naatsorsuuserinerimik ilisimasaaqqissaanngitsunit - soorlu uanga - naatsorsuinerit/immikkuualuttunut nassuiaatit kommunip sulisitsisunut nassiuttagai paasineqarsinnaasunngorlugit/misissorneqarsinnaasunngorlugit. Kinguliinili takuneqarsinnaasutut paasinarsisimavoq kommunip kontolersuisarneri/naatsorsuisarneri paasiuminaatsorujussuusut kommunillu naatsorsueriaasia pillugu nalornissuteqalersitsisut.

Kommuni qaammammut naatsorsuiffimmi 28. maj 2004-meersumi 18.281 kr.-inik ernialiivoq. Naatsorsuineq malillugu taakku januarimit aprilip qaammataannut tunngapput.

Januarimit maj 2004-mut qaammammut naatsorsuiffinni takuneqarsinnaavoq A 2004-mi akileraarutinik A-nik qaammatit tamaasa piffissaq eqqorlugu akiliisarsimasoq.

Taamaattumik suliaq imatut paasivara erniatigut piumasaaqatit kommunip naatsorsorsimasai taamaallaat tassaasut 2004 sioqqullugu akileraarutit A-t unerartitassaataasut akileriigassaagaluit akiitsut erniaannut tunngasuusut.

Aammattaaq suliaq imatut paasivara 2003-mut akileraarutit A-t pillugit akileriigassaagaluit ulloq 1. januar 2004-mi akiitsorineqartut 2003-mi novemberimut aamma 2003-mi decemberimut aningaasanut unerartitassasunut tunngassuteqartut. Taamaattorli 2004-mi januarimiit majimut qaammammut naatsorsuiffiit kontolersornerisa akileriigassaagaluit akiitsut aallaqqaammut qanoq amerlatigisimanerat aamma nalorninarloqalersippaat.

Qaammammut naatsorsuiffimmi 29. januar 2004-meersumi oqaatigineqarpoq ingerlatseqatigiiffik 2003-mi akileraarutinik A-nik katillugit 171.378 kr.-inik akiligassaqartoq. Tamanna imatut paasivara taakku 2003-mi novemberimut 84.262 kr.-iusut 2003-milu decemberimut 87.116 kr.-iusut (81.783 kr. + 5.333 kr.).

Kisiannili qaammammut naatsorsuiffimmi 27. februar 2004-meersumi akileriigassaagaluit akiitsut aningaasartaat allat pingasut 2003-mi decemberimut katillugit 216.823 kr.-it (12.976 kr. + 153.447 kr. + 50.400 kr.) ilanngunneqarsimapput. Taassuma assigaa akileraarutinut A-nut ingerlatseqatigiiffiup akileriigassaagaluit akiitsuisa katillugit 303.939 kr.-inut (87.116 kr. + 216.823 kr.) naatsorsorneqarsimanerannut. Tamanna qaammatinut allanut naleqqiikkaanni qaammammut ataatsimut aningaasanut unerartitassatut amerlasoorujussuartut isikkoqarpoq. Tassunga ilanngunneqassaaq qaammammut naatsorsuiffik 28. maj 2004-meersoq, tassani "naligiissitsinerit aamma allannortitat" aqutigalugit imaassorinarpoq 2003-mi decemberimut akileriigassaagaluit akiitsut suli 134.287,90 kr.-inik (7.223,90 kr. + 95.875 kr. + 30.325 kr. + 864 kr.) amerleriarsimasut.

*Kommunip allagaasa ulloq 16. februar 2005-imeersut tighunerisa tungaanut isumaqarsimagaluarpunga qaammammut naatsorsuiffimmi 27. februar 2004-meersumi inissiinerit pingasut "OMP...(allanngortitat) 5. februar suliarineqartut katillugit 84.262 kr.-it ingerlatseqatigiiffimmut iluaqutissaasut teknikikkut allamut nuutaasut. Kommunip oqaaseqaataa 16. februar 2005-imeersoq malillugu inissiinerit ingerlatseqatigiiffimmit akil-erneqarsimasutut isumaqarfigisassaagunarput.*

*Kommunip 16. februar 2005-imi oqaaseqaataata akileriigassaagaluit akiitsut qanoq amerlatiginerat, qanoq amerlatigisut akilernerqarsimanerat aamma kommunip ernialiinera suli nalorninarartoqarnerulersippai. Kommunip ilaatigut oqaatigai:*

*"...*

*Ernianik naatsorsuineq "assaannarmik" naatsorsuinikkut misissuiffigineqarsimavoq. Misissueqqinnermi paasivarput novemberip qaammataani akiliutigineqartut 82.262 kr.-it naatsorsuuseriviup A-mit akiliutigineqartutut nalunaarsorsimagai. Akiliineq 6. januar 2004-mi pisimavoq. Kontomut allamut nuussineq naatsorsuuseriviup 5. februar 2004-mi suliarisimavaa ( $5.333 + 65.953 + 12.976 = 84.262$  kr.).*

*Taamaalilluta erniat imatut naatsorsorneqarsimasut paasivarput:  $82.262$  kr.  $\times$   $2\%$   $\times$  qaamm. pingasut =  $5.055$  kr. Akiliineq piffissaagallartillugu pisimammatt erniatut amerlanaarlugit naatsorsorneqarsimasut A-mut tigusassanngortissimavagut.*

*... " (Atorfeqarfimmi nutsigaavoq)*

*Qaammammut naatsorsuiffimmi 27. februar 2004-meersumili 5. februar 2004-mi inissiinerit pingasut katillugit 84.262 kr.-it ( $5.333$  kr. +  $65.953$  kr. +  $12.976$  kr.) ingerlatseqatigiiffimmut iluaqutissatut suliarineqarsimapput. Taamaattumik kommunip oqaaseqaataa 16. februar 2005-imeersoq ima paasineqartariaqarpoq qaammammut naatsorsuiffimmi 27. februar 2004-meersumi inissiinerit qanoq amerlatigisunik akiliisoqarsimaneranut takusutissaasut eqqortut. Taamaassimappat kukkuneq paasineqartoq taamaallaat tunngassuteqarsimassaaq piffissamut akiliiffiusumut (6. januar - imaanngitsoq ulloq inissiivik 5. februar 2004).*

*Kisiannili kommunip nalunaarutigaa kukkunerup nassatarisimagaa qaammatini pingasuni ernianut iluarsineq. Kukkuneq paasineqartoq ullormut akiliiffimmut (6. januar imaanngitsoq ulloq inissiivik 5. februar 2004) taamaallaat tunngassuteqarpat erniat immikkuualuttortaannut nassuiaat siusinnerusukkut kommunip nassiussimasaa ima paasisimassagaluarpara erniat immikkuualuttortaannut nassuiaammi 01/2004-meersumi piumasaqaat atorunnaarsineqartoq. Tassa imaappoq ernianik iluarsineq tassaassasoq qaammatini marlunni ernianut 84.262 kr.-init tunngasoq, imaanngitsoq qaammatinut pingasunut ernianut tunngasoq.*

*Imatut paasinnissimanera innersuussutigaara, tassalu nassuiaat 01/2004-kkut ernianut piumasaqaatit taakku  $2 \times 1.685,24$  kr.-it 2003-mi novemberip qaammataanut akileraarutit A-t kingusinaarluni akilernerqarsimanerannut erniatut naatsorsorneqarsimasut.*

Novemberip qaammataanut piumasagaatit 84.262 kr.-it 1. december 2003-mi akiligassanngorput piffissarlu eqqorlugu ulloq akiliiffissaq tassaalluni 31. december 2003. Qaammammut naatsorsuiffimmi 27. februar 2004-meersumi A-p akiliutai siulliit 29. januar 2004-mi inissinneqarsimapput. Tamanna piffissaq eqqorlugu ullup akiliiffissap kingornatigut akiliinerummat erniat immikkuualuttuinut kommunip nassuiaataa ima paasisimavara ulloq akiliiffissammiit qaammatip aallartinneri tamaasa kommuni 2%-inik ernialiisimasoq, t.i. 2003-mi decemberimut 2% (1.685,24 kr.-it) aamma 2004-mi januarimut 2%, katillugit kr. 3.370,48 kr.-it.

Kommunip oqaaseqaataa aamma ima paasineqarsinnaavoq qaammammut naatsorsuiffimmi 27. februar 2004-meersumi takuneqarsinnaasunit ingerlatseqatigiiffik (ulloq 6. januar 2004-mi) 84.262 kr.-inik amerlanernik akiliisimasoq. Tamanna imaaliillaannaq paasinninnera malillugu qaammatinit pingasunit nalunaarutigineqartunit qaammatini amerlanerni ernianut iluarsiinernik nassataqassaaq.

Siullertut qulaani taaneqartutut qaammatini marlunni ernianut iluarsisoqassaaq novemberimi akileriigassaagaluit akiitsut piffissaq eqqorlugu akilerneqarmata.

Tulliullugu paasinneqqaarnera unaavoq suli qaammatinut tallimanut erniat 84.262 kr.-it iluarsiiisutigineqassasut. Kommunip erniat immikkuualuttortaannut nassuiaataa ima paasisimagakku februarimut naatsorsukkani akileriigassaagaluatut akiitsunut 203.847 kr.-inut erniat immikkuualuttortaannut nassuiaat 02/2004 tunngavisoq, tassani qaammatinut marlunnut (januarimut aamma februarimut) 203.847 kr.-init ernialiisoqarsimanera innersuussutigaara.

Tamatuma saniatigut akileriigassaagaluit akiitsut aningaasartaat 203.847 kr.-it qaammammut naatsorsuiffimmut 27. februar 2004-meersumut nuunneqarput, taamaattumik qaammammut naatsorsuiffimmi 27. februar 2004-meersumi kukkunerusimasinnaasoq qaammammut naatsorsuiffinnut tulliuttunut sunniuteqarsimassaaq, taamaalillunilu aamma erniat immikkuualuttortaannut nassuiaatinut tulliuttunut.

Erniat immikkuualuttortaannut nassuiaatini tulliuttuni martsimut (03/2004), aprilimut (04/2004) aamma majimut (05/2004) ernialiisoqarpoq. Taamaattumik tamanna imatut paasivara akileriigassaagaluanut akiitsunut december 2003-meersunut, ulloq 31. januar 2004 + ullut 8 qaangiutsinnagit akilerneqarsimannngitsunut, tunngatillugu qaammatini tallimani kommuni ernialiisimasoq.

Akiliisimanerit, februarimut naatsorsuiffimmi takuneqarsinnaasut, 2003-mi decemberimut akileraarutinut A-nut akileriigassaagaluanut akiitsunut tunngatillugu piffissaq eqqorlugu pisimapput (31. januar 2004 + ullut 8).

Taamaattumik kommunip oqaaseqaataata 16. februar 2005-imeersup nassatarisimavaa inissiinerit suliarineqarsimasut aammalu ernialiinermi naatsorsueriaatsip kommunip atugaata suunera nalorninartoqalersippai.

Erniat immikkuualuttortaannut nassuiaat 04/2004-meersoq eqqarsaatigalugu aningaasat akiligassarineqartut qaammammut naatsorsuiffimmi 26. marts 2004-meersumi takuneqarsinnaasut (187.927,90 kr.-it) aamma aningaasat (137.527,90 kr.-it) ernialiinermi aallaavigineqarsimasutut nalunaarutigineqartut akornanni nikingassuteqarpoq.

Paasinneqqaanera unaavoq tamatumunnga pissutaasoq tassaasoq ingerlatseqatigiiffik - qaammammut naatsorsuiffimmi 28. maj 2004-meersumi takuneqarsinnaasut - ulloq 9. marts 2004-mi 50.400 kr.-inik ilumut akiliisimasoq. Akiliutigineqartulli qaammammut naatsorsuiffinni 2004-mi martsimoortumi aamma aprilimoortumi kontolerneqarsimanngillat.

Tamanna tunngavigalugu paasinninnera unaavoq qaammammut naatsorsuiffinni kontolersuineri erniat immikkuualuttortaannut nassuiaatinut naleqqiullugu kommunip ernialeeriaasiata misissornissaa ajornarluinnaasattunngortitsisimanera ajuusaarnartuusoq. Aammattaaq kommunip oqaaseqaataa 16. februar 2005-imeersoq kommunip ernialeeriaasianik annertuumik nalorninartunngortitsinera ajuusaarnartuuvoq.

2003-mut akileraarutit A-nut tunngatillugu akileriigassaagaluanut akiitsunut ernialiussat tamarmiusut kingumoortumik atuutilersumik kommunimit pissutissaqanngitsumik akileqquneqarsimasut qulaani (imm. 1) oqaatigineqartutut isumaqarama suliami pineqartumi kommunip inissiineri ernialiinerilu pillugit allamik iliuuseqaqqinnianngilanga.

Taamaakkaluartoq inassutigaara kommuni siunissami kontolersuisarnermini naatsorsuisarnerminilu peqqissaarnerulertariaqartoq. Aammattaaq inassutigaara qaammammut naatsorsuiffiit aamma erniat immikkuualuttortaannut nassuiaatit atuisunut kommunimit sapinngisamik paasiuminarnerulersinneqassasut, assersuutigalugu "illup iluani ilisarnaatini" atuinnginnikkut imaluunniit naatsorsuinerit nassuiaatalersornerisigut.

### 3. Ilanngaassinerit

Allakkatigut 30. juni 2004-meersutigut A-p aamma naammagittaalliuutigaa ernialiussat ingerlatseqatigiiffiup 2004-mi aprilip qaammataanut aamma 1. juni 2004-mi akileraarutinut A-nut akiliutaanit K Kommunip ilanngaatisimammagit.

Kommunip 16. februar 2005-imi oqaaseqaataa ima paasisariaqarpara ilanngaassineq kommunip suliarisimasaa kukkunerimik pissuteqartoq, kukkunerlu iluarsineqarsimasoq.

Taamaattorli oqaatigaara 1. juni 2004-mi oqaasertaliussaq kommunip oqaaseqaammimi 16. februar 2005-imeersumi issuagaa uannut paasiuminaatsoq. Oqaasertaliussat "ilisarnaasiussatut" paasinarput aningaasallu 18.281 kr.-it ilanngaassineri pineqartutut paasisakka oqaasertaliussani takuneqarsinnaanngillat.

*Aallarniutigalugu oqaatigeriikkattut 18.281 kr.-it ilanngaatigineqartut pillugit kukkuneq (aamma) iluarsineqarsimasoq paasisimagakku allamik iliuuseqarnianngilanga.*

#### 4. Eqikkaalluni inerniliineq

*Misissuina ernialiisarnermi periaatsimik sukateraluni – ernialiisannginnermiit ernialiisalernermut - kommunip allannguineranut tunngavoq. Aningaasarsianit akileraarutit pillugit inatsimmi § 68, imm. 2-mik kommunip maannamut atuinerata inatsisinut naapertuuttuunera tunngavissaatillugu misissuinnut tunngaviuvoq.*

*Ernianik akileeqquisarnermik kommunip periaasaa nutaaq qularutissaanngitsumik inatsisinut naapertuuttuuvoq. Taamaakkaluartoq isumaqarpunga periaatsimik kingumoortumik atuutilersumik allannguissamut K Kommuni pisinnaatitaanngitsoq.*

*Taamaattumik kommunimut inassutigaa A-p 2003-mut akileraarutiniq A-nik unerartitsisussatut akileriigassaagaluanut akiitsuinut tunngatillugu kingumoortumik atuutilersumik ernialiineq pillugu suliaq suliareqqissagaa. Ilanngullugu inassutigaa kommunimi sulisitsisunut allanut tunngatillugu tamanna qanoq iluarsiivigineqassanersoq kommunip isumaliutigisagaa.*

*Kiisalu periaaseq nutaaq pillugu paasisutissanik erseqqinnerusunik kommunip (sioqqutsisumik) nalunaaruteqarsimannginnera ajuusaarnartutut isigaara.*

*Kiisalu qaammammut naatsorsuiffinnut nassiuuneqartunut kommunip kontoliisarneri erniat immikkualuttortaannut nassuiaatinut nassiuuneqartunut tunngatillugu kommunip ernialiisarnernik misissoruminaassisitsinera ajuusaarnartutut isigaara.*

*Aammattaaq kommunip oqaaseqaataata 16. februar 2005-imeersup kommunip ernianut naatsorsueriaasianik annertuumik nalorninartoqalersitsinera ajuusaarnartutut isigaara.*

*Inassutigaa kommunu siunissami kontolersuisarnermini naatsorsuisarnerminilu peqqissaarnerulissasoq aamma qaammammut naatsorsuiffiit nassiuuneqartut erniallu immikkualuttortaannut nassuiaatit nassiuuneqartut atuisunut kommunimit sapinngisamik paasiuminarnerulersineqassasut, assersuutigalugu "illup iluani ilisarnaatinik" atuinnginnikkut imaluunniit naatsorsuinerit nassuiaatit alersornerisigut.*

*Kommuni qinnuigaara 2003-mut akileraarutit A-t unerartinneqartussat pillugit A-p akileriigassaagaluanut akiitsuusa ernialiiffigineqarnerat pillugu suliap kommunimit suliareqqinneqarnerata inerneranik ilisimateqqullunga.*

*Aammattaaq kommunu qinnuigaara kommunimi sulisitsisunut allanut tunngatillugu iluarsiinissaq pillugu kommunip isumaliuutersuutaasa inernerat pillugu ilisimateqqullunga.*



*A misissuinerma inernilerneqarneranik allakkatigut allatigut ilisimatineqarpoq.*

*Tamatuma saniatigut oqaaseqaatima assilinera Akileraartarnermi Pisortaqarfimmut ilisimatitsissutitut nassiuppara."*

Kommuni allakkatigut 6. juni 2005-imeersutigut imatut akivoq:

"...

Akileraarutininik ernialiisarneq eqqarsaatigalugu K Kommunip allanngortitsisimaneranik inerniliinerit tunngavigalugu ajuusaarutigineqassaaq kommuni ilinnut siusinnerusukkut nassuiaatimini naammattumik erseqqarissuseqartumik allassimagunangimmat.

K Kommunip qanoq ilisukkulluunniit A-tut akileraarutininut akiitsunik ernialersuiningitsortarsimangilaq – kommunilu naatsorsuuserivimmi allaaserineqartutut ajornartorsiuteqarallarmat – aningaasaqarnermik ingerlatseriaatsimi ingerlaannartumik ernialeeriaaseq atorneqarsimangilaq, tassungali taarsiullugu - suliani ataasiakkaani kingusinaartumik akiliisoqarsimanersoq misissoreerlugu – ”assaannarmik” ernialersuisoqartarluni.

K Kommunip paasinninnera unaavoq, tamannalu Kalaallit Nunaanni Namminersornerullutik Oqartussanut uppersartinneqarsimavoq, A-tut akileraarutininik unerartinneqartunik kingusinaartumik akiliisoqarnerani akileraartarneq pillugu aalajangersakkat kommunip saneqqussinnaangikkai.

Kommunip naatsorsuuserivia A-tut akileraarutininik piffissaagallartillugu akileneqartunik naatsorsuutininut piffissaagallartillugu nalunaarsuinerimik ajornartorsiuteqarfigisaata nalaani taamaallaat suliani kingusinnaartumik akiliisoqarsimaneranik uppersaavuisinnaasuni ernialiisarsimavoq.

Taamaalilluni ”periaatsip ilimasaarutigineqanngitsumik allanngortinneqarnera” pineqanngilaq, tassami kommunip arlalitsigut (ilaatigut qaammammoortumik naatsorsuutini aqutigalugit) akileraarutit erniaannik akiliisitsiniarneq pillugu malitarsissat ilisimatitsissutigisarsimammagit, naammagittaalliortullu piffissaagallartillugu akiliisimanginnera assortorneqarsinnaangimmat kommuni isumaqarpoq ernialiinissamik siusinnerusukkut aalajangiisimanerit allanngortinnissaannut pissutissaqarani, taamaattumillu naammagittaalliortumut piumasaqaat aalajangiusimaneqarluni.

Aamma tamanna pissutigalugu kommuni isumaqarpoq suliat allat A-tut akileraarutit unerartinneqartut kingusinaartumik akileneqarsimanerannik paasisaqarfiusut tunngavigalugit suliat suliareqqilernissaannut pissutissaqanngitsoq.

Allakkat uku assilineri ilisimatitsissutitut ukununga nassiunneqarput: A kiisalu Kalaallit Nunaanni Namminersornerullutik Oqartussani Akileraartarnermi Pisortaqarfik ..." (Atorfeqarfimmi nutsigaavoq)

A-p allagai 10. juni 2005-imeersut imaattut 23. juni 2005-imi tiguakka:

"Akileraarutininik ernialiisarnermik naammagittaalliuuterput pillugu K Kommunip oqaaseqaataata assilinera tiguarput.

Erseqqilluinnartumik paasinninnerput unaavoq K Kommunip nassuiaatini allanngorteqqikkaa. K Kommunip periaatsini erseqqilluinnartumik allanngortissimavaa, pissutsilli erseqqilluinnartut pissutigalugit tamanna nassuerutigiumanagu.

Taamaattumik K Kommuni pillugu naammagittaalliuuterput suli aalajangiusimavarput, Inatsisartullu Ombudsmandiata suliamik, K Kommunip akissuteqarneratigut



inaarneqartutut isigisinnaangilluinnakkatsinnik suliarinninnerata ingerlaqqinnissaa qilaanaaraarput." (Atorfeqarfimmi nutsigaavoq)

K Kommunit 29. juni 2005-imi imatut allappunga:

"Kommunit allagai ...-mik normoqartut 9. juni 2005-imi tiguakka.

Aammattaq A-p, kommunit uannut akissumminik ilisimatissimasaanit saaf-figinnissut, assilinera ilanngullugu nassiunneqartoq, 23. juni 2005-imi tiguara.

Kommunit akissutimini ilisimatitsissutigaa akileraarutinut A-nut kingusinaar- tumik akilikkanut 2004 sioqqullugu kommunit aamma ernialisarsimasoq, tamannali kommunit "assaannarmik" suliarisarsimagaa.

Kommunit massakkut oqaatigisai pillugit oqaatigaara:

Suliamik suliarinninnut atatillugu allakkatigut 30. september 2004-meersu- tigut kommunit akissuteqarfigaanga, oqaaseqaatinni 13. april 2005-imeersumi aamma issuarneqartumi (kalaallisoortaa 13. maj 2005-imeersumi ulloqarpoq).

"Aningaasaqarnermut ingerlatsivik piffissap ilaani qarasaasiakkut ingerlatse- riatsimut nutaamut ikaarsaariarneq, allaffimmi sulisunik giro atorlugu, aningaaseri- vikku nuussinermik, aningaaserivik qarasaasiakkoortoq (netbank) aqutugalugu kommunit, akiliisumik, suunerinik, ullormik akiliivissamik il.il. eqqortumik nalunaarsuisussaasunut, nuussinernik suliaqarsinnaasunik amigaateqarneq pissuti- galugit ernialersuisimangilaq.

Piffissap matuma nalaani sulisisunut tamanut akileraarutinik A-nik kingusi- naartumik akiliisunut ernialersuisoqanngilaq.

..."

Oqaaseqaatinnit aamma erserpoq kommunit oqaaseqaataa 30. april 2004-meers- soq A-p allakkatigut 25. november 2004-meersukku oqaaseqaateqarfigigaa. Inger- latseqatigiiffik allappoq ukiuni arlalinnigortuni kommunit ernialiisimanginnera qaammammullu naatsorsuiffimmi 28. maj 2004-meersuni kingumoortumik 1. januar 2004-mit ernianik akileeqqusinera naammagittaalliummi pineqartut.

Tamanna kommunit allakkani 5. januar 2005-imeersumi oqaaseqaateqarfigaa. Al- lakkani ilaatigut oqaatigineqarpoq:

..."

Pissutsit assigiinnigitsut pissutigalugit ukiuni arlalinni kommunit ernialiisiman- ngimmat ilumoorpoq."

Kommunit uannut akissutaata kingulliup kommunit akissutaanut siullermut naapertuutinniginnera eqqarsaatigalugu kommunit qinnuigaara suliami allagaatit al- laqqaarneri kommunit "assaannarmik" ernialersuineranik takutitsisut misissugas- satut uannut nassiuteqqullugit.

Suliami allagaatit taakku misissoreerukkit kommunit akissutaata kingulliup er- seqqinnerusumik nalilerneqarnera ilanngullugu suliaq uterfigeqqissavara.

Oqaaseqaatinni imaattumik inassuteqarlunga aamma eqqaasitsissutigaa:

"kommunit siunissami kontulersuisarnermini naatsorsuinerminilu peqqissaarne- rulertariaqartoq." aamma

"qaammammut naatsorsuiffiit aamma erniat immikkuualuttortaannut nassuiaatit atuisunut kommunit sapinngisamik paasiuminarnerulersinneqassasut, assersuuti-

galugu ”illup iluani ilisarnaatinik” atuinnginnikkut imaluunniit naatsorsuinerit nas-suaatitalersornerisigut.””

K Kommuni allakkatigut 14. juli 2005-imeersutigut imatut akivoq:

"Allakkavit ...-mik normoqartut 29/06-2005-imeersut tiguneqarnerat matumuuna uppernarsarneqarpoq.

Allakkanni qulaani taaneqartuni qupperneq 2 innersuussutigalugu akiitsoqartunut qulingiluanut kontot pillugit takussutissiat assersuutitut nassiunneqarput, taakkunanilu "assaannarmik" ernialiisoqarsimavoq. Mappit allagaatinik imallit nassiunneqanngikkallarput, tassami taakku akiliisitsiniartarfiup akiliisitsiniarnermi ulluinarni sulinermini sakkugimmagit, taakkulu kommunip allaffiani maani misissorusussagukkit tamanna akiliisitsiniartarfimmi ...-mut isumaqatigiissutigeqquneqarpoq.

Soorunalimi sulianik allanik peqarpoq, "assaannarmik" ernialersiffiusimasunik, kisianni suliat tamaasa pillugit allattuiffimmik naqitanngortitsinissaq ajornarpoq, taamaattumillu assersuutit arlallit kisimik saqqummersinnissaannut periarfissaqarsimavoq. Tigulaaraluni amerlanerusunik misissuiffiginninnissat kissaatigissagukku tamaaliornissaannut soorunalimi tikilluaqqusaavutit, tamannalu akiliisitsiniartarfimmut ...-mut aamma isumaqatigiissutigeqquneqarpoq.

A-p allagai 10/06-2005-imeersut eqqarsaatigalugit oqaatigineqassaaq kommunip piumasarisani aalajangiusimagai. Suliffeqarfik tamanna akuerisinnaanagu isumaqarpat suliffeqarfik eqqartuussivikkoortitseqqullugu innersuunneqartariaqarpoq.

Allakkat uku assilinerat Namminersornerullutik Oqartussani Akileraartarnermi Pisortaqarfimmut ilisimatitsissutitut nassiunneqarpoq." (Atorfeqarfimmi nutsigaa-voq)

K Kommunimut 5. oktober 2005-imi imatut allappunga:

"Ombudsmandip allagai 29. juni 2005-imeersut kommunip allakkani 14. juli 2005-imeersuni akivai.

Suliap malitseqartitsiviginissaanut aatsaat massakut periarfissaqalersimanera aallaqqaasiutitut ajuusaarutigaa.

Kontot pillugit takussutissiat kommunip suliani qulingiluanu toqqagaaniittut kommunillu ”assaannarmik” ernialiiffigineqarsimasutut oqaatigalugit Ombudsmandimut nassiussimasai misissorpakka.

Kontot pillugit takussutissianit qulingulianit taakkunannga erserpoq kommuni suliat ilaanni marlunni (... ApS aamma ... A/S pillugit suliani) akileraarutinut A-nut akilernerqartussanngorsimasunut akilernerqarsimannngitsunulli 2003-mi majimit septemberimut ernialiisimasoq.

Tamatumunnga peqatigitillugu erserpoq ernialiinerit taakku ilaat 2002-mut tunngasusut.

Ernialiineq qanoq iliorluni pisimanersoq suliffeqarfiillu ernialiinernik qanoq iliorluni qangalu nalunaarfigineqarsimansut kontot pillugit takussutissiani nassiunneqartuni takuneqarsinnaanngilaq.

Suliffeqarfinit sinneruttunit arfineq marlunnit suliffeqarfiit tallimat (... , ... , ... A/S, ... ApS, aamma ... A/S) eqqarsaatigalugit kontot pillugit takussutissianit erserpoq suliffeqarfiit taakku 2004 sioqqullugu A-nut akileraarutinut piffissakkaartunik akiitsoqartarsimasut, tamatumunngali atatillugu 2004 sioqqullugu ernialiinissamut pisutissaqarsimansoq kontot pillugit takussutissiani imaaliillaannaq takuneqarsinnaani.

Tamatuma saniatigut A pillugu suliamik Ombudsmandip misissuina pillugu oqaaseqaammi 13. april 2005-imeersumi (kalaallisuaa 13. maj 2005-imeersuuvog) oqaatigineqarpoq 2004-mi ukiunilu siusinnerusuni A-nut akileraarutini kingusi-naarluni akilernerqarsimasunik 2004-mi maj sioqqullugu ernialiisoqartarsimangit-soq.

Tamakku tunngavigalugit isumaqarpunga A-nut akileraarutinit kingusinaarluni akilernerqartunut kommunip periaasia tunngavigalugu ("assaannarmik) 2004-mi maj sioqqullugu ernialiisoqartarnera kommunip uppernarsarsimangikkaa.

Tamatumunnga uiggiullugu oqaatigaara aqutsinikkut periaaseq uppernarsarne-qassappat tamatumani una piunasaqaataasoq, tassalu aqutsinermi periaatsip taassu-ma piffissap aalajangersimasumik ingerlasimasup iluani atorneqarnerata saniatigut ataasiakkaat pillugit aalajangiisarnertigut arlalitsigut inatsiseqartitsineq pillugu paasinnittarnerup aalajangersimasup malinneqarsimanera uppernarsarneqarsinnaas-asoq.

Pingaartumik tunngaviusariaqarpoq inatsiseqartitsineq pillugu paasinninnermik pineqartumik malinninneq ilaannaannut atuunnaniluunniit sukkut tamaanaartuus-sangitsaq.

Tamannaluuna tunngavigalugu Ombudsmandip kommuni allakkanimi 29. juni 2005-imeersuni qinnuigigaa suliat kommunip allagaani 6. juni 2005-imeersuni "as-sannarmik" ernialiiffigineqarsimasutut taaneqartut misissugassanngortillugit nas-siuteqqullugit.

A-nut akileraarutit kingusinaartumik akilernerqartut 2004-mi maj sioqqullugu er-nialernerqartarnerat kommunip periaaserigaa kommunip oqaatigineqartut upper-narsaasersimangimmagu kommunip naatsorsuutigisariaqarpaa kommunip periaat-siminik kingumoortumik sunniuteqartitaasumik taamaaliortussaananani allanngortitsi-manerani paasinninnini Ombudsmandip massakkut paasissutisiissutigineqartut tunngavigalugit aalajangiusimassagaa.

A eqqarsaatigalugu 2004-mi majimit ernialiisimanerup periaatsimik allanngor-titsinerunnginnerani paasinninnini kommunip allanngortinngippagu naatsorsuuti-gaara Ombudsmandi tamatumunnga uppernarsaammik erseqqissumik kommunip nassissagaa, annikinnerpaaffiatigut suliami allagaatit assilinerinik nassitsinermigut, taakkunatigullu uppernarsarlugu kommuni suliani amerlanerusuni 2004-mi maj sioqqullugu ernialiisarsimasoq, ernialiinerillu taakku kommunip suliffeqarfinnut pineqartunut nalunaarutigisarsimagai.

Kommunip tamanna uppernarsarsinnaanngippagu, taamaakkaluartorli A sulisit-sisullu allat kommunip 2004-mi kingumoortumik sunniuteqartumik ernialiiffigisi-masai eqqarsaatigalugit kommuni annertunerusumik iliuseqarniannngippat kommu-nip periaatsimik taamaaliortussaananani allanngortitsinerminik aaqiiumannginnerata Inatsisartunut Naalakkersuisunullu Ombudsmandi pillugu inatsimmi § 10 tunngavi-galugu nalunaarutigineqarnissaa Ombudsmandip isumaliutersuutigissagaa kommu-nip naatsorsuutigisariaqarpaa.

Kiisalu eqqaasitsissutigaa inassuteqaammut uunga kommunip akissutaa Om-budsmandip sulii tigusimangikkaa:

„Inassutigaa kommuni siunissami kontolersuisarnermini naatsorsuisarnermi-nilu peqqissaarnerulissasoq aamma qaammammut naatsorsuiffiit nassiunneqartut er-niallu immikkuualuttortaannut nassuiaatit nassiunneqartut atuisunut kommunimit sapinngisamik paasiuminarnerulersinneqassasut, assersuutigalugu "illup iluani ili-sarnaatinik" atuinnginnikkut imaluunniit naatsorsuinerit nassuiaatit alersornerisi-gut.""

Ukiup nalunaarusiuunneqartup naanerani K Kommunimit tusagaqanngilanga.

## 49. Akiliisitsiniarnermik suliaqarneq.

### 1. **Kommunip akileraarutinit akiitsunik akiliisitsiniarnera pillugu naammagittaalliut.**

*Kommunip 1000,- kr.-t A-p soraarnerussutisiissaanit ilanngaatigisimammagit kiisalu kommuni A-p allagaanut akissuteqarsimannngimmat A-p naammagittaalliutigaa.*

*Ombudsmandi isumaqarpoq A-p kommunimut allagai kommunip Akileraartarnermut Siunnersuisoqatigiinnut ingerlateqqissimasariaqaralarai, akileraarutaaqqittussat isumakkeerneqarnissaannik qinnuteqaatip Akileraartarnermut Siunnersuisoqatigiinnit suliarineqarnerata nalaani kommunip aalajangeeqqaarnerata sunniutaanik atuutinngikkallarnissaanik A-p qinnuteqaataatut. Ombudsmandi aamma isumaqarpoq kommunip akileraarutinit akiitsutut naatsorsorneqartut pinngitsaaliilluni akiliisitsiniarnermut A-mik aggeqqusinnginnermini isumakkeerinntoqarnissaannik qinnuteqaatip aalajangeeqqaarnerup sunniutaanik atuutsinngikkallarnissamik qinnuteqaat pillugu Akileraartarnermut Siunnersuisoqatigiit aalajangiinissaat kommunip utaqqimaarsimasariaqaralaruaa.*

*Akileraarutinit akiitsut matusissutissaannik A-p soraarnerussutisiissaanit tunniunneqartunit ilanngaassinerup inatsisinut naapertuuttuunerata pisariaqarneratut uppersarsorsorneqarsimaneranik qulakkeerisimannnginnerminik kommunip ajuusaarutiginninnera Ombudsmandip ilalerpaa.*

*Aammattaaq soraarnerussutisiat pillugit peqqussutip isumaginninnermi soraarnerussutisiat pinngitsaaliilluni akiliisitsiniutigineqarnissaannut illersugaanerannik allaaserinninnermini oqariartaatsimik "eqqartuussivitsigoortumik suliassiisutiginnineq"-mik atuinera Ombudsmandip Inatsisartunut Naalakkersuisunullu nalunaarutigaa, tak. Ombudsmandi pillugu inatsimmi § 11, naak pinngitsaaliilluni akiliisitsiniarneq Kalaallit Nunaanni inatsiseqartitsinnermi eqqartuussivikkoortumik malersuinertut pissuseqartinneqanngikkaluartoq. (J.nr. 11.10.49.10/055-04)*

A-p naammagittaalliutaa 13. april 2004-mi ullulernerqarsimasoq Naalagaaffiup Kalaallit Nunaanni Sinniisaa aqutigalugu 18. juni 2004-mi tiguara. Naammagittaalliutit taassuma A-p allagaanut 2. marts 2004-meersunut kommunip akissuteqarsimannnginneranik aamma A-p soraarnerussutisiaanik 30. marts 2004-mi tunniussinermi kommunip 1.000 kr.-nik unerartitsisimanera imaluunniit ilanngaassisimaneranik misissuinissammut pissutissaqalersippaanga.

Suliami pisimasut imaapput:

A kommunip aalajangiineratigut 27. juni 2003-meersukkut siusinaartumik soraarnerussutisiaqalersinneqarpoq, 1. april 2003 aallarnerfigalugu atuutilersumik.

A kommunimi ataatsimiititaliamut akileraarusiisartumut allakkatigut 15. oktober 2003-meersutigut qinnuteqarpoq ukiuni 1999-imit 2002-mut akileraarutininut akiitsut ernialiunneqarsimasullu katillugit 194.785,24 kr.-t isumakkeerneqaqqullugit. Qinnuteqaat A-p inuussutissarsiorsinnaanerata anikillieriarsimaneranik aamma tamatuma nassatarisaanik siusinaartumik soraarnerussutisiaqalersinneqarsimaneranik tunngavilersorneqarsimavoq.

Kommunip A allakkani 11. november 2003-meersuni imatut akivaa:

”Allakkatigut 4. november 2003 ullulernerqarsimasuni akileraarutitigut akiligassanngorsimasunik ukiuni 1999, 2000, 2001 aamma 2002-mi isertitaqarfiusuni isumakkeerneqarnissamik qinnuteqaateqarsimavutit.

Akileraartarnermut Inatsisit § 115, stk. 9 malillugu Akileraartarnermut Ataatsimiititaliaq (Skatteråd-i) akileraarutitigut akiligassanngorsimasunik kisimi isumakkeerrinnissamut pisinnaatitaaffeqarpoq, taamaattumik qinnuteqaatit ataatsimiititaliamut (Skatteråd-imut) ingerlateqqinneqarpoq aalajangiiffigineqartussatut.”

Akileraartarnermut Siunnersuisoqatigiit A allakkatigut 20. november 2003-meersutigut akivaa qinnuteqaataa suliarineqartoq.

Kommunip A allakkatigut 28. november 2003-meersutigut nukingisaarpaa 2002-mi akileraarutaaqqittussat 11.145 kr.-t akileqqullugit.

A kommunimut 2. marts 2004-mi imatut allappoq:

”Ilisimatitsissutitut ilissinnut nassiuppara Skatterådemut qinnuteqaatimma assilinera.

Siusinaartumik pensioneqalerneru pissutigalugu ulloq 19. nov. 03-mi qinnuteqarpunga isumakkeerfigineqaqqullunga, allakkama iluani takuneqarsinnaavoq qinnuteqaat siuliinni pisimasut, takuuk allakkani ulloq 19.nov.03-mi

Ilanngullugu nassiuppara Skattedirektoratimiit akissut ulloq 20.nov 03-mi j.nr. 24.-24.05-202/270541-2467 tassani takuneqarsinnaavoq qinnuteqaat tiguneqarsimasoq aammalu qinnutiga suliarineqassasoq kingusinnerusukkullu tusartinneqarumalunga.

Qinnuteqarneru pissuteqarpoq akiligassat pineqartut pillugit akilersinnaanginnaku. Takuuk nassuiaat qinnuteqaatima imarisaat.

Ilanngullugu ilisimatitsissutigissavara qulaanni pineqartut suliarineqarnerini uanniit qanoq iliortoqarsinnaangimmat, tassami inatsisartut inatsisaanni inunnik isumaginittuqarfimmi allassimasoqarmat siusinaartumik pensionisiaqarneru pissutaalluni pinngitsaaliisummik aammalu pinngitsaliinnermik qularnaveeqquusiinissaq akuersisutigineqarsinnaangimmat.

Qulaanni pineqartut pillugit ilissinnut nassiuppakka paasissutissat uannut tunngasut, neriullunga ajunngitsumik paasineqarlutik iliuuseqarfigineqassasut.”

Kommunip A allakkatigut 30. marts 2004-meersutigut 1999-imit 2002-mut akileraarutaaqqittussat, akileraarutininut ernialiussat iluarsaassinermullu akiligassiissutip 1.210,30 kr.-nik aningaasartallip, katillugit 191.472,54 kr.-

iusut 21. april 2004-mi pinngitsaaliilluni akiliisitsiniutigineqarnissaannut aggeqquaa.

A-p soraarnerussutisiaanut 30. marts 2004-mi tigusaanut allagartaliussamit, A-p assilineri naammagittalliumminut ilanngullugu nassiussaanit ersepoq soraarnerussutisiat akileraarutaaqqittussanut matussutissanik 1.000 kr.-nik ilanngarneqarsimasut.

A Naalagaaffiup Sinniisaanut 13. april 2004-mi naammagittaalliorpoq.

Tamatuma saniatigut allakkiaq akiliisitsiniartarfiup suliaataani ilaavoq, tassanngalu makku erseput:

”Suliaq aallartinneqarpoq K Kommunimi/akiliisitsiniartartup allaffiani ukioq 2004 ulloq 21. marts nal. 08:15

Akiligassalik ataani taaneqartoq kr 187.849,54-nik akileeqquneqarpoq imaluunniit nalinganut qularnaveeqquisiariaqarpoq, takuuk eqqartuussisarnermi inatsisip kapitaliisa 7-at, § 6.

Ateq: A

Inuup normua: ...

Najugaq: ...

Illoqarfik: K

Ulloq 18.05.04 tikillugu akiligassatigut kinguartoorutit ima naatsorsorneqarput:

Akiitsut suussusiat	Piffissaq:	Katillugit
RENOVATION	2. kvartal	287,30
RESTSKAT 1999	Indkomståret 1999	57.952,24
RESTSKAT 2000	Indkomståret 2000	71.467,00
RESTSKAT 2001	Indkomståret 2001	21.603,00
RESTSKAT 2002	Indkomståret 2002	11.145,00
SKATTERENTER		25.395,54
Katillugit		187.849,54

Akiliisitsiniartartup paasivaa akiligassalik ulloq 30. marts 2004 inatsisit naaperlorlugit aggersarneqartoq. Akiligassalik takkutinnigilaq:

-Suliaq aallartinneqarpoq Inatsisartut nalunaarutaat nr. 10. 26. juni 1979-imeersoq § 7 immikkoortoq 3 tunngavigalugu.

- Najuupput: Akiliisitsiniartartoq ..., uppersaasoq ....

- Akiligassalik allakkat tammatsaaliukkat atorlugit nalunaarfigineqarpoq pinngitsaaliinikkut akiliisitsiniaaneq aallartinneqassasoq ulloq 21. april 2004 nal. 10:00 najugaqarfiani. Akiligassalik arlaatigulluunniit akissuteqanngilaq aammalu akiliisitsiniartartoq piffissami qulaani taaneqartumi akiligassaqartup najugaanut saaffigininnerani akiligassalik najuussimanani.

- Eqqartuussisarnermi inatsimmi kap. 7 § 6 tunngavigalugu, illoq akiligassallip pigisaa - ..., koordinat ..., pingitsaaliinikkut tuniniarneqarsinnaaneranut siunertalimik qularnaveeqqutissatut nalunaarsorneqarpoq.

- Eqqartuussisarnermi inatsimmi kap. 7 § 22 malillugu akiligassalik eqqartuussivimmuut maalaruteqarsinnaavoq.

- Allakkiap matuma assilineri akiligassalimmut nassiunneqarpoq.

Eqqartuussisarnermi inatsip kapitaliisa 7-anni § 8, imm. 1 - pisariaqartitsinerup avaqqunneqannginnera - maluginiarneqarpoq.

Akiliisitsiniaaneq naammassineqarpoq nal. 08:25.”



Naammagittaalliuut Naalagaaffiup Sinniisaata uannut 17. juni 2004-mi nassiuppaa.

Qularnaveeqqutitut arsaarinninneq kommunip Kalaallit Nunaata Eqqartuussivianut nalunaarsugassanngorlugu ulloq taanna nalunaarutigaa, tamatumunngalu atatillugu aamma nalunaarutigalugu qularnaveeqqutitut arsaarinninneq 21. marts 2004-mi pisimasoq.

Kommunimut 23. juni 2004-mi imatut allappunga:

”Kommunip suliamik suliarinninnera pillugu naammagittaalliuut ilanngussartalik, assilnera ilanngullugu nassiunneqartoq, Naalagaaffiup Kalaallit Nunaanni Sinniisaanit tiguara. Tamatumunnga peqatigitillugu paatsoortoqaqqunagulu ilanngussat ilaasa qallunaatumut Naalagaaffiup Sinniisoqarfiani nutserneqarnerisa assilineri ilanngullugit nassiuppakka.

Naammagittaalliuuttip makkuninnga misissuinissara pissutissaqalersippaa:

- A-p allagaanut 2. marts 2004-meersunut kommunip akissuteqarsimannginnera, aamma
- A-p soraarnerussutisiaanik 30. marts 2004-mi tunniussinermi kommunip 1.000 kr.-nik unerartitsisimanera imaluunniit ilanngaassisimanera.

Kommuni qinnuigaara mappi (mappilluunniit) allagaatinik pissutsinut qulaani taaneqartunut tunngasunik imalik imallilluunniit misissugassanngorlugit uannut nassiuteqqullugit.

Kommuni tamatumunnga peqatigitillugu qinnuigaara oqaaseqaateqaqqullugu, misissuininni atugassamik.

Kommunimut malugeqqullugu oqaatigaara kommunip oqaaseqaataa A-mut taasuma isumaanik tusarniaanermi saqqummiunneqarsinnaassamat.”

Kommunip 1. juli 2004-mi imatut akivaanga:

”Inatsisartut Ombudsmandiata K Kommuni allakkatigut 23. juni 2004-meersutigit qinnuigaa A-mut akiliisitsiniarnikkut iliuuserineqarsimasut pillugit oqaaseqaateqaqqullugu, suliami allagaatinik ilaqartinneqartumik.

Aallaqqaasiullugu oqaatigineqassaaq A oktober 2003-mit 30. marts 2004-p tungaanut allakkatigut arlaleriarlugu aggersarneqartarsimammat, kommunimut akiitsui pillugit. Aggersarneqarnerminut qisuariartarsimanngilaq.

Pinngitsaaliilluni akiliisitsiniartartup pineqartoq piffissami tassani najugaanut sumiiffigisartaganullu ilisimaneqartunut ornittarsimagaluarppaa, iluatsitsisarsimananili.

A-p allagai 2. marts 2004-meersut akileraarutitigut akiitsumi isumakkeerneqar-nissaannik Akileraartarnermut Siunnersuisoqatigiinnut qinnuteqaateqarsimaneranik kommunimut ilisimmatitsissutaapput. Allakkat imaat akissuteqarnissamat pissutis-saqalersitsisimanngillat, taamaattumillu mappimut allagaatinik pineqartumut tunngasunik imalimmut ikineqaannarsimallutik.

Erseqqinnerusumik misissuinerup takutippaa A 2003-mi oktoberimiilli qaam-mammoortumik soraarnerussutisiaminit 1.000,- kr.-nik ingerlaavartumik ilanngaan-neqartarsimasoq. Taakku akileraarutitigut akiitsuinut ilanngartuutigineqarsimapput.

Akiliisitsiniartarfimmi sulisut eqqaamavaat tamanna A-p nammineq kissaatigisaa malillugu aallartinneqarsimasoq, taamaalillunilu akissarsialeriffimmut nalunaaru-tigineqarsimalluni. Taamaattorli nassuerutigineqarpoq tamatumunnga atatillugu al-lakkatigut uppernarsaasiisoqarnissaa qulakkeerneqarsimanngitsoq.

Taamaattumik A-p soraarnerussutisiaanit tunniunneqartartunit ilangaassinerup ingerlaannartumik unitsinneqarnissaa ullumikkut suliniutigaara. Tamatumunnga peqatigitillugu oqaatigineqassaaq ilanngaassisarneq 2003-mi oktoberimiilli ingerlasimammat, A-p sukkulluunniit akertilissuteqarfigisimanngisaanik, tamannalu nipangiinnarluni akuersaarnertut isigisariaqarpoq.

Aningaasat ulloq manna tikillugu unerartinneqarsimasut K Kommunip tamanna tunngavigalugu utertillugit tunniutilersaanngilai.

Suliap suliarineqarnerani atorneqarsinnaasutut nalunaarutigineqassaaq pinngitsaaliilluni akiliisitsiniartartoq A-p K-mi illuutaani 21. marts 2004-mi qularnaveeqqutitut arsaarinnissuteqarsimammat.

A-p Inatsisartut peqqussutaanni nr. 8-mi, 22. oktober 1990-imeersumi § 20 aamma Namminersornerullutik Oqartussat nalunaarutaanni nr. 48-mi, 29. oktober 1990-imeersumi § 10 innersuussutigisaqattaarpai, atuuttussaatiillugulu isumaginninnikkut soraarnerussutisiat piimasaqaatinut qularnaveeqqusiilluni arsaarinnissutitut akiliutigineqarsinnaanngitsut imaluunniit eqqartuussisutigut malersorneqaataasinnaanngitsut.

Tassani A ilumoorluinnarpoq, kisianni ataqatigiinneqarnermi tassanerpiaq kommunip qularnaveeqqutitut arsaarinninniarnermut aggeqqusinermini siunertaa paatsoorpaa, tassami pineqartup namminerisaminik aningaasaatai eqqartuussisutigut malersorneqarnermut illersugaanngimmata.

Pineqartup soraarnerussutisai pillugit iliuuseqarnissaaq kommunip sukkulluunniit siunertarisimanngilaa.

Kiisalu nalunaarutigineqassaaq immikkoortut taaneqartut eqqarsaatigalugit map-pinik allagaatinilluunniit peqanngimmat.” (Atorfeqarfimmi nutsigaavoq)

Kommunimut 7. juli 2004-mi imatut allappunga:

”Kommuni allakkani 23. juni 2004-meersuni qinnuigaara mappi (mappilluunniit) allagaatinik pissutsinut suliamik misissuininnut tunngasunik imalik/-llit uannut nassiateqqullugu/-git.

Pissutsit taakku pillugit mappinik allagaatinik imalinnik peqanngitsoq kommunip oqaatigaa.

Kommunilli tamatumunnga peqatigitillugu oqaatigaa A-p allagai 2. marts 2004-meersut mappimut allagaatinik A-mut tunngasunik imalimmut ikineqarsimasut. Kommunip aamma oqaatigaa A pinngitsaaliilluni akiliisitsiniartartumut orniguteqqullugu allakkatigut arlaleriarluni peqquneqartarsimasoq.

Taamaattumik kommuni qinnuigaara akiliisitsiniartarfup mappiutaa allagaatinik A-mut tunngasunik imalik misissugassanngorlugu nassiateqqullugu.”

Kommunip allakkani 13. juli 2004-meersuni 20. juli 2004-mi tigusanni imatut akivaanga:

”K Kommunip Inatsisartut Ombudsmandiannut akissutitut allakkamini 1. juli 2004-meersuni oqaatigaa pissutsit misissuinermi pineqartut pillugit allaganngorlugit paasissutissanik peqanngitsoq, pissutsinilu taakkunani Ombudsmandip allagaani 23. juni 2004-meersuni oqaatigineqartutut ilaatigut pineqartoq tassaavoq A-p isumaginninnermi soraarnerussutisiasaanit kommunip 1.000,- kr.-nik unerartitsisimanera.

Kommunip oqaatigeqqissavaa A-p allagai 2. marts 2004-meersut ilisimatitsilluni allakkatut suli isigineqarmata, taakkulu pillugit allakkatigut paasissutissanik allanik peqanngilaq.

Ombudsmandip allagaani 7. juli 2004-meersuni ullumikkut tiguneqartuni masakkut qinnutigineqarpoq suliaq A-mut tunngasoq tamarmi nassiunneqassasoq.

Taamaattumik allagaatit suliamiittut assilineri ilanngullugit nassiunneqarput, taamaattorli kontot pillugit naqitanngortitat, ingerlatsiviup iluani atugassatut allakkiat il.il. ilanngunneqaratik.” (Atorfeqarfimmi nutsigaavoq)

Akilerartarnermut Siunnersuisoqatigiit A allakkani 14. juli 2004-meersuni akilerarutininut akiitsut isumakkeerneqarnissaannik qinnuteqaataa pil-lugu aalajangiinermik imaattumik nalunaarfigaat:

”Qinnuteqaat

Allakkami 19/11 2003-meersumi ukiunut 1999-imut, 2000-imut, 2001-imut aamma 2002-mut akilerarutissat sinnerinut, katillugit 168.390 kr.-inut, akiligassat isumakkeerfigineqarnissaat pillugu qinnuteqaateqartoqarpoq. Aningaasarsianut angissusiliinerit maalaarutigineqarsimanngillat.

Qinnuteqaat qinnuteqaammullu tunngavilersuutit

1994-imi kræfteqarnimma paasineqarnera aammalu massakkut siusinaartumik soraarnerussutisiaqarnera tunngavilersuutigalugit akilerarutissat sinnerinut akili-gassat isumakkeerfigineqarnissaat pillugit K-p kommuniani kommissionimut akile-raarusiisartumut ulloq 15/10 2003 qinnuteqaateqarpunga.

Napparsimanera tunngavigalugu 1994-imiilli arlaleriaqalunga Danmarkimi Ka-laallillu Nunaanni suliaritittarsimavunga.

Akilerarutissat sinnerinut akiligassat ullumikkut akilersinnaanagit isumaqarfi-gaakka, tassami siusinaartumik soraarnerussutisiat kisiisa aningaasarsiarigakkit.

Napparsimavimmi journalit uannut tunngassuteqartut assilineri ilannguppakka.

Kommissionip akilerarusiisartup inassuteqaataa

Allakkami 13/11 2003-meersumi kommissionip akilerarusiisartup inassuteqaati-gaa akilerarutissat sinnerinut akiligassat isumakkeerfigineqarnissaannut qinnute-qaat akuerineqassanngitsoq.

Inassuteqaammi tunngavilersuutigineqarput,

- ukiuni 1999-miit 2002-mut qinnuteqaateqartup entreprenøritut namminersortu-tut ingerlataqarnerata nalaani akilerarutissat sinneri pinngorsimammata,

- qinnuteqaateqartoq 1/4 2003-miit siusinaartumik soraarnerussutisianik tunine-qarsimammatt allanillu aningaasarsiaqarnani,

- qinnuteqaateqartoq pigisamik aalaakkaasumik pigisaqarmat, ..., annertuumik naleqartumik,

- akiligassat qulakkeerniarlugit kommunimi akiliisitsiniartartoq illuummit akilii-sitsiniassammatt.

Suliamut tunngatillugu pissutsit eqqortut nassuiarneqarnerat aalajangiinermullu tunngavilersuutit

Qinnuteqaateqartoq ukiuni arlalinni entreprenøritut namminersortutut ingerlata-qarsimavoq. 1994-imi nappaateqartoqalererata kingorna suliffeqarfimmi suliat iki-liartortinneqarsimapput. Suliffeqarfimmi kingullermik suliaqartoqarsimavoq 2002-mi. Suliffeqarfik maanna matusimavoq matuneranilu pigisaqarsimanngilaq nale-qarsinnaasunik.

Kommuni nalunaaruteqarpoq 1999-mi aatsaat aallartittumi akilerarutininut akili-gassaqartoqalersimasoq.

Inatsisitigut tunngavigineqartut periaaserlu

Pissutsit immikkorluinnaq itsillugit Skatterådip, Kommissionip Akilerarusiisar-tup inassuteqareerneratigut, akilerartussaataitaq akilerarutissat sinnerinut tamakkii-

sumik ilaannakortumillunniit akiliinngitsoortissinnaavaa § 62 malillugu, takuuk aningaasarsianit akileraarutit pillugit inatsimmi § 115, imm. 9.

Suliamut tunngatillugu oqaaseqaatit

Kommunip akiliisitsiniartartuanut oqarasuaatikkut apeqquteqartoqarneratigut nalunaarutiginegarpoq akileraarutissat sinnerinut akiligassat illuummit ...-imit akilersinniarneqarsimangitsut, kisiannili tamanna piaartumik piimaartoq inerneralu Akileraartarnermi Pisorta qarfimmuut nalunaarutigineqarluni.

Aalajangiinissamut siunnersuut

Skatterådip allattoqarfiata Skatterådimum inassuteqaatigaa, ukiunut 1999-imut, 2000-imut, 2001-imut aamma 2002-mut akileraarutissat sinnerinut akiligassat, katillugit 168.390 kr.-nit, isumakkeerfigineqarnissaannik qinnuteqaat akuerineqassanngitsaq.

Aalajangiinermi pissutsit makku pingaartinneqarput:

- ukiumi namminersorlutit suliffeqarfimmik ingerlataqarnerpit nalaani akileraarutissat sinneri pinngorsimammata, tamannalu naapertorlugu siumoortumik nalunaarsuisoqarsimanani,

- pigisamik aalaakkaasumik pigisaqaravit, taannalu annertuumik naleqarluni.

Akileraartarnermut Siunnersuisoqatigiit aalajangiinerat

[Akileraartarnermut Siunnersuisoqatigiit 27/4 2004-mi ataatsimiinnerminni 1999-imi, 2000-imi, 2001-imi 2002-milu akileraarutaaqqittussat akilerneqartussanngorsimasut katillugit 168.390 kr.-t isumakkeerneqarnissaannik qinnuteqaatit kiisalu allattoqarfiup inassuteqaataa suliaaraat, nalunaarutigisinnaallugulu qinnuteqaat akuerineqanngitsaq. Aalajangiinermi pissutsit makku pingaartinneqarput:

Ukiumi namminersorlutit suliffeqarfimmik ingerlataqarnerpit nalaani akileraarutissat sinneri pinngorsimammata, tamannalu naapertorlugu siumoortumik nalunaarsuisoqarsimanani,

Pigisamik aalaakkaasumik pigisaqaravit, taannalu annertuumik naleqarluni.]

(Atorfeqarfimmi nutsigavaoq, allakkat nutserneqarneranni ilanngullugit nutserneqarsimannngimmat)

Ilisimatitsissutigalugu nalunaarutigineqassaaq ernianut isumakkeerfiginnittoqassappat K Kommunimi aningaasaqarnermut ataatsimiititaliaq kisimi isummersinnaammat.”

Kommunimut 27. juli 2004-mi imatut allappunga:

”Akiliisitsiniartarfiup A pillugu suliaataani suliami allagaatit arlallit assilineri 20. juli 2004-mi tiguakka.

Kommunip oqaatigaa suliami allagaatit tamarmik assilineri kommunip uannut nassiusmagai, ”konto pillugu takussutissiat, allakkiat ingerlatsiviup iluani atugasat il.il.” eqqaassanngikkaanni.

Tamanna pillugu oqaatigaara sulianik misissugassanngorlugit nassiusseqqusinikka suliami allagaatit tamarmik allaqqaarnerinik nassiusseqqusinertut paasineqassasut, matumani allakkiat ingerlatsiviup iluani atugasat taakkulu assigisaat ilanngullugit eqqarsaatigalugit, suliami allagaatit tamarmik nassinneqarnissaat pisariaqanngitsaq oqartussaasumut erseqqissumik isumaqatigiissutigisimannngikkukku.

Suliami matumani pineqartoq tassaavoq kommuni uannut oqartoq allagaatinik suliap qulaajarneqarnissaanut atorneqarsinnaasunik nassaassaqqanngitsaq.

Aamma pineqartoq tassaavoq suliami allagaatit assilinerini massakkut nassinneqartuni akiliisitsiniartarfiup Akileraartarnermut Siunnersuisoqatigiinnut oqaaseqaataa ilaasoq, kisiannili Akileraartarnermut Siunnersuisoqatigiit kommunimut tusarniaanerat ilaanani.

Tamakku tunngavigalugit isumaqarpunga suliami allagaatit allaqqaarnerisa tamarmik uannut nassiunneqarnissaannik aallaavisoq saneqqutissallugu tunngavis-saqanngitsunga.”

Kommunip akissutaa 8. september 2004-meersoq imaattoq 14. september 2004-mi tiguara:

”Inatsisartut Ombudsmandiata suliani allagaatit allaqqaarneri nassiuteqqullugit allakkani 27. juli 2004-meersuni qinnutigaa.

A-p isumaginninnermi soraarnerussutisiaanit unerartitsineq pillugu allakkatigut paasissutissaateqannginneq kommunip aalajangiusimavaa.

Suliaq naliliiffigeqqereerlugu kommuni isumaqarpoq A-p naammagittaalliuutaa eqqartuussutiniq naammassisitiniarnermi oqartussaasup illumik pigisaminik, ..., K, qularnaveeqqutitut arsaarinninneranut sammititaasoq, taamaalillunilu eqqartuussisarneq pillugu inatsimmi kapitali 7, § 22-mi pineqartunut ilaasoq, taamaattumik tamanna eqqartuussivinnit aalajangiivigineqartussaalluni, taamaattumillu A-p K-p Eqqartuussiviani suliaassanngortinneqarnissaa kommunip siunertaralugu.

Qularnaveeqqutitulli arsaarinninnermi ullut taaneqartut nikingassuteqartut paasineqarsimavoq, inatsisilerinikkullu naliliinerup kingornatigut qularnaveeqqutitut arsaarinninnerup atorunnaarsinneqarnissaa A-llu nutaamik pinngitsaaliinikkut akiliisinniarnermut aggersarneqarnissaa naleqqututut isigineqarsimavoq.

Qularnaveeqqutitut arsaarinninnerup atorunnaarsinneqarnera A-mut allakkatigut nalunaarutigineqarpoq.

Tamatumunnga peqatigitillugu Kalaallit Nunaata Eqqartuussivia qinnuigineqarpoq qularnaveeqqutitut arsaarinninneq nalunaarsorneqartoq inunnik nalunaarsuiffimmit peeqqullugu.

Taamaattumik suliap naliliivigineqarnissaa Ombudsmandip sulii kissaatigineraa kommunip qulaani taaneqartut tunngavigalugit apeqqutigissavaa.

Taama kingusitsigisumik akissuteqarneq ajuusaarutigineqassaaq, tamannalu ataani atsiortup sulinnigiffeqarsimaneranik pissuteqarpoq.” (Atorfeqarfimmi nutsigaavoq)

Kommuni 1. oktober 2004-mi imatut akivara:

”Kommunip allagai 8. september 2004-meersut tiguakka, tamatumunngalu atatil-lugu suliami allagaatit manna tikillugu saqqummiunneqarsimasut misissuataarpakka, makkulu tamatumunnga atatil-lugu oqaatigalugit:

Pissutsit A-p uannut naammagittaalliuutaani misissuiffiginiarlugit aalajangiussimasakka, allakkani 23. juni 2004-meersuni aamma oqaatigisattut makkununnga tunngasuupput:

- A-p allagai 2. marts 2004-meersut kommunip akisimanngikkai, aamma

- 1. 000 kr.-nik A-p siusinaartumik soraarnerussutisiassaanit tunniunneqartunit kommunip 30. marts 2004-mi ilanngaassisimanagera.

Taamaalillunga A-p pigisaanik qularnaveeqqusiissutitut arsaarinninnissamik kommunip aalajangiinera misissuiffiginngilara.

Immikkoortoq qulaani taaneqartoq siulleq eqqarsaatigalugu ilassutaasumik oqaatigaara allakkat 2. marts 2004-meersut kommunimut ingerlatitaasut, Akileraartarnermullu Siunnersuisoqatigiit aalajangiitinnagit pinngitsaaliissummik akiliisitsi-niartoqannginnissaanik qinnuteqaammik imaqarlutik, taamatuttaarlu A-p oqaatiga-lugu akiitsut akilersinnaanngikkini, akileraarutinullu akiitsumi isumakkeerneqarnis-

saannik qinnuteqaanni siusinaartumik soraarnerussutisiaqalersinneqarnissaminik kommunip aalajangiisimaneranik tunngaveqartoq.

Tamanna pillugu oqaatigaara aningaasarsianit akileraarutit pillugit Inatsisartut inatsisaat malittarisassanik akileraartarnermi oqartussaasut imaluunniit akiliitsitsiniartarnermi oqartussaasut (allat) innuttaasumit akileraarutaaqqittussat isumakkeerneqarnissaannik qinnuteqartoqartillugu akiliinissamik kinguartitsinissamut toqqartumik piginnaatitsisunik imaqanngitsoq.

Isumakkeerininnissamulli pisinnaatitaaneq Akileraartarnermut Siunnersuisoqatigiinniippoq, taamaattumillu isumaqarpunga akiliinissap kinguartinnissaanik apeqqut Akileraartarnermut Siunnersuisoqatigiinnut saqqummiutissallugu kommuni tunngavissaqarsimanersoq erseqqinnerusumik misissortariaqariga.

Aammattaq siusinaartumik pensionisiat inummullu tapit il.il. pillugit Namminersornerullutik Oqartussat nalunaarutaanni nr. 41-mi, 14. december 2001-imeersumi § 11, imm. 2-mit makku erserput:

”Kommunalbestyrelsip akiitsunut akiliutissanik inummut tapiliisoqarnissaa akuersissutigisinnaavaa, aningaasartuutinut ingerlaavartunut aalajangersimasunut akiitsut piffissami pensionisianik tunniussiviusarsimasumi akiliisinnaassuseqannginneq pissutigalugu pilersimappata.”

Taamaattumik allakkat pineqartut inummut tapinik qinnuteqaatit suliarissallugit kommuni pissutissaqarsimanersoq aamma misissorpara.

Immikkoortut aappaannut atatillugu oqaatigaara pisortanit pensionisiat pillugit Inatsisartut peqqussutaanni nr. 10-mi, 30. oktober 1998-imeersumi § 26-mit erserput:

”§ 26. Pisortanit pensionisiat arsaarinnissutitut akiliutigitinneqarsinnaanngillat inatsiseqartitsinikkulluunniit malersorneqaataasinnaanatik. Tamakku pillugit isumaqatigiissutit atortussaassuseqanngillat.”

Akissarsianit unerartitsineq ilanngaassinerluunniit pineqartoq aalajangersakkamut tassunga assortuuttuunersoq tamatumunnga atatillugu misissorpara.

Taamaattumik immikkoortuni qulaani taaneqartuni sulianik kommunip suliarininneranik misissuisinnaassaguma suliami allagaatit suliamut attuumassuteqartut tamarmik allaqqaarnerinik tigusaqarnissara pisariaqarpoq, tassalu makkuninnga:

- akiliitsitsiniartarfiup A pillugu suliaataa,
- akileraaruseriviup A pillugu suliaataa (suliat arlallit pigineqarpata ukiut isertiqaarfusut 1999-2002 pillugit suliat nassiuteqqakka)
- isumaginninnermik ingerlatsiviup A-p siusinaartumik soraarnerussutisiaqarnera pillugu suliaataa.

Kommuni suillermik paasisstisseeqqugakkuli piffissaq manna tikillugu ingerlasimasoq isiginiarlugu kommuni qinnuigaara suliat pineqartut misissugassanngorlugit uannut piaarnerpaamik nassiuteqqullugit.”

Kommunip allakkani 11. oktober 2004-meersuni imatut akivaanga:

”Allakkani 1. oktober 2004-meersuni qinnutigineqartutut akileraaruseriffimmi akiliitsitsiniartarfirmilu allagaatit allaqqaarneri matumuuna nassiunneqarput. Akiliitsitsiniartarfiup allagaataasa ilai tassaapput allagaatit assilineri.

Isumaginninnermik ingerlatsivik suliami allagaatinik tunniusseqqusininnut qisuariarsimangilaq, taamaattumillu isumaginninnermik ingerlatsivimmi pisortaa-

gallartoq ornillugu attaveqarfigisimavara, isumaginninnermillu ingerlatsiviup suliami allagaataasa immikkut nassiuunneqarnissaat taassuma piaarnerpaamik isumagis-savaa.

A-p allagai 2. marts 2004-meersut eqqarsaatigalugit taakku A-p akileraarutitut akiitsumi isumakkeerneqarnissaannik Akileraartarnermut Siunnersuisoqatigiinnut qinnuteqarsimanerminik, tamannalu tunngavigalugu akiliisitsiniarnermik iliuse-qarfigineqannginnissaminik kissaateqarnerminik ilisimatitsissutaasutut isigineqarnerat kommunip aaljangiusimavaa.

Akileraarusiinerup naammagittaalliuutigineqarneranut atatillugu akiliinngikkallarnissamik akuersissuteqarnissaq pillugu apeqqut akileraartarneq pillugu inatsimmi kapitali 5, § 67-imik tunngaveqarpoq, Akileraartarnermullu Siunnersuisoqatigiit kisimik taamaalioarsinnaatitaallutik. Taamaattorli akiliinngikkallarnissamik qinnuteqartoqarsimanissaa pisumasaqaataavoq.

Akileraarutaqqittussat isumakkeerneqarnissaannik qinnuteqarnermut atatillugu ataatsimiititaliaq akileraarusiisartoq isumakkeerinninnissaq kisiat eqqarsaatigalugu taamaallaat inassuteqaateqarsinnaavoq, tak. akileraartarneq pillugu inatsimmi § 115, imm. 9, Akileraartarnermullu Siunnersuisoqatigiit akiliinngikkallartoqarnissaannik aaljangiisussaallutik.

Tamakku tunngavigalugit akiliinngikkallarnissamik apeqqutip Akileraartarnermut Siunnersuisoqatigiinnut saqqummiunissaa pisussaaffiginagu kommuni isumaqarpoq.

Ilisimatitsissutitut oqaatigineqarsinnaavoq kommunip ilisimammagu inuk namminersortutut inuussutissarsiornerup kingunerisaanik akileraarutaqqittussannorsimasut isumakkeerneqarnissaannik qinnuteqarsimappat suliap suliarineqarnerata nalaani Akileraartarnermut Siunnersuisoqatigiit aningaaseriviup qularnaveeqqusiinisaanik imaluunniit allatigut qularnaveeqqusiisoqarnissaanik piunasaqaateqarajut-tartut.

Erseqqissumik misissuinerup kingornatigut kommunip oqaatigisariaqarjaa A-p isumaginninnermi siusinaartumik soraarnerussutisianit ilanngaanneqarnera pineqar-tup nammineq suliniuteqarneranik tunngaveqarunartoq, tassami ilanngaassinissaq soraarnerussutisialeriffimmit nalunaarutigineqarsimammat. Tamatumunnga allak-tatigut uppersaatissat ajoraluartumik pigineqanngillat.

Taamaattorli oqaatigineqassaaq soraarnerussutisialeriffik taamatut nammineq suliniuneqarnermigut nalunaaruteqanngisaannarmat, tassami isumaginninnermi so-raarnerussutisiatut tunniunneqartut inatsisitigut illersugaanerat soraarnerussutisia-leriffiup nalunngimmagu.

Siusinaartumik pensionisiat inummullu tapit il.il. pillugit Namminersornerullutik Oqartussat nalunaarutaanni nr. 41-mi, 14. december 2001-imeersumi § 11, imm. 2 eqqarsaatigalugu kommunip oqaatigiinnassavaa A-p akiitsui isumaginninnermi siusinaartumik soraarnerussutisiaqalersitsineq sioqqullugu pilersimammata, tassaane-rullutillu akileraarutitut akiitsut. Aammattaaq kommunip paasinninnera unaavoq akileraarutit ingerlaavartumik aningaasartuutitut isigineqarsinnaanngitsut.” (Ato-feqarfimmi nutsigaavoq)

Tusarniaalluni allakkat assigiinnik oqaasertalersugaasut imaattut Ilaqu-tariinnermut Pisorta qarfirmut aamma Akileraartarnermi Pisorta qarfirmut 14. december 2004-mi nassiuppakka:

”Soraarnerussutisianut sammitinneqartumik pinngitsaaliinikkut akiliisitsiniar-tarnerup inerteqqutaanera pillugu aningaasarsianit akileraarutit pillugit Inatsisartut inatsisaanni § 81, imm. 4-p pisortanit pensionisiat pillugit Inatsisartut peqqus-



sutaanni § 18-imut sanilliullugu qanoq paasineqarnissaanik apeqquut pillugu ...-mik oqarasuaatikku 26. november 2004-mi oqaloqateqarninnut nangissutitut isumaqar-simavunga eqqornerpaassasoq pisortaqaarfik qinnuigigukku naammagittaalliut pil-lugu suliamik apeqquutip taassuma atuuffianik suliarinninninni atugassatut allakka-tigut oqaaseqaateqaqqullugu.

Taamaattumik pisortaqaarfik qinnuigaara manna pillugu nassuiaateqaqqullugu, tassalu pisortaqaarfik isumaqarnersoq akileraarutinut akiitsut aningaasarsianit akile-raarutit pillugit inatsimmi § 81, imm. 4 tunngavigalugu isumaginninnermi soraarne-russutisianit unerartitsissutigineqarsinnaanngitsut.”

Ilaqutariinnermut Pisortaqaarfiup 26. januar 2005-imi imatut akivaanga:

”Pisortanit pensionisiat pillugit Inatsisartut peqqussutaanni nr. 9-mi, 15. april 2003-meersumi soraarnerussutisiatut tunniunneqartartut qularnaveeqqutitut ar-saarinnissutigineqarnissaminnut allatigullu eqqartuussivikkut malersuissutigineqar-nissaminnut § 18-ikkut illersugaapput.

Aalajangersagaq taanna aningaasarsianit akileraarutit pillugit inatsimmi § 81, imm. 4-mut assortuuttuosorinarpoq, tassuunarpiarmi soraarnerussutisiatut naala-gaaffiup karsianit tunniunneqartartut pinngitsaaliinikkut akiliisitsiniutigineqarnis-annut inatsisitigut tunngavissaliisoqarmat.

Tamanna soorunalimi pitsaasuunngilaq, kisianni aningaasarsianit akileraaarutit pillugit inatsit ataatsimoortumik inatsisiliomerummat, soraarnerussutisiali pillugit peqqussut immikkut inatsisiliomerulluni soraarnerussutisiat pillugit peqqussut sal-liutinneqartussaavoq, taamaalilluni suliaasaqarfimmi tassani inatsiseqartitsinermi suut atuuttussaanerannut aalajangiisuusussaalluni.” (Atorfeqarfimmi nutsigaavoq)

Akileraarnermi Pisortaqaarfiup 1. februar 2005-imi imatut akivaanga:

”Ombudsmandip Akileraarnermi Pisortaqaarfik allakkani 14. december 2004-meersuni qinnuigaa naammagittaalliummik suliaq pillugu oqaaseqaateqaqqullugu, tassalu Akileraarnermi Pisortaqaarfik isumaqarnersoq akileraarutinut akiitsut ani-ngaasarsianit akileraarutit pillugit inatsimmi § 81, imm. 4 tunngavigalugu isumagin-ninnermi soraarnerussutisianit unerartitsissutigineqarsinnaanngitsut.

Aammattaq Ombudsmandip oqaatigaa qinnutigisaq taassuma pissuseqataa Ila-qutariinnermut Pisortaqaarfimmut soraarnerussutisiat pillugit inatsiseqartitsinermi oqartussaasumut nassiunneqarsimasoq.

Ombudsmandi tamakku tunngavigalugit nalunaarfigineqassaaq utaqqinermi ani-ngaasarsianit, soraarnerussutisianit taakkulu assigisaannik ikiorsiissutinit akileraa-rutinut akiitsut matusissutissaannik unerartitsisinnaaneq pillugu aalajangersagaq kommunimut akileraarutit pillugit Kalaallit Nunaannut inatsimmi 1. august 1974-imeersuni § 76, imm. 4-tut ikkunneqaqqaarsimasoq, aningaasarsianillu akileraarutit pillugit inatsimmi nr. 5-imi, 19. maj 1979-imeersuni § 81, imm. 4-kkut ingerlateq-qinneqarsimasoq.

Isumaginninnikkut pensionit utoqqarnillu paaqqinniffiit il.il. pillugit Inatsisartut peqqussutaanni nr. 18-imi, 22. oktober 1990-imeersuni aalajangersagaq § 20, imm. 1-imi ikkunneqarpoq, tassuuna aalajangersarneqarluni isumaginninnikkut pensioni-nit piunasaqaatit arsaarinnissutitut akiliutigineqarsinnaanngitsut imaluunniit eq-qartuussitsivitsigut malersuutigineqarsinnaanngitsut, kiisalu piunasaqaatinut isu-maqatigiissutit taamaattut assigisaalluunniit atortussaassuseqanngitsut. Aalajanger-sagaq taanna pisortanit pensionisiat pillugu Inatsisartut peqqussutaanni nr. 9-mi, 15. maj 2003-meersuni § 18-ikkut ingerlateqqinneqarsimavoq.

Taamaalilluni Akileraartarnermi Pisortaqarfiup paasinninnera unaavoq isumagininnermi soraarnerussutisianit Inatsisartut peqqussutaanni taaneqartuni pineqartunut ilaatinneqartunit akileraarutinit akiitsunut matusissutissanik unerartitsinissamut 1. januar 1991-ip kingornatigut inatsisitigut tunngavissaqarsimanngitsoq.

Taamaattumik aningaasarsianit akileraarutit pillugit inatsimmi § 81, imm. 4-kkut aalajangersagaq taamaallaat soraarnerussutisianut pisortanit pensionisiat pillugit Inatsisartut peqqussutaanni pineqartunut ilaatinneqanngitsunut sunniuteqarpoq.” (Atorfeqarfimmi nutsigaavoq)

*Tamatuma kingornatigut imaattunik oqaaseqaateqarpunga:*

*"A-p kommunimut allagai 2. marts 2004-meersut pillugit.*

*Kommuni isumaqatigaara oqarmat allakkat taakku A-p akileraarutinit akiitsut isumakkeernejarnissaannik Akileraartarnermut Siunnersuisoqatigiinnut qinnuteqarsimaneranik kommunimut ilisimatitsissummik imaqartut.*

*Isumaqarpungali allakkani immikkoortoq kingulleq suliaq Akileraartarnermut Siunnersuisoqatigiinnit suliarineqarallartillugu pinngitsaaliissummik akiliitsiniarnerup aallartinneqannginnissaanik aamma A-p soraarnerussutisiaasa pinngitsaaliinikkut akiliisitsiniutigineqannginnissaanik qinnuteqaatit paasisariaqartoq.*

*Isumakkeerinninnissamut pisinnaatitaaneq pillugu apeqqt eqqarsaatigalugu pisinnaatitaanerup taassuma Akileraartarnermut Siunnersuisoqatigiinniinneranik kommunip paasinninnera ilalersinnaavara, tak. akileraartarnej pillugu inatsimmi § 115, imm. 9.*

*Uanga paasinninnera unaavoq isumakkeerinninnissamik qinnuteqaat taanna suliap suliarineqarnerani akiliisitsiniartoqanngikkallarnissaanut tunngaviutinneqarsinnaanersoq Akileraartarnermut Siunnersuisoqatigiit pisinnaatitaanerup taassuma nassatarisaanik aamma isummerfigisinnagaat. Akileraartarnej pillugu inatsisip isumakkeerinninnissamik qinnuteqaatit suliani akiliisitsiniartoqanngikkallarnejarnissaanik isummernissamut Siunnersuisoqatigiit pisinnaatinneqarnerat pillugu malittarisassanik erseqqivissunik imaqannginnera Siunnersuisoqatigiit isummernissamut taamatut pisinnaatinneqannginnerattut paasineqartariaqanngilaq, pisinnaatitaanerlu<sup>2</sup> pillugu apeqqt Akileraartarnermut Siunnersuisoqatigiinnit namminernit aalajangiiffigineqartariaqarpoq.*

*Taamaattumik akiliisitsiniartoqanngikkallarnissaanik qinnuteqaat kommunip Akileraartarnermut Siunnersuisoqatigiinnut aalajangiiffigisassanngorlugu taamanili nassiussimasariaqaraluarpa, tak. suliassat suliarineqartarnerat pillugu inatsimmi § 7, imm. 2.*

---

2. Tak. Hans Gammeltoft-Hansenip allallu atuakkiaanni “Forvaltningsret”-imi, Jurist- og Økonomforbudets Forlag, 2002-mi aappasaanik naqiterneqartumi qupperneq 985.

*Kommuni akileraarutinut akiitsunut isumakkeerneqarsimangitsunut akisussaasutut, tak. akileraarutit akiligassat kommunit landskarsillu akornanni isumannaarneqartarneri pillugit Namminersornerullutik Oqartussat nalunaarutaanni nr. 15-imi, 15. juni 1995-imeersumi § 10, inatsisikkut imikkut tunngavissaqarnani akiliisitsiniartoqanngikkallarnissaanik isummerfiginnissinnaanersoq matumani isummerfigissallugu pisariaqartutut isiginngilara.*

*Pisassarisat pinngitsaaliinikkut naammassinniffiginiarneqarnissaannut akisussaaffik allaffissornikkut aqutsinermi suliasstat kommunimiimmat ingerlatsineq pillugu inatsiseqartitsinermi malittarisassat nalinginnaasut nassataraat suliap aalajangiiffigineqannginnerani oqartussaasut suliap paasissutissartalersorneqarnissaanut pisussaaffeqarnerat, tassanilu Kalaallit Nunaanni inatsiseqartitsineq malillugu qularnaveeqqutitut arsaarinnittoqarnissaanik aalajangiineq aamma ilaavoq. Pisuni taamaattuni kommunip suliamik paasissutissartalersuinerani apeqqutit pinngitsaaliilluni akiliisitsiniarnermut pingaaruteqartut inatsisimmi oqartussaasunut allanut isumagisassanngortinneqarsimangitsut ilaatinneqarput.*

*Pisumi matumani, A-p kommunimut allagai 4. marts 2004-meersut mallugit, A-p akileraarutinut akiitsut isumakkeerneqarnissaannik qinnuteqarsimanera, isumakkeerinninnissamillu qinnuteqaatip suliarineqarnerata nalaani pinngitsaaliilluni akiliisitsiniartoqannginnissaanik A-p kissaateqarnera kommunip nalunngilaa.*

*Taamaattumik isumaqarpunga kommunip A-mik 30. marts 2004-mi pinngitsaaliilluni akiliisitsiniarnermut aggeqqusinnginnermini isumakkeerinninnissamik qinnuteqaatip akiliisitsiniartoqanngikkallaarnissaanik nassataqartinneqarnissaanik aalajangiisoqarnissaa utaqqimaarsimasariaqaraluaara.*

*A-p soraarnerussutisiassaatur tunniunneqartunit unerartitsineq imaluunniit ilanngaassineq pillugu.*

*A-p soraarnerussutisiassaatur 30. marts 2004-mi tunniunneqartunit kommunip 1.000 kr.-nik ilanngaassisimanagera uppenarsaatissaqarpoq. Ilangaatigineqartut taakku soraarnerussutisiassaatur tunniunneqartut allagartaanni "restskat"-inik taaneqarsimapput.*

*Kommunip uannut akissummini 1. juli 2004-meersumi oqaatigaa kommuni tamatuma saniatigut oktober 2003-miilli A-p soraarnerussutisiassaatur qaammammut tunniunneqartartunit 1.000 kr.-nik ilanngaassisarimasoq, aningaasallu taakku A-p akileraarutinut akiitsuisa matusissutisaattut atorineqartartut, kommunillu oqaatigalugu ilanngaassisarneq tamanna A-p nammineq suliniuteqarnera soraarnerussutisialeriffimmit kommunimut nalunaarutigineqarsimasoq tunngavigalugu aallartinneqarsimasoq.*

*Tamatuma kingornatigut oqaatigaara:*

*Pisortanit pensionisiat pillugit Inatsisartut peqqussuttaanni nr. 9-mi, 15. april 2003-meersumi § 18-imit erserpoq:*

*”Pisortanit pensionisiat arsaarinnissutitut akiliutigitinneqarsinnaanngillat allatulluunniit eqqartuussivitsigoortumik suliassiissuteqarnermi tunngavigineqarsinnaanatik. Taamatut isumaqatigiissuteqarnerit atorsinnaassuseqanngillat.”*

*Peqqussutissatut siunnersuut pillugu oqaaseqaatini oqaaseqaatit imaatut aalajangersakkamut tassunga atatinneqarput:*

*”Aalajangersakkap isumannaassavaa pensionisianut, pensionisiallip pilersornissaminut tunngavigisaanut, eqqunngitsumik akuleruttoqannginnissaa.”*

*Soraarnerussutisiat pillugit peqqussummi aalajangersakkamit ersingilaq akileraartarneq pillugu inatsimmi § 81, imm. 4-mi, tak. imm. 1, akileraarutininut akiitsunut soraarnerussutisianit il.il. unerartitsinissamut immikkut tunngavissaq taanna soraarnerussutisiat pillugit peqqussummi § 18 apeqqutaatinagu isumaginninnermi soraarnerussutisiat pinngitsaaliinik-kut akiliisitsiniutigineqarneranni atorineqassasoq tunngavigineqarnerisoq.*

*Taamaattumik Ilaqutariinnermut Pisortaqaarfik aamma Akileraartarnermi Pisortaqaarfik apeqqut taanna pillugu qulaani issuarneqartutut oqaaseqaateqartippakka.*

*Pisortaqaarfinnit marlunnit taakkunannga akissutit tigusakka isiginiarlugit, aamma soraarnerussutisiat pinngitsaaliissummik naammassinninniu-tigineqarnissaannut peqqussummi § 18-ikkut aalajangersarneqartumik illersorneqarnerannut akileraarutininut akiitsunik akiliisitsiniutigineqarnissaannut illersuineq ilaatinneqassannginnerisoq soraarnerussutisiat pillugit peqqussummit imaluunniit taassuminnga piareersaanermi sulianit takuneqarsinnaanngimmat tunngaviutippara isumaginninnikkut pensionit utoqqarnillu paaqqinniffiit il.il. Inatsisartut peqqussutaata nr. 8-p, 22. oktober 1990-imeersup akuerineqarnerani, aamma isumaginninnermi soraarnerussutisiat pillugit peqqussutit kingusinnerusukkumeersut akuerineqarnerini isumaginninnermi soraarnerussutisiat pinngitsaaliilluni naammassinninniarfigineqarnissaannut, aamma akileraarutininut akiitsunut pinngitsaaliinikkut akiliisitsiniutigineqarnissaannut illersorluinnarneqarnissaat Inatsisartut siunertarisimagaat.*

*Kommunip suliame matumani oqaatigaa A-p soraarnerussutisiaanit ilanngaassisarneq A-p nammineq suliniuteqarneratigut pisimasoq, kommunillu tamanna uppersarsinnaanngikkaa, tamannalu kommunip ajuusaarutigigaa.*

*Kommunip ajuusaarutiginninnera ilalersinnaavara, tassami ilanngaassisarnerup inatsisinut naapertuuttuunerata uppersaaserneqarnissaa kommunip pisussaaffigimmagu.*

*Apeqqutaalersoq tassaavoq akileraarutinut akiitsunut matusissutissat soraarnerussutisiassatut tunniunneqartartutigut akilernerqarsimasut utertillugit akilernerqarnissaat A-p piumasaqaatigisinnaaneraa.*

*Apeqqut taanna pillugu kommuni A eqqarsaatigalugu aalajangiisimangilaq, tassami kommuni apeqqut taanna pillugu allakkamini 1. juni 2004-meersuni uannut taamaallaat oqaaseqaateqarsimammat.*

*Taamaattumik isumaqarpunga utertitsilluni akiliisoqarnissaanik apeqqut pillugu oqaaseqaateqartariaqanngitsunga, tassami A-p kommuni qinnuigisariaqarmagu apeqqut taanna pillugu aalajangeeqqullugu, apeqqutip taassuma uannit suliarineqarsinnaalinninnerani.*

*Naggasiutaasumik oqaaseqaatikka.*

*Kommuni uannut paasissutissiissutigineqartut malillugit A-p naamma-gittaalliutaataa uannut tunniunneqarnerata kingornatigut qularnaveeqqusiissutitut arsaarinnitoqarnissaanik aalajangiisimammat A-p illuutaanik qularnaveeqqutitut arsaarinninnermut atatillugu kommunip suliamik suliarinninnera misissorsimangilara.*

*Taamaattorli soraarnerussutisiat pillugit peqqussutip isumaginninnermi soraarnerussutisiat pinngitsaaliilluni akiliisitsiniutigineqarnissaannut ilersugaaneranni oqariartaatsimik "eqqartuussivikkoortumik malersuineq"-nik § 18-imi atuinera Inatsisartunut Naalakkersuisunullu nalunaarutigissallugu toqqarpara, tak. Ombudsmandi pillugu inatsimmi § 11, tassami Kalaallit Nunaanni inatsiseqartsineq malillugu pinngitsaaliilluni akiliisitsiniarnerit tamarmik, matumani eqqartuussisarneq pillugu inatsit malillugu akiliisitsiniarneq ilanngullugu eqqarsaatigalugu, allaffissornermi aqutsinikkoortumik suliaassammata, eqqartuussivikkoortumillu malersuinertertut pissuseqarnatik.*

*A allakkatigut allatigut allakkat uku assilinerannik ilaqartinneqartutigut suliamik paasinninninnik ilisimatippara."*

Soraarnerussutisiat pillugit peqqussummi § 18-imi oqaatsini atorneqartuni kukkuneq pillugu nalunaarutinnut 24. februar 2005-imeersumut akissuteqartoqarnissaa Kalaallit Nunaanni Naalakkersuisunut allakkatigut 18. juli 2005-imeersutigut eqqaasitsissutigaa.

Ilaqtariinnermut Pisortaqarfik allakkatigut 23. august 2005-imeersutigut imatut akivoq:

"Inatsisartut Ombudsmandiata Ilaqtariinnermut Pisortaqarfik allakkatigut 8. februar 2005-imeersutigut qinnuigaa pisortanit pensionisiat pillugut Inatsisartut peqqussutaanni § 7-ip allannguutissaatut siunnersuut pisortaqarfiup qaqugu saq-qummiunniarneraa ilisimatitssutigeqqullugu.

Inatsisartut Ombudsmandiata Ilaqtariinnermut Pisortaqarfik akissuteqaqqullugu allakkatigut 20. juni 2005-imeersutigut nukingisaarpaa.

Inatsisartut Ombudsmandiata Kalaallit Nunaanni Naalakkersuisut allakkatigut 18. juli 2005-imeersutigut qinnuigai pisortanit pensionisiat pillugit Inatsisartut

peqqussutaanni § 18-imi oqaatsini atorneqartuni kukkuneq Naalakkersuisut qanoq iliuseqarfiginiaarneraat paasissutissiissutigeqqullugu.

Allakkat taakku Naalakkersuisut Ilaqutariinnermut Pisorta qarfirmut iliuseqarfisassanngortillugit ingerlateqqippai.

Ilaqutariinnermut Pisorta qarfiup nalunaarutigisinnaavaa soraarnerussutisianut tunngasuni malittarisassat allanngortiterneqassasut. Ombudsmandip oqaaseqaatai suliami tassani ilanngunneqassapput. Taamaattorli piffissaq pisortanit pensionisiat pillugit Inatsisartut peqqussutissaattut nutaatut siunnersuutip saqqummiunneqarfisaa suli aalajangersarneqarsimanngilaq." (Atorfeqarfimmi nutsigaavoq)

Ilaqutariinnermut Pisorta qarfik allakkatigut 6. september 2005-imeersutigut imatut nalunaarfigaara:

"Inatsisartut Ombudsmandiat pillugu inatsimmi § 11 malillugu pisortanit pensionisiat pillugit Inatsisartut peqqussutaanni § 18-imut tunngatillugu Naalakkersuisunut nalunaarutigaa 24. februar 2005-imeersaq Pisorta qarfiup allakkatigut 23. august 2005-imeersutigut akissuteqarfigaa.

Paasivara Naalakkersuisut inatsisinik iluarsaasseqqinnermi oqaaseqaatika eqqarsaatiginiaraat.

Inatsisinik iluarsaaqqinnerup naammassineqarnissaata tungaanut pisortanit pensionisiat pillugit peqqussummi § 18 imatut paasivara, Kalaallit Nunaanni pinngitsaaliissummik akiliisitsiniarsinnaatitaanermik aaqqiisummi atuuttumi pinngitsaaliissummik akiliisitsiniarsinnaatitaaneq tunngaviusumik eqqartuussivikkut malersuinertut isigissallugu tunngavissaqanngitsaq.

Tamatuma kingorna suliami allamik iliuseqassanngilanga.

Pisortanit pensionisiat pillugit peqqussummi § 7-imut tunngatillugu pisorta qarfiup oqaaseqaatai allakkatigut immikkut akissuteqarfisavakka."

## **11.73 Nammineerluni misissuiffiginninnerit.**

### **24. Sulisunut inissiat.**

#### **1. Sulisunut inissianik innersuussisarneq.**

*Sulisunut inissianik inniminniisarneq attartornerlu pillugit Inatsisartut peqqussutaanni Inatsisartut peqqussutaatigut nr. 3-kkut, 15. april 2003-meersukkut allannguuteqartinneqartumi § 5, imm. 2 malillugu A/S Inissiatileqatigiiffik INI-p periaasia pillugu naammagittaalliuutit pingasut imminnut attuumassuteqanngitsut 2003-mi tigoreerlugit Ombudsmandi isumaqarpoq aalajangersakkap oqaasertalersugaanera malittarisassap qanoq aquneqartariaqarnera eqqarsaatigalugu ilaatigut erseqqarluttortaartoq, taamaattumillu ajornartorsiut taanna nammineerluni misissuiffiginninnermik aallartitsivigalugu.*

*Sulisut "qanoq iliornikkulluunniit sulisorisat inissiamik qanorluunniit ittumik neriorsorneqarsimasunik tamannalu uppernar-sarneqarsinnaappat sulisorisat tamatuma ilumoorullugu naam-massineqarnissaa ilimagisariaqaraat" Aqutsinermut Pisortaqarfiup isumaqarnera Ombudsmandip oqaaseqaammuni ilalerpaa, atorfinitsitsinermilu oqartussaasoq inissiamik aalajangersimasunik atorfeqartitaasup atugassinneqarnissaanik pisussaaffimmik tigussimasoq pisussaaffimmit tassannga imminut kaanngartissinnaanngilaq, attartorneq pillugu peqqussummi § 5, imm. 2-mi killiliissutitut taaneqartut innersuussutigiinnarlugit. (J.nr. 11.73.24.30/183-03)*

Ineqarnermut Attaveqatigiinnermullu Pisortaqarfimmut 6. januar 2004-mi imatut allappunga:

"Sulisunut inissianik inniminniisarneq pillugu inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 3-mi 15. april 2003-meersumi § 5, imm. 2 malillugu A/S Inissiatileqatigiiffik INI-p periaasia pillugu naammagittaalliuutit pingasut imminnut attuumassuteqanngitsut 2003-mi tiguakka.

...

Taamaattumik pisortaqarfik qinnuigaara pisortaqarfiup § 5, imm. 2-mi malittarisassap imatut atorneqarnissaa isumaliutersuutigisimanera nassuiaqqullugu, tassalu atorfeqartitaasut attartorneq pillugu peqqusutip allannguutaata 1. juni 2003-mi atuutilernera sioqqullugu sulisunut inissiamik inniminniissunneqarsimasut inniminnerneqarsimasutut angitigisumik tunineqartassasut.

Aammattaaq Ineqarnermut Attaveqarnermullu Pisortaqarfik qinnuigaara manna pillugu nassuiaateqaqqullugu, tassalu inissiamut inoqutigiit amerlassusiannik inimik ataatsimik amerlanerusunik initalimmut piffissap utaqqiffiup inissiamut inoqutigiit amerlassusiattut amerlatigisunik initalimmut piffissap utaqqiffissap qaammatit pi-



ngasut qaangerlugit sinniisimanissaanik naatsorsuutiginninneq qanoq ililluni erseq-qisummik misissorneqartarnersoq.

Tamakkua saniatigut pisortaqarfik qinnuigaara makku pillugit nassuiaateqaqqullugu, tassalu inissiamut inoqutigiit amerlassusiannit inimik ataatsimik amerlanerusunik initalimmut piffissaq utaqqiffiusoq piffissap inniminniiffiusup kingornatigut allanngortinneqarpat attartorneq pillugu peqqussummi § 5, imm. 2 atorneqartari-aqartoq pisortaqarfik isumaqarnersoq, matumani makku ilanngullugit eqqarsaatigalugit:

- Inissiamut inoqutigiit amerlassusiannit inimik ataatsimik amerlanerusunik initalimmut piffissaq utaqqiffiususaaq allanngorpat, taamaalluni piffissap innimin-niiffiusup kingornatigut inissiamut inoqutigiit amerlassusiattut amerlatigisunik initalimmut piffissaq utaqqiffiususaaq qaammatit pingasut qaangerlugit sivissuseqas-sangatinneqalerpat A/S Inissiaatileqatigiiffik INI-p inissiamik inniminnerneqartutut angitigisumik neriorsuutini tunuartissinnaassaneraa.

- Inissiamut inoqutigiit amerlassusiannit inimik ataatsimik amerlanerusunik initalimmut piffissaq utaqqiffiususaaq inissiamut inoqutigiit amerlassusiattut amerlatigisumik initalimmut utaqqiffiususaaq qaammatit pingasut qaangerlugit sivissus-silimmik sinnersimassagaa naatsorsuutigineqarunnaarpat A/S Inissiaatileqatigiiffik INI inissiamit inniminnerneqarsimasunit anginerusumik tunniussinnaassanersoq.

..."

Suliaq allakkatigut 3. februar 2004-meersutigut aamma 3. marts 2004-meersutigut eqqaasitsissutigaa.

Ineqarnermut Attaveqatigiinnermullu Pisortaqarfiup allagai 15. marts 2004-meersut imaattut 16. marts 2004-mi tiguakka:

”Pineqartoq: Sulisunut inissianik inniminniisarneq innersuussisarnerlu pillugit malittarisassat malillugit periaatsimik nammineerluni misissuiffiginninneq.

Ombudsmandip apeqquteqaataa 6. januar 2004-meersoq, ilissi j. normolu 11.73.-24.03/183-03, kiisalu eqqaasitsissutitut allakkat tulleriinneri malillugit 3. februar 2004-meersut aamma 3. marts 2004-meersut Ineqarnermut Attaveqatigiinnermullu Pisortaqarfiup tiguai.

Inatsisartut Ombudsmandiat isumaqarpoq inissianik attartorneq pillugu Inatsisartut peqqusutaanni nr. 3-mi, 15. april 2003-meersumi § 5, imm. 2-p oqaasertalersugaanera erseqqarluttortaqartoq, taamaattumillu inissianik attartorneq pillugu peqqus-summi § 5, imm. 2-mi malittarisassap atorneqarneranik nammineerluni misissuif-figinninnerup aallartinneqarnissaa Ombudsmandip toqqarsimavaa.

Pisortaqarfik qinnuigineqarpoq § 5, imm. 2-mi malittarisassap imatut atorneqarnissaa pisortaqarfiup isumaliutersuutigisimaneraa nassuiaqqullugu, tassalu atorfeqartitaasut attartorneq pillugu peqqusutip allannguutaata 1. juni 2003-mi atuutilerinera sioqqullugu sulisunut inissiamik inniminniissunneqarsimasut inniminnerneqarsimasutut angitigisumik tunineqartassasut.

Sulisunut inissianik innersuussisarneq pillugu malittarisassat Inatsisartut peqqusutaatigut nr. 3-kkut, 15. april 2003-meersukkut, 1. juni 2003-mi atortuulersukkut allanngortinneqarput. Atorfeqartitaasooq malittarisassat nutaat malillugit inissiamik inoqutigiit amerlassusaannit ataatsimik amerlanerusunik initalimmik tunineqarsinnaatitaavoq. Taamaattorli inissiamik inoqutigiit amerlassusiannit ataatsimik amerlanerusunik initalimmik aatsaat inniminniisoqarsinnaavoq inissiamik inoqutigiit amerlassusiisa amerlaqataannik initaqartumik tunineqarnissamat utaqqiffiusoq qaammatit pingasut sinnerlugit sivissuseqassanngitsoq naatsorsuutigineqarsinnaappat.

Atorfeqartitaasoq atorfinitsinneqarnernimi isumaqatigiissut malillugu ”malittarisassat sukkulluunniit atuuttut” malillugit inissaqarsinnaatitaavoq. Tamanna imatut paasineqassaaq malittarisassat sulisunut inissiap ataavartumik inigineqartussap innersuunneqarnerata nalaani atuuttut tassaasut atorneqartussat. Piffissaq sulisitsisup inissiamik inniminniissummik tunniussivia tassani sunniuteqanngilaq. Taamaalillutik atorfeqartitaasut 1. juni 2003-p kingornatigut sulisunut inissiamik innersuunneqartut tamarmik inissiamik Inatsisartut peqqussutaanni nr. 3-mi, 15. april 2003-meersumi malittarisassat malillugit innersuunneqassapput.

...” (Atorfeqarfimmi nutsigaavoq)

Ineqarnermut Attaveqatigiinnermullu Pisortaqarfik allakkani 30. marts 2004-meersuni qinnuigaara aalajangersakkap 1. juni 2003-mi atuutilernissaa sioqqullugu § 5 imm. 2-p inissianik innersuussisarnermi atorneqarneranik apeqqut pillugu itisilerutaasunik oqaaseqaateqaqqullugu.

Suliaq allakkani 27. maj 2004-meersuni, 28. juni 2004-meersuni aamma 28. juli 2004-meersuni eqqaasitsissutigaa.

Ineqarnermut Attaveqatigiinnermullu Pisortaqarfiup allagai 3. august 2004-meersut imaattut 4. august 2004-mi tiguakka:

”...

Ombudsmandip ... oqaatigaa ... tjenestemanditut isumaqatigiissutip, ataatsimut isumaqatigiissutip imaluunniit ataasiakkaanut isumaqatigiissutip malitsigisaanik inissiamik aalajangersimasumik angissusilimmik atorfillip tuninissaanut atorfinitsitsisutut oqartussaasup inatsisitigut isumaqatigiissuteqarnermigut pisussaaffimmi naammassinissaanut attartorneq pillugu peqqussut akornutaasariaqanngitsaq, taamaalilluni attartorneq pillugu peqqussummi § 1, imm. 2 aamma 5 Ombudsmandip innersuussutigai.

Qulaani taaneqartut Ombudsmandip apeqqutai atorfinitsitsinermi inatsisinut tunngasuummata taamaalillunilu pisortaqarfiup suliassaasa avataanniillutik Ombudsmandip apeqqutaasa tassunga tunngasortai aqutsinermut pisortaqarfimmit akissuteqarfigisassanngorlugit ingerlateqqinneqarput.

Naggataatigut Ombudsmandi isumaqarpoq attartorneq pillugu peqqussutip allanguutaata atuutsinneqalernerata kingorna aammalu inissiamik aalajangersimasumik angissusilimmik tunineqarnissamut atorfinitsitsisutut oqartussanik isumaqatigiissuteqarsimasunut atorfinittut atorfinitsitsisutut oqartussanik inissiamik taama ittumik tunineqarnissaminnut piumasqaateqarsinnaasut.

Atorfinitsitsisutut oqartussat malittarisassat qaqugukkulluunniit atuuttut malillugit ineqartitsinissamik isumaqatigiissuteqarsimappata atorfillit ineqartitaasussaati-taanerannik Ombudsmandip oqarnera pisortaqarfiup isumaqatigaa.”

Aqutsinermut Pisortaqarfiup allagai 12. oktober 2004-meersut imaattunik oqaasertaqartut 14. oktober 2004-mi tiguakka:

”Ineqarnermut Attaveqarnermullu Pisortaqarfiup allagaa 4. august 2004-imeersoq Aqutsinermut Pisortaqarfiup tiguaa.

...

Aqutsinermut Pisortaqarfik isumaqarpoq, qanoq iliornikkulluunniit sulisorisat inissiamik qanorluunniit ittumik neriorsorneqarsimaguni tamannalu akuerineqarsinnaappat, sulisorisat tamatuma ilumoorullugu naammassineqarsimanissaa ilimagi-

sariaqaraa. Tamanna atuuppoq, taamaalinerani suliassaqarfimmi tamatumani maleruagassanik aqutsinermilu periaasiusimasinnaasunik qanorluunniit ittunik atuut-toqarsimagaluarpat.

Taamaattumik pisorta qarfik isumaqarpoq, inuit pineqartut uppersarsinnaa-gunikku, atorfinilinninnerminni inissiamik aalajangersimasumik angissusilimmik neriorsorneqarsimallutik, neriorsuutip tamatuma naammassineqarsimanissaa pin-ningitsoorani pisimasussaasoq. Maannakkorpiaq neriorsuineq tamanna pisinnaajun-naassagaluarpat, sulisorisap pineqartup sulisorisanut inissiamik anginerusumik pis-samaarsimagaluarnerminut atatillugu iliuuserisaanut aningaasartuutaasimasinnaasut utertinneqarnissaat pisinnaavoq.

Taamaalilluni Aqutsinermut Pisorta qarfiup Inatsisartut Ombudsmandiata 30. marts 2004-mi allagaata Aqutsinermut Pisorta qarfiup suliasaanut tunngassuteqar-tortaa akissuteqarfigineqarsimasutut nalilerpaa. Pisorta qarfiup allakkap uuma as-ilinera Ineqarnermut Attaveqarnermullu Pisorta qarfimmu nassiuppaa.”

*Tamatuma kingornatigut imaattunik oqaaseqaateqarpunga:*

*”Tusarniaanermut akissutit tiguneqartut misissoreerlugit paasinnineq Aqutsinermut Pisorta qarfiup allakkani 12. oktober 2004-meersuni oqaatigisaa qulaani issuarneqartoq ilalersinnaavara.*

*Ineqarnermut Attaveqatigiinnermullu Pisorta qarfiup tusarniaanermut akissutaani 15. marts 2004-meersuni qulaani issuarneqartumi oqaatigisaaq una maluginiarpara:*

*”Atorfeqartitaasoq atorfinitsineqarnermini isumaqatigiissut malillugu ”malit-tarisassat sukkulluunniit atuuttut” malillugit inissaqarsinnaatitaavoq. Tamanna imatut paasineqassaaq malittarisassat sulisunut inissiap ataavartumik inigineqar-tussap nalaani atuuttut tassaasut atorfeqartussat. Piffissaq sulisitsisup inissiamik inniminniisummik tunniussivia tassani sunniuteqanngilaq. Taamaalillutik ator-feqartitaasut 1. juni 2003-p kingornatigut sulisunut inissiamik innersuunneqartut tamarmik inissiamik Inatsisartut peqqussutaanni nr. 3-mi, 15. april 2003-meersumi malittarisassat malillugit innersuunneqassapput.” (Atorfeqarfimmi nutsigaa-voq)*

*Atorfeqartitaasoq ”malittarisassat sukkulluunniit atuuttut” malillugit ineqarsinnaatitaassappat” sulisunut inissiamik pisinnaatitaanerup issuar-neqartup atorfinitsitsinermini atugassarititaasunit takuneqarsinnaanissaa tunngaviusariaqarpoq.*

*Inissiap angissusia pillugu atorfinitsitsinermini oqartussaasup atorfeqar-titaasumut (qilersuisuusumik) qanoq neriorsuuteqarsimanera atorfinitsit-sinermini atugassarititaasut erseqqissumik nassuiarneqarnerannik aamma tunngaveqartariaqarpoq.*

*Inissianik attartorneq pillugu peqqussummi § 5, imm. 2 imatut paasineqartariaqarpoq aalajangersagaq taanna inissianik inniminnii-nermik sorlernik inissianik piginnittuusut imaluunniit inissianik aqutsisus-sanngortinneqarsimasut akuersaarinnissallutik pisussaaffeqarnerannik taamaallaat aalajangersaaviginnittuusooq.*

*Tamanna imatut isumaqarpoq atorfinitsitsinermi oqartussaasoq pineqartoq tassaasoq atorfeqartitaasut sulisunut inissianik pissarsissunnissaannut pisussaaffiliunneqarsimasunik eqqortitsinissamut akisussaasuu-soq.*

*Taamaalilluni atorfinitsitsinermi oqartussaasoq inissiamik aalajangersimasumik atorfeqartitaasup atugassinneqarnissaanik pisussaaffimmik tiguisimasoq pisussaaffimmit tassannga imminut kaanngartissinnaanngilaq, attartorneq pillugu peqqussummi § 5, imm. 2-mi killiliissutitut taaneqartut innersuussutiginnarlugit.*

*Tamanna isiginiarlugu aamma Naalackersuisut inissianik attartorneq pillugu peqqusutissatut nutaatut siunnersuummik § 5, imm. 2-mi malit-tarisassamik ullumikkut atuuttumik ilaqanngitsumik Inatsisartut 2005-imi upernaakkut ataatsimiinnissaannut saqqummiussisimanerat isiginiarlugu isumaqarpunga aalajangersakkap taassuma qanoq paasineqarnissaanik isummerfiginissaannut aamma pissutissaqanngitsunga.*

*Aqutsinermit Pisorta qarfik aamma innuttaasut pingasut uannut naam-magittaalliorsimasut oqaaseqaatip matuma assilineranik nassippakka."*

## 25. Allat.

### 1. **Pisortaqarfiup A/S Inissiaatileqatigiiffik INI-mik nakkutillii-nera.**

*Ombudsmandi aalajangerpoq Namminersorerullutik Oqartussat inissiaataannik attartortittakkanik Inissiaatileqatigiiffiup aqutsineranut atatillugu pisortaqarfiup Inissiaatileqatigiiffik eqqarsaatigalugu pisinnaatitaanera nammineerluni misissuiffigininnermik aallartitsiviginiarlugu.*

*Misissuinerup inernilerneqarnera imaappoq Ombudsmandi isumaqartoq Inissiaatileqatigiiffimmut suliassaritinnegartut agguataarneqarnerisa erseqqarluttuunerannik Inatsisartunut aamma Naalakkersuisunut Ombudsmandi pillugu inatsimmi § 11 tunngavigalugu nalunaarutiginninnissamut tunngavissaqartoq, matumani Inissiaatileqatigiiffiup suliassaasa inissianik attartukkanik aqutsinermi, ingerlatsinermi aserfallatsaaliinermilu suliassanut aamma Namminersorerullutik Oqartussat sinnerlugit oqartussat suliassaannik suliassanut agguataarisimaneq ilanngullugu eqqarsaatigalugu, tak. inissiaatileqatigiiffimmi pilersitsinissaq pillugu Inatsisartut peqqussutaat nr. 2, 15. april 2003-meersoq.*

*Ombudsmandi aamma isumaqarpoq ingerlatsivinnut tunngasuni Naalakkersuisut Inissiaatileqatigiiffimmut isumagisassanngortitaanni oqartussaasumut qulliunerusumut naammagittaalliorsinnaanerup mattunneqarnissaa Inatsisartut siunertarisimaneraat aamma erseqqarluttut saqqummertoq.*

*Tamatumunnga peqatigitillugu Ombudsmandi matuma oqaatiginissaanut tunngavissaqarluni isumaqarpoq, tassalu Inissiaatileqatigiiffiup aalajangiinerisa pisortaqarfimmut qanoq annertutigisumik naammagittaalliuutigineqarsinnaanerisa Inatsisartut peqqussutaanni takuneqarsinnaannginnerat erseqqarluttut taaku nassatarigaat, inassuteqaatigalugulu tamanna qanoq iliuseqarnissamut pissutissaqalersitsinersoq pisortaqarfiup isumaliutersuutigissagaa.*

*Aammattaaq nakkutilliinermi pisussaaffiup taamaallaat aningaasaqarnermut ingerlatsinermullu tunngasuuneranik pisortaqarfiup paasinninnera Ombudsmandip isumaqatiginngilaa, isumaqarlunilu Inissiaatileqatigiiffiup aalajangiinera pillugu naammagittaalliuut pisortaqarfiup oqartussatut qulliunerusutut naammagittaalliorfissatut sularisassani tiguguniuk naammagittaalliuutip inissianik attartorneq pillugu peqqussummi nakkutillineq pillugu § 81-imi malittarisassat malillugit sularinissaa pisortaqarfiup toqqarsinnaanngikkaa. (J.nr. 11.73.25.05/078-05)*

Suliami pisimasut imaapput:

Pisortaqarfimmut 16. september 2005-imi imatut allappunga:

”Pisortaqarfik allakkani 16. juni 2005-imeersuni nalunaarfigaara Inissiaatileqatigiiffik pillugu naammagittaalliutininik pisortaqarfiup suliarinninneranik misissuina 2003-mi aallartinneqartoq unitsinniarlugu aalajangertunga.

Misissuinermit tassani nakkutilliinissamut pisussaaffimmik inissianik attartorneq pillugu Inatsisartut peqqussutaanni § 60 a-kkut, Inatsisartut peqqussutaanni nr. 3-mi, 15. april 2003-meersuni oqaasertalerneqarsimasukkut, Naalakkersuisunut pisussaaffiliunneqarsimasumik pisortaqarfiup ingerlatsinera aallaavigineqarpoq.

Misissuinermit taassuminnga unitsinniarlunga aalajangerpunga, inissianik attartorneq pillugu Inatsisartut peqqussutaannik nr. 2-mik, 12. maj 2005-imeersumik Inatsisartut akuerinninnerisa kingunerisaanik, peqqussummimi tassani nakkutilliinissamik pisussaaffeqarneq § 81-ikkut erseqqissarneqarsimammat.

Inissiaatileqatigiiffiup suliamik suliarinninneranik innuttaasup naammagittaalliutiginilluni saaffigininneranut atatillugu apeqqutigisannut pisortaqarfiup akissutaa, assilineri ilanngullugu nassiuunneqartoq, 29. august 2005-imi tiguara.

Pisortaqarfiup akissummi tassani oqaatigaa pisortaqarfik Inissiaatileqatigiiffiup aalajangiineri eqqarsaatigalugit oqartussaasutut qulliunerusutut naammagittaallioffissaasoq.

Tamanna tunngavigalugu aalajangerpunga Inissiaatileqatigiiffik eqqarsaatigalugu pisortaqarfiup pisinnaatitaanera nammineerluni misissuinermit aallartitsivigniarlugu, tak. Ombudsmandi pillugu inatsimmi § 6, imm. 5.

Taamatut aalajangernera Inissiaatileqatigiiffik eqqarsaatigalugu pisortaqarfiup oqartussaasutut qulliunerusutut naammagittaallioffissaaneranik nassataqartumik inatsisitigut tunngavissamik peqarnerata imaaliiallaanaq nalornissutigineqarsinnaaneranik tunngaveqarpoq.

Taamaattumik pisortaqarfik qinnuigaara Inissiaatileqatigiiffik eqqarsaatigalugu pisortaqarfiup oqartussaasutut qulliunerusutut naammagittaallioffissatut imminut isiginera eqqarsaatigalugu inatsisitigut tunngavigisaq pisortaqarfiup paasinninnerminut tunngavigisaa pillugu nassuiaateqaqqullugu.

Pisortaqarfik uannut akissuteqarnerminut atatillugu makku pillugit immikkut nassuiaateqaqqullugu qinnuigaara:

Oqartussaasutut qulliunerusutut naammagittaallioffissatut inissisimaneq inissianik attartorneq pillugu peqqussummi § 81-imi nakkutilliinermit suliasamat atatinneqarsinnaasutut pisortaqarfiup isigineraa.

Namminersornerullutik Oqartussat inissiaataannik A/S Inissiaatileqatigiiffik INI-p aqutsinera Naalakkersuisunit isumagisassanngortitsinermit tunngaveqartutut pisortaqarfiup isigineraa.“

Pisortaqarfiup allakkani 23. september 2005-imeersuni akivaanga:

”Ineqarnermut Attaveqarnermullu Pisortaqarfiup allakkatit qulaani taaneqartumut tunngassuteqartut 16. september 2005-imeersut qujassutigai saaffiginissutillu matumuuna akissallugu.

Inissianik attartorneq pillugu Inatsisartut peqqussutaanni nr. 2-mi 12. maj 2005-imeersumi kapitali 13 naapertorlugu Naalakkersuisut A/S Inissiaatileqatigiiffik INI-mut nakkutilliinissaminut pisussaataapput. Nakkutilliineq ingerlatseqatigiiffiup ingerlatitaaneranut namminermit tunngatinneqarpoq - tassa imaappoq aningaasaqarnermut missingersuusianullu kiisalu naatsorsuuteqarnermut tunngasunut.

§ 81-imi imm. 3-mi, imm. 1 naapertorlugu erseqqissarneqarpoq tamatumani A/S Inissiaatileqatigiiffik INI-mut aningaasaqarnikkut nakkutilliisussaataitaneq pineqartoq. Tamanna aamma § 81-imut oqaaseqaatitigut taperserneqarpoq.

Aningaasaqarnikkut nakkutilliisussaataitanerup saniatigut Naalakkersuisut aalajangiinernik pingaaruteqartunik (suliassanik ingerlatsineranut tunngassuteqartunik) A/S Inissiaatileqatigiiffik INI-p aalajangiigaanik ingerlatitseqqitussatut oqartussaasutut atuupput.

Ingerlatitseqqissinnaaneq tamanna Inissiaatileqatigiiffimmik pilersitsinissaq pil-lugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi 15. april 2003-meersumi § 1 (nutaami § 2 imm. 3 nr. 5) Namminersorerullutik Oqartussat oqartussaassutsiminnik suliaqartitsinnaaneranik aallaaveqarpoq. Aalajangersagaq taanna naapertorlugu A/S Inissiaatileqatigiiffik INI oqartussaassutsitut suliasamik Namminersorerullutik Oqartussat sinnerlugit suliaqarpoq. Taamaattumik Ineqarnermut Attaveqarnermullu Pisortaqarfik isumaqarpoq tamanna najoqqutaralugu naammagittaalliuuteqarsinnaaneq malittarisassani allassimasunik tunngaveqanngitsoq, akertianilli tamanna qangatut aallaaveqartoq, tassa aalajangiineq oqartussaassuseqartumut qulliunerusumut tamatigut ingerlateqqinneqarsinnaaluni.

Taamaattumik naggataatigut erseqqissarneqassaaq nakkutilliinermik suliasaq A/S Inissiaatileqatigiiffik INI-mut tunngatinneqartoq (aningaasaqarnermut tunngasunut ingerlatsineramullu pisussaaffinnut), aalajangiinernilli ingerlatitseqqinnissamik suliaqarnissaq A/S Inissiaatileqatigiiffik INI-p oqartussaaffianiitooq - tassa imaappooq attartortunut pingaaruteqartunik aalajangiinernut.

Ineqarnermut Attaveqarnermullu Pisortaqarfiup akissut sukumiisuussasoq neriuutigaa, taamaattorli paasisutissat allat soorunami tunniussinnaallugit, tamanna kissaatigineqassappat.”

*Tamatuma kingornatigut imaattunik oqaaseqaateqarpunga:*

*"A/S Inissiaatileqatigiiffik INI-p Namminersorerullutik Oqartussat sinnerlugit suliarinninneranut inatsisitigut tunngavigisaq.*

*A/S Inissiaatileqatigiiffik INI-p ullumikkut suliasai inissiaatileqatigiiffimmik pilersitsinissaq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 15. april 2003-meersumi aalajangersarneqarsimapput.*

*Inissiaatileqatigiiffiup suliasai Inatsisartut peqqussutaanni tassani imatut nassuiarneqarsimapput:*

*”§ 2. Inissiaatileqatigiiffiup siunertaraa pigisanik (illunik) aalaakkaasunik aqutsineq taakkunungalugu tunngasuni kiffartuussineq.*

*Imm. 2. Inissiaatileqatigiiffiup pingaarnertut suliasarai makku:*

*1) inissiat Namminersorerullutik Oqartussanit pigineqartut aqunneqarnerat ingerlanneqarnerallu, kiisalu*

*2) inissiat Namminersorerullutik Oqartussanit pigineqartut aserfallatsaaliorneqarnerat.*

*Imm. 3. Inissiaatileqatigiiffik Namminersorerullutik Oqartussanik kiffartuunneqarnissamik isumaqatigiissusiorsinnaavoq suliasat makku pillugit:*

*1) ...*

*2) ...*



3) ...

4) ...

5) *Oqartussaasutut suliassanik Namminersornerullutik Oqartussat sinnerlugit isumaginninneq.*

*Imm. 4. ...*

*Imm. 5. Imm. 2-mi nr. 1 kiisalu imm. 4-mi nr. 1 naapertorlugit suliassanik naammassinninnermut inissiaatileqatigiiffiup akissarsiai iluanaarniutaanatik naapertuuttussaanermit tunngaveqassapput naleqquttumik isumannaallisaanertalimmik. Suliassat allat niuernermit atugassarititaasut tunngavigalugit naammassineqassapput suliassat ataasiakkaat ilanngaatisat ilanngaatigereerlugit iluanaaruteqaa-taaqataassallutik."*

*Peqqussutissatut siunnersuut Inatsisartunut saqqummiunneqarnermini oqaaseqaatinik imaattunik ilaqartinneqarpoq:*

*"Nassuiaatit nalinginnaasut*

*Peqqussutissatut siunnersuutip saqqummiunneqarnera ineqarnermut tunngasut tamanut tunngatillugu allangortiteriffiqineqarnerannut ilaavoq, tassa ilaatigut kissaatigineqarmat A/S Inissiaatileqatigiiffik INI-p sunniuteqarnerulersinneqarnissaa allangortiteriffiqineqarnissaalu, taamaalilluni ingerlatseqatigiiffik suliassarpiaminik, tassalu inissiat attartortittakkat ingerlanneqarnerannik aqunneqarneranillu, siunissami taamaallaat suliaqalersinnaaqullugu.*

*Peqqussutissatut siunnersuutip kinguneraa A/S Inissiaatileqatigiiffik INI-p suliassanik assigiinnigitsunik pingasunik suliaqalernissaa,*

*- oqartussaasutut suliassat piginnaatinneqareernikkut naammassineqartussat,*

*- suliassat sularineqartussat neqeroorutigineqartut, aamma*

*- siunnersortitut suliakkiutit*

*- suliassaqarfinni assigiinnigitsuni marlunni illuatungaaticut inissianik ingerlatsineq, aqutsineq aserfallatsaaliuinerlu illuatungaani lu sanaartornermut tunngasuni sanatitsisutut atuuffik.*

*Inissiaatileqatigiiffimmik pilersitsinerup suli siunertaraa, Inatsisartut 1993-imi upernaakkut katersuunneranni inissiaatileqatigiiffimmik pilersitsinissaq pillugu imikkooortup oqaluserineqarnerani soorlu oqaatigineqartutut „Ingerlatseqatigiiffimmik pilersitsineq najugaqartut oqartussaaqataanerannik nukitunerulersitsissaaq taamaalilluni attartortut inigisaminnut sunniuteqarnissaminnut qularnaarunneqassammata aningaasat, ingerlatsineq avatangiisillu eqqarsaatigalugit. Taamaattumik attartortut sullissinerit, aserfallatsaaliuilluni pitsanngorsaallunilu suliassat kiisalu nutarterinissat il.il. pitsaassusissaannut siunissami aalajangii-sooqataalissapput."*

*Inissiaatileqatigiiffiup ukiuni kingullerni marlussunni ukiut ingerlatsivini siullit tallimat nalilersuiiffigisimavai. Sulinerup tamatuma inerneraa iliuusissatut pilersaarut nutaaq, taamaalilluni ingerlatseqatigiiffiup pingaarnertut sularilissallugit suliassat inissianik aqutsinermit tunngasut, taamaattumik ingerlatseqatigiiffiup pisisussamisuuinnartutut sulariunnaassavai suliassat pisortat ingerlatsineranni ileqquusut malillugit naammassineqartartut.*

*Nalornissutigineqassanngilaq inissiaatileqatigiiffiup aqutsivittut ingerlatseqatigiiffiunera inissianik attartortittakkanik periutsit aningaasanik atorluaaneruset atorsinnaalluartullu malillugit aqutsiviginninnissamik suliassaartoq. Inissiaatileqatigiiffik isumaginninnikkut ingerlatsivittut allatut ingerlassanngilaq innuttaasut inuuniarnermi aningaasaqarniarnerannik imaluunniit inissaqarnissaat pillugu naammassinnittuussanngilaq. Suliassat tamakku kommunit suliassaraat.*

*Peqqussutissatut siunnersuut KANUKOKA-mut, SIK-mut, Isumaginninnermut Suliffeqarnermullu Pisortaqarfimmut kiisalu A/S Inissiaatileqatigiiffik INI-mut isummerfigeqqusissutigineqarpoq (tusarniaatigineqarpoq). Aammattaaq siunnersuut inatsisissanik nalilersuisarfimmit misissuataarneqarpoq. Tamakku kingorna oqaaseqaatit naleqquttut tunuliaqutaralugit siunnersuut iluarsaanneqarpoq.*

*Peqqussutissatut siunnersuutit allaffissornikkut kingunerisassai*

*Peqqussutissatut siunnersuutit taamaallaat nassatarissavaa inissiaatileqatigiiffiup suliassanik sunik suliqaartussaanerata erseqqissaavigineqarnera.*

*Peqqussutissatut siunnersuutit aningaasatigut kingunerisassai*

*Siunnersuutit nassatarissavaa immikkut sullissinerit pillugit isumaqatigiissutit ingerlatseqatigiiffiup suliassarpiaanut ilaangitsut Namminersornerullutik Oqartussat inissiaatileqatigiiffiullu, imaluunniit illunik piginnitup, assersuutigalugu kommunit inissiaatileqatigiiffiullu, akornanni kiffartuunneqarnissamik isumaqatigiissuteqarfigineqartarnissaat. Maannakkut Namminersornerullutik Oqartussat inissiaatileqatigiiffiullu akornanni kiffartuunneqarnissamik isumaqatigiissuteqarpoq, tassani pineqarput Namminersornerullutik Oqartussat ineqarnermut tunngasuni suliassaataat tamarmik. Kiffartuunneqarnissamik isumaqatigiissut taanna suliassat aalajangersimasut pillugit kiffartuunneqarnissamik isumaqatigiissutitut aggulunneqassaaq.*

*Suliassanut ullumikkut inissiaatileqatigiiffimmit isumagineqartunut amerlanerusunik aningaasaleeqqittoqarnissaata pisariaqalernissaa naatsorsuutigineqanngilaq.*

*Aalajangersakkanut ataasiakkaanut nassuiaatit*

*§ 1, nr. 1-imut<sup>3</sup>*

*Aalajangersakkap kingunerissavaa A/S Inissiaatileqatigiiffik INI-p pingaarnertut suliassarilissammagut Namminersornerullutik Oqartussat inissiaataasa ingerlanneqarnerat, aqunneqarnerat aserfallatsaaliuffigineqarnerallu. Taakku saniatigut suliassat arlallit inissianik ingerlatsinermut sanaartornermullu tunngassuteqartut naammassineqarnissaat pillugu inissiaatileqatigiiffik isumaqatigiissusiorsinnaavoq.*

*Inissiaatileqatigiiffiup suliassai agguataarneqassapput suliassarpiaanut saniatigullu suliassaanut, imaappoq saniatigut ingerlassanut. Suliassarpiaa, imaappoq Namminersornerullutik Oqartussat inissiaataasa ingerlanneqarnerat, aqutsivigineqarnerat aserfallatsaaliorneqarnerallu, iluanaarniutiginagu ingerlanneqassapput, taamaammat inissiaatileqatigiiffiup Namminersornerullutik Oqartussat aktiaateqarluni ingerlatseqatigiiffiattut pisariaqartinneqartut saniatigut ingerlatseqatigiiffik ingerlatsinermut sillimmatissanik katersissanngilaq aningaasanilluunniit katersissanani, tassa sullitarpiani, attartortut, pisariaqanngitsunik aningaasartuusersortussaannngimmagut.*

*Suliassat allat inissiaatileqatigiiffiup tigusai, imaappoq ingerlatseqatigiiffiup saniatigut ingerlassai, immikkuutaarlutik ilanngaatisat ilanngaatigereerlugit iluanaaruteqaataaqataassapput. Tamanna isumaqarpoq saniatigut ingerlassat atasiakkaat pitsaasumik matussuseeqataanermik saniatigut iluanaaruteqaataaqataassapput. Tamanna ima paasineqassaaq isertitaq ingerlassanut aalajangersimasunut akissaajaatit ilanngaatigereerlugit suli iluanaaruteqaataassasoq.*

*Saniatigut ingerlassat kiffartuunneqarnissamik isumaqatigiissutit atorlugit naammassineqarsinnaapput, tamanna ima paasillugu saniatigut ingerlassat iminni ilanngaatisat ilanngaatigereerlugit iluanaaruteqaataaqataassanngillat, taamaammat suliakkiisooq ingerlatassap naammassineqarnissaanut immikkut akiliute-*

---

3. Inatsisartut peqqussutaanni § 2 qulaani issuagara

*qartassaaq. Kiisalu suliasat aalajangersimasut naammassineqarnissaat pillugit inissiaatileqatigiiffik immikkut isumaqatigiissusiorsinnaavoq.”*

*Peqqussutissatut siunnersuutip Inatsisartut Attaveqatigiinnermut Ineqarnermullu Ataatsimiititaliaani suliarineqarnerani siunnersuutip suliasanut Inissiaatileqatigiiffiup suliarisassaanut qanoq sunniuteqarnissaa pillugu nalornineq Ataatsimiititaliap saqqummiuppaa, Ataatsimiititaliallu pisortaqarfik nassuiaateqaqqullugu qinnuigaa. Apeqqutigineqartoq Naalakkersuisullu akissutaat pillugit Ataatsimiititaliap isumaliutissiissutaanit makku erserput:*

*”Ataatsimiititaliap suliasarisat allanngortinneri pineqarnersut (qulequttat ataani allassimasut malillugit) imaluunniit INI-p sunik suliaqarsinnaaneraniq erseqqissaassutaannaanersoq (peqquussutissatut siunnersuutip allaffissornikkut kingunerisassaasa nassuiaataat malillugu) nassuiaateqarfigiterusuppaa.*

*Nalunaarutigineqarsinnaavoq suliasarisat allannguuteqartinneqartut, tassa inissiaatileqatigiiffiup pingaarnertut suliarissammagut Namminersornerullutik Oqartussat kommunillu inissiaataasa attartortitakkat ingerlanneqarnerat aqutsivigineqarnerallu. Tamanna immi suliasarisaniq allannguineruvoq, aammali allaffissornikkut kingunerisassaanut tunngatillugu taamaallaat erseqqissarneqarpoq suliasaniq sunik Inissiaatileqatigiiffik suliaqassanersoq. Taamaattumik suliasarisat allannguuteqartinneqarnerisigut allaffissorneq annertusineqaraniluunniit annikilliliivigineqanngilaq allaffissornikkulli kingunerisassaanut tunngatillugu suliasat taamaallaat erseqqissarneqarlutik.”*

*Peqqussutit oqaasertalersorneqarneranit aamma peqqussutit pilierartuaarnerani oqaatigineqartunit paasisinnaavara Namminersornerullutik Oqartussat inissiaataannik aqutsineq, ingerlatsineq aserfallatsaaliinerlu Inatsisartut Inissiaatileqatigiiffimmut tunniussimagaat.*

*Tamatuma saniatigut pineqartoq tassaavoq Namminersornerullutik Oqartussat oqartussaannermi suliasassa Inissiaatileqatigiiffimmut isumagisassanngortinnissaannut Naalakkersuisut piginnaatitaasut, taamaalillutik suliasat taakku taamaaliortoqarpat Inissiaatileqatigiiffimmit niuernermi atugassarititaasut tunngavigalugit ingerlanneqassallutik, tak. peqqussummi § 2, imm. 5.*

*Inatsimmi tunngavigisap oqartussaasumut qulliunerusumut naammagittaalliorsinnaanerup piuneranut sunniutaa.*

*Aallaqqaasiutitut umiarsualivinnut oqartussaanerup isumagisassanngortinneqarnera pillugu oqaaseqaatinni, 2003 pillugu ukiumoortumik nalunaarutinni (kalaallisuuani qupperneq 406 tulluili, qallunaatuuanilu qupperneq 321 tulluili) naqinneqarsimasumi, pisortat suliasaannik namminersortunut tunniussisinnaaneq pillugu ataatsimut isumaliutersuutinik arlalinnik saqqummiussisimaneq innersuussutigaara. Isumaliutersuutit taakku inatsit aamma ingerlatsineq pillugu inatsiseqartitsineq tunngaviga-*

*lugit isumagisassannngortitsinermi suliaassanik A/S Inissiaatileqatigiiffik INI-mut tunniussineq eqqarsaatigalugu aamma atuupput.*

*Tulliullugu oqaatigaara illuani aqutsinermi, ingerlatsinermi aserfallat-saaliinermillu suliaassanik aamma illuani oqartussaasut suliaasaannik im-mikkoortisimatitsineq Inissiaatileqatigiiffiup aalajangiinerisa pisortaqar-fimmur oqartussaasumut qulliunerusumut naammagittaalliuutigineqarsin-naanerannik apeqqummut uanga paasinninnera malillugu aalajangiisuus-sumik pingaaruteqartoq.*

*A/S Inissiaatileqatigiiffik INI tassaavoq suliffeqarfik inuit ataasiakkat pillugit inatsiseqartitsineq tunngavigalugu aqqissuussaasoq, pisortat ingerlatsiviisa avataanniittoq, taamaattumillu Inissiaatileqatigiiffik allaf-fissornikkut aqutsinerup iluani qullersariaaannermi sumiluunniit ilaanngi-laq. Naalackersuisut A/S Inissiaatileqatigiiffik INI-mi suliaassat suliarineqartarnerat paasitinneqarsinnaatitaanerlu pillugit Namminersornerul-lutik Oqartussat nalunaarutaatigut nr. 37-kkut, 19. december 1996-imeer-sukkut ingerlatsineq pillugu inatsiseqartitsinermi malittarisassanik Inis-siaatileqatigiiffimmur atuutilersitsinerat Inissiaatileqatigiiffimmik inger-latsinermi oqartussaasunngortitsinngilaq.*

*Inatsisiliornermut pissaanermik tigungminnittup suliaasaq suliffeqarfim-mur pisortat ingerlatsiviisa avataanniittumut inissippagu tassani inger-latsineq pillugu inatsiseqartitsineq tunngavigalugu isumagisassannngortit-sineq pineqanngilaq<sup>4</sup>, taamaattumillu suliffeqarfiup pineqartup aalaja-ngigaasa oqartussaasumut qulliunerusumut naammagittaalliuutigini-saannut periarfissaqassasoq naatsorsuutigineqarsinnaanngilaq, inatsisi-liortut taamaattoqarnissaa erseqqivissumik aalajangersimanngippagu.*

*Tamatumali paarlattuanik ima pisoqartillugu suliaassamik (avataanut) isumagisassannngortitsineq pineqartarpoq, tassalu ingerlatsinermi oqar-tussaasup (matumani Naalackersuisut) suliaassani suliffeqarfimmur allamut inatsimmik tunngaveqarluni isumagisassannngortippagit.*

*Oqartussaasoq suliaassamik suliffeqarfimmur inuit ataasiakkaat pillugit inatsiseqartitsineq tunngavigalugu pilersinneqarsimasumut isumagisas-sannngortitsiguni, inatsisikkut allamik aalajangersaasoqanngippat, sulias-sap suliarineqarneranut suli akisussaassaaq, oqartussaasumut suliaassamik isumaginnittussannngortitsisimasumut naammagittaalliorsinnaanermik nassataqartumik<sup>5</sup>.*

---

4. Poul Andersen, Dansk Forvaltningsret, pingajussaanic naqitertitaq, 1956, qupperneq 290. Jens Garde allallu, Forvaltningsret, Almindeli-ge Emner, sisamassaanik naqitertitaq, 2004, qupperneq 298

5. Hans Gammeltoft-Hansen allallu, Forvaltningsret, aappassaanik naqi-tertitaq, 2002, qupperneq 146

*Tamanna suliassanik namminersortunut isumagisassannngortitsiner mi inatsimmik tunngaveqarnissap sakkortusisamik piunasaataaneranut ataneqarpoq<sup>6</sup>. Taamaalilluni aalajangiinissamut pisinnaatitaanermik pisinnaatitaanerillu allat isumagisassannngortinneqarnerat inatsimmi erseqqivissumik saneqqunneqarsinnaannngitsumillu tunngaveqarnissamik piunasaqaateqarfiuvoq, tamatumalu nassataraa isumagisassannngortitsinerup annertussusiata inatsisitigullu sunniutaasa inatsisip oqaasertaani oqaatigineqartunit annertunerusumik sunniuteqartussatut paasineqarnissaanut periarfissaqannnginnera.*

*Tamatuma nassataraa Inatsisartut peqqussataata imatut paasisariagarnera, tassalu suliassat Inissiaatileqatigiiffiup Inatsisartut peqqussutaanni § 2, imm. 2 tunngavigalugu isumagisai eqqarsaatigalugit pisortaqarfimmu oqartussatut qulliunerusumut naammagittaalliornissamut periarfissaqannngitsoq, suliassalli isumaginnittussannngortitsineq tunngavigalugu, tak. Inatsisartut peqqussutaanni § 2, imm. 3, nr. 5, isumagineqartut pisortaqarfimmu oqartussatut qulliunerusumut naammagittaalliuutigineqarsinnaallutik, tamanna pillugu tulliuttuni erseqqinnerusumik oqaatigineqartut takukkit.*

*Tamatuma kingornatigut suliassat sorliit aalajangersakkani taaneqartuni pineqartut erseqqissarneqarpoq.*

*Inissiaatileqatigiiffiup inatsit tunngavigalugu suliassaanut suliassanullu allanut inatsisitigut tunngavigisap allaaserineqarnera.*

*Suliassat sorliit Inissiaatileqatigiiffiup inatsisit tunngavigalugit suliarsagai, suliassallu sorliit Inissiaatileqatigiiffiup isumagisassannngortitsineq tunngavigalugu suliarsagai Inatsisartut peqqussutaanni peqqussullu piareersarlugu suliani erseqqivissumik ilitersuutigineqarsimannngillat. Taamaattorli oqaatigineqarpoq pineqartoq tassaasoq inatsimmik allannngortitsinikkut Inissiaatileqatigiiffiup nutaanik suliassaqalersinneqarnissaa imaluunniit suliassanik arsaarneqarnissaa siunertarineqannngitsoq, tak. Inatsisartut Attaveqatigiinnermut Ineqarnermullu Ataatsimiititaliaanut Naalakkersuisut akissutaat isumaliutissiisummi innersuussutigineqartoq.*

*Aammattaaq peqqussutissatut siunnersuut pillugu oqaaseqaatini paasisutissiisutigineqarpoq Inissiaatileqatigiiffik suliassanik kommunit isumaginninnermik ingerlatsiviisa ataanniittunik suliaqassannngitsoq.*

*Inatsisartut peqqussutaat Inatsisartut peqqussutaatigut nr. 2-kkut, 15. april 2003-meersukkut allannngortinneqartoq tassaavoq inissiaatileqatigiiffimmik pilersitsinissaq pillugu Inatsisartut peqqussutaat nr. 12, 28. ok-*

---

6.) Hans Gammeltoft-Hansen allallu, Forvaltningsret, aappasaanik naqitertitaq, 2002, qupperneq 145. Jens Vedsted-Hansen allallu, Ret og Privatiseering, 1995, qupperneq 162

tober 1993-imeersoq, taannalu § 2, imm. 2-mi Inissiaatileqatigiiffiup suliassaasa allaaserineqarnerannik imaattumik imaqarpoq:

”Imm. 2. Inissiaatileqatigiiffiup makku suliassarai:

1) Namminersornerullutik Oqartussat inissiaataasa aqunneqarnerat ingerlanneqarnerallu,

2) ukiumoortumik aningaasanut inatsimmi aningaasaliissutigineqarsimasut atorlugit nutaanik inissialiornermi inissianillu iluarsaassinerni Namminersornerullutik Oqartussat sinnerlugit sanatitsisutut oqartussaaneq,

3) inissialiornermut tapersiissuteqartarnej pillugu Inatsisartut peqqussutaat naapertorlugu boligstøttimik aqutsineq,

4) kommunit isumaqatigiissuteqarfiginerisigut inissianik kommuninit pigineqartunik aqutsineq,

5) namminerisaminnik illuutillit isumaqatigiissuteqarfiginerisigut illunik inissianillu inunnit nammineq pigineqartunik, matuma ataani aamma pigineqatigiilluni inissiat pineqarlutik, aqutsineq,

6) piginnittumik kimilluunniit isumaqatigiissuteqarnikkut illuutimik sumilluunniit aqutsineq ingerlatsinerlu,

7) ineqarnej il.il. pillugit misilittakkanik ilisimalikkanillu katersineq ineriartortitsinerlu,

8) suliassat allat imm. 1-imi siunertarineqartumut tunngassuteqartut.

Imm. 3. Inissiaatileqatigiiffik ingerlanneqassaaq niuernerme atugassarititaasut tunngavigalugit kiisalu Naalakkersuisunit maleruagassiarineqartut naapertorlugit.

Imm. 4. Imm. 1-imi suliassatut taagorneqartut sularinariernerini Inissiaatileqatigiiffiup Namminersornerullutik Oqartussat, kommunit allallu ingerlatsinissamut pisariaqartunik isumaqatigiissuteqarfigissavai.”

Peqqussutip massakkut oqaasertalersugaanera siusinnerusukkut atuututumut sanilliukkaanni tassannga erserpoq § 2, imm. 2, nr. 1 atuuttoq § 2, imm. 2, nr. 1-ioqqaartup assigisaa, kisiannili oqartussaasup suliassai pillugit § 2, imm. 3, nr. 5 (qulaani issuarneqartoq) Inissiaatileqatigiiffiup suliasaanik allaaserinneqqaarnermi nassaarineqarsinnaanani.

Inatsisartut peqqussutaat siulleq pillugu oqaaseqaatit suliassat suut § 2, imm. 2, nr. 1-imi erseqqinnerusumik ilaanagerat pillugu erseqqinnerusumik allaaserinninnermik imaqanngilaq, matumani aalajangersakkami oqartussaasut suliassat aamma ilaatinneqarnerisut ilanngullugu eqqarsaatigalugu.

Peqqussutissatut siunnersuutip Inatsisartut 29. september 1993-imi saqqummiunneqarnerani Aningaasaqarnermut Ineqarnermullu Naalakkersuisup saqqummiussisutaanit makku erserput:

”Ingerlatseqatigiiffimmik pilersitsinerup ineqartut sunniuteqaqataanagerat anner-tusaavigisussaassavaa, tassa taamaalilluni attartortut inigisaminnut sunniuteqalivitsissallugit, soorlu aningaasat, ingerlatsinerup najugaqarfinnilu avatangiisigisat tungaat eqqarsaatigalugit. Tassalu attartortut siunissami sunniuteqaqataaffigilersussaassavaat sullissinerit, aserfallatsaaliinerit, iluarsaassisarnerit nutarterisarnerrillu qanoq annertutigisumik ingerlanneqartarnissaannut aalajangersaaqataasarnissat.



*Erseqqissassavara inissiaatileqatigiiffiliornissamat peqqussutissatut siunnersuutip matuma malitsigisussaammagu 1994-imi upernaakkut ataatsimiinnissamat maannamat ineqarneq pillugu inatsisaasut allannguutissaannik qassiinik siunnersuuteqarnissat.*

*Ilusilersuineramik allanngortiterinialernerup malitsigisussaavaa ineqarneq pillugu maleruagassanik iluarsartuussinissap pisariaqalernissaa, soorlu ininik attartornermi maleruagassanik allanngortitsinissaq. Ininik attartornermi akiliutit aalajangersaavigineqartarnerinut maleruagassat allanngortiteriffigineqartariaqassapput, taamaalilluni ineqarnermut akiliut ineqartunut paasiuminarnerulersillugu aammalu taamaalilluni akiliut inigisat ingerlanneqarnerinut naleqqunnerulersillugu. Kiisalu inissanik utaqqisunut agguaassisarneq eqqarsaatigalugu tunngavissat aalajangersaaviginegassapput kommuuninut qularnaallisinneqarluni isumaginninnikkut sulianut inissaqartitsisarnissap periarfissaqartinneqarnissaa. Kommuuninut qularnaarneqassaaq suliaassanut taamaattunut inissanik pisariaqartitanik pissarsisarnissaq inissiisarnissarlu.”*

*Naalackersuisut tamatuma kingornatigut, tassalu Inatsisartut 1994-imi upernaakkut ataatsimiinneranni, inissianik attartorneq pillugu Inatsisartut peqqussutaattut allanngortitatut siunnersuut saqqummiuppaat. Siunnersuut taanna pillugu oqaaseqaatinit nalinginnaasunit erserpoq siunnersuut taanna inissiaatileqatigiiffimmik nuna tamakkerlugu atuuttumik, A/S Inissiaatileqatigiiffik INI-mik Inatsisartut akuersissutiginninnerisa kingunerisaattut saqqummiunneqartoq.*

*Tamatuma kingornatigut tunngaviutittariaqarpara Inatsisartut manna siunertarisigimagaat, tassalu Namminersornerullutik Oqartussat inissiaataat inissarsiorunut attartortitsinermi atorineqartut eqqarsaatigalugit apeqqutit inissianik attartorneq pillugu Inatsisartut peqqussutaanni pineqartunut ilaatinneqartut A/S Inissiaatileqatigiiffik INI-mit aqunneqassasut.*

*Taamaattorli apeqqutit inissianik attartorneq pillugu peqqussummi pineqartunut ilaatinneqartut tamarmik Inissiaatileqatigiiffimmit aalajangiiffigineqartassanersut inissianik attartorneq pillugu Inatsisartut peqqussutaanni 1994-imi akuerineqartumi imaluunniit inissianik attartorneq pillugu peqqussutinit kingusinnerusumeersunit takuneqarsinnaanngilaq.*

*Pineqartoq aamma tassaavoq Naalackersuisut A/S Inissiaatileqatigiiffik INI-mi suliaassat suliarineqartarnerat paasitinneqarsinnaatitaanerlu pillugit Namminersornerullutik Oqartussat nalunaarutaatigut nr. 37-ikkut, 19. december 1996-imeersukkut ingerlatsineq pillugu inatsiseqartitsinermi malittarisassanik Inissiaatileqatigiiffimmut atortuulersitsinerat, Inissiaatileqatigiiffik inissiaatileqatigiiffimmik pilersitsinissaq pillugu Inatsisartut peqqussutaat nr. 12, 28. oktober 1993-imeersoq tunngavigalugu Kalaallit Nunaanni Namminersornerullutik Oqartussat imaluunniit kommuni sinnerlugu aalajangiinnissamat piginnaatinneqarsimappat.*

*Nalunaarut taanna pisortat ingerlatsineranni suliaassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 1, imm. 2-mik aamma pisortat ingerlatsinerat pillugu paasitinneqarsin-*



naatitaaneq pillugu Inatsisartut inatsisaanni nr. 9-mi, 13. juni 1994-imeersumi § 1, imm. 2-mik tunngaveqarpoq.

Nalunaarut imatut paasineqartariaqarpoq Naalakkersuisut paasinninnerat unaasoq Inissiaatileqatigiiffik aqutsinermi suliassanik tunineqarsimasoq, matumani aalajangiinissamut pisinnaatitaaneq ilanngullu eqqarsaatigalugu.

Tamatumunngali peqatigitillugu pineqartoq tassaavoq inissianik attartorneq pillugu peqqussummi 1994-imeersumi inissianillu attartorneq pillugu peqqussummi kingusinnerusuneersuni attartortitsisup attartortullu akornanni inatsiseqartitsinermit tunngasut isumaqatigiissutikkut (attartorneq pillugu isumaqatigiissutikkut) aaqqinneqartarnissaasa tunngavigneqarnerat, tak. inissianik attartorneq pillugu peqqussummi § 2 atuuttoq.

Isumaqatigiissutit taamaattut ingerlatsineq pillugu inatsiseqartitsinermi aalajangiinermik oqartarnermi ilaatinneqanngillat, tak. Højsteret-ip eqqartuussutaa U 2005-imi qupperneq 616-imi issuarneqarsimasoq.

Inissianik attartorneq pillugu peqqussummi atuuttoq tamatuma saniatigut assersuutigalugu inissianik innersuussisarneq pillugu malittarisassanik, najugaqartut oqartussaaqataa nerat pillugu malittarisassanik aamma attartortup akuersissummik qinnuteqarnissaa pillugu malittarisassanik imaqarpoq.

Malittarisassat taakku A/S Inissiaatileqatigiiffik INI-mit tamakkiisumik aqunneqarnissaat naatsorsuutigineqarnerneq, imaluunniit malittarisassanik taakkuninnga aqutsineq aqutsinermi allaffissornikkut aalajangiinertigut pisassanersoq inissianik attartorneq pillugu peqqussummi takuneqarsinnaanngilaq, taamatuttaarlu A/S Inissiaatileqatigiiffik INI-p attartorneq pillugu isumaqatigiissut tunngavigalugu iliuuseqarnerinik naammagittaalliuutit pillugit aalajangiinerit ingerlatsineq pillugu inatsiseqartitsineq tunngavigalugu aalajangiinerunersut paasissutisissutigineqarsimanani.

Taamaattumik uanga paasinninnera malillugu suliassat sorliit oqartussaasut suliassaannut, tak. Inatsisartut peqqussutaanni kingullertut taaneqartumi § 2, imm. 3, nr. 5, ilaatinneqarnerat inissianik attartorneq pillugu Inatsisartut peqqussutaat aamma inissiaatileqatigiiffimmik pilersitsineq pillugu Inatsisartut peqqussutaat tunngavigalugit aalajangerneqarsinnaanngilaq, suliassat Inatsisartut peqqussutaanni § 2, imm. 2-p nasatarisaasa paarlattuanik. Aammattaaq suliassat sorliit Inissiaatileqatigiiffiup sularisinnaagai imaluunniit sularissagai peqqussummi erseqqisumik oqaatigineqanngilaq.

Illuani ingerlatsinermi, aqutsinermi aserfallatsaaliinermilu suliassat illuanilu oqartussaasut suliassat Inatsisartut peqqussutaata qanoq paasineqarnissaanik ilanngussani aamma allaaserineqarsimanngimmata immikkoortisimatitsineq atorineqartoq taanna uanga paasinninnera malillugu immi isumassaqaanngilaq, tassami taamatut immikkoortisimatitsisoqas-

*sappat suliaasat sorliit aalajangersakkani oqaatigineqartuni pineqarnerat erseqqissarneqarsimassasoq piumasagaataammat.*

*”Oqartussaasup suliaasaanik” Inissiaatileqatigiiffiup isumaginninnera pillugu immikkut.*

*Tulliulluni paasinninniarnermi ajornartorsiut manna ilaavoq, tassalu inissiaatileqatigiiffimmik pilersitsinissaq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 15. april 2003-meersumi § 2, imm. 3, nr. 5-ip, tak. imm. 5, nassatarigaa Naalakkersuisut oqartussaasup suliaasaanik Inissiaatileqatigiiffimmut isumagisassanngortitsinissaannut piginnaatinneqarneranni suliaasat taamaattut niuernerme atugassarititaasut tunngavigalugit Inissiaatileqatigiiffimmit suliarineqassasut tunngavigineqartoq.*

*Suliaasaq niuernerme atugassarititaasut tunngavigalugit ingerlanneqasappat ingerlatsineq pillugu inatsiseqartitsinermi malittarisassat (matumani oqartussaasumut qulliunerusumut naammagittaalliorsinnaaneq ilanngullugu eqqarsaatigalugu) atuutissanngillat, inatsimmi allamik aalajangersaasoqarsimangippat, tassami ingerlatsinermik inatsiseqartitsineq tunngavigalugu sulianik suliarinninnerup nassatarerpiarmagu aningaa-saqarnikkut isiginiagassat ingerlatsinikkullu taamatut isiginiagassat allat isiginiarneqassanngitsut.*

*Taamaattumik Naalakkersuisut suliaasaanik suliffeqarfimmut namminersortumut niuernerme atugassarititaasut tunngavigalugit ingerlatsisussamut isumagisassanngortitsinissamut piginnaatinneqarnerat pillugu malittarisassamik paasinninnerme aallaavisoq tassaasariaqarpoq suliffeqarfiup aalajangiinerinik Naalakkersuisunut naammagittaalliuuteqarsinnaaneq mattunneqarsimasoq.*

*Taassuma illua tungaaniippoq inissiaatileqatigiiffimmik pilersitsinissaq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 15. april 2003-meersumi § 2, imm. 3, nr. 5-ikkut erseqqivissumik oqaatigineqarmat oqartussaasup suliaasai tassaasut Naalakkersuisut Inissiaatileqatigiiffimmut isumagisassanngortissinnaasai, Naalakkersuisullu, qulaani allaaserineqartutut, A/S Inissiaatileqatigiiffik INI-mi suliaasat suliarineqartarnerat paasitinneqarsinnaatitaanerlu pillugit Namminersornerullutik Oqartussat nalunaarutaatigut nr. 37-ikkut, 19. december 1996-imeersukkut aalajangersimagaat ingerlatsineq pillugu inatsiseqartitsinermi malittarisassat Inissiaatileqatigiiffimmut atuutissasut, Inissiaatileqatigiiffik Namminersornerullutik Oqartussat sinnerlugit aalajangiinissamut piginnaatitaanermik tunineqarsimappat.*

*Tamatuma kingornatigut manna aamma erseqqarluttutut saqqummerpoq, tassalu ingerlatsivinnut tunngasuni Naalakkersuisut Inissiaatileqatigiiffimmut isumagisassanngortitaanni oqartussaasumut qulliunerusumut*

naammagittaalliorsinnaanerup mattunneqarnissaa Inatsisartut siunertarisimaneraat.

Ombudsmandi pillugu inatsimmi § 11 tunngavigalugu nalunaarutiginnineq aamma pisorta qarfimmu inassuteqaatigaa.

Inatsisartut aamma Naalakkersuisut inissiaatileqatigiiffimmik pilersitsinissaq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 15. april 2003-meersumi erseqqarluttut oqaatigineqartut pillugit matuma kingornatigut allakkatigut allatigut allakkat uku assilinerinik ilaqartinneqartutugut nalunaarfigaakka.

Aammattaaq paasinninnera unaavoq erseqqarluttup taassuma manna nassatarigaa, tassalu Inissiaatileqatigiiffiup aalajangiinnerisa pisorta qarfimmu qanoq annertutigisumik naammagittaalliuutigineqarsinnaanerat inissiaatileqatigiiffimmik pilersitsinissaq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 15. april 2003-meersumi takuneqarsinnaanngitsoq, taamaattumillu pisorta-qarfimmu inassuteqaatigaara tamanna qanoq iliuuseqarnissamut pissu-tissaqal-ersitsinersoq pisorta qarfiup isumaliutersuutigissagaa.

Pisorta qarfiup nakkutilliinissamut pisussaaffeqarnera pillugu immikkut.

Kinguleruttoq tassaavoq pisorta qarfiup nakkutilliinissamut pisussaaffeqarnera pillugu apeqqu.

Inissianik attartortitsisarneq pillugu Inatsisartut peqqussutaannit nr. 2-mit, 12. maj 2005-imeersunit makku erserput:

”§ 81. Namminersornerullutik Oqartussat kommuuniluunniit inissianik allaffisornikkut aqutsisussamik avataaniit pissarsisimappat, Naalakkersuisut imaluunniit Kommunalbestyrelsep nakkutigissavaa, inissianik allaffisornikkut aqutsisup suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit suliarinerai.

Imm. 2. Kommune nammineerluni inissiaatiminik allaffisornikkut aqutsinermik isumaginnittuuguni, kommunip suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit isumagissavai.

Imm. 3. Namminersornerullutik Oqartussat kommuniluunniit aningaasatigut nakkutilliisussaataani, tak. imm. 1, naammassiniarlugu inissianik allaffisornikkut aqutsisup kukkunersiuisua inissianik allaffisornikkut aqutsisup suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit suliarinerai nalunaarusiortissinnaavaa.

Imm. 4. Kommunip inissiaatiminik nammineq allaffisornikkut aqutsisup ukiumoortumik suliasat Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit isumagineqarnerat pillugu kukkunersiuisuni ukiumoortumik nalunaarusiortittassavaa.

Imm. 5. Naalakkersuisut Namminersornerullutik Oqartussat kommunillu inissiaataat attartortittakkat najugaqatigiiffiillu nakkutigineqarnerat, matumani ilan-

*ngullugit inissianik piginnittup imaluunniit aqutsisup aningaasaatinik aqutsinera, missingersuusiortarnera, naatsorsuutininik saqqummiisarnera kukkunerisiuisoqarneralu, pillugu maleruagassiorsinnaapput.”*

*Aalajangersagaq taanna issuarneqarnermini oqaasertaqarnermisut oqaasertalerneqarpoq, siunnersuutip aappassaaneerneqarnerani Naalakkersuisut allannguutissatut siunnersuutitut saqqummiussaasa kingunerisaannik. Naalakkersuisut allannguutissatut siunnersuut pillugu oqaaseqaatiminni imatut allapput:*

*”Imm. 3-mi erseqqissarneqarpoq, Namminersornerullutik Oqartussat kommunillu nakkutilliisussaannermut pisussaaffiup ilaa, najugaqatigiiffiup aningaasaqarneranut tunngasoq, piginnaatitsinikkut illup allaffissornikkut aqutsisuata kukkunerisiuisuanut isumagineqartussanngortinneqarsinnaasoq, taanna nalunaarummik suliaqartussanngorlugu, illumik allaffissornikut aqutsisup suliani Inatsisartut peqqussutaat manna aalajangersakkallu peqqussut manna naapertorlugu suliarineqartut naapertorlugit suliarigai. Aalajangersakkap taamaalilluni siunertaraa, kukkunerisiuisup aningaasaqarnermut tunngatillugu nakkutilliineq isumagigaa, kisiannili imm. I malillugu nakkutilliinerup sinnera illumik piginnittup isumagisari-gaa, tamannalu ingerlaavartumik nakkutiginninnikkut pisoq aamma attartortuniit maalaarutininik tigusaqartarnikkut pisoq.”*

*Tamatuma siullertut imatut oqaaseqaateqarnissannut pissutissaqalersippaanga, tassalu nakkutilliinissamut pisussaaffeqarnerup aningaasaqarnermut ingerlatsinermullu tunngasuinnaanerani pisortaqaarfiup paa-sinninnera isumaqatiginngikkiga.*

*Tulliullugu oqaatigaara oqartussaasup oqartussaasoq alla eqqarsaatigalugu oqartussatut qulliunerusutut naammagittaalliorfissaanissaanut aamma nakkutilliinermi oqartussaasuunissaanut tunngaviusumik akornut-tissaqaanngitsaq.*

*Nakkutilleeriaatsilli taakku marluk assigiinngitsuupput.*

*Nakkutilliinermit aqqissuussineq inatsisikkut aalajangersagaasoq, matumani pineqartutut ittoq eqqarsaatigalugu nakkutilliinissamut pisus-saaffeqarnerup annertussusia inatsisikkut aalajangersakkami pineqartu-mi aalajangersarneqartariaqarpoq<sup>7</sup>. Taamaattumik nakkutilliinissamut pi-sussaaffik inatsimmi allassimasunit annertunerusunngortinneqarsinnaan-ngilaq.*

*Inissianik attartortitsineq pillugu peqqussummi § 81-p nakkutilliinermit aqqissuussinerup atulersinneqartup imarisaanut isummernissara misis-suinerup matuma sinaakkutaasa avataanniippoq.*

*Oqartussaasup qulliunerusutut naammagittaalliorfigineqarsinnaasup pisussaaffeqarnera tunngavinnik inatsisikkut aalajangersagaanngitsunik*

---

7. Hans Gammeltoft-Hansen allallu, Forvaltningsret, aappasaanik naqitertitaq 2002, qupperneq 1022

*aralinnik tunngaveqarpoq, inatsimmi allamik aalajangersaasoqarsimanngippat.*

*Siullertut pingaarnertullu pineqartoq tassaavoq oqartussaasoq qulliunerusoq naammagittaalliorfissaasoq innuttaasup naammagittaalliornissamut pisinnaatitaasup naammagittaalliuutaanik suliarinninnissamut pissaaffeqartoq.*

*Pineqartoq aamma tassaavoq oqartussaasoq qulliunerusoq naammagittaalliorfissaasoq pisortat paasisstissanik aalajangiinissaminnut pisariaqartunik pissarsinermikkut naammattunik tunngavissaqarnissaat aallaavigalugu suliami oqartussaasumut qulliunerusumut naammagittaalliuutigineqartumi tigussaasut pillugit aalajangiissasoq.*

*Oqartussaasup qulliunerusup naammagittaalliorfigineqartup misiliinera suliami paasisstissaviusunik suliamilu inatsiseqartitsineq pillugu apeqqutinik tamanik sukumiisumik misiliineruvoq. Tamatumunnga uiggiullugu oqartussaasup qulliunerusutut naammagittaalliorfigineqartup suliami pisup ataatsip inissisimamera malittarisassaq nalinginnaasoq tunngavigalugu isummerfigissavaa; aalajangiinermi tassani aalajangiinerup pissutissaqarnera naleqquttuuneralu aamma ilaatinneqarpoq.*

*Oqartussaasoq qulliunerusoq naammagittaalliorfigineqartoq itigartitsinikkut, atortussanngortitsinikkut, allanngortitsinikkut, atorunnaarsitsinikkut, suliamilluunniit suliareqqitassanngorlugu utertitsinikkut qisuariaateqarsinnaavoq.*

*Nakkutilliinermik aaqqissuussinerit marluk taakku assigiinngissutaanik allaaserisat manna nassataraat, tassalu Inissiaatileqatigiiffiup aalajangiinera pillugu naammagittaalliuut pisortaqarfiup oqartussaasutut qulliunerusutut suliarisassani tiguguniuk naammagittaalliuutip inissianik atartorneq pillugu peqqussummi § 81-imi nakkutilliineq pillugu malittarisassat malillugit suliarinninnissaq toqqarsinnaanngikkaa."*

Ukiup nalunaarusiuunneqartup naanerani Ineqarnermut Attaveqatigiinermullu Pisortaqarfimmit tusagaqanngilanga.

### 35. Illuliornermut tapersiissutit.

**1. Akiliutissat akiligassangortut taarsigassarsiallu amiakkuisa isumakkeerneqarnissaannik qinnuteqaatinik aqutsineq pillugu Namminersornerullutik Oqartussat nalunaarutaata nr. 10-p, 18. april 2002-meersup inatsimmi tunngavigisaa.**

*Ombudsmandi innuttaasup saaffiginnissutaa tunngavigalugu aalajangerpoq ilaatigut suliani isumakkeerinninnermut tunngasuni sulianik suliarinninnerup ilaata A/S Inissiaatileqatigiiffik INI-mut isumagisassangortinneqarneranut inatsimmi tunngavigisaaq, ilaatigullu akiliutissat akiligassangortut isumakkeerneqarnissaannik qinnuteqaatinik aqutsineq pillugu Namminersornerullutik Oqartussat nalunaarutaanni nr. 10-mi, 18. april 2002-meersumi Inissiaatileqatigiiffiup qanoq pisinnaatitaanissaa eqqarsaatigineqartoq nammineerluni misissuiffiginninnermik aallartitsiviginiarlugit, tak. Ombudsmandi pillugu inatsimmi § 6, imm. 5.*

*Misissuinermi paasisat Ombudsmandi nalunaarummi suliassanik A/S Inissiaatileqatigiiffik INI-mut isumagisassangortitsineq eqqarsaatigalugu akiliutissat akiligassangortut taarsigassarsiallu amiakkuisa isumakkeerneqarnissaannik qinnuteqaatinik aqutsineq pillugu nalunaarutip nr. 10-p, 18. april 2002-meersup inatsisitigut tunngavissaqannginneranik Inatsisartunut aamma Naalakkersuisunut nalunaarutiginninnissamut pissutissaqalersip-paat, tak. Ombudsmandi pillugu inatsimmi § 11.*

*Kiisalu Ombudsmandip tamatuma saniatigut oqaatigaa akiliutissat akiligassangortut taarsigassarsiallu amiakkuisa isumakkeerneqarnissaannik qinnuteqaatinik aqutsineq pillugu nalunaarut nr. 10, 18. april 2002-meersooq tunngavigalugu A/S Inissiaatileqatigiiffik INI-mit aqunneqaannassappat tamanna Naalakkersuisut aamma Inissiaatileqatigiiffiup isumaqatigiissutanni, inissiaatileqatigiiffimmik pilersitsinissaaq pillugu Inatsisartut peqqussutaata allangortinneqarneranik Inatsisartut peqqussutaannik tunngaveqartumi, takuneqarsinnaasariaqartoq. (J.nr. 11.73.35.-12/080-05)*

Suliami pisimasut imaapput:

K Kommunit 2005-imi septemberip qaammataani tikeraarninni innuttaasumit attaveqarfigineqarpunga, taassumalu inissialiornermut tapersiissutit taarsigassarsianut akiitsut isumakkeerneqarnissaannik qinnuteqaammi marluk A/S Inissiaatileqatigiiffik INI-mut tuniunneqarsimasut suli akineqarsimanginnerat naammagittaalliutigaa.



Nalunaarummut qulaani taaneqartumut, taanna malillugu sulianik suliarinninnerup ilaa A/S Inissiatileqatigiiffik INI-mut suliassanngortinneqarluni, inatsimmi tunngavigisaaq pillugu nalornissuteqartoqarsinnaanera tamatumunnga atatillugu malugaara.

Taamaalillutik inissialiornermut tapiissuteqartarnej pillugu Inatsisartut peqqussutaanni § 21a, imm. 3-mit aamma imm. 4-mit inissialiornermut tapiissuteqartarnej pillugu Inatsisartut peqqussutaata allanngortinneqarneranut Inatsisartut peqqussutaatigut nr. 19-ikkut, 12. november 2001-imeersukut ikkunneqartunit makku erseerput:

”Imm. 3. Akiligassanngorsimasunik taarsigassarsiallu amiakkorilersimasaannik, tak. imm. 2, isumakkeerneqarnissaannik qinnuteqaatit Naalakkersuisunut ingerlatinneqassapput. Qinnuteqaatit naliliiffigineqarneranni qinnuteqartup pigisai nalillit inuussutissarsiorsinnaanerani naatsorsuutigisaaq kiisalu illup pisoqaassusia niuernikkullu nalinga isiginiarneqartassapput.

Imm. 4. Akiligassanngorsimasut taarsigassarsiallu amiakkorilersimasaannik qinnuteqaatit suliarineqartarnissaat pillugu Naalakkersuisut malittarisassiussapput.”

Peqqussutissatut siunnersuut pillugu ataatsimut oqaaseqaatinit makku erseerput:

”Peqqussutissatut siunnersuusiornermi Naalakkersuisut nalunaarusiornikkut malittarissiussapput isumakkeerfigineqarnissamik qinnuteqaatinik allaffissornikkut aqutsinissaaq pillugu aalajangersaanissamik, A/S Inissiatileqatigiiffik INI ulluinnarni qinnuteqaatinik suliarinnittuusallissaaq, tassa INI-p tapiiffigineqarluni illuliorarneq aqutareermagu. Piumasaqaataavoq INI-p pisussaaffigissagaa taarsigassarsimasut qinnuteqaataannik pissarsiniartarnissaaq.

Inatsisartut aningaasanut inatsisaanni kontomi 72.02.02-mi Sullissinissamik isumaqatigiisummi, A/S Inissiatileqatigiiffik INI, tapiissutinik ilaatigut boligstøt-tip aqunneqarneranut atorneqartussanik allaffissornikkut aqutsisussaavoq. A/S Inissiatileqatigiiffik INI-lli isumakkeerfigineqarnissamik qinnuteqaatinik sullissisuumissami akiuteqaqqinnissamut piumasaqaat eqqarsaatigalugu tunuarsiimaarpoq, apeqqutaatillugu qinnuteqaatinik suliaqarnerup qanoq suliakkersuutaatigiumaarne-  
ra.

Naatsorsuutigineqanngilarli INI-p boligstøttemik aqutsinermini suliassai tamar-miusut amerleriarumaartut, illumut akiligassanik taarsigassarsiallu amiakkuunik akilinnigitsuukkanik isumakkeerfiginninnerup malitsigissammagu taamatut annertutigisumik akiligassanik akilinnigitsuukkanik akiliisitsiniarnermi oqilisaanneqarnej. 2002-mi suliassat annertusiallakkallarneriarlutik ukiuni tulliuttuni taamatulli anni-killeriartussaapput.”

Naalakkersuisut § 21a, imm. 4 issuarneqartoq innersuussutigalugu akiliutissat akiligassanngortut taarsigassarsiallu amiakkuisa isumakkeerneqarnissaannik qinnuteqaatinik aqutsineq pillugu nalunaarut nr. 10, 18. april 2002-meersoq aalajangersarpaat.

Nalunaarut taanna malittarisassanik imaattunik ilaatigut imaqarpoq:



”§ 1. Akiliutissat akiligassanngortut kiisalu inissialionermermut tapersiissuteqar-  
tarneq pillugu Inatsisartut peqqussutaanni kapitali 4 tunngavigalugu taarsigassar-  
sianut akiitsut amiakkuisa isumakkeerfigineqarnissaannik qinnuteqaatit A/S Inis-  
siaatileqatigiiffik INI-mut tunniunneqartassapput, taassumalu imm. 3-mi piumasaa-  
qaatit taaneqartut qinnuteqaatini eqqortinneqarnersimanersut Naalackersuisut sin-  
nerlugit nakkutigissavaa.

...

Imm. 3. Makku qinnuteqaammut ilanngullugit nassiunneqartassapput:

- 1) Qinnuteqaateqartup inoqutaasa aqqi, inuttut normui suliffiilu pillugit paasissut-  
issat.
- 2) Taarsigassarsiat suut isumakkeerneqarnissaat kissaatigineqartut pillugit paasis-  
sutissat.
- 3) Inoqutigiit tamarmik pigisaasa nalingat pillugit paasissutissat.
- 4) Kommunit, aningaaserivimmit il.il. paasissutissanik pisariaqartunik qin-  
nuteqaatip suliarineqarnerani atugassanik pissarsiniarnissamut inoqutigiit tamarmik  
akuersillutik uppersaanaerat.

Imm. 4. A/S Inissiaatileqatigiiffik INI qinnuteqarnermi immersugassamik ima-  
luunniit nalunaaruteqarnermi atugassamik assigiissaartunik oqaasertalersukkamik  
sanasinnaavoq.

§ 2. Qinnuteqaat paasissutissanik amigaateqarpat A/S Inissiaatileqatigiiffik INI-p  
tunngavissaqanngitsumik utaqqisitsinani sapaatit akunnerinik sisamanik piffissaliil-  
luni paasissutissat amigaataasut nassiunneqaqqullugit qinnuteqartumut nalunaaru-  
tigissavaa.

§ 3. Qinnuteqaatip misissorneqarnerani A/S Inissiaatileqatigiiffik INI-p pissutsit  
§ 1, imm. 3, nr. 1-3-mi taaneqartut malinneqarsimanersut misissussavaa, matumani  
inoqutigiit tamarmik akileraaruteqaataasussanik isertitaat pillugit paasissutissat pis-  
sarsiarineqarnissaat ilanngullugit.

...

§ 5. Qinnuteqaatit paasissutissanik pisariaqartunik tamanik ilaqartinneqartut, tak.  
§§-it 3 aamma 4, Naalackersuisunut aalajangiiffigisassanngorlugit nassiunneqartas-  
sapput.

...”

Pisortaqarfik allakkani 21. september 2005-imeersuni qinnuigaara mak-  
ku pillugit nassuiaateqaqqullugu:

”- Inatsisartut peqqussutaata oqaasertalersornerani qinnuteqaatit Naalackersuisu-  
nut nassiunneqartarnissaat allassimareersoq suliassat ilaasa A/S Inissiaatileqatigiif-  
fik INI-mut isumagisassanngortinnissaat inatsisitigut tunngavissaqartoq Naalacker-  
suisut isummernerminni isumaliutersuutit suut aallaavigisimaneraat.

- A/S Inissiaatileqatigiiffik INI nalunaarummi aalajangersakkat issuarneqartut  
kingunerisaannik aalajangiinissaminut pisinnaatinneqassanersoq, matumani akiitsu-  
nik isumakkeerinninnissamut qinnuteqarnermi suliamik itigartitsineq ilanngullugu,  
imatut pisoqartillugu

- 1) nalunaarummi § 1, imm. 3-mi paasissutissat piumasaaqatigineqartut inissiaatile-  
qatigiiffimmut nalunaarummi § 2 malillugu ingerlatinneqarsimanngippata,
- 2) paasissutissat tunniunneqartut inissiaatileqatigiiffiup nalunaarummi § 1, imm. 3  
malillugu misissuereerneratigut kukkuneqartutut isikkoqarpata imaluunniit
- 3) qinnuteqartoq nalunaarummi § 1, imm. 4 malillugu qinnuteqarfissatut immersu-  
gassaq atorlugu qinnuteqarsimanngippat.

Tamatumunnga peqatigitillugu pisoqarfik qinnuigaara manna nalunaarutigeqqul-lugu, tassalu Naalackersuisut paasinninnerat unaanersoq suliani inissianik iluar-saassinermut, allilerinermut nutarterinermullu tapiissutinik qinnuteqaatinut tunnga-suni A/S Inissiaatileqatigiiffik INI suliani isumakkeerinninnermut tunngasuni atuut-tup pissuseqataanik pisinnaatitaasoq pisinnaatitaassasorluunniit, tak. Inissialiorne-rnut tapersiissuteqartarneq pillugu Inatsisartut peqqussutaata allanngortinneqarne-ranik Inatsisartut peqqussutaanni nr. 4-mi, 15. april 2003-meersumi § 21 b-tut ilanngunneqarsimasoq.“

Pisortaqarfiup allakkani 23. september 2005-imeersuni imatut akivaa-nga:

”Ineqarnermut Attaveqarnermullu Pisortaqarfiup allakkatit qulaani taaneqartunut tunngassuteqartut 21. september 2005-meersut qujassutigai saaffiginnissutillu matu-muuna akissallugu.

Aallaqqaammut oqaatigineqassaaq A/S Inissiaatileqatigiiffik INI-p boligstøtte-mut tunngasunik suliassaqarfimmi aqutsinissaa (suliamik ingerlatsinissaa) Inissiaa-tilaqatigiiffimmik pilersitsinissaaq pillugu Inatsisartut peqqussutaata allanngortin-neqarneranik Inatsisartut peqqussutaanni nr. 2-mi 15. april 2003-meersumi § 2-mi, imm. 3 nr. 4-mi suliassamik isumaginnissaaq pillugu aalajangersakkakkut ilanngun-neqartuklut ingerlaannaq takuneqarsinnaammat.

Suliassamik isumaginninnissap inatsisitigut tunngavissaa qulaani taaneqartoq inissialiorne-rnut tapersiissuteqartarneq pillugu Inatsisartut peqqussutaata allanngortinneqarneranik Inatsisartut peqqussutaatigut nr. 19-ikkut 12. november 2001-imeersuklut § 21a imm. 4-mut ilanngunneqarpat, Ineqarnermut Attaveqarnermullu Pisortaqarfik taava isumaqarpoq A/S Inissiaatileqatigiiffik INI pisuni ilinnit taaneqartuni aalajangiinnissaminut inatsisitigut tunngavissaaqartoq.

Tassungaa atatilugu oqaatigineqassaaq A/S Inissiaatileqatigiiffik INI akiliutissat akiligassanngortut taarsigassarsiallu amiakkuisa isumakkeerneqarnissaannik qin-nuteqaatinik aqutsineq pillugu nalunaarummi nr. 10-mi 18. april 2002-meersumi § 2 naapertorlugu qinnuteqartumut sap. akunnerinik sisamanik piffissaliilluni paasissu-tissat amigaataasinnaasut nassiunneqaqqullugit nalunaaruteqarnissaminut pisussaa-titaammat.

Aammattaaq oqaatigineqassaaq Naalackersuisut, A/S Inissiaatileqatigiiffik INI-unngitsoq, qinnuteqaammik amigaateqartumik tigusissappata, iliuuseqarnissaa aamma taamatut pisussaammat.

Naggataatigut oqaatigineqassaaq qinnuteqartup qinnuteqaat siulleq itigartitaasi-mappat qinnuteqaammik nassiusseqqinnissaa akornutissaqanngimmat.

Apequtinnut kingullermut Ineqarnermut Attaveqarnermullu Pisortaqarfiup oqaatigissavaa § 21b-mi suliassani A/S Inissiaatileqatigiiffik INI-mit sullitanik kif-fartuussinerit taamaallaat pisarmata, pissutigalugu suliamik ingerlatsinissavik Ineqarnermut Attaveqarnermullu Pisortaqarfimmit isumagineqarmat. A/S Inissiaa-tilaqatigiiffik INI-p taamaattumik qulaani taaneqartut pillugit suliassaa taakkua suliassaanit immikkooruteqangaatsiarpoq.

Ineqarnermut Attaveqarnermullu Pisortaqarfiup akissut sukumiisuussasoq ne-riiutigaa, taamaattorli paasissutissat allat soorunami tunniussinnaallugit, tamanna kissaatigineqassappat.”

*Tamatuma kingornatigut imaattunik oqaaseqaateqarpunga:*

*"Inatsisartut pisuni aalajangersimasuni akiitsunik isumakkeerinnittarneq pillugu malittarisassat imaattut inissialiornermut tapiissuteqartarneq pillugu Inatsisartut peqqussutaata allannngortinneqarneranik Inatsisartut peqqussutaatigut nr. 19-ikkut, 12. november 2001-imeersukkut atulersippaat:*

*"§ 21a. Taarsigassarsiallit piffissami 1. maj 2000-imit 30. april 2002-p tungaanut pisinnaatitaaffigalugu ineqarnermut tapinik pissarsisarsimasut 1. november 2002 nallertinnagu Naalakkersuisunut qinnuteqarnermikkut akiligassannngorsimasunik taarsigassarsiallu amiakkuunik isumakkeerfigineqarsinnaapput.*

*Imm. 2. Taarsigassarsiallit ukiuni kingullerpaani marlunni inaarlugit akilerarfiusumi akilerarutaasussanik ukiumut 128.000 kr.-it ataallugit inoqutigiittut isertitaqartarsimasut akiligassannngorsimasunik taarsigassarsiallu amiakkorilersimasaannik isumakkeerfigineqarnissaminnik qinnuteqarsinnaapput. Meeqqanut angerlarsimaffimmi najugaqartunut 18-it inorlugit ukiulinnut, najukkamilu najugaqartutut inuit nalunaarsorsimaffianni nalunaarsorneqarsimasunut, tamanut, amerlanerpaamilli meeqqanut arfinilinnut, isertitanut killigititaq meeqqamut ataatsimut 4.000 kr.-inik qaffanneqartassaaq.*

*Imm. 3. Akiligassannngorsimasunik taarsigassarsiallu amiakkorilersimasaannik, tak. imm. 2, isumakkeerfigineqarnissamik qinnuteqaatit Naalakkersuisunut ingerlatinneqassapput. Qinnuteqaatit naliliiffigineranni qinnuteqartup pigisai nalillit inuussutissarsiorsinnaaneraniillu naatsorsuutigisaaq kiisalu illup pisoqaassusia niuernikkullu nalinga isiginiarneqartassapput.*

*Imm. 4. Akiligassannngorsimasut taarsigassarsiallu amiakkorilersimasaannik isumakkeerfigineqarnissamik qinnuteqaatit suliarineqartarnissaat pillugu Naalakkersuisut malittarisassiussapput."*

*Inatsisissatut siunnersuut pillugu oqaaseqaatinit nalinginnaasunit qu-laani aallaqqaasiullugu issuakkannit erserpoq isumakkeerinninnermik aaqqissuussineq A/S Inissiaatileqatigiiffik INI-mit aqunneqassasoq Naalakkersuisut naatsorsuutigisimagaat.*

*Naalakkersuisut tamatuma kingornatigut nalunaarut, taamatuttaaq qu-laani issuarneqartoq, 18. april 2002-mi aalajangersarpaat, taannalu misissuinnermik aallartitsinissannut pissutissaqalersitsisimavoq.*

*Aalajangersakkani issuakkanni takuneqarsinnaasutut isumakkeerinnittoqarnissaanik qinnuteqaatit A/S Inissiaatileqatigiiffik INI-p Inatsisartut peqqussutaanni § 21 a tunngavigalugu tigusassagai suliarisassagaalu, taamatuttaarlu pisortaqarfiup uannut akissutaani takuneqarsinnaavoq Naalakkersuisut paasinninnerat unaasoq Inissiaatileqatigiiffik sulianik suliarinninnerminut ilaatillugu innuttaasut eqqarsaatigalugit aalajangiisassasoq.*

*Tamanna tunngavigalugu oqaatigaara sulianik suliarinninnermi suliasanik aamma aalajangiinnermut pisinnaatitaanermik namminersortunut isumagisassannngortitsineq inatsimmi immikkut tunngavissaqarnissamik piumasqaateqarfiusoq.*

*Tamanna suliffeqarfiup pineqartup inuit ataasiakkaat pillugit inatsiseqartitsineq tunngavigalugu pisortanit pigineqarnera allatulluunniit iliorluni nakkutigineqarnera apeqqutaatinnagu atuuppoq.*

*Innuttaasut eqqarsaatigalugit aalajangiinissamut pisinnaatitaanermik isumagisassanngortitsineq eqqarsaatigalugu inatsimmi eqqissumik saneq-qunneqarsinnaanngitsumik tunngavissaqarnissaq piumasaqaataavoq.*

*Pisumi matumani Inatsisartut peqqussutaatigut aalajangersarneqarpoq akiitsut isumakkeerneqarnissaannik qinnuteqaatit Naalakkersuisunut tunniunneqartassasut.*

*Tamanna aaqqissuussinerup aqunneqarnerata A/S Inissiaatileqatigiiffik INI-mit ingerlatsinermi oqartussaasuunngitsumit isumagineqarsinnaaneraturat paasineqarsinnaanngilaq. Naalakkersuisut A/S Inissiaatileqatigiiffik INI-mi suliaasat suliarineqartarnerat paasitinneqarsinnaatitaanerlu pillugit Namminersorerullutik Oqartussat nalunaarutaatigut nr. 37-kkut, 19. december 1996-imeersukkut ingerlatsineq pillugu inatsiseqartitsinermi malittarisassanik Inissiaatileqatigiiffimmut atortuulersitsinerat Inissiaatileqatigiiffiup ingerlatsinermi oqartussaasunngortinneqarneranik nassataqanngilaq.*

*Tamatuma kingornatigut apeqqutaalerpoq suliat akiitsunik isumakkeerrinninnermut tunngasut Inissiaatileqatigiiffimmit aqunneqarnissaannik inissialiornermut tapersiissuteqartarneq pillugu Inatsisartut peqqussutaata allanngortinneqarneranik Inatsisartut peqqussutissaattut nr. 19-itut, 12. november 2001-imeersutut siunnersuut pillugu oqaaseqaatini oqaatigineqartoq Inissiaatileqatigiiffimmut isumagisassanngortitsinermit, akiligassat akiligassanngortut taarsigassarsiallu amiakkuisa isumakkeerneqarnissaannik qinnuteqaatinik aqutsineq pillugu Namminersorerullutik Oqartussat nalunaarutaatigut nr. 10-kkut, 18. april 2002-meersukkut Naalakkersuisut aalajangersarsimasaannut inatsimmi tunngavissaa-nersoq naammattoq.*

*Apeqqutip taassuma naliliiffiginerani manna pingaartillugu isiginiartariaqarpara, tassalu peqqussutip oqaasertaani Naalakkersuisut aaqqissuussinermik aqutsisuunerannik aalajangersagaq taaneqartoq Inissiaatileqatigiiffimmut isumagisassanngortitsinermik siunertaqanngitsoq.*

*Manna aamma pingaartillugu isiginiarpara, tassalu pisinnaatitaanermik isumagisassanngortitsinerup inatsimmik tunngaveqarnissaannik piumasaqaatit inatsisikkut naapertuuttumik tunngaveqarnermik aallaaveqarnerup ersernerigai, taamaalillutillu innuttaasut inatsiseqartitsinikkut isumannaallisaavineqarnissaannik siunertaqarlutik, taamatuttaarlu ingerlatsinermi pisinnaatitaaneq pillugu inatsimmi malittarisassat ingerlatsinermi oqartussaasumut pisinnaatitaanermik inatsisikkut tunineqarsimasunut pisussaaffiliisuullutik<sup>8</sup>.*

---

8. Poul Andersen, Dansk Forvaltning, pingajussaanik naqitertitaq, 1956, qupp. 290. Bent Christensen, Opgaver, hjemmel, organisation, 1991 qupp. 315

*Tamatuma saniatigut matuma aallaaviunera atuuppoq, tassalu inatsisip oqaasertai inatsisillu piareersarlugu suliarineqarnerani suliat imminnut naapertuutinnigippata inatsit oqaasertalersorneqarnini malillugu paasineqassasoq. Tunngavik taanna Højesteret-ip pillaatissiisoqarnissaanut inatsimmi tunngavik pillugu apeqqutit pillugit eqqartuussutini<sup>9</sup> marlunni mallissimavaa, tassami Højesteret-ip suliani taakkunani marlunni aalajangersarsimammagu inatsisip siunertai inatsisip oqaasertaanut assortuuttut innersuussutigalugit pillaatissiisoqarsinnaanngitsoq.*

*Naalakkersuisunit aktiaateqarluni ingerlatseqatigiiffimmut isumagisassanngortitsinermi inatsimmik tunngaveqarnissamik piumasagaatinik naliliininni, isumagisassanngortitsinermi inatsimmik tunngaveqarnissamik piumasagaatinut tunngaviusutut oqaatigineqartoq isiginiarlugu, isumaqarpunga paasinnittarnermut tunngavik taassuma pissuseqataa atorneqartariaqartoq.*

*Inissialiornermut tapersiissuteqartarneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 19-imi, 12. november 2001-imeersumi § 21 a, imm. 4-p, akiligassanngorsimasut taarsigassarsiallu amiakkorilersimasaannik isumakkeerinninnissamik qinnuteqaatit suliarineqartarnissaat pillugu malittarisassanik Naalakkersuisut aalajangersaasarnissaannik aalajangersaaviusup isumagisassanngortitsinermut inatsimmi tunngavissamik nassataqarneranik pisorta qarfiup tusarniaanermut akissutaani oqaatigineqartoq pillugu oqaatigaara piginnaatitsissutitut aalajangersakkat assigiissaartunik oqaasertalersugaasut taamaattut imminni namminersortunut isumagisassanngortitsinermut inatsimmi tunngavissiisuunngitsut. Ilisimatitsissutitut oqaatigisinnaavara Folketingip Ombudsmandia pillugu qallunaat inatsisaanni apeqqut apeqqutip qulaani pineqartup pissuseqataa pillugu aamma taamatut oqaaseqaateqarsimammatt<sup>10</sup>. Uanga paasinninnera unaavoq pineqartoq eqqarsaatigalugu inatsisitigut atuuttoq Kalaallit Nunaanni Danmarkimilu assigiittoq.*

*Tamatuma kingornatigut paasinninnera unaavoq inissialiornermut tapersiissuteqartarneq pillugu Inatsisartut peqqussutaata allanngortinneqarneranik Inatsisartut peqqussutaat nr. 19, 12. november 2001-imeersaq aalajangiinissamut pisinnaatitaanerup A/S Inissiaatileqatigiiffik INImut isumagisassanngortinnissaanut inatsimmi tunngavissamik naammatumik imaqanngitsoq.*

*Inatsimmi tunngavigisatut allaaserineqartup sulianik suliarinninnerup ilaata aalajangiinissamut pisinnaatitaanerup tunngasuunngitsup Inissiaatileqatigiiffimmut isumagisassanngortinneqarnissaanut naammanneranik apeqqummut atatillugu oqaatigaara isumagisassanngortitsinermut inatsimmi tunngaviusup siunertaa isiginiarlugu sulianik suliarinninnerup ilaata taamaattut aktiaateqarluni ingerlatseqatigiiffimmut inatsisikkut er-*

9.) U 1971.456 H aamma U 1989.688 H

10.) FOB 1985, qupperneq 116 tulliilu, pingaartumik qupperneq 120

seqqissumik tunngavissaqarnani isumagisassanngortinneqarnissaa eqqarsarnartorjussuusutut isigiarisariaqartoq<sup>11</sup>.

Umiaarsualivinnut oqartussaannermik isumagisassanngortitsineq pillugu pisorta qarfimmu oqaaseqaatiga aamma innersuussutigaa, oqaaseqaallu taanna 2003-mi ukiumoortumik nalunaarutinni ilanngunneqarsimavoq (kalaallisuuani qupperneq 406 tulliilu, qallunaatuuanilu qupperneq 321 tulliilu).

Apeqqu kinguleruttoq tassaavoq nalunaarutip (tamatum kingornatigit) aalajangersarnissaanut inatsimmi tunngavissaq pisorta qarfiup tusarniaanermut akissummini oqaatigisimasaatut inissiatileqatigiiffimmik pilersitsinissaq pillugu Inatsisartut peqqussutaata allanngortinneqarneranik Inatsisartut peqqussutaatigit nr. 2-kkut, 15. april 2003-meersukkut pissarsiarineqarsimanersoq.

Inissiatileqatigiiffimmik pilersitsinissaq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 15. april 2003-meersumi § 1 imaattunik oqaasertaqarpoq:

”Inissiatileqatigiiffimmik pilersitsinissaq pillugu Inatsisartut peqqussutaanni nr. 12-imi, 28. oktober 1993-imeersumi, inatsisartut peqqussutaatigit nr. 6-ikkut, 2. maj 1996-imeersukkut allanngortinneqartumi, makku allannguutigitinneqassapput:

1. § 2 ima oqaasertaqassaaq:

”§ 2. Inissiatileqatigiiffiup siunertaraa pigisanik (illunik) aalaakkaasunik aqutsineq taakkunungalu tunngasuni kiffartuussineq.

Imm. 2. Inissiatileqatigiiffiup pingaarnertut suliassarai makku:

1) inissiat Namminersornerullutik Oqartussanit pigineqartut aqunneqarnerat ingerlanneqarnerallu, kiisalu

2) inissiat Namminersornerullutik Oqartussanit pigineqartut aserfallatsaaliorneqarnerat.

Imm. 3. Inissiatileqatigiiffik Namminersornerullutik Oqartussanit kiffartuunneqarnissamik isumaqatigiissusiorsinnaavoq suliassat makku pillugit:

1)...

2) ...

3 ...

4) Inissialiornermut tapersiisuteqartarneq pillugu Inatsisartut peqqussutaat naapertorlugu boligstøttimut tunngasut aqunneqarnerat.

5) Oqartussaasutut suliassanik Namminersornerullutik Oqartussat sinnerlugit isumaginninneq.

Imm. 4 ...

Imm. 5 ....”

Inatsisartut peqqussutissaattut siunnersuut taanna oqaaseqaatinik imaattunik ilaatigit ilaqartinneqarpoq:

”Nassuiaatit nalinginnaasut

---

11.) Tak. Hans Gammeltoft-Hansenip allallu atuakkiaat "Forvaltningsret", aap-passaanik naqitertitaq, 2002, qupperneq 145



*Peqqussutissatut siunnersuutip saqqummiunneqarnera ineqarnermut tunngasut tamanut tunngatillugu allanngortiteriffigineqarnerannut ilaavoq, tassa ilaatigut kissaatigineqarmat A/S Inissiaatileqatigiiffik INI-p sunniuteqarnerulersinneqarnissaa allanngortiteriffigineqarnissaalu, taamaalilluni ingerlatseqatigiiffik suliassarpiaminik, tassalu inissiat attartortittakkat ingerlanneqarnerannik aqunneqarneranillu, siunissami taamaallaat suliaqalersinnaaqqullugu.*

*Peqqussutissatut siunnersuutip kinguneraa A/S Inissiaatileqatigiiffik INI-p suliassanik assigiinngitsunik pingasunik suliaqalernissaa,*

*- oqartussaasutut suliassat piginnaatinneqareernikkut naammassineqartussat,*

...

*Peqqussutissatut siunnersuutip allaffissornikkut kingunerisassai*

*Peqqussutissatut siunnersuutip taamaallaat nassatarissavaa inissiaatileqatigiiffiup suliassanik sunik suliaqartussaanerata erseqqissaavigineqarnera.*

...

*Peqqussutissatut siunnersuutip aningaasatigut kingunerisassai*

*Siunnersuutip nassatarissavaa immikkut sullissinerit pillugit isumaqatigiissutit ingerlatseqatigiiffip suliassarpiaanut ilaanngitsut Namminersornerullutik Oqartussat inissiaatileqatigiiffiullu, imaluunniit illunik piginnittup, assersuutigalugu komunit inissiaatileqatigiiffiullu, akornanni kiffartuunneqarnissamik isumaqatigiissuteqarfigineqartarnissaat. Maannakkut Namminersornerullutik Oqartussat inissiaatileqatigiiffiullu akornanni kiffartuunneqarnissamik isumaqatigiissuteqarpoq, tassani pineqarput Namminersornerullutik Oqartussat ineqarnermut tunngasuni suliassaataat tamarmik. Kiffartuunneqarnissamik isumaqatigiissut taanna suliassat aalajangersimasut pillugit kiffartuunneqarnissamik isumaqatigiissutinut aggulunneqassaaq.*

*Suliassanut ullumikkut inissiaatileqatigiiffimmit isumagineqartunut amerlanerusunik aningaasaleeqqitoqarnissaata pisariaqalernissaa naatsorsuutigineqanngilaq.*

*Aalajangersakkanut ataasiakkaanut nassuiaatit*

*§ 1, nr. 1-imut*

*Aalajangersakkap kingunerissavaa A/S Inissiaatileqatigiiffik INI-p pingaarnertut suliassarilissammagit Namminersornerullutik Oqartussat inissiaataasa ingerlanneqarnerat, aqunneqarnerat aserfallatsaaliuiffigineqarnerallu. Taakku saniatigut suliassat arlallit inissianik ingerlatsinerimut sanaartormullu tunngassuteqartut naammassineqarnissaat pillugu inissiaatileqatigiiffik isumaqatigiissusiorsinnaavoq.*

*Inissiaatileqatigiiffiup suliassai agguataarneqassapput suliassarpiaanut saniatigullu suliassaanut, imaappoq saniatigut ingerlassanut. Suliassarpiaa, imaappoq Namminersornerullutik Oqartussat inissiaataasa ingerlanneqarnerat, aqutsivigineqarnerat aserfallatsaaliorneqarnerallu, iluanaarniutiginagu ingerlanneqassapput, taamaammat inissiaatileqatigiiffiup Namminersornerullutik Oqartussat aktiaateqarluni ingerlatseqatigiiffiattut pisariaqartinneqartut saniatigut ingerlatseqatigiiffik ingerlatsinerimut sillimmatissanik katersissanngilaq aningaasanilluunniit katersissanani, tassa sullitarpiani, attartortut, pisariaqanngitsunik aningaasartuusersortussaannngimmagit.*

*Suliassat allat inissiaatileqatigiiffiup tigusai, imaappoq ingerlatseqatigiiffiup saniatigut ingerlassai, immikkuutaarlutik ilanngaatisat ilanngaatigereerlugit iluanaaruteqaataaqataassapput. Tamanna isumaqarpoq saniatigut ingerlassat ataasiakkaat pitsaasumik matussuseeqataanermik saniatigut iluanaaruteqaataaqataassapput. Tamanna ima paasineqassaaq isertitaq ingerlassanut aalajangersimasunut akissaajaatit ilanngaatigereerlugit suli iluanaaruteqaataassasoq.*



*Saniatigut ingerlassat kiffartuunneqarnissamik isumaqatigiissutit atorlugit naammassineqarsinnaapput, tamanna ima paasillugu saniatigut ingerlassat imminni ilanngaattissat ilanngaatigereerlugit iluanaaruteqaataaqataassanngillat, taamaammat suliakkiisoq ingerlatassap naammassineqarnissaanut immikkut akiliuteqartassaaq. Kiisalu suliaasat aalajangersimasut naammassineqarnissaat pillugit inissiaatileqatigiiffik immikkut isumaqatigiissusiorsinnaavoq.”*

*Tassannga erserpoq inissialiornermut tapersiisarnermut tunngasut Inissiaatileqatigiiffiup Naalakkersuisunut isumaqatigiissut malillugu siunissami aqussinnaagai.*

*Taamaalilluni Inatsisartut peqqussutaanni aalajangersarneqanngilaq inissialiornermut tapersiisarnermut tunngasut aqunneqarnerat Naalakkersuisut Inissiaatileqatigiiffimmut isumagisassanngortissimagaat, aalajangersarneqarlunili tamanna Naalakkersuisut Inissiaatileqatigiiffimmut isumaqatigiissutaat aqutigalugu isumagisassanngortitsinikkut pisinnaasoq.*

*Taamaattumik pisortaqarfiup matuminnga paasinninnera ilalersinnaanngilara, tassalu Inissiaatileqatigiiffimmik pilersitsinissaq pillugu Inatsisartut peqqussutaata allanngortinneqarneratigut nalunaarutip inatsimmi tunngavissaa pisariaqartoq pissarsiarineqarsimasoq.*

*Tamanna tunngavigalugu pissutissaqarpunga, tak. Ombudsmandi pillugu inatsimmi § 11, Inatsisartut aamma Naalakkersuisut matuminnga nalunaaruteqarfigissallugit, tassalu akiliutissat akiligassanngortut taarsigassarsiallu amiakkuisa isumakkeerneqarnissaannik qinnuteqaatinik aqutsineq pillugu Namminersornerullutik Oqartussat nalunaarutaanni nr. 10-mi, 18. april 2002-meersumi nalunaarutip suliaasanik A/S Inissiaatileqatigiiffik INI-mut isumagisassanngortitsinera eqqarsaatigalugu inatsimmi tunngavissaqanngitsoq.*

*Taamaattumik Inatsisartut aamma Naalakkersuisut allakkatigut allatigut allakkat uku assilinerinik ilaqartinneqartutigut tamatuminnga nalunaarfigaakka.*

*Paasinninnerma manna malitsigaa, tassalu suliat akiitsunik isumakkeerrinninnermut tunngasut A/S Inissiaatileqatigiiffik INI-p akiliutissat akiligassanngortut taarsigassarsiallu amiakkuisa isumakkeerneqarnissaannik qinnuteqaatinik aqutsineq pillugu Namminersornerullutik Oqartussat nalunaarutaat nr. 10, 18. april 2002-meersoq tunngavigalugu aquinnasappagit tamanna Naalakkersuisut Inissiaatileqatigiiffiullu isumaqatigiissutaannit inissiaatileqatigiiffimmik pilersitsineq pillugu Inatsisartut peqqussutaata allanngortinneqarneranik Inatsisartut peqqussutaannik nr. 2-mik. 15. april 2003-meersumik inatsimmi tunngaveqartumit ersertariaqartoq.*

*Pisortaqarfik qinnuigaara tamanna qanoq iliuseqarnissamut pissutissaqalersitsinersoq nalunaarfigeqqullunga.*

*Pisortaqarfiup tusarniaanermut akissutaani manna aamma naatsorsuutigineqarsorinarpoq, tassalu akiitsut isumakkeerneqarnissaannik qinnute-*

qaateqarnermi nalunaarummi § 1, imm. 4-mi immersugassap assigiissaar-tunik oqaasertalersugaasup allaaserineqarsimasup atorineqannginnerata suliat aalajangiivigineqarneranni pingaartillugu isiginiarnissaa inatsi-sinik unioqquitsinnginnertut pisortaqarfiup isigigaa.

Oqaatigaara akiitsut isumakkeerneqarnissaannik qinnuteqaatit tunniun-neqarneranni qanoq iluseqartitsinissamut inatsimmi tunngavik pillugu apeqquut misissuininni ilaatinneqarsimanngimmat.

Taamaattumik pisortaqarfiup matumunnga ataneqartillugu akissutaata matuminnga maluginneqqusinissannut taamaallaat pissutissaqalersippaa-nga, tassalu qinnuteqaateqarnermi immersugassat assigiiaartunik<sup>12</sup> oqaa-sertalersugaasut innuttaasunit atorineqarnissaat peqqusissutigineqassap-pat tamanna inatsimmi immikkut tunngavissaqarnissamik piumasqaate-qarfiusoq.

Sulianik inissialiornermut tapersiissuteqartarneq pillugu Inatsisartut peqqussutaanni § 21 b-mi, inissialiornermut tapersiissuteqartarneq pillugu Inatsisartut peqqussutaata allanngortinneqarneranik Inatsisartut peqqus-sutaatigut nr. 4-kkut, 15. april 2003-meersukkut ikkunneqarsimasumi, pineqartunut ilaatinneqartunik A/S Inissiaatileqatigiiffik INI-mut isumagi-sassanngortitsisinnaaneq pillugu apeqquut eqqarsaatigalugu oqaatigaara:

§ 21b imaattunik oqaasertaqarpoq:

"§ 21b. Inuit ukiuni akileraarfiusuni kingullerni marlunni inoqutigiittut 128.000 kr.-it ataallugit akileraaruteqaataasussanik isertitaqarsimasut akiliutissanillu aamma akiitsut sinnerinik § 21a malillugu isumakkeerinniffigineqarsimasut ini-gisamik iluarsaanneqarnissaanut, allineqarnissaanut nutarsarneqarnissaanulluun-niit tapiiffigineqarnissaminnik qinnuteqarsinnaapput. Tapiissutit annerpaamik 50.000 kr.-inik amerlassuseqarsinnaapput.

Imm. 2. Meeqqamut 18 inorlugit ukiulimmut inuit allattorsimaffiat malillugu na-jukkami angerlarsimaffeqartutut nalunaarsorsimasumut ataatsimut, taamaattorli amerlanerpaamik meeqqanut arfinilinnut, isertitat killingat, tak. imm. 1, meeqqamut ataatsimut 4.000 kr.-inik qaffanneqartassaaq.

Imm. 3. Tapiiffigineqarnissamik qinnuteqaatit Naalakkersuisunut nassiunneqas-sapput. Qinnuteqaatit naliliivigineqarneranni iluarsaassinissap, allilerinissap pit-sanngorsaanisalluunniit annertussusii qinnuteqartup aningaasaateqassusianut suliaassallu suliarineqarnissaanut nammineq pisinnaassuseqassanganinneqarnera-nut kiisalu illup pisoqaassusianut niuerutigineqarneranilu nalinganut tunngassutil-lit eqqarsaatigineqassapput.

Imm. 4. Naalakkersuisut inissiap iluarsaanneqarnissaanut, allilernissaanut nu-tarsarneqarnissaanulluunniit tapiiffigineqarnissamik qinnuteqaatit aqutsivigine-qarnissaat pillugu maleruagassanik aalajangersaasinnaapput."

---

12. Tak. Hans Gammeltoft-Hansenip allallu atuakkiaat "Forvaltningsret", aappassaanik naqitertitaq, 2002, qupperneq 479

*Aalajangersagaq piareersarlugu suliani taassuma aqunneqarnera A/S Inissiaatileqatigiiffik INI-mut isumagisassanngortinneqarsimansoq takuneqarsinnaanngilaq.*

*Pisortaqarfiup tusarniaaninnut akissutaanit erserpoq suliani § 21 b-mi pineqartunut ilaatinneqartuni Inissiaatileqatigiiffiup taamaallaat "sullitanik kiffartuussinerit" isumagisarigai.*

*Tamanna imatut paasivara Inissiaatileqatigiiffiup suliani taakkunani peqataanera kiffartuussinermi suliassanut suliat tigussaasutigut imarisaat pillugit Inissiaatileqatigiiffiup isummerfiginninnissaanik nassataqanngitsunut killilerneqarsimasoq.*

*Suliassat nalinginnaasut taamaattut uanga paasinninnera malillugu Inissiaatileqatigiiffimmut isumagisassanngortinneqarsinnaapput, inatsimmi erseqqivissumik tunngavissaliisoqarsimanngikkaluartoq.*

*Taamaattumik paasissutissiissutigineqartut tunngavigalugit aaqqissuussinerup taassuma aqunneqarnera pillugu oqaaseqaatissaqanngilanga."*

Ukiup nalunaarusiuunneqartup naanerani pisortaqarfimmit akissummik tigusaqanngilanga.

## **75. Ilinniarfimmi ilinniartussanik tiguisarneq.**

### **1. Efterskolimiinnermut tapiissutininik qinnuteqaammik suliarinninneq.**

*Danmarkimi efterskolimiinnermut tapiiffigineqarnissamik qinnuteqaatit Oqaatsinik Pikkorissarfimmit itigartinneqarnerannik qinnuteqarnermi immersugassami allattuiiffissami qinnuteqaammik tunngavilersuinnermut attuumassuteqartumi qallunaatut ilinniarumaneq qinnuteqaammut tunngavilersuutitut oqaatigineqarsimannginnera tunngavilersuutigalugu Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup aalajangiusimanninnera pillugu naammagittaalliuutit marluk imminnut attuumassuteqanngitsut Ombudsmandip 2004-p ingerlanerani tiguai.*

*Ombudsmandi isumaqarpoq naammagittaalliuutigineqartut tunngaviusumik ajornartorsiutinut tunngasuusut, tassami efterskolimiinnermut tapiiffigineqarnissamik qinnuteqaatit suliarineqartarnerannut inatsimmi tunngavigisaq nalinginnaasumik nalornisutigineqarsinnaammat, taamatuttaarlu Ombudsmandi isumaqarpoq efterskolimiinnermut tapiiffigineqarnissamik qinnuteqaatit pillugit suliani Namminersornerullutik Oqartussat aqutsinikut periaasiat erseqqinnerusumik misissorneqartariaqartoq.*

*Misissuinnermi paasisat Ombudsmandi Danmarkimi efterskolimiinnermut tapiissuteqartarneq pillugu Namminersornerullutik Oqartussat nalunaarutaannut nr. 26-mut 15. januar 2004-meersumut inatsimmi tunngavigisap erseqqarlunneranik Inatsisartunut Naalakkersuisunullu Inatsisartut Ombudsmandiat pillugu inatsimmi § 11 tunngavigalugu nalunaarutiginninnissaanut pisutissaqalersippaat.*

*Taamaattorli Ombudsmandi isumaqarpoq tapiissutinut matussutissaqannginneq innersuussutigalugu suliat itigartinneqarsimasut suliareqqinneqarnissaannik pisortaqarfimmut inassuteqarnissamut naammattumik tunngavissaqarnani.*

*Ombudsmandili isumaqarpoq piumasagaatit efterskolimiinnermut tapiissutit pillugit missingersuutinut ilanngussamit ersertut meeqqat atuarfiat pillugu peqqussummut ilanngunneqarnissaat pisortaqarfiup isumaliutersuutigisariaqaraa, piumasagaatit taakku atuuttuussasut pisortaqarfik suli isumaqarpat. (J.nr. 11.-73.75.12/076-04)*

Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup aalajangigai taakku marluk uannut naammagittaallionernut tunngaviusut pingaarnerusutigut assigiimmik oqaasertaqarput, taa-

maattumillu aappaa 2. juni 2004-mi ullulerneqartoq kisiat issuarniarlugu aalajangerpunga:

”Ernissi A-p aamma B-p efterskolimiinnissaannut tapiiffigineqarnissamut qinnuteqaatissi itigartinneqarnerat pillugu naammagittaalliutersi pisortaqarfiup 1. maj 2004-mi tiguaa.

Suliaq pisortaqarfiup suliaraa, matumuunalu nalunaarutigissallugu Oqaatsinik Pikkorissarfiup aalajangiinera, tassalu itigartitsinera, aalajangiusimaneqartoq.

Tunngavilersuut:

Qinnuteqaatinik Oqaatsinik Pikkorissarfiup suliarinninnermini ilaatigut qinnuteqartup nammineerluni tunngavilersuutaa ilaatigullu atuartup efterskolimiinnermini pissarsiassaatut ilimagisat pillugit atuarfiup oqaaseqaataa pingaartippai, tamatumalu saniatigut tapiissuteqarnermi aningaasaliissutit tamarmiusut nunap immikkoortuinut agguataarnerat isiginiarneqarluni. Taamaalilluni Danmarkimi efterskolimiinnermut tapiissuteqartarneq pillugu Namminersornerullutik Oqartussat nalunaarutaanni nr. 26-mi 15. januar 2004-meersumi piumasaqaatit aalajangersakkat malinneqarput.

Atuartup qallunaatut pisinnaasaminik nukittorsaaniarluni qinnuteqartup nammineerluni tunngavilersuutaa Oqaatsinik Pikkorissarfiup naliliinnermini pingaartippaa. Tamatumunnga atatillugu aningaasanut inatsimmi kontomut 40.10.02-mut missingsuutini ilanngussaq innersuussutigineqarpoq, tassanngalu erserpoq efterskolimiinnermut tapiissuteqarnerup siunertaa, tassunga ilanngullugu ukioq atuarfiusoq manna aallarnerfigalugu ilinniartup qallunaatut pisinnaasaasa nukittorsarnissaat siunertaralugu tapiissutinut aningaasaliissuteqartarnerup anguniarneqarnissaa.

Oqaatsinik Pikkorissarfiup malugaa qallunaatut pisinnaasanik pitsanngorsaanis-saq efterskolernissamut tunngavilersuutitut qinnuteqarnermi immersugassami oqaatigineqanngitsoq, taamaattumillu Oqaatsinik Pikkorissarfik aalajangerpoq tapiissu-tinik aningaasaliissuteqarnermi qinnuteqartut allat salliutinneqassasut. Oqaatsinik Pikkorissarfik pisortaqarfimmut ilisimatitsivoq atuarfiup oqaaseqaatai, arlalialun-guit eqqaassanngikkaanni tamarmik pitsaasuusut, taamaattumillu atuarfiup oqaase-qaatai toqqaanermi annikitsuinnartigut iluaqutigineqarsinnaasartut.

Oqaatsinik Pikkorissarfik pisortaqarfimmut aamma ilisimatitsivoq aningaasanut inatsisikkut aningaasaliissutigineqartut iluanni atuartitaanikkut ingerlaqqinnissamut (qinnuteqarnermi immersugassami immikkoortut 5 aamma 6) piareersarnissaq tunngavigalugu qinnuteqartut tamarmik akuerineqarsinnaasimanngitsut. Taamaattumik qinnuteqaatinut tamanut Oqaatsinik Pikkorissarfiup ataatsimut naliliinnermini qin-nuteqaatit atuarfimmit pitsaasumik oqaaseqaatitallit tamannalu peqatigalugu qallu-naatut ilinniarnissamik tunngavilersuutitallit toqqaanermi salliutippai, aningaasa-nut inatsimmit ersermat atuartup qallunaatut pisinnaasaasa nukittorsarneqarnissaat siunertaralugu aningaasaliisoqassasoq.

Pisortaqarfik isumaqarpoq qinnuteqaatinut tiguneqarsimasunut tamanut atatil-lugu Oqaatsinik Pikkorissarfiup ataatsimut naliliinnermini aningaasaliissutinut killi-liussat eqqarsaatigalugit toqqaasarnermi piumasaqaatinik inatsisitigut akuerisaa-sunik aalajangersaasimasoq.

Taamaattumik pisortaqarfik aamma isumaqarpoq qinnuteqartup nammineerluni tunngavilersuutaanik naliliinnermi siunertat aningaasanut inatsimmi kontumut missi-ngersuutini ilanngussami anguniagaasut pingaartinneqarsimasut.

Pisortaqarfiup aamma maluginiarpaa B-p aamma A-p qinnuteqaataanni ilinniarti-taanikkut ingerlaqqinnissamut piareersaatitut efterskolimiinnissaq tunngaviler-sorneqarsimanngitsuoq (krydsiligassat 5 aamma 6 krydsilerneqarsimanngitsut).

Pisortaqarfiup naliliinera malillugu naammagittaalliutissinni oqaatigisasi Oqaatsinik Pikkorissarfiup qinnuteqaatinik suliarinninneranut tunngaviusunik allan-

nguuteqartitsinngillat. Nalunaarummi § 4 naapertorlugu qinnuteqaatinik tamanik ataatsimut naliliinerit aallaavigalugit qinnuteqartut kikkut akuerineqassanersut Oqaatsinik Pikkorissarfiup aalajangertussaammagu pisortaqarfik aamma isumaqarpoq tapiiffiqineqarnissamik qinnuteqaammut tunngavilersuutitut ilanngunneqartut pingaartinneqarsimangitsut.

Naammagittaalliornissamut ilitersuut.

(...)” (Atorfeqarfimmi nutsigaavoq)

Oqaatsinik Pikkorissarfiup aalajangiinera Kultureqarnermut, Ilinniarti-taanermut, Ilisimatusarnermut Ilageeqarnermullu Pisortaqarfimmut naammagittaalliornernut tunngaviusoq 20. april 2004-mi ullulerneqarsimavoq, imatullu oqaasertaqarluni:

”(...)

Aaliangiineq:

Oqaatsinik Pikkorissarfiup sinnerlugu ajuusaarutigalugu nalunaarutigissavarput tapiiffiqequllusi qinnuteqaatersi akuerineqanngimmat.

Aaliangiinnermut tunngaviusoq:

Danmarkimi efterskolemut tapiissutit pillugit nalunaarummi piumasaqaatinik ar-lalinnik piumasaqartoqarpoq tapiissutinik pissarsissagaanni. Piumasaqaatillu ilissin-niit malinneqarsimapput.

Qinnuteqartulli aningaasanik innimineerineq naapertorlugu sinneqarmata taa-maattumik Oqaatsinik Pikkorissarfiup tapiiffiqineqartussanik toqqaasariaqarsima-voq.

Oqaatsinik Pikkorissarfiup ataatsimut tamaat isigalugu qinnuteqartut tapiiffiqi-neqarsinnaasullu tamaasa sukumiisumik nalilersorpai, taamatullu qinnuteqartut sor-liit akuerissanerlugit nalilersornerlutik. Innersuussutigissavara Namminersorne-rullutik Oqartussat nalunaarutaanni § 4 aallaavigalugu qinnuteqartup Danmarkimi efterskolerniarnermini tunngavilersuutai, aammalu qinnuteqartup atuarfigisaata oqaaseqaataa atuartup efterskolissaguni pissarsiarisinnaasai nalilersornerarput. Taakkua saniatigut nuna tamakkerlugu immikkoortiternerani tapiissutissat aaliangersarsimani toqqammavigineqarput.

Nalilersuineri qinnuteqartup nammineerluni tunngavilersuutaa pingaartinne-qarpoq, atuartup qallunaatut piginnaasani annertusarniarnerai.

Matumuuna maluginiaqquneqarpoq, tapiissutinik tunisinerup siunertaraa Dan-markimi efterskolerneru atuartup atuagarsornikkut oqaluttariarsornikkullu pigin-naaneri annertusassallugit ilinniaqqinnissap alloriarfiginnginnerani. Atuarfiusussaq una aallarnerfigalugu aaliangerneqarpoq tapiissutaasartut atorluarniarlugit atuartup Danskisut piginnaasaata annertusarnissaa anguniarneqassasoq. Tassunga tunngatil-lugu innersuussutigissavara efterskolerneru aningaasartuutissat inatsisaata konto 40.10.12-mut atugassat, ilisimatitsissutitut allakkap assilinera ilanngunneqarpoq.

Qinnuteqaammi nalunaarutigisimangillat "Qallunaatut pikkorissarneq" efter-skolernissamut tunngaviusoq. Taamaasilluni qinnuteqartup siunertamut pingaarner-mut samminngimmat Oqaatsinik Pikkorissarfiup aaliangerpoq qinnuteqartut allat tapiiffiqineqarnissaat salliutiniarlugit.

Naammagittaalliornissamut ilitersuut:

(...)”

Efterskolimiinnermut tapiiffiqineqarnissamik qinnuteqaatit pineqartut qinnuteqarnermi immersugassaq ilaatigut makkuninnga allattuiffissartalik

atorlugu tunniunneqarsimapput: “Suna pillugu atuariarniarpit?”. Allattuiffisami tassani makkuninnga oqaasertallit toqqagassat arlaqarput: “Eqqarsarfitut”, “Inuuneq, ikinngutit nutaat”, “Periarfissat allat”, “Soqutigisannut naleqqut-toq”, “Suleqatigiinneq ilikkarusullugu”, “Angajoqqaat qimalaarniarlugit”, “STI-ler-tinnanga”, “Atuariaaseq alla”, “Atuakatakkama”, “Piginnaanikka allat misilikkusul-lugit”, “Qallunaatut pikkorissarneq”, “GU/HTX-ertinnanga”, “Sunngiffimmi pe-riarfissat”, aamma “Allat”.

Taamaattumik Kultureqarnermut, Ilinniartitaanermut, Ilisimatusarner-mut Ilageeqarnermullu Pisortaqarfimmut 15. oktober 2004-mi ilaatigut imatut allappunga:

“Taamaattumik Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik efterskolimiinnissamut tapiiffigineqarnissamik qin-nuteqaatit pillugit suliani sulianik suliarinneriaatsip qanoq ittuunera pillugu nas-suiaateqaqqullugu qinnuigaara, matumani efterskolimiinnissamut tapiissuteqarnis-samik aalajangiinerni tunngaviit suut tunngaviutinneqartarnerat ilanngullugu eqqar-saatigalugu.

Kultureqarnermut, Ilinniartitaanermut, Ilisimatusarnermut Ilageeqarnermullu Pi-sortaqarfik aamma qinnuigaara efterskolimiinnissamut tapiiffigineqarnissamik qin-nuteqaatit pillugit suliani qinnuteqarnermi immersugassat atorneqarnissaannut inat-sisitigut tunngavissaqartoq pisortaqarfik isumaqarnerseqqullungu.”

Allakkatigut 16. november 2004-meersukkut 19. november 2004-mi ti-gusakut pisortaqarfik ima akissuteqarpoq:

“Inatsisartut Ombudsmandiata allakkatigut 15. oktober 2004-meersutigut pi-sorta-qarfik qinnuigaa efterskolimiinnermut tapiiffigineqarnissamik qinnuteqaatit pillu-git sulianik suliarinneriaatsip qanoq ittuunera pillugu nassuiaateqaqqullugu, matu-mani ilanngullugu efterskolimiinnermut tapiissuteqarnissamut aalajangiinermi piu-masaqaatit suut tunngavigineqartarnerat ilanngullugu eqqarsaatigalugu. Tamatu-munnga peqatigitillugu pisortaqarfik qinnuigineqarpoq efterskolimiinnermut tapiif-figineqarnissamik qinnuteqaatit pillugit suliani qinnuteqarnermi immersugassat atorneqarnissaannut inatsisitigut tunngavissaqartoq pisortaqarfik isumaqarnerseqqullungu. Pisortaqarfik naggataatigut qinnuigineqarpoq qinnuteqaate-qartut qinnuteqarnermi immersugassat immersorneqarnissaannik ilitersorneqar-tarnersut nalunaarutigeqqullugu.

Sulianik suliarinninnermi periaaseq pillugu:

Danmarkimi efterskolimiinnermut tapiissuteqartoqartarpoq ilaatigut aningaasa-nut inatsimmi tamatuma aningaasaliiffigineqarnissaanik aalajangersakkat tunngavi-galugit, ilaatigullu nalunaarut tunngavigalugu. Aningaasanut inatsimmi konto pi-ngaarneq 40.10.12, Efterskolimiinneq kiisalu Danmarkimi efterskolimiinnermut tapiissuteqartarpoq pillugu Namminersornerullutik Oqartussat nalunaarutaat nr. 26, 15. januar 2004-meersoq innersuussutigineqarput.

Nalunaarummi §§-ini 7-mit 11-mut qinnuteqarnermi periaatsit pillugit malit-tarisassat aalajangersarneqarsimapput, tassunga aamma ilanngullugu naammagit-taalliuuteqarnissamut ilitersuinissaq. Taakkunanga ilaatigut erserpoq qinnuteqar-tup tapiiffigineqarnissamik qinnuteqaanni atuartitaanermut ingerlatsivimmut nas-siutissagaa, taassumalu qinnuteqaat assigiinngitsunik ilanngussartaluk tamatuma kingorna Oqaatsinik Pikkorissarfimmut nassiutissagaa. Aamma nalunaarummi § 4-



mit erserpoq Oqaatsinik Pikkorissarfiup aalajangissagaa qinnuteqaatit sorliit akuerineqassanersut. Taamatuttaaq nalunaarummi § 11-mi erserpoq tapiissutit pillugit aalajangiinermut naammagittaalliutit Ilinniartitaanermut Pisortaqarfimmut suliaqkiissutigineqassasut. Qinnuteqarnermi periaaseq taanna atorneqarnermini nalunaarummi oqaatigineqartunut naapertuuttuvoq.

Tapiissuteqartoqassappat nalunaarummi § 1-imi, imm. 2-mi oqaatigineqartut tapiiffigineqarmissamut piomasaaqatit taaneqartut qinnuteqartup eqqortissimasavai. Oqaatsinik Pikkorissarfiup qinnuteqaatinik tamarmiusunik ataatsimut naliliineq tunngavigalugu aalajangissavaa qinnuteqaatit sorliit akuerineqassanersut. Atuartup efterskolimiinnermini pissarsiarumaagai pillugit atuarfiup oqaaseqaataa kiisalu Danmarkimi efterskoleriarnissamut qinnuteqartup tunngavilersuutai pingartinneqassapput. Aammattaaq toqqaanermi tapiissutit aningaasaliissutit tamarmiusut nunap immikkoortuinut agguataarneqarnerat eqqarsaatigineqassaaq. Taakku nalunaarummi § 4-mit erserput.

Qinnuteqaatinik Oqaatsinik Pikkorissarfiup suliarinninnermini ilaatigut qinnuteqartup nammineeeluni tunngavilersuutaa ilaatigullu atuartup efterskolimiinnermini pissarsiassaaturt ilimagisat pillugit atuarfiup oqaaseqaataa pingaartippaa, aamma tamatuma saniatigut tapiissuteqarnermi aningaasaliissutit tamarmiusut nunap immikkoortuinut agguataarneqarnerat eqqarsaatigineqarpoq. Taamaalluni Danmarkimi efterskolimiinnermut tapiissuteqartarneq pillugu Namminersornerullutik Oqartussat nalunaarutaanni nr. 26-mi, 15. januar 2004-meersumi piomasaaqatit aalajangersakkat malinneqarput.

Oqaatsinik Pikkorissarfiup naliliinnermini atuartup qallunaatut piginnaasaminik nukittorsaanarluni qinnuteqartup nammineeeluni tunngavilersuutaa pingaartippaa. Tamatumunnga atatillugu aningaasanut inatsimmi kontomut 40.10.02-mut missingersuutitut ilanngussaq innersuussutigineqarpoq, tassanngami ersermat efterskolimiinnermut tapiissuteqarnissap siunertaa, tassunga ilanngullugu ukioq atuarfiusoq manna aallarnerfigalugu ilinniartup qallunaatut piginnaasaasa nukittorsarnissaat siunertalugu tapiissutit aningaasaliiffigineqartarnissaat anguniarneqassasoq.

Oqaatsinik Pikkorissarfiup pisortaqarfimmut oqaatigaa atuarfiup oqaaseqaatai, arlalialunnguit eqqaassanngikkaanni, tamarmik pitsaasuusut, taamaattumillu atuarfiup oqaaseqaatai annikitsuinnartigut toqqaanermi iluaqutigineqarsinnaasartut.

Oqaatsinik Pikkorissarfiup pisortaqarfimmut aamma oqaatigaa aningaasanut inatsisikkut aningaasaliissutigineqartut iluanni atuartitaanikkut ingerlaqqinnissamut (qinnuteqarfissami immikkoortut 5 aamma 6) piareersarnissaq tunngavigalugu qinnuteqartut tamarmik akuerineqarsinnaasimanngitsut. Taamaattumik qinnuteqartut tamaasa pillugit ataatsimut Oqaatsinik Pikkorissarfiup naliliinnermini atuarfimit pitsaasumik oqaaseqaatitallit tamannalu peqatigalugu qinnuteqaatit qallunaatut ilinniarnissamik tunngavilersuutitallit toqqaanermi salliutippai, aningaasanut inatsimmit ersermat atuartup qallunaatut piginnaasaasa nukittorsarneqarnissaat siunertalugu aningaasaliisoqartassasoq.

Pisortaqarfik isumaqarpoq qinnuteqaatinut tiguneqarsimasunut tamanut atatillugu Oqaatsinik Pikkorissarfik ataatsimut naliliinnermini aningaasatigut killiliussat eqqarsaatigalugit toqqaasarnermi piomasaaqatit inatsisitigut akuerisaasunik tunngaveqarluni aalajangersaasimasooq.

Taamaattumik pisortaqarfik aamma isumaqarpoq qinnuteqartup nammineeeluni tunngavilersuutaanik naliliinnermi aningaasanut inatsimmi kontumut missingersuutini ilanngussami siunertat anguniagaasut pingartinneqarsimasut.

Qinnuteqarnermi immersugassat atorneqarnissaannut inatsisitigut tunngavissat.

Nalunaarummi § 7, imm. 2-kkut aalajangersarneqarpoq tapiiffigineqarmissamik qinnuteqarnermi qinnuteqarfissiaq Ilinniartitaanermut Pisortaqarfimmit suliarineqarsimasooq atorneqassasoq. Qinnuteqaatit ilaatigut imarissavaa atuartup Danmarkimi

kimi efterskolernissaanut tunngavilersuut. Aamma imm. 3-mit erserpoq qinnuteqarfissiaq kommunimi atuartup atuarfigisaani ilinniartitaanermut ingerlatsivimmit tunniunneqassasoq.

Tamanna tunngavigalugu pisortaqarfik isumaqarpoq qinnuteqarnermi immersugassat atorneqarnissaannut pisariaqarneratut inatsisitigut tunngavissaqartoq.

Qinnuteqaatinik immersuinissamik ilitsersuisarneq pillugu.

Tapiiffigineqarnissamik qinnuteqarnissaq pillugu qinnuteqartumut ilitsersuut erseqqissoq qinnuteqarnermi immersuiffissamat ilaatinneqarpoq, tassunga ilanngulugu qinnuteqaammik immersuinissamat ilitsersuut.

Tamatuma saniatigut ilitsersuut atuartup siunnersortaanut imaluunniit atuartitaanermut ingerlatsivimmut piniarneqarsinnaavoq.” (Atorfeqarfimmi nutsigaavoq)

*Tamatuma kingornatigut imaattunik oqaaseqaateqarpunga:*

*”Efterskolimiinnermut tapiissuteqartarnermi inatsisitigut tunngavissaq.*

*Meeqqat atuarfiat pillugu Inatsisartut peqqussutaannit nr. 1-imit, 6. juni 1997-imeersumit erserpoq:*

*”§ 11. Naalackersuisut Danmarkimi efterskolimiinnermut atasumik aningaasartuutitut tapiissuteqarsinnaapput.*

*Imm. 2. Naalackersuisut tapiissuteqarnissamat malittarisassanik aalajangersaassapput.”*

*Aalajangersagaq taanna meeqqat atuarfiat pillugu Inatsisartut peqqussutaata allanngortinneqarneranik Inatsisartut peqqussutaatigut nr. 4-kkut, 2. maj 1996-imeersukkut meeqqat atuarfiat pillugu Inatsisartut peqqussutaanni nr. 10-mi, 25. oktober 1990-imeersumi § 10 a-tut ilanngunneqaqqaarsimagaluarpoq.*

*Peqqussut taaneqartoq kingulleq pillugu oqaaseqaatinit ilaatigut makku erserput:*

*”Nassuiaatit tamanut tunngasut.*

*1994-imi Inatsisartut upernaakkut ataatsimiinneranni oqaluuserisassani imm. 24 oqaluuserineqarmat Danmarkimi efterskolimiinnermut tapiissuteqartarnissamik Naalackersuisut siunnersuut Inatsisartut akuersorpaat.*

*1995-imit aamma 1996-imit aningaasanut inatsisini siunertamut tassunga atugassanik aningaasaliisoqarpoq (konto nr. 40.10.12).*

*Tapiissutit tamakku atortinneqarput Danmarkimi efterskolimiinnermut tapiissuteqartarneq pillugu KIIP-ip kaajallaasitaa nr. 1/1995 naapertorlugu. Tapiissuteqartarnerli innuttaasut inatsisitigut pisinnaatitaanerannut tunngasunik annertuumik attuummat malittarisassat nalunaarutitut ilusilikkami aalajangersartariaqarput. Mannali tikillugu meeqqat atuarfiat pillugu Inatsisartut peqqussutaanni imaluunniit aningaasanut inatsimmi nalunaarusiornissamat erseqqissumik tunngavissaqanngimmat pisariaqartinneqarpoq siunnersuutip uuma saqqummiunnissaa; taamaaliornikkullu taamaallaat siunertarineqarpoq nalunaarutitut ilusilikkami malittarisassaliornissamat tunngavissaqalernissaq.*

*Naatsorsuutigineqanngilaq siunnersuut allaffissornikkut aningaasartuutitigullu sunniuteqarumaartoq.*

*Aalajangersakkanut ataasiakkaanut nassuiaatit:*

*§ 1- pillugu.*

*Aalajangersagaq taanna tapiissuteqartarnej pillugu nalunaarusiornissamut tunngavissaqalersitsivoq. Taamaalilluni ilaatigut malittarisassaliortoqarsinnaassaaq qinnuteqartarnej, tapiiffigineqarnissamut patsisissaatitat, tapiissutissat qanoq anertutiginissaat pillugit."*

*Meeqqat atuarfiat pillugu peqqussummi aalajangersakkat issuarneqartut innersuussutigalugit Danmarkimi efterskolimiinnermut tapiissuteqartarnej pillugu nalunaarut (nr. 26) ukiumut atuarfiusumut 2004/2005-imut atuutussaqaq Namminersornerullutik Oqartussat 15. januar 2004-mi atuutilersippaat, tassanilu makku aalajangersarneqarput:*

*"§ 1. Danmarkimi efterskolimiinnermut tapiissutit Oqaatsinik Pikkorissarfimmit aningaasanut inatsimmi aningaasaliissutigineqartut iluannit aningaasaliissutigineqartarput.*

*Imm. 2. Tapiiffigineqarnissamut piumasagaatit makku naammassineqarsimasapput:*

*1) atuartoq aamma atuartumut angajoqqaatut oqartussaataitaasut efterskolimiinnerup aallartinnerani Kalaallit Nunaanni najugaqavissuussapput efterskolimiinnerullu aallartinnera sioqqullugu sivikinnerpaamik ukiumi ataatsimi Kalaallit Nunaanni najugaqavissuusimassallutik. Kalaallit Nunaata avataani najugaqarnerut naatsorsuutigineqanngillat najugaqarnerit kalaallit oqartussaannit peqataaffigineqarsimasut ilinniagaqarnermik imaluunniit paaqqinninnermik taamaallaat pisuteqartut,*

*2) atuartoq efterskolimi atualernermini 18-inik ukioqalereersimassanngilaq,*

*3) efterskolimi atualernissap aallartinnissaa sioqqullugu atuartup meeqqat atuarfiat imaluunniit tunngaviusumik atuarfimmu assingusoq naammassereersimassavaa. Meeqqat atuarfiat pillugu inatsisartut peqqussutaanni nr. 1 6. juni 1997-imeersumi malittarisassat naapertorlugit meeqqat atuarfianni atuartut naammassinnissimasut efterskolimi atualernissaaq sioqqullugu 11. klassi naammassereersimassavaat,*

*4) atuartup efterskoli atualerfissaa Danmarkimi ilinniartitaanermut ministerimit akuerisaassaaq,*

*5) atuartoq siusinnerusukku Danmarkimi efterskolimiinnissamut Namminersornerullutik Oqartussanit tapiiffigineqarsimassanngilaq,*

*6) § 2 naapertorlugu atuartoq efterskolimiinnermini angajoqqaatut oqartussaataitaasut toqqagaannik Danmarkimi ilaqutariinnut atassuteqassaaq,*

*7) § 3 naapertorlugu atuartup efterskolimiinnermini pissarsiarisassaatut naatsorsuutigisat pillugit atuarfimmu oqaaseqaateqartoqareersimassaaq, aamma*

*8) § 8 naapertorlugu tapiiffigineqarnissamut qinnuteqaat piffissaq eqqorlugu tunniunneqarsimassaaq.*

*Imm. 3. Oqaatsinik Pikkorissarfiup immikkut ittunik pissutissaqartillugu imm. 2, nr. 1, 2, 3, 5 aamma 8 saneqqussinnaavai.*

*...*

*§ 3. Atuarfiup tapiissutinik qinnuteqaatinik naliliinissamut atugassatut qinnuteqaammut ilanngutissavai atuartup Danmarkimi efterskolimiinnerani pissarsiarisas-*

saanut naatsorsuutigisat pillugit oqaaseqaat. Oqaaseqaat pissutsinut makkununga isummiussanik imaqassaaq:

1) Atuartoq efterskolimi atuartitsinermut malinnaasinnaasutut naatsorsuunneqarnerisq.

2) Atuartoq efterskolimi ataatsimooqateqarsinnaasutut naatsorsuunneqarnerisq.

3) Atuartoq ilinnialernissamat piareersaataasumik ilinniartitaanermut imaluunniit piginnaangortitsisumik ilinniartitaanermut tiguneqarsinnaanissamat qallunaatut pisinnaasami annertusarnissaanut pisariaqartitsinersq.

4) Atuartoq efterskolimiinnerminik naammassinnissinnaasutut naatsorsuunneqarnerisq.

5) Atuartoq pillugu pissutsinik allanik peqarnerisq tapiissutinik akuersissuteqartariaqarnermut tunngaviusinnaasunik.

Imm. 2. Ilinniartitaanermut Pisortaqarfiup immersugassiaa atorlugu oqaaseqaatiliortoqassaaq.

§ 4. Oqaatsinik Pikkorissarfiup qinnuteqaatinik tamarmiusunik ataatsimut naliineq tunngavigalugu aalajangissavaa qinnuteqaatit sorliit akuerineqassanersut. Atuarfiup atuartup efterskolimiinnermini pissarsiariumaagai pillugit oqaaseqaataa kiisalu § 3 naapertorlugu naliliinnermi Danmarkimi efterskoleriarnissamat qinnuteqartup tunngavilersuutai pingartinneqassapput. Aammattaaq toqqaanermi tapiissutitut aningaasaliissutit tamarmiusut nunap immikkoortuinut agguataarneqarnerat eqqarsaatigineqassaaq.

...  
§ 7. Angajoqqaatut oqartussaataasut atuartup efterskolimut tiguneqarnissaanut namminneerlutik qinnuteqassapput.

Imm. 2. Tapiiffigineqarnissamik qinnuteqarnermi qinnuteqarfissiaq Ilinniartitaanermut Pisortaqarfimmit suliarineqarsimasq atorineqassaaq. Qinnuteqaatip ilaatigut imarissavaa atuartup Danmarkimi efterskolernissaanut tunngavilersuut.

..."

Efterskolimiinnermut aningaasartuutit Inatsisartut 2004-mi aningaasanut inatsisaanni ilanngussaq 1-imi inissisimapput, tassalu 2004-mi aningaasanut inatsimmi aningaasaliissutit pillugit takussutissiami, suliasaqarfimmi 40.10-mi konto pingaarnermi 40.10.12-mi, ingerlatsinermut aningaasaliissutitut. Konto pingaarneq oqaasertalersugaanngilaq.

Pineqartut pillugit Kultureqarnermut, Ilinniartitaanermut, Ilisimatusernermut Ilageeqarnermullu Naalakkersuisup 2004-mi aningaasanut inatsimmi aningaasaliissutinut missingersuutinit ilanngussaanit ilaatigut makku erserput:

"INGERLATSINERMUT ANINGAASALIISSUTIT

Inatsisitigut tunngavigisat

Meeqqat atuarfiat pillugu Inatsisartut peqqussutaat nr. 1, 6. juni 1997-imeersq aamma Danmarkimi efterskollemiittunut tapiissutit pillugit Namminersorerullutik Oqartussat nalunaarutaat nr. 4, 21. februar 1997-imeersq.

Aningaasaliinnermi tunngavigineqartut

...  
Danmarkimi efterskolimiinnissamat tapiissutit ilinniartitaanerup qaffasissusiata tamakkiisumik nukittorsarneqarnissaanik suliniutit arlallit ilagaat, tassunga ilanngullugu atuartut ingerlaqqiffiusumik ilinniarnissamat ilisimasatigut oqaatsitigullu piginnaasaannik nukittorsaanissaq.

2004-mut aningaasanut inatsisissatut siunnersuummi aningaasaliissutit 0,7 mio. kr.-inik ikilineqarput, tamatuma kingorna taamaalillutik 5.865.000 kr.-inngorlutik.

Namminersornerullutik Oqartussanit Danmarkimi efterskolimiinnermut aningaasaliissutaasartut atuartunut ilinniartitaanikkut ingerlaqqinnissamut inuttut ilisimasatigullu naammaginatut piginnaasaqaratik 11. klassimiit anisunut neqeroorutit atuutsinneqalerput.

Meeqqat atuarfiannik iluarsartuusseqinnerup siunissami ungasinnerusumi ilinniartitaanikkut taamatut tapertaliinissamik pisariaqartitsinermik annikinnerulersitsinissaa naatsorsuutigineqarpoq.

Aningaasaliissutit ikilinerat ima kinguneqarpoq, efterskolimiinnermut aningaasaliissutit danskisut piginnaasanik nukittorsaanissamut siunertaqalerlutik, tamanna qinnuteqartunik toqqaanermi pingaarnertut tunngaviusarluni. 2003-mi ukiakkut tunngavissat makkuninnga imallit suliarineqassapput:

1. Qinnuteqartut ilinniarnermi ingerlaqqinnissaminut danskisut piginnaasanik nukittorsarnissaannut uppersarneqarsinnaasumik pisariaqartitsisuusapput. Tamanna isumaqarpoq, danskisut tamakkiisumik oqaasillit, tassunga ilanngullugit atuartut marluinnik oqaasillit aammalu atuartut danskisut atuartitsinermi ingerlalluurtut salliutinneqassanngitsut.

2. Qinnuteqartoq danskisut oqaatsitigut ima toqqammaveqassaaq, efterskolimiinneq oqaatsitigut kissaatigineqartumik pissarsinissamut pisariaqartumik tunngavissaqarluni. Tamatuma kingunerisaanik qinnuteqartut danskisut killilerujusuarmik piginnaanillit salliutinneqassanngillat.

Taamaalillutik atuartut annertuumik piginnaanillit, efterskolimiinnissamut piginnaasatigut pisariaqartitsinngitsut, aammalu efterskolimiinnermini annikitsuinarmik pissarsisussat efterskolimiinnissamut qinnuteqaatinut atatillugu salliutinneqassanngillat.”

Tamatuma kingornatigut manna tunngaviutittariaqarpara, tassalu meeqqat atuarfiat pillugu peqqussummi § 10 a-p, ullumikkut § 11-usup, meeqqat atuarfiat pillugu Inatsisartut peqqussutaanni nr. 8-mi, 21. maj 2002-meersumi § 49, imm. 4-kkut atatiinnarneqartup akuerineqarnissaa sioqqullugu efterskolimiinnermi aningaasartuutitut tapiissutaasut, aningaasanut inatsit kisiat tunngavigalugu tunniunneqartartut tassaasut ta-piissutinut aningaasaliissutit.

Meeqqat atuarfiat pillugu peqqussummi § 10 a piareersarlugu sulianik issuaanermi ersepoq aalajangersagaq taanna ilanngunneqartoq, efterskolimiinnermut tapiissutit allaffissornikkut aqunneqarnerat pillugu nalunaarutikkut malittarisassanik aalajangersaanissamut inatsisikkut tunngavissaqalernissaq siunertarlugu.

Oqaatigaara nalunaarummik aalajangersaanerup inatsimmik aningaasanut inatsisip avataaniittumik tunngaveqarnissaanik piumasaqaateqarfiuneranik Naalakkersuisut Inatsisartunut paasissutissiisuteqarneranni aallaavigineqartup eqqortuuneranik erseqqinnerusumik naliliineq uanga sulinerma avataaniimmat.

Tapiissuteqarnermulli inatsimmi tunngavigisaq aningaasanut inatsisip avataani inatsimmut ikkunneqarpat aallaavisoq tassaavoq tapiissutinut aningaasaliissutit pineqarnerunnaarlutik inatsit tunngavigalugu aningaasartuutit pineqalernerat, inatsisikkut aalajangersaaneq erseqqivinnigik-

*kaluarterluunniit<sup>13</sup>. Inatsit tunngavigalugu aningaasartuutit aamma aningaasanut inatsimmik tunngaveqarluni tapiissutit immikkoortisimaneqarnerat eqqarsaatigalugu 2003 pillugu nalunaarutinni suliaq 11.01-11.09, 99-allat, pillugu allaaserineqartoq innersuussutigaaara.*

*Paasinninnera tamanna tunngavigalugu unaavoq efterskolimiinnermut tapiissutit inatsimmik 1996-imi allannortitsinerup kingornatigut tassaa-lersut inatsit tunngavigalugu aningaasartuutit, tassami pingaartillugu isiginiarakku tapiissuteqartarneq pillugu malittarisassanik aalajangersaanissamat inatsimmi tunngavigisap aningaasanut inatsimmi ilaajunnaarluni meeqqat atuarfiat pillugu Inatsisartut peqqussutaanniilerneru.*

*Inatsisartulli meeqqat atuarfiat pillugu peqqussut pillugu oqaaseqaatini tunngavigisimavaat tapiissutit aqunneqarneranni tapiissutinut aningaasaliissutinut killiliussa q inatsisinik unioqutitsinani pingaartillugu isiginiar-neqarsinnaasoq.*

*Taamaattorli tapiissutinik aqutsinermi aningaasaqarnikkut isiginiagas-sat ilanngunnissaannut inatsimmi immikkut tunngavigisaq taanna peqqus-sutip oqaasertaasa imarisaannit malittarisassat erseqqinnerusut tunngavi-galugit tapiissuteqartarnissamat Naalakkersuisunut nalinginnaasumik pi-ginnaatitsissutitut iluseqartumi takuneqarsinnaanngilaq.*

*Inatsiseqartitsinermi tunngaviliisutut tunngaviit inatsisip oqaasertaani saneqqunneqarsinnaasutut oqaatigineqarsimannippata taakku saneqqun-neqarsinnaanngitsut nalinginnaasumik naatsorsuutigineqartarpoq.*

*Pisumi matumani pineqartoq tassaavoq innuttaasut tapiissutinik inatsit tunngavigalugu piumasaqaateqarsinnaanerannik inatsisiliortut erseqqi-vissumik oqaatiginnissimanninnerat, tassami tamanna pillugu malitta-risassat aalajangersarneqarnissaat Naalakkersuisunut isumagisassanngortinneqarsimammatt. Tamanna inatsisip oqaasertaanit ersinngilaq, tamannali tamatuma paarlattuanik, oqaatigineqartutut, inatsimmi aalaja-ngersagassatut siunnersuut pillugu oqaaseqaatinit erserluni aningaasaliis-sutinut killiliussa q aqqissuussinermik aqutsinermi pingaartillugu isigi-niarneqassasoq.*

*Pisumili tassani aningaasaqarnermi isiginiagassat inatsimmik unioqqu-titsinerunnginnerannik Inatsisartut tunngavigisaasa aqqissuussinerup qanoq aqunneqarnissaanik Naalakkersuisunut peqqussutitut, imaanngit-soq inatsimmi aalajangersakkat oqaasertaasa unioqutillugit aqutsinissa-mut inatsimmi aqutsinissatut, saqqummerfiani inatsisissatut siunnersuut pillugu oqaaseqaatit tunngavigalugit Naalakkersuisut aqutsinerat pillugu oqaaseqaatissaqanngilanga.*

*Taamaattumik suliat aningaasaliissutitigut matussutissaqartitsinngin-neq innersuussutigalugu itigartinneqarsimasut suliarineqaaqqinnissaannik*

---

13. Henrik Zahle, Dansk Forvaltningsret (regering, forvaltning og dom), 2001, qupperneq 601



*pisortaqarfimmu inassuteqaateqarnissannut naammattumik tunngavissaqarnanga isumaqarpunga.*

*Tamatumunngali attuumassuteqanngitsumik paasinninnera unaavog Danmarkimi efterskolimiinnissamut tapiissuteqartarnej pillugu Naalakkersuisut nalunaarutaanni § 1, imm. 1-mut inatsimmi tunngavigineqartoq pillugu nassuiaatigineqartumut tunuliaqutaasup erseqqarluttuunera Inatsisartunut Naalakkersuisunullu Ombudsmandi pillugu inatsimmi § 11 tunngavigalugu nalunaarutigisariaqariga, taamaattumillu Inatsisartut Inatsisit Atortinneqarnerannut Ataatsimiititaliaat aamma Naalakkersuisut pissutsit taamaannerannik allakkatigut allatigut allakkat uku assilinerinik ilaqartinneqartutigit ilisimatippakka.*

*Tamatumunnga atatillugu paasinninnera unaavog aaqqissuussinerup aqunneqarneranut tunngaviusoq pillugu pisariaqarneratut erseqqissuutitsinissaq pilersinniarlugu tapiissutit aningaasanut inatsimmi aningaasaliissutinut killissaliunneqartutut aalajangersarneqartut iluanni tunniunneqarsinnaanerisa inatsisip oqaasertaani namminerni allaaserineqarnissaat isumaliutersuutigineqartariaqartoq.*

*Efterskolimiittarnermik aaqqissuussinerup aqunneqarnerani aningaasaliissuteqarnermi tunngaviusut pingaartillugit isiginiarneqartarnerisa inatsisinik eqqortitsisuunerat eqqortitsisuunnginneralluunniit pillugu tuliuttuni oqaaseqaatikka aamma innersuussutigaaakka.*

*Tapiiffigineqarnissamik qinnuteqaatinik suliarinninnermi piumasaqaatinik inatsimmik unioqqutitsisuunngitsunik aalajangersaaneq.*

*Nalunaarummi § 1, imm. 1-ikkut qinnuteqartut qanoq amerlatigisut efterskolimiinnermut tapiiffigineqarsinnaanerannik aningaasaliissutinut killiliussat aqutsisuunerisa inatsisinik unioqqutitsisuunnginnerat aallaavigalugu pisortaqarfik isumaqatigaara oqarmat tapiissutit tunniunneqarneranni piumasaqaataasunut ilassutaasut aalajangersarneqartariaqartut, qinnuteqartut nalunaarummi piumasaqaataasunik eqqortitsisut tamarmik akuerineqartarnerat aningaasaliissutit sipporneqarnerannik nassataqasappat.*

*Aningaasanut inatsimmi aningaasaliissutini tapiissutinik killilersuinisamik Inatsisartunit tunngavigineqartoq isiginiarlugu tapiissuteqarnermi piumasaqaatit, aningaasaliissuteqarnermut tunngaviusunit issuarneqartunit ersertut, qinnuteqaatit suliarineqarneranni taakku meeqqat atuarfiat pillugu peqqussummut ataneqartinneqarsinnaanerit tunngavigalugu pingaartillugit isiginiarneqarnerat oqaaseqaateqarnissannut aamma pissutissaqalersitsinnaanngilaq.*

*Makku pingaartumik pineqarput:*

*- atuartut ilinniarnerminnik ingerlatseqqinnerminni atuagarsornikkut oqaatsitigullu pisinnaasaannik nukittorsaanissaq*



- qinnuteqartunik toqqaanermi qallunaatut pisinnaasanik nukittorsaanerup pingaarnertut piunasaqaataanissaa.

Oqaatigaara efterskolimiitsitsisarneq meeqqat atuarfiat pillugu peqqussummik tunngaveqarmat piunasaqaatit inatsisinik unioqqutitsisuunngitsut taanna (peqqussut) aallaavigalugu tamatumunnga peqatigitillugu aalajangersarniarneqartariaqartut.

Meeqqat atuarfiat pillugu peqqussummi § 2-mit makku erseerput:

“§ 2. Atuarfiup angerlarsimaffik suleqatigalugu pisussaaffigaa

1) ilikkagassanik pisinnaasassanillu pisariaqartunik tamanik atuortoq pissarsitissallugu,

2) atuartup piginnaasai ineriartortissallugit, peqqissutsikkut, inooqataanikkut misigissutsitigullu inerikkiartorneq ilaatillugu,

3) atuartup toqqissimasumik namminersortumillu inooqataalernissaanut peqataassalluni,

4) tatisimaneqanngitsumik isumaliorsinnaaneq akaarinninnerlu atuartumi siuarsassallugit, kiisalu

5) atuartup akornanni aamma ilinniartitsisut atuartullu akornanni akisussaaqatigiinneq suleqatigiinnerlu nukittorsassallugit.

Imm. 2. Atuarfiup ilikkartiisiniarnermini avatangiiisut peqqinnartut toqqissisimantartullu neqeroorutigissavaa, taamaasiornermigullu atuartup namminersortumik eqqarsarsinnaanera, akuersaaginnarani nammineq isummersinnaassuseqarnerminik piginnaassusai, isummaminik, nammineq isiginnittaatsiminik misigissutsiminillu oqaatiginnissinnaassuseqarnera kiisalu anguniakkaminik angusiniarsinnaassutsimigut, allannortitseriarsinnaassutsimigut, tunniussimassutsimigut pilersitseriarsinnaassutsimigullu piginnaasai siuarsassallugit.

Imm. 3. Atuarfiup atuartitsinermini atuortoq piginnaasassanik, suleriaatsinik atuagarsornikkullu piginnaasassanik iluaqutaasussanik pissarsinissamut periarfissisavaa, taakkununnga ilaatinneqassapput atuartup piginnaasaminik ineriartortitsisinnaanissaa, ilinniagaqarnissamut inuutissarsiutitaarnissamullu piareersarneq kiisalu tamatigoortumik saqqummiusseriarsinnaaneq oqaatsinillu piginnaasat tamatigoortut.

Imm. 4. Atuarfiup ulluinnarni ingerlatsinini sulininilu imatut sinaakkusersusavaa, atuortoq imminut naleqartinnerminik, imminut tatiginnerminik, suleqateqarsinnaassuseqarnerminik, akisussaassuseqarnerminik inunnullu allanut ataqqinninnerminik ineriartortitsisinnalersillugu.

Imm. 5. Atuarfiup suliamini tamani atuartup inuiaqatigiinni kinaassutsiminik, kulturiminik pingaartitaminillu paasinninnerminik ilisimasaminillu ineriartortitsinissaa tunngavilissavaa, inuiaat allat kulturiinik ilisimasaqarnera paasinnissinnaaneralu ineriartortissavaa, oqartussaaqataanermik eqqarsartaatsimut iseriartuaartinneqarnissaa isumagissavaa kiisalu oqartussaaqataanerminut, pisinnaati-taaffeqarnerminut, pisussaaffeqarnerminut inuiaqatigiillu ineriartornerannut pingortitamullu naleqqussarniarnerminut atuartup nammineq akisussaaqataanerminik paasinnissinnaanera ineriartortissallugu”

Uanga paasinninnera unaavoq nalunaarummi tapiiffigineqarnissamik qinnuteqaatinik naliliisarnermut tunngaviusoq pillugu § 4-mi aalajangersagaq qulaani issuagara meeqqat atuarfiat pillugu peqqussummi § 2-mut aallaavittut naapertuuttusoq.

*Paasinninnera aamma unaavoq aningaasaliissuteqarnissamut tunngavigineqartuni piumasaqaatit tulliiaarneqartut meeqqat atuarfiat pillugu peqqussummi siunertatut aalajangersakkanut napertuuttuusut, taamaattumillu pisortaqarfiup aamma Oqaatsinik Pikkorissarfiup sulianik suliarinninnerminni piumasaqaatinik taakkuninnga tunngaveqarsimanerat oqaaseqaateqarnissannut pissutissaqalersitsisinnaangilaq.*

*Paasinninnerali aamma unaavoq piumasaqaatit efterskolimiinnermut tapiissutinut aningaasaliissutit pillugit missingersuutini ilanngussanit ersertut meeqqat atuarfiat pillugu peqqussummut ilanngunneqarnissaat pisortaqarfiup isumaliutersuutigisariaqaraa, pisortaqarfiup paasinninnera unaappat piumasaqaatit taakku atuutiinnassasut.*

*Aningaasaliinissamut tunngavigisani piumasaqaatinik meeqqat atuarfiat pillugu peqqussummut assortuuttunik aalajangersaasoqarsimappat tamatuma qanoq paasinninnermik nassuiaanermi annertuumik nalornissuteqalersitsisinnaanera tamatumunnga pissutaavoq.*

*Taamaattumik aningaasaliinissamut piumasaqaammik aalajangersimasumik aningaasanut inatsimmi inatsisiliornerpiatut (oqaasertaliussatut) isikkoqanngitsumik Naalakkersuisut inatsimmik unioqqutitsinatik pingaartitsillutik isiginninniarsinnaanersut nalornissutigineqarsinnaavoq.*

*Tamanna tunngavigalugu pisortaqarfik qinnuigaara tamanna qanoq iliuuseqarnissamut pissutissaqalersitsinersoq nalunaarfigeqqullunga.*

*Pisortaqarfimmi aamma Oqaatsinik Pikkorissarfimmi sulianik suliarinnineq.*

*Qinnuteqarnermi immersugassanik atuineq.*

*Danmarkimi efterskolimiinnermut tapiissuteqartarnek pillugu Namminersornerullutik Oqartussat nalunaarutaanni nr. 26-mi, 15. januar 2004-meersumi § 7, imm. 2-mit erserpoq:*

*“Imm. 2. Tapiiffigineqarnissamik qinnuteqarnermi qinnuteqarfissiaq Ilinniartitaanermut Pisortaqarfimmit suliarineqarsimasoq atorneqassaaq (...)”*

*Suliami paasissutissiinissamut atatillugu qinnuteqarnermi immersugassanik immikkut ittumik immersuinissaq inatsimmi immikkut tunngaveqarnani ingerlatsiviup suliami illua tungiusumut piumasaqaatigisinnaangikkaa nalinginnaasumik naatsorsuutigineqartarpoq. Paasissutissat pisariaqartut suliami illua tungiusup nalunarutigippagit paasissutissiinerup qanoq iluseqarnera apeqqutaangilaq, paasissutissiinerullu qanoq iluseqarnissaanik piumasaqaammik eqqortitsinnginneq immi suliamik ingerlatsinermi nanertuutaasumik sunniuteqartumik kinguneqartitsinermut tunngavilersuutaasinnaangilaq. Matumani Hans Gammeltoft-Hansenip allalu atuakkianni, "Forvaltningsret"-imi, aappasaanik naqitertitami qupperneq 479 innersuussutigaa.*

*Suliami matumani pissutsinik qinnuteqaatit qinnuteqarnermi immersugassatut aalajangersarneqartoq atornagu tunniunneqarsimanerat tungavilersuutigalugu itigartinneqartarsimanerannik tullerriaarinermiluunniit kingulliutinneqartarsimanerannik ilimanarsisitsisunik takussutissaqanngimmat oqartussaasut qinnuteqarnermi immersugassamik atuinerisa isornartorsiornissaannut pissutissaqarnanga isumaqarpunga.*

*Taamaattoq erseqqissarpara efterskolimiinnermut tapiiffigineqarnissamik qinnuteqaat qinnuteqarnermi immersugassaq atornagu tunniunneqarsimappat tamanna qinnuteqartumut akornusiisumik sunniuteqartinneqassanngitsoq, paasissutissat suliamut tunngassuteqartut, oqartussaasut ilit-sersuisimappata tamanna malillugu, qinnuteqartup nalunaarutigisimappagit.*

*Pisortaqarfiup suliamik paasissutissartalersuinera.*

*Suliani marlunni misissuinnermut matumunnga tunngaviusuni pisortaqarfiup aalajangiinnermini makku oqaatigisimavai:*

*“Pisortaqarfiup naliliinera malillugu naammagittaalliuutissinni oqaatigisasi Oqaatsinik Pikkorissarfiup qinnuteqaatinik suliarinninneranut tunngaviusunik allanguuteqartitsinngillat. Nalunaarummi § 4 naapertorlugu qinnuteqaatinik tamanik ataatsimut naliliinerit aallaavigalugit qinnuteqartut kikkut akuerineqassanersut Oqaatsinik Pikkorissarfiup aalajangertussaammagu pisortaqarfik aamma isumaqarpoq tapiiffigineqarnissamik qinnuteqaammut tunngavilersuutitut ilanngunneqartut pingartinneqarsimannngitsut.”*

*Tamatumunnga atatillugu oqaatigaara Oqaatsinik Pikkorissarfik pillugu Inatsisartut inatsisaanni nr. 14-imi, 6. november 1997-imeersumi ilaatigut imaattunik aalajangersagaqartoq:*

*“§ 2. Naalakkersuisut Oqaatsinik Pikkorissarfimmi allaffissornermut aningaasaqarnermilu aqutsinnermut akisussaapput. Naalakkersuisut pikkorissarfiup pisortassaanik atorfinitsissapput, Naalakkersuisut sinnerlugit akisussaaffimmik isumaginnittussamik.*

*Imm. 2. Oqaatsinik Pikkorissarfiup siulersuisuisa Oqaatsinik Pikkorissarfiup anguniagai tunaartarisassaalu aalajangersassavaat, suliniutissatut pilersaarutit akuersissutigineqartarnerat ilanngullugu, taakkulu akisussaaffigalugit. Oqaatsinik Pikkorissarfiup siulersuisui upernaakkut ataatsimiinnermi Inatsisartunut Oqaatsinik Pikkorissarfiup ingerlatai pillugit ukiumoortumik nalunaaruteqartassapput.*

*Imm. 3. Pikkorissarfimmi pisortaq ilinniartitsinnermut akisussaavoq, ulluinnarnilu Oqaatsinik Pikkorissarfiup aqunneqaraera isumagisaralugu.*

*Imm. 4. Naalakkersuisut Oqaatsinik Pikkorissarfiup aqunneqarnera pillugu sukumiinerusunik malittarisassiorsinnaapput, akisussaaffiit suliassanullu tunngasut ilanngullugit.”*

*Oqaatsinik Pikkorissarfik tamatuma nassatarisaanik tassaavoq aqutsinermi oqartussaasoq, pisortaqarfiup ataaniittoq. Tamanna efterskolit pillugit nalunaarummi naammagittaalliornissamut periarfissat pillugit aalajangersakkami § 11-miittumi aamma tunngavigineqarpoq.*

*Taamaalilluni pineqartoq tassaavoq pisortaqarfip oqartussatut (qulliunerusutut) naammagittaalliorfissaasutut suliassaata ingerlatsineq pillugu inatsiseqartitsinermi oqartussaasumut qulliunerusumut naammagittaalliortarneq pillugu malittarisassatigut nalinginnaasutigut aalajangersarneqarsimanagera.*

*Tassa suliambut matumunnga atatillugu siullertut pingaarnertullu imaappoq oqartussaasoq qulliunerusoq naammagitaalliorfigineqartoq sulianik paasissutissartalersuinermik aallaaveqarneq tunngavigalugu suliambi oqartussaasumut qulliunerusumut naammagittaalliutiginartumi tigussaasut pillugit eqqortumik aalajangiissasoq.*

*Oqartussaasup qulliunerusup naammagittaalliorfissap misiliinera suliambi paasissutissarpiaasunik tamanik suliamilu apeqqutinik inatsiseqartitsinermut tunngasunik tamanik sukumiilluinnartumik misiliineruvoq. Oqartussaasup qulliunerusup naammagittaalliorfissap tamatumunnga uigiullugu aalajangiinerup naammaginartuunera naleqquttuuneralu aamma isummerfigissavai.*

*Oqartussaasup alliuunerusup suliaani pissusiviusut makku oqartussaasup naammagittaalliorfissap taamaallaat tunngaviutissinnaavai 1) pissusiviusut assortuussutaanngitsut, 2) pissusiviusut nutaat naammagittaalliutitut suliambi illua tungiusumit ilanngunneqarsimanngitsut, aamma 3) oqartussaasoq qulliunerusoq naammagittaalliorfissaq isumaqarpat oqartussaasup alliuunerusup suliamik paasissutissartalersuina naammassimasoq.*

*Tamatuma nassataraa oqartussaasup alliuunerusup suliamik suliarininneranut atatillugu paasissutissamik naammagittaalliortup saqqummiussisimannginneranik pisortaqarfiup inatsimmi erseqqissumik tunngavissaqarnani naammagittaalliortumut suliap ingerlanneqarnerani nanertuutaasussamik aalajangiisinnaannginnera.*

*Taamaattumik uanga paasinninnera unaavoq pisortaqarfiup misissuinnermik killiliinera pillugu ilanngussaqq issuarneqartoq ajuusaarnartuusooq. Qinnuteqarnermi immersugassami allaffissap qallunaatut ilinniarnissamik kissaateqarnermut tunngasup krydsilernerneqarsimannginneranut pissutaa-sutut naammagittaalliuteqartut oqaatigisimasaat pisortaqarfiup ilanngussimasariaqaraluarpa.*

*Pisortaqarfik qinnuigaara tamanna qanoq iliuuseqarnissamut pissutis-saqalersitsinersoq nalunaarfigeqqullunga."*

*Ukiup nalunaarusiuunneqartup naanerani pisortaqarfimmit tusagaqanngilanga.*

## 80. Innuttaasunut paasisutissiisarneq.

### 1. **Pisortanit ikiorsiissutinik utertitassangortillugit ikiorsiissteqarnermut atatillugu kommunit periaasiannik ataatsimut misissuiffiginninneq.**

*Ombudsmandi kommuninut tikeraarnernut ingerlanneqartunut atatillugu aalajangerpoq pisortanit ikiorsiissutit pillugit Inatsisartut peqqussutaanni nr. 10-mi, 1. november 1982-imeersumi kingullermik Inatsisartut peqqussutaatigut nr. 8-kkut, 3. november 1994-imeersukkut allangortinneqartumi § 10-mi pisortanit ikiorsiissutinik utertitsinissaq pillugu malittarisassat kommunit qanoq aqunneqarnerannik nammineerluni ataatsimut misissuiffiginninneq aallartinniarlugu, tak. Inatsisartut Ombudsmandiat pillugu inatsimmi § 6, imm. 5.*

*Ombudsmandip oqaatigaa utertitsilluni akiliinissami piumasaqaatit ikiorsiissutit tunniunneqarnerannut atatillugu aalajangersarneqassasut, piffissarlu utertitsilluni akiliiffissaq peqqussummi § 10 pisunik utertitsilluni akiliisoqarnissaanik piumasaqaateqarfusinnaasunik sukumiisumik taaguiffiusoq pisuni ataasiakkaani tunngavigalugu naliliineq malillugu aalajangersarneqartassasq. Ombudsmandip aamma oqaatigaa immersugassanik assigiissaartunik oqaasertalersugaasunik atuinerup kommunit aalajangiinerni qinnuteqartumut tamakkiisumik akuersaartuunngitsuni suliasat suliarineqartarnerat pillugu inatsimmi malittarisassanik malinninnissaannut pisussaaffiannikkai, matumani naammagittaalliornissamut ilitersuisarneq tunngavilersuisarnerlu pillugit malittarisassat ilanngullugit eqqarsaatigalugit, kiisalu immersugassanik assigiissaartunik oqaasertalersugaasunik atuinikkut sukumiisumik tunngavilersuisoqarsinnaanngippat suliani ataasiakkaani ilassutaasumik tunngavilersuut suliarineqartassasq.*

*Kiisalu Ombudsmandip oqaatigaa pisortanit ikiorsiissutit pillugit Inatsisartut peqqussutaat pisortanit ikiorsiissutinik tunniunneqarsimasunik utertitsilluni akiliinermut atatillugu ernialersuinissamik piumasaqaateqarnissamut inatsisitigut tunngavissamik imaqqanngitsq. (J.nr. 11.80.20.7/124-99)*

Suliami pisimasut imaapput:

Kommuninut tamanut 30. december 1999-imi allappunga pissutsit maku misissuininni ilaatinneqarsimasut pillugit nassuiaasoqarnissaa kissaati-gigiga:

Pisortanit ikiorsiissutinik utertitsinissamik piumasaqaatitalimmik ikiorsiinermi immersugassat assigiissaartunik oqaasertalersukkat, matumani

utertitsinissamat uppersarsaat ilanngullugit eqqarsaatigalugu, kommunit qanoq atortigisarpaat?

Pisortanit ikiorsiissutinik pisartagalip kommunillu akornanni tigusisup utertitsilluni akiliiumanermik uppersarsaalluni atsiornarata isumaa inatsiseqartitsinikkut kommuninit qanoq pingaartinneqartigisarpa?

Ikiorsiissutinik pisartagalimmut utertitsinissamik piumasaqaammi atugassarititaasut aalajangersagartai kommunit qanoq annertutigisumik tunngavilersortarpaat?

Innuttaasunut pisortanit ikiorsiissutinik utertitsinissamik piumasaqaatalimmik pisartagaqartunut Isumaginninnikkut Naammagittaalliuuteqartarfimmut naammagittaalliuuteqarsinnaaneq pillugu kommunit qanoq annertutigisumik ilitsersuisarpat?

Kommunit tamanit akissutit massakkut tigoreersimalerpakka.

Akissutit tigusakka aallaavigalugit inatsiseqartitsinermi malittarisassanut tunngassuteqarsinnaasut tulluuttuni allaaseraakka.

Matumunnga peqatigitillugu Ilaqutariinnermut Pisortaqaarfik, Akileraartarnermi Pisortaqaarfik aamma KANUKOKA nassuiaatima assilineranik nassippakka.

Oqaatigaara misissuinerma ingerlanerani suliamik allamik suliarinninnut atatillugu maluginiarsimagiga pisortanit inatsiseqartitsinikkut piumasaqaatinik pinngitsaaliilluni naammassinnitsitsiniarnissamat pisinnaatitaanerit arlalitsigut nalornisoornartortaqaarsinnaasut, taamaattumillu akiliisitsiniartarfiup immersugassanik assigiissaartumik oqaasertalersugaasunik atuinera pillugu ataatsimut misissuinerma unitsikkallariga, Justitsministereqarfiup oqaaseqaateqarnissaa utaqqimaarlugu.

Pisinnaatitaaneq pillugu apeqqut Kalaallit Nunaanni Ministereqarfiup eqqartuussutinik naammassisitsiniartartut pillugit nalunaarutaanut atuutumut nr. 90-imut, 1. marts 1983-imeersumut, 15. marts 1983-imi atuutilersumut eqqartuussutinik naammassisitsiniartartut piumasaqaatinik pinngitsaaliilluni naammassisitsiniarnissamat pisinnaatitaanerannut tunngavoq, piffissami tamatumani eqqartuussisarneq pillugu inatsimmi kapitali 7, § 1-imi imm. 2 malillugu pinngitsaaliilluni naammassitinniarneqarsinnaasunik. Piumasaqaatinilli arlalinnik pinngitsaaliilluni naammassisitsiniarsinnaatitaaneq eqqartuussisarnermik inatsimmi allassimannigitsunik, matumani pisortatigut ikiorsiissutinik utertitseqqusilluni piumasaqartarneq ilanngullugu eqqarsaatigalugu, pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaatigut nr. 3-kkut, 2. maj 1996-imeersukkut aatsaat tunngavilerneqarput.

Taamaattumik utertitsinissamat malittarisassat aquneqarnerannik misissuinerma inernerisai pillugit allakkianni kommunit isumaginninnermi oqartussaasutut pisussaaffeqarnerat isummerfigaara, kommunilli ikiorsiissutinik utertitsisussaataaernerik suliani akiliisitsiniartarnermi qanoq periaaseqarnerat isummerfiginagu.



"Pisortanit ikiorsiissutit utertitsinissamik piumasagaatitalimmik tunniussinermi inatsisitigut tunngaviusoq.

Soorlu aallaqqaasiinermi oqaatigineqartoq misissuina pisortanit ikiorsiissutit tunniussisarnermut tunngassuteqarpoq, ikiorsiissutit utertitsinissamik piumasagaatitalimmik ikiorsiisoqarnissaanik kommunit pisortanit ikiorsiissutit pillugit Inatsisartut peqqussutaanni § 10 tunngavigalugu aalajangiigaangat.

Pisortanit ikiorsiissutit utertitsinissamik piumasagaatitalimmik ikiorsiisoqarnissaanik siusinnerusukkut (tunngavissaqanngitsumik) aalajangiinernik, tak. pisortanit ikiorsiissutit pillugit Inatsisartut peqqussutaanni nr. 10-mi, 1. november 1982-imeersumi § 9, utertitsinerit atorunnaarsitsinerilluunniit pillugit kommunit namminneq aalajangiinerni qanoq periaaseqarnerat misissunngilara.

Aammattaaq siunertanut immikkut ittunut (inuussutissarsiornermi atorunnaarsitsinerit) Inatsisartut peqqussutaanni § 16, imm. 2 tunngavigalugu taarsigassarsitsinikkut immikkut ikiorsiissarnermik sulianut tunngasut misissuininnut ilaatinngilakka.

Pisortanit ikiorsiissutit pillugit Inatsisartut peqqussutaanni nr. 10-mi, 1. november 1982-imeersumi § 10 imaattunik oqaasertaqarpoq:

"§ 10. Aammattaaq isumaginninnermut ataatsimiititaliaq ikiorsiissutaasimasunik utertitsinissamik aalajangiisinaavoq:

1. Inummut aapparisaanik qitornaminullu pilersuisussaassutisimik sumiginnaasimasumut.

2. Inuk ikiorsiissutisimasooq kingusinnerusukkut piffissamut ikiorsiiffiusimasumut naatsorsuussanik taarsisutisimappat akilersuutit pisimappat taamaangajattunilluunniit pisimappat.

3. Inuk aningaasanik aqutsinermigut suliffeqarnermigullu naammaginngitsumik iliuuseqartarsimanini pissutigalugit ikiorserneqartariaqalersimappat.

4. Ikiorserneqarnissamik qinnuteqarnerup nalaani paasinarsereersimappat inuup pineqartup ikiorsiissutit piffissap sivikitsup ingerlanerani utertissinnaalissagai.

Imm. 2. Ikiorsiissut tunniunneqarnermini utertitassaasooq paasinarsereeraangat inuk pineqartoq utertitsisusaatitaanerminik ilisimatinneqartassaaq.

Imm. 3. Isumaginninnermut ataatsimiititap immikkut pissutissaqartillugu ikiorsiissutit tunniunneqarneranit ukiup ataatsip ingerlareerneratigut aalajangersinnaavaa utertitsisusaatitaaneq atorunnaarsinneqassasoq."

Immersugassanik assigiiartumik oqaasertalersugaasunik kommunit atuinerat.

Kommunit akissutaannit takkuttunit erserpoq pisuni tamani pisortanit ikiorsiissutit utertitassanngorlugit ikiorsiisoqarnissaanik aalajangiinerit nalunaarutigineqarnerinut immersugassat assigiiartumik oqaasertalersugaasut atorneqartartut.

Taamaattorli tamatumunnga peqatigitillugu pineqartoq tassaavoq qinnuteqaatinik immersugassamut allanneqanngitsunik kommunit aamma akuersissuteqarnerat.



*Aalajangiinerit pineqartumut tamakkiisumik tapersiisuunngitsut allaganngorlugit nalinginnaasumik nassiunneqartariaqarput.*

*Aalajangiineq innuttaasumut tamakkiisumik tapersiisuunngitsoq allakkatigut nalunaarutigineqartoq oqartussaasut pisuni tamani tunngavilersortussaavaat.*

*Pisortanit ikiorsiissutinik utertitassanngorlugit tunniussinissani kommunit aalajangiinermik nalunaarutigineqarnerinut immersugassanik assigiiartumik oqaasertalinnik atuisarnerat pillugu oqaaseqaatissaqanngilanga.*

*Immersugassanilli assigiiartunik oqaasertalersugaasunik atuinerup suliassat suliarineqartarnerat pillugu inatsimmi tunngavilersuinissamik malittarisassanik malinninnissamut kommunit pisussaaffianngilai.*

*Tunngavilersuut suliassat suliarineqartarnerat pillugu inatsimmi § 24 malillugu makkuninnga imaqassaaq:*

*- inatsimmi malittarisassamut aalajangiinermi tunngaviusumut inner-suussut,*

*- immikkut isiginiagassat kommunip naliliinermi pingaartillugit isiginiarsimasai pillugit nassuiaat, aamma*

*- pisariaqarpat pissusiviusut kommunip aallaavigisimasai pillugit nassuiaat.*

*Immersugassaq assigiiartunik oqaasertalersugaasoq atorlugu suku-miisumik tunngavilersuisoqarsinnaanngippat immikkut ilassutaasumik tunngavilersuusiortoqassaaq.*

*Tamakkua saniatigut Isumaginninnermi Naammagittaalliuuteqartarfimmut naammagittaallornissamut periarfissaq pillugu ilitsersuisoqassaaq, pisortanit ikiorsiissutinik ikiorserneqartup ikiorsiissutit utertitassanngorlugit ikiorsiissutigineqarnissaat qinnutigigini erseqqissumik kommunimut oqaatigisimanngippagu tak. suliassat suliarineqartarnerat pillugu inatsimmi § 25.*

*Utertitsilluni akiliiumanermik uppernarsaatini atuiueq.*

*Kommunit amerlanersaat eqqarsaatigalugit nalunaarummi assigiiartumik oqaasertalersugaasumi ilaasarput ikiorsiissutit utertitassanngorlugit ikiorsiissutigineqartut, utertitsillunilu akiliiumanermik uppernarsaat ikiorserneqartup atsiugassaa.*

*Kommunit aperineqartut amerlanerpaartaasa ikiorserneqartup ikiorsiissutit utertinneqarnissaannik uppernarsaammik atsiuinissaa pingaarutilerujussuutippaat.*

*Kommunit taakku ilaasa arlallit uppernarsaat taamaattoq utertitsilluni akiliinermi atugassarititaasut atuussinnaassuseqarnerannut piunasaqaa-titut isigaa.*

*Kommunit ilaasa erseqqissumik oqaatigaat utertitsilluni akiliiumanermik uppernarsaat utertillugit akiligassat nalunaarutigineqarneranni uppernarsaasersuineq eqqarsaatigalugu pisariaqartuusoq.*

*Tamakkuva saniatigut kommunit ilarpaaluisa oqaatigaat utertitsilluni akiliiumanermik uppernarsaatip, utertillugit akilerneqartussat akissarsianit unerartitsinikkut ilanngaassinikkulluunniit pinngitsaaliilluni akilersinniarneqarsinnaanerannik pisortanit ikiorsiissutinik ikiorserneqartup atsiugaata, pigineqarnera akiliisitsiniarnissaq eqqarsaatigalugu pisariaqartuusoq.*

*Kommunit taaneqartut kingulliit ilaasa aamma oqaatigaat utertitsilluni akiliiumanermik uppernarsaat kommunip akiliisitsiniartarfianut ingerlaannartumik tunniunneqartartoq.*

*Aammattaaq makku pillugit assersuutissaqarpoq:*

*- ikiorsiissutigineqartut qaqugu utertillugit akileqquneqarsinnaanersut nalilissallugu kommuni pisinnaatitaasoq utertitsilluni akiliiumanermik uppernarsaatip atsiorderatigut innuttaasup uppernarsassagaa,*

*- utertitsilluni akiliiumanermik uppernarsaat isumaqatigiissutitut (forlig) isigineqartoq, aamma*

*- utertitsilluni akiliiumanermik uppernarsaat ernialersuinissaq pillugu aalajangersakkamik imaqartoq.*

*Kommunit akissutaasa makku pillugit erseqqissaateqarnissamut pissutissaqalersippaannga:*

*Utertitsilluni akiliiumanermut uppernarsaatini atuinermut inatsisitigut tunngaviusoq.*

*Pisortanit ikiorsiissutit pillugit Inatsisartut peqqussutaat utertitsilluni akiliiumanermut uppernarsaatit atorneqarnerat pillugu malittarisassanik imaqaanngilaq.*

*Taamaattumik pisortanut ikiorsiissutit utertitassanngorlugit ikiorsiissutigineqartussatut tunniunneqarnissaannut utertitsilluni akiliiumanermut uppernarsaat innuttaasup atsiussagaa aallaavittut piumasaqaatigineqarsinnaanngilaq.*

*Ikiorserneqarnissamik qinnuteqartut kommunimit ikiorserneqarnissamik qinnuteqarfiusumik allaasumik najugarivitatut kommuneqartut eqqarsaatigalugit kommunit akunnerminni akiliiffiqatigiittarnissamut pissaaffii pillugit Inatsisartut peqqussutaanni nr. 2-mi, 12. juni 1995-imeersumi § 9, imm. 3-mi immikkut malittarisassaqarpoq, tassanilu allasimavoq:*

*”Nukinginnartumik ikiorsiissutit aningaasatigut suliffeqarnikkulluunniit illersorneqarsinnaanngitsumik iliuseqarsimaneq patsisigalugu utertitassanngorlugit ikiorsiissutitut tunniunneqarsimappata kommunip uninngavigisap kommuni najugarivitaq akuersiseqqaanngikkaluarlugu kommuni najugarivitaq sinnerlugu ikiorsiissutigisinnaavai. Ikiorsiissutit utertitassanngorlugit tunniunneqarnerat kommunip uninngavigisap ikiorseqqusumut malugeqqussavaa, ikiorseqqusullu ikiorsiissutit tunniunneqarnerannut atatillugu ikiorsiissutit utertinneqarlutik akilerneqarnissaat*

*pillugu uppernarsaat atsiussavaa. Kommuniq uninngavigisap ikiorsiissutit tunniun-  
neqarnerisa kingorna kingusinnerpaamik sap. akunnera ataaseq qaangiutsinnagu  
ikiorsiissutaasimasut sunalu pillugu ikiorsiisariaqarsimanermi tunngavilersuutit  
pillugit kommuni najugarivitaq ilisimatissavaa. Ikiorseqqusup utertitsilluni akilii-  
nissamik uppernarsaat atsiorsimangippagu, imaluunniit sap. akunneranik ataas-  
simik piffissaqartitsineq qaangerneqarsimappat kommuni uninngavigisap ikiorsiis-  
sutigineqartut eqqarsaatigalugit komunitut akiliisussavittut isigineqalissaaq.”*

*Peqqussummi malittarisassap issuarneqartup nassataraa utertitsilluni  
akiliumanermik uppernarsaat taamaallaat tassaasoq aningaasat ikiorsiis-  
sutigineqartut kommuniq kommunimut allamut akilertinnissaannut periar-  
fissaa eqqarsaatigalugu atuussinnaassuseqarnermut piumasaqaataasoq.*

*Allatut oqaatigalugu pineqartoq tassaavoq kommuniq sorliup pisus-  
saaffiunut pisinnaatitaaffiunullu utertitsilluni akiliinissami atugassarititaa-  
sut eqqarsaatigalugit utertitsilluni akiliumanermut uppernarsaat pingaa-  
ruteqartoq.*

*Taamaalilluni pineqartoq tassaavoq aalajangersakkami tassani ima-  
luunniit pisortanit ikiorsiissutit pillugit Inatsisartut peqqussutaanni malit-  
tarisassaqaangitsoq, kommuniq uninngavigisap innuttaasullu akornanni  
inatsiseqartitsineri pissutsinik toqqaannartumik aalajangersaasuusunik.*

*Innuttaasorli pisortanit ikiorsiissutinik ikiorserneqarsinnaatitaanersoq  
innuttaasup utertitsilluni akiliumanermik uppernarsaammik atsiuiner  
apeqqutaatinnagu aalajangiiffigineqartussaavoq.*

*Tamatuma kingorna paasisutissat allat utertitsilluni akiliumanermut  
uppernarsaatit atorneqarnerannut ikorfartuutitut komunit oqaatigisima-  
saat sammissavakka:*

*Utertitsilluni akiliisussaataitaneq pillugu aalajangiinerup uppernarsaa-  
sersorneqarnissaanik piumasaqaat.*

*Utertittassanngorlugit ikiorsiisoqarnissaanik ingerlatsiviup aalajangi-  
nera utertitsilluni akiliisoqarnissaanik piumasaqaat atuussinnaassuseqas-  
sappat innuttaasumut pineqartumut nalunaarutigineqassaaq.*

*Tamanna aalajangiinerup aalajangiineri pineqartumut nalunaarutigi-  
neqarneratigut aatsaat atuussinnaassuseqalerneranik ingerlatsineri  
inatsiseqartitsineri nalinginnaasumik tunngaviusup erserneraa.*

*Tamatuma saniatigut, qulaani oqaatigisattut, nanertuutaasumik aala-  
jangiinerut allakkatigut nalunaarutigineqartunut atatillugu tunngaviler-  
suineq naammagittaalliorsinnaanermillu ilitsersuineq pillugit immikkut  
piumasaqaatit atuupput.*

*Taamaattumik utertittassanngorlugit ikiorsiisoqarnissaanik aalajangi-  
neq pillugu nalunaaruteqartoqarsimaneranut uppernarsaatitut innuttaas-  
sup pineqartup atsiornissaanik komunit qulakkeerinnittarnerat pillugu  
oqaaseqaatissaqaanngilanga.*

Utertitsilluni akiliinissami piumasagaatit qaqugukkut aalajangersarneqassapat?

Tamatumunnga atatillugu Inatsisartut peqqussutaanni pineqartumi § 10, imm. 2 imaattunik oqaasertaqartoq innersuussutigaa:

”Imm. 2. Ikiorssiissut tunniunneqarnermini utertitassaassaq paasinarsereerpat inuk pineqartoq utertitsisussaataanerminik ilisimatinneqartassaaq.”

Peqqussummi § 10, imm. 2-kkut taamaalilluni aalajangersarneqarpoq utertitsilluni akiliinermi piumasagaatit ikiorssiissutit tunniunneqarnerannut peqatigitillugu aalajangersarneqassasut, piffissami tassani pissutsit peqqussummi § 10, imm. 1 malillugu utertitsilluni akiliisoqarnissaanut tunngaviusinnaasut erseqqippata.

Pisuni allani pissutsit utertitsilluni akiliinissamut tunngaviusinnaasut ingerlatsiviup paasippagit imaluunniit ilisimasariaqarsimappagit tamatum kingorna utertitsilluni akiliisoqarnissaanik piaarnerpaamik aalajangiisoqartariaqarpoq.

Piffissaq ikiorssiissutit utertillugit akilerneqarfissaat.

Ikiorssiissutit utertillugit qaqugukkut akileqquneqassanerat naliliinermik pisortanit ikiorssiisarneq pillugu Inatsisartut peqqussutaatigut annertuumik aalajangersaavigineqarsimasumik tunngaveqarpoq.

Imaassinnaavoq pisortanit ikiorssiissutinik tunniussinermut atatillugu piffissamik utertitsilluni akiliiffissamik aalajangersaanissamut periarfissaqanngitsoq, ikiorssiissutilli utertinneqarnissaannik aalajangiinissaq ajornarsimanani.

Taamaattoqassaaq ikiorssiissutit tunniunneqarneranni ikiorssiissutinik tunineqartup aningaasanik utertitsilluni qaqugu akiliisinnaalernissaa pillugu qularnaatsunik paasissutissaqanngippat.

Pisumi tassani tamanna aatsaat periarfissaqalerpat piffissamik utertitsilluni akiliiffissamik kommuni aalajangersaassaaq.

Pisuni Inatsisartut peqqussutaanni § 10, imm. 1, nr. 2-mi taaneqartuni,

”inuk ikiorssiissutisimasooq kingusinnerusukkut piffissamut ikiorssiiffiusimasumut naatsorsuussanik taarsiissutisimappat, akilersuutinik pisimappat taamaangajattunilluunniit pisimappat.”,

pineqartoq nalinginnaasumik tassassaaq piffissap utertitsilluni akiliiffissap atuutilerfissaa, inuk taarsiissutinik, akilersuutinik taamaangajattunilluunniit tunineqarpat.

§ 10, imm. 1, nr. 4 inatsisitigut tunngavigalugu

”ikiorserneqarnissamik qinnuteqarnerup nalaani paasinarsereersimappat inuup pineqartup ikiorsiissutit piffissap sivikitsup ingerlanerani utertissinnaalissagai.”

utertitsilluni akiliisoqarnissaa piumasagaatigineqarpat nalinginnaasumik ilisimaneqarsimassaaq utertitsilluni qaqugu akileeqqusisoqarsinnaasoq, utertitsillunilu akiliinissamik piumasagaat pillugu aalajangiinermut atatillugu aalajangiisoqartariaqarluni utertitsilluni qaqugu akileeqqusisoqassanersoq.

§ 10, imm. 1, nr. 1 imaluunniit nr. 3,

”1.Inummot aapparisaminut qitornaminullu pilersuisussaassutsiminik sumiginnaasimasumut,

...

3.Inuk aningaasanik aqutsinermigut suliffeqarnermigullu naammaginangitsumik iliuuseqartarsimanini pissutigalugit ikiorserneqartariaqalersimappat”

malillugit utertitsilluni akiliinermik piumasagaat aalajangersarneqarpat utertitsilluni qaqugu akiliisoqarsinnaanera ikiorsiissutit tunniunneqarneranni nalilerniassallugu ajornakusoorajuttartussaavoq.

Tamanna pisuni tamani suliani ataasiakkaani naliliinikkut aalajangerneqartariaqarpoq, taamaalillunilu utertitsilluni akiliisoqarnissaa nr. 1 imaluunniit nr. 3 tunngavigalugu piumasagaatigineqarpat utertitsilluni akiliisitseriaatsit assigiissaartut ingerlatsiviup atorsinnaanngilai.

Aammattaaq Inatsisartut peqqussutaanni tassani § 1 imaattunik oqaasertaqartoq malugeqqullugu innersuussutigaara:

”Kinaluunniit Kalaallit Nunaanni najugaqartoq imminut ilaqtaminullu inuutinniarsinnaanngitsoq imaluunniit napparsimatilluni peqqinnissakkut imminut paaqqutarinissakkullu isumagisinnaanngitsoq ilaqtaminillu isumaginmissinnaanngitsoq allatigulluunniit peqqussummi matumani piumasarineqartut malillugit ikiorsertariaqalersoq, pisortanit ikiorneqartussaataavoq.”

Taamaalilluni utertitsilluni akilersueriaatsimik ikiorneqaqqittariaqarnermik pilersitsisumik aalajangersaaneq Inatsisartut peqqussutaata siunertaanut assortuuttuusussaavoq.

Ilassutitut oqaatigaara pisut pisinnaatitaaffik tunngavigalugu ikiorsiissutinik peqqussummi § 10, peqqussutip oqaasertai taannalu piareersarlugu suliat malillugit, utertitsilluni akileeqqusiffiusinnaasut taagorneqarnerat tamakkiisumik sukumiisummat.

Taamaalilluni peqqussummi pissutaasutut taaneqartut saniatigut pissuteqarluni utertitsilluni akileeqqusineq inatsisinik unioqqutitsisuusussavoq.

*Qulaani taaneqartutut maluginiarpara akiligassallit ataasiakkaat utertitsilluni akiliiumanermik uppernarsaatini ikiorsiissutigineqartut qaqugukut utertillugit akilerneqarnissaannik kommunip naliliisinnaatitaanera atsiugassarigaat.*

*Tamanna pillugu oqaatigaara ikiorsiissuteqarnerup nalaani tunngavigisamit allaasumik tunngaveqarluni utertitsilluni kingusinnerusukkom-  
munip akileeqquisinnaaneranik innuttaasup kommunillu akornanni inatsis-  
isit unioqqutinnagit isumaqatigiissuteqartoqarsinnaanngitsoq.*

*Kommunit utertitsilluni akiliiumanermik uppernarsaatini ikiorsiissutit  
utertillugit naafferartumik akilersuinissamik utertitsisussaataitanerup tun-  
ngavianut namminermut assortuuttumik aamma aalajangersaasinnaan-  
ngillat.*

*Ernialersuinissamik piumasqaateqarneq:*

*Aatsaat inatsisitigut erseqqivissumik tunngavissaliisoqarsimappat ani-  
ngaasanik inatsisitigut qilersugaasumik aalajangiineq tunngavigalugu  
tunniunneqarsimasunik akiliisitsiniarnermut atatillugu ernialiisoqarnissaa  
ingerlatsiviup innuttaasunut piumasqaatigisinnaavaa.*

*Pisortanit ikiorsiissutit pillugit Inatsisartut peqqussutaat pisortanit  
ikiorsiissutinik tunniunneqarsimasunik utertitsilluni akiliinermut atatillugu  
ernialersuinissamik piumasqaateqarnissamut inatsisitigut tunngavissa-  
mik imaqanngilaq.*

*Taamaallitutik utertitsilluni akiliisoqarnissaanik aalajangiinernut atatil-  
lugu ernialersuineq pillugu aalajangersakkat atuusinnaassuseqanngillat."*

## **88. Kommunimut tikeraarnej.**

### **1. Sulianik siusinaartumik soraarnerussutisianut tunngasunik misissuinermi ataatsimoortumik oqaaseqaatit.**

*Suliat K Kommunimi siusinaartumik soraarnerussutisianut tunngasut Ombudsmandip juni 2004-mi misissorpai.*

*Ajornartorsiutit suliani uteqqiattut misissuiffigineqarnerannik suliap aallartinneqarnissaa Ombudsmandip toqqarpaa.*

*Ombudsmandi tamatumunnga atatillugu ilaatigut makku pillugit oqaaseqaateqarpoq:*

*Suliat arnanut qinnuteqartunut tunngasut uisup/inooqataasup inuttut normuata ataani pilersinneqarsimasut, siusinaartumik soraarnerussutisiaqartut nuunnerit soraarnerussutisiaqalersinneqarnissaannik aalajangiinerit allannngortinnissaannut periarfissat, suliani allagaatinik immikkoortitsisarnej, suliani allatuiiffiit (journalark), piffissaq kommunip sulianik suliarinninnermut atortagaa aamma suliat uppersaasarsorneqartarnerat, allagaatinik ullulersuisarneq, oqariartaatsinik atuineq, piffissaq soraarnerussutisiaqalersitsiviusoq, suliffissarsiuussisarfirmut nalunaartussaataitaneq, akuersinermik uppersaasernerit, suliami illua tungiusup isumaanik tusarniaasarneq, sulianik paasisutissartalersuisarneq, imigassartorunnaarsitsiniarluni katsorsaaneq, soraarnerussutisiaqalernissamik qinnuteqaatit pisoqaanerusut, utoqqalinersiaqalernermit ikaarsaariarneq aamma itigartitsissutinut malitseqartitsisarnej. (J.nr. 11.73.88.71/045-04)*

Suliat K Kommunimi siusinaartumik soraarnerussutisianut tunngasut 1. juni 2004-mi misissorpakka. Misissuinermi siusinaartumik soraarnerussutisiaqalersitsineq pillugu suliat katillugit 88-it ilaatinneqarput. Misissuinera ilaatigut ataatsimut apeqqutinik arlalinnik, ilaatigullu suliat ataasiakkaat pillugit apeqqutinik arlalinnik K Kommunimut saqqummiussinissannut pissutissaqalersitsisimavoq.

Taamaalillunga K Kommuni allakkani 12. august 2004-meersuni qinnuigaara apeqqutit ataatsimut tunnganerusut arlallit kommunimi siusinaartumik soraarnerussutisiat pillugit sulianik misissuinermi saqqummertut akeq-qullugit.

Suliassaqarfiit ataasiakkaarlugit immikkoortillugit kommunimut apeqqutigisimasakka, kommunip aqutigineqartunut akissutai, apeqqutit taakku pillugit oqaaseqaatigigallakkakka, oqaaseqaatigigallakkannut kommunip oqaaseqaatai kiisalu K Kommuni oqaaseqaatigigallakkakka pillugit oqaaseqaateqarsimatillugu inaarutaasumik oqaaseqaatikka tulluuttuni allaserineqarput.



1. Suliat arnanut qinnuteqartunut tunngasut.

Kommunimut 12. august 2004-imi imatut allappunga:

"Arnat qinnuteqaateqartut eqqarsaatigalugit sulianik pilersitsisarnermi assigiinngitsunik periaaseqartoq maluginiarpara.

Suliat arnanut qinnuteqaateqartunut tunngasut ilaatigut imatut pilersinneqartarsimapput:

1. suliaq qinnuteqartumut namminermet tunngasoq, tamannalu suliani arlalinni atuuppoq, qinnuteqartup kisermaajunera imaluunniit inooqateqarnera/aappaqarnera apeqqutaatinnagu,

2. suliami qinnuteqartup inooqataanut/aappaanut tunngasumi, aamma

3. suliami qinnuteqartup inooqatigisimasaanut/aapparisimasaanut tunngasumi, qinnuteqartoq allamik inooqateqalersimagaluartorluunniit/aappaqalersimagaluartorluunniit, assersuutigalugu X, suliarma taassuma siusinaartumik soraarnerussutisiaqarneranut tunngasoq suliami taassuma siusinnerusukkut inooqatigisimasaanut Y-mut tunngasumi ingerlatinneqarmat.

Suliami Y2-mut tunngasumi siusinnerusukkut aapparisimasaannaa pinnani aammali massakkut aapparisaa pillugu suliaq ingerlatinneqarput.

Kommuni qinnuigineqarpoq sullitat tamarmik immikkut suliamik pilersitsivigineqarsimanginnerat pillugu nassuiaateqaqqullugu."

Kommuni allakkani 10. august 2004-meersuni imatut akivoq:

"Suliat arnanut qinnuteqartunut tunngasut aappaasup/inooqataasup inuttut normuata ataani pilersinneqartarnerat isumaginninnermik ingerlatsiviup siusinnerusukkut periaaserisimavaa, tassami suliamik suliarinninnerup ilarujussuani pissutsit aappaasumut/inooqataasumut tunngasut pillugit paasissutissat pigineqarnissaat piusaqataasarmat, taamaattumillu suliat ataatsimoortinneqarnerat pissusissamisoortut isigineqarsimalluni.

K Kommunimili suliat inunnut ataasiakkaanut tunngasut tamarmik inuit pineqartut inuttut normui atorlugit immikkut pilersinneqartussaapput. Taamaalilluni tamanna siusinaartumik soraarnerussutisiat pillugit sulianut aamma atuuppoq.

Periaaseq taanna kommunip sulianik suliarinnittuutit erseqqissarneqarniarpoq, taamatuttaarlu suliat massakkut ataatsimoortinneqarsimasut immikkoortiternissaanut nukissatut atugassiissutinik immikkoortitsisoqarniarluni." (Atorfeqarfimmi nut-sigaavoq)

*Oqaaseqaatigigallakkakka:*

*"Inunnik nalunaarsuisarneq pillugu nalunaarummi nr. 588-imi, 10. august 1998-imeersuni, Kalaallit Nunaannut atuuttuusumi, § 22, imm. 1-ip aamma 2-p aallaaviat tassaavoq inuup kinaassusersineqarnera inuup pineqartup nammineq inuttut normua atorlugu pisassasoq. Aalajangersagaq taanna imaattunik oqaasertaqarpoq:*

*"§ 22. Pisortaqarfiit inuup normuanik kiussusersiniutitut imaluunniit journalnormutut atuisinnaapput pisortap susassaqartup suliassamik isumaginninneranut atattillugu.*

*Imm. 2. Inunnik ataasiakkaanik kinaassusersiueqartassaaq pineqartup inuttut normua tunngavigalugu. Pisortat ingerlatsiveqarfianni pisariaqassappat inunnit arlalinnik suliasamat ataasiumut ilanngussuinissaq taava pisortat namminneq aalajangiiffigissavaat suliasaqarfiup iluani nalunaarsuinissap naleqqunnerpaap qanoq aqqissuunneqarnissaa. Aqqissuussinermi ilaatigut naligiissitaanermut tunngassutillit pingaartinneqartassapput."*

*Allagaateqarfearneq pillugu Inatsisartut inatsisaanni nr. 22-mi, 30. oktober 1998-imeersumi kapitali 3-mi §§-itigut 6-ikkut aamma 7-ikkut makku aalajangersarneqarput:*

*"§ 6. Suulluuniit paasissutissartallit pisortat sullissiveqarfiini sulinikkut pilersinneqartut taakkuluuniit aqutugalugit pilersinneqartut toqqorneqassapput.*

*§ 7. Pisortat sullissiveqarfiutaasa toqqortaatinik qaqugukkulluuniit isumannaatumik suliarineqarnissaat toqqortarineqarnissaallu isumagissavaat.*

*Imm. 2. Pisortat sullissiveqarfiutaasa toqqortatik pisortat sullissiveqarfiisa allat toqqortaataannit immikkoortissavaat."*

*Inatsisartut inatsisaanni tassani § 9-kkut aalajangersarneqarpoq toqqortaatinik suliarinnittarneq toqqortarinnittarnerlu pillugit malittarisassanik Naalackersuisut aalajangersaasinnaasut. § 9-kkut aamma aalajangersarneqarpoq kommunit ingerlatsiviisa toqqortaatinik suliarinnittarnerat toqqortaqartarnerallu pillugit malittarisassat Kalaallit Nunaanni Kommunit Kattuffiannut isumaqatigiinniareernikkut aalajangersarneqassasut. Naalackersuisut kommunini ingerlatsiviit toqqortaatinik suliarinnittarnerat toqqortarinnittarnerallu pillugit malittarisassanik aalajangersaasimannngillat.*

*Kalaallit Nunaata Katersugaasiviata Allagaateqarfiatalu allakkanik nalunaarsuiffeqarnermut toqqorsiveqarnermullu pilersaarusiornermut ilit-sersuutit Inatsisartut peqqussutaanni tassani § 11 tunngavigalugu aalajangersassavai.*

*Atuagaq "Kalaallit Nunaanni kommunini allagaatinik toqqorterisarneq kasiiliisarnerlu pillugit aalajangersakkat"-nik qulequtaqartoq Kalaallit Nunaata Atuagaateqarfiata Allagaateqarfiatalu 1991-imi saqqummersissimavaa.*

*Sulianik pilersitsisarneq eqqarsaatigalugu inunnik nalunaarsuisarneq pillugu nalunaarummi nr. 588-imi § 22, imm. 2-kkut qulaani issuarneqartukku aalajangersarneqarpoq inuit ataasiakkat kinaassusersineqartarnerat inuit pineqartut nammineq inuttut normui atorlugit pisassasoq, inuit arlallit suliami ataatsimi ataatsimoortinneqarnissaat pisariaqartuunngippat.*

*K Kommunip akissutaa imatut paasivaraa arnat qinnuteqartut aappaa-sup/inooqataasup inuttut normuata ataanut inissinneqartarnissaat kommunip pisariaqartutut isigiunnaara. Isumaqarpunga tamanna naligiissitsinermi isiginiagassat § 22, imm. 2-mi oqaaseqatigiit pingajuunit ersertut eqqarsaatigalugit aamma naapertuunnerpaasoq.*

*Tassani aamma ilaavoq suliap pineqartup journalnormu suna atorlugu nalunaarsorneqarsimanera nalornissutigineqarpat suliami allagaatinik paasitinneqarsinnaatitaaneq pillugu malittarisassanik aqutsinerup ajornakusoortunngorsinnaanera.*

*Taamaattumik K Kommunip periaasia nutaaq ilalersinnaavara, taannami imatut paasigakku sulianik pilersitsineq pineqartut namminneq inuttut normui atorlugit pisolissasoq, taannalu atorlugu toqqorneqartalissasut."*

## 2. Siusinaartumik soraarnerussutisiaqartut nuunnerit.

Kommunimut 12. august 2004-mi imatut allappunga:

"Malugaara siusinaartumik soraarnerussutisiaqartut nuunnerit kommunitut najugarivitarisimasaasa siusinaartumik soraarnerussutisiaqalersitsinissamik inaarlugit aalajangiarisimasaat kommunit arlallit suliareqqittaraat imaluunniit allannngortittaraat.

Kommuni qinnuigaara kommuni pisuni taamaattuni qanoq iliortarnerseq nalu-naarutigeqqullugu."

Kommuni allakkatigut 10. december 2004-meersutigut imatut akivoq:

"Pisortanit soraarnerussutisiaqartut pisortanit pensionisiat pillugit Inatsisartut peqqussutaanni nr. 9-mi, 15. april 2003-meersuni § 8 tunngavigalugu pisortanit soraarnerussutisianik pisartagaqartut pisussaapput pissutsit imminnut tunngasut allannguutaat soraarnerussutisariatinneqartut aaqqiiffiqineqarnissaannik unitsinneqarnissaannilluunniit nassataqarsinnaasut tulleriinneri malillugit kommunimut Naalakkersuisunullu nalunaarutigissallugit. Tamanna tunngavigalugu K Kommunip isumagin-ninnermik ingerlatsiviani siusinaartumik soraarnerussutisiaqartut nuunnerit pissutsit pineqartup nammeneq aningaasaqarnikkullu atugaasa qulaajarneqarnissaat siunertaralugu oqaloqatiginiarlugit aggersarneqartarnerat aalajangersimasumik periaasiuvoq. Paasissutissat siusinaartumik soraarnerussutisianik malittarisassat malillugit allannngortinneqartariaqarnerannik unitsinneqartariaqarnerannillunniit nassataqartut oqaloqatigiinnermi saqqummerpata tamanna iliuuserineqassaaq.

Taamaalilluni siusinaartumik soraarnerussutisiaqartitsinissamut piumasaqaataasut suli atuunnerannik nakkutilliineq isumaginninnermik ingerlatsiviup pisussaaffigalugu suliassatut isigaa.

Kiisalu ilanngullugu oqaatigineqarsinnaavoq siusinaartumik soraarnerussutisiaqartut maani najugallit tamarmik aggersarneqartartut, pissutsit siusinaartumik soraarnerussutisariilersinneqartut allannngortittariaqarnerannik nassataqarsinnaasut paasineqaraangata." (Atorfeqarfimmi nutsigaavoq)

*Oqaaseqaatigigallakkakka:*

*"Apeqqut matumani pilersaq tassaavoq siusinnerusukku kommunerisap siusinaartumik soraarnerussutisiaqalersitsinissamik aalajangiinera kommunimut nuuffigineqartumut qilersuisuunersoq.*

*K Kommunip akissutaa aamma imatut paasivaara siusinaartumik soraarnerussutisiaqartut nuunnerit kommunip aggeqqusarai, pissutsit siusi-*

*naartumik soraarnerussutisiaqartut namminneq aningaasaqarnikkullu atugaat qulaajarniarlugit, siusinaartumik soraarnerussutisierilersinneqarsimasut allanngortinneqarnissaasa unitsinneqarnissaasaluunniit misisuiiffigineqarnissaat siunertaralugu.*

*Pisortanit pensionisiat pillugit Inatsisartut peqqussutaanni § 8 imaatunuk oqaasertaqarpoq:*

*"§ 8. Pisortanit pensionisiaqartut kommunimut Naalackersuisunulluunniit nalunaaruteqarnissamik pisussaataapput, pensionisiamik iluarsivigineqarnissaannik unitsinneqarnissaannilluunniit kinguneqarsinnaasunik inuttut atugarisamigut aningaasaqarnermigullu allannguuteqartoqarpat.*

*Imm. 2. Inuttut atugarisanut aningaasaqarnermullu tunngasutigut eqqunngitsumik paasisutissiisimaneq tunngavigalugu pissusissamisuumngitsumik pensionisiaqartitsisoqarsimappat aningaasat pisassarinnngisat utertillugit akilerneqarnissaat piumasagaataasinnaavoq imaluunniit pensionisiassanit ilanngaatilugit akilersorlugit unerartinneqarsinnaallutik."*

*Pisortanit pensionisiat pillugit Inatsisartut peqqussutaanni § 8 pillugu oqaaseqaatinit makku erseerput:*

*"Aalajangersakkakut erseqqissarneqarpoq pensionisiallip inuttut atugarisamigut allannguutit nammineerluni nalunaarutiginnissaat pisussaaffigimmagu, soorlu katinnikkut apparilerneq avinnerluunniit, aamma aningaasatigut atugarisani, soorlu amerlanerusunik isertitaqartaleneq.*

*..."*

*Soraarnerussutisiaqartoq kommunimit siusinaartumik soraarnerussutisiaqalersitsisumit kommunimut allamut nuuppat siusinaartumik soraarnerussutisiat pillugit suliaq suliareqqinneqassasoq aalajangersakkami imaluunniit aalajangersagaq taanna piareersarlugu suliani oqaatigineqanngilaq.*

*Tamanna pillugu oqaatigaara paasinneqqaarnera unaasoq siusinaartumik soraarnerussutisiaqalersitsineq tassaasoq akuersaartumik aalajangiineq. Taamaattumik uanga paasinneqqaarnera unaavoq kommuni nuuffigisaq aalajangiinermik taamaallaat allanngortitsisinnaasoq kommuni qimataq allanngortitsisinnaasimappat. Suliaq 2004-mi ukiumoortumik nalunaarutima kalaallisuuani quppernermi 118-imi tulliinilu naqinneqarsimasoq takuuk.*

*Aalajangiinermik taassuminnga kommunip nuuffigineqartup allanngortitsisinnaaneranik naliliinermi kommuni pisussaavoq ilaatigut manna pingaartillugu isiginiassallugu, tassalu innuttaasoq pineqartoq kommunip qimatap aalajangiinera tunngavigalugu qanoq annertutigisumik naleqqusarsimansoq. Aammattaaq kommuni allaasumik aalajangiissaguni pisutsinik oqimaalutaanermi sunniuteqarluartunik takutitsisariaqarpoq.*

*Taamaalilluni uanga paasinneqqaarnera unaavoq kommuni nuuffigisaq siusinaartumik soraarnerussutisiaqalersitsinissamik kommunip qimatap*

*aalajangiineranik allannortitsiniarnermini nammineq isummani maliin-narlugu aalajangiisinnaanngitsoq.*

*Paasissutissatut tunngaviusut allannguuteqanngitsut tunngavigalugit kommunip nuuffigissap naliliinerata kommuni nuuffigineqartoq allaasumik aalajangiinissaanut pisinnaalersinngilaa.*

*Malugeqqullugu oqaatigaara kommunimut allamut tikeraarninnut atattillugu paasigiga kommunip siusinaartumik soraarnerussutisialinnik nuut-tunik siusinaartumik soraarnerussutisiaqalersitsinissamut piumasaqaatit suli eqqortissimaneqarnerannik misissuinissaq siunertarlugu aggeqqusi-sarnera suli atorineqartoq, tamannalu Ilaqutariinnermut Pisortaqarfiup ilitsersuina malillugu pisartoq. Taamaattumik Ilaqutariinnermut Pisor-taqarfiup tamatuminnga tusarniaaviginissaa isumaliutersuutigaara.*

*Taamaattorli K Kommuni qinnuigaara K Kommunip periaasia pillugu oqaaseqaatigigallakkakka pillugit oqaaseqaateqaqqullugu.*

*Aammattaaq oqaatigaara siusinaartumik soraarnerussutisiaqalertitsi-nissamik aalajangiinerup allannortinneqarnera soraarnerussutisianil-luunniit unitsitsineq nutaamik aalajangiinertut isigineqassasoq. Suliassat suliarineqartarnerat pillugu inatsimmi aalajangiineq pillugu malittarisas-sat malinneqarnissaat tamatuma nassataraa."*

Oqaaseqaatigigallakkannut K Kommunip oqaaseqaatai 3. november 2005-imi tiguakka. Oqaaseqaatinit taakkunannga makku erserput:

"B-p oqarnera malillugu siusinaartumik soraarnerussutisiallit siusinaartumik so-raarnerussutisiaqarnissamut inatsimmi piumasaqaataasunik eqqortitsinerat naliliiffi-giniarlugu oqaloqatigiinnissamut ingerlaannartumik aggersarneqarneq ajorput. Siu-sinaartumik soraarnerussutisiallit nuunnerit siunnersortimit oqaloqatigineqartarput, kommunimut nuunnertik nalunaarutigiartorlugu saaffiginnikkaangata, K Kommu-nillu siusinaartumik soraarnerussutisianik tunissagaatik oqaatigigaangassuk.

Siusinaartumik soraarnerussutisiaqarnissamut inatsimmi piumasaqaataasut eq-qortinneqarsimanagerat nalornissutigineqarpat siusinaartumik soraarnerussutisiaqartut siusinaartumik soraarnerussutisiaqartunut K Kommunimi najugaqartunut naligiti-taallutik oqaloqatigineqarnissaminnut aggeqquneqartarput. Siusinaartumik soraar-nerussutisiaqartup aningaasaqarnerani timikkulluunniit atugaani allannguuteqarto-qarsimanageranik paasissutissat saqqumnerpata suliap suliarineqaleqqinnera oqalo-qatigiinnerup nassatarisinnaasussaavaa. Pisumi taamaattumi suliassat suliarineqar-tarnerat pillugu inatsimmi malittarisassat malinneqartussaapput." (Atorfeqarfimmi nutsigaavoq)

*Inaarutaasumik oqaaseqaakka:*

*"Malugaara siusinaartumik soraarnerussutisiallit nuuttut siusinaartu-mik soraarnerussutisiaqarnissamut inatsimmi piumasaqaataasunik eqqor-titsisimanagerat naliliiviginiarlugu K Kommunip oqaloqatigineqarnissaan-nut ingerlaannartumik aggeqqusanngikkai.*

*Kommunip oqaatigisaasa uanga paasinninninnik allannqortitsinissan-  
nut pissutissaqalersinngilaannga."*

### 3. Suliami allagaatinik immikkoortitsisarneq.

Kommunimut 12. august 2004-mi imatut allappunga:

"Sulianik misissuininni malugaara suliani allagaatit allaqqaarneri arlallit suliani pineqartuniittanngitsut. Tamanna pingaartumik siusinaartumik soraarnerussutisia-qalerniarluni qinnuteqaatit, nakorsat oqaaseqaataat allagaatillu allat suliat ataasiak-kaat paasisaqarfiginissaannut pisariaqartut eqqarsaatigalugit atuuppoq.

Kommunip uannut oqaatigaa allagaatit immikkoortinneqartartut, suliamik sulia-rinninnerup misissorneqarnissaa siunertaralugu.

Kommuni qinnuigaara qulaani taaneqartut pillugit oqaaseqaateqaqqullugu, matu-mani allagaatit sulianiinnginnerisa ilumut naleqquttuunerat, allagaatit pineqartut tigumminagit sulianik ingerlatsisut ataasiakkaat sulianik qanoq iliorlutik suliarinnit-tarnerat kiisalu assersuutigalugu suliami allagaatinik paasitinneqarnissamik qinnute-qaatit qanoq iliorluni akuersaarneqartarnerat ilanngullugit eqqarsaatigalugit."

Kommuni allakkatigut 10. december 2004-meersutigut imatut akivoq:

"Periaaseq misissuinissaq siunertaralugu allagaatinik immikkoortitsisarnermut tunngasoq isumaginninnermik ingerlatsiviup ilisarisinnaanngilaa.

Eqqorporli siusinnerusukkut periaasiusimammat allagaatit siusinaartumik soraar-nerussutisiaqarneq pillugu suliamut tunngasut suliamit inummut namminermut tun-ngasumit immikkoortinneqartarnerat. Periaaseq taanna sulianut siusinaartumik so-raarnerussutisianut tunngasuni inuup ataasiinnaap akisussaaffimmik tigusinera tun-gavigalugu isigineqassaaq, taamaattumillu suliami allagaatit pineqartut immik-koortillugit toqqortarineqarnissaat taassuma kissaatigisimallugu. Periaaserli taanna naleqquttuusimangilaq, taamaattumillu taanna isumaginninnermik ingerlatsiviup atorunnaarsimavaa, massakkullu suliani siusinaartumik soraarnerussutisianut tun-ngasuni allagaatit suliarpiamut utertinneqarnissaat anguniarlugu suliniutigineqar-poq.

Isumaginninnermik ingerlatsiviup tamatuma kingornatigut isumaa unaavoq su-liani inunnut ataasiakkaanut tunngasuni allagaatinik immikkoortitsisarnermi periaa-seq eqqortoq tassaasoq allagaatit assilineqartassasut, taamaalillutik allagaatit allaq-qaarneri tamarmik suliarpiamiiginnartinneqartalissallutik.

Taamaattorli isumaginninnermik ingerlatsiviup nassuerutigaa suli pisoqartartoq allagaatit allaqqaarneri suliami inunnut tunngasumi nassaassaassanatik, kisiannili periaaseq taanna sulianik suliarinnittunut erseqqissaatigineqarpoq sulilu erseqqis-saatigineqartassalluni.

Siusinnerusukkut periaasiusimasoq allagaatinik paasitinneqarnissaaq eqqarsaati-galugu isumaginninnermik ingerlatsiviup ilisimasai malillugit ajornartorsutissaqar-titsisarsimangilaq, tassami periaaseq taanna sulianik suliarinnittut tamarmik ilisi-masimammassuk, taamaalillutillu allagaatit immikkoortinneqartut allagaatinik paa-sitinneqarnissamik qinnuteqatoqartillugu suliamut inummut tunngasumut utertillu-git ilineqartarsimammata.

Periaaseq massakkut atuuttoq malillugu suliaq inummut tunngasoq tamarmiulerpoq, taamaattumillu allagaatinik paasitinneqarnissamik qinnuteqaatinut atatillugu ajornartorsiutissaqartitsinani." (Atorfeqarfimmi nutsigaavoq)

*Oqaaseqaatigigallakkakka:*

*Toqqorterisarneq pillugu malittarisassani Kalaallit Nunaannut atuutuni § 6-ikkut aamma 7-ikkut qulaani issuakkakkut aalajangersarneqarpoq suullunniit paasissutissartallit pisortat sullissiveqarfiini sulinikkut pilerinneqartut toqqortarineqassasut, kiisalu allagaatit illersorneqarsinnaasumik suliarineqassasut toqqortarineqassasullu.*

*Kalaallit Nunaanni kommunini allagaatinik toqqorterisarneq kasiiliisarnerlu pillugit tunaartarisassatut malittarisassani qulaani taaneqartuni toqqorterisarneq kasiiliisarnerlu pillugit aamma malittarisassaliortoqarsimavoq.*

*Taamaattumik isumaqarpunga suliani inunnut ataasiakkaanut tunngasuni allagaatit allaqqaarsimaffiinik immikkoortitsisarnermik kommunip periaaseqarsimanera pitsaanngitsorujussuusooq.*

*Uanga paasinninnera malillugu naleqqunnerussaaq suliani ataasiakkaani allagaatinik immikkoortitsissagaanni allagaatit immikkoortinneqartut pillugit sulianik nutaanik pilersitsisoqartarpat, taamatuttaarlu naleqquttuussalluni suliani pisoqqani allanneqartarpat allagaatit sorliit suliamut nutaamut nuunneqarsimasut kiisalu allagaatit taakku assilineri ilanngullugit ilineqartarpat. Tamanna immikkut pingaaruteqarpoq allakkat isertut anisullu oqartussaasunit suliani nalunaarsorneqartanngippata.*

*Tassani aamma ilaavoq suliami allagaatit sumiinnerinik ilisimasaqannginnerup pisuni allani oqartussaasup suliaata tamakkiisumik toqqissisimanassuseqartumik ingerlanneqannginneranik nassataqarsinnaanera.*

*Malugaara allagaatinik ataasiakkaanik sulianit inunnut ataasiakkaanut tunngasunit immikkoortitsisarnermik periaaseq kommunip atorunnaarsimagaa. Aammattaaq malugaara allagaatinik ataasiakkaanik sulianit inunnut ataasiakkaanut tunngasunit immikkoortitsisarneq allagaatinik paasitinneqarnissamik qinnuteqaatinut atatillugu kommunip paasinninnera malillugu ajornartorsiutissaqartitsisarsimanngitsoq."*

#### 4. Suliani allattuiffinnik naqitanngortitsisarneq.

Kommunimut 12. august 2004-mi imatut allappunga:

"Malugaara kommunip sulianik suliarinninnera qarasaasianik atuinikkut anner-tuumik ingerlanneqartarpoq. Aammattaaq suliani arlalinni malugaara kommunip suliami allattuiffiisa ilaannai suliani allagaatinut ilaasartut, sinnerilu qarasaasiamii-ginnartarlutik.



Kommuni qinnuigaara tamanna pillugu oqaaseqaateqaqqullugu. Kommuni tamatumunnga peqatigitillugu qinnuigaara suliami allagaatinik paasitinneqarnissaq qinutigineqartillugu tamanna qanoq iliorluni akuersaarneqartarnersoq nalunaarutigeqqullugu, suliami allagaatit suliamiinngitsut eqqarsaatigalugit."

Kommuni allakkatigut 10. december 2004-meersutigut imatut akivoq:

"K Kommuni allattukkanik qarasaasiakkut ingerlatsinermik 1. marts 2003-mi atuilersimammat assaannarmik allattukkat suliani inunnut ataasiakkaanut tunngasuni suli amerlasoorujussuususaapput.

Suliani allattukkat tamarmik siunissami qarasaasiakkoortuunissat siunertaavoq.

Immikkut pisariaqartitsisoqartillugu, soorlu allagaatinik paasitinneqarnissamik qinnuteqartoqartillugu, qarasaasiakkut allattukkat naqitanngortinneqartarput, suliamullu ikineqartarlutik, taamaaliornikkullu suliami ilaalersussaallutik, suliami paasissutissat allat assigalugit." (Atorfeqarfimmi nutsigaavoq)

*Oqaaseqaatigigallakkakka:*

*"Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 5, imm. 1-imi nr. 2-kkut makku aalajangersarneqarput:*

*"Paasitinneqarsinnaatitaanermi ilaatinneqarput journalinut, nalunaarsuiffinnut allattuiffinnullu allanut suliasamat pineqartumut tunngassuteqartunut ilanngullugit allattorneqartut."*

*Tamanna allagaatit qarasaasiakkut allattorneqartaraluarpataluunniit aamma atuuppoq, tak. § 5, imm. 2-mi oqaaseqatigiit kingulliit.*

*§ 5 pillugu oqaaseqaatinit makku ilaatigut aamma erserput:*

*"Allakkiaq oqartussamit qanoq ililluni toqqortarineqarnerat apeqqutaatinnagu paasissutissiisutigineqarsinnaatitaapput. Allakkiaq pineqartoq pappialanngorlugu toqqortarineqanngippat, assersuutigaluguli mikrofilminngorlugu imaluunniit qarasaasiap toqqorsivianiitillugu toqqortarineqarpat oqartussaasup allakkiaq paasitinneqarumalluni qinnuteqartumut pappialanngorlugu takuneqarsinnaasunngortittariaqarpaa, soorlu assersuutigalugu qarasaasiamit pappialamut nuullugu, imaluunniit pineqartumut allaffimmi tassani skærmikkut assilianngorlugu takuneqarsinnaasunngortillugu. ...*

*Imm. 1, nr. 2-mi aalajangersagaq manna tikillugu pisarnertut journalinut, nalunaarsuiffinnut allattuiffinnullu allanut suliasamat pineqartumut tunngassuteqartunut paasissutissiisinnaatitaaneq atuuppoq. ...*

*Journalitigut nalunaarsuiffiit il.il. taamaattut amerlanertigut suli "assaannarmik" suliarineqartarput. Teknikkikkulli ineriartornerup kingunerisaanik journalinut allattuineq il.il. qarasaasiat atorlugit ingerlanneqarsinnaaleriartorpoq. Taamaattumik journalinut qarasaasiat atorlugit allattorneqartartut paasissutissiisutigineqarsinnaanerat imm. 2-mi ilaatinneqarsinnaanngitsut pillugit aalajangersagaq apeqqutaatinnagu atortiinnarneqarpoq. ...*

*Imm. 2 malillugu nalunaarsuutitut allattuinerit il.il. qarasaasiaq atorlugu suliarineqartartut paasitinneqarsinnaatitaanermut ilaatinneqanngillat, taamaattorli tak. siuliani imm. 1, nr. 2-mut atatillugu taaneqartut. Aalajangersagaq nutaajuvoq, pisortanili oqartussat nalunaarsuiffii pillugit inatsisip nr. 294-ip 8. juni 1971-imeersup atortinneqarneranut atatillugu isigisassaalluni. Inatsimmi tassani pisortat al-laffeqarfiini qarasaasiatigut nalunaarsuiffiit inunnut ataasiakkaanut paasissutis-sanik imaqtut tamarmik ilaatinneqarput. ...*

*Imm. 1 nr. 2 tunngavigalugu paasitinneqarsinnaatitaanermi journalini ilanngus-at il.il. ilaatinneqarput. Tassani mianerinninnissami journalit qanoq ingerlan-neqarnerat apequtaatinneqanngilaq. ..."*

*Nalunaarsuutit naalakkersuisuni pisortat ingerlassaat pillugit inatsimmi nr. 294-imi, 8. juni 1978-imeersumi kapitali 4 inuit nalunaarsuiffimmiittut namminneq pillutik paasissutissanik paasiniaasinnaanerat pillugu malit-tarisassanik aamma imaqarpoq, kapitali 5-ilu paasissutissanik inuinnarnut ingerlatitseqqittarneq pillugu malittarisassanik imaqarluni.*

*Taamaattumik uanga paasinneqqaarnera unaavoq manna piumasaqaa-tigineqarsinnaasariaqartoq, tassalu allagaatit oqartussaasup suliarisi-masaasa imaluunniit oqartussaasup qarasaasiamit piffissaq sivikitsuarar-suaq atorlugu eqqoqqissaartumik naqitanngortissinnaasaasa assilineri oqartussaasup suliami toqqortarisassagai.*

*Allagaatinik toqqorterisarneq pillugu taaneqartut imm. 3-miittut aamma innersuussutigaaqka.*

*Tamakkua saniatigut allanik oqaaseqaatissaqanngilanga."*

##### 5. Piffissaq sulianik suliarinninnermut atorneqartoq.

Kommunimut 12. august 2004-mi imatut allappunga:

"Suliat misissorneqartut amerlanersaanni piffissani sivisuuni suliamik suliarin-ninneq ingerlanneqartarsimangilaq. Kommuni qinnuigaara siusinaartumik soraar-nerussutisiaqalernissamik qinnuteqaatit suliarineqarneranni piffissaq atorneqartar-toq pillugu ataatsimut oqaaseqaateqaqqullugu. Aammattaaq kommuni qinnuigaara kommuni eqqaasitseriaatsinik, suliat suliarineqarmatik uninngaannartannginnissaan-nik puigorneqartannginnissaannilluunniit qulakkeerisunik peqarnerseqqullugu."

Kommuni allakkatigut 10. december 2004-meersutigut imatut akivoq:

"Suliani siusinaartumik soraarnerussutisianut tunngasuni piffissap sulianik su-liarinninnermut atorneqartup sivisuup annertuumik sivikillisinneqarnissaa K Kom-munip eqqumaffigaa. Taamaattumik oqaatigineqarsinnaavoq K Kommunip periaa-seq aallartissimagaa, isumaginninnermik ingerlatsivimmi suliat pitsaassuseqartin-neqarnerannik qaffaanermik nassataqarsinnaasoq, taamaalillunilu suliaasaqarfup taassuma pingaartinneqarnissaa eqqumaffigalugu.

Taamaattumik K Kommunip inatsisileritooq qanittukkat atorfinitsissimavaa isumaginninnermik ingerlatsiviup suliaasa pitsaassuseqartinneqarnerat qaffatsin-niarlugu, taamatuttaarlu ingerlatsineq pillugu inatsiseqartitsineq aamma suliasat suliarineqartarnerat pillugit pikkorissartitsinerit ilinniartitsinerillu isumaginninner-

mi ingerlatsinermi sulianik suliarinnittut peqataafigissallugit pisussaaffeqarfigisaat aallartinneqarniarlutik.

Aammattaaq eqqaasitseriaaseq siusinaartumik soraarnerussutisiaqalerumalluni qinnuteqaatit nutaat tamarmik nalunaarsorneqarfigisassaat isumaginninnermik ingerlatsiviup atulersimavaa. Suliat "pisoqqat" inaarneqanngitsullu (2002-mi taanalu sioqqullugu qinnuteqaatit) eqqarsaatigalugit manna atuuppoq, tassalu taakku eqqaasitseriaatsimi ingerlaavartumik malinnaavigineqassasut, taakkulu pingaarner-siunermi siulliutillugit suliarineqartassasut." (Atorfeqarfimmi nutsigaavoq)

*Oqaaseqaatigallakkakka:*

*"Piffissaq oqartussaasut sulianik suliarinninnermut atortagaat pillugu ataatsimut malittarisassanik suliassat suliarineqartarnerat pillugu inat-simmi aalajangersaasoqarsimanngilaq. Taamaattumik oqatussaasup sulianik suliarinninnerani piffissap akuerineqarsinnaasumik sivisussusillip qaqugukkut qaangerneqartarneranik apeqqut ataatsimoortumik akineqarsinnaanngilaq.*

*Aammattaaq piffissamik oqartussaasup suliamik suliarinninnermut atugaanik naliliinermi, piffissap suliamik suliarinninnermut atorneqartup tamarmiusup saniatigut, pissutsit allat ilanngullugit isiginiarneqartariaqarput, matumani suliap suussusia, misissuinerit oqartussaasup ingerlassaasa annertussusiat, piffissaq suliamik suliarinninnermut nalinginnaasumik atorneqartartoq kiisalu suliame ingerlaavartumik iliuseqarnerit ilanngullugit isiginiarneqartariaqarlutik. Aammattaaq suliap suliame il-lua tungiusup imaluunniit namminersortut pisortalluunniit soqutigisaat eqqarsaatigalugit annertunerusumik annikinnerusumillunniit nukingiut-tariaqartuunera pingaaruteqartillugu isiginiarneqassaaq.*

*Aamma oqaatigaara suliassat suliarineqartarnerat pillugu inatsit pil-lugu Namminersornerullutik Oqartussat ilitsersuusianaanni imm. 199-imit ilaatigut makku ersertut:*

*"199. Suliassat tamarmik pisortat ingerlatsiviinit suliarineqartut soorunami sapinngisamik pisariitsumik, sukkasuumik aningaasartuutaavallaanngitsumillu suliarineqartarnissaannik piunasaqaat pingaartumik atuuppoq suliassanut inuit ataasiakkaat imaluunniit namminersorlutik ingerlatseqatigiiffiit, suliffeqarfiit, peqatigiiffiit il.il. attuumassuteqarfigisaanni."*

*Oqaaseqaataagallartumut matumunnga ilanngussatut takussutissiaq ilanngullugu nassiuppara, taassumalu piffissaq kommunimi suliata ataasiakkaat suliarineqarnerannut atorneqartartoq takutippaa, siusinaartumik qinnuteqaatip ullulernerarneranit (ullormit qinnuteqaatip aallartiffiatut tunngaviutinneqartumit) kommunip suliamik inaarsinerata tungaanut naatsorsorlugu. Suliaq inaarlugit suliarineqarsimanngippat piffissaq suliamik suliarinninnermut atorneqartartoq 13. juni 2005 tikillugu naatsorsorneqartarpoq.*

*Tassannga erserpoq suliata inaarlugit suliarineqarsimasut eqqarsaatigalugit K Kommunip suliame siusinaartumik soraarnerussutisiaanut tun-*

*ngasuni misissorneqartuni piffissaq sulianik suliarinninnermut atortagaa agguaqatigiissitsinermi ullunik 719-inik sivilissuseqartoq. Suliat inaarlugit 13. juni 2005-mi suliarineqarsimangitsut eqqarsaatigalugit piffissaq sulianik suliarinninnermut atorineqartartoq agguaqatigiissitsinermi ullunik 914-inik sivilissuseqarpoq, tassa ukiut marluk, qaammatit arfinillit ullorlu ataaseq. Tamanna piffissatut suliamik suliarinninnermut atorineqartutut pisariaqanngitsumik sivilisullaatut isigaara, K Kommunilu qinnuigaara tamanna pillugu oqaaseqaateqaqqullugu. Kommuni tamatumunnga peqatigitillugu qinnuigaara piffissaq sulianik suliarinninnermut atorineqartartoq naammaginartumik sivilissuseqartoq kommunip paasinninnera malillugu qanoq sivilisutigisariaqartutut isigineqarnerisooq nalunaarutigeqqullugu tunngavilersoqqullugulu, ilaatigut qinnuteqaatit sulinerimik misiliititsinertaqanngitsumik aalajangiivigineqarsinnaasut, ilaatigullu qinnuteqaatit sulinerimik misiliititsereerluni aatsaat aalajangiivigineqarsinnaasut eqqarsaatigalugit.*

*Oqaatigaarattaaq suliassat suliarineqartarnerat pillugu inatsit pillugu Namminersornerullutik Oqartussat ilitsersuutaanni imm. 205-imit 207-imit makku oqaatigineqarmata:*

*"205. Ingerlatsinermut oqartussaasup suliassap suussusia pissutigalugu imaluunniit oqartussaaffimmi tassani suliassat nalinginnaasumik suliarineqartarnerat pissutigalugu suliassaq tigungeraniit piffissap sivilinnerusup iluani aalajangiivigisinnaanngikkuniuk oqartussaaffiup suliamut tunngassuteqartoq nalunaarfigisariaqarpaa suliassap qanoq inissisimaneramik aammalu ajornanngippat paasissutisillugu suliassap qaqugu aalajangiivigineqarnissaa oqartussaaffimmit naatsorsuutigineqarnerisooq.*

*206. Oqartussaaffiup aammattaaq suliassamut tunngassuteqartoq ilisimatittariaqarpaa suliassaq sivilinnerusumik suliarineqartussaagaluaq immikkut pissuteqartumik pisarnermit sivilinnerusumik suliarineqartariaqalerpat.*

*207. Suliamut tunngassuteqartumit allakkat nukingisaarutit suliassallu suliarineqarneranni piffissamik atorineqartumik naleqquttumik tunngavilersukkat ingerlaannartumik akineqartariaqarput. Akissuteqaammi ilisimatitsissutigineqartariaqarpoq suliassaq qanoq inissisimanerisooq aammalu ajornanngippat ilisimatitsissutigineqarluni suliassap aalajangiivigineqarnissaa oqartussaaffiup qaqugu naatsorsuutigineeraa."*

*Taamaalilluni suliaq oqartussaasup suliami pineqartumi (nukingisaari-soqarsimappat nukingisaarummut akissutitut) suliami illua tungiusumut oqaatigisaanit sivilinnerussappat suliami illua tungiusumut nalunaaruteqarnissamut pisussaaffeqaannanngilaq, aammali suliap suliarineqarnera suliami illua tungiusup tungaanit isigalugu naatsorsuutigineqarsinnaasumit sivilinnerussappat suliami illua tungiusumut nalunaaruteqarnissamut pisussaaffeqarpoq. Taamaalilluni oqartussaasup manna naliliiffigisariaqarpaa, tassalu suliap pineqartutut ittup suliarineqarneranut piffissaq qanoq sivilisutigisoq atorineqassasoq suliami illua tungiusup naatsorsuutigisinnaaneraa, piffissarlu taanna naappat suliami illua tungiusoq ilisimatillugu suliap suliarineqarnera sivilisuloorunneqartoq, ajornanngip-*

*pallu ilisimatitsissutigalugu suliap inaarlugu qaqugu suliarineqarnissaa naatsorsuutigineqarsinnaanersoq.*

*Suliat misissuininnut ilaatinneqartut arlaannaanniluunniit K Kommuni immikkoortut 205, 206 aamma 207 naapertorlugit ilisimatitsisarsimangi- laq. Tamanna uanga paasinneqqaarnera malillugu pitsaanngitsuvoq.*

*Maluginiarpara eqqaasiteriaaseq siusinaartumik soraarnerussutisia- qalerumalluni qinnuteqaatit nutaat tamarmik ingerlaannartumik nalu- naarsorneqartarfiat K Kommunip atulersimagaa. Suliat inaarlugit suliarineqarsimangitsut eqqaasiteriaatsimi aamma taamatut ingerlaavartumik malinnaavigineqarniarput. K Kommuni qinnuigaara eqqaasiteriaaseq atorneqalersimasoq pillugu erseqqinnerusumik nassuiaateqaqqullugu.*

*Piffissaq kommunip sulianik suliarinninnermut atortagaa eqqarsaatiga- lugu siusinnerusukkut suliani ataasiakkaani kommunip sulianik piffissami sivisunerusumi (X pillugu suliami ukiumi ataatsimi qaammatinilu arfineq marlunni) suliamik suliarinninnermi iliuuseqarfiumngitsunik uninngatitsi- sarsimanera isornartorsiorpara, kiisalu suliat suliamik suliarinninnermik iliuuseqarfineqarnatik piffissani arlalinni (qaammatini sisamani, qaam- matini tallimani, qaammatini tallimani, qaammatini marlunni aamma qaammatini arfineq marlunni, matumani suliat Y-mut uanga j. normunnik ...-mik normoqartumut tunngasoq aamma suliaq Z-imut uanga j. normun- nik ...-mik normoqartumut tunngasut innersuussutigaa) qinnuteqartoq tamatuminna ilisimatinnagu uninngatinneqartarsimanerat isornartor- siorlugu."*

Oqaaseqaatigigallakkannut kommunip oqaaseqaatai 3. november 2005- imi tiguakka. Oqaaseqaatinit taakkunanga makku erseerput:

"...

Siusinaartumik soraarnerussutisianik qinnuteqaatit suliarineqarnerinut piffissap siviisuup atorneqartarsimanera K Kommunip nalunnigilaa. Akissutinit 10. december 2004-meersunit erseerpoq suliassaqarfimmi tassani suliassarpassuaqarsimasoq suli suliarineqanngitsunik, tamannalu K Kommunip soorunalimi ajuusaarutigaa. Sulias- sat taakku naammassiniarlugit aallartinneqarsimapput, taamaattumillu siunissami qinnuteqaataasarumaartussat suliarineqarnerannut piffissaq atorneqartoq pisut atuuttut pisortanilu oqartussaasunik allanik suleqateqarneq aallaavigalugu sivikin- nerulissalluni.

K Kommuni isumaqarpoq qinnuteqartup siusinaartumik soraarnerussutisiaqarta- riaqarnera erseqqippat piffissaq suliamik suliarinninnermut atorneqartoq naliliilluni qaammatinik pingasunit sisamanut naammaginartumik siviussuseqarsinnaasoq. Qinnuteqartoq siusinaartumik soraarnerussutisiaqalersinnaanersoq nalornissutigi- neqarpat, piginnaanngorsaaqqittoqassappat sulinermillu misiliisitsisoqassappat pif- fissaq suliamik suliarinninnermut atorneqartoq qaammatinik qulingiluanit 18-inut siviussuseqartoq naammaginaruussaaq. Taamattorli tamanna pillugu oqaatigine- qassaaq suliani assigiinngitsuni piffissap suliamik suliarinninnermut atorneqartup qanoq siviisitiginissaanik naliliinerit ataasiakkaat qinnuteqartullu suleqataanissa- minut piumassuseqarnera apequtaassasut, taamaattumillu piffissaq sulianik suliarinninnermut atorneqartoq qanoq siviisitigissasoq eqqoqqissaartumik oqaatigi- neqarsinnaanani.

...  
Eqqaasitseriaaseq immersugassamik takussutissianik makkuninnga ilaqartunik imaqqarpoq:

- Suliap normua/inuttut normu aamma ateq
- Suliamik suliarinnittoq
- Ulloq siusinaartumik soraarnerussutisiaqalerumalluni qinnuteqarfiusoq
- Suliap killiffia aamma suut iliuuserineqassanersut
- Alliullutik qaammammi tassani suliat inaarlugit suliarineqartut allanneqarsimapput

- Qinnuteqaatit nutaat assammik ingerlaavartumik allatorneqarput  
- Immersugassaq qarasaasiakktut qaammammut ataasiarluni nutarterneqartarpoq  
Eqqaasitseriaaseq taanna sulianik ingerlasunik, qinnuteqaatinik nutaanik sulianillu inaarsarneqartunik sulianik suliarinnittunut paasissutisseeqataasarpoq.

Suliap sivitsulooruneqarnera pillugu paasissutissiisarneq eqqarsaatigalugu oqaatigineqarsinnaavoq sulianik suliarinnittut suliasat suliarineqartarnerat pillugu inatsit pillugu 2005-imi 2. oktoberimit 6. oktoberimut pikkorissaqqammertut. Matumani ilaatigut suliap inaarlugi qaqugu suliarineqarnissaanik naatsorsuutiginninnermik nalunaaruteqarnissamut ullunik qulinik piffissaqartitaaneq ilaatigut sammineqarpoq. Taamaattumik tamatuma aalajangersimasumik periaatsinut ilanngunneqarnissaa suliniutigineqarpoq. Manna tikillugu tamatuma pisarsimannginnera K Kommunip assut ajuusaarutigaa, sulianilli suliarinnittut suliasaqarfimmi tassani suliasarpas-suit suli suliarineqanngitsut eqqarsaatigalugit namminneq suliasaatitik salliutittari-aqartarsimavaat" (Atorfeqarfimmi nutsigaavoq)

*Inaarutaasumik oqaaseqaatikka:*

*"K Kommunip oqaatigaa kommuni isumaqartoq siusinaartumik qinnuteqaatit qinnuteqartup siusinaartumik soraarnerussutisiaqalersinnaatitaa-nera erseqqippat piffissaq suliamik suliarinninnermut atorneqartoq qaammatinik pingasunit sisamanut sivilissuseqartoq naammaginarumik sivilissuseqartuusoq. Tamanna pillugu oqaatigaara uanga paasinninnera unaasoq suliat qinnuteqartup siusinaartumik soraarnerussutisiaqalersinnaatitaa-nera erseqqippat piffissaq suliamik suliarinninnermut atorneqartoq sivilisunerpaamik qaammatinik pingasunik sivilissuseqartariaqartoq.*

*Suliat qinnuteqartup siusinaartumik soraarnerussutisiaqalertariaqarneranik nalornisoorfiit eqqarsaatigalugit piffissap suliamik suliarinninnermut atorneqartup sivilisunerusarnissaa ilalersinnaavara. Matumani sulinnermik misiliffissamik naleqquttumik nassaarniarnerup ajornakusoor-tuusinnaanera ilanngullugu isiginiarpara.*

*Taamaattorli oqaatigaara suliap suliarineqarneranut qaammatit arlallit naammaginarartut isigalugit atorneqarsinnaanerannik kommunip isumaqarnerata suliat periarfissaqarfiaatigut pilertortumik suliarinissaannut kommuni pisussaaffianngikkaa.*

*Malugaara sulianik suliarinninnerit pillugit qinnuteqartunut nalunaaruteqartarnermi periaatsit aalajangersimasut K Kommunip atulerniarai. Taamaattorli malugeqqullugu oqaatigaara suliap inaarlugi qaqugu suliarineqarnissaanik nalunaaruteqarnissamut atatillugu ullut qulit piffis-*



*saliunneqarsimanngimmata, allagaatinilli paasitinneqarnissamik qinnuteqaatit akineqarnissaat eqqarsaatigalugu tamanna atuummat."*

#### 6. Suliat uppersaasersorneqartarnerat.

Kommunimut 12. august 2004-mi imatut allappunga:

"Suliani arlalinni maluginiarpara suliamik suliarinninneq allattuiffimmi allanneqarsimasoq pillugu suliami uppersaatissiisoqartarsimanngitsoq. Kommuni qinnuigaara tamanna pillugu oqaaseqaateqaqullugu.

Kommuni tamatumunnga peqatigitillugu qinnuigaara allakkat takkuttut kommunip qanoq annertutigisumik nalunaarsortarnerai nalunaarutigeqqullugu, matumani siusinaartumik soraarnerussuteqalernissamik qinnuteqaatit allakkatut takkuttut nalunaarsorneqartarnerai ilanngullugu eqqarsaatigalugu."

Kommuni allakkatigut 10. december 2004-meersutigut imatut akivoq:

"Suliami allagaatit uppersaasiussat ilanneeriarlutik tammartarnerat isumaginninnermik ingerlatsiviup nassuerutigalugulu ajuusaarutigaa. Pisut amerlanersaanni tamatumunnga pissutaasartoq tassaavoq allagaatit allaqqaarnerisa sulianit inunnut ataasiakkaanut tunngasunit immikkoortinneqartarsimanagerat. Suliami allagaatinik immikkoortitsisarnermi periaaseq oqaatigineqartutut sulianik suliarinnittunut sakkortuumik erseqqissarneqarsimavoq.

Aammattaq oqaatigineqarsinnaavoq allakkat K Kommunimit tiguneqartut tamarmik ullormit ullormit allaffiup iluani atugassatut allakkat pillugit allattuiffinni nalunaarsorneqartarmata. Taamaattorli siusinaartumik soraarnerussutisiaqalerumalluni qinnuteqaatit allakkatut isertutut nalunaarsorneqarneq ajorput, tassami qinnuteqarnermi immersugassat allakkanut ilaatillugit tiguneqartanngimmata.

Siusinaartumilli soraarnerussutisiaqalerumalluni qinnuteqaatit tiguneqartarnerinut periaaseq alla isumaginninnermik ingerlatsiviup atulersimavaa, tassami qinnuteqaatit tamarluinnangajammik ornigulluni saaffiginninnikkut pisarmata. Taamaalliluni siusinaartumik soraarnerussutisiaqalerumalluni qinnuteqartoqarnerani qinnuteqartoq qinnuigineqartarpoq qinnuteqarnermi immersugassaq tungujortoq atsioqqullugu, taannalu siusinaartumik soraarnerussutisiaqalerumalluni qinnuteqaatinut suliamik immikkut suliarinnittumut ingerlaannartumik tunniunneqartarpoq, suliareq-qitassanngortillugu.

Aammattaq isumaginninnermik ingerlatsiviup periaaseq atulersinniarlugu masakkut suliniutigaa, tassalu siusinaartumik soraarnerussutisiaqalerumalluni qinnuteqaatit tunniunneqarnerani uppersaasat qinnuteqartumut tunniunneqartarnera.

Qinnuteqaatit suliareqqitassanngortillugu ingerlateqqinneqarnera tamatumunngalu uppersaasat suliami allattuiffimmi allattukkanit sapinngisamik takuneqarsinnaasussaapput. Periaaseq taanna sulianik suliarinnittunut erseqqissarneqarniarpoq.

Isumaginninnermik ingerlatsiviup naliliinera unaavoq siusinaartumik soraarnerussutisiaqalerumalluni qinnuteqaatinik tiguneqartunik nalunaarsuineq periaatsip taassuma naammattumik qulakkeersinnaagaa.

Siusinaartumik soraarnerussutisiaqalerumalluni qinnuteqaat allakkatigut nassiunneqarpat taanna allakkatut isertutut kommunip iluani allakkanik nalunaarsuiffittut atorineqartussami nalunaarsorneqassaaq." (Atorfeqarfimmi nutsigaavoq)



*Oqaseqaatigigallakkakka:*

*"Suliami allagaatinik immikkoortitsisarneq" pillugu qulaani immikkoortoq 3-mi K Kommunip suliani inunnut ataasiakkaanut tunngasuni allagaatinik immikkoortitsisarnermi siusinnerusukkut periaaserisimasaa pillugu paasinninnera nassuiarpara.*

*K Kommunip akissutaa imatut paasivaara suliani uppernarsaasiussatut allagaatit ilaanneeriarlutik tammartarsimasut.*

*Allagaatip ataatsip allagaatilluunniit ataatsiakkaat qaqutigooraluarumik tammaaneqarsinnaanerat, taamalillutillu suliami allagaatit akornanni nassaarineqarsinnaasanninnerat paasisinnaavara.*

*Uanga paasinneqqaarnera unaavoq allagaatit sulianit uteqqiattumik tammartarnerat ingerlatsivimmi oqartussaasup paasiguniuk periaatsit tunaartarisassalluunniit allagaatit tammartanninnissaannik tammaaneqartanninnissaannilluunniit qulakkeerisut atulerniarlugit suliniuteqartariaqartoq.*

*Suliami allattuiffimmut allattuisarnermi siunertanut ilaasoq tassaavoq suliap pilertortumik pullavigineqarsinnaanera, kiisalu suliap allagaatinik sunik imaqarnerata takuneqarsinnaanera.*

*Taamaattumik uanga paasinneqqaarnera malillugu manna pitsaanngit-sorujussuuvoq, tassalu suliani arlalinni allagaatit suliami allattuiffimmi nalunaarsorneqarsimasut suliami namminerme nassaassaanninnerat. Aammattaaq paasinneqqaarnera unaavoq suliami allattuiffiup naleqassusiata ilaa tamatuma peeraa.*

*K Kommunip allagai imatut paasivakka allakkat tiguneqartut tamarmik allattuiffinnut kommunip allaffiata iluani atugassatut ullut tamaasa nalunaarsorneqartartut. Taamaattorli tamanna siusinaartumik soraarnerussutisiaqalerumalluni qinnuteqaatinut atuutinngilaq, tassami taakku allak-katigut tiguneqarajunngimmata. Periaatsimik qinnuteqaatip tiguneqarne-ranut uppernarsaammik tunniussiviusartumik qinnuteqaateqartoqartillugu tiguneqarneranik allattuiffimmut allattuiffiusartumik atulersitsiniarneq K Kommunip massakkut suliniutigaa. Siusinaartumik soraarnerussutisiaqalerumalluni qinnuteqaatit allakkatigut tiguneqartut eqqarsaatigalugit periaatsit oqaatigineqartoq imatut paasivara taakku allakkatut tiguneqartutut nalunaarsuiffimmi allaffiup iluani atorineqartussami nalunaarsorneqartartut.*

*Tamanna pillugu oqaatigaara uanga tunginnit isigalugu manna naleqqunnerpaassagaluartoq, tassalu siusinaartumik soraarnerussutisiaqalerumalluni qinnuteqarnermi immersugassat tiguneqartut tamarmik allakkatut tiguneqartutut nalunaarsuiffimmi allaffiup iluani atorineqartussami nalunaarsorneqartarpata. Qinnuteqarnermi immersugassat allakkatigut nassiunneqartut aamma qinnuteqarnermi immersugassat kommunip allaffianut ornigulluni saaffiginninnermi tunniunneqartut assigiinngissuteqarnissaat uanga paasisinnaanngilara. Taakku marluk allagaataapput*

*suliami avataanit qinnuteqaatitut ilaasut. Tassani aamma ilaavoq qinnuteqarnermi immersugassat suliami allagaatinut ilaasut allakkatigut nassiunneqarnertik imaluunniit kommunimi immersorneqarnertik apeqqutaatinagu uanga paasinninnera malillugu suliap allattuiffittaani nalunaar-sorneqartariaqarnerat.*

*Tamakkua saniatigut oqaatigaara pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 6, imm. 1 allattuisussaataaneq pillugu malittarisassamik imaattumik imaqartoq:*

*"§ 6. Suliassani ingerlatsineranut oqartussaasunit aalajangiiffigineqartussani oqartussaq paasissutissanik suliassanut tunngassuteqarluinnartumik suliassap aalajangiiffigineqarnissaanut pingaaruteqartunik oqaasiinnakkut pissarsisoq, paasissutissanilluunniit taamaattunik allatut iliorluni paasisaqartoq paasissutissat taakku imaat pillugit allakkiussaaq. Taamaattorli paasissutissat taakku suliassap allakkiartaasa ilaanni takuneqarsinnaappata tamanna atuutinngilaq."*

*Aalajangersakkamut tassunga tunuliaqutaasoq tassaavoq ingerlatsiviup nammineq suliniuteqarnermigut aalajangiinermi allakkatigut tunngaviusussanut ilassutissanik oqaasiinnartigut paasissutissanik pissarsiniartarnerata qaqtigoortuunnginnera. Taamaalilluni § 6-ikkut aalajangersarneqarpoq ingerlatsivimmi oqartussaasup suliami pissusiviusut pillugit paasissutissanik suliap aalajangiivigineqarneranut pingaaruteqartunik oqaasiinnartigut pissarsisup, imaluunniit paasissutissanik taamaattunik allatut iliorluni ilisimasaqalersup paasissutissat taakku imarisaat pillugit allakkiussasoq.*

*Paasissutissap allanneqarnissaanut aalajangiisuusoq tassaavoq paasissutissaq suliap uppernarsaasersuinikkut tunngaviinut tapertaanersoq imaluunniit suliami pissusiviusut eqqarsaatigalugit erseqqissuutitsineq anguniarlugu pissarsiarineqarsimanersoq. § 6 malillugu allattuisussaataaneq suliami pissusiviusut pillugit paasissutissanut suliami allagaatini ilaariinngitsunut tamanut atuuppoq, paasissutissat suliamut qanoq ililluni pissarsiarineqarnerat apeqqutaatinnagu. Paasissutissat suliami illua tunngiusumit namminermi oqaasiinnartigut nalunaarutigineqartut pillugit aamma allakkiortoqassaaq."*

#### 7. Allagaatinik ullulersuisarneq.

Kommunimut 12. december 2004-imi imatut allappunga:

"Sulianik arlalinnik peqarpoq allakkianik, naliliinernik inassuteqaatinillu ullulernerqanngitsunik imaqartunik. Kommuni qinnuigaara tamanna pillugu oqaaseqaa-teqaqqullugu."

K Kommuni allakkatigut 10. december 2004-meersutigut imatut akivoq:

"Allakkat tamaasa, matumani qarasaasiakkut allakkat ilanngullugit eqqarsaatigalugit, ullulerneqartarnissaat allattuiffinnilu allaffiup iluinnaani atorneqartussani allakkatut isertutut nalunaarsorneqartarnissaat siunertaavoq.

Taamaattumik allagaatit tamarmik ullulerneqartarnissaat isumaginninnermik ingerlatsiviup anguniarpaa, nassuerutigaluguli suliassaqarfimmi tassani ajornartorsiuteqartoqartoq. Taamaattumik tamanna sulianik suliarinnittunut sakkortuumik erseqqissarneqarniarpoq." (Atorfeqarfimmi nutsigaavoq)

*Oqaaseqaatigigallakkakka:*

*"Allagaatip allaffiup iluinnaani atugassap ullulerneqarnerata allagaatip qanga suliarineqarsimamera takutippaa. Taamaalilluni allagaatip pineqartup ullulerneqarnera atorlugu naliliisoqarsinnaavoq pisoq pineqartoq allagaatip suliarineqarnerani ilanngullugu isiginiarneqassanersoq, imaluunniit tamanna piffissaq eqqarsaatigalugu pisinnaannginnersoq. Inassuteqaatip imaluunniit naliliinerup qangameersuunera ilisimassallugu suliameerit aalajangiisussamat pingaartumik inassuteqaatit, naliliinerit ilaalu ilanngullugit eqqarsaatigalugit, tassalu pisutsit piffissap ingerlanerani allanngorsinnaasut eqqarsaatigalugit. Taamaattumik allagaatit arlallit ullulerneqartarsimannginnerat pitsaanngitsuvoq.*

*Malugaara kommunip tamanna sulianik suliarinnittunut erseqqissarniarraa, taamaattumillu matuma kingornatigut annertunerusumik iliuuseqaqqissanngilanga."*

#### 8. Oqariartaatsinik atuineq.

Kommunimut 12. august 2004-mi imatut allappunga:

"Suliani arlalinni allattuiffinni oqariartaatsit oqaasertalersuinerillu naammattoortarpakka, assersuutigalugu imaattut: "Konen var skidefuld, og jeg smed hende ud" imaluunniit pilersuisussaatitaaneq pillugu oqallinneq: "Nej. Gik i vred. Vil myrde sin samlever".

Kommuni qinnuigaara oqariartaatsinik atuineq pillugu oqaaseqaateqaqqullugu."

Kommuni allakkatigut 10. december 2004-meersutigut imatut akivoq:

"Isumaginninnermik ingerlatsiviup naatsorsuutigaa suliameerit allakkatit oqaatsit toersut kinaassusersiunngitsullu atorlugit allanneqartassasut. Ajornartorsiut taanna isumaginninnermik ingerlatsiviup eqqumaffigaa, tamannalu sulianik suliarinnittunut erseqqissarniarlugu. Aammattaaq isumaginninnermik ingerlatsiviup periaaseq aallartissimavaa, taannalu malillugu inassuteqaatit tamarmik misissorneqartassapput, taamaalillutik allakkatit taamaattut oqaasertaat allanngortinneqartassallutik, inassuteqaatit ataatsimiititaliami suliarineqartussanngorlugu ingerlateqqinneqannginnerani." (Atorfeqarfimmi nutsigaavoq)

*Oqaaseqaatigigallakkakka:*

*"Isumaqarpunga ingerlatsinermi ileqqorissaarnermut naapertuunnerpaasoq ingerlatsiviup allakkiai/inassuteqaatai qinnuteqartoq taassumaluunniit pissusilersornera eqqarsaatigalugu misigissutsinik akoornagit suliarineqartarpata, taamaalilluni allakkiamik allattup kinaassusersiunginnera qularutigineqarsinnaajunnaarsillugu. Tamatuma pissuseqataa matumunnga atuuppoq, tassalu ingerlatsiviup avammut allagai sapinngisamik inussiarnerpalaartumik, mianerinnippalaartumik akuersaarpalaartumillu oqaasertalersorneqartassasut."*

#### 9. Piffissaq soraarnerussutisiaqalerfik.

Kommunimut 12. august 2004-mi imatut allappunga:

"Kommunip suliaataanik misissuininni paasivara piffissaq siusinaartumik soraarnerussutisianik tunniussiviususaaq nalornissutigineqartarsimasooq. Isumaqarpunga illua'tungaani soraarnerussutisiat pillugit peqqussummi § 7-ip aamma illua'tungaani peqqussutissatut siunnersuut pillugu oqaaseqaatit Ilaqutariinnermullu Pisortaqarfiup peqqussut pillugu ilitersuutaata akornanni naapertuutinngineqartoq. Taamaattumik Ilaqutariinnermut Pisortaqarfiup malittarisassat qanoq paasineqarnissaannik nassuiaanerani misissuiffiginneq aallartippara.

Ilaqutariinnermut Pisortaqarfik tamatumunnga atatillugu malittarisassat qanoq paasineqarnissaannik nassuiaanera pillugu tusarniaavigaara.

Ilaqutariinnermut Pisortaqarfik allakkatigut 24. august 2004-meersutigut akivoq peqqussummi § 7-ip aamma aalajangersakkap piareersarneqarnerani suliat imminut naapertuuttuunnginnerat pisortaqarfiup isumaqatigigaa, kiisalu Inatsisartut ataatsimiinnissaanni tulluuttumi pisortanit pensionisiat pillugit Inatsisartut peqqusutaanni § 7-ip allanngutissaatut siunnersuut pisortaqarfiup saqqummiunniaraa.

Pisortaqarfiup allakkani 26. januar 2005-imeersuni aamma oqaatigaa pisortaqarfiup paasinninnera unaasoq siusinaartumik soraarnerussutisiat piffissaq soraarnerussutisiaqassagaanni piumasqaatinik eqqortitsiviusooq aallarnerfigalugu pi-sartagarilersinneqassasut, kiisalu pisortaqarfiup paasinninnera unaasoq piumasqaatit aatsaat eqqortinneqarsimassasut qinnuteqartoq kommunip piginnaanngorsaaq-qinniartlugu misilereersimappagu, pineqartup piginnaanngorsaaqqinnerup kingornatigut suliamik ingerlatsinissaminut periarfissaqanera ilimannangippat.

Pisortaqarfiup paasissutissiissutigisai tusaatissatut tiguakka. Taamaattorli malugaara Inatsisartut 2005-imi upernaakkut ataatsimiinneranni Inatsisartut peqqusutaanni § 7-ip allanngutissaatut siunnersuummik suliarinnittoqarsimanngitsoq.

#### 10. Suliffissarsiuussisarfirmut nalunaaruteqartussaataaneq pillugu a-peqqut.

Kommunimut 12. august 2004-mi imatut allappunga:

"Sulianit arlalinnit erserpoq qinnuteqartoq qinnuigineqartoq siusinaartumik soraarnerussutisialeqarnissamik qinnuteqaatip tunniunneqarnerata kingornatigut suliffissarsiuussisarfirmut "naqitsikkiartoqqullugu".

Kommuni qinnuigaara tamatumunnga pissutaasoq nalunaarutigeqqullugu, kiisalu qinnuteqartup sulilenera soraarnerussusiaqalernissamik qinnuteqaammuk kingunerqarsinnaasoq qinnuteqartumut tamatumunnga peqatigitillugu ilitsersuutigineqartarnersoq nalunaarutigeqqullugu."

Kommuni allakkatigut 10. december 2004-meersutigut imatut akivoq:

"Inatsisartut peqqussutaanni nr. 9-mi, 15. april 2003-meersumi § 10, imm. 1 tunngavigalugu siusinaartumik soraarnerussutisiaqalersitsinissami piumasaqaataavoq inuussutissarsiorsinnaassuseq timikkut, eqqarsartaatsikkut inooqataanikkulluunniit pissutsit pissutigalugit ataavartumik appariarsimassasoq. Aammattaaq siusinaartumik soraarnerussutisiaqalersitsisoqassappat piumasaqaataavoq qinnuteqartoq piginnaanngorsaaqqinniarlugu misiliisoqarsimassasoq, tamanna pillugu Inatsisartut peqqussutaat malillugu, tak. soraarnerussutisiat pillugit peqqussummi § 10, imm. 2.

Taamaattumik piginnaanngorsaaqqinnermut atatillugu pissusissamisooruuvog qinnuteqartoq suliffissarsiuussisarfirmut attaveqarnerminik attassiinnarnissaanik kajumissaassallugu.

Aammattaaq siusinaartumik soraarnerussutisiaqalerumalluni qinnuteqartoq suliamik suliarinninnerup nalaani suliffiullu naleqquttup innersuunneqarsinnaalernissaata tungaanut pisortanit ikiorsiissutit pillugit Inatsisartut peqqussutaat nr. 10, 1. november 1982-imeersoq tunngavigalugu ikiorserneqarnissamik amerlanertigut pisariaqartitsisartussaavoq. Peqqussut taanna malillugu ikiorserneqassagaanni ilaatigut piumasaqaataavoq pineqartoq suliffimmik naleqquttumik pisariaqarnera naapertorlugu innersuunneqarsinnaanngitsoq, tak. § 13, nr. 1. Uppernarsaasersuinissamik piumasaqaat kommunimi imatut eqqortinneqartarpoq, tassalu pineqartup suliffissarsiuussisarfirmi suliffissarsiortutut "naqissusertinneqarneratigut", sulisinnaannginnermut nakorsap uppernarsaasiussaa takutinneqarsinnaanngippat.

Taamaalilluni siusinaartumik soraarnerussutisiaqalerumallutik qinnuteqartut suliffissarsiortutut "naqissusertinneqarnissaat" piumasaqaatigineqarneq ajorpoq, kiisannili siusinaartumik soraarnerussutisiaqalerumalluni qinnuteqaatip suliarineqarnerata nalaani pisortanit ikiorsiissutit pillugit Inatsisartut peqqussutaat tunngavigalugu ikiorserneqarnissamik qinnuteqartoqartillugu sulisinnaannginnermullu uppernarsaat takutinneqarsinnaanngikkaangat tamanna piumasaqaatigineqartarpoq.

Suliffeqarnerup kingunerisinnaasai pillugit ilitsersuineq pillugu apeqqut eqqarsaatigalugu oqaatigineqarsinnaavoq qinnuteqartup piginnaanngorsaaqqinneqarnera asuliinnassasoq erseqqeriinngippat qinnuteqartup piginnaanngorsaaqqinniarlugu misilinneqarnera suliamik suliarinninnermi aalajangersimasumik ilaasoq.

Qinnuteqartoq tamatumunnga atatillugu oqarfigineqartarpoq sulinermik misilii-neq/piginnaanngorsaaqqinneq qinnuteqartup sulisinnaassuseqarneranik takutitsip-pat tamatuma kingunerissagaa siusinaartumik soraarnerussutisiaqalerumalluni qinnuteqaatip inuussutissarsiorsinnaassutsip ataavartumik appariarsimasutut isigineqarsinnaannginnera tunngavigalugu itigartinneqarnera." (Atorfeqarfimmi nutsigaa-voq)

*Oqaaseqaatigallakkakka:*

*"K Kommunip oqaatigaa: "Taamaattumik piginnaanngorsaaqqinnermut atatillugu pissusissamisooruuvog qinnuteqartoq suliffissarsiuussisarfirmut attaveqarnerminik attassiinnarnissaanik kajumissaassallugu." (Atorfeqarfimmi nutsigaavoq)*

*Tamanna pillugu oqaatigaara pisortanit pensionisiat pillugit Inatsisartut peqqussutaanni § 10, imm. 2-kkut aalajangersarneqarmat siusinaartumik soraarnerussutisiaqalersitsinnginnermi kommunip pineqartoq piginnaangorsaaqqinniarsimassagaa, piginnaangorsaaqqinnissamut ikiorsiisarneq pillugu Inatsisartut peqqussutaat tunngavigalugu.*

*Piginnaangorsaaqqinnissamut ikiorsiisarneq pillugu Inatsisartut peqqussutaanni nr. 4-mi, 31. maj 2001-imeersumi aalajangersarneqarpoq kommunu tassaasoq piginnaangorsaaqqinneqartoq suleqatigalugu piginnaangorsaaqqinneq pillugu pilersaarummik suliaqartussa. Taamatutaaq piginnaangorsaaqqinnerup piareersarneqarnissaa kommunip pisussaaffigaa, taamaalilluni taanna piffissap sapinngisamik sivikinnerpaap iluani ingerlanneqarsinnaaqqullugu.*

*Peqqussummi tassani § 2-mit makku erseput:*

*"§ 2. Piginnaangorsaaqqinnissamut ikiorserneqartassapput inuit peqqissutisimut tunngasut, inuttut atugarisanut tunngasut, tamatumani ilanngullugit siviisuumik suliffissaarusimaneq, sumiiffimmi pissutsinut tunngatillugu inuttut ilaqutariittulluunniit artorsaateqarnerit pissutigalugit imaaliallaannarlugit sulilernissamut naleqqussarneqarsinnaangitsut imaluunniit naleqqussaaqqinneqarsinnaangitsut. Inuk ikiorserneqarsinnaatitaasoq taaneqartarpoq piginnaangorsaaqqittussa.*

*Imm. 2. Piginnaangorsaaqqinnissamut qinnuteqartup pisussaaffigaa inuttut atugarisanut tunngasut peqqissutisimullu tunngasut qulaajarneqarnissaat peqataaffigissallugu piginnaangorsaaqqinnissallu aallartinnissaanut aalajangiinnissamut paasissutissanik pingaaruteqartunik tunniussinissaq tamakkiisumik pisussaaffigalugu."*

*Aamma oqaatigaara kommunip pisuni tamani manna isumaliutersuutigisariaqaraa, tassalu inuk siusinaartumik soraarnerussutisiaqalerumalluni ilumut qinnuteqartariaqarnerisooq, imaluunniit inuk qinnuteqarnissamut taarsiullugu piginnaangorsaaqqinnermut ikiorsiisarneq pillugu Inatsisartut peqqussutaat tunngavigalugu piginnaangorsaaqqitassanngorlugi innersuunneqassanersooq, imaluunniit nalinginnaasumik suliffissarsioqqullugu innersuunneqassanersooq.*

*Taamaalilluni periaaseq pingasoqiusanik sammiveqartoq pineqarpoq, taakkunanilu sulilersitsiniarneq siulliullugu misilinneqartussaalluni. Suliffeqarnermut tunngasunut naleqqussaasoqarsinnaangippat tulliullugu piginnaangorsaaqqinnermut ikiorsiisarneq pillugu Inatsisartut peqqussutaat tunngavigalugu piginnaangorsaaqqinniartoqartariaqarpoq, aatsaallu piginnaangorsaaqqittoqarsinnaangippat siusinaartumik soraarnerussutisiaqalerumalluni qinnuteqartoqartariaqarluni, siusinaartumik soraarnerussutisiaqalersitsineq ingerlaannartumik pisinnaangippat, tak. pisortanit pensionisiat pillugit Inatsisartut peqqussutaanni § 10.*

*Taamaattumik pineqartup siusinaartumik soraarnerussutisiaqalerumalluni qinnuteqarneranut peqatigitillugu suliffissarsiuussisarfirmut attave-*



*qarneq eqqarsaatigalugu kommunip tunngavilersuutaa paasiumaatsip-para.*

*Kommuni qinnuigaara manna pillugu nassuiaateqaqqullugu, tassalu siusinaartumik soraarnerussutisiaqalerumalluni qinnuteqaatip suliarineqannginnerani tunniunneqannginneranilu qinnuteqartoq kommunip ataatsimeeqatigisarneraa, allatigut ikiorserneqarnissamik qinnuteqarnani siusinaartumik soraarnerussutisiaqalerumalluni qinnuteqarneq naleqquttuunersoq qinnuteqartumut ilitsersuutiginiarlugu.*

*Kommuni aamma qinnuigaara manna paasissutissiisutigeqqullugu, tassalu siusinaartumik soraarnerussutisiaqalerumallutik qinnuteqartut piginnaangorsaqqinneqarumallutik qinnuteqarnissaannut qanoq annertutigisumik kommunip innersuuttarnerai. Aammattaaq kommuni qinnuigaara siusinaartumik soraarnerussutisiaqalerumalluni qinnuteqaat akuerineqarsinnaanngitsoq erseqqippat qinnuteqaat kukkusumik nassiunneqarsimasutut assersuutigalugu piginnaangorsaqqinneqarnissamik qinnuteqaatit ingerlateqqittarneraa paasissutissiisutigeqqullugu."*

Oqaaseqaatigigallakkannut K Kommunip oqaaseqaatai 3. november 2005-imi tiguakka. Oqaaseqaatinit taakkunannga makku erserput:

"...

Siusinaartumik soraarnerussutisiaqalerumalluni qinnuteqaammut atatillugu qinnuteqartup sulineramik misiliisinneqarnissaa inatsisikkut piumasagaataavoq, tak. pisortanit pensionisiat pillugit Inatsisartut peqqussutaanni nr. 9-mi, 15. april 2003-meersuni § 10, imm. 2. Suliffeqarfik ... tassaammatt sulineramik misiliinermut suliffissanik pissarsiniartartoq, suliamik suliarinnittoq naliliisimavoq qinnuteqartup suliffissarsiorlutut naqissusertinneqarnissaa eqqarsaatigalugu Suliffeqarfiup ...-p malittarisassai tassaasut atuuttut. Tamatuma saniatigut qinnuteqartup suliffissarsiorlutut naqissusertinneqarnera qinnuteqartup sulerusussuseqarnermik takutitsineratut isigineqartarpoq. Taamaattumik suliffissarsiuussisarfirmut attaveqarneq sulineramik misiliinermut piginnaangorsaaqqissinnaanermulluunniit atatillugu pissusissamisoortutut ilaavoq, siusinaartumik soraarnerussutisiaqalerumalluni qinnuteqartup sulineramik misiliisinneqarnissaanik piumasagaatip eqqortinneqarneranut ilaasutut.

Siusinaartumik soraarnerussutisiaqalerumalluni qinnuteqarnermi periaaseq nalinginnaasoq unaavoq qinnuteqaatip siunnersuinermit imaluunniit kiffartuussinermit immikkoortortaarfimmi suliamik suliarinnittumit tiguneqartarnera nakorsallu oqaaseqaataanik pissarsiniartarnera, qinnuteqaatip suliamik suliarinnittumut siusinaartumik soraarnerussutisianut tunngasunik isumaginnittumut ingerlaqqinnginnerani.

Siusinaartumik soraarnerussutisiaqalerumallutik qinnuteqartunik tassunga taarsiullugu piginnaangorsaqqinneqarnissamat kommunip innersuussissaneramik erseqqissumik naliliisoqannginnerani tamanna annikitsuinnarmik pisartooq oqaatigineqarsinnaavoq.

Qinnuteqartup siusinaartumik soraarnerussutisiaqalersinneqarsinnaannginnera, qinnuteqaatillugu kukkusumik nassiunneqarsimasutut assersuutigalugu piginnaangorsaaqqinnermut innersuunneqartarnerannik ajornartorsiut sulianik suliarinnittup ulluinnarni naapittagarinnngilaa. Taamaattumik siusinaartumik soraarnerussutisiaqalerumalluni qinnuteqaatit tamarmik siusinaartumik soraarnerussutisiat pillugit malittarisassat tunngavigalugit suliarineqartarput. Tamanna itigartitsineramik kingu-



neqarsinnaavoq, tassanilu qinnuteqartup itigartitsineq pillugu naammagittaalliuteqarnissaa periarfissaavoq. Siusinaartumik soraarnerussutisiaqalerumalluni qinnuteqaatip suliarineqarneranut atatillugu aalajangersimasumik ileqquuvoq qinnuteqaatip suliarineqarneranut peqatigitillugu qinnuteqartup piginnaanngorsaaqinniarneqartarnera. Siusinaartumik soraarnerussutisiaqalerumalluni qinnuteqartup piginnaanngorsaaqinneqarnera iluatsippat pineqartorlu sulilersinneqarpat qinnuteqartoq qinnutigisaminik itigartinneqartarpoq." (Atorfeqarfimmi nutsigaavoq)

*Inaarutaasumik oqaaseqaatikka:*

*"K Kommuniq oqaatigisaasa paasinninninnik allanngortitsinissannut pissutissaqalersinngilaannga.*

*Uannut aamma paasiuminaappoq Suliffeqarfiup ...-p sulinermik misilinnermut suliffissanik pissarsiniartartuunera aamma siusinaartumik soraarnerussutisiaqalerumalluni qinnuteqartup suliffissarsiuussisarfimmi naqissusertinneqartartussaanera sukku imminnut ataqatigiinneqarnerisut.*

*Sulinermik misililineq (piginnaanngorsaaqqinneq) suliamik soraarnerussutisianut tunngasumik kommunip misissuineranut ilaatillugu aallartinneqarpat tamanna pineqartup suliffissarsiortuuneranik takussutissatut isigineqarsinnaanngilaq, taamaattumillu pineqartup suliffissarsiortutut nalunaarsortinnissamut pisussaaffeqarnera piginnaanngorsaaqqinnissaq eqqarsaatigalugu pingaaruteqanngilaq."*

#### 11. Qinnuteqaatip tunniunneqarnerani suliap ingerlasarnera.

Kommunimut 12. august 2004-mi imatut allappunga:

"Malugaara ”immersugassaq aappaluttoq” (immersugassaq pingaarneq) aamma ”immersugassaq tungujortoq” (qinnuteqaateqarnermi immersugassaq) kommunip atortarai.

Kommuni qinnuigaara pisuni sorlarni ”immersugassap aappaluttup” pisunilu sorlarni ”immersugassap tungujortup” atorneqartarnera nalunaarutigeqqullugu, aamma immersugassat tamarmik ataatsikkut atorneqartarnerisut, kiisalu immersugassat taakku arlaata toqqarneqarnera suliamik suliarinninnermut qanoq sunniuteqartarnerisq nalunaarutigeqqullugu."

Kommuni allakkatigut 10. december 2004-meersutigut imatut akivoq:

"Immersugassaq aappaluttoq, immersugassatut pingaarnertut aamma taaneqartartoq, tunngaviusutut paasissutissanik, soorlu ateq, najugaqarfik, aappariinnermut tunngasut aningaasaqarnermullu tunngasut pillugit paasissutissanik, imaqarpoq. Qinnuteqarnermi immersugassaq pineqanngilaq, tassaaginnarlunili immersugassaq, qinnuteqartoq pillugu tunngaviusumik paasissutissanik pissarsiniarnermi atorneqartussaq.

Immersugassaq tungujortoq, qinnuteqarnermi immersugassatut aamma taaneqartartoq tassaavoq qinnuteqarnermi immersugassaq, siusinnaartumik soraarnerussutisiat pillugit suliani isumaginninnermik ingerlatsiviup nalinginnaasumik atortagaa. Taassuma imarai ulloq qinnuteqarfiusoq, qinnuteqaammut tunuliaqutaasoq, ilinniaqarneq kiisalu pissutsit inummut pineqartumut tunngasut siusinnaartumik soraar-

nerussutisiaqalerumalluni qinnuteqaatip suliarineqarneranut pingaaruteqartut pillugit paasissutissat.

Taamaattorli oqaatigineqassaaq qinnuteqartoq paasissutissanik suliamut tunngasuteqartunik saqqummiussippat taakku qanoq iluseqarnerat apeqquataatinneqanngitsoq. Taamaalilluni qinnuteqarnermut atatillugu immersugassap aappaluttup tungujortullu immersorneqarnissaat isumaginninnermik ingerlatsiviup piumasaaqatigineq ajorpaa.

Immersugassalli pineqartut atorneqarnerat isumaginninnermik ingerlatsiviup pitsaaqutitut isigaa, tassami immersugassat qalipaataat suliamik paasiuminarnerulersitseqataasarmata, taamatuttaarlu suliami paasissutissanik pissarsiniarnermi toqqamavittut atorneqartarlutik.

Ilanngullugu oqaatigineqarsinnaavoq immersugassat immersorneqarnerat aammattaaq qinnuteqartup atuarsinnaanerani allassinnaaneranillu suliamik suliarinnittup paasisaqarnissaanut periarfissaliisarmat, tamannalu isumaginninnermik ingerlatsiviup piginnaanngorsaaqqinnissamut periarfissanut atatillugu paasissutissatut pingaartutut isigaa.

Kiisalu ilanngullugu oqaatigineqassaaq qinnuteqarnermi immersugassaq tungujortoq ilaanngippat, suliamilu allagaatini allani allattukkaniluunniit siusinaartumik qinnuteqartoqarsimasoq takuneqarsinnaappat piffissaq qinnuteqarfiusoq sapinngisamik siusinnerpaamiittoq siusinaartumik soraarnerussutisiaqalerumalluni qinnuteqaatip aalajangiivigineqarnerani tunngaviutinneqartassasoq. Assersuutigalugu suliamit takuneqarsinnaappat siusinaartumik soraarnerussutisiaqalerumalluni qinnuteqarnissaq siunertaralugu nakorsap oqaaseqaataa assigisaaluunniit pissarsiariniarneqarsimappat." (Atorfeqarfimmi nutsigaavoq)

*Oqaaseqaatigigallakkakka:*

*"Aallaqqaasiutitut oqaatigaara kommuni imatut oqarmat isumaqatigigiga, tassalu siusinaartumik soraarnerussutisiaqalerumalluni qinnuteqaatip qinnuteqarnermi immersugassaq aalajangersimasoq atorlugu allanneqarnissaa piumasaaqatigineqarsinnaanngitsoq.*

*Immersugassat taakku paasissutissanik pissarsiniarnermi toqqammavittut atorneqartarnerannik kommunip oqaatigisaa eqqarsaatigalugu oqaatigaara suliat amerlanersaanni ateq, najugaqarfik, suliffik/inuussutissarsiut kiisalu atsiorneq kisimik immersorneqartarsimasut.*

*Kommunip oqaatigisaa una "immersugassat immersorneqarnerat aammattaaq qinnuteqartup atuarsinnaanerani allassinnaaneranillu suliamik suliarinnittup paasisaqarnissaanut periarfissaliisarmat" eqqarsaatigalugu oqaatigaara pissusissamisoornerussagaluortoq assersuutigalugu qinnuteqartup atuarsimanagera/ilinniagaqarsimanagera assigisaallu pillugit paasissutissat pissarsiariniarneqarpata, qinnuteqartup immersugassamik immersuinaera aallaavigalugu qinnuteqartup pisinnaasaanik naliliinermut taarsiullugu. Aammattaaq oqaatigaara qinnuteqartut ataasiakkaat immersugassamik namminneq immersuisuusimanagerat qulakkeerneqarsinnaanngitsoq, taamatuttaarlu paasissutissat - qinnuteqartup pisinnaasaanik naliliinermut atatillugu - atorsinnaassuseqarnerat pineqartup taamaallaat atermik najugaqarfimmillu paasissutisiissussaanera eqqarsaatigalugu kilililerujussuussalluni. Tassani aamma ilaavoq immersugassat qinnuteqartup*

*atuarsinnaaneranut allassinnaaneranullu uppersartaatit kommunip kingusinnerusukkut atussappagit qinnuteqartup suliame illua tungiusutut isumaanik tamanna pillugu tusarniaavigineqartussaamera."*

## 12. Akuersinermik uppersaanerit immikkut.

Kommunimut 12. august 2004-mi imatut allappunga:

"Maluginiarpara suliame arlalinni kommunip ingerlatsinermi oqartussaasumut allamut paasissutissanik pissarsiniarsinnaamera uppersartillugu kommunip qinnuteqaateqartumut atsiortittaraa, paasissutissat taakku kommunimi suliame suliarrinninnermut sumut atorineqarnissaat oqaatiginagu, tak. suliassat suliarineqartarnerat pillugu inatsimmi § 28, imm. 2, nr.1.

Kommuni qinnuigaara paasissutissat suut pissarsiarineqarnissaannut akuersinermut uppersaammik pissarsiniartoqartarneraq nalunaarutigeqqullugu. Kommunimut malugeqqullugu oqaatigaara kommunip inatsisinik unioqqutitsinani innuttaasooq ataatsimut akuersissummik piumasaaqarfigisinnaanngikkaa, taamatuttaarlu akuersissut taamaattoq naammannaviarunangitsoq."

Kommuni allakkatigut 10. december 2004-meersutigut imatut akivoq:

"Isumaginninnermik ingerlatsiviup siusinaartumik soraarnerussutisiaqalerumaluni qinnuteqaatinut atatillugu nakorsamit paasissutissanik kiisalu inuit suliame atatillugu attaveqarfigineqartartut attaveqarfigineqarnissaannut akuersissummik pissarsiniarajuttarpaa.

Taamaattoarli isumaginninnermik ingerlatsiviup nassuerutigaa soorunalimilu ajuusaarutigissallugu pisut ilaanni paasissutissanik pissarsiniartoqartarsimammat qinnuteqartup ataatsimut akuersissutaa tunngavigalugu. Tamanna isumaginninnermik ingerlatsiviup paasinninnera malillugu periaasiuvoq eqqortuunngitsoq, tassami akuersilluni uppersaamma takuneqarsinnaasariaqarmat paasissutissat suut kimillu kiisalu sumut atugassatut pissarsiarneqarnissaat kissaatigineqartoq.

Akuersinermut uppersartaatit pillugit tunaartarisassat erseqqissut piaarnerpaamik suliarineqarniarput, matumani qarasaasiakkut immersugassat assigiissaartunik oqaasertalersukkat ilanngullugit eqqarsaatigalugit, taamatuttaarlu suliassaaqarfik taanna suliame suliarrinnittunut erseqqissaatigineqarniarluni." (Atorfeqarfimmi nutsigaavoq)

*Oqaaseqaatigigallakkakka:*

*"Pisortat ingerlatsineranni suliassat suliarineqartarnerat pillugu Inatsisartut inatsisaanni § 30-ikkut makku aalajangersarneqarput:*

*"§ 30. Suliassani qinnuteqarnikkut suliassanngortinneqartuni pissutsit qinnuteqartup kisimi susassarisaq ilisimatitsissutigeqqusaassanngillat ingerlatsiviup ilaanit allanit imaluunniit ingerlatsinermut oqartussaasunit allanit.*

*Imm. 2. Imm. 1-imi aalajangersagaq atortuussanngilaq,*

*1) qinnuteqartoq tamatumunnga akuersippat,*

*2) ..."*

*Taamaalilluni suliani qinnuteqarnermut tunngasuni pissutsit qinnuteqartunut namminermt tunngalluinnartut pillugit paasissutissat pissarsiariniarneqarsinnaapput, qinnuteqartoq taamaaliornissamut akuersisimappat.*

*Akuersissut eqqoqqissaartunik oqaasertalersorneqassaq, pisariaqartinneqartullu sinnernagit annertussuseqartinneqassalluni. Taamaalilluni ataatsimut akuersisuttip paasissutissanik sunilluunniit isumaginninnermik ingerlatsiviup pissarsiniarsinnaaneranut aqutissiuussisup anguniagaq taanna eqqortinnaviangilaa.*

*Aammattaaq ingerlatsinermi oqartussaasup qinnuteqartoq ilitsersortariaqarpaa qinnuteqartoq akuersiumanngippat tamanna aalajangiinnermut sunnuteqarsinnaassasoq."*

### 13. Suliami illua'tungiusup isumaanik tusarniaasarneq.

Kommunimut 12. august 2004-mi imatut allappunnga:

"Suliassat suliarineqartarnerat pillugu inatsimmi § 19 suliami illua'tungiusup isumaanik tusarniaasarneq pillugu malittarisassamik imaqarpoq. Kommuni qinuigaara kommuni siusinaartumik soraarnerussutisiaqalersitsinissamik imaluunniit itigartitsinissamik aalajangiisoqartinnagu suliami illua'tungiusup isumaanik qanoq annertutigisumik tusarniaasarnersoq nalunaarutigeqqullugu."

Kommuni allakkatigut 10. december 2004-meersutigut imatut akivoq:

"Suliassat suliarineqartarnerat pillugu inatsimmi § 19 tunngavigalugu suliami aalajangiisoqarsinnaanngilaq, suliami pissusiviusut pillugit paasissutissat akornuusiinnaasut suliap aalajangiivigineqarnissaanut pingaaruteqartut suliami illua'tungiusumut ilisimatitsissutigineqareersimatinnagit.

Isumaginninnermik ingerlatsiviup periaaseraa siusinaartumik soraarnerussutisiat pillugit aalajangiisoqannginnerani qinnuteqartup suliamik suliarinnittumit oqaloqatigineqarnissaanut aggeqqusisarneq. Oqaloqatiginnermi tassani suliap ataatsimoorluni oqaluuserineqartarpoq, qinnuteqartorlu ingerlatsiviup inassuteqaataanik kiisalu tamatumunnga tunngaviusumik ilisimatinneqartarluni.

Ingerlatsiviup inassuteqaataa qinnuteqartup isumaqatiginnigippagu tamanna inassuteqaallu suliami allattuiiffimmi allattukkani takuneqarsinnaassaaq. Tamatuma kingornatigut isumaginninnermik ingerlatsiviup naliliinera unaavoq qinnuteqartut siusinaartumik soraarnerussutisiat pillugit aalajangiinissaq sioqqullugu tusarniaavigineqartartut." (Atorfeqarfimmi nutsigaavoq)

*Oqaaseqaatigigallakkakka:*

*"Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 19 suliami illua'tungiusup isumaanik tusarniaasarneq pillugu malittarisassamik imaattunik imaqarpoq:*

"§ 19. Suliassami (illuatungiulluni) peqataasoq paasissutissanik aalajangersimasunik suliassami pisimasuinnut tunngasunik oqartussaasut pigisaqarnerannik ilisimasaqarsorinangippat aalajangiisoqassanngilaq peqataasoq taanna paasissutissanik tamakkuninnga oqartussaasunit ilisimatinneqartinnagu oqaaseqaateqarnisaanullu periarfissinneqartinnagu. Aalajangigarli taanna aatsaat atortuussaaq paasissutissat peqataasumut tassunga iluaqutaasussaassanngippata suliallu aalajangiiffiginissaanut annertuumik pingaaruteqarpata. Oqartussaasut oqaaseqaateqarnissamut taaneqartumut piffissamik killiliisinnaapput.

Imm. 2. Imm. 1-imi aalajangersagaq atortuussanngilaq

1) paasissutissat pissuserisaat suliassallu suussusia naapertorlugit tigummia-riikkat tunngavigalugit suliami aalajangiinissaq nangaanartutut isumaqarfiginanngippat,

2) kinguartitsineq kinguneqassappat suliassap aalajangiiffiginissaanut inatsisitigut killiliussap qaangerneqarneranik,

3) peqataasup taassuma suliassap aalajangiiffigineqarnissaata kinguartinneqarnissaanik soqutiginninnera pisortat inuinnaalluunniit soqutigisaat taamatut kinguartsitsinikkut ajoquserneqartussat pissutiginerullugit minneruttittariaqartutut isumaqarfiginarpat.

4) kapitali 4-mi maleruagassiat malillugit peqataasoq taanna paasissutissanik suliassamut tunngasunik tamakkuninnga ilisimatinneqarnissamut pisussaannngippat,

5) paasissutissanik peqataasumut saqqummiussineq annertuumik ajornartorsiu-tissartaqassaaq, matumani aalajangernermi inuppasuut peqataasutut inissisimasut ilaatinneqartussaanagerat pissutigalugu, imaluunniit

6) inatsisitigut immikkut ittunik aalajangersagaqarpat peqataasup aalajangiineq pitinnagu aalajangiinissamut eqqarsaatigineqartumut tunngaviusunik ilisimatinneqarnissaanut pisussaalersitsisunik.

Imm. 3. Naalakkersuisut maleruagassaliorsinnaapput suliassaqarfut erseqqinnerusumik taaneqartut, imm. 2, nr. 2-mi imaluunniit 5-imi aalajangersakkat nalinginnaasumik atortuuffigisassaasat, imm. 1-imi aalajangersakkami pineqartunut ilaatinneqartussaannnginnerannik."

§ 19, imm. 1 malillugu pingaarnertut malittarisassaq unaavoq ingerlatsinermi oqartussaasut suliami illua tungiusup isumaanik tusarniaanissaq pisussaaffigigaat, suliami pissusiviusut pillugit paasissutissanik illua tungiusumut akornusiisinnaasunik suliallu aalajangiivigineqarneranut pingaaruteqartunik aalajangersimasunik oqartussaasoq peqartoq suliami illua tungiusup ilisimasaqarnissaa naatsorsuutigineqanngippat.

Paasissutissat suliami ilaatinneqarnerannik suliami illua tungiusup ilisimasaqannginnissaannik naatsorsuutiginninnermik siullertut piumasaqaataasoq aamma eqqortinneqarsimassaaq, paasissutissat taakku suliami illua tungiusup ilisimagaluarpagilluunniit, ataqatigiinneqarnerminili pineqartumi atorneqarniarnerat ilisimannngippagu. Tamatuma pissuseqataa atuuppoq assersuutigalugu paasissutissat napparsimmavimmit pissarsiarineqartut eqqarsaatigalugit, oqartussaasoq paasissutissanik pissarsiarineq sioqqullugu akuersisummik pissarsisimagaluarpalluunniit.

Paasissutissat suliami illua tungiusumut saqqummiunneqartussat saqqummiunneqassapput paasissutissat imarisaat, pissusii pissarsiarineqarfiallu takuneqarsinnaalersillugit. Paasissutissanik allaaserinninnermi pis-

sutsit pingaaruteqartut alluinnarneqassanngillat, eqqoqqissaanngitsuussanani, marloqiusamik paasineqarsinnaasuussanani imaluunniit eqqunngitsuussanani.

§ 19, imm. 1 malillugu suliami illua tungiusup isumaanik tusarniaanerup siunertaa tassaavoq suliami illua tungiusup suliami pissusiviusutut tunngavigineqartut pillugit oqaaseqaateqarnissaminut, naqqiissuteqarnissaminut ilassuteqarnissaminullu periarfissinneqarnissaa.

Suliami illua tungiusup suliap qanoq inernilerneqartariaqarnera pillugu isummaminik saqqummiussinissamut periarfissaqartinneqarsimanera suliami illua tungiusup isummaminik tusarniaavigineqarsinnaatitaanerata eqqortinnissaanut tamatigut naammattuaannartanngilaq.

§ 19 tusarniaanerup qanoq iluseqartinneqarnissaanut piumasaaqatinik imaqanngilaq. Taamaalilluni suliami illua tungiusup isumaanik tusarniaaneq allakkatigoortuusinnaavoq oqaasiinnartigoortuusinnaalluniluunniit. Taamatuttaaq tamanna ataatsimiinnermi ingerlanneqarsinnaavoq. Tusarniaanerup ilusiliunneqartup taamaallaat suliami illua tungiusup isumaanik tusarniaasusaatitaanerup siunertaa ataqqissavaa, tassalu suliami illua tungiusoq periarfississavaa suliami pissusiviusutut tunngaviutinneqartut pillugit oqaaseqaateqarnissaanut, naqqiissuteqarnissaanut ilassuteqarnissaanullu.

Suliami illua tungiusup isumaanik tusarniaaneq oqartussaasup suliami aalajangiinissamut piareernerani pigajuttartussaavoq. Pisut amerlanersaanni suliami illua tungiusup isumaanik tusarniaanermi siunertaasoq taamaallaat anguneqarsinnaassaaq saqqummiussineq allakkatigut pippat, suliamilu illua tungiusoq akissuteqarnissaminut piffissalernerqarpat. Piffissaliunneqartup qanoq sivisutiginissaa paasissutissat pineqartut qanoq paasiumiaatsiginerat qanorlu annertutiginerat tunngavigalugu, aalajangiinerullu qanoq nanertuutaatiginissaa apeqqutaatillugu, suliamilu illua tungiusup suliami sinniisup akuliutsinneqarnissaanik pisariaqartitsinera apeqqutaatillugu sivisussusilerneqassaaq.

Taamaattumik uanga paasinneqqaarnera unaavoq siusinaartumik so-raarnerussutisianik itigartitsinerit pillugit suliat amerlanerpaartaanni suliami illua tungiusup isumaanik tusarniaanerup allakkatigoortinneqarnissaa pisariaqartuussasoq, tassami qinnuteqartoq kommunip aalajangiinnermi tunngavigisaa pillugu isummernissaminut piffissaqarnissamik pisariaqartitsisinnaammat, kiisalu tamatuma inummut pisut avataanniittumut oqaloqatiginnissutiginissaa pisariaqartissinnaallugu.

Suliami illua tungiusup isumaanik tusarniaanerup qinnuteqartumik ataatsimeeqatiginninnermi ingerlanneqarnissaa ingerlatsiviup toqqarpagu ingerlatsiviup qinnuteqartoq makkuninnga paasissutississallugu pissusaaffeqartussaavoq, tassalu suliami illua tungiusup isumaanik tusarniaaneq pineqartoq, taamatuttaarlu ingerlatsiviup pissusaaffigisussaassallugu paasissutissat taakkuusut suliami illua tungiusup isumaanik tusarniaaneq allakkatigut ingerlanneqarsimasuuppat saqqummiunneqartussat



*assingi saqqummiutissallugit. Suliami illua tungiusup paasissutissat pillugit imaaliallaannaq isummerfiginnissinnaanera kommunip qulakkiissavaa, taamaaliornikkut suliami illua tungiusup oqaaseqaatinik saqqummiussinissaminut piffissalernerqarnissani pisariaqartissanngimmagu.*

*Aammattaaq oqaatigaara suliami illua tungiusup isumaanik tusarniaaneq innuttaasumik ataatsimeeqateqarnermi ingerlanneqarsinnaappat ingerlatsivik pisussaaffeqarmat tusarniaaneq pillugu allakkiornissaminut, suliamilu illua tungiusup isumaanik oqaasiinnartigut tusarniaanerup § 19-imi piumasaqaataasunik eqqortitsisuunerata uppersaasorsornissaa kommunip tamatigorluinnaq pisussaaffigigaa.*

*Uanga paasinninnera aamma unaavoq kommunip suliassat suliarineqartarnerat pillugu inatsimmi § 21 suliami illua tungiusumut ilisimatissutigisariaqaraa, tassanimi aalajangersarneqarmat suliap aalajan-giiffigineqarnissaata suliami illua tungiusup oqaaseqaateqareernissaata tungaanut kinguartinneqarnissaa suliami illua tungiusup suliap suliarineqarnerani sukkulluunniit piumasarisinnaagaa, § 21, imm. 2-mi atuutsitsinnginnissamut periarfissat ilaata atornerqarnissaa aalajangiunneqarsimanngippat.*

*Aamma oqaatigaara qinnuteqartumut ingerlaavartumik attaveqarfiginnittarneq suliassat suliarineqartarnerat pillugu inatsimmi aalajangersarneqartut malillugit suliami illua tungiusup isumaanik tusarniaanertut isigineqarsinnaanngitsoq."*

#### 14. Sulianik allatigut paasissutissartalersuineq.

Kommunimut 12. august 2004-mi imatut allappunga:

"Kommuni suliarpaalunni suliamik suliarinninnermi atugassatut paasissutissanik ilaatigut suliffissarsiuussisarfimmit aamma peqqinnissaqarfimmit pissarsiniartarsimavoq. Kommuni qinnuigaara paasissutissat taakku suliani atornerqannginneranni kommuni taakku pillugit naliliisarnersoq imaluunniit paasissutissat misissoqqaarnagit tunngaviutiinnarneqartarnersut nalunaarutigeqqullugu."

Kommuni allakkatigut 10. december 2004-meersutigut imatut akivoq:

"Suliani siusinaartumik soraarnerussutisianut tunngasuni tamani paasissutissat inassuteqaateqarnissaq aalajangiinissarlu sioqqullugit aallaavittut oqimaalutarneqartarput. Nakorsap paasissutissiissutai eqqarsaatigalugit taakku tusaatissat tigu-neqartarput, suliamilli suliarinnittumit misissoqqaarnagit tunngaviutinneqartarnatik, tassami nakorsap paasissutissiissutai suliami paasissutissanut allanut sanillinneqartussaammata, matumani isertitat pillugit paasissutissaasinnaasunut naapertuunner-sut ilanngulugu eqqarsaatigalugu.

Aamma oqaatigineqarsinnaavoq siusinaartumik soraarnerussutisiat pillugit inassuteqaatit tamarmik TFU-revamut (piginnaanngorsaaqqinnermi oqartussaasut asigiinngitsut suleqatigiiffiatut ataatsimiititaliamut) tusarniaatigalugit nassinneqartarmata, isumaginninnermi ataatsimiititaliamut inaarutaasumik inassuteqaateqannginnermi. TFU-revami ilaatigut ilaasortaapput nakorsaq, suliffissarsiuussisarfimmi



siunnersorti, isumaginninnermi siunnersorti, isumaginninnermut immikkoortortaqruiup pisortaa kiisalu siusinaartumik soraarnerussutisianut tunngasuni sulianik suliarinnittoq. Taamaalilluni ataatsimiititaliaq taanna suliami paasissutissanik tamanik naliliisinnaassuseqartuuvoq." (Atorfeqarfimmi nutsigaavoq)

*Oqaaseqaatigigallakkakka:*

*"Oqaatigaara paasissutissat sukumiisumik naliliiffigisinnaajumallugit ingerlatsiviup paasissutissat suliami illua tungiusup isummaminik tusarniaavigeqarnerminut atatillugu saqqummiussai ilannguttariaqarai, suliami illua tungiusup isumaanik tusarniaaneq inassuteqaatip suliarineqarnera sioqqullugu ingerlanneqarsimappat."*

#### 15. Imigassartorunnaarsitsiniarluni katsorsaaneq.

Kommunimut 12. august 2004-mi imatut allappunga:

"Sulianit arlalinnit ersepoq sulineramik misiliinissaq sioqqullugu imigassartorunnaarsitsiniarluni katsorsaaniissaq isumaginninnermik ingerlatsiviup piumasaqaatigisarsimagaa. Suliani taakkunani sulianit arlalinnit erseqqissumik ersepoq AA-mi ataatsimiinnerni peqataasarnissaq kommunip immikkut piumasaqaatigisarsimagaa, suliami ataatsimi qinnuteqartup ataatsimiinnerni taakkunani peqataajumanginnini oqaatigisimagaa, ataatsimiinnernimi taakkunani ajornartorsiutini inuit ataatsimoorut akornanni saqqummiuttartussaagamigit.

Kommuni qinnuigaara tamanna pillugu oqaaseqaateqaqqullugu, tamatumunngalu atatillugu isumaliutersuutigalugu qinnuteqartup inuit ataatsimoorut katsorsarnerqarneranni taamaattumi peqataaqqullugu peqquneqarnera nammineq inuttut inuunera ataqqineqarnissaanik piumasaqaateqarsinnaatitaaneranut assortuuttuusinnaanersoq. Aammattaaq kommuni qinnuigaara qinnuteqartup imigassartorunnaarsitsiniarluni katsorsaanermit peqataarusunnginnera qinnuteqaatip suliarineqarneranut sunniuteqartarnersoq nalunaarutigeqqullugu.

Aammattaaq kommuni qinnuigaara qinnuteqaateqartup AA-mi ataatsimiinnerni peqataasarnissaanik piumasaqaateqarnermut inatsisitigut tunngavigeqartoq pillugu nassuaateqaqqullugu."

Kommuni allakkatigut 10. december 2004-meersutigut imatut akivoq:

"Siusinaartumik soraarnerussutisiaqalerumalluni qinnuteqartup sulineramik misiliisneqarnissaa sioqqullugu isumaginninnermi ingerlatsiviup ingerlatsinnermi periaatsit aalajangersimasutut piumasaqaatigisarpaa qinnuteqartoq imigassamik atonerluisuuppaat taassuminnga qaangiiniarnissamut ikiorneqassasoq, tassami atonerluineq qaangerneqarsimangippat sulineramik misiliisitsineq pisorpassuarni asuliinnartussaammat.

Taamaattorli imigassartorunnaarsitsiniarnerup qanoq iluseqarnissaa isumaginninnermik ingerlatsiviup piumasaqaatigineq ajorpaa. Taamaattumik qinnuteqartut namminneq AA imaluunniit Qaqiffik (Kalaallit Nunaanni neqeroorutituaasut) aqputigalugit imigassartorunnaarniarumanerlutik, imaluunniit atonerluisuusimagunik atonerluinertik qaangerniarlugu namminneq suliniuteqarniarnerlutik namminneq toqqarsinnaavaat.

Taamaattorli siusinaartumik soraanerussutisiaqalerumallutik qinnuteqartut imigassamik atornerluisuusut Qaqiffikkoortumik AA-p ilaaffigisaanik katsorsarneqarnissamik malittarisassatut pingaarnertut neqeroorfigineqartarput. Tamannali ingerlatsiviup tungaanit taamaallaat neqeroorutitut, imaanngitsoq piumasaqaatitut, isigineqassaaq. Taamaattumik qinnuteqartut allaasumik paasinnittarsimappata tamanna soorunalimi ajuusaarutigineqassaaq.

Siusinaartumik soraanerussutisiaqalerumalluni qinnuteqartoq imigassamik atornerluisuusooq katsorsarneqarumangippat erseqqissumik naliliisoqassaaq sulinermik misiliisitsoqaaannassanersoq, imaluunniit taamaaliornissaaq siunertaqanngitsutut isigisariaqarnersoq.

Suliali ataasiakkaanut tunngasorujussuummata, suliallu ataatsimut naliliivigineqarneranik tunngaveqartarmata qinnuteqartup imigassartorunnaarsitsiniarluni katsorsaarnermut peqataajumanginnerani ataatsimut tunaartarisassaliornissaaq ajornartussaavoq." (Atofeqarfimmi nutsigaavoq)

*Oqaaseqaatigigallakkaka:*

*"Kommunip paasisutissiissutigisai imatut paasivakka qinnuteqartoq atornerluisuusimappat qinnuteqartup sulinermik misiliisinneqannginnerani qinnuteqartoq atornerluineranik qaangiisinniarlugu ikiorsiisoqarnissaa kommunip piumasaqaatigisaraa, katsorsaanerulli qanoq ilusilerneqarnissaa kommunip piumasaqaatigineq ajoraa.*

*Oqaatigaara pisortanit pensionisiat pillugit Inatsisartut peqqussutaanni § 10, imm. 2-kkut aalajangersarneqarmat siusinnaartumik soraanerussutisiaqalersitsisoqannginnerani piginnaanngorsaaqqinnermut ikiorsiisarneq pillugu Inatsisartut peqqussutaat tunngavigalugu piginnaanngorsaaqqinneq misilinneqarsimassasoq.*

*Sulinermik misiliinerup aallartinnginnerani qinnuteqartup atornerluisuusimaguni atornerluinini pillugu katsorsartinnissaa ingerlatsiviup piumasaqaatigisinnaagaa piginnaanngorsaaqqinnermut ikiorsiisarneq pillugu Inatsisartut peqqussutaanni takuneqarsinnaanngilaq.*

*Taamaalilluni sulinermik misiliineq aallartinniarlugu atornerluineq pillugu katsorsaasoqarnissaanik ingerlatsiviup piumasaqaateqarsinnaaneranut inatsisikkut tunngavissaqanngilaq.*

*Apeqqutaalerpoq taamaakkaluartoq ingerlatsivik sulinermik misiliinerup aallartinnginnerani katsorsaasoqarnissaanik piumasaqaateqarsinnaanersoq.*

*Aalajangiinnermut atasumik piumasaqaateqartoqarsinnaassappat piumasaqaatigineqartup inatsisunik eqqortitsisuuneranik naliliinermi aallaa-vik unaasariaqarpoq piumasaqaat taanna aalajangiinnermut piumasaqaammik ilaqartinneqartumut pissusissamisoortumik ataneqarnersoq.*

*Qinnuteqartoq imigassamik atornerluisuuppat sulinermik misiliinerup pisut ilarpassuini asuliinnartussaanageranik kommunip tunngavilersuutaa paasisinnaavara. Ungali paasinneqqaarnera malillugu imaappoq sulinermik misiliineq aallartinneqassappat qinnuteqartup atornerluinerminik qaangiisimanissaanik ingerlatsiviup piumasaqaateqarsinnaanera qularnartoq. Tamatuma qanoq akineqarnissaani ilaatigut atornerluinerup*

*qanoq iliorluni paasineqarsimanagera katsorsarneqarnissamillu pisariaqartitsineq nakorsanit uppersarneqarsimanagera apequtaasussaapput.*

*Oqaatigineqartut aamma imatut paasivakka katsorsaanagerup qanoq iluseqartinneqarnissaa kommunip piumasaqaatigineq ajoraa. Tamanna pillugu oqaatigaara kommuni pisumi pineqartumi naliliippat atornerluineq pillugu katsorsaaneq piumasaqaatigineqarsinnaasoq, uanga paasinneqqaarnera unaasoq atornerluinermik katsorsaanagerup ilumut ingerlanneqarnera/ingerlanneqarsimanagera kommunip uppersartissinnaasariaqaraa.*

*Paasissutissiissutigineqartut tusaatissatut aamma tiguakka."*

#### 16. Soraarnerussutiaqalernissamik qinnuteqaatit pisoqaanagerusut.

Kommunimut 12. august 2004-mi imatut allappunga:

"Suliani arlaqartuni qinnuteqartoq siusinaartumik soraarnerussutisiaqalernissamik qinnuteqartarsimagaluarpoq, kommunili naliliisarsimalluni qinnuteqaat atorunnaartoq, innuttaasup piffissap sivilisunerup ingerlanerani qinnuteqaanni pillugu paasiniaasimanginnera pissutigalugu.

Kommuni qinnuigaara tamatumunnga inatsisitigut tunngavigineqartoq nalunaarutigequllugu."

Kommuni allakkani 10. december 2004-meersuni imatut akivoq:

"Suliat pineqartut pingasut eqqarsaatigalugit isumaginninnermik ingerlatsivik allassissornikkut aqutsinermi aalajangiivoq qinnuteqaatit atorunaarsinneqassasut, qinnuteqartup isumaginninnermik ingerlatsivimmu piffissami sivilisoorujussuarimi saaffiginnissimanginnera pissutigalugu. Aalajangiinerit taakku sulianik suliarinnittut kukkusumik ilitsersorneqarsimanagerat tunngavigalugu pisimapput, tamannalu soorunalimi assut ajuusaarutigineqassalluni.

Suliat pineqartut pingasut tassaapput:

...

Suliat isumaginninnermi ingerlatsiviup eqqumaffigai, nassuerutigalugulu qinnuteqartup ilatsiinnarnera pissutigalugu qinnuteqaatinik atorunaarsitsisarnermik periaaseqarneq inatsisitigut tunngavissaqanngitsoq. Taamaattumik malittarisassat sulianik suliarinnittunut erseqqissarneqarsimapput.

Taamaattorli uiggiullugu oqaatigineqassaaq isumaginninnermik ingerlatsiviup paasinninnera unaasoq suliaq qinnuteqarnermut tunngasoq qinnuteqartup suliamik paasissutissartalersuinnermut peqataajumanginnera pissutigalugu nukingjunneqarsinnaanngippat peqataajumanginnerup amigartumilluunniit peqataanagerup ingerlatsinermi qinnuteqartumut akornusiisumik sunniuteqartinnissaanut ingerlatsivik periarfissaqartoq, tak. Hans Gammeltoft-Hansenip allallu atuakkiaanni "Forvaltningsret"-imi, Jurist- og Økonomforbundip naqiterisarfanit 1994-imi saqqummersinneqartumi qupp. 317.

Isumaginninnermi ingerlatsiviup periaasia tunngavigalugu ingerlatsinermi akornusiisumik sunniuteqartitsisoqassappat piumasaqaataavoq qinnuteqartoq paasissutissanik amigaataasunik tunniuseqqullugu nukingisaarneqarsimassasoq, suliallu paasissutissartalersorneqarnerani peqataannginnerup inatsisitigut sunniutaanik immikkut paasitinneqarsimassasoq, suliarlu paasissutissat pigineqartut tunngavigalugit

aalajangiivigineqarniarloq, tamatumalu itigartitsinermik inernilerneqarnissaa ili-manateqartorujussuusoq." (Atorfeqarfimmi nutsigaavoq)

*Oqaaseqaatigigallakkakka:*

*"Kommunip aallaqqaasiutitut oqaatigaa:*

*"... isumaginninnermik ingerlatsivik allaffissornikkut aqutsinermi aalajangiivoq qinnuteqaatit atorunaarsinneqassasut, qinnuteqartup isumaginninnermik ingerlatsivimmu piffissami sivisoorujussuarmi saaffiginnissimanninnera pissutigalugu. Aalajangiinerit taakku sulianik suliarinnittut kukkusumik ilitsersorneqarsimanerat tunngavigalugu pisimapput, tamannalu soorunalimi assut ajuusaarutigineqassaluni."*

*Qinnuteqartoq isumaginninnermik ingerlatsivimmu piffissami sivisoorujussuarmi saaffiginnissimannikkaluarpalluunniit kommunip qinnuteqaatinik atorunnaarsitsisinnaanninneranik kommunip paasinninnera ilalersinnaavara. Kommunip tamatuminnga ajuusaarutiginninnera ilalersinnaavara. Tulliullugu oqaatigaara uanga paasinninnera unaasoq qinnuteqaatit pineqartut suli atuuttuusut, utertinneqarsimannikkunik inaarlugilunniit suliarineqarsimannikkunik".*

#### 17. Utoqqalinersiaqalernermu ikaarsaariarneq.

Kommunimut 12. august 2004-mi imatut allappunga:

"Suliani arlalinni siusinaartumik soraarnerussutisiallit utoqqalinersiaqalernermu ikaarsaariartarsimapput, siusinaartumik soraarnerussutisiaqalernissamik qinnuteqaat piffissamit qinnuteqarfiusumit aalajangiivigineqarsimannikkaluortoq. Kommuni qinnuigaara tamatumunnga pissutaasoq pillugu kiisallu siusinaartumik soraarnerussutisiaqalernissamik qinnuteqaat pillugu suliap aalajangiivigineqannginneranut inatsisitigut tunngavigineqartoq pillugu nassuiaateqaqqullugu."

Kommuni allakkatigut 10. december 2004-meersutigut imatut akivoq:

"Isumaginninnermik ingerlatsiviup periaasia malillugu qinnuteqaatini qinnuteqartumit namminermi utertinneqarsimannigitsuni tamani aalajangiisoqartussaavoq.

Siusinaartumik soraarnerussutisiaqalerumalluni qinnuteqartoq suliami siusinaartumik soraarnerussutisianut tunngasumi aalajangiisoqannginnerani utoqqalinersiaqalersinnaatitaanermi ukiussani anguppagit pineqartoq utoqqalinersiaqalersineqassaaq, ulloq taakkuninnga pisinnaatitaalerfini aallarnerfigalugu. Utoqqalinersiuteqalernerulli suliami siusinaartumik soraarnerussutisianut tunngasumi aalajangiisoqannginnissaa nassatarinngilaa.

Taamaalilluni isumaginninnermi ingerlatsiviup suliami aalajangiisoqarnissaa anguniartarpaa, qinnuteqartup utoqqalinersiuteqarnermu ikaarsaannnginnerani." (Atorfeqarfimmi nutsigaavoq)

*Oqaaseqaatigigallakkakka:*

*"Pisut ilaanni imaassinnaavoq (piffissami utoqqalinersiutisiaqalersit-siviusup siornani) siusinaartumik soraanerussutisiaqalersitsisoqarnera aningaasaqarnermut sunniuteqarsinaaasoq. Taamaattumik siusinaartumik soraanerussutisiaqalerumalluni qinnuteqaatit pillugit suliat qinnuteqartup utoqqalinersiuteqalernissaa sioqullugu isummerfigineqarsi-manningsut kommunimit suliareqqinneqartarnerat ilalersinnaavaara.*

*Kommunip oqaatigisai pillugit tamatuma saniatigut allanik oqaaseqaatissaqanngilanga."*

#### 18. Itigartitsissutinut malitseqartitsineq.

Kommunimut 12. august 2004-mi imatut allappunga:

"Suliarpaalunni siusinaartumik soraanerussutisiaqalernissamik qinnuteqaat kommunip inuussutissarsiorsinnaassuseqarneq innersuussutigalugu itigartitsissutisarsimavaa.

Kommuni qinnuigaara piginnaangorsaaqqinneq pillugu Inatsisartut peqqusutaat kisiat tunngavigalugu piginnaangorsaaqqinnermik suliap aallartinnissaanut tunngavissaqarnerisq kommunip suliani taakkunani misissortarsimaneeraa nalunaarutigequllugu."

Kommuni allakkatigut 10. december 2004-meersutigut imatut akivoq:

"Isumaginninnermik ingerlatsiviup periaaseraa siusinaartumik soraanerussutisiaqalerumallutik qinnuteqartut siusinaartumik soraanerussutisiat pillugit aalajangiineq sioqullugu piginnaangorsaaqqinniarlugit misilinneqartarnerat aallaavittut ingerlattarlugu, tak. pensionisiat pillugit peqqussummi § 10. Taamaattumik piginnaangorsaaqqinnermik periarfissaq suliamik suliarinninnerup ilaatut aalajangersimasutut ilaasarpq.

..." (Atorfeqarfimmi nutsigaavoq)

*Oqaaseqaatigallakkakka:*

*"Kommunip oqaatigisai imatut paasivakka tamanna pissutissaqartillugu qinnuteqartup piginnaangorsaaqqinnermut ikiorsiisarneq pillugu peqqussut tunngavigalugu piginnaangorsaaqqinneqarnissaa kommunip isumaginiaraa. Tamanna tusaatissatut tiguara.*

*Suliami annertunerusumik iliuuseqaqqissanngilanga."*

## Ilanngussaq 1

Piffissaq K Kommunip sulianik suliarinninnermut atortagaa, suliat siusinaartumik soraarnerussutisiat. K Kommunimi suliat siusinaartumik soraarnerussutisiat tunngasut katillugit 88-it misissorpakka. Suliat 64-imit 88-imit tassapput suliat kommunimi misissuininni oqaaseqaateqarfiginissaat pisariaqanngitsutut isigisakka. Taamaattumik suliat taakku pillugit paasisutissat nutaat pigingilakka, taakkulu piffissamik suliat suliarineqarnerinut atorineqartumik naatsorsuininni ilaatinneqannginnissaat toqqarsimallugu.

Skemami tulluuttumi taaneqarput siusinaartumik soraarnerussutisiaqalerumalluni qinnuteqaat kommunimut qanga tunniunneqarsimasoq kiisalu suliap inaarlugu suliarineqarfiata ullua.

Suliaq inaarlugu qanga suliarineqarsimasoq oqaatigineqarsimanngippat tamanna nalunaarneqartarpoq, ullorlu inassuteqaateqarfik oqaatigineqarsimappat taanna tunngavigalugu naatsorsuisoqartarluni. Qinnuteqaat aalajangiivigineqarsimanngitsoq suliame allagaatinit erserpat piffissaq suliame suliarinninnermut 130605-ip tungaanut atorineqartoq naatsorsorneqartarpoq.

Taamatutaaq suliat inaarlugit suliarineqarsimanngitsut eqqarsaatigalugit piffissaq suliame suliarinninnermut atorineqartoq 13. juni 2005 tunnga-vigalugu naatsorsorneqartarpoq.

Piffissamik suliat suliarineqarnerinut atorineqartumik naatsorsuininni naatsorsueriaaseq una atorpara:

Ukioq ataaseq = ullut 365

Qaammatit tulleriinneri malillugit ullut 31, 30 aamma 28

Assersuut: Suliaq 1: Ulloq qinnuteqarfik 211199, ulloq inaarsaaffik 211004, katillugit ukiut 4 qaammatillu 10 =

$1460 (4 \times 365) + 304 (3 \times 30 + 6 \times 31 + 28) =$  ullut 1764.

Suliaq 3 (inaarneqanngitsoq): Ulloq qinnuteqarfik 260302, 130605-imi inaarneqarsimanngitsoq, manna tikillugu ukiut 3, qaammatit 2 ullullu 13 =  $1095 (3 \times 365) + 61 (31 + 30) +$  ullut 13 = ullut 1169.

Suliat inaarlugit suliarineqarsimasut eqqarsaatigalugit agguaqatigiissitsinermi piffissaq suliap suliarineqarneranut atorineqartoq ullunik 719-inik sivissuseqarpoq, uunga naapertuuttumik: Ukioq 1, qaammatit 11 ullullu 19.

Suliat inaarlugit suli suliarineqarsimanngitsut eqqarsaatigalugit agguaqatigiissitsinermi piffissaq suliap suliarineqarneranut atorineqartoq ullunik 914,7-inik sivissuseqarpoq, uunga naapertuuttumik: Ukiut 2, qaammatit 6 ullorlu 1.

Suliaq nr.	Ulloq Qinnuteqarfik	Ulloq inaar-saaffik	Piffissaq suliarinninnermut atorneqartoq/-oqaaseqaatit
1	211299	211004	Ukiut 4 qaammatillu 10
2	091202	240604	Ukioq 1, qaammatit 6 ullullu 15
3	260302	Inaarne-qanngilaq	Manna tikillugu ukiut 3, qaammatit 8 ullullu 3
4	Oqaatigineqanng.	Oqaatigine-qanngilaq	
5	070501	270504	Ukiut 3 ullu 20
6	131202	270504	Ukioq 1, qaammatit 5 ullullu 14
7	101001	Inaarne-neqanngilaq	Manna tikillugu ukiut 3, qaammatit 8 ull. 12
8	Nov. 01	180504	Sulinermik misiliineq 09104
9	010803		Ukiut 2 qaammatillu 6
			Manna tikillugu ukioq 1, qaamm. 10 ull. 12.
10	081003	Oqaatigine-neqanngilaq	Sulinermik misiliineq 091004
			Inassuteqarniss. tungaanut qaamm. 7 ull. 10
11	090101	140504	180504-mi aalajangiiffigsassanngortitaq
12	211203	181004	Ukiut 3, qaammatit 4 ullullu 5
13	281003	Inaarne-qanngilaq	Qaammatit 9 ullullu 27
			Manna tikillugu ukioq 1, qaamm. 7 ull. 16
14	290304	Inaarne-qanngilaq	Manna tikillugu ukioq 1, qaamm. 2 ull. 15
15	251001	280904	Ukiut 2, qaammatit 11 ullullu 3
16	080702	021204	021204 inaassangasaq, uk. 2, qaam. 4 ull. 24
17	180702		Ukioq 1, qaammatit 10 ullullu 18
			Suliaq 150604-mi tunuartinneqarpoq
18	170902	071004	Ukiut 2 ullullu 21
19	280102	Inaarne-qanngilaq	Manna tikillugu ukiut 3, qaamm. 4 ull. 16
			Sulinermik misiliineq 281004-mi akuerineqarpoq
20	231103	Inaarne-qanngilaq	Manna tikillugu ukioq 1, qaam. 6 ull. 21
21	040303	Inaarne-qanngilaq	Manna tikillugu ukiut 2, qaam. 3 ull. 9
22	241103	170504	Aalajangiiffigsassanngortitaq, katillugit qaammatit 5 ullullu 23
23	260899	Inaarne-qanngilaq	Suliaq 181200-imit 301101-imut Naammagittaalliuteqartarfimmiissimavoq. Naammagitaalliuteqartarfup kingorna K Kommunimi suliarineqarnera: Ukiut 3, qaamm. 6 ull. 14
24	010702	100604	Ukioq 1, qaammatit 11 ullullu 9
25	151102	Inaarne-qanngilaq	Manna tikillugu ukiut 2, qaamm. 6 ull. 28
26	190104	Inaarne-qanngilaq	Manna tikillugu ukioq 1, qaamm. 4 ull. 24
27	020503	Inaarne-qanngilaq	Manna tikillugu ukiut 2, qaamm. 1 ull. 11
28	010503	Inaarne-qanngilaq	Manna tikillugu ukiut 2, qaamm. 1 ull. 12



29	011000		100604-mi aalajangiiffisassanngortitaq. Katillugit ukiut 3, qaammatit 6 ullullu 9
30	311003	071004	Ukioq 1 qaammatit 8 ullullu 6
31	230903	Inaarne- qanngilaq	Manna tikillugu ukioq 1, qaamm. 8 ull. 20
32	201202	071004	Ukioq 1, qaammatit 9 ullullu 17
33	010302		Qinnuteqartoq nov. 03-mi nunaqarfimmit B-mit K Kommunimut nuuttuuvoq, isuma- ginninnermi inissiamik tunineqarsimalluni. 010604-mi aalajangiiffisassanngortitaq, su- liaq nalinginnaanngitsoq, ilaatinneqanngilaq
34	061003		TFU-revami 091204-mi suliarineqarnissaa naatsorsuutigineqarpoq. Sivikinnerpaamik ukioq 1, qaammatit 2 ullullu 3
35	181103	280205	Uninngatinneqarallarpoq, suli inaarneqarani. Unitsitsigallarnerup tungaanut: Ukioq 1, qaammatit 3 ullullu 10
36	031103	200904	Qaammatit 10 ullullu 17
37	020603	200105	Ukioq 1, qaammatit 7 ullullu 18
38	270503	170205	Ukioq 1, qaammatit 8 ullullu 20
39	130502	200105	Ukiut 2, qaammatit 8 ullullu 7
40	260903	201204	Ukioq 1, qaammatit 2 ullullu 24
41	050303	Inaarne- qanngilaq	Manna tikillugu ukiut 2, qaamm. 3 ull. 8
42	191102		Sulineramik misiliineq 011104-mi akuerine- poq. Manna tikillugu ukiut 2, qaamm. 6 ul- lullu 24
43	020103		Sulineramik misiliineq 130105-imi akuerine- qarpoq. Manna tikillugu ukiut 2, qaamm. 5 ullullu 24
44	011001		Sulineramik misiliineq 161203-mi akuerine- qarpoq. Manna tikillugu ukiut 3, qaamm. 8 ullullu 12
45	260802	Inaarne- qanngilaq	Manna tikillugu ukiut 2, qaamm. 9 ull. 17
46	211103	Inaarne- qanngilaq	Manna tikillugu ukioq 1, qaamm. 6 ull. 22
47	140103	Inaarne- qanngilaq	Manna tikillugu ukiut 2, qaamm. 4 ull. 29
48	251102	Inaarne- qanngilaq	Manna tikillugu ukiut 2, qaamm. 6 ull. 18
49	220403	200904	Ukioq 1, qaammatit 4 ullullu 28
50	260603	130504	Qaammatit 10 ullullu 17
51	060704	200904	Qaammatit 2 ullullu 14
52	250899	Inaarne- qanngilaq	Manna tikillugu ukiut 6, qaamm. 9 ull. 18
53	261102		Qinnuteqartoq 090704-mi toqusimavoq. Suliarineqarpoq aalajangiivigineqarani: Ukiut 2, qaammatit 6 ullullu 17
54	081002	151204	Ukiut 2, qaammatit 2 ullullu 25
55	180203	Inaarne- qanngilaq	Manna tikillugu ukiut 2, qaamm. 3 ull. 25

56	110700	Oqaatigine-qanngilaq	
57	180504	200904	Qaammatit 4 ullu 2
58	131201	Inaarne-qanngilaq	Suliaq 1. marts 04-mi "tamarsimavoq", massakkut aallartinneqarsimavoq
59	250504	200105	Qaammatit 7 ullullu 25
60	080798	161204	Ukiut 6, qaammatit 5 ullullu 8
61	121102	071004	Ukioq 1, qaammatit 10 ullullu 25
62	100703	260405	Tunuartinneqarpoq, TFU-reva 10. marts 05-imi aalajangermat sulinermik misiliissasoq
63	280700	271200	Tunuartinneqarpoq, qaammatit 4 ullullu 29
64	200404	26. maj 2004-mi	inaarneqanng.
65	110203	26. maj 2004-mi	inaarneqanng.
66	260603	26. maj 2004-mi	inaarneqanng.
67	170103	26. maj 2004-mi	inaarneqanng.
68	220304	26. maj 2004-mi	inaarneqanng.
69	271003	26. maj 2004-mi	inaarneqanng.
70	271003	26. maj 2004-mi	inaarneqanng. Allanngorart. suliffik akuerineqarpoq
71	050304	26. maj 2004-mi	inaarneqanng.
72	100303	26. maj 2004-mi	inaarneqanng.
73	170504	26. maj 2004-mi	inaarneqanng.
74	290801	26. maj 2004-mi	inaarneqanng. Sulinermik misiliineq 9. maj 02-mi akuerineqarpoq
75	150404	26. maj 2004-mi	inaarneqanng.
76	090204	26. maj 2004-mi	inaarneqanng.
77	300104	26. maj 2004-mi	inaarneqanng.
78	200803	26. maj 2004-mi	inaarneqanng.
79	280601	26. maj 2004-mi	inaarneqanng. Sulinermik misiliineq 20. februar 03-mi akuerineqarpoq
80	130204	26. maj 2004-mi	inaarneqanng.
81	110703	26. maj 2004-mi	inaarneqanng.
82	241103	26. maj 2004-mi	inaarneqanng.
83	080104	26. maj 2004-mi	inaarneqanng.
84	040304	26. maj 2004-mi	inaarneqanng.
85	260304	26. maj 2004-mi	inaarneqanng.
86	250202	26. maj 2004-mi	inaarneqanng.
87	290903	26. maj 2004-mi	inaarneqanng. Sulinermik misiliineq akuerineqarpoq
88	Oqaatigineqanng.	Oqaatigineqanng.	Qinnuteqaat akuerisassanngorlugu illoqarfimmut B-mut nassiunneqarpoq

**2. Sulianik siusinaartumik soraarnerussutisianut tunngasunik misissuneq, suliaq ataaseq:**

*K Kommunimi sulianik siusinaartumik soraarnerussutisianut tunngasunik misissuininni suliat inunnut ataasiakkaanut tunngasut ilaat tulluuttuni allaaserineqarpoq. Tamatumunnga atatil-*

*lugu oqaatigaara suliat siusinaartumik soraarnerussutisianut tunngasut K Kommunimi misissukkama amerlanerpaartaat apeqqutinut apeqqutinik ataatsimut tunngasunik misissuininni allaaserineqarsimasunut tunngasuummata. Tamatuma saniatigut suliat ilarpaaluini apeqqutinut tunngaviusumik pingaaruteqannginnertik pissutigalugu ukiumoortumik nalunaarutinnut ilanngunneqarnissaat pisariaqanngitsutut isigisannut tunngasuuput. (J.nr. 11.73.88.71/045-04)*

Allakkakka 10179-imik normoqartut, suliaq nr. 2:  
K Kommunimut 18. august 2004-mi imatut allappunga:

"Siusinaartumik soraarnerussutisiaqalernissaq pillugu pappiaqqat suliamut tunngasutillit isumaginninnermi suliamit namminermit immikkoortinneqarsimapput immikkullu pigineqarlutik. Uppernarsaatissat immikkoortinneqarsimasut nuutinnermik suliami nassaassaqaanngilaq.

Suliami takuneqarsinnaavoq siusinaartumik soraarnerussutisiaqalernissamik qinnuteqaat 25. november 2003-mi atsiorneqarsimasoq.

Taamaattoq aamma suliasami takuneqarsinnaavoq siusinaartumik soraarnerussutisiaqalernissamik qinnuteqaat 9. december 2002-mili atsiorneqarsimasoq.

[Suliami ilaavoq nakorsap oqaaseqaataa 18. december 2003-mi ullulerneqarsimasoq, qinnuteqartullu siusinaartumik soraarnerussutisiaqalersinneqarnissaa tassani kaammattuutigineqarsimalluni.]

Qinnuteqartoq 1. januar 2003-mi siusinaartumik soraarnerussutisiaqalernissamat akuerineqartussat kommunimit 9. januar 2004-mi inassutigineqarsimavoq.

A-p kommuni angerlarsimaffigisaa maannakkut tassaavoq K2 Kommuni.

Kommuni qinnuigaara nalunaarutigeqqullugu sumik tunngaveqarluni suliaq kommunip suliarisimaneraa, matumanittaaq aalajangiinissamat inassuteqaat suliarisimaneraa, naak suliami takuneqarsinnaagaluartoq K2 Kommuni A-p kommuni angerlarsimaffigisaa."

K Kommuni allakkatigut 31. januar 2005-imeersutigut akissuteqarpoq. Akissummit makku erseput:

"... uanga qinnutigisakka ...

A pisortanit pensionisiat pillugit Inatsisartut peqqussutaanni nr. 10-mi, 30. oktober 1998-imeersumi § 15 tunngavigalugu siusinnaartumik soraarnerussutisiaqalersinneqarsimavoq, tassami akuersissuteqarneq ulloq siullermik qinnuteqarnermi ullulunneqarsimasoq 9. december 2002 aallaavigalugu.

Inassuteqaat K Kommunimi isumaginninnermik ingerlatsivimmit suliarineqarsimavoq, tamatumalu kingornatigut K2 Kommunimut nassiunneqarsimalluni, taassumalu K2 Kommunimi isumaginninnermi ataatsimiititaliamut inassuteqaatigisimalugu qinnuteqaat akuerineqassasoq. Tamatuma kingornatigut A-p 1. januar 2004-mit aallartittumik siusinaartumik soraarnerussutisiaqalersinneqarnissaa K2 Kommunimi isumaginninnermi ataatsimiititaliap 24. juni 2004-mi ataatsimiinnermini akuersisutigaa." (Atorfeqarfimmi nutsigaavoq)

Suliaq pillugu tamatuma kingornatigut imaattunik oqaaseqaateqarpunga:

*"Pisortanit pensionisiat pillugit Inatsisartut peqqussutaanni nr. 10, 30. oktober 1998-imeersumi § 15-imi imaattunik aalajangersagaqarpoq:*

*"§ 15. Siusinaartumik pensionisiat pisartagaritinneqalersinnaapput inunnt timimikkut, eqqarsartaatsimikkut aamma/imaluunniit atukkat pissutigalugit ataatvartumik inuussutissarsiorsinnaajunnaarsimasunut.*

*Imm. 2. Siusinaartumik pensionisiat pisartagaritinneqalinnginneranni kommunalbestyrelsip qinnuteqartoq ilinniartitaanikkut aamma/imaluunniit inuutissarsiornikkut periarfissat atorlugit piginnaanngorsaaqqinneq misilissimassavaa piginnaanngorsaaqqinnermut pilersaarussiaq atorlugu.*

*Imm. 3. Piginnaanngorsaaqqinnermut pilersaarussiaq suliarineqassaaq inummut immikkut naleqqussarneqassallunilu qinnuteqartup pisinnaasaanut pisariaqartitaanullu. Qinnuteqartoq pisussaavoq piginnaanngorsaaqqinnermut pilersaarusiap ingerlanneqarnerani peqataanissaminut."*

*Pisortanit pensionisiat pillugit Inatsisartut peqqussutaanni § 15, uanga paasinninnera malillugu siusinaartumik soraarnerussutisiaqalernissamik qinnuteqaatinut tunngatillugu kommuni alla sinnerlugu taamatut suliaqarnissamik inatsisitigut tamanna tunngavissinnngilaq.*

*Tamannalu Kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaanni nr. 2, 12. juni 1995-imeersumi § 14 malillugu allassimavoq:*

*"§ 14. Isumaginninnermi malittarisassat allat tunngavigalugit ikiorsiissutigineqartut, matumani pensionit utoqqarnullu paaqqinniffiit il.il., pisortanit annertussusilerikkani ikiorsiissutit, naartunermi, erninermi meeravissiartaarnermilu sulinnigiffeqartarneq ullormusiallu kiisalu ineqarnermut tapiissutit pillugit Inatsisartut peqqussutaat ilanngullugit, kommunimit najugarivitamit akiliisussaviuutigisumit tunniunneqartassapput.*

*Imm. 2. Ikioqqusoq kommunip najugarivitami avataaniippat imm. 1-imi malittarisassat tunngavigalugit ikiorsiissutit kommuni najugarivitaq sinnerlugu tunniunneqannginneranni kommunip uninngavigisap kommunimut najugarivitamut akuerisassanngorlugit saqqummiutissavai."*

*Inuk siusinaartumik soraarnerussutisiaqalernissaminik qinnuteqartoq kommunerisamini najugaqanngikkaangat taava kommunip uninngavigigallakkap qulaani Kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaanni § 14-imi imm. 2-mi aalajangersakkat issuarneqartut malillugit kommunimut najugarivitaanut akuerisassanngorlugu saqqummiuttussaavaa. Tamatumunnga atatillugu kommuni uninngavigigallagaq paasissutissanik piniassanersoq aalajangiinissamullu inassuteqaasiussanersoq aalajangersakkami aaqqiissuteqarfigineqarsimannngilaq. Isumaqarpunga qinnuteqaammik nassiussinnermut atatillugu suna pitsaanerussanersoq tamanna kommunit aalajangiiffigisasarigaat.*

*Suliaq pillugu allanik oqaaseqaatissaqanngilanga."*

**3. Sulianik akiliisitsiniarnermut tunngasunik misissuineq.**

*Sulianik akiliisitsiniarnermut tunngasunik kommunimut tike-raarnermut atatillugu misissuinerup Ombudsmandi kommunimut matuminnga maluginneqqusinissaanut pissutissaqalersippaa, tassalu inuit aqqinik nalunaarsuisarneq pillugu nalunaarut Kallaallit Nunaannut atuuttoq malillugu inuup kinaassusersineqarnera pineqartup nammineq inuttut normuata ataani pisassasoq, inuit arlallit suliamut ataatsimut katersorneqarnissaat pisariaqartuunngippat.*

*Ombudsmandip aamma oqaatigaa pisassarisat pineqartut inatsisitigut atuussinnaassuseqarnerat imaluunniit akiliisitsiniarnissamut piumasqaataasut eqqortinneqarsimanagerat nalornissutigineqartup akiliisitsiniarnerup aallartinneginnerani nalornissutigineqartup taassuma qulaajarneqarnissaa akiliisitsiniartarfiup suliniutigissagaa.*

*Ombudsmandip aammattaaq oqaatigaa § 10, imm. 1-imi aalajangersakkanit taaneqartunit sorleq (nr. 1, nr. 2, nr. 3 imaluunniit nr. 4) utertitsilluni akiliisoqarnissaanik piumasqaammut tunngaviusoq suliami akiliisitsiniarnermut tunngasumi takuneqarsinnaanngippat isumaginninnermi utertitassanngorlugit ikior-siissutit pinngitsaaliinikkut qaqugu akilersinniarneqarnissat isummerfigissallugu akiliisitsiniartarfik tunngavissaqanngitsoq. Matuma oqaatiginissaanut Ombudsmandi aamma pissutissaqarpog, tassalu eqqartuussisarneq pillugu inatsimmi taaguummik "fogedmyndighed"-imik atuineq paatsoortitsilluni isumaqalersitsinnaasoq pinngitsaaliillutik akiliisitsiniartartut suliaassanik eqqartuussiviit ataanniittunik suliaqartartuusut. (J.nr. 11.73.88.-73/094-04)*

”Fogedmyndighed”-imik oqartarneq

Allakkani 7. februar 2005-imeersuni imaattunik oqaaseqaateqarpunga:

*"Allagaatini qallunaatut oqaasertalersugaasuni arlalinni pinngitsaaliilluni akiliisitsiniartartooq imminut ”fogedret”-imik taasarsimavoq.*

*Kommunip pinngitsaaliilluni akiliisitsiniartartua akiliisitsiniartarfimilu sulisut sulianik misissuereerlunga ataatsimeeqatigigakkit oqaatigaat pinngitsaaliilluni akiliisitsiniartartooq allagaatini qallunaatut oqaasertalersugaasuni ”fogedret”-inik imminut taasarunnaarsimasoq.*

*Paasisutissiissutigineqartooq taanna tusaatissatut tiguara, taamaattorli ilassutaasunik imatut oqaaseqaateqarnissannut pissutissaqarlunga:*

*Taaguut ”fogedret” akiitsoqartumut (allanullu) isumaqalersitsinnaavoq suliaq eqqartuussivimmi suliarineqarsimasoq, tamannalu eqqunngilaq, tassami pinngitsaaliillutik akiliisitsiniartartut eqqartuussiviunngim-*

*mata, tassaallutilli kommunip ataani allaffissornikkut aqutsinermi ingerlataqarfii, tak. eqqartuussisarneq pillugu inatsimmi kapitali 7, § 19, imm. 1. Aammattaaq pineqartoq tassaavoq eqqartuussisarneq pillugu inatsimmi tunngavigineqartoq Kalaallit Nunaanni akiliisitsiniartartut sulianik eqqartuussiviit sinnerlugit aqutsisuunnigitsut, tassami pinngitsaaliinikkut naammassinninniarneq Kalaallit Nunaanni inatsiseqartitsinermi eqqartuussiviit suliassarinnigimmassuk.*

*Tamatunngali peqatigitillugu pineqartoq tassaavoq eqqartuussisarneq pillugu inatsisip kalaallisuuani "fogedmyndighed"-ip tassaatinneqarnera "eqqartuussutinik naammassitsiniartartut", taaguutillu taassuma allakkani kalaallisut oqaasertalersugaasuni taamatut atorneqarnera soorunalimi eqqortuuvoq.*

*Kalaallisut taagut taanna imatut isumaqalersitsinnaagaluartoq, tassalu pinngitsaaliilluni akiliisitsiniartartoq eqqartuussiviit suliassaataannik suliaqartartoq, isumaqarpunga kommunip allakkani qallunaatut oqaasertalersugaasuni taaguut "pantefoged" imaluunniit "fogedmyndighed" atortariaqaraa, taaguut "fogedret" atornagu."*

Arnat akiitsoqartut pillugit sulianik ilioraaneq. Sulianik aappariinnut/inooqatigiinnut tunngasunik akuleriissitsineq.

Kommunimut 7. februar 2005-imi imatut allappunga:

"Malugaara arnat akiitsoqartut pillugit suliat suliani pineqartup inooqataata imaluunniit aappaata inuttut normuata ataani sulianut iliorarneqartarsimasut, taamaattorli suliat misissuiffigineqartut eqqarsaatigalugit imaalluni arnat akiitsoqartut pillugit suliani allagaatit immikkut plastikkinik ungalulerlugit iliorarneqartarsimallutik, tassa imaappoq suliame inooqataasumut/aappaasumut tunngasumi allagaatinit immikkoortillugit.

Kommuni qinnuigineqarpoq taamatut immikkoortiterineq suliani akiliisitsiniarnermut tunngasuni tamani atorneqartarnersoq nalunaarutigeqqullgu.

Taamaangippat kommuni qinnuigaara suliat aappariit avinneranni imaluunniit inooqatigiit qimanneranni qanoq immikkoortiterneqartarnersut nalunaarutigeqqullugu."

Kommunip imatut akivaanga:

"Arnat akiitsoqartut pillugit sulianik ilioraaneq.

Sulianik aappariinnut/inooqatigiinnut tunngasunik akuleriissitsineq tunngaveqarpoq, maani allaffeqarfitsinni toqqorsivissanik annertusaasinnaanginnatta inisakilliorneq peqqutigalugu.

Taamaattorli suliame angutip aappaasup saagiata iluani immikkoortinneqartarput, taamaasilluta suliat immikkuullarissut arnamut akiitsoqartumut ingerlaannaq takuneqassammata.

Suliat immikkoortinneqalerneru ima pisarput:

Appariit avinnerat imaluunniit toqusup pigisai, Eqqartuussivimmi suliat naammassineqaraangata immikkoortinneqalertarput.

Taamatullu aamma inooqatigiit najugaqatigiikkunnaarlutik qimattut, akiliisitsiniartarfimmiit nammineq iluarsiiiffigisarlugit.”

*Tamatuma kingornatigut oqaatigaara:*

*"Kalaallit Nunaanni inunnik nalunaarsuisarneq pillugu nalunaarummi nr. 588-imi, 10. august 1998-imeersuni § 22, imm. 1-ip aamma 2-p nassatarisaannik aallaaviusoq tassaavoq inuup kinaassusersineqarnera pineqartup nammineq inuttut normua atorlugu pissasoq, suliami taannaasumi inuit arlallit ilanngunneqarnissaat pisariaqartuunngippat. Aalajangersaqaq taanna imaattunik oqaasertaqarpoq:*

*"§ 22. Pisortaqarfiit inuup normuanik kiussusersiuniutitut imaluunniit journal-normutut atuisinnaapput pisortap susassaartup suliassamik isumaginninneranut atatillugu.*

*Imm. 2. Inunnik ataasiakkaanik kinaassusersiuneqartassaaq pineqartup inuttut normua tunngavigalugu. Pisortat ingerlatsiveqarfianni pisariaqassappat inunnik arlalinnik suliassamut ataasiumut ilanngussuinissaq taava pisortat namminneq aalajangiiffigissavaat suliassaqruiup iluani nalunaarsuinissap naleqqunnerpaap qanoq aqqissuunneqarnissaa. Aqqissuussinermi ilaatigut naligiissitaanermut tunngassutillit pingartinneqartassapput."*

*Inissaqartitsiniarnikkut pissutsit tamanna ajornartikkunnaarpassuk alagaatinik sulianut innuttasunut ataasiakkaanut tunngasunik ilioraasoqartarnissaa kommunip isumaginiaraa paasivara.*

*Tamanna naligiissitsinikkut isiginiagassanut § 22, imm. 2-mi oqaaseqatigiit pingajuanni ersertunut naapertuunnerpaassasoq aamma isumaqarpunga.*

*Kommunip akissutaanut atatillugu allatigut annertunerusumik iliuuseqaqqissanngilanga."*

Suliassanik akiliisitsiniarfiusunik tigusaqartarneq.

Kommunimut 7. februar 2005-imi imatut allappunga:

”Malugaara akiliisitsiniartarfiup suliani arlalinni aningaasanik akiisorineqartunik akiliisitsiniarneq aallartittarsimagaa, soorlu utertitassanngorlugit ikiorsiissutitut eqqarsaatigalugit, aningaasat akiitsoqartumit akilersinniarneqarnissaat isumaginninnermik ingerlatsivimmit qinnutigineqarsimanngikkaluartoq.

Sulianik misissuinerup akiliisitsiniartarfimmi sulisut tamaasa peqatigalugit eqikkaavineqarnerani oqaatigaara pisuni tamani pisassarisat inatsisitigut atuussinnaasuseqartut akilernerqartussanngorsimasullu piunerat akiliisitsiniartarfiup tamatigut qulakkeertassagaa.

Tamatuma saniatigut pisassarisat piunerannut uppernarsaatit kiisalu aningaasanik akiisorineqartunik akiitsoqarfiup akiliisitsiniaqqusissutaata tiguneqarsimanissaa akiliisitsiniartarfiup qulakkiissavaa.

Akiliisitsiniartarfik qinnuigaara akiliisitsiniartarfik oqaaseqaatikka tunngavigalugit qanoq iliuuseqarnissaminut pissutissaqalersimanersoq nalunaarfigeqqullunga.”



Kommunip imatut akivaanga:

”Sulianik akiliisitsiniarfiusunik tigusaqartarneq.

Akiliisitsiniartarfimmi aammalu Isumaginninnermi allatseqarfimmi sulisut erseqqissaaffigineqarput, kommunimit utertitassanngorlugu atukkiisoqartillugu atukkerneqartup atsiornera akiliisitsiniartarfimmut tunniunneqartassamat. Tamannalu pisimangippat akiliisitsiniarneq aallartinneqarsinnaanngimmat.

Akiliisitsiniartarfimmiit naammattoorsigaangatta atukkerneqartoq atsiorsimanngitsoq ingerlaannaq suliaq isumaginninnermi allaffeqarfimmut utertinneqartarpoq.

Atukkiisimaneremut tunngatillugu suliat ataasiakkaarlugit misissorneqarput. Ul-  
lorlu 18. februar 2005, Isumaginninnermilu allaffimmut ingerlatinneqarlutik Lands-  
tingip ileqqoreqqusaa § 10 stk. 2 & 3 naapertorlugu akiligassaaajunnaarlugit uterteq-  
qullugit, annertussuseqartut kt. 406.208,50.”

*Tamatuma kingornatigut oqaatigaara:*

*"Ingerlatsineq pillugu inatsiseqartitsinermi tunngaviusutut atuuppoq oqartussaasut sulianik suliarinnittuusut ataasiakkaat namminneq pisussaaffigigaat, pisariaqarpat oqartussaasut allat suleqatigalugit, suliani pineqartuni paasissutissat pisariaqartut pissarsiariniassallugit.*

*Tunngaviup taassuma siunertaa tassaavoq oqartussaasut kukkussuteqarnissaasa pinngitsoortinniarneqarnerat.*

*Tunngavik taanna suliap paasissutissartalersorneqarnera pillugu inatsimmi immikkut malittarisassat saniatigut atuuppoq, inatsimmi erseqqivisumik allamik taasaqartoqarsimangippat.*

*Taamaalilluni kommuni akiliisitsiniarnermi oqartussaasutut iliuuseqarpat, matumani pinngitsaaliilluni akiliisitsiniartartoq aqqutigalugu iliuuseqarneq ilanngullugu eqqarsaatigalugu, paasissutissat akiliisitsiniarnermut pisariaqartut pissarsiarineqarnissaat akiliisitsiniarnermi oqartussaasup pisussaaffigaa.*

*Tassa siullertut imaappoq pisassarisat pineqartut akilersinniarneqarsinnaanerannut uppernarsaatit oqartussaasup qulakkiissagai.*

*Akiliisitsiniarneq oqartussaasup allap kommunilluunniit ingerlatsiavia-  
ta ilaata allap akiliisitsiniaqqusissutaanik tunngaveqarpat akiliisitsiniaq-  
qusissut taanna suliami allagaatinut aamma ilaassaaq.*

*Pissassarisat qaqugu (pinngitsaaliinikkut) akilersinniarneqarnissaat aki-  
liisitsiniartarfimmut namminermut isummerfigisassanngortinneqarsimap-  
pat suliami pisassarisat akilerneqartussanngorsimanerannut akiitsoqar-  
tullu tamatuminna ilisimasaqarneranut uppernarsaatit ilaassapput.*

*Tamatuma saniatigut manna atuuppoq, tassalu akiliisitsiniartarfiup suliami pineqartumi malugippagu pisassarisat pineqartut inatsisitigut atuussinnaassuseqarnerat imaluunniit akiliisitsiniarnissamut piumasaqaa-  
taasut eqqortinneqarsimanerat nalornissutigineqarsinnaasooq, taava akilii-  
sitsiniartarfiup nalornissutaasooq taanna akiliisitsiniarnerup aallartinne-  
qannginnerani qulaajarniassavaa.*

*Isumaginninnermi ikorsiissutaasimasunik utertitsilluni akiliisoqarnis-  
saanik piunasaqaatit kommunip akissummini nassuiarsimasai eqqarsaati-  
galugit ikorsiissutit utertillugit akilerneqarnissaat piunasaqaatigalugu  
ikorsiissutigineqarsimanerat ikiorserneqartup ilisimallugu atsiorderati-  
gut utertitsilluni akileeqqusinerup atuussinnaassuseqarneranik akiliisitsi-  
niartarfiup uppersaaseeqquisarsimanagera pillugu oqaaseqaatissaqaan-  
ngilanga.*

*Taamaalillunga isumaginninnermi ikorsiissutaasimasunik utertillugit  
akilerneqarnissaat piunasaqaatitaqartunik akiliisitsiniaqqusissutit,  
ikorsiissutit tigusaqartup pineqartup utertitsilluni akiliinissamik piun-  
asaqaateqartoqarnera ilisimallugu atsiordermannikkaangat kommunip  
utertitsisarsimanagera tussaatisatut tiguara.*

*Akiliisitsiniartarfiup tamatumani saniatigut manna misissortariaqarpar,  
tassalu ikorsiissutit utertinneqarnissaat suut erseqqinnerusumik atugas-  
saritillugit piunasaqaataasimanageroq, tak. pisortanit ikorsiissutit pillugit  
Inatsisartut peqqussutaanni § 10, imm. 1, imaattunik oqaasertaqartoq:*

*”§ 10. Aammattaaq isumaginninnermut ataatsimiititaq ikorsiissutaasimasunik  
utertitsinissamik aalajangiisinnavaoq:*

*1) Inummumut aapparissaminut qitornaminullu pilersuisussaassutisimanagera sumigin-  
naasimasumut.*

*2) Inuk ikorsiissutisimasooq kingusinnerusukkut piffissamut ikorsiiffiusima-  
sumut naatsorsuussanik taarsiissutisimappat, akilersuutit pisimappat taamaa-  
ngajattunilluunniit pisimappat,*

*3) Inuk aningaasanik aqutsinermigut suliffeqarnermigullu naammaginangit-  
sumik iliuuseqartarsimanagera pissutigalugit ikiorserneqartariaqalersimappat,*

*4) Ikiorserneqarnissamik qinnuteqarnerup nalaani paasinarsereersimappat  
inuup pineqartup ikorsiissutit piffissap sivikitsup ingerlanerani utertissinnaalissa-  
gai.”*

*Suliami akiliisitsiniarnermut tunngasumi aalajangersakkat issuarneqar-  
tut arlaata ( nr. 1-ip, 2-p, 3-p imaluunniit 4-p) utertitsilluni akiliisoqarnis-  
sanik piunasaqaateqarnermut tunngaviunera erseqqissumik takuneqarsin-  
naangippat pinngitsaaliilluni akiliisitsiniarnerup qaqugu aallartinneqar-  
nissaanik isummernissaminut akiliisitsiniartarfik uanga paasinninnera  
malillugu tunngavissaqanngilaq.”*

Suliat ataasiakkaat.

Suliaq 1.

...

Suliaq 2.

Kommunimut 7. februar 2005-imi imatut allappunga:

”1990-imit 27. oktober 1997-mut allagaatit suliami allagaatinut ilaapput. Suliami annertunerusumik pisoqaqqinnissaa akiliisitsiniartarfiup naatsorsuutigingippagu, imaluunniit A illoqarfimmit nuussimappat suliaq toqqorsivimmut toqqorneqartariaqannginnersoq akiliisitsiniartarfiup isumaliutersuutigisariaqarpaa.”

Kommunip imatut akivaanga:

”Suliami allagaatit toqqorsivimmut toqqorneqarput. Ilanngullugu nalunaarutigisavara allat akiitsoqarunnaarsimameri tunngavigalugit taamatutaaq suliami allagaatit aamma toqqorsivimmut toqqorneqarmata, tamannalu pivooq ukioq manna januar 2005-imi.”

*Tamatuma kingornatigut oqaatigaara:*

*"Kommunip akissutaata oqaaseqaateqarnissannut pissutissaqalersingilaanga."*

Suliaq 3.

Kommunimut 7. februar 2005-imi imatut allappunga:

”A-p inuillu allat marluk aqqisigut inuttullu normuisigut taasat akileraarutitut akiitsuinik ...-mit akiliisitsiniaqqusissutit assilinera suliami allagaatinut ilaavoq.

Ingerlatsineri oqartussaasut sulianik suliarinninnermi periaatsinik sulianik suliarinninnermi kukkunernik pinaveersimatitsisunik peqarnerat ingerlatsineri ileq-qorissaarnermut ilaavoq.

Ajornartorsiummut matumunnga atatillugu tamatuma nassataraa saaffiginnissutit taamaattut sulianut assigiinngitsunut arlalinnut ilaasut iliorarneqartariaqarput, taamaallutik paasissutissat sulianut ataasiakkaanut pineqartunut tunngasut kisimik suliamut ilineqartassallutik. Tamanna assersuutigalugu imatut pisinnaavoq allakkani (suliamut pineqartumut tunngassuteqanngitsunik) paasissutissat sulianut allanut tunngasut qaatigut titarlugit peerlugit, allakkallu taakku (allaqqaarneri assilineriluunniit) suliamut pineqartumut ilillugit.

Kommunip taamaaliormigut paasissutissanik susassaqqanngitsunut ingerlatseqittoorsinnaaneq pinaveersimatissinnaavaa.

Allagaat ”akilersuinissamik isumaqatigiissut”-mik taaneqartoq 9. marts 2000-imeersoq allagaatinut ilaavoq. Allagaat taanna assigiissaartumik oqaasertalersugaaluni immersugassatut ilusiligaavoq.

...

Aammattaaq 1998-imi ukiumoortumik nalunaarutinni suliaq 64-1 innersuussutigaara, tassanilu oqaatigaara akissarsianit unerartitsinerup qaqugukkut aallartineqarnissaa kommunip innuttaasunut isumaqatigiissutigisinnaanngikkaa. Akissarsianit unerartitsineq eqqartuussisarneq pillugu inatsit tunngavigalugu aalajangiinik-kut pisussaavoq, taamaattumillu akissarsianit ilanngaassineq innuttaasumut isumaqatigiissut innersuussutigalugu kommunip aallartissinnaanngilaa, eqqartuussisarneq pillugu inatsimmi tamanna pillugu piumasaqaatit eqqortinneqarsimannqipata.

Taamaattumik kommuni qinnuigaara akilersuinissamik isumaqatigiissuteqarnermi immersugassap pineqartup oqaasertalersorneqarnerata allannortinneqarnissaa isumaliutersuutigeqqullugu.

Aamma allagaat 29. november 2000-imeersoq ilaavoq, tassanilu makku allaase-rineqarsimallutik:

”Ukioq 2000, 29. novemberimi nal. 12.50 akiliisitsiniarneq (fogedretten) pinngit-saaliilluni akiliisitsiniartartumit ...mit aqunneqartoq pinngitsaaliilluni akiliisitsiniar-tartup allaffiani aallartinneqarpoq ...” (Atorfeqarfimmi nutsigaavoq)

Taaguummik ”fogedmyndighed”-imik atuineq pillugu oqaaseqaatikka siulliullu-git innersuussutigaaakka.

Tulliullugu maluginiarpara makku allagaammit ersertut:

”Pinngitsaaliilluni akiliisitsiniartartup ilisimalersimavaa pineqartoq Namminer-somerullutik Oqartussani/...-mi, suliffeqartoq.

Pineqartup pisassarisaanit, matumani sulilluni akissarsiai tunniunneqartussan-gorsimasut ilanngullugit eqqarsaatigalugit, matumuuna qularnaveeqqutitut ar-saarinnittoqarpoq, eqqartuussisarneq pillugu inatsimmi kap. 7, § 6, imm. 2, nr. 2 tun-gavigalugu.

Eqqartuussisarneq pillugu inatsimmi kap. 7, § 8, imm. 1 – inuuniutissaarutsitsin-ginnissamik aalajangersagaq – eqqortinneqarpoq.” (Atorfeqarfimmi nutsigaavoq)

Eqqartuussisarneq pillugu inatsimmi kapitali 7, § 6, imm. 2, nr. 2 imaattunik oqaasertaqarpoq:

”§ 6. Aningaasanik piumasarineqartunik pinngitsaaliinikkut naammassitsinis-saq pisarsinnaavoq akiligassallip pigisaanik nalilinnik qularnaveeqqutissanngorlugit arsaarinninnikkut.

Imm. 2. Eqqartuussutininik naammassitsiniartartup taamaalilluni

- 1) ...
- 2) pisassalik aningaasanik akiligassallip pisassareriigaanik, sulinermut akissar-siassat akilerneqartussanngoreersut ilanngullugit, pisassaqalersissinnaavaa,
- 3) ...
- 4) ...”

Taamaalilluni aalajangersakkami tassani tungaviuvoq eqqartuussutininik naam-massisitsiniartartoq pineqartup sulinermigut akissarsiassaasa tunniunneqartussan-gorsimanagerat ilisimassagaa, tamatumanilu atorfinitsitsinermi atugassarititaasunik sukumiisumik ilisimasaqarnissaa nalinginnaasumik tungaviusussaavoq.

Pineqartup atorfeqartitaanera kisiat eqqartuussutininik naammassitsiniartartup ili-simassappagu, sulinikkulli akissarsiat sorliit tunniunneqartussanngorsimasut ilisi-managu, eqqartuussutininik naammassitsiniartartoq uanga paasinninnera malillugu akissarsianit unerartitsinermit atuinnissaminut innersuussaavoq, tak. eqqartuussi-sarneq pillugu inatsimmi kapitali 7, § 12, naammassininniarnaq taanna pisassarisat pineqartut akilersinniarnaqarnerannut atorneqarsinnaappat.

Pisassarisat sorpiaat qularnaveeqqutitut arsaarinnissutigineqarsimasut issuarne-qartunit ersinngimmat qularnaveeqqutitut arsaarinninneq taanna sulisitsisoq qular-naveeqqutitut arsaarinninnermik nalunaarfigineqartussaq eqqarsaatigalugu uanga paasinneqqaarnera malillugu ilumut inatsiseqartitsinikkut atuussinnaassuseqarner-soq nalorninarpoq.

Taakkua saniatigut oqaatigaara eqqartuussummik naammassitsiniarneq akiitso-qartoq najuutsinnagu ingerlanneqarsimasoq.

Akiitsoqartup pigisanik qularnaveeqqutitut arsaarinnissutigineqartussanik saq-qummiussisinnaatitaanera eqqartuussisarneq pillugu inatsimmi kapitali 7, § 21, imm. 3-p nassataraa.

Tamatuminnga paasinninnerma nassataraa eqqartuussutinik naammassisitsiniartartup suliaq naammattumik paasissutissartalersorsimassanngikkaa, eqqartuussutinik naammassisitsiniartartoq akiitsoqartup taamatut pisinnaatitaaffeqarnera ilitser-suutigeeqqaarnagu qularnaveeqqutitut arsaarinnissimappat.

Kommuni qinnuigaara qulaani taaneqartut pillugit oqaaseqaateqaqqullugu.

Akiliisitsiniartarfiup A-mut allagai 16. juli 2004-meersut aamma ilaapput, taakkunanilu ulluunerani meeqqerivimmiiitsinermut akiliutit 5. juni 2004-mi akilerneqartussanngorsimasut akilerneqarnissaat kommunip nukingisaarutigaa.

Allakkani oqaatigineqarpoq akiitsut tamaasa A-p akilinngippagit ”ulluunerani paaqqinniffinnut allaffik nalunaarfigineqassasoq meeraq akiitsoqartoqarnera pissutigalugu anisinneqassasoq.” (Atorfeqarfimmi nutsigaavoq)

Kommunip ilisimatitsinera taanna pillugu oqaatigaara Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqaarfimmut allakkani 13. september 2004-meersuni oqaatigigiga paasinninnera unaasoq meeqqat akiitsoqartoqarnera pissutigalugu ulluunerani paaqqinniffinnit anisinnissaannut inatsisitigut naammattumik ullumikkut tunngavissaqanngitsoq. Oqaaseqaatinnut pisortaqaarfiup isummerneranik suli tigusaqanngilanga.

B eqqarsaatigalugu akissarsiaanit B-p sulisitsisuanut (A/S Inissiaatileqatigiiffik INI-mut) unerartitseqqusissutit ullunik pingasunik akunneqartut (30. juni 2003-meersaq aamma 3. juli 2003-meersaq) marluk suliame allagaatinut ilaapput.

Taakku pisoqaanersaanni sulisitsisumut oqaatigineqarpoq akiitsut 46.012,35 kr.-iusut, B-llu akissarsiaasa pingajorarterutaat unerartinneqassasut.

Akiliisitsiniaqqusissummi 3. juli 2003-meersumi oqaatigineqarpoq akiitsut 40.012,35 kr.-iusut, sulisitsisullu akissarsianik tunniussinerit tamaasa 1.500 kr.-t unerartissagai.

Akiliisitsiniaqqusissutip 3. juli 2003-meersup akiliisitsiniaqqusissut 30. juni 2003-meersaq taarseneraa erseqqarluppoq, taamatuttaarlu suliaq akiliisitsiniaqqusissutit marluk taakku pillugit paasissutissanik imaqarani.

Inatsiseqartitsinermi tunngaviit nalinginnaasut nassataraat ingerlatsinermi oqartussaasumi suliame paasissutissanik naammattunik imaqassasut, ingerlatsiviup suliame aalajangiinerisa inatsisinik eqqortitsisuunerannut uppersaataasinnaasagunik.

Piumasaqaat taanna B-p sulisitsisuanut allakkat taakku marluk allagaatinut ilaalerisigut imaaliallaannaq eqqortinneqanngilaaq.

Aammattaaq akissarsianit ilanngaassueqqusinerit uanga paasinninnera malillugu atorfeqartitaasup sulisitsisua eqqarsaatigalugu aalajangiinerupput, tassami taanna (sulisitsisoq) ilanngaassueqqusissut malinneqanngippat oqartussaasumut ilanngaassueqqusissumut taarsiissuteqarnissaminut pisussaatinneqartussaammat, tak. eqqartuussisarneq pillugu inatsimmi kapitali 7, § 14, taamatuttaarlu pineqartoq tassaalluni akissarsiat, sulisorisap atorfeqartitaanermut tunngasut malillugit pisassarisaasa ilaannaannik sulisorisamat tunniussinissamik sulisitsisup peqquneqarnera. Sulisup akissarsianik tunniusseqqusinnginneq sulisitsisup inatsisinik tunngavissaqarnani naalassimaguniuk atorfeqartitsinermik unioqqutitsissaaq.

Tamatuma akiliisitsiniaqqusissutip sulisitsisunut pisariaqarneratut annertutigisumik tunngavilersorneqarnissaa ilaatigut nassataraa, tak. suliassat suliarineqararterat pillugu inatsimmi §§-it 22-mit 24-mut.

Eqqartuussisarneq pillugu inatsimmi kapitali 7, § 12, imm. 2-kkut aalajanger-sarneqarpoq akileraarutit ilanngaatigereerlugit akissarsiat pingajorarterutaannit anertunerusunik sukkulluunniit ilanngaassisoqarsinnaanngitsoq.

Taamaalilluni suliame matumani pineqartoq tassaavoq akiliisitsiniaqqusissut 3. juli 2003-meersaq A/S Inissiaatileqatigiiffik INI-p inatsisinik unioqqutitsinani naalassinnaanngikkaa, akiliisitsiniaqqusissut 30. juni 2003-meersaq tamatumunnga peqatigitillugu atorunnaarsinneqarsimanngippat, tassami akiliisitsiniaqqusissut siulleq

atorunnaarsinneqarsimangippat sulisitsisoq peqquneqassammat akissarsiat pinga-jorararterutaat 1.500 kr.-nik ilallugit B-p akissarsiaanit unerartissagai.

Taamaattumik kommuni qinnuigaara akissarsianit ilanngaasseqqusissutit marluk taakku imminnut qanoq attuumassuteqarnersut erseqqinnerusumik nassuiaqqullugu, taamaattutaaarluk kommuni qinnuigaara akissarsianit ilanngaasseqqusissut atorunnaarsinneqaraangat sulisitsisut akissarsianit unerartitsisussaataitaasut tamatigut tamatuminnga ilisimatinneqartarnissaat isumaliutersuutigeqqullugu.

B-p meeqqanut akilersuutinik akiliisinniarneqarnissaanik Danmarkimi kommunip saaffiginnissutaa suliami allagaatinut aamma ilaavoq.

Kommunimut ilisimatitsissutitut oqaatigaara Den Sociale Ankestyrelsi suliami allami aalajangersimammat meeqqanut akilersuutinik Kalaallit Nunaanni kommunip akiliisitsiniaqqusinera malillugu Danmarkimi kommunip akiliisitsiniarsimanera pillugu naammagittaalliut aalajangersimasumik suliarilerniarlugi. Taamani suliaq Ankestyrelsimut nassiuppara, paasinneqqaarnerami malillugu meeqqanut akilersuutit Kalaallit Nunaanni oqartussaasup aalajangersimasaasa eqqartuussisoqariinngitsoq Danmarkimi pinngitsaaliinikkut akilersinniarneqarsinnaanerat nalorninarloqar-mat.

Ajornartorsiutip taassuma assinga meeqqanut akilersuutit Danmarkimi oqartussaasup aalajangersagai eqqarsaatigalugit aamma atuuppoq, tassami akiliisitsiniar-tarneq pillugu malittarisassat Danmarkimi oqartussaasut meeqqanut akilersuutitigut pisassarisanik pinngitsaaliinikkut Danmarkimi malittarisassat malillugit akiliisitsi-niarnermut Danmarkimi oqartussaasunut tunngavissanngorlugit aalajangersarneqar-simammata, taamatutaaarluk Kalaallit Nunaanni meeqqanut akilersuutitigut pisassari-sat Kalaallit Nunaanni oqartussaasunit akilersinniarneqartussaallutik, inatsisit Nam-minersornerullutik Oqartussanit akuerineqarsimasut tunngavigalugit.

Ankestyrelsip aalajangiinera pillugu ilisimatitsissummik sulit tigusaqqanngilanga.”

Kommunip imatut akivaanga:

”A pillugu.

Allakkat arlariinnik inuup normuinik imallit, suliamut ilineqaraangata suliamut pineqartumut tunngassuteqanngitsut qaatigut titarlugit peerneqartarput.

”Akilersuinissamik isumaqatigiissut”-mik immersortagarput, oqaasertai allan-gortinneqarpoq, assersuullu takussutissaq ilanngunneqarpoq.

Allagaat 29. november 2000 kukkusuummat tamarmi atorunnaarsinneqarnikuu-voq, toqqaannartumilli eqqartuussisarnermi inatsit kap 7 § 12 tunngavigalugu ilan-ngartuinissamik peqqussut atoneqalersimalluni.

Aammalu oqaloqatigiinnitta kingorna taaguut ”fogedretten” ”fogedmyndighed”-mik taarserneqarnikuulluni.

Meeqquerivimmuut akiligassallit akiliisimangitsut pillugit, Isumaginninnermi ataatsimiititaliaq kommunalbestyrelsimut ulloq 15. august 1993 allagaqarluni kissaateqarpoq meeqquerivimmiititaqarnermi akiligassatigut akiliinngitsoortarner-mut aammalu akiligassaqarneq pissutigalugu meeqqanik anisitsisarnermut atatillugu erseqqinnerusumik malittarisassaqaarnissaa kissaatigalugu.

Økonomiudvalgip ataatsimiinnerani 24. september 1993 suliaq pineqartoq isumaqatigaa, erseqqinnerusumik malittarisassaliortoqassasoq. Isumaginninnermi-lu ataatsimiititaliap tamanna pisussaaffigimmagu, qinnuigineqarpoq suliaq isu-mageqqullugu.

Ulloq 24. november 1993 Isumaginninnermi ataatsimiititaliap suliaq suliarisima-gaa, allakkani takusinnaavara.

Taamaammallu meeqquerivinni akileeqqusissutini ilanngullugu naqinneqartalersimalluni ”akiliisoqarsimannigppat ulluunerani paaqqinniffinnut allaffik nalunaarfigineqassasoq meeraq akiitsoqartoqarnera pissutigalugu anisinneqassasoq”.

B pillugu:

Ulloq 16. juni 2003 aggersarneqarsimagaluarluni takkutinngimmat, ulloq 30. juni 2003 ilanngartuinissamik peqqussut akissarsiat pingajuernerinik piunasaqaateqartoq suliffeqarfianut nassiunneqarpoq akiligassanut kr. 46.012,35 annertussuseqartunut.

Ulloq 03. juli 2003 pineqartoq takkuppooq, piffimmilu januar 2003-miit – juni 2003-mut akiliinngitsoorutaasimasut kr. 6.000,00 karsikkut akilerpai. Isumaqaatigiissullu kr. 1.000 meeqqanut akilersuutitut qaffanneqarpoq kr. 1.500,00-nut. Suliffeqarfianullu ilanngartuinissamik qinnuiginnissut, aammalu ilanngullugu nalunaarutigineqarpoq, siusinnerusukkullu ilanngartuinissamik peqqussut allanngortinneqarpoq.

Takussutissaq nassiunneqarpoq.”

*Tamatuma kingornatigut oqaatigaara:*

*”Suliani inunnut ataasiakkaanut tunngasuni inuit allat pillugit paasisutissat kommunimit titarlugit takuneqarsinnaajunnaarsinneqartarnerat aamma kommunip massakut imminut ”fogedmyndighed”-imik (akiliisitsiniarnermi oqartussaasumik) imminut taasalerneru aallaqqaasiullugu tusaatissatut tiguakka.*

*Maluginiarpara akiitsut naafferartumik akilersorneqarnissaat pillugu immersugassami kommunip massakut atugaani ”akissarsianit isumaqaatigiissutaasumik unerartitsineq” atorneqarunnaarsimasoq, immersugasallu kommunimi sulisunit marlunnit atsiorneqartarnissaa piunasaqaataasoq takusinnaagakku oqaatigalugu tamatuma saniatigut allanik oqaaseqaatissaqanngilanga. Tamanna kommunip iluani malittarisassatigut piunasaqaataappat aatsaat pisariaqartussaavoq.*

*Akiitsoqartup akissarsiaanit pinngitsaaliinikkut naammassinnitsitsisarnermik kommunip periaasianut atatillugu kommuni akivoq eqqartuussisarneq pillugu inatsimmi kapitali 7, § 12 tunngavigalugu ilanngaasseqqusisarneq kommunip massakut atora.*

*Tamanna pillugu oqaatigaara Kalaallit Nunaanni eqqartuussisarneq pillugu inatsit ilanngaassisarneq pillugu malittarisassanik imaqaanngimmat. Ilangaassisarneq akiliisitsiniariaasiuvoq inatsimmik tunngaveqanngitsoq, tassaallunili inatsiseqartitsinermi tunngavinnik nalinginnaasumik tunngaveqarluni pisassarisat marluk erseqqinnerusumik piunasaqaateqarnikkut pisassarisat arlaasa pisassarisat arlaannut (ilanngaatigineqarnerisigut) matussutissanngortinneqartarnerat.*

*Ilanngaassisoqassappat tunngaviusumik piunasaqaataasoq tassaavoq pisassarisat marluusut aappaannik tunniussassaqaartuusoq tassaassasoq pisassarisat arlaannik pisassalik.*

*Kommuni akissarsianit aatsaat ilanngaassisinnaavoq kommuni pisassarisanik akilersinniarneqartussanik pisassarisaqartuuppat, akissarsiaqar-*



*tuusumullu pineqartumut sulisitsisuuppat. Akissarsianit ilanngaassisinnaanermi killilersuutit annertuut atuupput.*

*Eqqartuussisarneq pillugu kapitali 7, § 12-imi akissarsianit unerar-titsineq pinngitsaaliinikkut naammassinnitsitsiniariaasiusoq, eqqartuussi-sarneq pillugu inatsimmik tunngaveqartoq pineqarpoq.*

*Taamaattumik akissarsianit pisassarisanut sammititaasumik pinngit-saaliinikkut naammassinnitsitsiniartarnermi eqqartuussisarneq pillugu inatsimmi kapitali 7, § 12-imi akissarsianit ilanngaassisarneq pillugu malittarisassaq kommunip aallaavigippagu eqqornerpaassasoq isumaqar-punga.*

*Kommuni qinnuigaara tamanna kommunip qanoq iliuuseqarnissaanut pissutissaqalersitsinersoq nalunaarfigeqqullunga.*

*Ulluunerani paaqqinniffimmiittitsinermut akiliutaasoq akilerneqanngip-pat meeqqap paaqqinniffimmit anisinneqarsinnaananut inatsisikkut tun-ngavigisamik apeqqut pillugu oqaatigaara akiitsoqartoqarnera pissutigalugu anisitsisarneq pillugu malittarisassanik Naalakkersuisut aalajanger-saasinnaanerat ulluunerani paaqqinnittarfiit, ulluunerani angerlarsimaf-fimmi paaqqinniffit il.il. pillugit Inatsisartut peqqussutaata allannortin-neqarneranik Inatsisartut peqqussutaanni nr. 4-mi, 12. maj 2005-imeer-sumi § 3, imm. 4-mi oqaaseqaatigiit aappaasigut massakkut tunngavissa-lerneqarsimasoq.*

*Taamaalilluni ulluunerani paaqqinniffimmit pinngitsaaliissummik ani-sitsisarneq pillugu malittarisassat nammineq aalajangersarnissaannut kommuni inatsimmi tunngavissaqanngilaq, taamaattumillu kommuni qin-nuigaara tamanna qanoq iliuuseqarnissamut pissutissaqalersitsinersoq nalunaarfigeqqullunga.*

*B-p sulisitsisuanut akissarsianit unerartitseqqusissutit assigiinnigitsut pillugit apeqqut eqqarsaatigalugu unerartitseqqusissutip kingulliup une-rartitseqqusissut siulleq taarseraa sulisitsisup ilisimatinneqarnermane-ranik kommunip paasissutissiissutigisaa malugaara.*

*Qallunaat meeqqanut akilersuutaasa Kalaallit Nunaanni akilersin-niarneqarnissaannut inatsimmi tunngavigisaaq pillugu ajornartorsiut eq-qarsaatigalugu oqaatigaara suliame kommunimut allakkanni 7. februar 2005-imeersuni innersuussutigisanni Den Sociale Ankestyrelsi suli aala-jangiisimannigitoq takuneqarsinnaasoq."*

Suliaq 4.

Kommunimut 7. februar 2005-imi imatut allappunga:

*"Pinngitsaaliilluni akiliisitsiniartartumi 26. oktober 2001-imi ataatsimiinneq pil-lugu kalaallisut imaqarniliaq suliame allagaatinut ilaavoq, eqqartuussutinillu naam-massitsiniartartooq pillugu oqaatsinik atuineq pillugu aallaqqaasiutitut oqaaseqaa-tikka innersuussutigaaq.*

*Pisortanit ikiorsiissutinik utertitsilluni akiliiumanermik uppernarsaat ulluler-neqarsimannigitoq aamma ilaavoq.*

Allagaatip taassuma naqqissusigaanerani erseerpoq taanna akiliisitsiniartarfimmit 10. maj 2002-mi tiguneqarsimasoq.

Imaattunik assammik allaffigineqarsimavoq: ”Qaammammut 500,- kr. 30/6-2000-imi aallartittumik.” (Atorfeqarfimmi nutsigaavoq)

Utertitsilluni akiliiumanermik uppersaat taanna imaattunik naqeriikkanik oqaasertalersugaavoq:

”Akuersaarpara atukkakka taarsersugassaammata paragrafi tunuani naqitaq naapertorlugu uangalu taarsiumavunga periarfissaq siulleq atorlugu.

Aammattaaq ilisimatinneqarpunga isumaqatigiissut malillugu namineerlunga periarfissaq siulleq atorlugu taarsiingikkuma suliasaq eqqartuussivik aqutigalugu suliarineqartussaammat taamaasillunilu Kalaallit Nunaanni eqqartuussisarnermik inatsisitigut maleruaqqusap kapitali 7-ani, immikkoortoq 1, malillugu pinngitsaaliissummik aningaasat taakkua tiguniarneqalissallutik.”

Pisortanit ikiorsiissutinik utertillugit akilerneqartussanik suliani akiliisitsiniartarfiup pinngitsaaliillunilu akiliisitsiniartartup suliasai eqqarsaatigalugit aallaqqaasiullugu 2002-mi ukiumoortumik nalunaarutinni suliaq 40-1 innersuussutigaaara.

Oqaasertaliussat issuarneqartut eqqarsaatigalugit erseqqissumik oqaatigaara eqqartuussivikkoortumik akiliisitsiniarsinnaanermik paasissutissiissut kukkusumik paasissutissiissutitut isigigiga, tassami pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni nr. 3-mi, 2. maj 1996-imeersumi § 2, 1 tunngavigalugu pisortanit ikiorsiissutinik utertillugit akilerneqartussanik pisortat pisassarisaat eqqartuussisoqariinngikkaluortoq pinngitsaaliinikkut akilersinniarneqarsinnaammata.

Pisassarisaat taamaattut pillugit eqqartuussivikkoortumik suliasanngortitsinissaq aatsaat pisariaqassaaq akerriliissuteqartoqarsimappat, imaluunniit pisassarisaat nalornissutigineqarpata.

Pisuni taamaattuni eqqartuussut politiinit aamma naammassitinniarneqartussaavoq, kommunip pinngitsaaliilluni akiliisitsiniartartuanit naammassisinniarneqarnani, tak. Kalaallit Nunaanni eqqartuussutinik naammassisitsiniartartut pillugit Kalaallit Nunaannut Ministereqarfiup nalunaarutaani nr. 90-imi, 1. marts 1983-imeersumi § 1.”

Kommunip imatut akivaanga:

”Utertitsilluni akiliiumanermik uppersaat naqeriikkanik oqaasertalersugaq allanngortinneqarpoq. Tamannalu aaqqinneqarpoq Isumaginninnermi allaffeqarfik peqatigalugu. Taamatullu piumaffigineqarput siornatigut allagaatip naqeriikkanik allannillit atoqqinneqassanngitsut oqaasertai naapertuukkunnaarsimammata. Takusutissiaq nassiunneqarpoq.”

Immersugassamit assigiiartumik oqaasertalersugaasumit pineqartumit erseerpoq akiliisitsiniarneq pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat nr. 3, 2. maj 1996-imeersoq tunngavigalugu pissasoq, utertitsillunili akiliisussaataitaa-nermut inatsisikkut tunngavisoq suunersoq takuneqarsinnaanani.

*Tamatuma kingortigut oqaatigaara:*

*"Pisortanit ikiorsiissutit utertitassanngortillugit ikiorsiissutigineqarsimasut aqqutigalugit pisassarisanik akiliisitsiniartarneq pillugu suliani paasissutissartalersuisarneq pillugu qulaani ataatsimut oqaaseqaatikka innersuussutigaaakka, suliarli pineqartoq eqqarsaatigalugu annertunerusumik iliuseqaqqissanngilanga."*

Suliaq 5.

Kommunimut 7. februar 2005-imi imatut allappunga:

"K Kommunip ulluunerani paaqqinniffimmut akiliutinik akiliisitsiniaqqusissutaa 26. juni 1995-imeersoq suliami allagaatinut ilaavoq. K Kommunip akiliisitsiniaqqusissummut tunngaviulersuutitut qarasaasiakkut naatsorsukkat 3.520 kr.-nik akilerneqartussanngorsimasunik aningaasartallit nassiussimavai.

K Kommunip akiliutit taakku pinngitsaaliinikkut akilersinniaqqunissaannut pinnaatitaasimanersoq erseqqinnerusumik misissuinissaq pisariaqanngitsutut isigigaluariga oqartussaasut kommuninit allanit akiliisitsiniaqqusissutinik tigusaqarnermut atatillugu misissuinissamut pisussaaffeqarnerannik ataatsimut arlalinnik tunngaviunerusumik oqaaseqaateqarnissannut suliap taassuma pissutissaqalersippaanga.

Eqqartuussisarneq pillugu inatsimmi kapitali 7, § 20-kkut aalajangersarneqarpoq pinngitsaaliinikkut naammassinninnissamik qinnutigisaq najukkami akiligassallip najugarisaani najugaqarfigigallagaaniluunniit eqqartuussutinik naammassinninniaratumut tunniunneqassasoq.

Taamaalilluni pinngitsaaliilluni akiliisitsiniartartup pinnaatitaasup naammassinninnissamut piumasagaataasut eqqortinneqarsimanissaat akisussaaffigaa.

Pisassarisat akilerneqartussanngorsimasut piunissaat, akiligassaqarfigineqartullu angusaqarfiunngitsumik akiliisitsiniarsimagaluarnissaa pinngitsaaliilluni akiliisitsiniartartup qulakkiissagaa tamatuma ilaatigut nassataraa, tak. aallarniutaasumik oqaaseqaatikka.

Pisassarisat piffissaq akilerneqarsimaffissaat malittarisassanit tamanut saqqummiunneqarsimasuni allassimangippat piffissap pisassarisat akilerneqarsimaffissaata suna tunngavigalugu paasineqarsimanera pillugu paasissutissat pissarsiarineqarnissaat pinngitsaaliilluni akiliisitsiniartartup isumagisariaqarpaa.

Akiliisitsiniaqqusissutit pisortani oqartussaasuneersuunerata paasissutissat qulaani taaneqartut pissarsiarineqarnissaasa qulakkeernissaannut pinngitsaaliilluni akiliisitsiniartartop pisussaaffianngilaa.

Kommuni qinnuigaara pinngitsaaliilluni akiliisitsiniartartup pinngitsaaliilluni akiliisitsinialinnginnerani paasissutissat taamaattut qanoq annertutigisumik misissorneqartarnerat pillugu nassuiaateqaqqullugu."

Kommunip imatut akivaanga:

"Suliat ingerlasimanera 1995-imeersoq tusaatissat tiguneqarpoq, aammalu ilanngullugu nalunaarutigissavara pineqartup nammineq akiligassat karsikkut akilersimammagit.

K Kommunip akiliisitsiniartartuisa akiligassat tiguneqartut peqqissaarlutik misissuqqissaartarpaat, akiligassanngoreersimanersut, aammalu nutaannngilisunnginnerut, taamatullu paasissutissat ersarissut ilanngunneqarsimanersut. Suliat akiitsulinut ilisimatitsissutigineqannginnerani."

*Tamatuma kingornatigut oqaatigaara:*

*"Kommunip paasissutissiissuteqarnerata kingornatigut annertunerusumik iliuuseqaqqissanngilanga."*

Suliaq 6.

Kommunimut 7. februar 2005-imi imatut allappunga:

”Ulluunerani paaqqinniffimmut akiliutit pillugit nukingisaarutit allakkat 13. maj 2004-meersut suliami allagaatinut ilaapput, allakkallu taakku akiligassiissut akilernerneqanngippat meeraq aniseqqullugu akiliisitsiniartarfiup ulluunerani paaqqinniffimmut qinnuiginninniarnernik saqqummiussinermik imaqarput.

Meeqqap ulluunerani paaqqinniffimmit anisinnissaanut inatsisitigut tunngavisaq pillugu qulaani oqaaseqaatikka innersuussutigaakka.

Aammattaaq ulluunerani paaqqinniffinnut akiligassiissutit akilersinniarnearnerat eqqarsaatigalugu akiliisitsiniarnernut tunngavisoq pillugu suliami immikkut uppernarsaammik peqanngilaq.

Suliami matuma siuliani tamanna pillugu oqaaseqaatikka innersuussutigaakka.

Unerartitseqqusissut 1. april 2004-mi ullulernerqarsimasoq tulliulluni suliami allagaatinut ilaavoq, taannalu imatut paasineqarsinnaavoq A-p sulisitsisua peqquneqartoq imatut unerartitseqqullugu: ”Akissarsianik tunniussinerni tamani 465,11. Aamma siunissami aalajangersimasumik akissarsiaanit 336,50.” (Atorfeqarfimmi nutsigaavoq)

Kommuni qinnuigineqarpoq issuarneqartut sunarpiaq nassatarineraat taamatullu oqaasertalersuinnermut pissutaasoq nassuiaqqullugit.”

Kommunip imatut akivaanga:

”Qulaani pineqartup akiligassai kt. 10.682,18 pillugit suliffeqarfianut ulloq 09. januar 2004 ilanngartuussinissamik pingajorarnerinik peqqussut nassiunneqarsimavoq.

01. april 2004 telefonikkut qinnuteqarpoq akiitsut sinneri kr. 2.790,68 aalajangersimasumik akissarsinerit tamaasa kr. 465,11 akilersorumallugit, immikkullu meeq-qerivinnut akiliutigisartagaq kr. 336,50 aamma akissarsianik ilanngaassoqqullugu.

Tamanna tunngavigalugu ilanngartuussinissamik qinnuiginnissut ulloq 01. april 2004 suliffeqarfianut nassiunneqarsimavoq.”

*Tamatuma kingornatigut oqaatigaara:*

*"Kommunip paasissutissiissuteqarnerata kingornatigut suliami pineqartumi annertunerusumik iliuuseqaqqissanngilanga, kisianni akissarsianit unerartitsinerup ilanngaassisarnerullu assigiinngissutaat pillugu qulaani oqaaseqaatikka innersuussutigaakka."*

#### **4. Sulianik akiliisitsiniarnernut tunngasunik misissuineq.**

*Kommunimi sulianik akiliisitsiniarnernut tunngasunik misissuereerluni Ombudsmandi isumaqarpoq ataatsimut oqaaseqaatinik kiisalu suliat ataasiakkaat pillugit oqaaseqaatinik saqqummiussi-*

*nissaminut pissutissaqarluni, matumani pisassarisat pisoqalisoorsimasut, akilersuinissamik isumaqatigiissuteqartarnej, akissarsianit unerartitsineq, pinngitsaaliilluni akiliisitsiniarnernut aggeqquisarneq, pinngitsaaliilluni akiliisitsiniarnermik ingerlatsisarneq, allattuisussaataaneq, akiitsoqartoq kommunimut allamut nuussimatillugu akiliisitsiniartarnej, nukingisaarnermi akiliutit pinngitsaaliinikkut akilersinniarnejartarnerat, iluarsaassinermut akiligassiissutinik akiliisitsiniartarnej aamma utertitsilluni akiliisoqarnissaanik piunasaqaatinik aalajangersaanermut inatsisitigut tunngavigisap nalunaarneqartannginera ilanngullugit eqqarsaatigalugit. (J.nr. 11.73.88.73/112-05)*

"...

Ataatsimut.

Pisassarisat pisoqalisoorsimasut.

Ilaatigut ...mik, inuttut normua ..., aggeqquisissummit 13. maj 2005-imi ullulerneqarsimasumit, akiliisitsiniartarfiup akiitsut aggeqquisissummi pineqartut pillugit nassuiaataanik imaqartumit, erserpoq akiliisitsiniartarfiup akiliisitsiniarnermini 1998-imi akileraarutaaqqittussat ilanngussimagai.

Tamatumunnga atatillugu oqaatigaara:

Pisassarisat aningaasaatit pigisallu aningaasanik nalillit pillugit inatsisit assignngitsut Kalaallit Nunaanni atulersitaanissaannik inatsisikkut 104-kkut, 31. marts 1965-imeersuklut pisassarisat ilaasa pisoqalisoortarnerannik inatsimmi nr. 274-imi, 22. december 1908-meersumi §§ 1-imit 3-mut aamma "Danske Lov"-imi aalajangersagaq 5-14-4 Kalaallit Nunaannut atulersinneqarput.

Kommunip pisassarisanik akiliisitsiniarneranut pingaartumik pisassarisat pisoqalisoortarnerat pillugu inatsit 1908-meersoq pisortat pisassarisaasa arlallit ukiut tallimat qaangiunneranni pisoqalisoortarnerannik aalajangersaasuusoq soqutiginaateqarpoq. Taamaalillutik ilaatigut makku pineqarput:

- Akileraarutit akitsuutillu,
- ineqarnermut akiliutitigut pisassarisat allallu
- utertillugit akiligassatigut pisassarisat, taakkunani pisoqalisoorsinnaaneq pillugu apeqqut immikkut inatsisiliornikkut aalajangersaavigineqarsimanngippat,
- isumaqatigiissutit (kontrakter) tunngavigalugit akiliutit,
- isumaqatigiissutaasartunut tunngasut (kontraktforhold) avataatigut taarsiissutitigut pisassarisat.

Pisoqalisoornissamut ukiunik tallimanik piffissaqartitsineq akiitsut akileqquneqarsinnaalerneranni ingerlalersartoq, inatsimmi tassani § 1, imm. 2

tunngavigalugu atorneqassanngilaq, pisassarisat inatsiseqartitsinikkut imikkut tunngavissaq, matumani ilanngullugit eqqarsaatigalugit eqqartuusutit, isumaqatigiissut (forlig) imaluunniit akiitsoqartup akiitsut amerlassusiat pilersimanerallu pillugit allatut allakkatigut paatsoorneqarsinnaanngitsumik nassuerutiginninnera tunngavigalugu pisassarineqalersimasut.

Kommuni pisassarisat pisoqalisoorimasut akileqqullugit piumasaaqateqarsinnaanngilaq.

Inatsimmi § 2-kkut aalajangersarneqarpoq pisoqalisoorinissamut ukiunik tallimanik piffissaqartitsineq taaneqartut uku arlaat atorlugu unitsineqarsinnaasoq:

”Pisoqalisoorinissamut piffissaliussaq sivikillisaq § 1-imi aalajangersarneqartoq piffissamit pisassarisat akileqquneqarsinnaalerfiannit aallartittumik naatsorsorneqartassaaq. Pisassarisat annaaneqassapput pisassarisaqartoq piffissaliunneqartup naannginnerani akiitsullip akiitsuminik nassuerutiginninneranik pissarsisimangippat, imaluunniit akiitsoqartumut eqqartuussivikkoortumik iliuuseqanngippat, taak-kulu isumaqatigiissuteqarnissap (forlig) eqqartuussuteqarnissap imaluunniit eqqartuussivikkut allatut aalajangiisoqarnissaata tungaanut pisariaqanngitsunik kinguar-saanani malersorsimangippagit.” (Atorfeqarfimmi nutsigaavoq)

Aammattaaq suliami ...-mut tunngasumi akiliisitsiniartarfik pisoqali-soorsinnaanermik unitsitsiniarluni iliuuseqarsimanersoq takusinnaanngilara.

Kommuni qinnuigaara oqaaseqaatima kommuni qanoq iliuuseqarnissamut pissutissaqalersinneraat nalunaarfigeqqullunga.

#### Akiliinissamik isumaqatigiissuteqartarneq/akiitsut akuerineqartarnerat:

Aammattaaq maluginiarpara kommunip akilersuinissamik isumaqatigiissuteqarnermi/akiitsut akuerineqarneranni ...-mut, inuttut normua ..., 28. august 2003-mi isumaqatigiissuteqarnermini oqaasertaliussat imaattut ator-simagai:

"Akueraara kommune pisortaniit pisassarisanniit tamanit unerartitsisinnaassasoq. Ilisimavara qulaani allassimasut eqquutitinnikkukkit akiligassama tamakkerlutik, isumaqatigiissuteqarnerup kingorna ernialiunneqartussat ilanngullugit, ingerlaannaq akiligassanngortussaana[t]. Aammalu nalunngilara aningaasat taakku pinngitsaaliinikkut akilersinniarneqarsinnaasut malittarisassat naapertorlugit."

... qanga soraarnerussutisiaqalersimanersoq takusinnaanngilara, K Kommunilu tamanna tunngavigalugu qinnuigaara isumaqatigiissutip pisortanit pensionisiat pillugit Inatsisartut peqqussutaanni § 18-imi aalajangersagaq unioqqutillugu soraarnerussutisiallit soraarnerussutisiaannit qularnaveeqqutitut arsaarinnittoqarsinnaasussaajunnaarlugu allatulluunniit (akissarsianit ilanngaassinikkut) eqqartuussivikkoortumik malersuisoqarsinnaajunnaarlugu oqaasertalersorneqarnissaa kommunip isumaliutersuutigisimane-raa paasissutissiissutigeqqullugu.

### Akissarsianit unerartitsineq.

...-p sulisitsisua kommuni allakkatigut 10. oktober 1995-imeersutigut aamma 10. juni 1998-imeersutigut peqquaa akiitsoqartup akissarsiaasa 1/3-iinut aamma 30%-iinut naapertuuttut unerarteqqullugit. Suliani allani missukkanni sulisitsisut aamma peqquneqartarsimapput akiitsoqartup akissarsiaasa 33,33%-ii unerarteqqullugit.

Kommuni nammineq sulisitsisuunngikkaangat akissarsianit unerartitseqqusinermit immersugassaq assigiissaartunik oqaasertalersugaasoq kommunip sulisitsisunut atortarpaa (assersuutigalugu ..., inuttut normua ..., ... ApS pillugu suliat takukkit).

Immersugassami eqqartuussisarneq pillugu inatsit, aningaasarsianit akileraarutit pillugit inatsit imaluunniit qamutitut motorilinnut akitsuutit pillugit Inatsisartut inatsisaat tunngavigalugu akissarsianit unerartitsineq pineqarnerisik krydsiliisoqartussaavoq.

Aningaasat akissarsianit unerartinneqartussat amerlassusii suliani allanngorarpud. Assersuutigalugu aningaasat amerlassusii akiitsoqartumut namminermit isumaqatigiissutigineqarsimasinnaappud imaluunniit 30%-init 33,33%-inut allanngorarsinnaallutik.

Eqqartuussisarneq pillugu inatsimmi (Kalaallit Nunaanni eqqartuussisarnermik inatsisunik nalunaarummi nr. 99-imi, 21. marts 1984-imeersumi) kapitali 7, § 12, imm. 2-mit erserpoq:

"Akileraarutip tigoreertakkap ilanngaatigereerneratigut akiligassallip pisassaasa aggornerisa pingajuannit annerusumik ilanngartuisoqarsinnaanngilaq".

Aalajangersagaq taanna imatut paasineqassanngilaq pisuni tamani pingajorarterutit tikillugit ilanngaassisoqarsinnaasoq. Aalajangersagaq taanna tamatuma paarlattora, tassalu annertunerpaaffissaliineq pillugu malittarisassamik oqariartuuteqartoq. Taamaattumik akiitsoqartup ataatsimut aningaasaqarnera (isertitat aningaasartuutillu) pisut ataasiakkaarlugit immikkut naliliiffigineqartassaaq, aningaasat qanoq amerlatigisut (annerterpaamik pingajorarterutit ataatsit) akiitsoqartup qaammatit tamaasa akissarsiaminit naleqquttumik pinngitsoorsinnaanera naliliiffiginiarlugu. Ilaatigut 2003-mi ukiumoortumik nalunaarutima kalaallisuuani qupperneq 444 tullialu, qallunaatuuanilu qupperneq 350 tullialu innersuussutigaaq.

Kommuni qinnuigaara oqaaseqaatima kommuni qanoq iliuuseqarnissamut pissutissaqalersinnaat nalunaarutigeqqullugu.

### Aggeqqusissutit.

Oqaatigaara oqaaseqaatinni 2001-imi ukiumoortumik nalunaarutinni naqinneqartumi oqaatigigiga akiitsulinnut aggeqquneqaraluarlutik ornigutin-



ngitsoortunut akissarsianit unerartitsineq pinngitsaaliilluni akiliisitsiniartartup pinngitsaaliinermi sakkutut atorsinnaangikkaa. Suliami tunngavilersuutiga ukiumoortumik nalunaarutip taaneqatup kalaallisuuani qupperneq 179-imi tulliiniilu, qallunaatuuanilu qupperneq 139-imi tulliiniilu erseqqinnerusumik atuaruk.

Uanga paasinninnera unaavoq akiitsoqartoq akiliisitsiniartarfimmit nukingisaarneqaraluarluni pinngitsaaliillunilu akiliisitsiniartartumit aggeqquneqaraluarluni qisuariangitsoq akissarsianit unerartitsisoqassappat manna piunasaqaataasariaqartoq, tassalu akiitsoqartup akissarsiai aningaasaqarnermullu tunngasut allat pinngitsaaliilluni akiliisitsiniartartup suliamik suliarinninnermi tunngaviutinniagai pinngitsaaliilluni akiliisitsiniartartup akiitsoqartumut ilisimatitsissutigisimassagai, taamatuttaarlu akiitsoqartoq kaammatorneqassalluni paasissutissat pineqartut pillugit oqaaseqaatissaqarnerluni nalunaaruteqaqqullugu.

Matumani suliap naammattumik paasissutissartalersorneqarnissaanut pinngitsaaliilluni akiliisitsiniartartup ingerlatsinermi oqartussaasutut pisussaaffeqarnera innersuussutigaa.

K Kommuni qinnuigaara tamanna pillugu oqaaseqaatiminik saqqummiusseqqullugu.

#### Akiliisitsiniartarnerni oqaatsit atorneqartut allattuisussaataanerlu.

Sulianit ataasiakkaanit erserpoq kommuni akiliisitsiniaraangami immi-nut "fogedret"-imik taasarsimasoq.

Taaguut "fogedret" akiitsoqartumut (allanullu) isumaqalersitsisinaavoq suliaq eqqartuussivimmi suliarineqarsimasoq, tamannalu eqqunngilaq, tassami pinngitsaaliillutik akiliisitsiniartartut eqqartuussiviunngimmata, tassaallutilli kommunip ataani allaffissornikkut aqutsinermi ingerlataqarfii, tak. eqqartuussisarneq pillugu inatsimmi kapitali 7, § 19, imm. 1. Aammattaq pineqartoq tassaavoq eqqartuussisarneq pillugu inatsimmi tunngavigineqarmat Kalaallit Nunaanni akiliisitsiniartartut sulianik eqqartuussiviit sinnerlugit aqutsisuunngitsut, tassami pinngitsaaliinikkut naammassinniniarneq Kalaallit Nunaanni inatsiseqartitsinermi eqqartuussiviit suliasarinngimmassuk.

Tamatunngali peqatigitillugu pineqartoq tassaavoq eqqartuussisarneq pillugu inatsisip kalaallisuuani "fogedmyndighed"-ip tassaatinneqarnera "eqqartuussutinik naammassisitsiniartartut", taaguutillu taassuma allakkani kalaallisut oqaasertalersugaasuni taamatut atorneqarnera soorunalimi eqqortuuvuq.

Kalaallisut taaguut taanna imatut isumaqalersitsisinaagaluortoq, tassalu pinngitsaaliilluni akiliisitsiniartartuq eqqartuussiviit suliassaataannik suliaqartartoq, isumaqarpunga kommunip allakkani qallunaatut oqaasertalersugaasuni taaguut "pantefoged" imaluunniit "fogedmyndighed" atortariaqaraa, taaguut "fogedret" atornagu.

Allakkani assiigiissaartunik oqaasertalersugaasuni akiliisitsiniarneq ingerlanneqartillugu ilisimannittunik najuuttoqqarnissaa tunngavigineqarpoq.

Tamanna uanga paasinninnera malillugu pisariaqartuunngilaq, tassami suliap naammattumik paasissutissartalersorneqarnissaanik kommunip pi-sussaafeqarnera allakkatigoortitsisarnermik tunngaveqarmat.

Suliat pinngitsaaliissummik naammassisitsiniarnermut tunngasut pinngitsaaliilluni akiliisitsiniartartup akiitsoqartullu ataatsimiinneratigut (pinngitsaaliilluni akiliisitsiniarnerut taaneqartartukkut) aalajangiiffigineqartarnissaat tunngavigineqarmat tamatumani allakkatigoortitsisarnermik tunngavik saneqqunneqarsinnaanngilaq, pinngitsaaliillunilu akiliisitsiniartartup ataatsimiinnermi pisut pillugit paasissutissiisussaatitaanini allattuisussaatitaanikkut eqqortittussaavaa, tak. pisortat ingerlatsinerat pillugu paasitinneqarsinnaatitaaneq pillugu inatsimmi § 6, imm. 1, imaattunik oqaaser-taartoq:

"Suliassani ingerlatsineranut oqartussaasunit aalajangiiffigineqartussani oqartus-saq paasissutissanik suliassanut tunngassuteqarlunnartumik suliassap aalajangiiffigineqarnissaanut pingaaruteqartunik oqaasiinnakkut pissarsisoq, paasissutissanil-luunniit taamaattunik allatut iliorluni paasisaqartoq paasissutissat taakku imaat pillugit allakkiussaaq. Taamaattorli paasissutissat taakku suliassap allakkiartaasa ilaanni takuneqarsinnaappata tamanna atuutinngilaq."

Kommuni qinnuigaara qulaani taaneqartut pillugit oqaaseqaateqaqqul-lugu.

#### Akiitsoqartoq kommunimut allamut nuussimappat akiliisitsiniarneq.

2003-mi oqaaseqaammi kommunimut inassuteqaatigaara kommunip pineqartup kommunimut allamut akiliisitsiniaqqusissutini utertissagaa. 2003-mi ukiumoortumik nalunaarutima kalaallisuuani quppernerup 452-ip aallaqqaataani qallunaatuaanilu quppernerup 356-ip aallaqqaataani tunngavilersuutikka erseqqinnerusumik atuakkit.

Pisassat akileqquneqartarnerannik akiliisitsiniartarnermillu kommunit suleqatigiinnerat pillugu Inatsisartut inatsisaatigut nr. 4-kkut, 12. maj 2005-imeersukkut, 1. juli 2005-imi atortuulersukkut, kommunip pisuni arlalinni pisassarisanik kommunimut allamut akiligassiisitsinissamut akiliisitsiniar-nissamullu piginnaatitsisinnaaneranut inatsisikkut tunngavissaq atulersin-neqarpoq.

Suliassat Inatsisartut inatsisaat taanna tunngavigalugu kommunimut al-lamut isumagisassanngortinneqarsinnaasut Inatsisartut peqqussutaanni tas-sani § 1 piareersarlugu suliani makkuusut oqaatigineqarpoq:

"Akiligassiisutit sulluunniit kommunalbestyrelsip akiligassiisutigisinnaallu-gillu akilersinniarsinnaasamisut piginnaatitaaffigisai tamarmik suliakkiisutigine-qarsinnaapput. Suleqatigiinnissamik isumaqatigiisutit nalinginnaasut imaluunniit

akiliisitsiniarnermik suliasat ataasiakkaaginnaat isumaqatigiissutigineqarsinnaapput. Aammattaaq kommunalbestyrelsit akiligassiisarnissamik akiliisitsiniartarnissamillu suliasanik imminnut suliakkertarsinnaapput.

Akiligassiisarnermik suliaqarneq tassaavoq innuttaasunut suliffeqarfinnullu akiligassiisutiniq akiligassanillu il.il. nassiussuineq akiliinerlu piffissaritap iluani piner-soq pillugu nakkutilliineq kiisalu kingusinnerusukkut pisariaqassappat akileeqqusil-luni allakkanik nassiussuineq. Tassa imaappoq akiligassiisarnermik suliaqarneq tassaavoq ingerlatsineq kommunit, kommunalbestyrelsit nunaqarfinnilu aqutsisut pillugit Inatsisartut inatsisaanni (aqutsinermut inatsimmi) malillugu maannamut isumaqatigiissutigisinnaasaat. Siunnersuutip matuma Akileraartarnermi Pisortaqarfimmut suliakkiisummik ingerlatsisoqarsinnaanerannittaag ilaqartinneqarluni.

Akiliisitsiniartarneq tassaavoq akiligassat pisassarineqartut akilerneqarnissaat siunertaralugu pinngitsaaliissutiniq aamma nammineq piumasutsimik tunngaveqarluni akilersuinissamik aqqiussuissinermik inatsisini aalajangersarneqartunik akiitsoqartup tungaanut atuineq. Pinngitsaaliissutit ilaatigut tassaapput aningaasarsianit unerartitsineq, ilanngartuineq, akiliisinnaajunnaartutut nalunaarutiginnissummik tunniussineq kiisalu akiitsoqartumut piunasaqaatinik assigiinngitsunik, soorlu akiitsoqartup aningaasarsiornikkut inuttullu atugarisai pillugit paasisutissanik piunasaqarneq. Oqartussaasutut pisinnaatitaaffik taanna inatsisissatut siunnersuutikkut matumuuna kommunalbestyrelsimut allamut imaluunniit Akileraartarnermut Pisortaqarfimmut tunniunneqarsinnaalissaaq.

Arsaarinninnermik suliaqarneq akiliisitsiniartartumit isumagineqartoq kommunimi akiliisitsiniartarnermik sulinerlut ilaavoq, taamaattumillu aamma suliakkiisutigineqarsinnaalluni. Arsaarinninnermilli suliaqarneq allaffissornikkut pinnani eqqartuussisutigoortumik pisinnaatitaaffiuvoq, akiliisitsiniartartullu taanna malillugu suliaa pillugu eqqartuussisunut naammagittaalliuutit kredsrettimit naliliivigineqartarput."

Pisut akiliisitsiniarnerup kommunimit ingerlanneqarsinnaanatik politii-nilli ingerlanneqartussaaffii pineqartunut aamma ilaatinneqarnersut Inatsisartut peqqussutaanni tassani takuneqarsinnaanngilaq, taamatuttaarlu eqqartuussivikkoortumik suliaasiisuteqarnissaq (sulianik ingerlatsinissamut pisinnaatitsissutitut) kommunip pineqartup kommunimut allamut isumaqatigiissuteqarsinnaanerannut inatsisikkut tunngavissaq pineqartunut aamma ilaatinneqarnersoq Inatsisartut peqqussutaanni tassani takuneqarsinnaanngilaq.

Inatsit piareersarlugu suliani qularnaveeqqutitut arsaarinnittarneq pillugu oqaatigineqartut eqqartuussisarneq pillugu inatsimmut naapertuut-tuunnginnerat aamma pineqarpoq.

Apeqqutit nalornisoorutaasutut taaneqartut tunngavigalugit Akileraartarnermi Pisortaqarfik qinnuigisimavara taakku pillugit oqaaseqaateqaq-qullugu. Akissut tiguneqariarpat kommunip pineqartup kommunimi alla eqqartuussivikkoortumik suliaasiisuteqarnermi ikiuteqqullugu qinnuigisinnaaneraa politiiillu aqutugalugit pinngitsaaliisummik akiliisitsiniaqqusinnaaneraa isummerfiginiarpara.

Taamaattorli akiligassiisarnermi akiliisitsiniarnermilu suliasanik kommunip allamut isumaginnittussanngortitsinnaanerannut atatillugu pinngitsoorani pineqartoq tassaavoq tamanna eqqartuussisarneq pillugu inatsisip

atuuffiata avataatigut Inatsisartut inatsisaat taaneqartoq tunngavigalugu atorneqassappat kommunit pineqartut suleqatigiinnissamik isumaqatigisutaat Akileraartarnermi Pisorta qarfirmmit akuerisaasup piunasaqaataanera.

Suliat ataasiakkaat.

... - inuttut normua ....

Suliami allagaatinut ilaapput pinngitsaaliilluni akiliisitsiniarneq nr. 102/98 pillugu allakkiaq 23. marts 1998-imeersoq aamma qularnaveeqqutitut arsaarinnineq nr. 72/2000 pillugu allakkiaq 4. august 2000-imeersoq.

Taaguut "fogedmyndighed" aamma allattuisussaataaneq pillugit ataatsimut oqaaseqaatikka innersuussutigaa.

Tulliulluni ilaavoq Nukissiorfiit innaallagissamut imermullu akiitsunik 483,65 kr.-nik aamma nukingisaarinermi akiliutinik 120 kr.-nik akiliisitsiniaqqusissutaat 20. september 1999-imeersoq.

Oqaatigaara ilaatigut innaallagissamut imermullu akiliutit eqqartuussisoqariinngikkaluartoq pinngitsaaliissummik akilersinniarneqarsinnaasut, tak. eqqartuussisarneq pillugu inatsimmi kapitali 7, § 1, imm. 2-mi nr. 2.

Tamatumali paarlattuanik nukingisaarinermit akiliutit pinngitsaaliissummik akilersinniarnissaannut inatsisikkut tunngavissaqanngilaq.

Nukissiorfiit akiliisitsiniaqqusissutaat kommunip qanoq iliorluni malitseqartitsivigisimaneraa suliami takuneqarsinnaanngimmat kommuni qinuigaara tamanna pillugu nassuiaateqaqqullugu.

Suliami aamma ilaavoq pisortanit ikiorsiissutinik utertitassanngortitanik ikiorserneqarsimanerminik uppenarsaalluni ...-p atsiugaa.

Tassani pineqartoq tassaavoq immersugassaq naqeriigaaq, ingerlatsiviullu tassani nalunaartussaallugu utertitsilluni akiliinissami piunasaqaataasut pisortanit ikiorsiissutit pillugit Inatsisartut peqqussutaanni § 10, imm. 1.-imik, 2.-mik, 3.-mik 4.-milluunniit tunngaveqarnerisut.

Taamatut nalunaaqutsiisoqarsimanngilaq, taamaalillunilu suliami akiliisitsiniarnermut tunngasumi paasissutissiissutigineqarsimanani aningaasat utertillugit akileqqunissaannut suna inatsisikkut tunngavigineqarnerisut.

Pisortanit ikiorsiissutit utertillugit akileqqunissaannut inatsisikkut tunngavigisaq erseqqissumik nalornissutigineqarpat utertitsilluni akiliisitsiniaqqusissut pinngitsaaliilluni akiliisitsiniartartumit naammassineqarsinnaanngilaq, akiliisitsiniaqqusissullu pinngitsaaliilluni akiliisitsiniartartup amerlanerusunik paasissutisseqqusilluni isumaginninnermik ingerlatsivimmut utertittariaqarpaa.

Suliami akiliisitsiniarnermut tunngasumi tassani utertitsilluni akiliimanerminik uppenarsaat taanna akiliisitsiniartarfiup qanoq iliorluni suliarisimaneraa takuneqarsinnaanngilaq.

Kommuni qinnuigaara suliaq taanna aamma isumaginninnermi ikiorsiisutunik utertillugit akilerneqartussanik pinngitsaalilluni akiliisitsiniartarneq pillugu ataatsimut oqaaseqaatikka pillugit oqaaseqaateqaqqullugu.

Tulliulluni ilaavoq A/S Inissiaatileqatigiiffik INI-p akiliisitsiniaqqusisutaa 18. oktober 1999-imi ullulernerqarsimasoq.

Inissiaatileqatigiiffiup konto pillugu takussutissiaq tunngavigalugu akiit-sut 308,21 kr.-t akilersinniaqqusimavai. Aningaasat taakku akiligassiisutit akiliisimanerillu suliarineqarnerisa inerneraat, taakkunanilu iluarsaassiner-mut akiligassiisut aamma ilaavoq.

Tamanna pillugu oqaatigaara ineqarnermut akiliutinut aamma kiammik atuinermut akiliutinut akiitsut kommunip eqqartuussisarneq pillugu inat-simmi kapitali 7, § 1, imm. 2-mi nr. 2 tunngavigalugu pinngitsaaliinikkut akilersinniarsinnaagai.

Iluarsaassinermulli akiligassiisutit pinngitsaalilluni akiliisitsiniartartup akilersinniarsinnaanngilai.

Kommuni konto pillugu takussutissiaq tunngavigalugu akiliisitsiniaq-quneqarluni qinnuigineqaruni konto pillugu takussutissiaq tunngavigalugu akilersinniarneqartut tamarmik pinngitsaaliilluni akiliisitsiniartartumit pinngitsaaliissummik akilersinniarneqarsinnaanersut kommunip qulakkiissa-vaa.

Taamaanngippat konto pillugu takussutissiaq tunngavigalugu pinngit-saaliissummik akiliisitsiniarnissaq kommunip itigartitsissutigisariaqarpaa.

Kommuni qinnuigaara qulaani taaneqartut pillugit oqaaseqaateqaqqul-lugu.

Aamma ilaavoq pinngitsaaliilluni akiliisitsiniartartup ...-mik aggeqqu-sissutaa.

Tassani oqaatigineqarpoq aggeqqusineq akiitsunik suuneri erseqqin-nerusumik taaneqarsimanngitsunik katillugit 5.468,12 kr.-nik pissuteqar-toq.

Oqaatigaara eqqartuussisarneq pillugu inatsimmi kapitali 7, § 21, imm. 2-mi malittarisassaq pinngitsaaliilluni akiliisitsiniartartup akiitsoqartumik aggeqqusinissamut inatsisikkut tunngavigisaa tassaammat suliamik paasis-sutissartalersuinissamut pinngitsaaliilluni akiliisitsiniartartup pisussaaffigi-saanut innuttaasup peqataanissaa pillugu malittarisassaq.

Malittarisassaq taamaattoq siunertani (suliamik akiliisitsiniarnermut tunngasumik paasissutissartalersuineq) malillugu atorneqarsinnaassappat akiitsoqartoq aggeqquneqartoq pinngitsaaliilluni akiliisitsiniartartup akiit-sunik sunik akiliisitsiniarnera pillugu pinngitsoorani ilisimatinneqartaria-qarpoq.

Pinngitsaaliilluni akiliisitsiniartartooq taamaalilluni akiitsoqartumik aggeqqusinissaminut inatsisikkut tunngavissaqanngilaq, akiitsut suut pine-qartut aggeqqusissummi erseqqissumik oqaatigineqanngippata. 2003-imi ukiumoortumik nalunaarutima kalaallisuuani qupperneq 353 aamma qallu-naatuuani qupperneq 448 tullialu aamma innersuussutigaaq.

Kommuni qinnuigaara tamanna pillugu oqaaseqaateqaqqullugu.

Aggeqqusisummit aamma erserpoq akiitsoqartup takkutinnitsoornera pinngitsaaliilluni akiliisitsiniartartup akissarsianit unerartitsinermik aallartitsineranik nassataqassasoq. Qulaani ataatsimut oqaaseqaatikka tamatumunnga atatillugu innersuussutigaaqka.

... - inuttut normua ....

Suliami allagaatinut ilaapput kommunip ...-mut allagai 11. december 2003-meersut, kommunillu allakkani taakkunani nalunaarutigalugu akiitsut erseqqinnerusumik taaneqartut naatsorsuutitigut isumakkeerneqarsimasut, aningaasalli taakku ...-p sulii akiligassarigai.

Oqaatigaara suliasat suliarineqartarnerat pillugu inatsimmi § 7, imm. 1-ikkut aalajangersarneqarmat ingerlatsinermi oqartussaasup inuit oqartussaaffigisaminut tunngasut pillugit apeqquteqarlutik saaffiginnittut pisariaqarneratut annertutigisumik ilitsersorlugillu ikiortassagai.

Ilitsersuinissamat pissaaffimmi tassani innuttaasup pisoq innuttaasup ilitsersorneqarnissamik toqqartumik toqqanngikkaluartumilluunniit qinnuteqarfigisaa, oqartussaasulli innuttaasumut attaveqarfigisaa innuttaasulli ilitsersorneqarnissaata pissusissamisoortutut pisariaqartutullu isikkoqarfia, pineqartunut aamma ilaatinneqarmat.

Oqartussaasup innuttaasumut ilitsersuineri inatsisilerinikkut eqqortuusaaq, imalu annertutigalunilu immikkuualuttulersugaatigissalluni taamaaliornikkut paasitinneqarnissamik pisariaqartitsineq naammaginartumik matussutissinneqarsimassalluni.

Uanga paasinninnera malillugu tamatuma nassataraa innuttaasup kommunimut akiitsuisa naatsorsuutitigut isumakkeerneqarnerannik innuttaasumut ilitsersuineq isumakkerinnissimaneq pineqartoq pillugu tunngavilersuummik aamma imaqartariaqartoq.

Taamaalilluni pineqartoq tassaavoq pisassarisaat atorunnaarnerat pissutigalugu akiitsut isumakkeerneqarpata, assersuutigalugu pisoqalisoorneq imaluunniit kommunip ilatsiinnarsimanera pissutigalugu pisassarisaat annaaneqarsimappata akiitsut akilerneqarnissaat kommunip piimasaqaatigisinnaanngikkaa, aamma tak. pisoqalisoorarneq pillugu aallarniutaa-sumik oqaaseqaatikka.

Kommunip innuttaasumit pisassarisai aatsaat piuppata, isumakkeerininnerlu naatsorsuuserinermut tunngasumik taamaallaat siunertaqarpat kommunip kingusinnerusukkut akiliisitsiniarsinnaanini oqaatigisinnaavaa.

Naatsorsuutitigut isumakkeerininneq allatut oqaatigalugu kommunip pisassarisaasa piunerat pillugu apeqqummut immikkut sunniuteqanngilaq.

Kommuni qinnuigaara oqaatigineqartut pillugit oqaaseqaateqaqqullugu, kommunilu tamatumunnga atatillugu aamma qinnuigaara ...-p akiitsuisa naatsorsuutitigut isumakkeerneqarnerannut tunuliaqutaasoq pillugu nasuiaateqaqqullugu.

...

... - inuttut normua ...

Suliami allagaatinit erserpoq ... soraarnerussutisiaqartuusoq. Aammattaaq suliamit erserpoq ... soraarnerussutisiami saniatigut sulinermigut isertitaqartartoq.

Pisortanit pensionisiat pillugit Inatsisartut peqqussutaanni nr. 9-mi, 15. april 2003-meersuni § 18-imit makku erserput:

”§ 18. Pisortanit pensionisiat arsaarinnissutitut akiliutigittinneqarsinnaanngillat allatulluunniit eqqartuussivitsigoortumik suliaassiissuteqarnermi tunngavigineqartussaanaatik. Taamatut isumaqatigiissuteqarnerit atortussaassuseqanngillat.”

Peqqussutissatut siunnersuummi oqaaseqaatit imaattut aalajangersakkamut tassunga atatinneqarput:

”Aalajangersakkap isumannaassavaa pensionisianut, pensionisiallip pilersornissaminut tunngavigisaanut, eqqunngitsumik akuleruttoqannginnissaa.”

K Kommuni qinnuigaara kommuni soraarnerussutisiallit soraarnerussutisiaannit ilanngaassisarnerisoq paasissutissiissutigeqqullugu.

... - inuttut normua ...

Suliami allagaatinut ilaapput suliamut ilanngussat ullui malillugit ilioarneqarsimasut.

Suliami allagaatinit erserpoq K Kommuni ...-mit pisassarisani 1.331.61 kr.-t pillugit eqqartuussummik 6. august 2002-meersumik pissarsisimasoq. Aammattaaq suliamit erserpoq ... K2 Kommunimut nuussimasoq, K Kommunillu K2 Kommuni tamatuma kingornatigut aningaasat akilersinniarneqarnerat ingerlateqqullugu 29. juli 2005-imi qinnuigisimagaa.

Akiitsoqartoq kommunimut allamut nuussimatillugu akiliisitsiniartarneq pillugu ataatsimut qulaani oqaaseqaatika innersuussutigaa.

Kommuni aammattaaq qinnuigineqarpoq aningaasat politiitigut akilersinniarneqarnissaat kommunip isumaliutersuutigisimaneraa nalunaarutigeqqullugu.

... - inuttut normua ...

Suliami allagaatinut ilaapput suliamut ilanngussat ullui malillugit ilioarneqarsimasut. Taamatuttaaq malugaara sulisitsisoq akissarsianit uneraritseqqullugu kommunip peqqusissuteqarsimanera kommunip akiitsoqartumut nalunaarutigisimagaa.



Taamatutaaq suliame ...-p akiliisinniarneqarneranut tunngasumi ungalu-liussami allami ilaapput suliame allagaatit nuliaasumut ...-mut, inuttut normua ..., tunngasut.

Tamatumunnga atatillugu oqaatigaara inunnik nalunaarsuisarneq pillugu nalunaarummi Kalaallit Nunaannut atuuttumi nr. 588-imi, 10. august 1998-imeersumi § 22, imm. 1-ikkut 2-kkullu aalajangersarneqarpoq aallaavik tassaasoq inummik kinaassusersiniarneq inuup taassuma pineqartup normua atorlugu pisassasoq.

Aalajangersagaq taanna imaattunik oqaasertaqarpoq:

"§ 22. Pisortaqarfiit inuup normuanik kiussusersiniutitut imaluunniit journalnormutut atuisinnaapput pisortap susassaqartup suliassanik isumaginninneranut atatillugu.

Imm. 2. Inunnik ataasiakkaanik kinaassusersiueqartassassa pineqartup inuttut normua tunngavigalugu. Pisortat ingerlatsiveqarfianni pisariaqarpat inunnik arlalinnik suliassamut ataatsiusumut ilanngussuinissaq taava pisortat namminneq aalajangiiffigissavaat suliassaqarfiup iluani nalunaarsuinissap naleqqunnerpaap qanoq aaqqissuunneqarnissaa. Aaqqissuussinerme ilaatigut naligiissitaanermut tunngassutillit pingaartinneqartassapput."

Kommuni qinnuigaara aapparit avissimappata suliame aappariinnut tunngasut qanoq iliorluni avissaartinneqartarnersut nalunaarutigeqqullugu.

#### Suliffeqarfiit.

...

... - sulisitsisutut normua ...

Suliame allagaatinut ilaavoq kommunip eqqaavianik atuinermit ...-mut akiligassiissut nr. ..., 8. november 2004-meersoq. Akiligassiissut taanna ...-p kommunimi sullitatut normua atorlugu nassiunneqarsimavoq.

Akiligassaqartoq immikkoortutut nammieersinnaassuseqartutut inatsisilerinerme isigineqarsinnaappat, assersuutigalugu aktiaateqarluni ingerlatseqaatigiiffiuppat, kommunip pisassarisani ingerlatseqaatigiiffimmik piginneqataasunit akilersinniarsinnaanngilai, tak. aktiaateqarluni ingerlatseqaatigiiffiit (aktieselskaber) pillugit inatsimmi § 1, imm. 2.

Kommuni tamanna tunngavigalugu qinnuigaara akiligassiissut ...-mut nassiunneqarsimasoq pillugu oqaaseqaateqaqqullugu.

Akileraartarnerme Pisortaqarfik allakkani 5. december 2005-imi qinnuigaara pisassarisat akiligassiissutigineqartarnerat akilersinniarneqartarnerallu pillugit kommunit suleqaatigiinneranni ajornartorsiutit ilaat kommunimi tikeraarninni malugisakka pillugit oqaaseqaateqaqqullugu, imatullu allappunga:

"K Kommunimi 2005-imi ...-mi tikeraarninnut atatillugu kommunimi sulianik akiliisitsiniarnermut tunngasunik tigugulaaralunga misissuivunga.

Misissuinermi tassani paasinarsivoq akiliisitsiniarnermi suliasat kommunip pisuni arlalinni kommuninut allanut nassiuttarsimagai, taamatuttaarlu K Kommunip pisuni allani kommunit allat qinnuigisarsimagai kommuni sinnerlugu akiliisitsiniaqqullugu.

Pineqartut ilaatigut tassaapput suliat eqqartuussisoqareersimatinnagu akilersinni-arneqarsinnangitsut, suliallu politiit akiliisitsiniarnissamut pisinnaatitaanermik tigungmisaqarfigisaat.

Isumaqarpunga eqqartuussivitsigut suliassiissuteqartarneq aamma akiliisitsiniaqqusissutinik politiinut nassiussisarneq tassaasut suliasat kommuninut allanut pisassat akileqquneqartarnerannik akiliisitsiniartarnermillu kommunit suleqatigiinnerat pillugu Inatsisartut inatsisaat nr. 4, 12. maj 2005-imeersoq tunngavigalugu kommuninut allanut isumagisassanngortinneqarsinnaanerat nalornitartortaartoq.

Inatsisartut inatsisaanni tassani § 1, imm. 1-ikkut aalajangersarneqarpoq kommunit akunnerminni isumaqatigiissutaat "akiligassiisarnermut" aamma "akiliisitsiniartarnermut" tunngatinneqarsinnaasut.

Suliasat taakku inatsisissatut siunnersuut pillugu oqaaseqaatini imatut allaaserineqarsimapput:

"Akiligassiissutit suulluunniit kommunalbestyrelsip akiligassiissutigisinnaallugillu akilersinniarsinnaasamisut piginnaatitaaffigisai tamarmik suliakkiissutigineqarsinnaapput. Suleqatigiinnissamik isumaqatigiissutit nalinginnaasut imaluunniit akiliisitsiniarnermik suliasat ataasiakkaaginnaat isumaqatigiissutigineqarsinnaapput. Aammattaaq kommunalbestyrelsit akiligassiisarnissamik akiliisitsiniartarnissamillu suliasanik imminnut suliakkertarsinnaapput.

Akiligassiisarnermik suliaqarneq tassaavoq innuttaasunut suliffeqarfinnullu akiligassiissutinik akiligassanillu il.il. nassiussuineq akiliinerlu piffissaritam iluani pinersooq pillugu nakkutilliineq kiisalu kingusinnerusukku pisariaqassappat akileeqqusiluni allakkanik nassiussuineq. Tassa imaappoq akiligassiisarnermik suliaqarneq tassaavoq ingerlatsineq kommunit, kommunalbestyrelsit nunaqarfinnilu aqutsisut pillugit Inatsisartut inatsisaanni (aqutsinermut inatsimmi) malillugu maannamut isumaqatigiissutigisinnaasaat. Siunnersuutip matuma Akileraartarnermi Pisortaqarfimmut suliakkiissummik ingerlatsisoqarsinnaanerannitaaq ilaqartinneqarluni.

Akiliisitsiniartarneq tassaavoq akiligassat pisassarineqartut akilerneqarnissaat siunertarlugu pinngitsaaliissutinik aamma nammineq piumassutsimik tunngaveqarluni akilersuinissamik aaqqiussuussinermik inatsisini aalajangersarneqartunik akiitsoqartup tungaanut atuneq. Pinngitsaaliissutit ilaatigut tassaapput aningaasarsianit unerartitsineq, ilanngartuineq, akiliisinnaajunnaartutut nalunaarutiginnissummik tunniussineq kiisalu akiitsoqartumut piumasaqaatinik assigiinngitsunik, soorlu akiitsoqartup aningaasarsiornikkut inuttullu atugarisai pillugit paasisutissanik piumasaqarneq. Oqartussaasutut pisinnaatitaaffik taanna inatsisissatut siunnersuutikkut matumuuna kommunalbestyrelsimut allamut imaluunniit Akileraartarnermi Pisortaqarfimmut tunniunneqarsinnaalissaaq.

Arsaarinninnermik suliaqarneq akiliisitsiniartartumit isumagineqartoq kommunimi akiliisitsiniartarnermik sulinermut ilaavoq, taamaattumillu aamma suliakkiissutigineqarsinnaalluni. Arsaarinninnermilli suliaqarneq allaffissornikkut pinnani eqqartuussisutigoortumik pisinnaatitaaffiuvoq, akiliisitsiniartartullu taanna malillugu suliaa pillugu eqqartuussisunut naammagittaalliuutit kredsrettimit naliliivigineqartarput."

Taassuminnga paasinneqqaarnera unaavoq kommunit suleqatigiinnerat Inatsisartut inatsisaatigut tassuuna tunngavissinneqartoq tassaasoq pisassarisanik kommunit suliaaqaarfiisa iluanneereersunik akiligassiisarneq akiliisitsiniartarnerlu pillugit suliat suliarineqartarnerat pillugu suleqatigiinneq.

Kommuni eqqartuussivikkoortitsinermi sinniisuusinnaasup suliaasaanik kommuni alla sinnerlugu tiguisinnaassasoq, imaluunniit kommuni akiliisitsiniarnermik politiitit isumagineqartussamik kommuni alla "akunermiliuttoralugu" ingerlatsinnaassasoq tamatuma paarlattuanik inatsisip oqaasertaanit imaluunniit inatsit piareersarlugu sulianit ersersorinangilaq.

Akilerartarnermi Pisortaqarfik tamatumunnga atatillugu qinnuigaara kommunip periaasia pillugu inaarutaasumik isumminnginninni qulaani taaneqartut pillugit oqaaseqaateqaqqullugu.

..."

Akilerartarnermi Pisortaqarfik allakkatigut 12. december 2005-imeersutigut imatut akivoq:

"[Uanga qinnutigisara]

Akilerartarnermi Pisortaqarfik tamatumunnga imatut oqaaseqaateqassaaq pisassat akileqquneqartarnerannik akiliisitsiniartanermillu kommunit suleqatigiinnerat pillugu Inatsisartut inatsisaat nr. 4, 12. maj 2005-imeersumi § 1, imm. 1 malillugu kommunalbestyrelsen allakkatigut isumaqatigiissuteqartoqareersillugu kommunalbestyrelsi alla imaluunniit Akilerartarnermi Pisortaqarfik piginnaatissinnaammagit tamakkiisumik ilaannakuusumilluunniit pisassanik akileeqquisarneq akiliisitsiniartarnerlu suliaqqullugit, inatsisip naapertorlugit kommunalbestyrelsimit suliarineqartartunik.

Tamakkuuku tunngavigalugit pisortaqarfik isumaqartoq Inatsisartut inatsisaanni taaneqartumi pisassanik akiliisitsiniartarneq pillugu suliat politiit akiliisitsiniartarnermut oqartussaasutut piginnaatitaaffiisa ataanniittut siunertarineqanngitsut.

Pisortaqarfik isumaqarportaaq Inatsisartut inatsisaat akornusiinngimmat kommunit marluullutik isumaqatigiissuteqarnissaannut eqqartuussisulersuussinernut ataatsimut arlalinnuunniit atatillugu kommunip allap kommunimut allanut sinniisuu-nissaanut. Tassunga atatillugu oqaatigineqassaaq Inatsisartut inatsisaanni ilaatigut periarfissaqarmat kommunit suleqatigiilernissaannut Inatsisartut inatsisaanni ilaatinneqanngitsut pillugit.

..."

Akilerartarnermi Pisortaqarfiup akissutaa ukiup nalunaarusiuunneqartup naanerani suli isummerfiginngilara.

Ukiup nalunaarusiuunneqartup naanerani K Kommunimit tusagaqanngilanga.

**6. Sulianut ukiuni siusinnerusuni nalunaarutini eqqartorneqartunut malitseqartitsineq. Naammagittaalliuutit pillugit suliat.**

**2004-mi ukiumoortumik nalunaarut, immikkoortoq 3, qupperneq 37 tulluilu.**

**Kilisaatip avataasiutip sinerissamut qanittumi aalisarnermut attartorneqarnissaanik qinnuteqaammut itigartitsinerup inatsisitigut tunngavigisaata erseqqarluttuneranik Inatsisartunut Naalackersuisunullu nalunaarut. (J.nr. 11.03.56.01/152-03)**

Aalisarnermut Piniarnermullu Pisortaqarfik allakkani 26. januar 2005-meersuni imatut akivoq:

”Ombudsmandip allagaasa 23. november 2004-meersut taama kingusitsigisumik akineqarnerat ajuusaarutigissavarput, ...

Angallatip aalajangersimasup sinerissamut qanittumi raajarniarnermi atorneqarsinnaanerani qinnuteqaatip Aalisarnermut Piniarnermullu Pisortaqarfimmit itigartinneqarnera pillugu naammagittaalliuutit Ombudsmandimit suliarineqarneranut atatillugu Ombudsmandip Naalackersuisut qinnuigai aalisarneq pillugu inatsisip allannguutissaatut siunnersuutinik saqqummiussisoqarnissaa suliniutiginiarneraat nalunaarutigeqqullugu, taamaaliornikkut inatsimmi erseqqissarlugu avataasiortuluni aalisarnerup aamma sinerissamut qanittumi aalisarnerup piumasaqaatit suut malillugit avissaartisimaneqarnissaannut Naalackersuisut piginnaatinneqassasut, nalunaarutinilu imaluunniit aalajangiinerni ataasiakkaani piumasaqaatit taakku Naalackersuisut qanoq annertutigisumik saneqqussinnaaneraat.

Aalisarnermut Piniarnermullu Pisortaqarfiup nalunaarutigisinnavaa aalisarneq pillugu inatsisip allannguutissaasa suliarineqarnerat ingerlanneqartoq, tamatumungalu atatillugu aalisariutit avataasiutit aamma sinerissamut qanittumi aalisariutit ilaasa avissaartisimaneqarnerinut piumasaqaatit erseqqarluttuunerannik Ombudsmandip isornartorsiunerani ilanngullugu isiginiarneqarniartoq, kiisalu sukumiisumik oqaaseqaatit suliarineqarniartut, taamaaliornikkut apeqqutit aalajangiinerillu ataasiakkaat nalornisoorutaasut sapinngisamik annertunerpaamik pinngitsoortinneqarsinnaaqqullugit. (Atorfeqarfimmi nutsigaavoq)

Pisortaqarfimmut 12. juli 2005-imi imatut allappunga:

"Allakkani 23. november 2004-meersuni Inatsisartut Naalackersuisullu nalunaarfigaakka:

- aalisariutinik immikkoortitsineq pillugu inatsisip atortuulersinneqarnerani aalisariutinik taakkuninnga immikkoortitsinerup tunngavigisatut piumasaqaatinik nalunaarutikkut saneqqutsineq (derogation), aamma

- pisut ataasiakkaarlugit aalajangiinerni (immikkut akuersissuteqarnerni) inatsisikkut tunngavigineqartumik saneqqutsineq, matumani pisortaqarfik immikkut akuersissuteqarsinnaanermut piginnaatinneqarsimappat piginnaatitsissutit imarisaa erseqqinnerusoq ilanngullugu eqqarsaatigalugu,

inatsisitigut tunngavigisaat erseqqarlummat tamanna Inatsisartunut Naalackersuisunullu nalunaarutigisariaqariga, tak. Ombudsmandi pillugu imatsimmi § 11.

Pisortaqarfiup allakkani 26. januar 2005-imeersuni akivaanga aalisarnej pillugu Inatsisartut inatsisaata allannguutissaatut siunnersuut pisortaqarfiup suliaralugu ingerlakkaa, aalisariutinillu immikkoortiterinermet inatsisitigut tunngaviit erseqqarluttut uannit nalunaarutigineqartut tassuuna aqqivigineqarniartut.

Pisortaqarfimmit tamatuma kingornatigut tusagaqqinngilanga, malugaaralu Inatsisartut 2005-imi upernaakkut ataatsimiinneranni inatsisissatut siunnersuummik saqqummiussisoqarsimanngitsoq.

Naalackersuisut tamatumunnga atatillugu qinnuigaakka inatsisitigut tunngavigisamik allangortiterinermi killiffik pillugu nassuiaateqaqqullugit."

Pisortaqarfik allakkani 22. juli 2005-imeersuni imatut akivoq:

"Inatsisartut Ombudsmandiata allagai 12-07-2005-imi ullulerneqarsimasut

Allakkani qulaani taaneqartuni Inatsisartut Ombudsmandiata allagai 23-11-2004-meersut tunngavigalugit inatsisitigut tunngavigisamik allangortiterinermik suliaq pillugu nassuiaasoqarnissaa qinnutigineqarpoq.

Pisortaqarfiup sulinermi pilersaarutigaa aalisarnej pillugu inatsisissatut nutaatut siunnersuut aatsaat Inatsisartut 2006-imi ukiakkut ataatsimiinneranni saqqummiunneqassasoq.

Tamatumunnga pissutaavoq suleqatigiissitaliamik pilersitsisoqarsimanera, Ataatsimiititaliamik Immikkut Ilisimasalimmik Arlaannaannulluunniit Attuumassuteqanngitsumik taaneqartumik, taassumalu akuersissutit pisasseeriaatsillu nutaat kiisalu aalisariutit ilaannut immikkoortiterinerup naleqquttuussusia misissortussaavai. Ataatsimiititaliap Immikkut Ilisimasallip Arlaannaannulluunniit Attuumassuteqanngitsup kaammattuutaasa 2005-imi ukiakkut ataatsimiinnermi saqqummiunneqarnissaat naatsorsuutigineqarpoq, pisortaqarfillu inatsisissatut siunnersuutinik il.il. suliaqarnissaminut tamatuma kingornatigut qaammatit arfinillit missaannik piffisalerneqassalluni. Ataatsimiititaliap Immikkut Ilisimasallip Arlaannaannulluunniit Attuumassuteqanngitsup suliai taakkulu imartani Kalaallit Nunaata aalisarnikkut oqartussaaffigisaani raajarniarnej pillugu Namminersornerullutik Oqartussat nalunaarutaannik nr. 23-mik, 29. august 2002-meersumik allangortiterinermi masakkut ajornartorsiutaasunut attuumassuteqarnerat pissutigalugu." (Atorfeqarfimmi nutsigaavoq)

Pisortaqarfimmut 4. oktober 2005-imi imatut allappunga:

"Pisortaqarfiup allakkani 22. juli 2005-imeersuni oqaatigaa suleqatigiissitaliap arlaannaannulluunniit attuumassuteqanngitsutut taneqartup, raajarniarnermi piasisissuteqartarnej pillugu malittarisassanik misissuineramik suliasinneqarsimasup, kaammattuutaasa Inatsisartut 2005-imi ukiakkut ataatsimiinneranni naalackersuinnikkut oqaluuserisassanngortinneqarnissaat Naalackersuisut naatsorsuutigigaat. Pisortaqarfiup tamatumunnga peqatigitillugu oqaatigaa aalisariutit ilaat immikkoortilugit agguataarinerup naleqquttuussusia suleqatigiissitaliap aamma naliliiffigisusaagaa.

Pisortaqarfiup aamma oqaatigaa inatsisissatut siunnersuummik Ombudsmandi pillugu inatsimmi § 11 tunngavigalugu Ombudsmandip nalunaarutiginninneranut 23. november 2004-meersumut naapertuuttumik saqqummiussinissaq suleqatigiissitaliap sulereernissaanut utaqqisinneqartariaqartoq, taamaattumillu inatsisissatut siunnersuummik Naalackersuisut saqqummiussinerat Inatsisartut 2006-imi ukiakkut ataatsimiinneranni aatsaat pisinnaassasoq.

Tamatumunnga atatillugu maluginiarpara suleqatigiissitaliap kaammattuutaasa oqaluuserineqarnissaat Inatsisartut 2005-imi ukiakkut ataatsimiinneranni oqaluuserisassatut nalunaarutigineqarsimannitsoq.

Tamanna isiginiarlugu aamma Inatsisartunut 15. november 2005-imi qinersinerup kingornatigut Inatsisartut ataatsimiigiaqquneqarnissaannik naatsorsuutiginninerup paasissutisiissutigineqanninnera isiginiarlugu pisortaqarfik qinnuigaara aalisarneq pillugu inatsisip allanngortinneqarnissaannik siunnersuummik Ombudsmandip nalunaarutiginninneranut naapertuuttumik saqqummiussinissartik Naalakkersuisut qaqugu naatsorsuutigineraat nassuiaqqullugu."

Pisortaqarfik allakkani 13. oktober 2005-imeersuni imatut akivoq:

"Inatsisartut Ombudsmandiannit allakkat 4-10-2005-imi ullulikkat

Allakkani qulaani taaneqartuni aalisarneq pillugu inatsimmik iluarsaaqqinniarluni sulinerup killiffia nassuiaqquneqarpoq, tassami arlaannaannulluunniit attuumassuteqarani immikkut ilisimasalinnik ataatsimiititaliamik taaneqartartup nalunaarusiaata 2005-imi ukiakkut ataatsimiinnissamat nalunaarutigineqarsimanninnerata soqutiginaateqalersimmagu.

Pisortaqarfimmit aatsaat maannakkut nalunaarusiaq tigungialerparput. Ataatsimiititaliap sulinera assigiinngitsunik pissuteqartumik kinguaattoorsimavoq. Ilangullugulu naluneqannngitsutut qinersisoqartussaavoq. Taamaattumik naatsorsuutigaarput nalunaarusiaq 2006-imi upernaakkut aatsaat saqqummiussinnaassallugu imatut kinguneqartumik, inatsisissatut siunnersuut qularnangitsumik aatsaat 2007-imi ukiakkut ataatsimiinnermi saqqummiunneqarsinnaassalluni. Taamatut inatsisissatut siunnersuummik suliarinninnermi soorunami Inatsisartut Ombudsmandiata 23-11-2004-mi allagai eqqarsaatigineqassapput."

Pisortaqarfimmut 18. oktober 2005-imi imatut allappunga:

"Suleqatigiissitaliap nalunaarusiaata inatsisissatut siunnersuummik kingusinnerusukkat saqqummiussinissaq siunertaralugu Inatsisartuni oqallinnissamat tunngaviusussap pisortaqarfimmit aatsaat massakkut tigungeqarneranik pisortaqarfiup ilisimatitsissutaa 14. oktober 2005-imi tiguara.

Nalunaarusiap Inatsisartut 2006-imi upernaakkut ataatsimiinneranni aatsaat saqqummiunneqarnissaminut piareersimanissaannik, inatsisissatullu siunnersuutip tamatum kingornatigut ukiup ataatsip qaangiunnerani aatsaat saqqummiunneqarsinnaaneranik pisortaqarfiup naliliinera tusaatissatut tiguara.

Suliat ingerlariaqqinnissaa utaqqimaarpara."

**2004-mi ukiumioortumik nalunaarut, immikkoortoq 5, qupperneq 135 tulluilu.**

**Suliani meeqqanut akilersuutinut tunngasuni kommunit akiliisitsiniaqqusinnermi suliaasaat. (J.nr. 11.10.10.12/054-01)**

Allakkannut 3. december 2004-meersunut Akileraartarnermi Pisortaqarfiup akissutaa 26. januar 2005-imi tiguara. Allakkanit makku erserput:

”Ombudsmandip allakkatigut 3. december 2004-meersutigut K Kommunimut Ombudsmandip oqaaseqaatini 15. januar 2004-meersut assilineri ilanngunneqartut aamma ulloq taanna K2 Kommunimut allakkat taassumalu akissutai 16. august 2004-meersut innersuussutigisimmagut Akileraartarnermi Pisortaqarfiup Ombudsmandi qinnuigaa akissuteqaat ilanngussaq K2 Kommunimeersoq Akileraartarnermi Pisortaqarfiup nalinginnaasumik imaluunniit K2 Kommunimut tunngatil-lugu iliuseqarnissaanut pissutissaqartitsilernersoq nalunaarutigeqqullugu.

Tamatumunnga atatillugu Ombudsmandip pisortanut akiitsut akilersinniarneqar-tarnerat pinaveersaartinneqarnissaallu pillugit Inatsisartut inatsisaat nr. 3, 2. maj 1996-imeersumi § 11 innersuussutigaa tak. § 1, imm. 1-imi nr. 15. Aammattaaq Om-budsmandip maluginiarsimavaa K2 Kommunip akissutaa Ombudsmandip paasin-ninnini pillugu oqaaseqaammuni 15. januar 2004-meersuni allaaserinninneratut Om-budsmandip paasinninneranik allanngortitsinngitsut.

Aallaqqaasiutitut Akileraartarnermi Pisortaqarfiup ilisimatitsissutigissavaa tas-salu Ombudsmandi isumaqatigineqarmat naatsorsuusiortarneq sullissisarnerlu eq-qarsaatigalugit meeqqanut akilersuutininik nalinginnaasumik akiliussisarnerit allaffis-ornikkut sullissisarnermi apeqqutinit allanit immikkoortinneqartariaqartut.

Aammattaaq Akileraartarnermi Pisortaqarfiup Ombudsmandi isumaqatigaa tassa akilersuutininik nalinginnaasumik meeqqanut akilersuutit saniatigut kommunip kuk-kusumik tunniussai Kalaallit Nunaanni eqqartuussisarneq pillugu inatsimmi malit-tarisassat malillugit pinngitsaaliissummik akilersinniarneqarsinnaanngitsut.

Akileraartarnermi Pisortaqarfiup tamatumunnga atatillugu oqaatigissavaa tassalu meeqqanut akilersuutit nalinginnaasut saniatigut akilersuutininik kommunini akilius-sisarneq periaaserineqartoq ilisimaneqanngimmat, tamannalu aamma akileequis-sutini assigiissaartunik oqaasertalersukkani atorineqartartuni takuneqarsinnaasog meeqqanut akilersuutit nalinginnaasut aamma akilersuutit meeqqanut akilersuutit nalinginnaasut saniatigut immikkoortiterneqartartut, soorluttaaq aamma K Kommu-nip akiliisitsiniaqqusilluni qinnuiginnissutaani 9. aamma 12. oktober 1999-imeer-suni taamaaliortoqarsimasog.

Akileraartarnermi Pisortaqarfiup paasinninnera malillugu K Kommunip akilii-sitsiniaqqusilluni qinnuiginnittarneri kiisalu Ombudsmandimut attaveqartarsimane-ranik takuneqarsinnaasog K Kommuni meeqqanut akilersuutit nalinginnaasut sania-tigut akilersuutininik akiliussisimanersoq erseqqissumik takuneqarsinnaanngitsog.

Akileraartarnermi Pisortaqarfiup inatsisitigut atuutsinneqartut kommuninut piaarnerpaamik erseqqissaassutigineqarnissaat isumagerusuppaa matumani K aamma K2 Kommuni ilanngullugit eqqarsatigalugit.“ (Atorfeqarfimmi nutsigaavoq)

Akileraartarnermi Pisortaqarfik allakkatigut 20. juni 2005-imeersutigut ilisimatitseqqullugu qinnuigaara kommunit meeqqanut akilersuutininik su-liani akiliisitsiniaqqusillutik qinnuiginnittarneri pillugit inatsisitigut atuut-sinneqartut pillugit Akileraartarnermi Pisortaqarfiup kommuninut erseq-qissaateqarnissaq isumagisimaneraa.

Pisortaqarfik akissuteqarnissaanik allakkatigut 17. oktober aamma 8. no- vember 2005-imeersutigut eqqaasippara.

Akileraartarnermi Pisortaqarfiup tamatuma kingornatigut ilisimatippaa- nga ilitsersuut imaattoq pisortaqarfiup kommuninut 19. december 2005-imi nassiussimagaa:

“Ombudsmandip oqaaseqaataa pillugu ilisimatitsissut



Meeqqamut akilersuutininik (A-bidrag) akiliisitsiniartarnerit pillugit suliamut Ombudsmandi oqaaseqaateqarsimavoq.

Suliap ingerlanneqarnera

Ataataasoq piumaffigineqarsimavoq meeqqanut marluusunut arnaminnilu najugaqartunut meeqqanut akilersuutininik nalinginnaasumik taakkulu 100%-imik ilallugit akiliisinneqassasoq. Ataataasoq nuliani meeqqallu qimallugit illoqarfimmi allami najugaqarsimavoq. Nuliaasup angerlarsimaffittut kommunia uiusup najugaqarfittut kommuneqarfianut (kommuni akiliisitsiniartoq) qinnuiginnissimavoq meeqqanut akilersuutit pillugit akiligassat akilersinniarnissaannut ikioqqulluni.

Ombudsmandip oqaaseqaatai

1. Nuliaasup maalaarutigaa, kommuni akiliisitsiniartussaqaq angerlarsimaffittut kommunianut akiliisitsimammat angerlarsimaffittut kommunianit tunniunneqarsimasunik amerlanerusunik.

Ombudsmandip paasisimavaa, suliaq naatsorsuutitigut erseqqinnerusumik misissuiffigeqqaartinnagu naliliiffigineqarsinnaanngitsaq, nuliaasoq ataataasumit allanik aningaasassaqaassanersoq. Ombudsmandip tamatumunnga atatillugu innersuussutigaa, aningaasat makku ataatsimoortumik aningaasalerneqarsinnaasimannimmata 1) aningaasat piffissani akilersuiffissanut, nalinginnaasumik akilersuutininut aammalu akilersuutininut qaffasinnerusunut kommunip angerlarsimaffiusup nuliaasumut siumoortumik agguarsimassaneraa aamma 2) aningaasat sorliit pinngitsaaliinikkut akilersinniarneqarsimanersut imaluunniit kommunimut angerlarsimaffiusumut akilernerneqarsimanersut, kingornatigullu nuliaasumut tunniullugit. Taamaattumik paasiuminaassimavoq, kommuni angerlarsimaffiusoq nuliaasumut akilersuutininik qaffasinnerusunik tunniussaqaarsimanersoq.

Tamatuma kingorna Ombudsmandi imatut oqaaseqaateqarpoq:

"Suliami matumani pineqartoq tassaavoq kommunip meeqqanut akilersuutit pillugit suliat misissorsimasakka eqqarsaatigalugit naatsorsuutitigut suliamilluunniit suliarinninnikkut meeqqanut akilersuutininik nalinginnaasumik siumoortumik tunniunneqartartunik nuliaasullu meeqqanut akilersuutininik tiguisinnaatitaanera pillugu apeqqutininik allanik kiisalu akilersuutininik siumoortunik tunniunneqarsimasunik akilersuisussaataasumit akiliisitsiniarneq pillugu apeqqutininik immikkoortitsisimanninnera, tamannalu immi kukkunertut isorisariaqartutut isigaara, tassami taamaattoqarneratigut kommunip sulianik aqutsinera paasiuminaatsunngorsimammat, taamaattumillu piumasaqaatinik taaneqartunik eqqortitsisuusimanani, ...."

2. Ombudsmandip erseqqissarpaa, nuliaasup angerlarsimaffittut kommunia akilersuutininik nalinginnaasumik siumoortumik akiliussisinnaasoq, takuuk meeqqanut akilersuutit pillugit inatsisartut peqqussutaanni § 4. Akerlianilli akilersuutininik qaffatanik (siumoortumik imaluunniit allatigut) akiliussinissamut peqqussummi inatsisitigut tunngavissaqanngilaq.

Peqqussummi taaneqartumi §§ 17 aamma 19-imi akilersuutininik siumoortumik pinngitsaaliilluni akiliisitsiniartarnerit pineqartut imatut paasisariaqarput, kommuni peqqussut malillugu siumoortumik akiliussinissaminut tunngavissaqartoq. Imatut paasillugu, nalinginnaasumik akilersuutit siumoortumik tunniunneqartussat kisimik kommunimit akiliisitsiniartumit pinngitsaaliisummik akilersinniarneqarsinnaasut. Inatsisartut peqqussutaanni inatsisitigut tunngavigineqartut qaangerlugit pisasaqartumut kommunip tunniussasaanik kommuni tunniusserusussappat, kommunip piumasaqaatini eqqartuussivitsigut aalajangertinniarsinnaavai tamatumalu kingornatigut eqqartuussivitsigut pinngitsaaliilluni akiliisitsiniartarnerit pillugit eqqartuussisarneq pillugu inatsimmi malittarisassat malillugit aningaasat akilersinniarsinnaallugit.

3. Kommunip angerlarsimaffiusup ataataasumit akilersinniarsimasai tassaapput, aningaasat kommunip angerlarsimaffiusup nammineeeluni karsiminiit unioqutitsi-

nani nuliaasumut siumoortumik tunniussimasai, takuuk imm. 2-mi qulaani taaneqartut. Akilersuutinit qaffanneqartunut tunngassuteqartut nuliaasumut taamaallaat tunniunneqartussaapput, aamma eqqartuussisarneq pillugu inatsimmi kap. 7, § 1, imm. 2, nr. 4 malillugu nuliaasup piumasarineqartut qinnuteqarnermigut pinngitsaaliinikut akilersinniartissinnaallugit.

Eqqartuussisarneq pillugu inatsim kap. 7, § 20 naapertorlugu pinngitsaaliilluni akiliisitsiniarnermut qinnuiginninnerit akiliisitsiniartatumut ataataasup kommunianut angerlarsimaffigisaanut tunniunneqartussaapput.

Tamatuma kingorna Ombudsmandi imatut oqaaseqaateqarpoq:

"Taamaattumik kommunip akilersuutinit tiguisinnaatitaasoq sinnerlugu akilersuutinit akiliisitsiniarnera kukkuneruvoq annertoq. Aammattaaq kommunip kommunimi (allami) akilersuisussaataasup najugaqarfigisaani, akiliisitsiniartartoq meeqqamut akilersuutinit tiguneqarsimasunik kommunimut, akilersuutinit tiguisinnaatitaasup najugaqarfigisaanut, akileeqqullugu qinnuigippagu, akilersuutit akilersuutinit tiguisinnaatitaasup qinnuteqarnera malillugu akilerneqarsimappata imaluunniit pinngitsaaliinikkut akilersinniarneqarsimappata tamanna kukkuneruvoq annertoq."

Ombudsmandi nangilluni oqaaseqaateqarpoq:

"Tamatumunnga atatillugu oqaatigaara akilersuutinit tiguisinnaatitaasoq kommunimi najugarisamini akilersuutinit kommunip siumoortumik tunniussassarinnigisaanik akiliisitsiniaqqusilluni saaffiginnippat tassani periaaseq eqqortoq tassaasoq kommunip akilersuutinit tiguisinnaatitaasoq ilitersussagaa pinngitsaaliilluni akiliisitsiniartatumut taamaaliornissamut pisinnaatitaasumut pinngitsaaliilluni naammassinninniaqqusissut tunniutissagaa. Kommunip akilersuutinit tiguisinnaatitaasoq pinngitsaaliilluni akiliisitsiniartatumut taamaaliornissamut pisinnaatitaasumut qinnutigisamik taamaattumik suliarinninnerani nassiussineranilu ikiorsinnaavaa, tak. suliasat suliarineqartarnerat pillugu inatsimmi § 7, imm. 1 malillugu oqartusaasup ikiuunnissamut ilitersuinnissamullu pisussaaffeqarnera."

Naggasiut

Tamakku tunngavigalugit Akileraartarnermi Pisorta qarfiup akiliisitsiniartarfiit qinnuigissavai qulaani taaneqartut maluginiaqqullugit."

Suliaq tamatuma kingornatigut inaarlugu suliaara.

## **2004-mi ukiumoortumik nalunaarut, immikkoortoq 5, qupperneq 51 tulliilu.**

### **Soraarnerussutisiaqalernissamik aqqissuussinermik neqeroorutip ingerlatsinermi akuersaartumik aalajangiinertut isigineqarnera. Uter-titsineq. (J.nr. 11.03.22.01/109-02)**

Aqutsinermut Pisorta qarfiup allagai 1. februar 2005-imi tiguakka, allakanillu taakkunannga erserpoq Aqutsinermut Pisorta qarfik suliamik suliarinneqqilerniarluni aalajangertoq.

Aqutsinermut Pisorta qarfik 7. februar 2005-imi qinnuigaara pisorta qarfiup suliamik suliarinninnerata (sularinneqqinnerata) inernilerneqarnera pillugu ilisimateqqullunga.

Aqutsinermut Pisortaqarfiup A-mut allagaasa assilinerat 21. februar 2005-imi tiguara, tassanggalu makku erseput:

"Pineqartoq: Inatsisartut Ombudsmandiata inassuteqaataa 24. august 2004-meersoq.

Suliaq soraarnerussutisiaqarninnut tunngasoq Aqutsinermut Pisortaqarfiup Inatsisartut Ombudsmandiata inassuteqaataa 24. august 2004-meersoq tunngavigalugu naliliiffigeqqissimavaa.

Ombudsmandi inassuteqaammini eqikkaalluni inerniliivoq "soraarnerussutisiaqalernissamik neqeroorut" 27. oktober 1998-imeersoq tassaasoq ingerlatsineq pillugu inatsit tunngavigalugu aalajangiineq, aalajangiinerlu taanna utertinneqarsimatut isigineqarsinnaanngitsoq.

Aqutsinermut Pisortaqarfik inassuteqaatip nassatarisaanik aalajangerpoq soraarnerussutisiaqalernissamik aqqissuussinermik pilersitsinissamik neqeroorut suli atorsinnaagit. Neqeroorummik Aqutsinermut Pisortaqarfiup allagaasigut 23. maj 2002-meersutigut utertisisimaneq atuutinngitsutut massakkut isigisinnaavat.

Taamaalillutit soraarnerussutisiaqalernissamik aqqissuussinermik pineqartumik pilersitsinissamat 23. maj 2002-miilli mattunneqarsimagavit Aqutsinermut Pisortaqarfiup matumuuna nalunaarutigaa soraarnerussutisiaqalernissamik aqqissuussinermik kingumut 23. maj 2002-mit atuutilersumik pilersitsisinnaasutit.

Aqutsinermut Pisortaqarfiup naliliinera suli unaavoq soraarnerussutisianik akiliunneqarnissamat aallaavittut aatsaat pisinnaatitaallissasutit ullormit soraarnerussutisiaqalernissamik aqqissuussinermik pilersitsinissaq pillugu qinnuteqaativit Aqutsinermut Pisortaqarfiup tiguneqarfianit akuerineqarfianillu. Soraarnerussutisiaqalernissamik aqqissuussineq neqeroorummi 27. oktober 1998-imeersumi piumasaqatigineqartunut naapertuuttuussaaq. Taamaattorli oqaatigineqartutut soraarnerussutisiaqalernissamik aqqissuussinermik kingumut 23. maj 2002-mit atuutilersumik pilersitsinissamat qaqutigooraluartumik akuerineqarputit, tassami taamatut pilersitsinissamat piffissamat tassangaanniit mattunneqarsimasimagavit.

Aqutsinermut Pisortaqarfiup allagaani 23. maj 2002-meersuni soraarnerussutisiaqalernissamik aqqissuussinermik neqeroorfigineqarputit, 2%-inik illit nammineq akiliuteqarfigisassannik, akissarsivillu inissisimaffiata (skalaløn) 4%-iinik Namminersornerullutillu Oqartussat akiliuteqarfigisassaannik. 27. oktober 1998-imi neqeroorut malillugu soraarnerussutisiaqalernissamik aqqissuussinermik Namminersornerullutik Oqartussat akissarsivavit inissisimaffiata (skalaløn) 6%-iinik akiliiffigisassaannik pilersitsinnaavutit.

Matuma kingornatigut akissarsivavit inissisimaffiata (skalaløn) 6%-iinik Namminersornerullutik Oqartussat akiliuteqarfigisassaannik soraarnerussutisiaqalernissamik aqqissuussinermik 23. maj 2002-imit atuutilersumik neqeroorutip atornissaanut suli periarfissaqarputit.

Ilinnut malugeqquneqassaaq neqeroorutip atornissaa kissaatigigukku soraarnerussutisiaqalernissamik aqqissuussinermik aatsaat illit nammineq suliniutteqarnikut pilersitsisoqassamat." (Atorfeqarfimmi nutsigaavoq)

**2004-mi ukiumoortumik nalunaarut, immikkoortoq 5, qupperneq 118 tullilu.**

**Tapiissuteqarnissamik neriorsuutip utertinneqarnera. Ingerlatsiner-mi akuersaartumik aalajangiinerup inatsisinik unioqqutitsilluni allangortinneqarnera. (J.nr. 11.01.63.01/133-03)**

Aalisarnermut Piniarnermullu Pisortaqarfik inassuteqaatinnut akissuteqaqqullugu 7. februar 2005-imik nukingisaarpara.

Pisortaqarfiup A-mut allagaasa assilinerat 15. februar 2005-imi tiguara. Taakkunanga makku erseput:

"Nunaqarfimmi B-mi malissuarneranut atatillgu annaasanut matussutissanut tapiissutit kingulliit tunniunneqannginissaannik Aalisarnermut Piniarnermullu Pisortaqarfiup aalajangiinera allakkatigut 14. oktober 2003-meersutigut Inatsisartut Ombudsmandiannut naammagittaalliutigisimavat.

Suliaq Inatsisartut Ombudsmandiata suliaq massakut isummerfigisimavaa, oqaatigalugulu "pisortarfiup suliamik sulirinninnera ataatsimut isorisarialerujusuartut isigisariaqartoq ...", inassuteqaatigineqarporlu "pisortaqarfik nutaamik aalajangiissasoq ...".

Tamanna tungavigalugu pisortaqarfiup nalunaarfigaatit annaasannut katillugit 43.537 kr.-nut naatsorsorneqarsimasunut matusisoqarnissaanik neriorsuutaaqqaartumik tamakkiisumik eqqortinneqassasoq, naak pisinermut uppersaatit kingulliit aningaasaateqarfiup tapiissuteqarnissamik akuersissuteqartartup atorunnaarsinneqarnerata nalaani aatsaat tunniunneqaraluartut. Taamaalillutit 12.595,43 kr.-nik tunineqarsinnaatitaavutit, taakkulu ilinnut nassiunneqarniarput." (Atorfeqarfimmi nutsigaavoq)

Pisortaqarfimmut tamatuma kingornatigut imatut allappunga:

"Aalisarnermut Piniarnermullu Pisortaqarfiup suliaq qulaani taaneqartoq pillugu allagai 14. februar 2005-imeersut tiguakka.

Pisortaqarfiup A-mut allagaanit erserpoq pisortaqarfik aalajangertoq A-p annaasaasa matuneqarnissaanik neriorsuutaaqqaartoq tamakkiisumik eqqortinneqassasoq.

Suliami matuma kingornatigut annertunerusumik iliuuseqaqqissanngilanga."

**2004-mi ukiumoortumik nalunaarut, immikkoortoq 5, qupperneq 135 tullilu.**

**Piffissaq suliaq suliarineqarneranut atorneqartoq aamma Atuisartunut Pisisartunullu Maalaaruteqartarfittut Ataatsimiititaliap pisinnaatitaanera. (J.nr. 11.04.97.04/028-04)**

Atuisartunut pisisartunullu Maalaaruteqartarfittut Ataatsimiititaliaq inassuteqaatinnut akissuteqaqqullugu allakkatigut 24. februar 2005-imeersutigut aamma 31. marts 2005-imeersutigut nukingisaarpara.

Atuisartunut Pisisartunullu Maalaaruteqartarfittut Ataatsimiititaliaq alakkatigut 2. maj 2005-imeersutigut imatut akivoq:

"Ombudsmandip ulloq 16. nov. 2004 aamma 31. marts 2005 allagarisaanut akissuteqaatitut matumani ilisimatitsissutigineqassaaq Ataatsimut Allattoqarfiup (Fællessekretariatet) eqqaamassutissiisutitut aaqqissuusseriaaseq maannamuugal-lartuq atuutilersinnikummagu, tamatumani ima ingerlasinnaanngorlugu ataatsimii-titaliap suliaasaatai ullorsiutitigut (suliassat allattorsimaffianni) siumut suliaassiisu-tigineqartut nalunaarsuiffinni arlariinni ingerlanneqalersillugit, siusinnerusukkut imaakkaluartoq ullorsiutini taamaattuni ataasiinnarmi pisartut.

Ataatsimut Allattoqarfik sulisussamik nutaamik qanittukkut atorfinitsitsivoq pineqartumik Peqqinnissamut Pisortaqaarfiup Allagaateqarfiani (journalimi) suliso-rineqareersimasumik, taannalu neqeroorfigineqareerpoq Namminersornerullutik Oqartussat 'journalssystem'ianik (Scanjour) atuutilersitsinissamik ikiuteqqullugu maani allattoqarfimmi, taamaasilluta allakkat nalunaarsorneqartarneri aammalu suliaassiisutitigineqarsimanageri malillugit inissitsiterneqartarneri malinnaalluarfigi-neqarsinnaaneruleqqullugit. Aaqqissuusseriaaseq pineqartoq naatsorsuutigineqar-poq ima ingerlassasoq suliaasanik isumaginnittut ullut tamaasa allakkiassarsitin-neqartassasut suliat siumut qaqugumullu suliaassiisutitigineqareersut pillugit."

Atuisartunut Pisisartunullu Maalaaruteqartarfittut Ataatsimiititaliaq ta-matuma kingornatigut nalunaarfigaara Ataatsimiititaliap akissutaa tusaatis-satut tigugiga, suliamilu annertunerusumik iliuseqaqqissanngitsunga.

## **2004 pillugu ukiumoortumik nalunaarut, immikkoortoq 5, qupperneq 205 tulliilu.**

### **Allagaatinik paasitinneqarnissamik qinnuteqaatip itigartinneqarnera. (J. nr. 11.10.25.08/029-04)**

Kommuni akissuteqarnissaanik allakkatigut 10. februar 2005-imeersu-tigut aamma 19. april 2005-imeersutigut eqqaasippara.

Kommuni tamatuma kingornatigut allakkatigut 3. maj 2005-imeersu-tigut akissuteqarpoq, kommunip A-mut allagaanik 3. maj 2005-imeersunik ilaqartinneqartunik. Kommunip A-mut akissutaanit makku erserput:

”Pineqartoq: Suliami allagaatinik paasitinneqarnissamik qinnuteqaatit

Suliami allagaatinik paasitinneqarnissamik qinnuteqaatit K Kommunimit iti-gartitsissutigineqarneranut atatillugu Inatsisartut Ombudsmandiata oqaaseqaataa 9. august 2005-imeersoq innersuussutigalugu ...-mi Hotel ...-p akiligassiisutaani mar-lunni 20. september 2003-meersuni suliami allagaatinik paasitinneqarnissamik qin-nuteqarnerit pillugu suliaq kommunip suliareqqilerpaa.

Kukkunikkut akiligassiineq

Ombudsmandip oqaaseqaataani qupperneq 12-imit erserpoq akiligassap hotelimit kommunimut kukkunikkut nassiinneqarsimasup pisortat ingerlatsinerat pillugu paa-sitinneqarsinnaatitaaneq pillugu inatsisip avataaniinnera pillugu kommunip nalilii-nera oqaaseqarfigisimangikkaa.

Akiligassiisummik taassuminnga paasitinneqarumaninnik itigartitsineq kommunip aalajangiusimavaa.

Pisortat ingerlatsineranni suliassat suliarineqartarnerat pillugu inatsimmi § 21, imm. 1 aamma 2 naapertorlugu itigartitsinerami akiligassap hotelimit kukkunikkut nassiunneqarsimanerata suliap suliarineqarneranut ilanngunneqarsimanngisaannarnera tunngavilersuutigineqarpoq. Taamaattumik suliami aalajangiiffigineqartusami illua'tunguunnginnavit suliaq tamanna pisortat ingerlatsineranni suliassat suliarineqartarnerat pillugu inatsisimmi kapitali 4-p avataaniippoq. Aammattaaq akiligassaq pisortat ingerlatsinerat pillugu paasitinneqarsinnaatitaaneq pillugu inatsisisip avataaniippoq "allaffikkoortumik suliamik ingerlatsineranut atatillugu" kommunimut "apuussimasutut" isigineqarsinnaanngimmat, tak. pisortat ingerlatsinerat pillugu paasitinneqarsinnaatitaaneq pillugu inatsimmi § 4, imm. 1.

Akiligassiisut kommunimit akilerneqarsimasoq

Akiligassiisut kommunimit akilerneqarsimasoq pillugu paasitinneqarumanerit akuerineqarpoq. Akiligassiisutit assilinerat allakkanut ukununnga ilanngullugu nassiunneqarpoq.

--oo0oo--

Suliaq matuma kingorna naammassisutut kommunimit isigineqarpoq.

Eqqortussarli anguniarlugu allakkat uku assilinerat kommunimit Inatsisartut Ombudsmandiannut nassiunneqarpoq." (Atorfeqarfimmi nutsigaavoq)

Kommunimut tamatuma kingornatigut 26. maj 2005-imi imatut allappunga:

"Suliap suliareqqinneqarnera pillugu kommunip ilisimatitsissutaa 3. maj 2005-imi tiguara.

Tassannga erserpoq kommunip A-mut allagaani 3. maj 2005-imeersuni kommunimut kukkunikkut akiligassamik suliami allagaatinik takunninnissamat itigartitsinini kommunip aalajangiusimagaa itigartitsinerminullu akiligassap kukkunikkut nassiunneqarnera tunngavilersuutigalugu kommunillu suliamik ingerlatsinerani ilanngunneqarsimanngitsaq.

Aammattaaq erserpoq kommunip akiligaanik akiligassamat tunngasumi suliami allagaatinik paasitinneqarsinnaatitaaneq A-mut ilisimatitsissutigineqartoq.

Matuma kingorna suliaq qanoq iliuuseqarfigeqqissanngilara."

## **2004-mi ukiumoortumik nalunaarut, immikkoortoq 5, qupperneq 220 tulliilu.**

### **Akissarsianit ilanngaassineq pillugu isumaqatigiissutit allannortinneqarnera. Akiliisitsiniarnermik allannguisinnanermut pisinnaatitaaneq. (J.nr. 11.10.49.01/121-03)**

K Kommunimut 5. januar 2005-imi imatut allappunga:

"Inassuteqaatinnut 25. marts 2004-meersumut K Kommunip akissutaa 27. december 2004-mi tiguara.

K Kommunip akissutaa imatut paasivara K Kommunip akissarsianit ilanngaassisarneq ingerlatiinnarniaraa, akiitsoqartoq akiliisitsiniarnermut aggequsaalluni tak-

kutinngippat, eqqartuussisarneq pillugu inatsimmi tamatumunnga malittarisassat naapertorlugit suliameq paasissutissartalersuisoqariinngikkaluartoq.

Taamaattumik K Kommuni Akileraartarnermi Pisorta qarfimmuq, akiliisitsiniartarnermut tunngasuni nakkutilliinermut oqartussaasumut, allakkatigut 5. januar 2004-meersutigut nalunaarutigaa.

Suliami annertunerusumik iliuseqaqqinnginninni Akileraartarnermi Pisorta qarfiup akissuteqarnissaa utaqqimaarpara."

Akileraartarnermi Pisorta qarfiup akissutaa 17. februar 2005-imi tiguara. Akissummit makku erserput:

"...

Tamanna tunngavigalugu Akileraartarnermi Pisorta qarfiup Ombudsmandimut nalunaarutigissavaa qulaani allassimasunut Ombudsmandi isumaqataaffigineqarmat, kisiannili pisorta qarfik nalinginnaasumik isumaqarmat akileraarutinut akiligassanut tunngatillugu akiliisitsiniartartoq akiliisitsiniarsinnaanngimmat (akileeqqusilluni) akissarsianik unerartitsinissamik piumasaaqatit aallartitsinagit, tassunga ilanngullugu akiliisitseriaaseq sorleq kissaatiginerlugu akiligassallip nammineerluni qinersinnaanngikkaa.

Qulaani allassimasut tunngavigalugit Akileraartarnermi Pisorta qarfik K Kommunimut erseqqissaatigissavaa akileraarutinut piumasat saniatigut piumasanut tunngatillugu akiligassallip inatsisitigut illersorneqarnera, immikkorluinnaq pissutissaqartillugu aammalu naliliilluareernikkut, allatigut isiginiartariaqartoq akiligassalik akileeqqusilertinnagu, minnerpaamillu piumasaaqatigisariaqarluni, akiligassalik ilisimatinneqassalluni akerliliinissamik periarfissaqartoq, kiisalu akiliisitsiniartartoq eqqortumik illersorneqarsinnaasumillu aalajangiitinnani paasissutissanik naamat-tunik peqartariaqartoq, tassunga ilanngullugit qanoq annertutigisumik akissarsianit unerartitsisoqassanersoq."

Akileraartarnermi Pisorta qarfimmuq 25. februar 2005-imi imatut allappunga:

"Akileraartarnermi Pisorta qarfiup allagai 17. februar 2005-imeersut tiguakka.

Akileraartarnermi Pisorta qarfiup allagai imatut paasivakka ajornartorsiut pineqartoq Akileraartarnermi Pisorta qarfiup K Kommunimut malitseqartitsiviginia-raa.

Pisorta qarfiup paasissutissiissutai tusaatissatut aamma tiguakka, suliamilu annertunerusumik iliuseqaqqissananga."

K Kommunimut ulloq taanna imatut allappunga:

"Akileraartarnermi Pisorta qarfiup suliaq qulaani taaneqartoq pillugu allagai masakkut tigusimalerpakka.

Paasinninnera Akileraartarnermi Pisorta qarfiup isumaqatigaa. Taamaattorli akileraarutinut pisassarisat eqqarsaatigalugit akilersinniarneqannginneranni pinngitsaaliinikkut akiliisitsiniartartoqartannginnissaa atuuppoq, aamma tak. Kalaallit Nunaanni eqqartuussisarneq pillugu inatsimmi kapitali 1, § 12, imm. 4.

Akileraartarnermi Pisorta qarfiup tamatumani saniatigut oqaatigaa akiitsoqartunik akiliisitsiniartarneq qanoq pisassasoq pisorta qarfiup erseqqissarniaraa.

Suliami matuma kingornatigut annertunerusumik iliuseqaqqinnissaannut pissutissaqarnanga isumaqarpunga."



**2004-mut ukiumoortumik nalunaarut, immikkoortoq 6, qupperneq 397.**

**Nammineq kissaatigisamik nuunnermut atatillugu init amerlassusissaannik killiliineq (J. nr. 11.20.34.01/053-03)**

Inissiaatileqatigiiffik akissuteqarnissaanik allakkani 10. februar 2005-imeersuni aamma 18. maj 2005-imeersuni eqqaasippara. Inissiaatileqatigiiffiup akissutaa imaattoq 6. juni 2005-imi tiguara:

”Ombudsmandip allagai 18.05.2005-imeersut, all. nr. 10864 tiguagut, taakkunanilu INI-p paasissutissiisarnermi atortussaataanik allangortitsineq pillugu ilisimatitsissut Ombudsmandip ujarorpaa.

Oqaatigisinnaavarput Inissiaatileqatigiiffiup – Ombudsmandip saaffiginnissutaanik aamma pissuteqartumik – ingerlaavartumik isumaliutersuutigisimagaa A-p naammagittaalliutaa paasissutissiisarnermi atortuutitsinnik innersuussissutitullu allakkatsinnik allangortitsinissamut pissutissaqalersitsissanersoq.

Assersuutinik allanik qinnuteqaateqartut inoqutigiit amerlassusiisa inissiallu angissusiata akornanni pissutsit pillugit malittarisassanik ilisimasaqarfiginngisaannik eqqaasasaqannginnatta paasissutissiisarnermi atortuutitta allangortinnginnisaat toqqarsimavarput.

Allangortitsinermut taarsiullugu qinnuteqartunut inissianik neqeroorutitut assigiinngitsunut atatillugu malittarisassat pillugit sukumiisumik ilitsersuisarnerput ingerlateqqipparput.

Taama kingusitsigisumik akissuteqarneq ajuusaaruutigaarput.”

Inissiaatileqatigiiffik allakkatigut 16. juni 2005-imeersutigut nalunaarfigaara Inissiaatileqatigiiffiup akissutaa tusaatissatut tigugiga, tamatumalu kingornatigut annertunerusumik iliuuseqaqqinnianningsunga.

**2004-mi ukiumoortumik nalunaarut, immikkoortoq 6, qupperneq 397 tulliilu.**

**Sulisup pisortaqarfimmit allameersup qinnuteqaatigalugu soraarnera pillugu suliamik Aqutsinermut Pisortaqarfiup suliarinnissimanera. (J.nr. 11.03.20.01/043-02)**

Aqutsinermut Pisortaqarfik allakkannut 19. oktober 2004-meersunut akissuteqarnissaanik allakkatigut 22. marts 2005-imeersutigut eqqaasippara. Aqutsinermut Pisortaqarfik tamatuma kingornatigut allakkatigut 3. maj 2005-imeersutigut imatut akivoq:

”Inatsisartut Ombudsmandiata allagai 22. marts 2005-imeersut Aqutsinermut Pisortaqarfiup tiguai.

Pisinnaatitaanermut tunngasut pisortaqarfiup inaarutaasumik suli qulaajarsimangilai, siunissamili qaninnerpaami inissinneqarnissaat naatsorsuutigalugu. Inatsisar-

tut Ombudsmandiat tamatumunnga ilisimatinneqarumaarpoq." (Atorfeqarfimmi nutsigaavoq)

Pisortaqarfimmut allakkani 20. september 2005-imeersuni imatut allappunga:

"Pisortaqarfiup allakkani 3. maj 2005-imeersuni uannut oqaatigaa pisortaqarfiup pisinnaatitaanermik qulaajaanera "siunissami qaninnerpaami qularnangitsumik inissinneqarumaartoq".

Pisortaqarfimmit tamatuma kingornatigut tusagaqanngilanga, taamaattumillu pisortaqarfik qinnuigeqqippara pisinnaatitaaneq pillugu apeqqutip suliarineqarnera sumut killissimanersoq uannut nalunaarutigeqqullugu.

Tamatumunnga peqatigitillugu malugeqqullugu oqaatigaara erseqqinnerusumik qulaajaasoqarnissaata tungaanut pisortaqarfiup pisinnaatitaaneranik naliliinera tungavinnik A-p naammagittaalliutaanut atatillugu pisortaqarfimmut oqaaseqaatinni 4. november 2003-meersumi oqaatigisannik aallaaveqassasoq."

Aqutsinermut Pisortaqarfiup allakkatigut 8. november 2005-imeersutigtut makku nalunaarutigai:

"A-p naammagittaalliutaanut atatillugu Aqutsinermut Pisortaqarfiup pisinnaatitaanera pillugu Inatsisartut Ombudsmandiata allagai 20. september 2005-imeersut Aqutsinermut Pisortaqarfiup tiguai.

Pisortaqarfiup pisinnaatitaanerata qulaajarneqarnera pisortaqarfiup suli ingerlap-paa. Pisumi tassani alloriarneq tullegq tassaassaaq pisinnaatitaanermik agguataarineq pillugu isummernissamut tungavissiap Naalakkersuisunut nutaanut saqqummiunneqarnissaa. Isumaqatigiissut Naalakkersuisunut inaarutaasumik akuerineqarpat suliaq Aqutsinermut Pisortaqarfiup uterfigeqqinniarpaa.

..." (Atorfeqarfimmi nutsigaavoq)

Pisortaqarfimmut 16. november 2005-imi imatut allappunga:

"Allakkannut kingullernut 20. september 2005-imeersunut pisortaqarfiup akissutaa 10. november 2005-imi tiguara.

Pisortaqarfiup pisinnaatitaanerata killilersorneqarnera pillugu isummernissamut tungavissiaq Naalakkersuisunut nutaanut saqqummiunniarpaa, Naalakkersuisullu isummernerat uannut tamatuma kingornatigut ilisimatitsissutiginiarlugu.

Suliap Naalakkersuisuni suliarineqarnissaa matuma kingornatigut utaqqimaarpara."

Ukiup nalunaarusiuunneqartup naanerani pisortaqarfimmit tusagaqanngilanga.

**2004-mi ukiumoortumik nalunaarut, immikkoortoq 6, qupperneq 403 tulluilu.**

**Suliani nunaminertat atorneqarnerat pilersaarusionerlu pillugit Inatsisartut peqqussutaannut ilaatinneqartuni oqartussaasup qulliune-**

**rusutut naammagittaalliorfiusussap suliarinninnissaanik piunasaqar-  
neq. (J.nr. 11.03.39.01/076-02)**

Avatangiisinut Pinngortitamullu Pisortaqarfik suliassaqarfimmik taas-  
sumingga Ineqarnermut Attaveqatigiinnermullu Pisortaqarfimmit tiguisi-  
masoq akissuteqaqqullugu 7. marts 2005-imi nukingisaarpara.

Avatangiisinut Pinngortitamullu Pisortaqarfiup akissutaa imaattoq 29.  
marts 2005-imi tiguara:

"Allakkatigut 19. marts 2004-meersutigut Inatsisartut Ombudsmandiat suliap  
suliareqqinneqarnissaa pillugu oqaaseqaatinik saqqummiussaqaarpoq, Ineqarnermut  
Attaveqatigiinnermullu Pisortaqarfiup 8. januar 2004-mi allakkamini nassuiaate-  
qarfigisaanut.

Tamatumunnga atatillugu Ombudsmandip pisortaqarfik qinnuigaa pisortaqarfik  
K Kommunip erngup aqqutaanik pilersitsinermut aningaasartuutininik utertitsisin-  
naaneranut tunngatillugu pisortaqarfik qanoq tamatumunnga eqqarsaatersuuteqar-  
nersoq aamma kommunip sanaartorfissagissaanermut akiliutinik innuttaasut akilii-  
vallaarutigisaannik utertitsiniarani oqarsimanera pillugu paasissutisseeqqullugu.

...  
K Kommunip erngup aqqutaanik pilersitsinermi aningaasartuutininik utertitsisin-  
nanera pillugu pisortaqarfik qanoq tamatumuuna eqqarsaasersuuteqarpa?

1997-imi oktoberimi Namminersornerullutik Oqartussat aamma KANUKOKA  
sanaartorfissagissaanermi nutaamik aningaasartuutininik nammaqatigiittarnissaq pil-  
lugu isumaqatigiissusiorput. Isumaqatigiissut 1. januar 1998-imi atuutilerpoq tama-  
tuma nassataralugu sanaartornermi ingerlatsinermilu aqquserngit kuuffiillu pi-  
ngaarnerit kommunimit ingerlanneqarnissaat kiisalu innaallagissap erngullu aqputai  
pingaarnerit Namminersornerullutik Oqartussanit ingerlanneqarlutik.

Ilutigitillugu isumaqatigiissummut ilanngunneqarpoq sanaartorfissagissaanermut  
akiliutit aqqusinermut, imermut kuuffinnullu attavilertinnermi assigiisaartumik  
akeqartitsinissamut inatsisitigut tunngavigisassanik pilersitsisoqassasoq, sanaartor-  
fissagissaanermi akileeqatigiittarnermut allaffissornikkut pisariusumut taarsiullugu  
maannamut kommuninit arlalinnit akiligassatut/gebyritut akileqquneqartartumut  
kommunip najukkami pineqartumi sanaartorfissagissaanermi akileeqataaffigisarta-  
gaatut annertussusilimmik. Taamaalilluni ilutigitillugu najukkami pingaarnertullu  
sanaartorfissagissaanermi immikkoortitsisarneq atorunnaassaaq.

Inatsilli taanna suli atuutilersinneqanngilaq, Nukissiorfiillu Aningaasanut Inatsi-  
sissami najukkami erngup aqqutaanut sanaartorfissagissaanermut aningaasaliiffi-  
neqarsimangilaq. Immikkoortuni taakkunani marlunni sanaartorfissagissaanermi  
isumaqatigiissutip amigartumik atuutsinneqarnerata kinguneraa najukkami pingaar-  
nertullu sanaartorfissagissaanerup suli immikkoortinneqartarnissaat. Kommunit  
ilaasa namminneerlutik najukkami erngup aqqutaanik pilersitsinissaq qinersimavaat  
ilaalu tamatumani sanaartorfissagissaanermut akileeqataassutissanik akileeqqusisar-  
lutik. Namminersornerullutik Oqartussat isumaqarsimapput isumaqatigiissut Inatsi-  
sartut imaluunniit kommunalbestyrelsenit immikkoortumut tassunga aalajangersima-  
sunik aningaasaliinnissaannut pituttuisuunngitsaq, tassami inatsisitigut sanaartor-  
fissagissaasoqarnissaanik pisussaaffiliisoqanngimmat. Namminersornerullutik Oqar-  
tussat aamma kommunit sanaartorfissagissaanissamut pisinnaatinneqarput, illua-  
tungiusup suliarinnikkaagagu aappaata suliassaq tigujujasinnaallugu. Aamma-  
taaq sanaartorfissagissaanermi akileeqatigiittarnermi akileeqqusissuteqarneq inat-  
sisitigut tunngavigisat akileeqqusisarnermi inatsisit aalajangersagaanngitsut nali-

nginnaasut assigaat, najukkami sanaartorfissagissaaneq tassaammat innuttaasunik amerlanngitsukkuutaanik sullissineq. Taamaattumik inatsisitigut tunngavigisaq sanaartorfissagissaanermi isumaqatigiissutip imarisaa piviusunnngortinneqaraluarpaluunniit piviusunnngortinneqanngikkaluarpalluunniit atuuppoq.

KANUKOKA isumaqarsimagaluarpoq kommunit sanaartugassanik ingerlatsinerat inatsisitigut assortuuttuunngitsaq, akilee-qatigiittarnissamik isumaqatigiissutaasoq malillugu Namminersornerullutik Oqartussanit ingerlanneqartussanik aamma inatsisitigoortumik malitsigitillugu sanaartorfissagissaanermi tamatumuuna akilee-qataassutissanik akilee-qusissuteqarnissaminut.

Ukiuni tallimani isumaqatigiinnngissutaareerluni apeqqut 2000/2003-mi ukiukkut ataatsimoorussamik suleqatigiissitami suliarineqarpoq, majimi 2003-mi piffissap qiteqqunnerani nalunaarusiamik siunnerfigisassamik saqqummiussaartumik, taamaattoorli isumaqatigiissutip malitsinneqarnerata amigartumik maannamut ingerlasimanerata kingunerisinnaasai suli isumaqatigiinnngissutigineqarput. Taamaattumik ukioq 2004-mut Ataatsimoorussamik tapiissutinik isumaqatiginninniarnissaq siunertaralugu Namminersornerullutik Oqartussani Inatsisit Atortinneqarnerannut Allaffik saaffigineqarpoq najukkami engup aqputai aningaasaliivigineqarsimangitsut pillugit 2. juni 2003-mi oqaaseqaateqartoq. Tassannga ilaatigut erserpoq:

“Namminersornerullutik Oqartussat isumaqatigiissusiornerup kingorna sanaartorfissagissaanermut tunngatillugu aalajangersimasunik aningaasaliinissaminut pituttugaanngillat, isumaqatigiissutip imarisai malitsigitillugu suliarineqartussaamata inatsisitigoortumillu aningaasat atortussallu eqqarsaatigalugit Inatsisartunit akuerineqartussaallutik.

Nakkutilliinermi periaaseq naleqquttoq Naalakkersuisut KANUKOKA-mik isumaqatigiissusiorlutik killilersorinnaanngimmassuk.

Qulaani isiginiagassatut taaneqartut tunngavigalugit takorlorneqarsinnaavoq sanaartorfissagissaaneq pillugu isumaqatigiissut oktober 1997-imeersoq tassaasoq Namminersornerullutik Oqartussat aamma KANUKOKAp akornanni politikikkut iliuuseqarnissamik nassuerutiginninnerusoq, inuit ataasiakkaat pillugit inatsiseqartitsinermi isumaqatigiissutinut tunngasunut sanilliunneqarsinnaanngitsaq. Taamaattumik illua'tungiliuttumut isumaqatigiissummik immaqa “malinnissimangitsumut“ aningaasatigut piumasaqaatinik atuutsitsiniartoqarsinnaanngilaq. Taamaattumik KANUKOKAp inatsisinut tunngasut aallaavigalugit sanaartorfissagissaaneq pillugu isumaqatigiissut oktoberimi 1997-imeersoq ukioq 2004-mi ataatsimoorussamik tapiissutit isumaqatiginninniutiginerinut atatillugu aningaasatigut piumasaqataasinnaasunut tapertassatut tunngavilersuutigisinnaanngilaa.“

Tassunga uiggiullugu Inatsisit Atortinneqarnerannut Allaffik 18. juni 2003-mi najukkami sanaartorfissagissaanermi kommunit akilee-qusisinnaatitaanerit pillugu oqaaseqaateqarpoq. Tassannga erserpoq:

“Inatsisit Atortinneqarnerannut Allaffiup inatsisinut tunngasutigut 2. juni 2003-mi sanaartorfissagissaaneq pillugu 1997-imi oktoberimi Namminersornerullutik Oqartussat aamma Kalaallit Nunaanni Kommunit Kattuffiata (Kanukokap) akornanni isumaqatigiissummumut oqaaseqaatini innersuusutigissavai, taakkunanngalu erserpoq:

“Kalaallit Nunaanni kommunit isumaqatiginninniarni KANUKOKA-mit sinniissuuffigineqarput, kattuffiullu tungaaniit isigalugu oqartoqarsinnaalluni Kalaallit Nunanni kommunit KANUKOKAp isumaqatigiissutaanit pituttorsimaneqartut. Kommunip aningaasaqarneranik aalajangersaanerit 1997-imi oktoberimi sanaartorfissagissaaneq pillugu isumaqatigiissummik attuinerit kommuninut ataasiakkaanut kommunit namminiileriarnerannut ima pingaaruteqartigaaq, takuuk Tunngaviu-

sumik Inatsimmi § 82, allaat isumaqatigiissut kommuninut ataasiakkaanut pitut-tuisutut isigineqarsinnaanani. [Inatsisit Atortinneqarnerannut Allaffiup innersuus-sutaa: 1) Henrik Zahle, Dansk forfatningret 2, Regering, forvaltning og dom, qup. 82, aappasaanik naqiterneqartoq, siullermik 1996-imi Christian Ejlers forlag.]

Taamaattumik Kalaallit Nunaanni kommunit isumaqatigiissutip malinnissaanut inatsisitigut pisussaaffilerneqanngillat. Namminersornerullutik Oqartussat aamma Kalaallit Nunaanni kommunit sanaartorfissagissaanissaannik pisussaaffiliisumik in-atsiseqanngilaq. Periaaseq naapertorlugu Kalaallit Nunanni kommunit najukkami sanaartorfissagissaaneq ingerlatarisimavaat Namminersornerullutik Oqartussat Ka-laallit Nunanni pingaarnermik sanaartorfissagissaanerit ingerlataralugit.

Taassuma malitsigisaanik Kalaallit Nunaanni kommunit najukkami sanaartorfis-sagissaanissamut mattunneqanngillat. Pisuni ataasiakkani tamanna akiliuteqar-titsinikkut aningaasalersorneqassanersoq imaluunniit akileraarutitigut akiliuteqar-titsinikkut pisassanersoq tamanna kommunit ataasiakkaat namminneq aalajangiif-figissavaat, takuuk Tunngaviusumik inatsimmi § 82.”

Inatsisit Atortinneqarnerannut Allaffiup akissutaata taamaalilluni Namminersor-nerullutik Oqartussat immikkoortumut tamatumunnga inatsiseqartitsineri inissisi-manerani paasinninnera sakkortusisippaa. Suliap aalajangersimasup makku kingu-nerissavai:

Sanaartorfissagissaanissamik isumaqatigiissutip anguniagassanik nalunaarutaani inatsisitigut pissutissaqarpoq Aningaasanut Inatsimmi najukkami immikkoor-tumi...erngup aqquaanut Inatsisartut aningaasaliissuteqannginnerat... Aammattaaq pissutissaqarpoq K Kommunip najukkami immikkoortumik sanaartorfissagissaa-nermini nammineerluni erngup aqqutaanik ilanngussinera. Taamaalilluni kommunip tamatuma kingorna aningaasartuutit Namminersornerullutik Oqartussaniit utertiniarsinnaasimangilai. Aammattaaq najukkami erngup aqqutaanut aningaasartuutit immikkoortumi sanaartorfissagissaanermut akileeqataassutissanut kommunip naat-sorsuutitut ilaatitsinera pissutissaqarpoq.

Sanaartorfissagissaanermut akiliummik innuttaasut akiliivallaarutaannik kom-munip utertitsinariani oqarsimanagera pisortaqarfiup qanoq isumaqarfigaa?

Aallaqqaasiutitut erseqqissaatigineqassaaq kommunit sanaartorfissagissaanermut akiliummik akileeqqusineq ajormata sanaartorfissagissaanermi akileeqataassutis-sanik, tamannalu akiliutit pillugit malittarisassat (inatsisitit aalajangersagaanngitsut) nalinginnaasut naapertorlugit pisarpoq.

Akiliutissaq taamaattoq najukkami immikkoortumi aalajangersimasumi sanaar-torfissagissaanermut aningaasartuutit amerlaqataattut annerpaaffeqartinneqassaaq, aningaasartuutimmi immikkoortumi nunaminertamik piginnittooreersunut piginnit-tuulersinnaasunullu pisortatigoortumik agguaaassisarneq pillugu nalunaarut malil-lugu agguataarneqartussammata.

K Kommunip nalunaarutigaa najukkami sanaartorfissagissaanermi sanaartorfis-sagissaanermut akileeqataassutissat sanaartorfissagissaanermik pilersaarusiornermi A-mik missingersuusiat tunngavigalugu nalinginnaasumik naatsorsorneqartartoq akileequneqarlunilu, tassungalu atatillugu periuseq tassaasartoq:

1. A-mik missingersuusiat sanaartorfissagissaanermi aningaasartuutit piviusut matussusersinnaanngikkaangassuk piginnittuusut akiliutigineqartut aningaasartuu-tillu piviusut nikingassutaannik akileequneqarneq ajorput. Nikingassut kommu-nimit akilernerqartarpoq taamaalillunilu akileraarutitigut aningaasaliiffigisaalluni.

2. A-mik missingersuutit aningaasartuutit piviusut qaangerpatigit taava aningaasat piginnittussaataasut akiliivallaarutigisaat kommunip karsianut nakkartarput. Taamaalilluni innuttaasut akiliivallaarutitigut utertinneq ajorpaat.

Akiliuteqartitsisarnermi malittarisassat nalinginnaasut naapertorlugit kommuni sanaartorfissagissaanermi aningaasartuutit piviusut qaangerneqartillugit inatsisitigut akileeqqusinissaminut tunngavissaqanngilaq. Tamatuma aamma kinguneraa immikkoortoq 2-mitut pisoqartillugu A-mik missingersuusiap aningaasartuutit piviusut qaangerpatigit taava kommuni kingumoortumik nalimmassaasiussasoq, taamaallilluni akiliivallaarutaasut innuttaasunut utertinneqarlutik.

Suliamili pineqartumi oqartussaasut aalajangiisartup immikkoortoq 2-mi pisoq suliarinngilaa. Allamik tamatumuuna nassuiaatissaqanngilaq taamaallaat oqartussaasup aalajangiisussap suliami qitiusoq immikkoortoq 1-imi pineqartoq minnaarlugu akiliuteqartitsisimaneq suliariniarlugu qinersimammagu.

Immikkoortumut ... naatsorsuusiap sanaartorfissagissaanermi akileeqataassutissat sanaartorfissagissaanermi aningaasartuutiviusussat matussusersimasutut isikkoqartippai, taamaattumillu oqartussaasut aalajangiisartup pissutissaqarsorisimavaa inatsisitigut eqqortuunersoq kommunip tapiutissanik akileeqqusisimannginnera sanaartorfissagissaanermi aningaasartuutit piviusut A-mik missingersuusiap qaangermigaangatigit, akileeqqusinermut tunngaviusut.

Inatsisartut Ombudsmandiata allakkamini 19. marts 2004-meersuni oqartussaasut aalajangiisartoq apeqqut tamanna misissuiffigitissallugu pissutissaqarsimanngitsoq nassuiaateqarfigaa, tassami pisorta qarfiup kommunip aalajangiinera suliami naammagittaallortumut akornusiisumik allanngortissinnaanngimmagu kommunip aalajangiinera nuna tamakkerlugu pilersaarusernermut attuumassuteqartinnagu.

Oqartussaasut aalajangiisartup Inatsisartut Ombudsmandiata nassuiaataa tusaatissatut tiguaa.

Aammattaaq pisortarfiup periaatsimik allanngortitsinnissaq pillugu K Kommuni ukiuni kingullerni attaveqarfigisarsimavaa taamaallilluni tapiutissanik nalimmassaasaneq pillugu apeqqut pinngitsoortittariaarutissalluni tassunga ilanngullugu sanaartorfissagissaanermi akileeqataassutissanik naafferartumik akilersuisinnaaneq, tamatumani akiligassaq kingulleq sanaartorfissagissaanermut naatsorsuutit saqqummiunneqareerpata aatsaat akilerneqartussanngorlugu. Sanaartorfissagissaanermi akiileeqataassutissap tamakkerluni aatsaat kingusinnerusukkut akiligassanngornissaa periarfissaatillugu, assersuutigalugu sanaartornissamut akuersissummik tunniussernermut atatillugu." (Atorfeqarfimmi nutsigaavoq)

Suliaq Naalackersuisunut allakkatigit 5. april 2005-imeersutigut imaattutigut inaarlugu suliaara.

"...

Ilassutaasumik apeqqutit allakkani 19. marts 2004-meersuni apeqqutigisakka eqqarsaatigalugit isumaqarpunga suliaq inaavillugu massakut suliarisinnaaleriga.

Allakkatit 23. marts 2005-imeersut imatut paasivakka sanaartorfissagissaanermut aningaasartuutit kommunip pisinnaatitaaffinnik pigisaqartunut akilersinniarsimasai K Kommunip (Namminersornerullutik Oqartussanit Nukissiorfinnilluunniit) utertillugit tamakkiisumik ilaannakortumillunniit tigusimanngikkai.

Tassa imaappoq tunngaviutikkiga kommunip aningaasartuutini tamakkiisumik ilaannakortumilluunniit marloriarluni (pisinnaatitaaffinnik pigisaqartut akiliisinniarneqarnerisigut imaluunniit Namminersornerullutik Oqartussat utertitsillutik akiliinerisigut) matussuseritissimanngikkai.

Taamaattumik aamma tunngaviutippara aningaasat pisinnaatitaaffinnik pigisaqartunut, matumani ... ilanngullugu eqqarsaatigalugu, akilersinniarneqarsimasut kommunip aningaasartuuterpiarisimasaanit ikinnerusut.

Tamanna tungavigalugu isumaqatigaara suliaq aningaasanik pisinnaatitaaffinik pigisaqartunut amerlanaarlugit akilersinniarneqarsimasinnaasunik utertitsilluni akiliinissamut kommunip pisussaaffeqarsimasinnaasimagaluarnernanik apeqqut pillugu isumaliutersuuteqarnissamut pissutissaqalersitsinngitsoq.

Taamaattumik suliami matumani annertunerusumik iliuuseqaqqissanngilanga."

## **2004-mi ukiumoortumik nalunaarut, immikkoortoq 6, qupperneq 418 tullilu.**

### **Ineqarnermut tapiissutinik qinnuteqaammik kommunip suliarinnin- nera. (J.nr. 11.10.02.04/048-03)**

Ilaqutariinnermut Pisortaqarfiup akissutaa imaattoq 14. januar 2004-mi tiguara:

"Ineqarnermut tapiissuteqartarnermi suliaq aalajangiinerit naammagittaalliutigineqartarnerat pillugu allakkatigut 17. december 2003-meersutigut kiisalu 7. oktober 2004-meersutigut Inatsisartut Ombudsmandiat Ilaqutariinnermut Pisortaqarfimmumut saaffiginnippoq.

Ilaqutariinnermut Pisortaqarfik isumaqarpoq Inissiani attartortittakkani ineqarnermut tapiissutit pillugit Inatsisartut peqqussutaata nr. 3-p, 31. maj 2001-imeersup aamma isumaginnittoqarfiup aqunneqarnera aaqqissuussaanelu pillugit Inatsisartut peqqussutaata nr. 11-p, 12. november 2001-imeersup akornanni paasiuminaatsortaqanngitsoq.

Inissiani attartortittakkani ineqarnermut tapiissutit pillugit Inatsisartut peqqussutaanni § 14 naammagittaalliorsinnaanermik killiliisussatut isumaqartinneqanngilaq. § 14 "soqutaanngilaq" taamaallaallu inuit paragraffit aalajangiiffiunngitsut taamaattumillu naammagittaalliornissamut pissutissaqarfiumngitsut malillugit Isumaginninnermi Naammagittaalliuteqartarfimmumut naammagittaalliunnginnissaat anguniarlugu ilanngussaalluni. § 14-imi paragraffit kommunimi aalajangersimasumik aalajangiiffiusut taaneqarput taakkulu tamarmik Isumaginninnermi Naammagittaalliuteqartarfimmumut naammagittaalliutigineqarsinnaapput.

Aammattaq Ilaqutariinnermut Pisortaqarfiup aalajangersakkakkut kissaatigaa inuit aalajangiinerik kommunip aalajangiiffiingnisaanik, ass. inuit namminneq illoqarnertik, akissarsiaqarpallaanertik assigisaaluunniit pissutigalugit ineqarnermut tapiiffigineqarsinnaannginnerannut tungasunik naammagittaalliornissaat pinaveersaartinneqassasoq.

Tamanna pivoq suliat naammagittaalliuteqartarfimmumut suliakkiutigineqartut sulianut kommunip naliliiffigisimasaannaannut ikilisinniarlugit. Peqqussummi aalajangersakkat allat malillugit innuttaasut piumasqaatinik naammassinnissimagunik ineqarnermut tapiissutisinnaatitaapput. Suliamilli kukkusumik suliaqartoqarsimatillugu innuttaasoq oqartussaasumut qulliusumut naammagittaalliortariaqarpoq.

Inissiani attartortittakkani ineqarnermut tapiissutit pillugit Inatsisartut peqqussutaat malillugu kommunip aalajangiineri tamarmik Isumaginninnermi Naammagittaalliuteqartarfimmumut naammagittaalliutigineqarsinnaapput tamatumani Isumaginnittoqarfiup aqunneqarnera aaqqissuussaanelu pillugit Inatsisartut peqqussutaanni § 8 malinneqarpoq."



Ilaqutariinnermut Pisortaqarfimmut 24. januar 2005-imi imatut allappunga:

"Ilaqutariinnermut Pisortaqarfiup allagai 13. januar 2005-imeersut tiguakka.

Pisortaqarfiup allagai uanga paasinninnera malillugu arlalitsigut erseqqarluttortaqarput, paasinneqqaarnerali unaavoq "aalajangiineq" aatsaat pineqartartoq aalajangiineq taanna missiliuussinikkut naliliinermik imaqarpat. Aamma tamanna imatut paasivara Ilaqutariinnermut Pisortaqarfik taamaattumik isumaqartoq ineqarnermut tapiissutit pillugit peqqussummi § 14 pisariaqartuunngitsoq, kiisalu ineqarnermut tapiissutit pillugit peqqussummi § 14 aamma aqutsineq pillugu peqqussummi § 8 imminnut assortuuttuunngitsut, tassami "aalajangiinerit" tamarmik Isumaginninnermi Naammagittaalliuuteqartarfimmut naammagittaalliuutigineqarsinnaammata.

Kisianni "aalajangiinermik oqartarnermik" Ilaqutariinnermut Pisortaqarfiup killissalersuineri ingerlatsineq pillugu inatsiseqartitsineri aalajangiinermik oqartarnermut naapertuuttuunngilaq. Aamma ineqarnermut tapiissutit pillugit peqqussummi § 14-imut naapertuuttuunngilaq, paasinnittarnermullu Isumaginninnermi Naammagittaalliuuteqartarfiup massakkut atugaanut aamma naapertuuttuunani.

Ingerlatsineq pillugu inatsiseqartitsineri aalajangiinermik oqartarnermik ileqqusoq malillugu paasinnittarnek, ineqarnermut tapiissutit pillugit peqqussummi § 14-ip oqaasertai (immikkoortoq 2) aamma Isumaginninnermi Naammagittaalliuuteqartarfiup periaasia (immikkoortoq 3) pillugit tulliuuttuni naatsumik nassuiaateqarpunga. Naalakkersuisunut nalunaarutiginninninnut (immikkoortoq 4) tunuliaqutaasoq aamma itisilerpara.

Ilaqutariinnermut Pisortaqarfik tamakku tunngavigalugit qinnuigaara inatsiseqartitsinermik paasinninnini sulii ataasiarluni isumaliutersuutigeqqeqqullugu.

1. Ingerlatsineq pillugu inatsiseqartitsineq aalajangiinermik oqartarnek

Ingerlatsineq pillugu inatsiseqartitsineri aalajangiinermik oqartarnek nalinginnaasoq inatsisini erseqqissumik nassuiarneqarsimanngilaq. Aalajangiinermilli oqartarnek taanna ilaatigut pisortat ingerlatsineranni suliaassat suliarineqartarnerat pillugu Inatsisartut peqqussutaanni nr. 8-mi, 13. juni 1994-imeersuni atornerqarpoq, tassami inatsisip atortuuffia "aalajangiinernut" pingaarnerusutigut killilerneqarsimamat, tak. § 2, imm. 1.

§ 2, imm. 1 piareersarlugu suliani oqaatigineqarpoq aalajangiineq inatsiseqartitsinikkut iliutsimut naapertuuttusoq, "tassa imaappoq oqaaseqaatit pisumi pineqartumi inatsisit malillugit suup eqqortuuneranik imaluunniit eqqortuusussaaneranik aalajangiisut".

Piareersaalluni sulianit aamma erserpoq inatsiseqartitsinikkut iliutsit tassaasut inatsiseqartitsinikkut ataatsimut iliutsit aamma ingerlatsineri aalajangiinerit ataasiakkaat.

Taamaalilluni aalajangiinermik ileqqusutut oqartarnek "aalajangiinernut missiliuussinikkut naliliinermik imaqartunut" killeqartinneqanngilaq.

Taamaalillutik oqaaseqaatit innuttaasut ataasiakkaat inatsisitigut inissisimaneranik aalajangersaasuusut ingerlatsinermik inatsiseqartitsineq tunngavigalugu aalajangiinerupput.

Ineqarnermut tapiissutit pillugit peqqussummi § 14, imm. 1-imi paragraffinik aalajangiinermi tunngaviusinnaasunik taaguineq sukumiisuunngilaq.

Taamaattumik paasinninnera unaavoq ineqarnermut tapiissutit pillugit peqqussummi § 14 aalajangiinermik ileqqusutut oqartarnek eqqarsaatigalugu naammagittaalliornissamat periarfissanik killiliisuusoq.

Assersuutigalugu qinnuteqaateqartup attartukkami najugaqartuunnginnera (inisi-  
sianik attartorneq pillugu peqqussummi § 1) pissutigalugu ineqarnermut tapiissu-  
tinik itigartitsineq aamma qinnuteqaateqartup isertitaqarpallaanera (peqqussummi §  
6) pissutigalugu ineqarnermut tapiissutinik itigartitsineq aamma aajangiinerupput.

Ineqarnermut tapiissutit pillugit peqqussummi tunngavigalugu aalajangiinerit  
taamaattut – aamma aalajangiinerit allat tamarmik – aqutsineq pillugu peqqussummi  
§ 8, imm. 1 tunngavigalugu Isumaginninnermi Naammagittaalliuuteqartarfimmu  
naammagittaalliuutigineqarsinnaasussaapput. Matumani una innersuussutigaa-  
ra, tassalu aqutsineq pillugu peqqussummi § 8, imm. 1-imit (imm. 4-mi eqqartorneqar-  
tunit) ersertoq kommunalbestyrelsip malittarisassat isumaginninnermut tunngasut  
malillugit ”aalajangiineri” Isumaginninnermi Naammagittaalliuuteqartarfimmu  
naammagittaalliuutigineqarsinnaasut.

Naalackersuisunulli nalunaarutiginninnera Isumaginninnermi Naammagitta-  
alliuuteqartarfiup aqutsineq pillugu peqqussummi § 8-mik atuinnnginneranik pissute-  
qarpoq.

Isumaginninnermi Naammagittaalliuuteqartarfiup tunngaviutippaa ineqarnermut  
tapiissutit pillugit peqqussummi § 14 aqutsineq pillugu peqqussummi § 8-mit sal-  
liutillugu atorneqassasoq. Tassa imaappoq ineqarnermut tapiissutit pillugit peqqus-  
summi § 14-ini naammagittaalliornissamut killiliineq pillugu malittarisassaq Isuma-  
ginninnermi Naammagittaalliuuteqartarfiup sulii atoraa. Taamaattumik aalajangi-  
nerit – aqutsineq pillugu peqqussummi § 8 tunngavigalugu naammagittaalliuuti-  
gineqarsinnaasimagaluartut – suliarineqarnissaat Isumaginninnermi Naammagittaalli-  
uuteqartarfiup itigartitsissutigisarpaa, aalajangiineq pineqartoq aalajangersakkat  
ineqarnermut tapiissutit pillugit peqqussummi § 14, imm. 1-imi (tulliuttuni imm. 3)  
taaneqartut ilaat tunngavigalugu pisimangippat.

2. Ineqarnermut tapiissutit pillugit peqqussummi § 14  
§ 14 imaattunik oqaasertaqarpoq:

”§ 14. § 3, imm. 2, § 5, imm. 2, § 10 aamma § 12, imm. 1 naapertorlugit kommu-  
nup aalajangiineri Isumaginnittoqarfiup aquneqarnera aqqissuussaanelu pillugit  
Inatsisartut peqqussutaanni maleruagassat naapertorlugit Isumaginninnermi Naam-  
magittaalliuuteqartarfimmu suliareqqitassanngortinneqarsinnaapput.

Imm. 2. Peqqussummi matumani aalajangersakkat allat malillugit kommunip  
aalajangigai aqutsinikkut oqartussanut allanut naammagittaalliuutigineqarsinnaan-  
ngillat.”

§ 14, imm. 2-p oqaasertaanit erserpoq (”aalajangersakkat allat malillugit ...-p  
aalajangigai”) aalajangiinerinik § 14, imm. 1-imi taaneqartunit allaasunik aamma  
peqartoq oqaasertalersuisup ilisimasimagaa.

Taamaallillutik oqaasertat taakku § 14, imm. 1-imi aalajangiinerit isigineqartunik  
taaguinerup sukumiisuusussaanelanik paasinninnermut naapertuuttuunngillat.

Taamaallilluni ineqarnermut tapiissutit peqqussummi § 14, imm. 1 oqaasertalersor-  
neqarnini malillugu aalajangiinerinik ileqqussummik oqartarnermut sanilliulluni aala-  
jangiinerit suut Isumaginninnermi Naammagittaalliuuteqartarfimmu naammagit-  
taalliuutigineqarsinnaanerannik killilersuisooreerpoq.

Oqaatigaara kommunip aalajangiinerinik Isumaginninnermi Naammagittaalli-  
uuteqartarfimmu naammagittaalliuuteqarnissamut periarfissaqassappat inatsimmi/  
peqqussummi aalajangersakkamik ikkussisoqarsimanissaa aamma tunngavisoq.  
Tamanna kommunit aamma Isumaginninnermi Naammagittaalliuuteqartarfiup  
akornanni qullersareqatigiinnermik allersareqatigiinnermillu inatsisikkut aalaja-  
ngersagaannngitsumik nalinginnaasumik atuuttoqannnginneranut (tamatumalu nassa-

tarisaanik oqartussaasumut qulliunerusumut inatsisitigut aalajangersagaanngitsumik naammagittaalliuuteqarnissamut periarfissaqannginneranut) ataneqartillugu isiginiarneqassaaq.

3. Isumaginninnermi Naammagittaalliuuteqartarfiup periaasia

Suliami pineqartumi Naalakkersuisunut Inatsisartunullu nalunaarutiginninnissanik pissutissaqalersitsisumi kommunip aalajangiinera pillugu naammagittaalliuutip suliarineqarnissaa Isumaginninnermi Naammagittaalliuuteqartarfiup itigartitsissutigaa. (2003 pillugu nalunaarutima kalaallisuuani qupperneq 201 tulliilu, qallunaa-tuuanilu qupperneq 160 tulliilu). Kommunip qaammatini marlunni ineqarnermut tapiissutit tunniunneqarnissaat ineqarnermut tapiissutit pillugit peqqussummi § 8 innersuussutigalugu itigartitsissutigisimavaa.

Naammagittaalliuutip suliarineqarnissaa Isumaginninnermi Naammagittaalliuuteqartarfiup itigartitsissutigaa, naammagittaalliornissamut periarfissaqannginnera innersuussutigalugu, tassami ineqarnermut tapiissutit pillugit peqqussummi § 8-mi ineqarnermut tapiissutit pillugit peqqussummi § 14, imm. 1 taaneqarsimanngimmat.

Isumaginninnermi Naammagittaalliuuteqartarfik aamma allappoq aqutsineq pillugu peqqussummit nutaamit (§ 8-mit) manna ersinngitsaq, tassalu taassuma naammagittaalliornissamut periarfissamik killiliineq ineqarnermut tapiissutit pillugit peqqussummi § 14-imit ersertoq salliujunnaarsikkaa.

Tassa Isumaginninnermi Naammagittaalliuuteqartarfiup ineqarnermut tapiissutit pillugit peqqussummi § 14, imm. 1 aqutsineq pillugu peqqussummi § 8-mit salliuutilugu atorpaa, taamaattumillu Naammagittaalliuuteqartarfiup paasinninnera malillugu aalajangiinerit § 14, imm. 1-imi taaneqanngitsut Isumaginninnermut Naammagittaalliuuteqartarfimmu suli naammagittaalliuutigineqarsinnaanatik.

Taamaattumik suliaq oqaatigineqartutut Naalakkersuisut Inatsisartunullu nalunaarutigaa, ineqarnermut tapiissutit pillugit peqqussummi § 14-ip aqutsineq pillugu peqqussummi § 8-mi naammagittaalliorsinnaaneq pillugu ataatsimut malit-tarisassaq (suli) killilersussaneraa qulaajarniarlugu.

4. Aqutsineq pillugu peqqussummi § 8

Isumaginnittoqarfiup aqunneqarnera aaqqissuussaanelu pillugit Inatsisartut peqqussutaanni nr. 11-mi, 12. november 2001-imeersumi § 8, imm. 1 aamma 2 imaattunik oqaasertaqarput:

”§ 8. Isumaginninnermi malittarisassat naapertorlugit kommunalbestyrelsi aalajangiisimatillugu suliamut attuumassuteqartup aalajangiineq Isumaginninnermi Naammagittaalliuuteqartarfimmu naammagittaalliuutigisinnaavaa. Aalajangiinerup tiguneranit sapaatip akunneri sisamat qaangiutsinnagit Isumaginninnermi Naammagittaalliuuteqartarfimmu naammagittaalliuuteqartoqassaaq.

Imm. 2. Isumaginninnikkut malittarisassat naapertorlugit Naalakkersuisut aalajangiisimatillugit suliamut attuumassuteqartup aalajangiineq Isumaginninnermi Naammagittaalliuuteqartarfimmu naammagittaalliuutigisinnaavaa. Tamannali atuutinngilaq aalajangiinerup naammagittaalliuutigineqarsinnaannginneranik inatsimmi immikkut aalajangersaasoqarsimatillugu [uanga erseqqissaanera]. Aalajangiinerup tiguneqarneranit sapaatip akunneri sisamat qaangiutsinnagit Isumaginninnermi Naammagittaalliuuteqartarfimmu naammagittaalliuuteqartoqassaaq.”

§ 8, imm. 1-ip aamma § 8, imm. 2-p oqaasertaasa assigiinngissutaat tassaavoq takuneqarsinnaammat Naalakkersuisut aalajangiineri eqqarsaatigalugit naammagittaalliornissamut killiliissutit immikkut ittut suli atuuttussat aalajangersarneqarsinannaasut, tak. § 8, imm. 2-mi oqaaseqaatigiit aappaat.

§ 8, imm. 1-imi taassuma pissuseqataanik ikkussisoqarsimanngippat tamanna imatut paasisariaqarpara inatsisiliortup manna tunngavigisimagaa, tassalu naam-magittaalliorsinnaanermut killiliissutitut immikkut aalajangersakkat aqutsineq pillugu peqqussutip akuerineqarnerata kingornatigut kommunit aalajangiineri eqqarsaatigalugit atuutissanngitsut.

Piffissap ingerlanera isigigaanni – tassalu aqutsineq pillugu peqqussutip ineqarnermut tapiissutit pillugit peqqussummit kingulliulluni akuerineqarsimanera – tamanna ineqarnermut tapiissutit pillugit peqqussummi aalajangersakkat aqutsineq pillugu peqqussummut assortuuttuusut atuukkunnaarnerannik paasinninnermut aamma ikorfartuisuuvoq.

Ingerlatsineq pillugu inatsiseqartitsineri aalajangiinermik oqartarnermit allaa-sumik aalajangiinermik oqartarnej pineqartussaasoq aqutsineq pillugu peqqussummi § 8 piareersarlugu suliani aamma oqaatigineqanngilaq.

Taamaattumilluuna – aamma Isumaginninnermi Naammagittaalliuuteqartarfik isumaqarmat ineqarnermut tapiissutit pillugit peqqussummi § 14 aqutsineq pillugu peqqussutip akuerineqarnerata kingornatigut atortinneeqqassasoq - apeqqut taanna Naalakkersuisunut Inatsisartunullu nalunaarutigisimagiga.

#### 5. Nutaamik oqaaseqaateqaqqusineq

Aallaqqaasiinermi oqaatigineqartutut – immikkoortuni 1-mit 4-mut taaneqartut tunngavigalugit – Ilaqutariinnermut Pisorta qarfik qinnuigaara inatsiseqartitsineri paasinninnini isumaliutersuutigeqqeqqullugu, (naammagittaalliorarneq pillugu mallittarisassat eqqarsaatigalugit) Kalaallit Nunaanni Naalakkersuisunut nalunaarutigineqqaarnerma 17. december 2003-meersup akineqarnerani atugassatut.

Inatsiseqartitsineri paasinninnerup Inatsisartut qanoq annertutigisumik aku-liutsinneqarnerat tunngaviussasoq nassatarissaneraa pisorta qarfiup isumaliutersuutigisagaa naatsorsuutigaara."

Ilaqutariinnermut Pisorta qarfiup akissutaa imaattoq 10. februar 2005-imi tiguara:

"Ineqarnermut tapiissuteqartarnermut suliassanut aalajangiiffigineqartunut naam-magittaalliuuteqarnissamut Inatsisartut Ombudsmandiat allakkatigut kingullermik 24. januar 2004-meersutigut Ilaqutariinnermut Pisorta qarfimmut saaffiginnissuteqarpoq.

Aalajangiisarnerup isumaanik Ombudsmandip nassuiaanera Ilaqutariinnermut Pisorta qarfiup isumaqatiginngilaa. Inissiani attartortittakkani ineqarnermut tapiis-sutit pillugit Inatsisartut peqqussutaanni § 14 Isumaginninnermut Naammagittaalli-uuteqartarfiup suliassarpassuaqalinnginnissaanut aaqqiissutitut taamaallaat Ilaqu-tariinnermut Pisorta qarfimmit ivertinneqarpoq. Naammagittaalliornissamut killi-lersuinissaq isumagineqanngilaq.

Ombudsmandip saqqummiussai Ilaqutariinnermut Pisorta qarfimmit tusaatissatut tiguneqarput siunissamilu Isumaginninnermi Naammagittaalliuuteqartarfimmut saaffiginnissutit pisariaqanngitsut qanoq iliorluni killilersornissaat eqqarsaatige-rusullugu."

Inatsisartut Inatsisit Atortinneqarnerannut Ataatsimiititaliaat tamatuma kingornatigut ilisimatippara Ilaqutariinnermut Pisorta qarfiup suliama akissutaa pissutigalugu isumaqartunga Naalakkersuisut inissianik attartor-neq pillugu Inatsisartut peqqussutaanni § 14, imm. 2-mik isumaginnit-toqarfiup aquanneqarnera aaqquissuusaaneralu pillugit Inatsisartut peqqus-

sutaanni § 8-mut sanilliullugu qanoq paasinninnerat erseqqarluttusoq, taamatuttaarlu isumaqartunga aqutsinermi oqartussaasumut qulliunerusumut naammagittaalliuuteqartarneq pillugu malittarisassat nalinginnaasut Ilaqutariinnermut Pisorta qarfiup qanoq paasinerai erseqqarluttusoq.

Suliami annertunerusumik iliuseqaqqissanerlunga ukiup nalunaarusiunneqartup naanerani sulii isummerfiginngilara.

## **2004-mi ukiumoortumik nalunaarut, immikkoortoq 6, qupperneq 426 tullilu.**

### **Attartukkamik atorunnaarsitsinermit piomasagaatit. Nuunnermi a-ningaasartuutit akiliisitsineq attartukkamilu atorunnaarsitsinerup kingornatigut attartorneq. Akiliummik akiliisitsineq inatsisitigut tunngavissaqartinneqanngitsoq. (J.nr. 11.22.28.01/120-01)**

A/S Inissiatileqatigiiffik INI allakkani 24. februar 2005-imeersuni imatut akivara:

"Inissiatileqatigiiffiup suliami inassuteqaatinnut malitseqartitsinini pillugu allagai 8. november 2004-mi tiguakka.

Taakkunanga erserpoq Inissiatileqatigiiffik suliap inaarneqarnissaanik attartortitsisoq sinnerlugu A-mut eqqartuussivikkoortuunngitsumik isumaqatigiissuteqarsimasoq, taamaalluni A-p attartortitsisumut piomasagaataanut taarsiissutitut A inisiamik allamik neqeroorfigineqarluni.

Paasisutissiisutiginartoq taanna tusaatissatut tiguara, taamaattumillu A eqqarsaatigalugu Inissiatileqatigiiffiup suliamik suliarinninnera pillugu annertunerusumik iliuseqaqqissananga.

Inissiatileqatigiiffiup tamatuma saniatigut oqaatigaa:

"A-p naammagittaalliuutaata suliarineqarnerani Ombudsmandip Inissiatileqatigiiffik arlaleriarluni qinnuigisarsimavaa inatsisilerinikkut "nalileeqqullugu attartukkap atorunnaarsinneqarnerata kingorna attartukkamik inatsisinik unioqqutitsiluni attartortup atuineranut Inissiatileqatigiiffiup akileeqqusilluni piomasagaateqarnera taarsiisuteqaqqusinertut, attartorneq pillugu inatsimmik tunngaveqanngit-sutut, isigisariaqarnerisoo". Ombudsmandip tamatumani suna pineraa Inissiatileqatigiiffimmi sulisut paasinninnginnerisa saniatigut Inissiatileqatigiiffik isumaqarpoq Ombudsmandi pillugu inatsit Inissiatileqatigiiffiup inatsisilerinikkut naliliinissamik pisussaaffilerneqarnissaanut atorneqarsinnaanersooq nalorninartoq." (Atorfeqarfimmi nutsigaavoq)

Issuarneqartut pillugit oqaatigaara Inissiatileqatigiiffiup aqutsineranik nakku-tilliinera sukumiisumik ingerlassinnaassagukku suliani pissusiviusut pillugit paasis-sutissanik aqutsinerullu malittarisassat suut malillugit ingerlaneramik Inissiatileqatigiiffiup paasinninneranik ilisimasaqalernissara tunngaviusooq.

Taamaattumik pissutsit misissuiffigisakka pillugit paasinninnini Inissiatileqatigiiffiup nassuiassagaa naatsorsuutigaara. Tamatumali saniatigut Inissiatileqatigiiffiup malittarisassat taakkulu atorneqarneri pillugit inatsisilerinikkut erseqqin-nerusumik naliliinissaa naatsorsuutiginnigilara.

Suliaq manna tusarniaanerma qanoq paasineqarnissaanik nalornilluni Inissiaatileqatigiiffiup oqaaseqaateqarfigisaa eqqarsaatigalugu oqaatigaara tusarniaaneq Inissiaatileqatigiiffiup K-mi immikkoortorta qarfiata allakkani 25. juli 2003-meersuni akisimagaa, ajornartorsiullu tamatuma kingornatigut oqaaseqaatinni isummerfigisimagiga.

Tamannarpiaq pissutigalugu isumaqarpunga qullersaqarfiup tusarniaaninnut oqaaseqaataa pillugu annertunerusumik iliuuseqaqqinnissannut pissutissaqarnanga.

Inissiaatileqatigiiffiup aamma oqaatigaa:

”Ombudsmandip oqaaseqaataata Inissiaatileqatigiiffiup inatsisilerinermut immikkoortorta qarfianut saqqummiunneqarsinnaanera Inissiaatileqatigiiffiup pissusissamisoortutut isigaa. Taamatuttaaq oqaaseqaat Inissiaatileqatigiiffiup eqqartuussissuserisumut saqqummiussinnaajumavaa. Inissiaatileqatigiiffiup naatsorsuutigaa Ombudsmandip oqaaseqaatai inatsisilerinermut immikkoortorta qarfiup imaluunniit eqqartuussissuserisup qanoq isumaqarfigineraat tusassallugu Ombudsmandip soqutigissagaa, taamaaliornikkut Ombudsmandi oqanngikkaluartuq Inissiaatileqatigiiffik suliaq pillugu siusinnerusukkut oqaaseqaateqarsimasinnaasimagaluartuq.” (Atorfeqarfimmi nutsigaavoq)

Tamanna pillugu oqaatigaara tusarniaanerit tamaasa, Inissiaatileqatigiiffiup taamatut kissaateqarnera malillugu, qullersaqarfimmut nassiuttarikka, saaffiginnissullu kia akissaneraa taassuma tamatuma kingornatigut isummerfigisaraa.

Taamaattumik tusarniaanernut akissutit tigusakka Inissiaatileqatigiiffiup paasininneranik tamakkiisumik ersersitsisuusut naatsorsuutigaa.

Kiisalu maluginiarpara nutsernermi suliasat avataaniillu kiffartuussinerit allat Inissiaatileqatigiiffiup suliassiissutigisaasa pitsaanerpaamik akikinnerpaamillu suliarineqartarnissaannik oqarnera Inissiaatileqatigiiffiup isumaqatigigaa.

Tamanna tusaatissatut tiguara, oqaatigaluguli nutsernermi suliasat pitsaanerpaamik akikinnerpaamillu suliarineqarsimanerat uppersarsassallugu Inissiaatileqatigiiffiup isumagisassarigaa.

Inassuteqaatinnut atatillugu matuma kingornatigut annertunerusumik iliuuseqaqqissanngilanga.”

## **2004-mi ukiumoortumik nalunaarut, immikkoortoq 6, qupperneq 430 tulliilu.**

### **Soraarniuteqarluni qinnuteqaammik suliaqarnermi suliamik paasisutissartalersuineq pissutsinik sulisitsisumut tunngasunik tunngavilersuuteqartinneqartoq. (J.nr. 11.03.21.01/105-00)**

Aqutsinermut Pisorta qarfimmut 18. februar 2005-imi imatut allappunga:

”Pisorta qarfimmut 14. september 2004-mi allappunga, oqaatigalugulu pisorta qarfiup suliame suliarineqarfigisaa utaqqimaariga.

Taamatut oqarninnut aallaaviuvoq suliame inassuteqaatinnut pisorta qarfiup akissummini 26. august 2004-meersumi nassuerutigimmagu suliaq ...-p soraarniuteqarnerata akuersaarneqarnissaa sioqqullugu naammattumik paasisutissartalersorneqarsimannitsoq, suliallu amigartumik paasisutissartalersorneqarnerata aaqqiivigine-

qarnissaanut periarfissat assigiinngitsut arlallit pisorta qarfiup isumaliutersuuti-gisimagai.

Pisorta qarfimmit tamatuma kingornatigut tusagaqaqqinngilanga, taamaattumillu pisorta qarfik qinnuigaara suliap killiffia pillugu nalunaaruteqaqqullugu, tamatumunngalu peqatigitillugu oqaatigaara suliami oqaaseqaateqarninnit (8. marts 2002-mi) ukiut pingasut missaat massakut ingerlareersimalersut, taamaattumillu naatsorsuutigigiga suliap attanneqarsinnaasumik piffissap sivisunngitsup ingerlanerani inaarneqarnissaa pisorta qarfiup anguniassagaa.

Allakkat uku assilinerat ...-mut, taassuma suliami illua'tungiusutut sinniissaanut eqqartuussissuserisumut ...-mut, Inatsisartut Inatsisit Atortinneqarnerannut Ataatsimiititaliaannut aamma Naalakkersuisunut nassiuppakka."

Naalakkersuisut Siulittaasuata akissutaa imaattoq 26. juli 2005-imi tiguaru:

"... pillugu suliami Aqutsinermut Pisorta qarfiup akissuteqaqqinnginnera pillugu Inatsisartut Ombudsmandiata saaffiginnissutaa 14. juli 2005-imeersoq Naalakkersuisut tiguaat.

Saaffiginnissutinut siusinnerusukkut nassiunneqarsimasunut Inatsisartut Ombudsmandiata akineqartarsimannginnera Naalakkersuisut assorujussuaq ajuusaarutigaa. Aqutsinermut Pisorta qarflk ataatigut atsiortumut nassuiaavoq akissuteqaqqin-neq pisorta qarfiup kisimi paatsuinerinik kukkunerinillu pissuteqartoq. Pisorta qarfiup nalunaarutigaa paasissutissat amerlanerusut K Kommunimit pissarsiarinarneqartarsimasut. Paasissutissat taakku maanna pissarsiarineqareerput Finansministereqarfimmullu saqqummiunneqassallutik, pisorta qarfik Inatsisartut Ombudsmandiannut ..-mullu akissummik saqqummiussinnaalersinnagu.

Paasissutissat suliamut tunngassuteqartut siunissami qaninnerpaami pissarsiarineqarnissaat pisorta qarfiup anguniarniarpa, taamaalilluni suliami tassani aalajangiisoqarsinnaaqqullugu, suliarimi taanna piffissami sivisuumi ingerlasimammatt."

Naalakkersuisut Siulittaasuannut 28. september 2005-imi imatut allapunga:

"Allakkani 25. juli 2005-imeersuni Naalakkersuisut Siulittaasuata akivaanga ...-p ...-tut atorfirmunit tunuarniuteqarluni qinnuteqaataata akuerineqarnissaanut atatil-lugu suliami paasissutissiisoqaqqinnginneranut pisorta qarfiup ikiuutaanissaanut pisorta qarfik isummertinnagu Finansministeriaqarfiup akissutissai Aqutsinermi Pisorta qarfiup utaqqimaarai.

Peqatigitillugu Naalakkersuisut Siulittaasuata ilisimatitsivoq paasissutissat pineqartut siunissami qaninnerpaami pissarsiarinissaat Aqutsinermut Pisorta qarfiup ilungersuutigiumagaa.

Aamma Naalakkersuisut Siulittaasuata ilisimatitsissutigaa saaffiginnissutinut Aqutsinermut Pisorta qarfiup akissuteqartannnginnera paatsuinerinik taamatullu pisorta qarfiup kukkuneranik pissuteqartoq.

Tamatuma kingorna Naalakkersuisut Siulittaasuannit imaluunniit Aqutsinermut Pisorta qarfimmit tusagaqaqqinngilanga.

Suliap maannamut ingerlanera pingaartumik 8. marts 2002-mi inassuteqaatinik ilallugu oqaaseqaatiga aamma siusinnerusukkut ataasiarlunga, 1. april 2004-mi, saaffiginnissutigisartakkannut Aqutsinermut Pisorta qarfimmit akissuteqarneq ajornera pillugu Naalakkersuisunut aamma Inatsisartut Inatsisit Atorneqarnerannut Ataatsimiititaliaannut nalunaaruteqartariaqarsimanera eqqarsaatigalugu Aqutsiner-



mut Pisorta qarfiup suliaq qanoq aalajangiiffigisimaneraa pillugu sapaatip akunneri sisamat qaangiutsinnagit nalunaarfigeqqullunga Naalakkersuisut Siulittaasuut qinnuigaara. Aalajangiisoqarsimassanngippat pisorta qarfiup suliami malitseqartitsinera pillugu allaffigeqatigiittarnermit allagaasartut assilineri nassiuteqqullugit Naalakkersuisut Siulittaasuut qinnuigaara.

Peqatigitillugu Naalakkersuisut Siulittaasuata uannut allakkamini oqaatigisaatut suliamik suliarinninnermini pisorta qarfiup kukkussuteqarsimaneranut atatillugu Naalakkersuisut Siulittaasuut erseqqissumik iliuseqarsimanersoq pillugu Naalakkersuisut Siulittaasuut nalunaarfigeqqullunga qinnuigaara.

Piffissaliussap taassuma qaangiutinnginnerani saaffiginnissutinnut akissutinik naammaginarunik tigusaqanngikkuma suliamik suliarinninnera inaarsinnaanagu Inatsisartut Inatsisit Atortinneqarnerannut Ataatsimiititaliaannut nalunaaruteqaqqinnissara naatsorsuutigaa."

Naalakkersuisut Sulittaasuata 18. oktober 2005-imi imatut akivaanga:

"Aqutsinermut Pisorta qarfiup juli 2005-imi nalunaarutigaa, allakkatigut Aningaasanut Ministeriaqarfimmit attaveqatigiittoqartoq ...-mut soraarnerussutisiaqartitsinermi pissutsit pillugit. Ajuusaarnaraluartumik taamatut ingerlatsineq suli naammassineqarsimangilaq, taamaattumillu suli aalajangiisoqarnikuunani. Aqutsinermut Pisorta qarfiup aamma Aningaasanut ministeriaqarfip akornanni allakkatigut paarlaasseqatigiittarsimaneq kissaatigineqartutut ilanngunneqarput. Tamatumunnga tunngatillugu nalunaarutigineqarsinnaavoq annertunerusunik paasissutissiisoqarnisaanik kissaatigisaq Aningaasanut Ministeriaqarfimmut nassiunneqarsimammat.

Ilanngullugu Inatsisartut Ombudsmandiata oqaatigaa, kissaatigalugu nalunaarutigineqassasoq, aalajangersimasumik qanoq iliortoqarsimanersoq tassalu Aqutsinermut Pisorta qarfiup siusinnerusukkut Inatsisartut Ombudsmandiannit allakkiaasarsimasut akissuteqarfifigarsimangisai pillugit. Nalunaarutigineqarsinnaavoq, kukkuneq pinngorsimammat pissutigalugu erseqqarissimangimmat, kina ...-mut tunngatillugu suliamit sullissisuusimanersoq. Tamanna maanna iluarsineqarsimalerpoq, suliarlu manna tunngavigalugu Pisorta qarfimmi namminermi periuserineqartartut misissuataarneqarsimapput, tamakkulu nassatarisimavaat arlalitsigut allannguisoqarsimaneera taamaasilluni siunissami assigusunik pisoqarsinnaanera pinaveersaartinneqarsinnaassalluni.

Aqutsinermut Pisorta qarfimmit Inatsisartut Ombudsmandiat, ...-p soraarnerussutisiaqarnerani pissutsitigut inaarutaasumik aaqqiisoqarsimalerpat kiisalu ...-mut tunngatillugu suliami inaarutaasumik aalajangiisoqarsimalerpat ilisimatinneqassaaq."

Naalakkersuisut Siulittaasuannut 24. oktober 2005-imi imatut allapunga:

"Naalakkersuisut Siulittaasuata suliaq pillugu ilisimatitsissutaa aamma kukkererit Aqutsinermut Pisorta qarfiup kukkussutigisimasaasa qanoq ililluni aqqinneqarnerannik Naalakkersuisut Siulittaasuata ilisimatitsissutaa 19. oktober 2005-imi tiguara.

Naalakkersuisut Siulittaasuata akissutaanit aamma Aqutsinermut Pisorta qarfiup kiisalu Sulisoqarnermut Aqutsisoqarfip akornanni allagaasimasut assilinerinit Naalakkersuisut Siulittaasuata akissumminut ilanngullugit nassiussaanit erseppoq kukkussutaasimasup qinnuteqaatigalugu soraarsitsinermi naliliinikkut (qinnuteqaataanngitsumik) soraarsitsininngortitsinikkut aqqinneqarnissaa Naalakkersuisut

isumaliutersuutigigaat, taamaaliortoqassappallu ...-p soraarnerussutisiaqartitaanermini pisinnaatitaaffii aaqqiiviginiarneqassasut.

Naalakkersuisut soraarsitsineq pillugu suliamik suliarinneqqinneranni inerniliunneqartoq pillugu ilisimatinneqarnissara matuma kingornatigut utaaqqimaarpara."

Ukiup nalunaarusiuunneqartup naanerani Naalakkersuisunit tusagaqanngilanga.

#### **2004-mi ukiumoortumik nalunaarut, immikkoortoq 6, qupperneq 441 tulluilu.**

#### **Soraarsitsinerni arlalinni suliami illua'tungiusup isumaanik tusaniaa-simanginnerit. (J.nr. 11.32.20.0/114-97, 11.32.20.0/093-98 aamma 11.32.20.0/037-99)**

Suliani pingasuni taakkunani naammagittaalliortunut allakkat assigiin-oqaasertaqartut imaattut 28. december 2005-imi nassiuppakka:

"...

Kommunimit ... tusagaqqinngilanga.

Suliami allami Kalaallit Nunaanni Kommuninik Nakkutilliisoqarfiup allagai 17. november 2005-imi tiguakka, taakkunanilu nalunaarutigineqarpoq sulianik ingerlatsineq pillugu inatsiseqartitsineq tunngavigalugu suliarissallugit pisussaaffigisaanik kommuninik aqutsineq pillugu inatsit tunngavigalugu pinngitsaaliiniutitut atorneqarsinnaasut aallaavigalugit kommunit pinngitsaalillugit aalajangiisinniarneqarnissaat Nakkutilliisoqarfiup ingerlakkumangikkaa.

Inatsisartut Inatsisit Atortinneqarnerannut Ataatsimiititaliaat qinnuigaara ajornartorsiut pillugu oqaloqatigiumallugu, Inatsisillu Atortinneqarnerannut Ataatsimiititaliaq tamatumunnga atatillugu allakkat uku assilinerannik nassippara, Nakkutilliisoqarfilli paasinninnerminik allangortitseqqullugu peqqunissaanut periarfissaqanngilanga.

Tamanna tunngavigalugu naliliivunga taarsiivigineqarsinnaatitaaninnik apeqqummik suliarinninnerminik kommuni inaarsaaqullu peqqunissaanut periarfissaqarnaviangitsunga.

Taamaattumik qulaani taaneqartut isiginiarlugit aalajangerpunga Kalaallit Nunaata Eqqartuussivianut kaammattuutiginiarlugu taarsiivigineqarnissat piumasaqaatigalugu kommunip eqqartuussivikkoortumik suliaassiisutiginnissaanut ilinnut aningaasartuutaanngitsumik eqqartuussivikkoortumik suliaassiisuteqarnissat ilinnut nalunaarutigineqassasoq, kommunip ilinnik soraarsitsinerata kingunerisaanik aningaasatigut annaasaqarsimanerit uppersarsinnaagukku.

Kaammattuutiga Kalaallit Nunaata Eqqartuussivianut ingerlateqqissagiga kissaatigukku qinnuigaakkit tamanna uannut nalunaarutigeqqullugu.

Ullumikkumiit sapaatit akunneri arfineq pingasut qaangiutsinnagit ilinnit tusagaqanngikkuma suliami annertunerusumik iliuseqaqqissanngilanga."

Pineqartut akissutaannik ukiup nalunaarusiuunneqartup naanerani tigusaqanngilanga.

**2004-mi ukiumoortumik nalunaarut, immikkoortoq 6, qupperneq 447.**

**Sulisunik aqutsinikkut aalajangiinernut malittarisassatigut tunngavioq inatsisitigullu tunngavik. (J.nr. 11.03.20.12/093-06)**

Aqutsinermut Pisorta qarfimmu inaarutaasumik allakkanni 25. januar 2005-imeersuni imatut allappunga:

"Malittarisassanut inatsisitigut tunngaviusup malittarisassallu tamanut saqqummiunneqarnissaannik pisariaqartitsinerup naliliiffigineqarnissaa siunertaralugu sulisoqarnermik aqutsinermi malittarisassanik pigineqartunik misissuinerup ingerlanera pillugu nassuiaateqarnissaaq Aqutsinermut Pisorta qarfimmu allakkanni 25. oktober 2004-meersuni eqqaasitsissutigaaara.

Pisorta qarfimmu suli tusagaqanngilanga.

Tamanna pillugu oqaatigaara malittarisassat pigineqartut misissorneqareernissaasa tungaanut siunissami suliaasarumaartunik suliarinninninnut atatillugu sulisoqarnermik aqutsineq pillugu malittarisassat atorfeqartitaasut eqqarsaatigalugit aalajangiinernut tunngaviusinnaannginnerat naatsorsuutigisinnaassagiga.

Pisuni ataasiakkaani malittarisassat taamaattut inatsimmik imaluunniit ataatsimoortumik isumaqatigiisummik imaluunniit tjenestemandinut isumaqatigiisummik tunngaveqarnermut immikkut misissuiffigisarniarpakka.

Malittarisassaq taakkuninnga tunngaveqanngippat aallaaviga tassaassaaq malittarisassaq pineqartoq sulisunik aqutsinermi allaffissornikkut aalajangiinermut tunngaviusinnaanngitsoq.

Taamaalilluni pisorta qarfiup naatsorsuutigisariaqarppaa isummat oqaaseqaatinni 27. juni 2000-imeersuni oqaatigisakka nutaamik suliaajumaartunut aamma atuutissaasut.

Taamaattumik suliami pineqartumi paasisutissat pigineqartut tunngavigalugit annertunerusumik iliuseqaqqissanngilanga, taamaattorli naatsorsuutigissallugu inatsisitigut tunngaveqarnermik ajornartorsiutit tamanullu saqqummiussinissamik pisariaqartitsineq pisorta qarfiup massakkut misissuinermini qulaajarumaakkani isummerfigissagai."

**2004-imi ukiumoortumik nalunaarut, immikkoortoq 6, qupperneq 451 tullialu.**

**Inuussutissanik nakkutilliinermut atatillugu aalajangiinerup qanoq paasisariaqarnera. Immikkut akuersissuteqartarnermut inatsisitigut tunngavissaqarneq pillugu apeqqut. Nakkutilliinermut allaffissornikkut malittarisassanik naammaginartunik aalajangersaasussaataitaneq. (J.nr. 11.52.10.1/066-00)**

Najukkani ataasiakkaani qitiusumillu ataatsikkut nakkutilliinerup atulerinneqarnerata kingunerisinnaasai pillugit qulaajaanermi paasisat pillugit pisorta qarfimmu ilisimatitsissummik tigusaqannginnama suliami killiffik pillugu ilisimatitsisoqarnissaaa allakkanni 10. november 2005-imeersuni aamma 30. december 2005-imeersuni eqqaasitsissutigaaara.

Pisortaqarfiup akissutaanik ukiup nalunaarusiuunneqartup naanerani tigusaqanngilanga.

**Ukiumoortumik nalunaarut 2004, immikkoortoq 6, qupperneq 452 tulluilu.**

**Piffissaq isumaqatigiinniarnernut atatillugu suliamik suliarinninnermut atorneqartoq. (J. nr. 11.32.10.1/052-01)**

Pisortaqarfik allakkatigut 25. maj 2005-imeersutigut qinnuigaara suliap killiffia nalunaarutigeqqullugu.

Pisortaqarfiup allakkatigut 5. juli 2005-imeersutigut imatut akivaanga:

”Isumaginninnermi Siunnersortinngorniat Ilinniartifianni atuartitsisut piffissaq suliffigisartagaat pillugu nutaamik isumaqatigiissusiornerni suliap killiffia Inatsisartut Ombudsmandiata ... pillugu allakkani 25. maj 2005-imeersuni KIIP-imut apequtigaa.

Pilersaarutaavoq isumaginninnermi siunnersortinngornianik ilinniartitsineq Kalaallit Nunaanni annertunerusumik ilinniartitsinerit arallit peqatigalugit 2006-ip qiteqqunnerani Ilisimatusarfimmi bacheloritut ilinniartitsinnermut katersorneqassasut. Tamatuma nassataraa annertunerusumik ilinniartitsinerit arallit eqqarsaatigalugit, matumani Isumaginninnermi Siunnersortinngornianik Ilinniartitsineq ilanngullugu eqqarsaatigalugu, ilinniartitsinerni taakkunanani piffissaq suliffiusartoq pillugu nutaanik isumaqatigiissusiortoqassasoq.

Tamatumunnga atatillugu oqaatigineqarsinnaavoq suleqatigiissitaliaq KIIP-imit, Aqutsinnermut Pisortaqarfimmit aamma Aningaasaqarnermut Pisortaqarfimmit ilaasortaffigineqartoq aasaanerani sulinnigiffeqarnerup kingornatigut pilersinneqarniar-toq.

Suleqatigiissitaliap siunertaa tassaassaaq ilinniartitsinerit suliatigut pikkorinnerulersitsinerisa aamma bacheloritut ilinniartitsinnermut allannortitsinerup piffissaq suliffiusartoq akissarsiallu inissisimanerat eqqarsaatigalugu kingunerisassaannik qulaajaaneq, tamatuma kingornatigut, 2006 qiteqqutsinnagu, ilinniartitsinerni ataa-siakkaani piffissat suliffiusartut pillugit isumaqatigiissusiornissaq siunertaralugu, matumani Isumaginninnermi Siunnersortinngornianik Ilinniartitsineq aamma ilanngullugu eqqarsaatigalugu, allakkat assilinerat ilanngullugu nassiunneqartoq ta-kuuk.

KIIP-ip Aqutsinnermut Pisortaqarfimmut aamma Aningaasaqarnermut Pisortaqarfimmut ”Annertunerusumik ilinniartitsinerit eqterneqarnerat” pillugu allagaa-sa 30/6-2005-imeersut assilinerat ilisimatitsissutitut ilanngullugu nassiunneqarpoq.” (Atorfeqarfimmi nutsigaavoq)

Pisortaqarfiup Aqutsinnermut Pisortaqarfimmut aamma Aningaasaqarnermut Pisortaqarfimmut allagaanit 30. juni 2005-imeersunit erserpoq:

”Annertunerusumik ilinniartitsinerit pigeriikkatta bacheloritut ilinniartitsininngortinneqarnerinik suliaq pisortaqarfiup inaarsalerpaa, taamaalillutik taakku Ilisimatusarfiup ataani namminerisatut institut-ini ilinniartitsinnermut ilaasinnaaleqqullu-git.

Taamaallilluni pilersaarutaavoq ilinniartitsisunngornianik ilinniartitsineq, Ineri-saaviup masteritut kandidatitullu ilinniartitsineri, isumaginninnermi siunnersortin-gornianik ilinniartitsinerup tusagassiortunngornianillu ilinniartitsinerup Ilisima-tusarfiup ataani annertunerusumik ilinniartitsinertut ilisimatusarnertullu aaqqissuun-neqarnerat 1. august 2006-imi naammassineqarsimassasoq. Taamatuttaaq peqqissaa-sunngornianik isumaginninnermilu perorsaasunngornianik ilinniartitsineq siunissaq ungasinnerusooq eqqarsaatigalugu periaaseq taanna malillugu aaqqissuunneqar-niar-poq.

Taamaattumik Inatsisartut 2006-imi upernaakkut ataatsimiinneranni Ilisima-tusarfik pillugu malittarisassat allanngortitat pisorta qarfiup Inatsisartunut saqqum-miunnarpai, malittarisassallu taakku ilinniartitsisunngornianik, isumaginninnermi siunnersortinngornianik tusagassiortunngornianillu ilinniartitsinerit Ilisimatusarfiup ataani 1. august 2006 aallarnerfigalugu pilersitsinissamut periarfissaqalersitsissap-put.

Sinneruttoq tassaavoq misissueqqissaarnermik suliaq, eqiterinerup sulisoqarnik-kut kingunerisaanik ukiap matuma ingerlanerani qulaajaaviusussaq, matumani ilin-niartitsinerni taakkunani tulleriinneri malillugit isumaqatigiissutit malillugit ator-feqartitaallutik aamma tjestemanditut atorfeqartitaasunut piffissamut suliffissari-titaasumut akissarsiaasalu annertussusilerneqarnerannut qanoq kinguneqarnerannik misissueqqissaarnek ilanngullugu eqqarsaatigalugu.

Taamaattumik suleqatigiissitaliaq KIIIP-imit, Aqutsinermut Pisorta qarfimmit Aningaasaqarnermullu Pisorta qarfimmit ilaasortaaffigineqartoq ajornartorsuutinik qulaani taaneqartunik qulaajaasussaq pisorta qarfiup juullertinnagu pilersissamaar-paa. ...

...  
Suleqatigiissitaliaq augustip qiteqqunnerani siullermeerluni ataatsimiissasoq naatsorsuutigineqarpoq.

...” (Atorfeqarfimmi nutsigaavoq)

KIIIP tamatuma kingornatigut nalunaarfigaara, nalunaarutigisama assili-nera naammagittaalliortunut ingerlatillugu, KIIIP-ip allagai imatut paa-sigikka piffissaq suliffiusartoq pillugu malittarisassat suliarineqarnerat pisorta qarfiup tulleriiaarinerani suli salliutinneqarnianngitsoq. KIIIP nalu-naarfigaara piffissaq suliffiusartoq pillugu malittarisassat ilinniartitsisoqa-tigiinnit 1997-imi ujartorneqartut pisorta qarfimmit suli suliarineqarsi-mannginerat isorisarialerujussuartut isigigiga, taamaattorli pisorta qarfiup akissutaa tunngavigalugu aalajangerpunga suliap suliarineqarnera unitsin-niarlugu, tassami naliliigama suliap siuartinniarneqarneranut annertune-rusumik ilapittuutaasinnaananga.

**7. Sulianut ukiuni siusinnerusuni nalunaarutini eqqar-  
torneqartunut malitseqartitsineq. Suliatic nammineerluni mi-  
sissugassangortitat.**

**2000-imi ukiumoortumik nalunaarut, immikkoortoq 4, qupperneq 40  
tullialu.**

**Namminersornerullutik Oqartussat isumaginninnermik nakkutillii-  
nissaminnut pisussaaffeqarnerisa annertussusiat. (J.nr. 11.73.10.7/067-  
00)**

Ilaqutariinnermut Pisortaqarfimmut 22. marts 2005-imi imatut allap-  
punga:

"Taamani Isumaginninnermut Suliffeqarnermullu Pisortaqarfiusoq allakkani 8. august 2000-imeersuni nalunaarfigaara K Kommunimut ukioq taanna siusinnerusukkut tikeraarnera tunngavigalugu aalajangertunga kommuni taanna eqqarsaatigalugu pisortaqarfiup nakkutilliiisussaatitaanermik eqqortitsinera nammineerluni misissuiffiginninnermik aallartitsiviginiarlugu.

Taamatut aalajangerneq pingaartumik isumaginninnermut tunngasuni pisortaqarfiup pisussaaffiata annertussusiata tamatumalu nassatarisaanik malittarisassat aqut-sinikkut aalajangersarneqartut taamanikkut inatsiliornermi allaaserineqarsimannginnerannik tunngaveqarpoq.

Pisortaqarfik uannut 27. september 2000-imi oqaaseqaateqarpoq.

Isumaginnittoqarfiup aqunneqarnera aqqissuussaaneralu pillugit Inatsisartut peqqussutaat nr. 11, 12. november 2001-imeersoq Inatsisartut tamatuma kingornatigut akueraat, tassanilu § 1, imm. 2-tut nutaatut aalajangersarneqarluni nakkutillii-nerup annertussusia ingerlanneqarneralu pillugit malittarisassat erseqqinnerusut aalajangersarneqarnissaat Naalakkersuisut pisussaaffigaaat.

Pisussaaffik taanna Naalakkersuisut isumaginninnermut tunngasunik nakkutillii-  
neq pillugu nalunaarummik nr. 43-mik, 18. december 2001-imeersumik 1. januar 2002-mi atortuulersumik aalajangersaanermikkut eqqortissimavaat.

Sulianik pisoqaanerusunik inaarlugit suliarineqarsimanngitsunik misissuiner-  
mi massakkut malugaara misissuinerma aallartinneqartup nalunaarutip qulaani taane-  
qartup atortuulerneranut atatillugu malittarisassat nutaat nassatarisaannik unitsin-  
neqarnera pisortaqarfimmut ajuusaarnartumik kukkunikkut nalunaarutiginnitsoor-  
simagiga.

Taamaattumik pisortaqarfimmut massakkut malugeqqullugu oqaatigaara suliaq  
taanna pisortaqarfik eqqarsaatigalugu oqaaseqaatitaqanngitsumik unitsinneqarsima-  
soq, isumaginninnermut tunngasut pillugit malittarisassanik aalajangersaanerup nas-  
satarisaanik."

**2003-mi ukiumoortumik nalunaarut, imm. 1.2, qupperneq 8.**

**Sulianik isumaginninnermut tunngasunik misissuineq. (J.nr. 11.73.-  
88.71/138-03)**

K Kommuniti sulianik isumaginninnermut tunngasunik misissuina ilaatigut imaattunik inassuteqaateqarnissannut pissutissaqalersitsivoq:

“... ”

A, inuttut normua ...

Suliaq aamma taanna ataatsimut isigalugu paasiuminartorujussuartut isikkoqarpoq.

Suliamili ilaapput allakkiat assammik allatat suliamik suliarinnittup aqqanik atsiorneqarsimangitsut. Suliamik suliarinnittuusimasup kinaassusiata imaaliillaanaq takuneqarsinnaanera apeqqutit nalornisoortaasut kingusinnerusukkut qulaa-jarneqarsinnaanerannut tunngaviusinnaavoq.

Tamanna tunngavigalugu inassuteqaatigaara allakkiat suliamut tunngasut kimit suliarisimanerisa takuneqarsinnaanissaannik kommunip sulianik suliarinnittunut erseqqissaatiginninnisani isumaliutersuutigissagaa.

“... ”

A, inuttut normua ...

Mappimi allagaatinik imalimmi ilaatigut ilaavoq X-mut faxikkut nassiussap 4. april 2000-imeersup saqqaa, tassanilu imaattunik allassimasoqarluni:

”Quppernerit arfineq marluk nutsigassat.

Naatsorsuutigaara nipangiussisussaataanerit akuerigit??

Nalunngilat ”malunnaarsaarneq ataqqinassutsimut ersiutaamat”!!” (Atorfeqarfimmi nutsigaavoq)

Ingerlatsinerimi oqartussaasoq suliasat suliarineqartarnerat pillugu inatsimmi § 27, imm. 3 malillugu aalajangiisnaavoq inuk pisortat ingerlatsiviata avataaniittoq paasissutissat isertuussassat oqartussaasup inummut pineqartumut pisussaaffiginagu ingerlateqqitai pillugit nipangiussisimasussaataassasoq.

Suliasat suliarineqartarnerat pillugu inatsimmi § 27, imm. 4-kkut aalajanger-sarneqarpoq imm. 3 malillugu nipangiussisussaataanermik unioqqutitsineq pinerluttulerineq pillugu inatsimmi § 29-mi pineqartunut ilaatinneqartoq.

Isumaga malillugu oqartussaasoq pisussaaffeqarpoq erseqqissumik oqaatigissal-lugu paasissutissanik ingerlatitseqqinneq malittarisassani qulaani taaneqartuni pine-qartunut ilaatinneqartoq. Ingerlatsinerimi oqartussaasup nipangiussisimasussaati-taaneq atuutissasoq kissaatigippagu taamatut nipangiussisimasussannortitsineq paasissutissat pineqartut tunniunneqannginneranni kingusinnerpaamilluunniit taak-ku tunniunneqarnerannut atatillugu nalunaarutigineqassaaq.

Inatsisileriffiup suliasat suliarineqartarnerat pillugu inatsit pillugu ilitsersuu-siaani 1994-imeersumi imm. 161-imit makku erserput:

”Aamma § 27, imm. 3-p suliarineqarnerani naatsorsuutigineqarsimavoq pisortat pisinnaatitaaneq tamanna taamaallaat atortassagaat ersarivissumik paasinarpat pisariaqavissoq, aammalu pisortat inuit aammalu ingerlatsiviit suliffeqarfiillu il.il. pisortai nipangiusseqqusaasut peqqusassagaat qularnaaqullugu ikiortit atorfilittallu nipangiusseqqusaanermik tamatumalu kingunerisassaanik pitsaasumik ilisimatineqarnissat.”

Oqartussaasoq uanga paasinninnera malillugu ataatsimut pisussaaffeqarpoq in-nuttaasut pillugit paasissutissat mianerinnittumik suliarissallugit, taamaalillutik in-nuttaasut oqartussaasumut tatiginninnerminnik attassiinnarsinnaaqullugit.



Taamaattumik inassuteqaatigaara K Kommunip, nipangiussisussaatissoqassa-soq kommunip kissaatigippagu, taamatut peqqusissut siunissami erseqqissumik nalunaarutigisassagaa, matumani nipangiussisussaataitanermik tunineqartut nipa-angiussisussaataitanermik unioqutitsinerup pisut qanoq ittuunerat aalajangiisuutil-lugu pillarneqaataasinnaaneranik ilisimatinneqartarnissaat ilanngullugu eqqarsaati-galugu.

Paasissutissat misikkarissut isertuussassallu imarisatik pissutigalugit inunnit aalajangersimasuinnarnit killilimmik amerlassusilinnit pissarsiarineqarsinnaasariar-tut ”kommunip avataani” nutsertinneqassappata tamatumunnga atatillugu alla-gaammi nutsertinniakkami paasissutissat ilai kommunip piiarsinnaasussaavai, taamaalillutik paasissutissat nalinginnaasut kisiisa allagaammit takuneqarsinnaaler-sillugit.”

K Kommunip kingusinnerusukkut nalunaarutigaa inassuteqaatikka tu-saatissatut tigusimallugit. Suliami annertunerusumik iliuuseqaqqissanngi-langa.

#### **2003-mi ukiumoortumik nalunaarut, imm. 1.2, qupperneq 8.**

##### **Sulianik sulisunut tunngasunik misissuineq. (J.nr. 11.73.88.73/148-03)**

Kommunimut tikeraarnermut atatillugu suliat akiliisitsiniarnermut tun-ngasut qulit misissorpakka, allakkanilu 27. november 2003-meersuni apeqqutinik oqaaseqaatinillu saqqummiussillunga.

K Kommuni apeqqutinnut oqaaseqaatinnullu akissummik 3. oktober 2005-imi saqqummiussivoq.

Kommuni nalunaarfigaara kommunip akissutaa tusaatissatut tigugiga, annertunerusumillu iliuuseqaqqinniannngitsunga.

K Kommunimulli oqaatigaara K Kommunip akissuteqarniarnerminut ukiut marlungajaat atorsimammagit naammaginnangitsorujussuartut isigi-giga.

#### **2004-mi ukiumoortumik nalunaarut, immikkoortoq 1, qupperneq 8 aamma immikkoortoq 4, qupperneq 47 tullialu.**

##### **Atorfiit allanngortinneqarnerannik utertitsineq, (J.nr. 11.73.20.01/018-04)**

Suliap tjenestemandimut eqqartuussivikkoortumik inaarneqarnera pillu-gu ilisimatitsissut 22. marts 2005-imi tiguara, Aqutsinermullu Pisortaqar-fimmut tamatuma kingornatigut 29. marts 2005-imi imatut allappunga:

"Suliaq Ombudsmandip pisortaqarfimmut allakkani 1. juli 2004-meersuni su-liami paasissutissat pigineqartut tunngavigalugit annertunerusumik iliuuseqaqqin-ginnissaminik nalunaaruteqarfigisaa massakut uterfigaara, tassami naqqiutip

Namminersornerullutik Oqartussani aatsisartut ataatsimut tapinik aaqqiissuteqarf-gineqanngitsunik tapilerneqarnissaannik siusinnerusukkut aalajangiinerit utertinne-qarnissaannik pisorta qarfiup aalajangiineranut 14. februar 2004-meersumut inatsise-qartitsinikkut tunngaviusup inatsisinik eqqortitsisuuneranik apeqqut Atorfillit Kat-tuffiata Tjenestemandinut Eqqartuussivimmu suliaassanngortissimammagu.

Aningaasaqarnermut Pisorta qarfimmu Isumaqatigiinniarnernut Immikkoortorta-qarfimmit 22. marts 2005-imi ilisimatinneqarpunga suliaq Tjenestemandinut Eqqar-tuussivimmu 18. februar 2005-imi suliaassanngortinneqarsimasoq isumaqatigiis-suteqarnermi illua'tungiusunit eqqartuussutitaqanngitsumik isumaqatigiissuti-gineqarsimasoq, taamaalillutik aatsisartut pineqartut piffissami isumaqatigiissutip 1. april 2003-mit 31. marts 2006-imut atuuffiani atuuttumik tapinik assortuussutigi-neqartunik atugassarititaasut isumaqatigiissutaqqartumit 12. januar 2004-meer-sumit ersertut tunngavigalugit tapeqartinneqalissallutik.

Isumaqatigiissuteqarnermi tapit illua'tungeriit akornanni taamaalillutik isumaqa-tigiissutaqqartumit 12. januar 2004-meersumit ersertut Namminersornerullutik Oqartussani aatsisartunut tapiliunneqassasut aalajangersarneqarmat isumaqarpunga aatsisartut oqaatigineqartut tapilerneqarnissaannik aalajangiinerit siusinnerusuk-kut nalunaarutigineqartut utertinneqarnissaannik pisorta qarfiup aalajangiinerinik 14. februar 2004-meersunik misissuineramik (nutaamik) aallartitsinissamut naammata-tumik tunngavissaqarnanga.

Suliami tassani matuma kingornatigut annertunerusumik iliuseqaqqissanngi-langa."

#### **2004-mi ukiumoortumik nalunaarut, immikkoortoq 4, qupperneq 49.**

#### **Kommunip sulianik siusinaartumik soraarnerussutisianut tunngasu-nik suliarinninnera. (J.nr. 11.73.88.71/045-04)**

Suliamik qulaani taaneqartumik immikkoortoq 5, 11.73-imi suliatut 88-1-itut allaaserinninnera innersuussutigaaara.

#### **2004-mut ukiumoortumik nalunaarut, immikkoortoq 4, qupperneq 50.**

#### **Pisortanit soraarnerussutisiat pillugit ilitsersuut. (J.nr. 11.73.03.19/051-04)**

Allakkannut 22. oktober 2004-meersunut Ilaqutariinnermut Pisorta-qarfik allakkatigut 24. november 2004-imeersutigut imatut akivoq:

”...

Tamatumunnga atatillugu innuttaasup siusinaartumik pensionisiaqalernissaa pil-lugu naliliinermi isumaginninnermi nalunaarusiamik, nakorsap oqaaseqaataanik su-liffissarsiuussisarfiullu oqaaseqaataanik nunatsinni kommunit atuinissaannut inat-sisit suut tunngavigalugit pisorta qarfik peqqusisinnaanersoq Inatsisartut Ombuds-mandiata paaserusuppa.

Siusinaartumik pensionisiaqalersitsinissaq pillugu naliliiniarnermi aalajangersimasumik periuseqarnissaannik kommunit peqquneqarnissaannut Ilaqutariinnermut Pisortaqarfik inatsisitigut tunngavissaqanngilaq. Kommunit inatsisunik malinnittussaapput, soorlu pisortanit pensionisiat pillugit Inatsisartut peqqussutaanni nr. 9-mi, 15. april 2003-meersumi § 10, imm. 1-mi allassimasutut siusinaartumik pensionisiaqalersinneqarsinnaapput inuit timimikkut, eqqarsartaatsimikkut imaluunniit inooqataanerminni atugarisat pissutigalugit inuussutissarsiorsinnaassusaat ataavartumik annikillisimappat.

Taamaalilluni qinnuteqartoq tamakkiisumik naliliiffigineqartussaavoq, taamaatumillu suliasap qanoq ililluni suliareriarnissaanut ilitersuut Ilaqutariinnermut Pisortaqarfimmit taamaallaat siunnersuutaalluni.”

Ilaqutariinnermut Pisortaqarfik allakkatigut 18. april 2005-imeersutigut imatut nalunaarfigaara:

”Allakkakka 22. oktober 2004-meersut matumuuna uterfigaakka pisortaqarfiullu tassunga akissutaa 24. november 2004-meersoq.

Aallaqqaasiullugu ajuusaarutigaa aatsaat maannakkut akissuteqarama. Tamatumunngali pissutaavoq, suleqatikka peqatigalugit suliasallu aalajangersimasut suliarisakka eqqarsaatigalugit suliami tassani periaaserisara naliliiffigeqqissimagakku.

Allakkanni 22. oktober 2004-meersuni nalunaarutigaa aalajangersimallunga Ilaqutariinnermut Pisortaqarfiup pisortanit soraarnerussutisiat pillugit Iltersuutaanut tunngatillugu nammineerlunga nalinginnaasumik misissuinermik aallartitsiniarlunga, februar 2004-mi, kisianni imaalillugu piffissaq siusinaartumik soraarnerussutisiaqalersitsiviusoq pillugu suliaq immikkoortillugu immikkut ittumik misissuiffigisassanngorlugu (uanga j. normuliuassara 11.73.02.20/050-05). Piffissaq soraarnerussutisiaqalersitsiviusoq pillugu suliaq maannakkut naammassereerpoq.

Kisianni allakkatigut 22. oktober 2004-meersutigut ilitersuummut tunngatillugu tusarniaanera apequtigineqarsinnaasut arlaliusut ilaannut ataasiinnarmut tunngavoq. Apequt taanna Ilaqutariinnermut Pisortaqarfiup allakkamini 24. november 2004-meersutigut akissuteqarfigaa.

Periaaserisimasama naliliiffigeqqinnissaanik kingusinnerusukku eqqarsaatersuteqarninnut pissutaavoq suliami uani ilitersuummut tunngasumi tusarniaaninni taanna kisimi pineqanngimmat, immikkoortulli arlallit pineqarlutik, Ilaqutariinnermut Pisortaqarfiup ilitersuummik iluarsaasseqqittoqassagaluarpit eqqarsaatersuutigisariaqagaatut isumaqarfigisannik.

Immikkoortulli arlaqartut takuinnarlugit erseqqissaaffigineqartariaqartutut isigaakka tassaaginnarput naapertuunnerusumik oqaasertalersuinissamik imaluunniit itisileraluni nassuiaateqarnissamik kissaateqarnera, kommunini ilitersuummik atuisuni paatsuinerit pinaveersaartinniarlugit.

Akuersissuteqarnermi piffissaliussa q pillugu suliaq qulaani pineqartup saniatigut, Pisortaqarfiup piffissami suillermi soraarnerussutisiaqarneq pillugu peqqussummi § 7-ip erseqqissaaffigineqarnissaa pillugu siunnersuusiorfigilersaagaatut paasisanni (taamaasillunilu ilitersuutip), assersuutigalugu naammagittaalliuutit suliarisimavakka soraarnerussutisiaqarnermut peqqussummi § 8-mut aamma § 18-imut tunngassuteqartut (taamaasillunilu toqqaannanngikkaluamik aalajangersakkat taakku pillugit ilitersuutip).

Kingullermik K Kommunimut tikeraarninni paasitineqarpunga kommuni Pisortaqarfimmit oqarasuaatikkut ilitersorneqarsimasoq ajornartorsiut ataaseq pillugu, ilitersuummi imm. 4.2.2-mi killilerujussuarmik allaaserineqarsimasumut tunngatil-

lugu (kommunimut allamut nuunnermut tunngasoq) aammalu 4.2.4. (soraarnerussutisiaqalernissamut piunasaqaatit naammassineqarsimannginnerinut tunngasoq). Imatut paasitinneqarpunga, tassalu kommuni Pisorta qarfiimmit paasitinneqarsimasooq, siusinaartumik soraarnerussutisialik kommunimiit kommunimut allamut nuutoq ingerlaannartumik siusinaartumik soraarnerussutisiaqartitaajunnaassasoq aammalu siusinaartumik soraarnerussutisiat atorunnaarsinneqarnerannik aalajangiineq tassanngitsoq aalajangiineq suliassat sularineqartarnerat pillugu inatsimmut ilaatinneqartoq. Aammattaaq paasivara soraarnerussutisiaqarneq pillugu peqqussummi § 24-imi oqaasertaritinneqartut pissutigalugit aalajangiineq ( tassani § 17 ilaangilaq) aamma Isumaginninnermut Naammagittaalliuuteqartarfimmut naammagittaalliuutiginneqarsinnaanngitsoq.

Uanga Ombudsmanditut Ilaqutariinnermut Pisorta qarfiup ilitersuutaa inatsisinut naapertuuttuunnginnersoq imaluunniit ”kukkunertut sumiginnaanertulluunniit” oqaatigisariaqarnersoq nalilersussallugu suliassaraara. Taamaattumik oqaasertalersuinerit naapertuutinngitsumik oqaasertalersuinerit isigisakka uparuaaffigissallugit pisinnaatitaaninnut ilaasutut oqaatigisinnanngilakka.

Aamma nakkutilliisoqarfittut pisussaannngilanga ilitersuummut iluarsaassamut ilusilersueqataassallunga. Taamaattorli pisorta qarfiimmut pisorta qarfiup tamanna soqutigissappagu inatsisilerituuma ilaannik eqqartueqateqarnissaq neqeroorutigisinnaavara.

Sulisoqarneq eqqarsaatigalugu - Ombudsmandeqarfimmi aammalu Ilaqutariinnermut Pisorta qarfiimmi - ilitersuummut tunngatillugu nalinginnaasumik nammineq misissuinnut tunngasumik iliuuseqaqqinniannngilanga. Kisianni suliat atasiakkaat sularisakka tigusassakkalu aqutigalugit aammalu Ilaqutariinnermut Pisorta qarfiup pisortanit soraarnerussutisiat pillugit ilitersuutaani matumani aamma pisorta qarfiup oqaasiinnartigit ilitersuutigisarumaagai eqqarsaatigalugit apeqqutitik aalajangersimasunik saqqummiussiffigineqartut aqutigalugit suliaq taanna malinnaaffigiinnassavara.

Pisorta qarfik piffissami aggersumi ilitersuutip nalinginnaasumik iluarsaanneqarsinnaaneranut atugassamik sulisuma ilaannik oqaloqateqarnissamik soqutiginnissappat naalakkersuisunut ilaasortap tamanna pillugu attaveqarfigissagaanga qinutigaara.”

Pisorta qarfiimmit tamatuma kingornatigit tusagaqanngilanga.

**2004-mut ukiumoortumik nalunaarut, immikkoortoq 5, qupperneq 279 tullilu.**

**Ulluunerani paaqqinnittarfiit, ulluunerani angerlarsimaffimmi paaqqinniffiit il.il. pillugit Inatsisartut peqqussutaanni nr. 7-imi, 21. maj 2002-meersumi naammagittaalliorsinnaanermik killiliineq. (J. nr. 11-73.15.18/125-03)**

Kultureqarnermut, Ilinniartitaanermut, Ilisimatusarnermut Ilageeqarnermullu Pisorta qarfiimmut allakkatigit 19. maj 2005-imeersutigit makku nalunaarutigaa:

”Ulluunerani paaqqinnittarfiit, ulluunerani angerlarsimaffimmi paaqqinniffiit il. il. pillugit Inatsisartut peqqussutaannik nr. 7-imik, 21. maj 2002-meersumik nammineerluni misissuiffigininneq allakkatigut 10. september 2003-meersutigut aallartippara, tak. Ombudsmandi pillugu inatsimmi § 6, imm. 5, matumani pingartumik akiliutinut akiitsoqarneq pissutigalugu meeqqanik ulluunerani paaqqinnittarfinnit anisitsisarneq pillugu peqqussummi malittarisassat kiisalu peqqissummi § 8-mi malittarisassaq naammagittaalliorsinnaanermik killiliisoq ilanngullugit eqqarsaatigalugit.

Kultureqarnermut, Ilinniartitaanermut, Ilisimatusarnermut Ilageeqarnermullu Pi-sortaarfimmumut 13. september 2004-mi ilaatigut imatut allappunga:

”Isumaqarpunga ulluunerani paaqqinnittarfiit, ulluunerani angerlarsimaffimmi paaqqinniffiit il.il. pillugit Inatsisartut peqqussutaanni nr. 7, 21. maj 2002-meersumi, § 8-mi naammagittaalliuuteqarsinnaanermut killiliinerit pillugit malittarisassaq Inatsisartut peqqussutaanni malittarisassat naapertorlugit aalajangiinernut taamaallaat atorneqarsinnaasoq, taamaattumillu meeqqat ulluunerani kommunip paaqqinnittarfiutaanniittarnerinut kommunimillu ingerlanneqartumik angerlarsimaffimmi ulluunerani paarineqartarnerinut akiliut pillugu Namminersornerullutik Oqartussat nalunaarutaanni nr. 28, 13. september 1989-imeersumi malittarisassat naapertorlugit aalajangiinernut atuutinngitsoq.

(...)

Kiisalu pitsaanngilluinnartutut isumaqarfigaara Naalakkersuisut, naak tamanna pillugu ulluunerani paaqqinnittarfiit, ulluunerani angerlarsimaffimmi paaqqinniffiit il.il. pillugit Inatsisartut peqqussutaatigut nr. 7, 21. maj 2002-meersukut inatsisi- liortunit peqquneqarsimagaluarlutik, meeqqat ulluunerani kommunip paaqqinnittarfiutaanniittarnerinut kommunimillu ingerlanneqartumik angerlarsimaffinni ulluunerani paarineqartarnerinut akiliut pillugu Namminersornerullutik Oqartussat nalunaarutaanni nr. 28, 13. september 1989-imeersup 1. januar 2003-mi atortuujunnaarsineqarneratigut meeqqat kommunip paaqqinnittarfiutaanniittarnerinut kommunimillu ingerlanneqartumik angerlarsimaffinni ulluunerani paarineqartarnerinut akiliut pillugu malittarisassanik erseqqinnerusunik aalajangersaasimanginnerat.

(...)

Ilanngullugu isumaqarpunga ulluunerani paaqqinnittarfiit, ulluunerani angerlarsimaffinni paaqqinniffiit il.il. pillugit Inatsisartut peqqussutaata allanngortinneqarneranik Inatsisartut peqqussutaanni nr. 3, 21. maj 2004-meersumi § 3-mi imm. 4-p imarisaa pillugu nalorninartortaartoq.

Ulluunerani paaqqinnittarfiit, ulluunerani angerlarsimaffinni paaqqinniffiit il.il. pillugit Inatsisartut peqqussutaata allanngortinneqarneranik Inatsisartut peqqussutaanni nr. 3, 21. maj 2004-meersumi § 3-mi imm. 4-p imarisaata inatsisitigut ersarisineqarnissaata tungaanut tunngavissaatissavara meeqqat ulluunerani paaqqinnittarfinniittarnerinut akiliut pillugu malittarisassanik aalajangersaanissamut Naalakkersuisut pisussaaffeqarnerat.

(...)

Kiisalu isumaqarpunga akiligassanik kinguaattooruteqarneq pissutigalugu meeqqanik ulluunerani paaqqinnittarfinniittarunnaarsitsisinnaaneq pillugu malittarisassanik erseqqinnerusunik aalajangersaanissamut Naalakkersuisut piginnaatitaangitsut, taamaattumik akiligassanik kinguaattooruteqarneq pissutigalugu meeqqanik ulluunerani paaqqinnittarfinniittarunnaarsitsisinnaanerup periarfissiissutaanissaa Naalakkersuisut kissaatigippasuk, tamatumunnga inatsisitigut tunngavissap pisariaqartinneqartup Naalakkersuisunit pilersinneqarnissaa inassutigaaara.”

Suliaq tamatumunnga peqatigitillugu Inatsisartut Inatsisit Atortinneqarnerannut Ataatsimiititaliaannut ilisimatitsissutigaa, tak. Ombudsmandi pillugu inatsimmi § 11.

Maluginiarpara ulluunerani paaqqinnittarfiit, ulluunerani angerlarsimaffimmi paaqqinniffiit il.il. pillugit Inatsisartut peqqussutaanni § 3, imm. 4-mi oqaaseqatigiit aappaanni, § 4, imm. 5-imi oqaaseqatigiit aappaanni aamma § 8-mi allannguutit Inatsisartut 12. maj 2005-imi akuerisimagaat. Allannguutit taakku meeqqamut aki-liutinut akiitsoqartoqarnera pissutigalugu ulluunerani paaqqinniffimmit anisitsinis-samut inatsisitugit tunngavissaliipput, kiisalu erseqqissarlugu kommunalbestyrelsip peqqussut tunngavigalugu aalajangineri naammagittaalliutigineqarsinnaanngitsut.

Suliami matuma kingornatigut annertunerusumik iliuseqaaqqissanngilanga.”

### **2004-mi ukiumoortumik nalunaarut, immikkoortoq 5, qupperneq 327 tullilu.**

### **Sulisunut inissiamik innersuussineq. Inissarsiortup pisinnaatitaaffii. Inissianik attartorneq pillugu peqqussummi § 26-p aamma § 28-p sulisunut inissianut tunngasuni atornerqarnera. (J.nr. 11.73.26.12/063-03)**

Ineqarnermut Attaveqatiginnermullu Pisorta qarfiup allagai 8. januar 2005-imeersut 10. januar 2005-imi tiguakka. Allakkanit makku erseerput:

”...

Aallarniutigalugu Pisorta qarfimmit erseqqissaatigineqassaaq, Pisorta qarfiup al-lakkani 30. april 2003-imeersuni allannikuunngimmagu §§ 26 aamma 28 sulisut inissiaannut atuutinngitsut. Paarlattuanilli attartortitsisup attartornermi peqqus-summi §§ 26 aamma 28 naapertorlugit aserfallatsaaliinissamut pisussaaffimminik eqquutsitsisimanginnera pissutigalugu atorfillit inissiamik innersuussamik tigusi-u-mangissinnaanermut periarfissaannut pingaaruteqartuunersoq Ombudsmandip apeqqutaa Pisorta qarfimmit erseqqissumik akineqarluni. Tamatumunnga Pisorta-qarfiup akissutigaa, aserfallatsaaliinissamut aalajangersakkat atorfillit sulisut inis-siaannik innersuunneqarnerannut atatillugu pingaaruteqartuunngitsoq.

Pisorta qarfimiit sakkortuumik erseqqissaassutigineqassaaq, qulaani allassima-sut atorfilinnut sulisut inissaannik innersuunneqarsinnaanermut piginnaatitaaffilin-ut attartornermi peqqussummi §§ 26 aamma 28 atuutinnginnerannik isumaqanngit-sut. §§ 26 aamma 28 atorfilimmut sulisut inissiaannik innersuunneqarnermut tun-ngatillugu pingaaruteqanngillat, kisianni soorunami pisortat inissiaataannut attartor-tittakkanut qanorluunniit ittunut tamanut aamma sulisut inissiaannut § 26 aamma § 28 atuupput. Tamanna paasiuminarsarniarlugu, assersuutikkut tulliuuttukut assersuusiorfigineqarsinnaavoq: Atorfilik sulisut inissiaanik innersuunneqarsinnaatitaasooq, inissiamik innersuunneqarpoq tassani kiassaat inimiittoq atorsinnaanngitsoq. Atorfilik pisussaaffeqarpoq inissiamik innersuussamik tigusinissamut, taamaasiun-gikkuni atorfiliup inissiamik innersuussamik tigusininaanissaminut piginnaati-taaffini annaassavaa, kiassaati atorsinnaannginnera apeqqutaatinnagu. Atorfillip inissiaq innersuunneqartoq tigusalaleruniuk, soorunami atorfillip piginnaatitaaffi-gaa attartornermi peqqussummi § 26 atortuutinneqarnissaa, tamatumalu kingorna at-tartortitsisoq pisussaaffeqarpoq kiassaati aserfallatsaaliortissimanissaannut. Pisumi

tamatumani atorfillip piumasqaatigisinnaavaa kiassaatip attartortitsisumit iluarsaaneqarnissaa, taamaalilluni taanna atorneqarsinnaassalluni.

Ombudsmandip paatsuisimanerani Pisortaqarfiup qularnaarinninnera tungavigalugu, Pisortaqarfik pisortanut inissianik innersuussisartunut ilitsersuutikkut siunnersuutigineqartut allanngortitsiniangilaq. Taamaalilluni suliaq naammassineqarsimasut Pisortaqarfimmit isigineqarpoq, tamannali Ombudsmandip isumaqatigingippagu Ombudsmandi Pisortaqarfimmit tusarfigerusunneqassaaq."

Ineqarnermut Attaveqatigiinnermullu Pisortaqarfimmut 25. januar 2005-imi imatut allappunga:

"Ineqarnermut Attaveqatigiinnermullu Pisortaqarfiup allagai 8. januar 2005-imeersut tiguakka.

Pisortaqarfiup uannut allakkamini 30. juni 2003-meersuni oqaatigaa attartortitsisup inissiat attartortittakat pillugit peqqussummi §§-inik 26-mi aamma 28-mi aserfallatsaaliinissamik pissaaffimminik eqqortitsisimanginnera inissiamik tunineqarsinnaatitaasup inissiamik innersuunneqartumik tiguummanginnissamut periarfissaanut sunnuteqanngitsoq. Inissianik attartorneq pillugu peqqussummi § 4, imm. 6-imi aserfallatsaaliinikkut atortitsinnginnissamut imaluunniit immikkut akuersisuteqarnissamut periarfissaqannginnera pisortaqarfiup innersuussutigaa.

Pisortaqarfiup allakkamini 8. januar 2005-imeersuni ilaatigut oqaatigaa:

"§§-it 26 aamma 28 sulisunut inissiamik innersuussinermut atavillugu sunnuteqanngillat, kisianni §§-it 26 aamma 28 pisortat inissiaataannut attartortittakkanut tamanut, aamma sulisunut inissianut, soorunamili atuuttuupput. ... Sulisorisag inissiamik innersuunneqartumik tiguguni inissianik attartorneq pillugu peqqussummi § 26 soorunalmi atortuutinniassallugu pinnaatitaaffeqarpoq. ..." (Atorfeqarfimmi nutsigaavoq)

Qulaani taaneqartut imatut paasivakka Pisortaqarfik isumaqartoq inuk/oqartusaasoq sulisunut inissiamik atugassinneqartoq taassuminnga tiguummanginnissinaanngitsoq, inissiap inissianik attartorneq pillugu peqqussummi aserfallatsaaliinerup pitsaassuseqarnissaanik aalajangersarneqarsimasunut naapertuutinnginnera pissutigalugu. Pisortaqarfik uannut allakkamini 30. april 2004-meersuni taamatut allappoq. Taamaattumillu tamanna oqaaseqaatinni 5. februar 2004-meersuni isummerfigaara.

Paasinninnera unaavoq §§-it 26 aamma 28 ilaatigut inissiap atugassiisutigineqarnermi nalaani qanoq pitsaassuseqarnissaanut, ilaatigut inissiap attartorneqartup aserfallatsaaliineqarneranut namminermut ilaatigullu inissiap atugassiisutigineqartup misissorneqarneranut amigaataanillu uparuaanermut tungasuusut.

Aammattaaq paasinninnera unaavoq inissiap inissianik attartorneq pillugu peqqussummi pitsaassuserisassaminut naapertuutinnginnera uparuarneqarsinnaasappat tamanna piffissami inissiap takutinneqarfiata nalaani pisariaqassasoq, taamaalilluni inissiaq tigujuaneganngissinnaassalluni, aserfallatsaaliineqarnermigut pissusia inissianik attartorneq pillugu peqqussummi pissuserisassaanut aalajangersarneqartumut naapertuutinngippat.

Taamatuttaaq inissianik attartorneq pillugu peqqussummi § 26-ip piareersarlugu suliarineqarnerani sulianit erserpoq:



”Taamatuttaaq attartortup inissiamut nuunnermut atatillugu pisinnaatitaaffigaa inissiaq ajoquteqassanngitsoq atorsinnaassallunilu, nalinginnaasumik iluarsaanneqarsimassasoq kiisalu atortulersuutit pitsaasuussasut atorsinnaassallutillu.”

Kiisalu § 28-p piareersarneqarnerani sulianit erserpoq:

”Aalajangersakkap nassataraa, attartukkap iserterfigineqarnermini pitsaasuunis-  
saanik isumannaatsumillu pitsaassuseqarnissaa inissiaq attartortup piumasaqarsinnaa-  
nera. ...”

Inissiap innersuunneqartup pitsaassuseqartitsinermit inissianik attartorneq pil-  
lugu peqqussummi piumasarineqartumut naapertuunera naapertuuttuunnginnera-  
luunniit apeqputaatinnagu tigusinissamut attartortoq pisussaaffeqassapat § 26  
amma § 28 tamakkiisuunngitsumik sunniteqalissapput.

Taamatuttaaq inissiap pitsaassuseqartinnissaa pillugu aalajangersakkat aatsaat  
inissiamut iserternerup/inissiamik tigusinerup kingornatigut atortuutinniarneqarsin-  
naannissaat inatsisiliortup kissaatigisimassagaa ilimanangilaq. Aalajangersagaq  
taannarpiaq pillugu oqaaseqaatini oqaatigineqarpoq tamanna ”pisinnaatitaaffiusoq”  
kiisalu inissiap pitsaassusia inissianik attartorneq pillugu peqqussummi aalajanger-  
sarneqartunut naapertuuttuunissaa attartortup ”piumasaqaatigisinnaagaa.”

Taamaattumik paasinninnera unaavoq, soorlu tamanna oqaaseqaatinni 5. februar  
2004-meersumi amma oqaatigineqartoq, inissiamik innersuunneqartup inissiaq in-  
nersuunneqartoq tigunganngissinnaagaa, inissiap innersuunneqartup pitsaassusia  
inissianik attartorneq pillugu peqqussummi aserfallatsaaliinikkut pitsaassuseqar-  
titsinermit aalajangersarneqartunut naapertuuttuunngippat, tamanna inissiamik tu-  
nineqarsinnaatitaasumut kingunerlutsinnagu.

Taamaalillutik pisortaqarfiup allagai 8. januar 2005-imeersut paasinninnikkut al-  
lanngortitsinissannut pissutissaqalersinngilaannga. Taamaattumik pisortaqarfik qin-  
nuigeqqippara inassuteqaatiga maleqqullugu.”

Ineqarnermut Attaveqatigiinnermullu Pisortaqarfik tamatuma kingorna-  
tigut uannut 9. marts 2005-imi imatut allappoq:

”Ombudsmandip saaffiginnissutaa 25. januar 2005-imeersoq Ineqarnermut At-  
taveqarnermullu Pisortaqarfiup tiguaa.

Pisortaqarfiup tassunga uiggiullugu aallaqqaasiullugu nalunaarutigissavaa attar-  
tortumut inissiaq atukkiussassanngortinneqaraangat attartorneqartup pitsaasuunis-  
saata attartorneq pillugu peqqussummi naapertuuttuuneranik Ombudsmandip oqar-  
nera isumaqatigineqarmat. Taamaattumik pisortaqarfik isumaqarpoq § 28 imm. 1  
naapertorlugu attartorneqartussap iserterfigineqarnissaminut piareersimasuunissaa  
attartortitsisup pisussaaffigigaa.

§ 28, imm. 1 inatsisitigut sunniteqarneranut tunngatillugu Pisortaqarfiup aala-  
jangiussimavaa §§-it 26-28-lu innersuussutigalugit aserfallatsaaliunnginnissamut  
imaluunniit sanioqutitsinissamut Attartorneq pillugu peqqussummi § 4, imm. 6 pe-  
riarfissiingitsoq. §§-ini 26-28-imilu taaneqartutut inuk oqartussaasorluunniit su-  
liffimmu atsumik inissiamik atugassinneqaruni aserfallatsaaliornermut tunngasu-  
tigut pitsaasuunnginnera innersuussutigalugu inissiaq tigungasimannaanngilaa. Taa-  
maalilluni pisortaqarfiup allagai 8. januar 2005-imeersut pillugit Ombudsmandip  
paasinninnera pisortaqarfiup isumaqatigaa.

§ 28-p inatsisitigut sunniteqarneranut tunngatillugu pisortaqarfiup paasinnin-  
nera naapertorlugu suliffimmu atatillugu inissiaq atukkiunneqartoq attartortup nuuf-

figinissaanut naameersinnaavoq taamaalillunilu ineqarnermut akiliteqarani § 28-mi allassimasutut inissiaq pitsaassutsimigut naammaginangippat. Inissiaq § 28-mi piunasaqaatinut naapertuuttuunnginnersoq nalilersuinermi inissiap pisoqaassusaa nalinginnaasumillu qanoq issusaa eqqarsaatigineqassapput. Taamaalilluni § 28-mi, imm. 1 innersuussutigalugu attartortoq piunasaqarsinnaavoq § 28, imm. 1-mi piunasaqaatinut naapertuuttumik isertinnginnermi inissiaq atukkiunneqartoq pitsaassuseqartuussasoq inissiap pisoqaassusaa nalinnginnasumillu pitsaassusaa eqqarsaatigalugit. Taamaalilluni iluarsartuussinermut aningaasartuutit akilissallugit attartortitsisoq pisussaatinneqarpoq. Akerlianik suliffimmut atatillugu inissiaq atukkiunneqartoq attartortup tigujuanngissinnaanngilaa.

Pisorta qarfiup paasinninnera naapertorlugu qulaani taaneqartut §§-inut 26-28-imullu naapertuupput.

Pisorta qarfik isumaqarpoq inissiat pillugit oqartussaasunut ilitersuut siusinerusukkut nassiuunneqartoq iluarsaatissallugu pissutissaqanngitsoq."

Ineqarnermut Attaveqatigiinnermullu Pisorta qarfimmu 19. april 2005-imi imatut allappunga:

"Allakkanni 5. februar 2005-imeersuni inissaarsiornermi oqartussaasunut inissamik innersuussisarneq pillugu Pisorta qarfiup ilitersuusiornissaa inassuteqaatigaara.

5. august 2004-mi Pisorta qarfimmu allakkanik tigusaqarpunga inissamik innersuussisarnermi oqartussaasunut ilitersuummik ilaqartinneqartut.

Ilitersuummi inissianik attartorneq pillugu peqqussummi §§ 4-mi aamma 5-imi malittarisassat allaaserineqarput. Inissianik attartorneq pillugu peqqussummi §§ 26-p aamma 28-p malitsigisaannik inissiat attartortitsisumit atugassiisutigineqartut aserfallatsaaliinikkut qanoq pitsaassuseqarnissaat ilitersuummit takuneqarsinnaanngilaa.

Tamatuma kingorna 25. januar 2005-imi Pisorta qarfimmu imaattumik allagaqarpunga:

"Ineqarnermut Attaveqatigiinnermullu Pisorta qarfiup allagai 8. januar 2005-imeersut tiguakka.

Pisorta qarfiup uannut allakkamini 30. juni 2003-meersuni oqaatigaa attartortitsisup inissiat attartortittakkat pillugit peqqussummi §§-inik 26-mi aamma 28-mi aserfallatsaaliinissamik pisussaaffimminik eqqortitsisimanginnera inissiamik tunineqarsinnaatitaasup inissiamik innersuunneqartumik tigusiummanginnissamut periarfissaanut sunniteqanngitsoq. Inissianik attartorneq pillugu peqqussummi § 4, imm. 6-imi aserfallatsaaliinikkut atortitsinnginnissamut imaluunniit immikkut akuersissuteqarnissamut periarfissaqannginnera pisorta qarfiup innersuussutigaa.

Pisorta qarfiup allakkamini 8. januar 2005-imeersuni ilaatigut oqaatigaa:

"§§-it 26 aamma 28 sulisunut inissiamik innersuussinermut atatillugu sunniteqanngillat, kisianni §§-it 26 aamma 28 pisortat inissiaataannut attartortittakkanut tamanut, aamma sulisunut inissianut, soorunalimi atuuttuupput. ... Sulisorisaaq inissiamik innersuunneqartumik tigusiguni inissianik attartorneq pillugu peqqussummi § 26 atortuutinniassallugu soorunalimi pisinnaatitaaffeqarpoq. ..." (Atorfeqarfimmi nutsigaavoq)

Qulaani taaneqartut imatut paasivakka Pisorta qarfik isumaqartoq inuk/oqartussaasoq sulisunut inissiamik atugassinneqartoq taassuminnga tigusiummanginnissinnaanngitsoq, inissiap inissianik attartorneq pillugu peqqussummi aserfallatsaaliinerup pitsaassuseqarnissaanik aalajangersarneqarsimasunut naapertuutinnginnera

pissutigalugu. Pisortaqarfik uannut allakkamini 30. april 2004-meersuni taamatut allappoq. Taamaattumillu tamanna oqaaseqaatinni 5. februar 2004-meersuni isummerfigaara.

Paasinninnera unaavoq §§-it 26 aamma 28 ilaatigut inissiap atugassiissutigineqarnermi nalaani qanoq pitsaassuseqarnissaanut, ilaatigut inissiap attartorneqartup aserfallatsaalineqarneranut namminermt ilaatigullu inissiap atugassiissutigineqartup misissorneqarneranut amigaataanillu uparuaanermut tunngasuusut.

Aammattaq paasinninnera unaavoq inissiap inissianik attartorneq pillugu peqqussummi pitsaassuserisassaminut naapertuutinninnera uparuarneqarsinnaasappat tamanna piffissami inissiap takutinneqarfiata nalaani pisariaqassasoq, taamaalilluni inissiaq tigujuaneeqanngissinnaassalluni, aserfallatsaalineqarnermigut pissusia inissianik attartorneq pillugu peqqussummi pissuserisassaatus aalajangersarneqartumut naapertuutinnigippat.

Taamatuttaq inissianik attartorneq pillugu peqqussummi § 26-ip piareersarlugu suliarineqarnerani sulianit erserpoq:

”Taamatuttaq attartortup inissiamut nuunnermt atatillugu pisinnaatitaaffigaa inissiaq ajoquteqassanngitsaq atorsinnaassallunilu, nalinginnaasumik iluarsaanneqarsimassasoq kiisalu atortulersuutit pitsaasuussasut atorsinnaassallutillu.”

Kiisalu § 28-p piareersarneqarnerani sulianit erserpoq:

”Aalajangersakkap nassataraa, attartukkap iserterfigineqarnermini pitsaasuunisaanik isumannaatsumillu pitsaassuseqarnissaanik attartortup piumasaqarsinnaanera. ...”

Inissiap innersuunneqartup pitsaassuseqartitsinermt inissianik attartorneq pillugu peqqussummi piumasarineqartumut naapertuunna naapertuuttuunnginneraluunniit apeqqutaatinnagu tigusinissamut attartortoq pisussaaffeqassappat § 26 aamma § 28 tamakkiisuunngitsumik sunniuteqalissapput.

Taamatuttaq inissiap pitsaassuseqartinnissaa pillugu aalajangersakkat aatsaat inissiamut iserternerup/inissiamik tigusinerup kingornatigut atortuutinniarneqarsinnaanissaat inatsisiliortup kissaatigisimassagaa ilimananngilaq. Aalajangersagaq taannarpiaq pillugu oqaaseqaatini oqaatigineqarpoq tamanna ”pisinnaatitaaffiusoq” kiisalu inissiap pitsaassusia inissianik attartorneq pillugu peqqussummi aalajangersarneqartunut naapertuuttuunissaa attartortup ”piumasaqaatigisinnaagaa.”

Taamaattumik paasinninnera unaavoq, soorlu tamanna oqaaseqaatinni 5. februar 2004-meersumi aamma oqaatigineqartoq, inissiamik innersuunneqartup inissiaq innersuunneqartoq tigujuaneeqanngissinnaagaa, inissiap innersuunneqartup pitsaassusia inissianik attartorneq pillugu peqqussummi aserfallatsaaliinikkut pitsaassuseqartitsinermt aalajangersarneqartunut naapertuuttuunngippat, tamanna inissiamik tunineqarsinnaatitaasumut kingunerlutsinnagu.

Taamaalillutik pisortaqarfiup allagai 8. januar 2005-imeersut paasinninninnik allannortitsinissannut pissutissaqalersinngilaannga. Taamaattumik pisortaqarfik qinuigeqqippara inassuteqaatiga maleqqullugu.”

Tamatuma kingorna 9. marts 2005-imi Ineqarnermt Attaveqatigiinnermullu Pisortaqarfiup imatut allaffigaanga:

”Ombudsmandip saaffiginnissutaa 25. januar 2005-imeersoq Ineqarnermt Attaveqarnermullu Pisortaqarfiup tiguaa.

Pisortaqarfiup tassunga uiggiullugu nalunaarutigissavaa attartortumut inissiaq atukkiussassanngortinneqaraangat attartorneqartup pitsaasuunissaata Attartorneq pillugu peqqussummi naapertuuttuunera Ombudsmandi isumaqatigineqarmat. Taamaattumik pisortaqarfik isumaqarpoq § 28-mi imm. 1 naapertorlugu attartorneqartussap iserterfigineqarnissaminut piareersimasuunissaa attartortitsisup pisussaaffigigaa.

§ 28, imm. 1 inatsisitigut sunniuteqarneranut tunngatillugu Pisortaqarfiup aalajangiussimavaa §§-it 26-28-lu innersuussutigalugit aserfallatsaaliunnginnissamut imaluunniit sanioqutitsinissamut Attartorneq pillugu peqqussummi § 4, imm. 6 periarfissiinngitsoq. §§-ini 26-28-milu taaneqartutut inuk oqartussaasorluunniit suliffimmut atasumik inissiamik atugassinneqaruni aserfallatsaaliornermut tunngasutigut pitsaasuunnginnera innersuussutigalugu inissiaq tigujumasinnaangilaa. Taamaalilluni pisortaqarfiup allagai 8. januar 2005-imeersut pillugit Ombudsmandip paasininnera pisortaqarfiup isumaqatigaa.

§ 28-p inatsisitigut sunniuteqarneranut tunngatillugu pisortaqarfiup paasininnera naapertorlugu suliffimmut atatillugu inissiaq atukkiunneqartoq attartortup nuuffiginissaanut naameersinnaavoq taamaalillunilu ineqarnermut akiliuteqarani § 28-mi allassimasutut inissiaq pitsaassutsimigut naammaginangippat. Inissiaq § 28-mi piumasaaqatitut naapertuuttuunnginnersoq nalilersuineri inissiap pisoqaassusaa nalinginnaasumillu qanoq issusaa eqqarsaatigineqassapput. Taamaalilluni § 28-mi imm. 1 innersuussutigalugu attartortoq piumasaaqarsinnaavoq § 28-mi imm. 1 piumasaaqatitut naapertuuttumik insertinnginnermi inissiaq atukkiunneqartoq pitsaassuseqartussaasoq inissiap pisoqaassusaa nalinginnaasumillu pitsaassusaa eqqarsaatigalugit. Taamaalilluni iluarsartuussinermut aningaasartuutit akilissallugit attartortitsisop pisussaatinneqarpoq. Akerlianik suliffimmut atatillugu inissiaq atukkiunneqartoq attartortup tigujumanngissinnaangilaa. Pisortaqarfiup paasininnera naapertorlugu qulaani taaneqartut §§-inut 26-28-imullu naapertuupput.

Pisortaqarfik isumaqarpoq inissiat pillugit oqartussaasunut ilitsersuut siusinnerusukkut nassiunneqartoq iluarsaatissallugu pissutissaqanngitsoq.”

Pisortaqarfiup allagai fuldmægtig ...-mit atsiorneqarsimapput.

Qulaani pineqartoq imatut paasivara Pisortaqarfiup fuldmægtigiata 5. februar 2005-imi oqaaseqaatinni inassuteqaatigisara malikkumangikkaa, kingullermik allakkanni 25. januar 2005-imeersuni aalajangiussimasara.

Isumaqarpunga qulaani pineqartoq annertuumik sumiginnaanerusoq Inatsisartunut Naalakkersuisunullu nalunaarutigissallugu pisussaaffigisara Inatsisartut Ombudsmandiat pillugu Inatsisartut inatsisaanni § 10-mi imm. 1 malillugu. Taamaattumik Ineqarnermut Attaveqatigiinnermullu Naalakkersuisoq qinnuigaara qulaani pineqartoq Pisortaqarfiup isummernerigaa uppersaqqullugu.

Inatsisartut Ombudsmandiat pillugu Inatsisartut inatsisaanni § 10, imm. 3 naapertorlugu Inatsisartunut Naalakkersuisunullu nalunaarutiginninnermi oqartussaasup imminut illersorniarluni qanoq oqaaseqaateqarsimanagera oqaatigisussaavara.

Taamaattumik Ineqarnermut Attaveqatigiinnermullu Naalakkersuisoq Inatsisartut Ombudsmandiat pillugu Inatsisartut inatsisaanni § 10, imm. 3 naapertorlugu qinnuigaara Ineqarnermut Attaveqatigiinnermullu Naalakkersuisup Inatsisartunut Naalakkersuisunullu Pisortaqarfik illersorniarlugu qanoq allasanersunga oqaatigeqqullugu.”

Pisortaqarfik allakkannut 19. april 2005-imeersunut akissuteqaqqullugu allakkatigut 26. maj 2005-imeersutigut nukingisaarpara.

Ineqarnermut Attaveqatigiinnermullu Pisortaqarfiup allakkatigut 13. juni 2005-imeersutigut akivaanga. Allakkanit makku erseerput:

"Ineqarnermut Attaveqatigiinnermullu Pisortaqarfiup tigusimavai Inatsisartut Ombudsmandiata allagai 19. april aamma 26. maj 2005-imeersut, noqqaassuteqartut nangitsinissamik Ombudsmandip 5. februar 2004-imi piunasaqaataanik Pisortaqarfik ilitersuusiussasoq oqartussaasut inissarsiortunut agguuassisarnermi male-ruagassanik.

Pisortaqarfiup nalunaarutigissavaa Inatsisartut peqqussutaat nr. 2 12. maj 2005-imeersut inissianik attartortarneq pillugu, atuutilersussarlu 1. juli 2005, akue-riueqarmat tassunga uiggiullugu aallartinneqarsimasoq nalunaarut nr. 23 22. december 2003-meersup, Namminersornerullutik Oqartussat kommunillu inissiaataannik attartortarnermut tunngasup, nutarterniarnera.

Pisortaqarfiup paasinninnera §§ 26-28-nik Inatsisartut peqqussutaanni inissianik attartortarneq pillugu maanna atuuttumi, aammalu §§ 45-47 Inatsisartut peqqussutaat nr. 2 12. maj 2005-imeersut, 9. marts 2005-imi allakkatigut Ombudsmandimut nalunaarutigineqarsimasut, maanna nalunaarummik nutarteriniarnermi ilan-ngun- neqarumaarput."

Ineqarnermut Attaveqatigiinnermullu Pisortaqarfimmut 30. juni 2005-imi imatut allappunga:

"Ineqarnermut Attaveqatigiinnermullu Pisortaqarfiup allagai 13. juni 2005-imeersut tiguakka.

Pisortaqarfiup allakkani taakkunani oqaatigaa Namminersornerullutik Oqartussat kommunillu inissiaataannik attartortittakkanik attartortitsisarneq pillugu Namminersornerullutik Oqartussat nalunaarutaata nr. 23-p, 22. december 2003-meersup allanngortiterneqarnissaanut atatillugu inissianik attartorneq pillugu §§-it 45-nit 47-mut (siusinnerusukket §§-it 26-mit 28-mut) pisortaqarfimmit qanoq paasineqarnerat pisortaqarfiup ilanngunniaraa.

Tamanna maluginiarlugu paasissutissat pigineqartut tunngavigalugit suliani tasani annertunerusumik iliuseqaqqissanngilanga."

## **2004-mi ukiumoortumik nalunaarut, immikkoortoq 5, qupperneq 354 tulluilu.**

**Akiitsut inissiallu inoqanngitsut attartortinneqannginnerisigut annaasat ineqarnermut akiliutinik naatsorsuinermi ilanngunneqarnissaanut inatsisitigut tunngavissaqannginneq. (J.nr. 11.73.29.12/090-02).**

Ineqarnermut Attaveqatigiinnermullu Pisortaqarfimmut 2. november 2005-imi imatut allappunga:

"Pisortaqarfimmut allakkatigut 29. november 2004-meersutigut nalunaarutigaara inissianik attartorneq pillugu Inatsisartut peqqussutissaattut siunnersuummik nu- taamik ineqarnermut akiliutinik aamma inissiat inoqannginnerisigut annaasat ineqarnermut akiliutinik naatsorsorneqarneranni ilaatinneqartarnissaanut inatsisitigut tunngavissamik imaqtartumik Naalakkarsuisut saqqummiussinissaat utaqqimaariga.

Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq Inatsisartut massakkut akuerisimalerpaat. Inatsisartut peqqussutaanni tassani § 28, imm. 3-mut makku erserput:

”Aningaasartuutit ingerlatsinermut missingersuutinut ilanngunneqarsinnaasut ilaatigut tassasinnaapput ilanngussaq 1-imi aningaasartuutit suussusilersorneqarnissaannut assersuutigineqartut. Ilangussaq 1-imi allassimasut aningaasartuutaasinnaasut tamakkerneqanngillat.”

Ilangussaq pineqartoq ilaatigut makkuninnga imaqarpoq:

”Illuartitsinerit  
Aserfallatsaaliugassat nutartigassallu pilersaarutaasut piffissaligaasullu  
Inissiamit anisoqarnerani iluarsaassineq nalinginnaasoq  
Inissianik attartortoqannginnerani inissianiillu nuuttoqarnerani annaasat  
Illuartitsinerit allat  
Pitsanngorsaanissamut il.il. taarsigassarsianut akilikkat  
Attartortut inissianit nuuttut pitsanngorsarsimsaannut akiliutit  
Immikkut ittumik aningaasartuutit  
Inissianik attartortoqannginnerani annaasat  
Inissianiit nuuttoqarnerani annaasat  
Ernianut aningaasartuutit  
Ingerlatsinerimi akiliisinnaassuseqarnermilu amigartoorutinut akiliutit  
Immikkoortortani siulersuisunut tapiissutit”

Inatsisissatut siunnersuummi § 28 pillugu oqaaseqaatinut ilaatigut makku erserput:

”Aningaasartuutit pingasunngorlugit immikkoortiterneqarsinnaapput, tassa aningaasartuutinut nalinginnaasunut, illuartitanut aningaasartuutinullu immikkut ittunut. Aningaasartuutit nalinginnaasut ataaniissapput inissianik piginnittup aningaasatitigut iluanaarutissai, iluarsaassineq, sillimmasiissutit, aserorterinissamik pinaveersaartitsinermut akiliutit, inissiamit aninerimi nalinginnaasumik iluarsaassinerit, najugaqartunut sammisaqartitsinerit il.il. Illuartitat tassaasinnaapput pilersaarutaasumik piffissaligaasumik aserfallatsaaliuinissamut nutarterinissamullu, inissiat inoqannginnerinut inissianiillu nuuttoqarneranut atatillugu annaasassanut atugassat. Aningaasartuutit immikkut ittut ataaniissinnaasut ilaatigut tassaapput inissiat inoqannginnerinut inissianiillu nuuttoqarneranut atatillugu aningaasanik illuartitsivigineqarsimanningsunut annaasat.”

Tamanna tunngavigalugu manna erseqqarluttutut isigaara, tassalu illuartitsinerni aamma immikkut ittunik aningaasartuutini ”inissianik attartortoqannginnerani annaasat”-nut aamma ”inissianiit nuuttoqarnerani annaasat”-nut agguataarinerimi missingersuusiornermi tunngaviit suut atorneqarnissaat Naalakkersuisut tunngavigisimaneeraat.

Naalakkersuisut tamatumunnga atatillugu qinnuigaakka tamanna pillugu nasuiaateqaqqullugit, matumani aningaasartuutaasussatut issuarneqartuni ineqarnermut akiliutinik naatsorsuinerimi amerlanaarisanninnissap qanoq iliorluni qulakkerneqarnissaa Naalakkersuisut qanoq eqqarsaatigineeraat.

Naalakkersuisut tamatumunnga peqatigitillugu qinnuigaakka annaasat qanoq iliornikkut paasineqartarnissaat Naalakkersuisut qanoq eqqarsaatigineeraat nalunaar-

figeqqullunga, tak. oqaaseqaatinni 23. april 2004-meersumi aamma pisortaqarfimmut allakkanni 29. november 2004-meersuni tamanna pillugu oqaaseqaatikka."

Pisortaqarfiup akissutaa ukiup nalunaarusiuunneqartup naanerani suli isummerfigisimanngisara imaattoq 29. november 2005-imi tiguara:

"Siuliani pineqartoq pillugu allakkatit 2. november 2005-imeersut Ineqarnermut Attaveqarnermullu Pisortaqarfiup pissarsiarai.

Ineqarnermut Attaveqarnermullu Pisortaqarfiup paasiuminaatsippaa, Inatsisartut Ombudsmandiata pissutsit sordiaat nassuiaateqarfigineqarnissaat kissaatigineraa. Ineqarnermut Attaveqarnermullu Pisortaqarfilli imaattunik nassuiaatissaqarpoq.

Inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi (attartortitsisarneq pillugu peqqussut) § 28, imm. 3 naapertorlugu aningaasanik ingerlatsinerneq missingersuutitut ilanngussisoqarsinnaavoq. Aningaasat ilanngussat assersuutigalugu inissianik attartortoqannginnerani annaasat matussuserniarnissaannut naammassanngikkaluarpata, nikingassut immikkut aningaasartuutitut ingerlatsinerneq missingersuutini ilanngunneqassaaq.

Taamaalilluni imaattoqarsinnaavoq, Inissianik attartortoqannginnerani annaasat matussuserneqarnissaannut ilanngussatigut immikkullu aningaasartuutitigut matussusiisoqarnissaa pineqassasoq.

Immikkut aningaasartuutissat taamaallaat "matussusiinerinnarnut" atorneqarsinnaanerit pillugu, tamatumani sinnilimmik matussusiisoqarsimanissaa pineqarsinnaanngilaq."

## **2004-mi ukiumoortumik nalunaarut, immikkoortoq 5, qupperneq 371 tulluilu.**

### **Ilinniartut ineqarfiini ineqarnermut akiliutinik naatsorsuineq. (J.nr. 11.73.77.12/062-02)**

Kultureqarnermut, Ilinniartitaanermit, Ilisimatusarnermut Ilageeqarnermullu Pisortaqarfimmut 3. januar 2005-imi imatut allappunga:

"Naalakkersuisut Allattoqarfiata allagai 8. juli 2004-mi tiguakka, taakkunanngalu ersepoq Kultureqarnermut, Ilinniartitaanermit, Ilisimatusarnermut Ilageeqarnermullu Pisortaqarfiup Naalakkersuisut Allattoqarfiat nalunaarfigisimagaa ilinniartut ineqarfii pillugit peqqussutissatut nutaatut siunnersuut Inatsisartut 2004-mi ukiakkut ataatsimiinneranni saqqummiunneqalersaartoq.

Ilinniartut ineqarfii pillugit peqqussutissatut siunnersuumik nutaamik, matumani ilinniartut ineqarfiini ineqarnermut akiliutit naatsorsorneqartarnerat ilanngullugu eqqarsaatigalugu, Inatsisartut 2004-mi ukiakkut ataatsimiinneranni saqqummiusisoqanngitsoq malugaara.

Tamatununga atatillugu Kultureqarnermut, Ilinniartitaanermit, Ilisimatusarnermut Ilageeqarnermullu Pisortaqarfimmut malugeqqullugu oqaatigaara ilinniartut ineqarfiini ineqarnermut akiliutit pillugit siunissami suliaasarumaartuni tunngaviutinniariga ilinniartut ineqarfiini ineqarnermut akiliutit naatsorsorneqartarnerat immikkut inatsisikkut aalajangersaavigineqarsimanngitsoq, taamaalillutillu pisortat ilinniartunut ineqarfiutaat inissianik attartorneq pillugu Inatsisartut peqqussutaanni



nr. 5-imi, 31. maj 2001-imeersumi kingusinnerusukkut allannguuteqartinneqartarsimasumi pineqartunut ilaatinneqartut.

Ilinniartut ineqarfii ineqarnermut akiliutinik naatsorsuisarneq pillugu oqaaseqaatiga 22. april 2004-meersaq siusinnerusukkut nassinneqarsimasoq innersuussutigaaara."

Pisorta qarfiup allakkani 19. januar 2005-imeersuni nalunaarfigaanga ilinniartut ineqarfii pillugit Inatsisartut peqqussutissaattut siunnersuut Inatsisartut 2004-mi ataatsimiinneranni oqaluuserisassanit tunuartinneqarsimasoq, Ineqarnermut Attaveqatigiinnermullu Pisorta qarfiup siunnersuummi allannguuteqartitsisoqarnissaanik kissaateqarnera pissutigalugu, tamatumungalu peqatigitillugu Kultureqarnermut, Ilinniartitaanermit, Ilisimatusarnermut Ilageeqarnermullu Pisorta qarfiup nalunaarutigalugu siunnersuut Inatsisartut 2005-imi upernaakkut ataatsimiinneranni oqaluuserisassanut ilanngullugu nalunaarutigineqarsimasoq.

Suliaq Kultureqarnermut, Ilinniartitaanermit, Ilisimatusarnermit Ilageeqarnermullu Pisorta qarfimmut allakkatigut 20. april 2005-imeersutigut imaattutigut inaarlugu suliaara:

"Suliaq, ilinniartut ineqarfii pillugit Inatsisartut peqqussutissaattut siunnersuummik Inatsisartut 2005-imi upernaakkut ataatsimiinneranni oqaluuserisassatut nalunaaruteqarsimanermik pisorta qarfiup allakkani 19. januar 2005-imeersuni (pisorta qarfiup j. normua 54.06.00) uannut akissuteqarfigisaa massakut uterfigaara.

Peqqussutissatulli siunnersuut taamaattoq Inatsisartut ataatsimiinneranni tassani oqaluuserisassatut pigineqartumi ilaangilaq, taamaattumillu inatsilerinermit pisortap ...-p pisorta qarfimmi immikkoortorta qarfiup pisortaa ... oqarasuaatikku 7. april 2005-imi attaveqarfigisimavaa, taassumalu oqaatigaa peqqussutissatut siunnersuut Inatsisartut massakut ataatsimiinneranni oqaluuserisassatut saqqummiunneqarsimanngitsoq, peqqussutissatulli siunnersuutip Inatsisartut 2005-imi ukiakkut ataatsimiinneranni saqqummiunnissaa Naalakkersuisut isumaliutersuutiginiaraat.

Suliami matuma kingornatigut annertunerusumik iliuuseqaqqissanngilanga, mallittarisassalli allat Inatsisartunit akuerineqarnissaasa tungaanut manna tunngaviutinriarpara, tassalu ilinniartut ineqarfii ineqarnermut akiliutinik akiliisarneq inissianik attartorneq pillugu Inatsisartut peqqussutaat naapertorlugu aalajangersarneqartassasoq, tak. oqaaseqaatinni 22. april 2004-meersumi oqaaseqaatigisakka aamma Inatsisartunut Naalakkersuisunullu tamatumunnga peqatigitillugu nalunaarutigininnikka, tak. Ombudsmandi pillugu inatsimmi § 11.

Allakkat uku assilineri, nalunaarutigisat taakku innersuussutigalugit, Naalakkersuisunut aamma Inatsisartut Inatsisit Atortinneqarnerannut Ataatsimiititaliaannut nassiuppakka."

**Ukiumi 2000-imi ukiumoortumik nalunaarut, immikkoortoq 7, qupperneq 455.**

**Sulianik akiliisitsiniarnermut tunngasunik misissuineq. (J.nr. 11.73-88.73/140-03)**

Kommuni akissuteqaqqullugu allakkatigut 10. februar 2005-imeersutigit qinnuigaara, tamatumunngalu peqatigitillugu kommunimut malugeqqullugu oqaatigalugu kommuni akissuteqaqnginnarpat kommuni eqqarsaatigalugu sulianik ingerlatsisinaannginnerma Inatsisartunut Naalakkersuisunullu nalunaarutiginiissaa isumaliutersuutiginiariga.

Pingaartumik ataatsimut oqaaseqaatit 9. marts 2004-meersut makku kommunimit isummerfigineqarnissaat kissaatigaara:

"Ataatsimut.

Suliani arlalinni maluginiarpara sulianik uppersaasersuinerup eqqortinniarnera ajornartorsiutaasoq. Sulianik uppersaasersuinerup tunngaveqarneq arlalinnik siunertaqarpoq. Suliani akiliisitsiniarnermut tunngasuni oqartussaasut akiitsoqarnermut tunngaviusunik uppersaasinnaanerat immikkut pisariaqartuuvoq.

Taamaalillunga 1997 pillugu nalunaarutinni suliaq 04-2 pillugu oqaaseqaatinni ilaatigut oqaatigaara qaammammoortumik naatsorsuutit innuttaasut kommunimut akiitsuunik naatsorsuinerup immikkut uppersaasatit atorneqarsinnaanngitsut, ilaatigullu oqaatigalugu kommunip pisassarisamisut naatsorsorsimasaanut immikkut uppersaasammik peqarnissaq innuttasut piumasaqaatiginiissaa.

Taamatuttaaq oqaatigineqartut saniatigut misissuinerup nakkutilliinerminilu oqartussaasut suliami allagaatinik misissuissamut, kukkuneruissamut il.il. periarfissaqarnissaasa qulakkeerneqarnissaat sulianik uppersaasersuisarnerup siunertaraa. Suliaq torersumik eqqortumillu uppersaasersorneqarnissaanik eqqortitsinerup aamma siunertaraa suliamik suliarinnittup suliamik tiguisup suliami pisutsinik imaaliillaannaq paasisaqarsinnaanissaata qulakkeerneqarnissaat.

Kommunip suliami amigartumik uppersaasersuisimanera imaluunniit uppersaasersuisimannginnera pillugu suliani arlalinni ataani taaneqartuni oqaaseqaateqarsimavunga. Kommunimiinninni suliat aalajangersimasut eqqarsaatigalugit qarasaasiakkut allattukkat naqitanngortinneqarnerinik tunineqarpunga, tamatumalu kinguneralugu pissutsit sulianik misissuinninni maluginiarsimasama ilaat arlallit pillugit oqaaseqaateqarnissap pisariaarunnera, tassami taakkunanga ersermat suliat pillugit allattuisoqartarsimasoq, qarasaasiakkuinnarli.

Taamaattorli pissutsit ataatsimut isigalugit inassuteqaateqarnissannut pissutisarpunga, tassalu tamanna kommunip siunissami immikkut eqqumaffigissagaa, imaaliorsinnaallunilu qarasaasiakkut allattukkat naqitanngortinneri sulianut ingerlaavartumik ilisarlugit."

Ataatsimut oqaaseqaatikka kommunip allakkani 28. februar 2005-imeersuni imatut akivai:

"...

Kommunip akiliisitsiniarnermut immikkoortortaqarfia tamatumunnga atatillugu suliat ingerlasarnerat, uppersaasersuisarneq suliallu ataasiakkaat allakkani taaneqartut pillugit oqaloqatigaara.

Tamatuma kingornatigut oqaatigineqarsinnaavoq kommuni qarasaasiakkut ingerlatseriaatsimik nutaamik atuinermut 1994-imi nuussimasoq. Nutarterinerup taasuma ilaatigut siunertaraa toqqorsivimmuut ilisassanik naqitanngortitseqqittarnerup pinngitsoortinneqarnissaa. Qarasaasiap pingaarnertut toqqorsiviata suut tamaasa toqqortarpai, ullullu tamaasa isumannaallisaatit toqquisarluni, toqqukkallu taakku aamma toqqorneqartarlutik.

Kingumut 1994-ip tungaanut kontonut takussutissiat piffissanut aalajangersima-sunut tunngasut sukkulluunniit naqitanngortinneqarsinnaapput.

K Kommunitumut akiitsullit tamarmik akiitsutoqqat pillugit kontonut takussutissi-anik naqitanngortitanik nassinneqartarput, taakkunanilu qanoq akiliisoqarsimane- rakuneqarsinnaavoq. Tamatuma saniatigut ernialiinerit/akiligassiissutit nutaat, taak- kulu sumut tunngasuunerat pillugu paasissutissiisoqartarpoq.

Nutarterinermut atatillugu qarasaasiakkut ullorsiummik pilersitsisoqarpoq, taamaalillutik akiitsoqartoq eqqarsaatigalugu ingerlatat tamarmik nalunaarsorneqar- tarlutik.

..." (Atorfeqarfimmi nutsigaavoq)

Akissutip allakkani 13. juni 2005-imeersuni imaattunik oqaaseqaateqar- nissannut pissutissaqalersippaanga:

"Sulianik qarasaasiakkut suliarinninneq pillugu ataatsimut:

Kommunitumut oqaatigaa sulianik suliarinninneq tamarmi innuttaasullu ataasiakkaat kommunimut akiitsui pillugit paasissutissat qarasaasiakkut nalunaarsorneqartarput.

Kommunitumut paasissutissanik taamaattunik qarasaasiakkut toqqortarinninnera pil- lugu oqaaseqaatissaqanngilanga. Inatsisilli ingerlatsinerlu pillugu inatsiseqartitsi- nermi malittarisassat ingerlatsiviup sulianik toqqortarinninnera pillugu ilassutaa- sunik arlalinnik piunasaqaateqarput.

Taamaalilluni allagaateqarfeqarneq pillugu Inatsisartut inatsisaanni nr. 22-mi, 30. oktober 1998-imeersuni imaattumik aalajangersagaqarpoq:

”§ 6. Suulluunniit paasissutissartallit pisortat sullissiveqarfimi sulinnikkut pilersin- neqartut taakkuluunniit aqqutigalugit pilersinneqartut toqqorneqassapput.”

Aalajangersagaq taanna piareersarlugu sulianit erserpoq toqqortarinninnissamik pisussaaffeqarneq paasissutissanut qarasaasiakkut toqqortarineqartunut aamma pap- piaramut naqitanngortinneqartunut atuuttoq.

Taamaattumik toqqortarinninnissamik pisussaaffeqarneq qarasaasiakkut toqqor- tarinninnerinnakkut naammassineqarsinnaanngilaq, nassataraluguli paasissutissat pappiaranngorlugit pigineqartut aamma taamatut iluseqartillugit toqqortarineqassa- sut.

Tamatuma saniatigut paasissutissat pappiaranngorlugit pissarsiarineqarsinnaasa- riaqarnerat ingerlatsineq pillugu inatsiseqartitsinermi malittarisassat nassatarisin- naavaat.

Taamaalilluni siullertut suliassat suliarineqartarnerat pillugu inatsimmi aamma paasitinneqarsinnaatitaaneq pillugu inatsimmi innuttaasut allagaatinik paasitin- neqarsinnaatitaanerit pillugu malittarisassat aalajangersarneqarsimapput.

Allagaatinik paasitinneqarsinnaatitaaneq oqartussaasut allagaatinik qanoq ilillu- tik toqqortarinninnerat apeqqutaatinnagu atuuppoq. Allakkat pineqartut pappiaran- ngorlugit toqqortarineqanngippata, assersuutigaluguli qarasaasiap toqqorsivianiin- naq toqqortarineqarpata allakkat taakku paasitinneqarnissamik qinnuteqartumut teknik atorlugu pissarsiarineqarsinnaasunngortinneqarnissaat oqartussaasut isuma- gisariaqarpaat, assersuutigalugu naqitanngortitatut imaluunniit pineqartup paasitin- neqarnerminut atatillugu allaffimmi tassani qarasaasiap igalaavatigut allakkanik taakkuninnga atuaanissaminut periarfissaqartinneqarneratigut. Allakkat taakku pisarnertut pappiaranngorlugit pigineqarsimanngisannarnerat, taamaallaalli qara- saasiakkut allanneqarsimallutillu tiguneqarsimane- rat tamatumunnga atatillugu pi-

ngaaruteqanngilaq, allakkat taakku oqartussaasumut atugassanngorlugit toqqortarineqaannarsimappata.

Aappaattut pineqartoq tassaavoq inatsisit ingerlatsinermiluunniit ileqqorissaarne-rup nassatarisinnaagaa aalajangiineq imaluunniit suliamik suliarinninnermi iliuseq allakkatigut nalunaarutigineqassasoq. Suliat allakkatigoortitsinissamik piumasaqaat pillugu apeqqutinik imaqtut nalunaarutinni arlaleriarlunga eqqartortarsimavakka. 2003-mi nalunaarutinni suliaq 11.73, 12-1 taaneqartutut kingullertut innersuussuti-gaara.

Pisuni taamaattuni allakkatigoortitsinissamik piumasaqaat ingerlatsiviup ilumini sulianik suliarinninnerata qarasaasiakkoortuuneratigut saneqqunneqarsinnaanngi-laq.

Tamatuma saniatigut torersuutitsinissaq sulianillu suliarinninneq eqqarsaatigalu-git isiginiagassat, matumani angusaqarluarnissaq ilanngullugu eqqarsaatigalugu, pissutigalugit suliami allagaatit naqitanngortillugit toqqortarineqarnissaat pisaria-qalersinnaavaat, takussutissiannngortillugilluunniit.

Matumani eqqarsaatigisara tassaavoq suliaq pillugu allattukkanik naqitanngor-titsinnginnerup nassatarigaa pisortat nakkutilliisuutitaasa, matumani Ombudsman-dip Atorfeqarfia kukkunersiuisulluunniit ilanngullugit eqqarsaatigalugit, suliamik ti-gussaasumik misissuinnerminni sulianik ataatsimut takussutissanik imaaliiallaannaq pissarsinnaannginnerat, imaluunniit allagaatinik naqitanngortitanik assersuutigal-ugu akiitsoqtut allattorsimaffiannut akiitsulluunniit killiffiat pillugu nalunaar-suiffimmut sanilliussinnaannginnerat.

Tamatuma pissuseqataa atuuppoq, tassalu suliat suliamik suliarinnittumit allamit suliarineqalerpat kukkussuteqarsinnaaneq annertunerulissaaq, sulianik suliarinnit-tup nutaap suliaq tigussaasoq qupperaannarlugu suliap sumut killinneranut takussu-tissiaq imaaliiallaannaq pissarsiarinnaanngippagu.

Taamaattumik kommuni qinnuigeqqippara periaatsimik sulianut qarasaasiakku-t ilanngunneqartartut tamarmik naqitanngortinneqartarnerannik suliamullu tigussaa-sumut ilineqartarnerannik nassataqartumik atulersitsinissaq isumaliutersuutigeqqil-lugu.

Kommunip kontot pillugit takussutissianik innuttaasunut nassiussinerata inatsise-qartitsinikkut qanoq isumaqarnera.

Siusinnerusukku nalunaarutinni, 2000 pillugu nalunaarutinni, suliami 04-7-imi, oqaatigaara kontot pillugit takussutissianik (qaammammoortumik naatsorsuutinik) innuttaasunut nassiussisarnermik atuneq naatsorsuutit pineqartut akiliisitsiniarne-runerannik nalornilersitsissanngitsoq.

Tamatumunnga uiggiullugu oqaatigaara innuttaasunut akiliisitsiniarnerit oqaaser-talersugassaasut aningaasat suut akilersinniarneqartut innuttaasunit erseqqissumik paasineqarsinnaalersillugit. Akiliisitsiniarneq innuttaasup tamatumunnga peqatigi-tillugu kommunimut aningaasanik akiligassaqarneranik aalajangiinnermut takussutis-saappat suliasat suliarineqartarnerat pillugu inatsimmi tunngavilersuisarneq pillugu malittarisassat aammattaaq malinneqassapput.

Konto pillugu takussutissiaq kommunip naatsorsuutinut ilanngussisimaneranut taamaallaat takussutissaavoq, taamaattumillu taassuma immi innuttaa-sunut aningaasanik akiliisitsiniarnissaanut pisinnaatitaaffilernagu, taamaattumillu konto pillugu takussutissiap allakkatigoortitsinissamik piumasaqaatit qulaani na-suiakkakka taarsersinnaanngilai.

Suliat ataasiakkaat pillugit.

Suliat ingerlasimanerannik kommunip paasissutissiissutai tusaatissatut tiguakka, taamaattorli isumaqarlunga suliat taamaattut, assersuutigalugu akiligassaqtartup to-

qukkut qimagunneratigut, akiliisinnajunnaartut suliarineqalerneratigut imaluunniit allamut nuunneratigut K Kommunimulluunniit akiitsuerunneratigut suliassajunnaartut – suliassanngooqissinnaanngitsullu – toqqorsivimmuq toqqorneqartarnissaat kommunip isumaliutersuutigisariaqaraa.

Akiliisitsiniartarfiup innuttaasut tamaasa, aamma kommunimut akiitsoqanngitsut allanilluunniit kommunip akilersinniagassaanik akiitsoqanngitsut, pillugit tigussasunik suliaateqartariaqarneranik apeqqut siullertut kommunip naliliineranik uanga isummerfigisinnaanngisannik tunngaveqarpoq.

Isumaqarpungali kommunip akiliisitsiniartarfimmi tigussaasut suliaataasa sulianut akiitsunik akiliisitsiniarneq pillugu apeqqutitalinnut killeqartinneqarnissaat sulianik paasiuminartuutitsinissap pisariaqalersikkaa.

Taamaattumik taamaallaat inuit suliffeqarfiillu kommunip akilersinniagassaanik akiitsoqartut pillugit sulianik pilersitsinissaq kommunip toqqarpagu tamanna oqaaseqaateqarfigisinnaassanngilara.

Kommuni qinnuigaara tamanna pillugu oqaaseqaatiminik nalunaarfigeqqullunga."

Kommuni akissuteqarnissaanik allakkani 3. august 2005-imeersuni, 23. september 2005-imeersuni aamma 10. november 2005-imeersuni eqqaasippara.

Kommuni allakkani 21. november 2005-imeersuni imatut akivoq:

"Ataatsimut oqaaseqaatit pillugit kommunip oqaatigissavaa toqqorterisussaati-taaneq qarasaasiakkut toqqorterinerinnakkut naammassineqarsinnaanngitsooq isumaqatigipput, taamatuttaarlu suliassat suliarineqartarnerat pillugu inatsisip aamma ingerlatsineq pillugu allatigut inatsiseqartitsinerup pappiaranngorlugit toqqorterinissaq pisariaqalersissinnaallugu. Torersuutitsinissamik sulianillu suliarinninnissamik piumasqaatit tamanna pisariaqalersikkaat taamatuttaaq isumaqatigaarput.

Taamatuttaaq innuttaasunut kontot pillugit takussutissiat aqutugalugit saaffignittarnerit akiliisitsiniarnertut isigineqarsinnaanerisa qulaajarneqarnissaat pisariaqartinneqartoq malugaarput.

Kontot pillugit takussutissiat IO-p oqaatigisaatut kommunip akiitsunut tunngasut pillugit uppersaatigiinnartussaammagit akiliisitsiniarnerit taakkullu eqqortumik annertussusii siunissami tamanna innuttaasunut paasineqarsinnaalersillugit oqasertalerneqamiarput. Aalajangiinerlu pineqarpat taassuma qanoq tunngavilersorneqartarnissaa.

Suliat ataasiakkaat pillugit taamaallaat oqaatigineqassaaq taakku inaarlugit suliarineqaraangata toqqorneqartarmata, kommunillu suliat taamaallaat pilersittarlugit akiitsoqartoqarpat akilersinniarneqartunik." (Atorfeqarfimmi nutsigaavoq)

Kommuni nalunaarfigaara kommunip akissutaa tusaatissatut tigugiga, annertunerusumillu iliuuseqaqqinniannngitsunga.

**2004-mi ukiumoortumik nalunaarut, immikkoortoq 7, qupperneq 457 tullu.**

**Nalunaarummi piffissap tungaatigut piunasaqaammik sanequtsisinaanermi assigiissuteqartarnissamik tunngaveqarneq. (J.nr. 11.73.22.-01/016-03)**

Naalakkersuisut suliami akissuteqarnissaat allakkani 22. februar 2005-imeersuni aamma 14. juli 2005-imeersuni eqqaasitsissutigaaara.

Naalakkersuisut Allattoqarfiata allagai 26. august 2005-imi tiguakka, taakkunanilu nalunaarutigineqarpoq suliap Naalakkersuisunut saqqummiunneqarnissaa kingusinnerpaamik 12. september 2005-ip kingornatigut naatsorsuutigineqartoq.

Naalakkersuisunit tamatuma kingornatigut tusagaqannginnama suliami akissuteqartoqarnissaa 5. oktober 2005-imi eqqaasitsissutigeqqippara.

Naalakkersuisut allakkani 7. oktober 2005-imeersuni akivaannga suliaq Naalakkersuisunut piaarnerpaamik saqqummiunneqarniartoq.

Naalakkersuisut Allattoqarfiata borgmesteriusimasumut suliami pineqartumut allagaasa assilinerat imaattunik imaqartoq 21. oktober 2005-imi tiguara:

"Borgmesterit qinigaajunnaarnersiutaat soraarnerussutisiaallu aammalu taakkua aappaasa meeraasalu taakkuninnga pissarsisinnaaneri pillugit Namminersornerullutik Oqartussat nalunaarutaanni nr. 23-imi, 12. september 1997-imeersumi § 3, imm. 1-imit, tassuuna takuneqarsinnaavoq, namminerisamik soraarnerussutisianik pissarsisinnaanermut piunasaqaataasoq sivikinnerpaamik ukiuni arfineq pingasuni (8) atuussimanissaq pillugu, Inatsisartut Ombudsmandiata Naalakkersuisut qinnuigisimavaat immikkut ittumik akuerineqarnissamik qinnuteqaativit suliareqqinneqarnissaa.

Naalakkersuisut qinnuteqaativit suliareqqissimavaat.

Tassunga atatillugu nalunaarutigineqarsinnaavoq, Naalakkersuisut aalajangiussimammassuk nalunaarummit immikkut ittumik akueriniarlutit, taamaasilluni soraarnerussutisiaassat imatut naatsorsorneqassallutik:

Soraarnerussutisiaqarsinnaatitaanerup atuutileranerani soraarnerussutisianik naatsorsuinermit piviusumik borgmesteriusimaneq naapertorlugu amerliartuaartumik soraarnerussutisiat naatsorneqassapput periuseq tulliuuttoq naapertorlugu  $28/8 \cdot 6 = 21$  ukiut.

Tamatuma kinguneraa, illit immikkut akuerineqaravit borgmesterit soraarnerussutisiaqartussaataitanerit piginnittuunissat, naak ukiuni arfineq pingasuni borgmesteriusimangikkaluartutit, imaasilluguli soraarnerussutisiat amerliartuaartillugit naatsorsorneqassasut piviusumik ukiuni arfinilinni atuussimaneq naapertorlugu.

Tunngavilersuutigisaminni Naalakkersuisut ilaatigut pingaartissimavaat, Naalakkersuisunit ulloq 4. oktober 2001 borgmesteriusimasoq assingusumik immikkut ittumik akuersissuteqarfigineqarmat, aammalu takuneqarsinnaanngimmat piviusorsiortumik tunngavilersuuteqartoq immikkut ittumik akuersissuteqarfigineqarnissamik qinnuteqaativit allaanerumik suliarineqarnissaanut."

Naalakkersuisut tamatuma kingornatigut allakkani 26. oktober 2005-imeersuni nalunaarfigaakka suliami annertunerumik iliuseqaqqinnianngitsunga.

**2004-mut ukiumoortunik nalunaarut, immikkoortoq 7, qupperneq 465.**

**Misissuisussaatitaanerup annertussusia. (J.nr. 11.73.02.12/095-03)**

A/S Inissiaatileqatigiiffik INI-mut naggasiutitut allakkanni 23. marts 2005-imeersuni makku nalunaarutigaa:

”A/S Inissiaatileqatigiiffik INI allakkatigut 28. juli 2003-meersutigut nalunaarfigaara ineqarnermut tapiissutinik amerlanaarlugit tunniunneqartunik utertitsilluni akiliineq pillugu suliami Inissiaatileqatigiiffiup suliamik suliarinninneranik nammineerluni misissuiffiginninneq aallartinniarlugu aalajangertunga, tak. Ombudsmandi pillugu inatsimmi § 6, imm. 5.

Taamatut aalajangernera Inissiaatileqatigiiffiup allagaani 21. november 2001-imi A-p tigusaqarsimanerminik naammagittaalliuutaani 6. marts 2002-mi tigusaqarnera tunngavigalugu pivoq. Inissiaatileqatigiiffiup A allakkani taakkunani nalunaarfigaa 26.418,68 kr.-nik Inissiaatileqatigiiffimmut akiitsoqartoq.

Suliaq imatut paasivara akiitsut ilaat tassaasut K Kommunip A/S Inissiaatileqatigiiffik INI-mut akilersinniaqqullugit qinnutigisimasai, ineqarnermullu akiitsorilikkat ilaat taakku A-mut kommunip ineqarnermut tapiissutinik amerlanaarlugit tunniussisarsimaneranik pissuteqartut.

Isumaginninnermut Naammagittaalliuuteqartarfiup 18. juni 2002-mi nalunaarfigaanga Naammagittaalliuuteqartarfik A-p apequt tamanna pillugu naammagittaalliuutaaniq tigusaqarsimasooq, suliarlu Naammagittaalliuuteqartarfiup suliarilersimagaa.

Naammagittaalliuuteqartarfik aalajangiinermigut 5. september 2002-meersukkut suliap suliarineqarnissaa itigartitsissutiginiarlugu aalajangerpoq.

Taamaattumik K Kommuni 17. juni 2003-mi nalunaarfigaara suliaq kommuni pillugu naammagittaalliuutitut aalajangersimasumik suliarilerniarlugu aalajangertunga.

Kommunip suliami allagaataanik suliarlu pillugu tusarniaaninnut kommunip akissutaanik misissuereerlunga kommuni allakkatigut 23. november 2004-meersutigut nalunaarfigaara naammagittaalliuut pillugu suliamik aallartinneqartumik suliarinninnera unitsinniarlugu aalajangertunga.

Taamatut aalajangerninni A-p ineqarnermut tapiissutisarnissaanut akuersissutip kommunimit 20. februar 1998-imi atorunnaarsinneqarsimanera, kommunillu tamatum kingorna aalajangiisimanginnera imaluunniit suliamik suliarinninnermi alanik iliuseqarsimanginnera pingaartillugit isiginiarpakka.

Taamaalilluni suliami pineqartoq tassaannngilaq ineqarnermut tapiissutinut amerlanaarlugit tunniunneqarsimasunut akiitsunik Inissiaatileqatigiiffiup tamatum kingornatigut ineqarnermut akiitsungortissimasaanik akiliisitsiniaqqullugu kommunip Inissiaatileqatigiiffik qinnuigisimaneraa.

Suliamili matumani pineqartoq tassaavoq A-p ineqarnermut tapiissutisisarunnaarnera, taamaattumillu A sulisunut inissiamik atatillugu ineqartoq akissarsiaminit ilannganneqarnermigut ineqarnermut akiliutinik tamarmiusunik tamatum kingornatigut akiliisalertussaasimagaluarneranik kommunip akissarsialeriffiata pilertortumik nalunaarutisimanginnera.

Inissiaatileqatigiiffiup suliami allagaatai suliamillu nammineerlunga misissuiffiginninninnut atatillugu Inissiaatileqatigiiffiup tusarniaaninnut akissutigisai maanna misissoreerpakka, tamannalu tunngavigalugu aalajangerpunga Inissiaatileqatigiiffiup suliamik suliarinninneranik misissuineru unitsinniarlugu.



Matumani pingaartillugu isiginiarpara Inissiaatileqatigiiffiup uannut allakkamini 29. oktober 2003-meersuni aamma 24. maj 2004-meersuni oqaatigisimagaa A-p ineqarnermut tapiissutisisarunnaarnera, taamaattumillu A sulisunut inissiamik atatillugu ineqartup 1998-imi februarip qaammataani akissarsiaminit ilanngaanneqarnermigut ineqarnermut akiliutinik tamarmiusunik ingerlaannartumik akiliisalertussaa-simagaluarneranik kommunip akissarsialeriffiata pilertortumik nalunaarfigineqarsimanginnera Inissiaatileqatigiiffiup kukkunerigaa.

Taamaattorli suliap uannut paasissutissiissutigineqarnera malillugu erserpoq A-p ineqarnermut tapiissutisisarunnaarneranik kommunip nalunaarutaa Inissiaatileqatigiiffiup 1998-imi augustip qaammataani aatsaat tigusimagaa, tamannalu Inissiaatileqatigiiffiup kommunimi akissarsialeriffimmut tamatuma kingornatigut ingerlaannartumik nalunaarutigisimagaa.

Tamatuma kingornatigut apeqqutaalersoq tassaavoq A-p ineqarnermut akiitsuinut akisussaaffik Inissiaatileqatigiiffimmut imaluunniit A-mut inissinneqassanersoq.

Isumaqaarpunga apeqqut taanna isummerfigisinnaanngikkiga, tassami taamatut isummerfiginninneq uppersaasarsuineq pillugu apeqqutinik malittarisassat periaatsillu uanga sulininnut atuuttut avataanniittut tunngavigalugit isummerfiginninissamik piunasaqaateqarfiusussaammat.

Taamaattumik isumaqaarpunga apeqqutip taassuma, Inissiaatileqatigiiffik A-lu isumaqatigiissinnaassanngippata, eqqartuussivimmi aalajangiivigineqarnissaa naleqqunnerpaasoq.

Inissiaatileqatigiiffiup suliamik suliarinninnera pillugu A-p naammagittaalliuutaa tunngavigalugu misissuina tamanna tunngavigalugu matumuuna unitsippara.

Inissiaatileqatigiiffiup suliami allagaatai tamatumunnga peqatigitillugu utertillugit nassiuppakka, atukkiunneqarnerat qujassutigalugu.”

## **2004-mi ukiumoortumik nalunaarut, immikkoortoq 7, qupperneq 465 tulluilu.**

### **Atuakkanik atorniartarfiup akiliutinik akiliisitsiniarnernut inatsisitigut tunngaveqarnissaanik piunasaqaat. (J.nr. 11.73.80.12/116-03)**

Bibliotekeqarneq pillugu Inatsisartut peqqussutaata allanngortinneqarneranik Inatsisartut peqqussutaata nr. 5-ip, 12. maj 2005-imeersup akuerineqarneratigut § 12b-kkut Kalaallit Nunaata Atuagaateqarfiata kommunillu atuagaateqarfiisa immikkut kiffartuussinerit sumiiffimmi atuinermi, atortussanik atukkiussinermit nalinginnaasumillu ilitsersuinermit anner-tunerusut pillugit atuisunut akiliutinik akiliisitsiniarsinnaanerannut inatsisitigut tunngavissaq atulersinneqarpoq.

Inatsisartut peqqussutaanni tassani § 12c-kkut atorniakkat utertinnissaannut piffissaliussamik qaangiinnermut akiliutinik akiliisitsiniarsinnaarnermut inatsisitigut tunngavissaq atulersinneqarpoq.

Suliaq tamatuma kingornatigut inaarlugu suliaara.

**2004-mi ukiumoortumik nalunaarut, immikkoortoq 7, qupperneq 381.**

**A/S Inissiaatileqatigiiffik INIp suliamik suliarinninnera pillugu naam-  
magittaalliuutit. (J.nr. 11.73.29.02/180-03)**

A/S Inissiaatileqatigiiffik INI allakkatigut 18. april 2005-imeersutigut ilisimatippara suliaq nutaamik misissuiffigereerlugu suliamik misissuina annertunerusumik iliuseqaqqinnanga inaarniarlugu aalajangertunga, aalajangerninnilu makku pingaartillugit isiginiaikka:

- naammagittaalliuuteqartut suliami massakut soqutigisaaruttut,
- misissuisimanagera taamaallaat ineqarnermut akiliutigineqartalersussat pillugit ilimasaarutini marlunni pigisanni oqaasertaritinneqartumut tunngasuunera, taamaattumik suliaq aalajangersimasumik suliarilissagukku manna tikillugu tusarniaassutigisarsimasannit annertunerusunut tunngasut pillugit tusarniaasariaqarnissamik pisariaqartitsissasoq,
- naammagittaalliuut pillugu suliami (j.nr. 11.03.29.01/111-02-mi) oqaaseqaatinnut pisorta qarfiup malitseqartitsinissaa utaqqimaariga, tassami inissianik attartorneq pillugu Inatsisartut peqqussutaata allannortinneqarneranik Inatsisartut peqqussutaanni nr. 2-mi, 21. maj 2002-meersumi ineqarnermut akiliutit qaffanneqarnissaannik ilimasaarisarneq pillugu § 10, imm. 2-mi malittarisassat malissimangimmagit isorisariaqartutut isigigakku.

**2004-mi ukiumoortumik nalunaarut, immikkoortoq 7, qupperneq 468.**

**A/S Inissiaatileqatigiiffik INI-p sulianik suliarinnissimanagera pillugu  
naammagittaalliuutit. (J.nr. 11.73.39.02/136-03)**

Suliamik suliarinninnera 16. juni 2005-imi inaarsarpara. Suliap taassumaluunniit ilaata nalunaarutip immikkoortuini allani ilanngunnissaanut pissutissaqarsimangilanga.

Inaarsaallunga Ineqarnermut Attaveqatigiinnermullu Pisorta qarfimmu imatut allappunga:

"Pisorta qarfik allakkani 20. oktober 2003-meersuni nalunaarfigaara Inissiaatileqatigiiffik pillugu naammagittaalliuutit pisorta qarfimmu suliarineqartarneranni periaaseq nammineerluni misissuiffigininnermik aallartitsiviginiarlugu.

Ineqarnermut Attaveqatigiinnermullu Pisorta qarfik, Aqutsinermut Pisorta qarfik aamma Naalakkersuisut Allatto qarfiat ilassutaasunik tusarniaavigisarsimavakka. Tamatumunnga atatillugu maluginiarpara kingullermik tusarniaanagera 7. januar 2005-imeersoq Ineqarnermut Attaveqatigiinnermullu Pisorta qarfiup akisimangikka.

Maluginiarparali Inatsisartut kingullermik ataatsimiinnermini (UPA 2005-imi) inissianik attartorneq pillugu Inatsisartut peqqussutaat nr. 2, 12. maj 2005-imeersoq, 1. juli 2005-imi atortuulersussaq akuerisimagaat.

Inatsisartut peqqussutaannit akuerineqartumit tassannga ilaatigut makku erserput:

”§ 81. Namminersornerullutik Oqartussat kommuuniluunniit inissianik allaffissornikkut aqutsisussamik avataaniit pissarsisimappat, Naalakkersuisut imaluunniit Kommunalbestyrelsep nakkutigissavaa, inissianik allaffissornikkut aqutsisup suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit suliarinerai.

Imm. 2. Kommuni nammineerluni inissiaatiminik allaffissornikkut aqutsinermik isumaginnittuuguni, kommunip suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit isumagissavai.

Imm. 3. Namminersornerullutik Oqartussat kommuniluunniit aningaasatigut nakkutilliususaatitaanini, tak. imm. 1, naammassiniarlugu inissianik allaffissornikkut aqutsisup kukkunersiuisua inissianik allaffissornikkut aqutsisup suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit suliarinerai nalunaarusiortissinnaavaa.

Imm. 4. Kommuni inissiaatiminik nammineq allaffissornikkut aqutsisup ukiumoortumik suliaasat Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit isumagineqarnerat pillugu kukkunersiuisuni ukiumoortumik nalunaarusiortittassavaa.

Imm. 5. Naalakkersuisut Namminersornerullutik Oqartussat kommunillu inissiaataat attartortittakkat najugaqatigiiffillu nakkutigineqarnerat, matumani ilanngulugit inissianik piginnittup imaluunniit aqutsisup aningaasaatinik aqutsinera, missingersuusiortarnera, naatsorsuutinik saqqummiisarnera kukkunersiuisoqarneralu, pillugu maleruagassiorsinnaapput.”

Peqqussutissatut siunnersuummi imm. 3 pillugu oqaaseqaatinit ilaatigut makku erseerput:

”Imm. 3-mi erseqqissarneqarpoq Namminersornerullutik Oqartussat kommunillu nakkutilliususaanermut pisussaaffiup ilaa, najugaqatigiiffiup aningaasaqarneranut tunngasoq, piginnaatitsinikkut illup allaffissornikkut aqutsisuata kukkunersiuisuanut isumagineqartussanngortinneqarsinnaasoq, taanna nalunaarummik suliaqartussanngorlugu, illumik allaffissornikkut aqutsisup suliani Inatsisartut peqqussutaat manna aalajangersakkallu peqqussut manna naapertorlugu suliarineqartut naapertorlugit suliarigai. Aalajangersakkap taamaalilluni siunertaraa, kukkunersiuisup aningaasaqarnermut tunngatillugu nakkutillineq isumagisarigaa, kisiannili imm. 1 malillugu nakkutilliinerup sinnera illumik piginnittup isumagisarigaa, tamannalu ingerlaavartumik nakkutiginninnikkut pisoq aamma attartortumit maalaarutinik tigusaqartarnikkut pisoq.”

Tamatuma kingornatigut tunngaviutissinnaalerpara Inatsisartut peqqussutaata atortuulererata kingornatigut inatsisitigut atuuttoq tassaasoq Naalakkersuisut A/S Inissiaatileqatigiiffik INI-p inissianik Namminersornerullutik Oqartussat aqutsisoqarfiata inissiatut nalinginnaasumik attartortitassatut aamma sulisunut inissiatut attartortitassatut atugassiissutaanik ingerlatsineq pillugu inatsiseqartitsinikkut nakkutilliinissamat pisussaaffeqartut.

Tamatuma ilaatigut nassataraa sulianik suliarinnineq imaluunniit inissianik aqutsinermi teknikkimut tunngasut pillugit naammagittaalliutit suliarinissaat aqutsinerup Inissiaatileqatigiiffimmit ingerlanneqarnera imaluunniit nakkutilliinermik pisussaaffeqarnerup kukkunersiuisumit isumagineqarnera innersuussutiginnarlugu Naalakkersuisut itigartissinnaassannikkaat.

Taamaattumik isumaqarpunga Naalakkersuisut nakkutilliinerannut inatsisitigut tunngavigisat § 81-ip akuerineqarnerata kingornatigut naammattumik erseqqaris-suseqartoq.

Apeqqutaalersoq tassaavoq Naalakkersuisut ataanni oqartussaasut sorliit naku-tilliinissamat pisussaaffeqarnersut.

Pisinnaatitaaneq pillugu apeqquut taanna Naalakkersuisut Inatsisartut peqqus-sutaanni § 81, imm. 5 tunngavigalugu (imaluunniit Naalakkersuisut Siulittaasuata Namminersornerullutik Oqartussat pillugit inatsimmi § 3, imm. 2 tunngavigalugu) tamanna pillugu malittarisassanik erseqqinnerusunik aalajangersaasussaanerannik tunngaveqarpoq.

Sulianik apeqquummut tassunga attuumassuteqartunik massakut ingerlataqan-ginnama pisinnaatitaanermik apeqquut pillugu misissuinerma ingerlateqqinnissaa-nut massakut pissutissaqarnanga isumaqarpunga.

Taamaattumik misissuinerma peqqussutip allannguuta akuerineqartoq tunngaviga-lugu massakut unitsippara.

Allakkat uku assilineri Aqutsinermut Pisortaqarfimmuut aamma Naalakkersuisut Allattoqarfiannut nassiuppakka."

#### **2004-mut ukiumoortumik nalunaarut, immikkoortoq 7, qupperneq 469 tullialu.**

##### **Sulisunut inissianik innersuussisarneq. (J.nr. 11.73.24.30/183-03)**

Immikkoortoq 5 -11.73-ip ataani suliatut 24 -1-itut suliaq pillugu ala-laserinninnera innersuussutigaa.

#### **2004-mi ukiumoortumik nalunaarut, immikkoortoq 7, qupperneq 469 tulliiilu.**

##### **Sulianik isumaginninnermut tunngasunik misissuineq. (J.nr. 11.73.-88.73/146-03)**

Kommuni akissuteqarnissaanik allakkatigut 10. februar 2005-imeersu-tigut eqqaasippara. Kommunip allakkatigut 28. februar 2005-imeersutigut qinnuigaanga suliaq suna eqqaasitsissutitut allakkanni innersuussutigisi-maneriga ilisimateqqulluni.

Kommuni akissuteqarnissaanik oqarasuaatikkut 3. marts 2005-imi, 6. april 2005-imi aamma 19. maj 2005-imi eqqaasippara. Akissuteqarnissa-mut piffissaliunneqartup kinguartinneqarnissaa kommunaldirektørip e-mailikkut nassiussakkut 7. juni 2005-imeersukkuq qinnutigaa.

Kommunip isumaginninnermik ingerlatsivimmi pisortartaavata tamatu-ma kingornatigut 13. juni 2005-imi attaveqarfigaanga, nalunaarutigalugulu saapaatip akunnerata ataatsip ingerlanerani akissuteqartoqarniartoq.

Kommunip akissutaa imaattoq 11. juli 2005-imi tiguara:

“...

Qarasaasiakku allakkat naqitanngortinneqartarnerat

Suliat sullitat pillugit allattuiffiit (journalit) siusinnerusukku qarasaasiami allattuinnariarlugit suliap mappianut (sagsmappe) ilineqartarsimangillat. Inunnik isumaginninnermi ingerlatsivimmi isumaginninnermi siunnersortit, allaffissornikkut suliaqartut sulisut ataatsimeeqattaarnerini arlaleriarluta piunasaqaatigaarput, suliat allattukkat aammalu journalit sagemut tamatigut siunissami ilineqartassasut, taamaasilluta kingusinnerusukku suliaq ingerlaqqilerpat takuneqarsinnaaniassamat sullitaq qanoq sullinneqarsimanersoq aamma suliaq qanoq ingerlanneqarsimanersoq.

...”

Kommuni 3. august 2005-imi nalunaarfigaara kommunip akissutaa imatut paasigiga suliani isumaginninnermut tunngasuni allattukkanik naqitanngortitsisarneq allattukkanillu sulianut ilioraasarneq pillugit inassuteqaatiga kommunip tusaattissatut malitassatullu tigusiimaga, suliamilu annertunerusumik iliuuseqaqqinnianningsunga.

**2004-mi ukiumoortumik nalunaarut, imm. 7, qupperneq 471 tullialu.**

**Sulianik akiliisitsiniarnermut tunngasunik misissuineq. (J.nr. 11.73.-88.73/078-03)**

Allakkannut 14. juni 2004-meersunut kommunip akissuteqarnissaanik allakkatigut 22. februar 2005-imeersutigut eqqaasippara.

Kommuni allakkatigut 2. marts 2005-imeersutigut akissuteqarpoq:

„Matumuuna allagaatit kissaatigineqartut.

Eqqartuussut suliami allagaatinut ilaavoq. Tamanna 27. december 1999-imi pivoq. Suliaq tamatuma kingornatigut 10. april 2000-imi aningaasaqarnermut ataatsimiititaliami aalajangiiffigineqarpoq. Aningaasaqarnermut ataatsimiititaliap ataatsimiinneranit imaqarniliap assilineri ilanngullugu nassiunneqarpoq.” (Atorfeqarfimmi nutsigaavoq)

Aningaasaqarnermut ataatsimiititaliap ataatsimiinneranit imaqarniliami kommunip allagaanut ilanngunneqartumit erserpoq:

„... sinnerlugu akiliisitsiniartarfimmiit ... siunnersuutigineqarpoq kr. 6.000,- isumakkeerneqassasut. Inassuteqaatigineqarpoq aningaasat isumakkeerneqassasut. Allakkat 22.2.2000-imeersut bilagitallit ilanngunneqarput.

J.nr. 07.00.21.

Akuerineqarpoq.“

Kommuni tamatuma kingornatigut allakkatigut 18. juli 2005-imeersutigut nalunaarfigaara sulianik misissuinnut atatillugu annertunerusumik iliuuseqaqqinnianningsunga.

**2004-mi ukiumoortumik nalunaarut, immikkoortoq 7, qupperneq 482 tullialu.**

**Kommunini atorfeqartitaasut akissarsiaannik aqutsineq. (J.nr. 11.73.-20.10/057-02)**

K Kommunimut 18. juli 2005-imi imatut allappunga:

"Kommunimut 21. december 2004-mi ilaatigut imatut allappunga:

"Apeqqut kinguleruttoq tassaavoq kommunip A-mut akissarsisitsinera akissarsisitsinertut 08/00-itut taaneqartoq eqqortuunersoq, kiisalu A naatsorsuinerit akissarsisitsinermut tassunga tunngaviusut misissornissaannut periarfissaqarsimnersoq.

Naatsorsuutigaara kommunip akissarsitsineq taanna nammineq suliniuteqarnermigut naatsorsoqqissagaa, kommunilu naatsorsueqqinneq taanna pillugu A-mut nasuiaateqassasoq, kiisalu kommunip Ombudsmandi tamatuma kingornatigut qanoq iliuseqarsimanerminik ilisimatissagaa."

Kommunip sulisoqarnermut pisortaa allaffinni 14. februar 2005-imi ataatsimeeqatigaara, taannalu taamani neriorsuivoq qulaani taaneqartut akineqassasut.

Taamaattumik kommunimut ulloq taanna allappunga Ombudsmandip suliami inassuteqaataanut kommunip malitseqartitsiviginninnera pillugu piffissap sivikinernerusup ingerlanerani ilisimatinneqarnissara naatsorsuutigigiga.

Kommunimilli suli tusagaqanngilanga, taamaattumillu suliaq eqqaasitsissutigeqqippara.

Kommunimut tamatumunga peqatigitillugu malugeqqullugu oqaatigaara kommunip uannut akissuteqarnissaa suliamik inaarsaallunga suliarinnissinnaannut tunngaviusooq. Taamaalillunga kommunimit tusagaqanngikkuma kommuni eqqarsaatigalugu suliannik ingerlatsisinnaananga Inatsisartut Inatsisit Atortinneqarnerannut Ataatsimiititaliaannut nalunaarutigisariaqalissavara. Taamatut pisoqarpat tamatumunnga peqatigitillugu Naalakkersuisut kommuninik nakkutilliinermi oqartussaususut nalunaarfiginiarpakka kommunip saaffiginnissutinnut akissuteqarnissaminut pisussaaffini eqqortinngikkaa.

Allakkat ukua assilinerat A-mut nassiuppara."

Kommunimut 1. november 2005-imi imatut allappunga:

"...

Kommunimit suli tusagaqanngilanga.

Isumaqarpunga pissutsit pillugit Inatsisartut Inatsisit Atortinneqarnerannut Ataatsimiititaliaannut aamma Naalakkersuisunut (kommuninik nakkutilliisunut) nalunaaruteqannginninni A-p kommunimi borgmesteritut qinigaasimanera tunngavigalugu kommunalbestyrelsip suliami naliliinissaminut periarfissinneqarnissaa eqqornerpaassasoq.

Taamaattumik kommunalbestyrelsi qinnuigaara suliap suliarineqarnerani peqataasinnaassuseqarneq eqqarsaatigalugu ajornartorsiutaalersimasooq tunngavigalugu inassuteqaatima qanoq suliarineqarnissaa naliliiffigeqqullugu."

**2004-mi ukiumoortumik nalunaarut, immikkoortoq 7, qupperneq 484 tullialu.**

**Kommunit allaffissianik assigiissaakkanik akiliitsiniartarnermi atui-  
nerannik Akileraartarnermi Pisortaqarfiup nakkutilliinera. (J.nr. 11.-  
73.49.30/012-02)**

Akileraarnermi Pisortaqarfimmut 12. juli 2005-imi imatut allappunga:

"Pisassarisanik Namminersorerullutik Oqartussat inatsisiliaat tunngavigalugit pinngitsaaliinikkut naamassinninniarfigineqarsinnaasunik akiliitsiniarnermi kia pinngitsaaliilluni akiliitsiniarnermi oqartussaananik ajornartorsiutip qulaajarneqarnissaanut Justitsministereqarfiup akissutaa suli utaqqimaariga pisortaqarfimmut ... kingullermik ilisimatitsissutigaaara.

Ministereqarfiup akissutaanik suli tigusaqanngilanga, paasinninneralu unaavoq immersugassanik assigiissaartunik oqaasertalersugaasunik misissuina pisinnaati-taaneq pillugu apeqqut isummerfiginagu ingerlateqqikkukku, ajornanngippallu inaarlugu suliarigukku naleqqunnerpaassasoq.

Taamaattumik siunnersuutigaara pisortaqarfiup immersugassaatinu massakkut atornerqartut uannut massakkut nassiutissagai, taamaalillunga oqaaseqaatinnik taakku tunngavigalugit saqqummiussisinnaassagama."

Pisortaqarfiup immersugassaatai e-mailikkut nassiunneqartut 22. august 2005-imi tiguakka.

Pisortaqarfimmut tamatuma kingornatigut 11. oktober 2005-imi imatut allappunga:

"Immersugassat pisortaqarfiup e-mailikkut 22. august 2005-imi [uannut nassius-sai] massakkut misissoreersimalerpakka.

Immersugassat immikkuualuttulersugaanerusumik misissulersinnagit pisortaqar-fik qinnuigaara apeqqutit ataatsimut tunngassuteqarnerusut misissuinnini malugeq-qaarsimassakka pillugit nassuiaateqaqqullugu.

Siullertut malugaara immersugassat ilaannaat oqaatsinut marlunnut naqitan-ngorlugit pisimagikka. Taamaalillunga immersugassat ilaat qallunaatuinnaq oqaasertallit tiguakka, taamatuttaarlu immersugassat ilaat kalaallisuinnaq oqaasertallit aamma tiguakka.

Immersugassat pineqartut assilineri ilanngullugit nassiuupakka.

Pisortaqarfik qinnuigaara immersugassat taakku oqaatsinut pineqartunut nut-serneqarneri pisortaqarfiup piginerai nalunaarutigeqqullugu, taamaappallu pisor-taqarfik qinnuigaara taakku nutserneri uannut nassiatequllugit.

Aappaattut pineqartoq tassaavoq immersugassat kalaallisut qallunaatullu oqaasertaqartut ilaanni kalaallisut qallunaatullu oqaasertaliunneqartut imminnut naaper-tuuttuunnginnerat pillugu pisortaqarfimmut erseqqinnerusunik kingusinnerusukkut apeqquteqaateqarnissara pisortaqarfiup naatsorsuutigisariaqaraa.

Taamaattumik pisortaqarfik aamma qinnuigaara immersugassat kalaallisut ima-luunniit qallunaatut oqaasertalersorneqarnerannik oqartussaasut suut isumaginnissi-manerat misissuisimanerallu pillugu nassuiaateqaqqullugu."

Pisortaqarfiup oqarasuaatikku 8. november 2005-imi nalunaarfigaanga akineqarnissara aatsaat 2006-imi januarip ingerlanerani naatsorsuutigisinaagiga. Pisortaqarfiup tamatumunnga peqatigitillugu oqaatigaa immersu-gassat ilaasa qallunaatuinnaq oqaasertalerlugit pigineqarnerannut pissutaa-



soq tassaasoq immersugassat pineqartut Danmarkimi oqartussaasunut atu-gassatut naatsorsuussaananerat.

**2004-mi ukiumoortumik nalunaarut, immikkoortoq 7, qupperneq 485 tullialu.**

**Isумаqatigiissut naapertorlugu atorfeqartitamik soraarsitsineq. (J.nr. 11.73.21.01/101-98)**

Kommunip suliami akissuteqarnissaa allakkani 31. januar 2005-imeersuni, 15. juli 2005-imeersuni aamma 5. oktober 2005-imeersuni eqqaasit-sissutigaaara.

Kommunip akissutaa imaattoq 22. november 2005-imi tiguara:

"Kommunip suliani sulisunut tunngasuni periaasia pillugu oqaaseqaatinut saq-qummiunneqartunut matumuuna akissuteqartoqassaaq.

Siullertut kommunip inunnut ataasiakkaanut isumaqatigiissutit tunngavigalugit siunissami atorfinitsitsisarnissani atorfeqartitaanerup unitsinneqarnera pillugu atu-gassarititaasunik aalajangersaasalerniarpoq, atorfeqartitaasoq sulisitsisorlu eqqar-saatigalugit nalornisoortoqartaqqunagu.

Atorfinitsitsineq pillugu allakkat assilineri peqatigiiffinnut atorfeqartitaasut ilaa-sortaaffigisaannut siunissami nassiunneqartarunnaassapput.

Naggataatigut nalunaarutigineqassaaq atorfeqarnermut tunngasunik unioqqu-titsinermut atatillugu kommunimi suliat ataasiakkaarlugit naliliisoqartalissasoq, suliallu ataasiakkaat qanoq ittuussusii tunngavigalugit oqaasiinnartigut allakkatigul-luunniit mianersoqqusisoqassanersoq kiisalu atorfeqarnermut tunngasut ima sakkor-tutigisumik unioqquatinneqarsimanersut allaat ilimasaareqqaarnani qinnuteqaataan-gitsumik soraarsitsisoqassanersoq naliliisoqartalissasoq. Taakkulu eqqarsaatigalu-git atorfeqartitaasut suliat pillugit oqaaseqaatissaqarunik oqaaseqaateqarnissamin-nut tamatigut periarfissinneqartarput, tassa imaappoq mianersoqqussutit soraar-sitsinerulluunniit atuutilinnginerani suliami illua'tungiusup isumaanik tusarniaaso-qartarpoq." (Atorfeqarfimmi nutsigaavoq)

Kommunip allagai ukiup nalunaarusiuunneqartup naanerani sulii akin-ngilakka.

**2004-mi ukiumoortumik nalunaarut, immikkoortoq 7, qupperneq 489.**

**Kommunimi sulisumik soraarsitsineq. Suliami illua'tungiusup isu-maanik tusarniaasarneq pillugu malittarisassanik paasinninneq. Su-liap amigartumik paasissutissartalersugaanera tunngavilersugaane-ralu. (J.nr. 11.73.21.01/074-01)**

Kommuni suliamik 31. januar 2005-imi eqqaaseqqippara, tamatumun-galu peqatigillugu malugeqqullugu oqaatigalugu kommuni uannut akis-

suteqanngiinnarpat tamatuma Inatsisartunut aamma Naalackersuisunut nalunaarutiginnissaa isumaliutersuutiginiariga.

Kommunip sulisoqarnermut pisortaanik uanga allaffinni 14. februar 2005-imi ataatsimeeqateqarninni sulisunut pisortap oqaatigaa suliami piffissap sivikinnerusup iluani akissutisinissara naatsorsuutigisinnaagiga.

Pineqartup pigisaanut toqukkut qimataanut allakkat assilinerat kommunimit 15. marts 2005-imi tiguara, kommunillu tassani neqeroorutigaa qaammatini pingasuni akissarsianut naapertuuttunik tunniussinikkut suliaq inaarlugu suliariumallugu.

Kommuni tamatuma kingornatigut allakkatigut 14. juli 2005-imeersutigut nalunaarfigaara suliami annertunerusumik iliuseqaqqinniannigitsunga.

#### **2004-mi ukiumoortumik nalunaarut, immikkoortoq 7, qupperneq 497 tullialu.**

#### **Kommunip akiliisitsiniartartumik atorfinitsitsisimanginnera. (J.nr. 11.73.49.30/069-00)**

Kommunip saaffiginnissutinnut akissuteqarsimanginnera Inatsisartunut aamma Naalackersuisunut allakkatigut 31. januar 2005-imeersutigut nalunaarutigaara.

Kommunimut 15. februar 2005-imi imatut allappunga:

"Kommunip saaffiginnissutinnut akissuteqartarsimanginneranik Inatsisartut Inatsisit Atortinneqarnerannut Ataatsimiititaliaannut aamma Kalaallit Nunaanni Naalackersuisunut nalunaarutiginninninnut 31. januar 2005-imeersunut, kommunimut aamma ilisimatitsissutigisannut uiggiullugu kommunip sulisoqarnermut pisortaa inatsisilerinermi pisortannit allaffinni 14. februar 2005-imi ataatsimeeqatigineqarnermini neriorsuisimavoq inassuteqaatima massakkut akineqarnissaa isumagi-niarini.

Taamaattumik inassuteqaatiga kommunip ullumikkumiit sapaatit akunneri arfinillit qaangiutsinnagit akissagaa naatsorsuutigaara.

Kommunip suliami akissuteqarnissamut pisussaaffeqarnini eqqortissimaneraa Inatsisit Atortinneqarnerannut Ataatsimiititaliamut aamma Nakkutilliisoqarfimmut tamatuma kingornatigut piaarnerpaamik ilisimatitsissutigiumaarpara."

Kommunimi akiliisitsiniartarfiup pisortaata oqarasuaatikkut 19. april 2005-imi attaveqarfigaanga, oqarfigalungalu oqaaseqaatiga (6. juni 2002-meersoq) kommunip pigiunnaarsimagaa, taamaattumillu taanna nassuteq-qippara.

Kommunimut 5. oktober 2005-imi imatut allappunga:

"...

Ombudsmandi ... kommunimit tusagaqanngilaq, taamaattumillu oqaatigaara:

Ombudsmandip inassuteqaataani kommunip suli akissutigeqarfingngissaani pineqartoq tassaavoq kommunip akiliisitsiniarnermik suliaqarnermi pissutsini eqqartuussisarneq pillugu inatsimmi aalajangersaavigineqarsimanningsuni isumaqatigiissutinik atuinini killilersimaassagaa, akiitsunillu naafferartumik akilersuisinisamat aalajangersaaneq pillugu apeqqutit suliarineqarnerat kommunip pinngitsaaliilluni akiliisitsiniartartumut suliassanngortinnagu allamut suliassanngortittassagaa.

Inassuteqaat imaattumik tunngavilersorneqarpoq, tassalu pingitsaaliilluni akiliisitsiniartartup sulinerata eqqartuussisarneq pillugu inatsimmik, inatsisinillu allanik eqqartuussisarneq pillugu inatsimmi malittarisassanik atuuttunik tunngaveqarluni pinngitsaaliilluni akiliisitsiniartarnermut tunngavissaliisunik, tunngaveqarneranik. Taamaalilluni akiitsut naafferartumik akilersorneqarmissaannik aalajangersaaneq pillugu apeqqutit aalajangiiffiginissaat pinngitsaaliilluni akiliisitsiniartartup suliassaasa avataanniippoq.

Ombudsmandip qinnutigisai kommunip sapaatit akunnerisa arfinillit iluanni isummerfigingippagit kommunip akissuteqannginnera Ombudsmandip Inatsisartunut aamma Naalakkersuisunut (kommuninik nakkutilliinermi oqartussaasunut) nalunaarutigeqqissagaa kommunip naatsorsuutigisariaqarjaa."

Kommunip akissutaa imaattoq 15. november 2005-imi tiguara:

"K Kommunimi akiliisitsiniartarfik massakkut pisortaqanngilaq, piffissallu ilaani ... attartorsimallugu. Pineqartoq maanikkaangat suliassaq unaasarpoq akissarsianit unerartitsineq aqutigalugu akiliisitsiniarneq, imaangitsoq isumaqatigiissuteqarniarneq.

Isumaga unaavoq isumaqatigiinniarnissaq pisariaqalerpat uanga nammineq isumaqatigiinniuteqartassasunga.

Siusinnerusukkut qanoq issimanersoq naluara. Ukioq manna septemberip qeqqaaniit atorfeqartitaalersimavunga." (Atorfeqarfimmi nutsigaavoq)

Suliaq kommunimut allakkatigut imaattutigut 12. december 2005-imeersutigut inaarlugu suliaara:

"Akiliisitsiniarnerup suliarineqarnerata piareersarneqartarnera pillugu inassuteqaatinnut kommunip akissutaa 1. november 2005-imeersoq 15. november 2005-imi tiguara.

Kommunip akissutaa imatut paasivara pinngitsaaliilluni akiliisitsiniarneq pinngitsaaliilluni akiliisitsiniartartumit ingerlanneqartartoq, akiitsulli naafferartumik akilersorneqarmissaannik innuttaasunut isumaqatigiissuteqartoqassappat tamanna kommunimi aningaasaqarnermut pisortamut isumaqatigiinniutigineqarniartoq.

Suliami matuma kingornatigut annertunerusumik iliuuseqarqissanngilanga."

**2004-mi ukiumoortumik nalunaarut, immikkoortoq 7, qupperneq 498.**

**Napparsimasunut tarnimikkut nappaatilinnut eqqartuunneqarnermikkut inissinneqarsimasunut tunngasumik Namminersornerullutik Oqartussat kommunillu akisussaaffeqarnerat pisinnaatitaanerallu. (J.nr. 11.73.01/96)**

Naalakkersuisunut 17. juni 2005-imi imatut allappunga:

"Ilaqutariinnermut Pisortaqarfiup tarnimikkut napparsimasut eqqartuussaasimasut naammassillugit katsorsarneqarsimasut Danmarkimit angerlartinneqarnissaannut suleqatigiissitaliap nalunaarusiaa pillugu Naalakkersuisut isummernissaannut tunngavissiaa pisortaqarfimmit tassannga 25. november 2004-mi tiguara.

Naalakkersuisut tamatumunnga atatillugu qinnuigaakka nalunaarusiami kaammattuutit malinneqarnissaat Naalakkersuisut suliniutigisimaneraat nalunaarutigeqqullugu, matumani kaammattuutit Naalakkersuisut peqataanissaannik tunngaveqartut Inatsisartunut saqqummiunneqarniarnersut, taamaattoqarpallu qaqugu taamaaliortoqassanersoq ilanngullugit eqqarsaatigalugit."

Naalakkersuisunut 12. oktober 2005-imi imatut allappunga:

"Naalakkersuisut allakkani 17. juni 2005-imeersuni qinnuigaakka tarnimikkut napparsimasut naammassillugit katsorsarneqarsimasut Danmarkimit angerlartinneqarnissaannut suleqatigiissitaliap nalunaarusiaani kaammattuutit malinniarlugit Naalakkersuisut suliniuteqarsimanersut ilisimateqqullunga.

Naalakkersuisut tamatumunnga atatillugu qinnuigaakka kaammattuutit Naalakkersuisut peqataanissaannik piumasaqaateqarfiusut Inatsisartunut qaqugu saqqummiunneqarnissaat naatsorsuutigineqarsinnaanersoq ilisimateqqullunga.

Naalakkersuisut allakkani 24. juni 2005-imeersuni nalunaarfigaannga saaffiginissutigaa Ilaqutariinnermut Pisortaqarfimmut nassiuunneqarsimasooq.

Folketingip Ombudsmandiata allakkatigut 5. august 2005-imeersutigut ilisimatippaanga suleqatigiissitaliap kaammattuutaasa malitseqartitsivigineqarnissaat siunertaralugu suliniutit suut Ilaqutariinnermut Pisortaqarfiup aallartisarsimagai sulinermillu piffissaliunneqartoq Naalakkersuisut Allattoqarfiata Statsministereqarfimmut allakkani 5. juli 2005-imeersuni nassuiarsimagai.

Folketingip Ombudsmandiata ilassutitut oqaatigaa Statsministereqarfiup Folkeetingip Ombudsmandianut allakkani 4. august 2005-imeersuni oqaatigisimagaa suliaq Atlantikup Avannaani ataatsimiititaliamit 2005-imi augustip qiteqqunnerani oqaluuserineqarnissaa naatsorsuutigineqartoq.

Tamatuma kingornatigut suliap ingerlaqqinneranik ilisimatinneqanngilanga.

Naalakkersuisut tamanna tunngavigalugu qinnuigaakka suleqatigiissitaliap kaammattuutai naammassiniarlugit suliniutinut Naalakkersuisut Statsministereqarfimmut allagaani piffissaliunneqartut oqaatigineqartoq suli atuuttuunersoq, aamma Atlantikup Avannaani ataatsimiititaliap ataatsimiinnera nalunaarusiamut malitseqartitsinermik suliami Naalakkersuisut tungaannit suliniutinik nutaanik allanngortitanilluunniit nassataqarnersoq nassuiaqqullugu."

Ilaqutariinnermut Inatsisinillu Atortitsinermut Naalakkersuisup akissutaa imaattoq 31. oktober 2005-imi tiguara:

"Allakkatigut 17.06.2005-imeersutigut Ombudsmandip Naalakkersuisut qinnuigai kalaallit pinerluuteqarsimanertik tunngavigalugu tarnimikkut misissortittut naammassillugit suliarineqartut Danmarkimit angerlartittarnerat pillugu suleqatigiissitanit nalunaarusiami innersuussutit malillugit Naalakkersuisut qanoq suliniuteqarsimanersut ilisimatitsissuteqaqqullugit, ilanngullugu taama pisoqarsimappat innersuussutit Inatsisartut peqataanissaannut tunngaviusut qaqugu Inatsisartunut saqqummiunneqarnissaat naatsorsuutigineqarsinnaanersoq.

Oqaatigisinnaavara pinerluuteqarsimanertik tunngavigalugu tarnimikut naammassillugit misissortittut Danmarkimit angerlartittarnerat pillugu nassuiaat Naalakkersuisut 2005-imi upernaakkut ataatsimiinnermi Inatsisartunut tunniukkaat. Nas-

suaat Inatsisartunut ilaasortanut agguanneqarpoq oqaluserisassanilu ilaatinneqarani.

Aamma oqaatigisinnaavara suleqatigiissitap siunnersuutaasa innersuussutaasalu Ilaqutariinnermut Pisortaqarfiup malinnaaffigisaasa killiffii makkuummata:

Angerlartitsisarnermi "najoqutassatut" mappersagaaraliornissamik innersuussut mappersagaaraliaq missingersuutitut pigineqarpoq Ilaqutariinnermullu Pisortaqarfiup nutaamik aqqissuunnissaata tungaanut utaqqissunneqarluni. Mappersagaaraq 2005-imi ukiap ingerlanerani naammassissangatinnegarpoq.

Sungiusarfik Aaqami atorfilittut akuerisaasut amerlassusilernissaannik innersuussut. Aaqami najugallit amerlassusiinut naleqqussakkamik oqimaalutarneqartumillu 2005-p aallartinnerani Sungiusarfik Aaqami immikkoortortap nutaap pilersinnerani innersuussut piviusunngortinneqarpoq immikkoortortaqarfillu tarnikkut misissortittunut 5-nut inissaqarluni.

Inunnut annertuumik innarluutilinnut ikiorsiisarneq pillugu peqqussutip allanngortinnissaanik inatsisissatut siunnersuusiornissamik innersuussut, piffissami killikkami inimi paarnaqqasumi inuk "mattusimaneqarsinnaanngortillugu".

Innersuussut taanna inunnut annertuumik innarluutilinnut ikiorsiisarneq pillugu Inatsisartut peqqussutissaattut nutaattut siunnersuusiogqaarnissami ilanngunneqassaaq, taannalu 2006-imi Inatsisartunut saqqummiunneqassamaarpoq.

Pinerluuteqarsimaneq tunngavigalugu tarnikkut misissortittunut inuttut tulaavittut ikiortit aammalu sulisut ilinniagallit pikkorissartinnissaannik kiisalu inuttut tulaavittut ikiortit ataqatigiissaarfiginissaannut siunnersuisarnermik ilinniartitseqqinnissamik innersuussutit.

Pikkorissartitsinissamik ilinniartitseqqinnissamillu suliat nanginnissaat Ilaqutariinnermut Pisortaqarfimmit tunniunneqarput Kultureqarnermut, Ilinniartitaaneremut, Ilisimatusarnermut Ilageeqarnermullu Pisortaqarfimmut, taakku aningaasalersornissaat ilanngullugu. Pikkorissartitsinissat ilinniartitseqqinnissallu atuartitsinissamat pilersaarutip, Naalakkersuisut 2006-imi ukiunilu aningaasaliiffiusuni tullit-tuni ilinniartitaanikkut immikkut ittumik suliniuteqarnerannik nassuiaataasup, piviusunngortinnerani tulleriaarinernut ilanngunneqassapput.

Pinerluuteqarsimaneq tunngavigalugu tarnikkut misissortittut saniatigut suliaqartilersinnaanerisa nalilersornissaannik innersuussut.

Innarluutilinnut inatsisit malillugit kommuni pisussaataaavoq inunnik innarluutilinnik namminneq angerlarsimaffimmini najugalinnut sammisasaqartitsinissap, suliffeqartitsinissap suliniuteqarnissallu isumaginissaanut. Ilaqutariinneermut Pisortaqarfik inersimasunut innarluutilinnut ulloq unnuarlu paaqqutarinniffinni najugalinnut taassuma assinganik pisussaaffeqarpoq.

Pinerluuteqarsimanertik tunngavigalugu tarnikkut misissortittunut ulloq unnuarlu paaqqutarinniffinni najugalinnut saniatigut suliaqartitsiniarsinnaanerit nalilersornissaannik suliaq Ilaqutariinnermut Pisortaqarfiup ulloq unnuarlu paaqqinniffinnut immikkoortortaanut inissinneqarpoq.

Pinerluuteqarsimanertik tunngavigalugu tarnikkut misissortittunut namminneq angerlarsimafilinnut saniatigut suliaqartitsiniarsinnaanerit nalilersornissaannik suliaq kommunit akisussaaffigaat.

Tassa pinerluuteqarsimaneq tunngavigalugu tarnikkut Danmarkimi naammassilugit misissortittut angerlartinnissaat pillugu suleqatigiissitanit siunnersuutit innersuussutillu maanna Ilaqutariinnermut Pisortaqarfimmit malinnaavigineqaruttulerput oqartussaaffeqarfiit taakkununga attuumassutillit suleqatigalugit."

Ilaqutariinnermut Pisortaqarfimmut 17. november 2005-imi imatut allappunga:

"Tarnimikkut napparsimasut eqqartuussaantertik tunngavigalugu inissinneqarsimasut naamassillugit katsorsarneqarsimasut Danmarkimit angerlatsinneqarnissaat pillugu Naalakkersuisut suleqatigiissitaliaata nalunaarusiaanut maj 2004-meersumut Naalakkersuisut malitseqartitsinerat pillugu apeqqutigisannut Ilaqutariinnermut Pisortaqarfiup akissutaa 26. august 2005-imeersoq 31. oktober 2005-imi tiguara.

Pisortaqarfik oqarpoq suleqatigiissitaliap nalunaarusiaa Naalakkersuisunit tusaatissatut tigupeqartoq, nalunaarusiarlu pillugu nassuiaat Naalakkersuisullu tamatumunnga isummernerat Inatsisartut 2005-imi upernaakkut ataatsimiinneranni ilisimatitsissutitut Naalakkersuisut agguaaassimagaat.

Aammattaaq pisortaqarfiup akissutaanit erserpoq angerlartitsinermi periaasissamut "najoqqutassiap" suliarineqarnissaanik, Sungiusarfik Aaqami sulisut amerlasusuligaanerat pillugu aamma tapersersortitut ikiortit ilinniagallillu pikkorissarneqarnissaanik suleqatigiissitaliap kaammattuutai naapertorlugit Naalakkersuisut suliniutinik aallartitsisimasut.

Tamatuma saniatigut Inatsisartut 2006-imi upernaakkut ataatsimiinneranni inunik annertuumik innarluutilinnik ikiorsiisarneq pillugu peqqussutip allannguutisaanik siunnersuummik nutaamik inuit inini parnaaqqasuni "illersugaasumik" matsumaneqarnissaannut periarfissat pillugit malittarisassanik imaqartumik Naalakkersuisut saqqummiussinissaat pisortaqarfiup naatsorsuutigaa.

Qulaani taaneqartut tusaatissatut tiguakka, tassungalu tunngatillugu annertunerusumik iliuuseqaqqissananga.

Aammattaaq nassuiaammi Inatsisartunut agguanneqartumi makku ersertut malugaakka:

"Aammattaaq suleqatigiissitaliaamut suliaakkiissut malillugu "ukiut tallimat tulliuttut (2005-imit 2009-mut) taakkulu kingornatigut ukiut tallimat tulliuttut (2010-2014) iluanni pisariaqartitat matussuserniarlugit suliniutit pisariaqartut" allaaserinissaat suleqatigiissitaliap suliaassaraa."

Suleqatigiissitaliaq naliliivoq siunnersuutip ataani taaneqartup suleqatigiissitaliaamut suliaakkiissut tunngavigalugu siunertaa eqqortikkaa: "... tarnimikkut napparsimasut eqqartuunneqarnermikkut Danmarkimi katsorsagassanngorsimasut naamassillugit katsorsarneqarsimasut angerlartinneqarnerinut atatillugu Kalaallit Nunaanni oqartussaasut suliaassaasa qanoq naammassineqarnissaat pillugu siunnersuusiorinissaq, taamaalillutik inuit taakku naammassineqartumik katsorsarneqarnermik kingornatigut inuiaqatigiinnut kalaallinut uternissaminnut naleqquttumik torersumillu tunngavissaat qulakkeerneqarsinnaaqqullugu."

Tamanna pillugu oqaatigaara, soorlu Naalakkersuisunut allakkanni 18. december 2002-meersuni, 24. april 2003-meersuni aamma 10. oktober 2003-meersuni aamma oqaatigereersimagiga ajornartorsiummik uanga naliliinera malillugu tarnikkut napparsimasut eqqartuussaantertik tunngavigalugu Danmarkimi inissinneqarsimasut pisariaqarneranit sivilisunerusumik napparsimmavimmi uninngatinneqartassannginnerat, Kalaallit Nunaanni tigooraavissatut atugassanik pilersitsisoqaannassannginnera, aammali inatsisitigut tunngavigisassamik, tarnikkut napparsimasut eqqartuussaantertik tunngavigalugu inissinneqarsimasut angerlartinneqartussatut naleqquttut tiguinissaannut Kalaallit Nunaanni oqartussaasut sutigut akisussaaffeqarnerannik allaaserinnittumik, pilersitsisoqassanera Naalagaaffeqatigiinnerup pingaarnertut akisussaaffigai.

Tamanna tunngavigalugu inatsisitigut tunngavigisassap taamaattup pilersinnisaanut Naalakkersuisut qanoq iliuuseqalersaarnersut ilisimateqqullunga Naalakkersuisut qinniugaakka."

Ukiup nalunaarusiuunneqartup naanerani Naalakkersuisunit sulii tisa-  
gaqanngilanga.



## Oqaatsinik ujarliutit

### AA

Aalajangerneq 207

Aalajangerneqartup sunniutaanik atuutsitsinngikkallarneq 232ff

Aalajangiineq 17, 52, 114, 130f, 171ff, 195ff, 233ff, 254, 281ff

Aalajangiinermik oqartarneq 128ff, 200, 263ff

Aalajangiinissamut pisinnaatitaaneq 173, 263ff, 272ff

### A

Aggeqquisissut 360,365

Akerliliissutit 31

Akiitsoqartunik qarasaasiakkut nalunaarsuiffik 43

Akiitsut 211, 232ff

Akilersuinissamik isumaqatigiissut 57

Akileraarutit erniaat 207ff

Akiligassanngortut amiakkui 37, 268ff

Akiliisitsiniarneq 232ff, 344ff, 373ff

Akissarsianit ilanngaassineq 32, 44, 51, 380

Akissarsianit unerartitsineq 44ff, 353ff, 360

Akitsuutip ilaata kinguartikkallarneqartup tamakkerluni akilerneqar-  
nera 115

Akitsuutit 114

Aktiaateqarluni piginneqatigiiffik 33

Akuersineq 32

Akuersissutit 148f

Allagaateqarfeqarneq 39, 43, 56, 306ff

Allattoqarfik 62, 172

Allattuisussaatitaaneq/allakkiortussaatitaaneq 319f, 357f, 361f

Allatut pineqarneq 217ff

Aningaasalersuinnermut tapersiissutit 118ff

Annertussusileriikkanik ikiorsiissutit 15, 72ff

Aqutsinnermut piginnaatitsissut 36

A/S Inissiaatileqatigiiffik INI 14, 248ff, 253ff, 268ff

Assigiimmik pineqarnissamik tunngavik 219

Assigiinngiissuteqarneq 30

Assigiiartumik tunngaveqarneq 41

Atorfinitsitsineq 29, 248ff,431

Atorfinitsitsinermi allakkiaq 31, 50

Attartortitsineq 30, 253ff

Attuumassuteqannginneq 9

Atuisartut/pisisartut 17, 159ff

Ataatsimimoorlutik oqartussaasut 173

E

Efterskole 280 ff  
Eqqarsaatigisassat/isiginiagassat 148, 169, 289, 420  
Eqqartuussivikkoortumik suliassiissutiginnineq 232 ff  
Eqqussuinermi akitsuutit 114 ff  
Eqqaasitseriaaseq 61ff, 72ff, 317ff  
Erseqqarluttoq 290

I

Ilangaassineq 183, 208ff, 244ff, 353  
Ilatsiinnarneq 366  
Ilimasaarut 85  
Ilisimatitsineq 82  
Ilitersuineq 11, 107ff, 404f  
Illuliornermut taarsigassarsiat 37  
Ilaasortat aalajangiinnaassuseqassagunik qassiunissaannik piimasaqaat 173  
Immikkoortisimatitsineq 289  
Immikkoortutut nammineersinnaassuseqartoq 129, 368  
Immikkut akuersissuteqarneq 114ff, 398f, 421f  
Immikkut isiginiaqqusaq 118ff  
Inassuteqaat 8, 18, 72ff, 135, 171, 225, 265, 280ff, 377, 418, 429  
Inatsimmi tunngavigisaq 18, 37, 114ff, 121, 139, 168ff, 275 ff, 280ff, 354, 398, 414  
Inatsisartunut ilaasortat 33  
Inatsisartut 33  
Inatsiseqartitsinermi oqartussaasoq 242  
Inatsisitigut akuerineqartumik piimasaqarneq 117  
Inatsiseqartitsinikkut isumannaallisaavigineqarneq 273ff  
Inatsisitigut tunngavik 116, 244, 272ff, 302  
Inatsit tunngavigalugu aningaasartuutit 289  
Inatsit tunngavigalugu suliassat 260ff  
Ineqarnermut akiliutinik naatsorsuineq 16, 85ff, 417ff  
Ineqarnermut akiliutit 39, 85ff  
Ineqarnermut tapiissutit 15, 388, 423  
Ingerlatsinermi akuersaartumik aalajangiineq 127ff, 308ff, 376ff  
Ingerlatsinermi ileqqorissaarneq 18, 67, 83, 167ff, 191, 322  
Ingerlatsinermik suliaqarnivik 18, 110  
Ingerlatsivimmi aalajangiineq 128  
Inissiaatileqatigiiffik 36f  
Inuussutissarsiornerup iluani suliniaqatigiiffik 30  
Isertuussineq 139  
Isumaginninnermi Naammagittaalliuuteqartarfik 14, 61ff, 72ff  
Isumagisassanngortitsineq 27, 255ff, 268ff

Isumakkeerinninneq 37ff, 114ff,232ff, 268ff, 304ff, 417ff  
Isumaqatigiissutaasumik soraarsitsineq 193ff  
Itigartitsineq 12, 136ff, 193f, 280ff, 371ff, 379f

K

Kanngutsaatsuliorneq 194  
Kinguartitsineq 185, 240  
Kingumoortumik atuutilersoq 217ff  
Kisitsisit atorlugit takussutissiat 11  
Kommunimut tikeraarnerit 7, 10, 394ff  
Kaammattuut 108ff

L

Landskarsi 152

M

Mappi suliame allagaatinik imalik 13, 66ff, 166  
Mianersoqqussut 40ff, 51ff  
Minnerpaaffiliineq pillugu inatsit 158  
Misissuisussaataaneq 101ff, 423f  
Missingersuutit 10

N

Nakkutilliinermi oqartussaq 35  
Nakkutilliinermi pisussaaffik 253ff, 425ff  
Naligiissitsineq 306ff, 345f, 368  
Naliliineq 295ff, 309  
Nalliuttorsiorneq 10  
Nalornissuteqarneq 32  
Nalunaarfiginninneq 8, 230, 265, 298, 317  
Nalunaarut 30, 35  
Namminersornerullutik Oqartussat pigisaat 13, 32  
Nanertuutaasumik sunniuteqartumik kinguneqartitsineq 292  
Nassuiaat 31  
Neriorsuut 179  
Nipangiussisussaataaneq 193ff  
Nukingisaarutitut allakkat 82ff  
Nutserisoqarfik 78  
Naalagaaffimmi oqartussat 13, 28  
Naammagittaalliorfissaq 49f, 141  
Naammagittaalliornissamut piffissaliussaq 49f  
Naammagittaalliornissamut periarfissamik ilitsersuineq 281ff, 295ff,300  
Naammagittaalliornissamut periarfissaq 49f, 140, 254, 295ff, 388  
Naammagittaalliorsinnaatitaasoq 130

Naatsorsuutit 10

O

Ombudsmandimut taartaasartog 8, 31

Ombudsmandit ataatsimiinnerat 8

Oqartussaq qulliunerusutut naammagittaalliorfissaq 101f, 130, 137

Oqartussaasumut qulliunerusumut naammagittaalliorneq 27, 36f, 253ff, 294, 384ff

Oqartussaasup paasissutissartalersuinissaanik tunngavik 294

Oqartussaasup suliassai 253ff

Oqartussaasup suliassaniittoq 254ff

Oqaasertaliussat 287ff

P

Peqqinnissaq 16, 29

Periaatsimik allanngueq 207ff

Piffissaq suliap sularineqarneranut atorneqartog 13, 18, 61ff, 72ff, 118ff, 159ff, 304ff, 399ff

Piginnaangorsaaqqinnermik misililneq 27, 322ff

Piginnaatitsineq 289ff

Piginnaatitsissut 177ff

Pineqaatissiinerit 193ff

Pinngitsaaliilluni akiliisitsiniarneq 57f, 232ff, 357ff

Pisinnaatitaaneq 8, 17, 33, 136ff, 243, 253ff, 295ff, 378f, 382f, 425ff, 433f

Pisoqalisoorneq 13, 366

Pisortat suliffeqarfiutaat 140f

Pisussaaffiit 193ff

Piumasaqaatit assigiiaartunik oqaasertalersugaasut 118ff

Paasissutissanik ingerlatitseqqinneq 157,203f

Paasitinneqarsinnaatitaaneq 18, 28, 136ff, 379

Q

Qaammammut suliffiusimasunik naatsorsuiffiit 32

Qanoq paasinninnissamik nassuiaaneq 27, 263, 274

Qinnuteqaat 36f, 114ff, 127ff, 232ff, 268ff, 280ff, 304ff, 371 ff, 379, 388

Qularnaveeqqutitut arsaarinninneq 235ff

Qullersareqatigiinneq 235ff

S

Siunnersuineq 109ff

Siusinaartumik soraarnerussutisiat 14, 27, 232ff, 304ff, 341ff

Soraarnerussutisiat 15, 27, 232ff, 376ff

Soraarsitsineq 16, 41, 53ff, 193ff, 382, 431f

Suleqateqarneq 10  
Suleqatigiinnermi ajornartorsiutit 40 ff  
Suliami allagaatit 61ff, 72, 136ff, 141, 181, 200, 304ff  
Suliami illua'tungiusumik oqartarneq 128ff  
Suliami illua'tungiusup isumaanik tusarniaaneq 48, 51f, 118ff, 304f, 397  
Suliami illua'tungiusup isumaanik tusarniaanermi immersugassaq 40f  
Suliami illua'tungiusup sinniisaa 148  
Suliami illua'tungiusutut inissisimaneq 129, 380  
Suliami qarasaasiakkut allattuiffiit 39  
Suliamik suliarinneqqilerneq 221, 289, 376  
Sulianik paasissutissartalersuineq 101, 294, 394, 431  
Sulianik suliarinneriaatsit 67, 283ff  
Sulianik uppersaasersuineq 47f, 57f, 304ff, 319, 418  
Suliaq akiliisitsiniarnermut tunngasoq 43ff, 55ff  
Suliaq nukinginnartoq 64  
Suliarinninnermi peqataasinnaatitaannginneq 8, 13  
Suliat nammineerluni misissuiffigisat 12, 35ff  
Suliat sulisunut tunngasut 31f, 40ff, 50ff  
Sulinermi unioqutitsineq 205  
Sulinermik misiliineq 334ff  
Sulinnigiffeqarnermi akiliunneqarluni angalaneq 36  
Sulisoqarnermik aqutsineq 29  
Sulisunut inissareqqusaq 262  
Sulisunut inissiaq 15, 35, 202, 248, 408ff  
Sulisunut qppersagaq 40  
Suliunnaarsitsineq 195ff

## T

Tapiissutit 152, 268ff, 280  
Tarnikkut napparsimasut eqqartuussaannerikkut inissinneqartut 36  
Taxaateqarneq 114ff  
Tunngavilersuineq 17, 127f, 143, 171ff, 280ff, 295ff, 431f  
Tunngaviusumik inatsit 8  
Tunngaviusumik paasissutissat 32  
Tunngaviusumik pingaarutilik 137, 280ff  
Tunuartitsineq 13, 376f, 403f  
Tusarniaanermut akissut 8f, 107, 156, 251, 275

## U

Unerartitsineq 207ff, 245ff  
Uppersaasersuineq 232, 300  
Utertitsilluni akiliineq 13, 43ff, 45, 49ff, 55ff, 61, ff, 246, 295ff, 348ff  
423













